

BIBLIOTEKA

Zakl. Nar. im. Ossolińskich

XVII

3.280



Lapisan 1835

9436

44

6. 10. 1835. 1835.  
S. 10. 1835. 1835.  
S. 2. 1835. 1835.  
S. 3. 1835. 1835.

Ab eod<sup>m</sup> dono datus Comiti Jo.  
anni Wielopolaki 24. Junij.  
1728.

Iterum ab Eodem qui supra dono  
datus Joanni Kiecynski Parochu Lubiqz  
1742.

LVIII. F. 25



DEMONSTRATIONES  
CATHOLICÆ

Quibus ostenditur  
Lutheranam Ecclesiam  
non esse Apostolicam,  
quia in Essentialibus  
Fidei Articulis a Primitivâ  
Apostolica Ecclesiâ  
dissentit.

AUCTORE

GIULIO CESARE COTIGNO  
Philosophiæ et Juris Doctori  
et Controversiarum Professore.

VERBUM  
DEI  
SCRIPTUM

PARS

VERBUM  
DEI  
TRADITUM

L

MDCCCLXXIII. Christ. Jacobi. Bibliopoli. Wittenberg.



regist

DEMONSTRATIO-  
NES  
CATHOLICÆ

QVIBUS  
OSTENDITVR  
Lutheranam Ecclesi-  
am non esse veram Apostolicam Ec-  
clesiam : quia in Essentialibus Fidei Articulis à  
vera Primitiua Apostolica Ecclesia  
dissentit.

AVCTORE

R. P. IVLIO CÆSARE  
COTVRIO

SOC.<sup>tis</sup> IESV WRATISLAVIÆ  
THEOL: MORAL: ET CONTRO-  
VERS:  
PROFESSORE.

Jerem. VI. v. XVI.

**H**Æc dicit Dominus : State super vias, & videte, & in-  
terrogate de Semitis antiquis; quæ sit via bona, &  
ambulate in ea; & inuenietis refrigerium anima-  
bus vestris.

LESNÆ POL.  
TYPIS WIGANDI FVNCCII.

Anno M. DC. XLI,

2.855



XVII - 3280 - II





Illustri ac Celsissimo Dn.o

Domino

# CAROLO EU- SEBIO

S. R. I. Principi & Gubernatori Do-  
mus de Lichtenstein à Nicolsburg.

In Silesia Oppauia & Carnovia Duci.

S. C. M. in Superiori & Inferiori  
Silesia Supremo Capitano.

**H**umanitatem Tuam mihi paulisper  
interpellare liceat, Princeps Illustrissi-  
me: paruulus hic libellus tamquam  
nouus pugil in arenam processurus, à Te  
postulat Vmbonem. Veritas illum omni furo dicti-  
onis exarmauit, & inuestem in stadium abire iussit;  
ideoq; Aduersariorum calami & linguis oppugna-  
bitur: in eam enim nunc fortunam humana nos per-  
fidia deduxit, vt grauiora nulli, quam Veritati bel-  
la moueantur. Si ergo Patrociniū illi Tuum pol-  
liceris, non amplius inermis erit; sed omni calu-  
mniā robustior, Tuq; favore clypeatus prosiliet in  
campum. Tuos oculos subire metuebat, tenuitatis,  
exiguaq; molis suæ sibi conscius: sed vbi meminit  
haustam utraq; manu lympham, & volā rusticā  
porrectam Regibus olim placuisse, & conciliasse  
sibi Pretores: procul omnem valere metum iussit;



patrociniumq; Tuum auidus ambiuit. idq; duabus  
potissimum de causis.

Ac primò quidem, quod non solum à Gente  
Principali, vetustissimâq; ducas Genus & Magni il-  
lius Caroli sis Filius, qui Bohemici Regni clauum  
moderatus, ejusdem sustinuit cum dignitate maje-  
statem, & impijs molitionibus oppressam ibidem  
Catholicam Religionem, in pristinum splendorem  
& libertatem vindicauit: neq; tantum, quod Ha-  
nor & Fortuna Te ternâ Principum tiarâ coronon-  
tum ad Glorie fastigia prouexerint; & fortunatâ  
conspiratione meritum majora, omni opulentia ho-  
nestissimâ opimitate cumularint Summa quidem  
illa sunt, & in humanis beatissima censenda; præ-  
sertim cum ut præmia Virtuti decernuntur. Ve-  
rùm, quod insuper in Te Christiana Pietas, Reli-  
gio, Prudentia, Fortitudo, Juris æquitas, & Virtu-  
tes omnes cetera Spiritu Principali confirmatæ  
non breuis temporis hospitium, sed domicilium con-  
stans & perenne collocarint; quibus multò quam  
sanguinis & fortunarum gloriâ vel titulis illustrior,  
non Patrias, auitasq; solum, sed & has amplissimas  
Silesiæ Prouincias Supremus Moderator, & Cæsa-  
rum Vicarius feliciter gubernas & illustras; majo-  
ra sunt, sublimiora sunt, quam ut ad illa comple-  
tenda fatigatus, infirmusq; calamus adspiret. pu-  
blica enim Religione, & præconio consecrata Virtus  
(ut veterum nonnemo rectè dixit) priuatâ lauda-  
tione violatur. Quocirca neminem admiratio su-  
bire potest, cur ad Te, Princeps Excelsissime, libellus  
hic Catholicus, & Apostolica Fidei assertor, velus

ad He-

ad Heroem, Principemq; potentissimum, Catholicissimum, & Apostolica Religionis decori pristino restituenda cupidissimum recurrat. Quae quidem causa est aequissima, ut in lucem tandem editus, à glorioso Tuo Namine vel fauorem quarat, vel accipiat Honorem; vel cum utroq; fortissimum Vmbonem.

Altera verò causa est, & ea quidem ex parte nostra sincerissima. ut quem in tanto dignitatum, & gloriae fastigio locatum; tam Regijs animi Virtutibus illustrem; tantâ Fortitudine, Prudentiâ, & aequitate Juris excellentem; in Catholicam Religionem tam constanter; in Minimam verò Societatem JESU tam candidè & humaniter affectum in hac urbe videam, & experior, hoc litterario, religiosoq; dono venerer: ac eidem hoc qualicumq; obsequio affectus nostri, Fortune, ac Virtutum omnium constantiam, Caesarum perennantem gratiam, felicissimam Proninciarum gubernationem, Amorem populorum, & reditum ad nos optatissimum congratuler. id quod hoc libello cupio effectum, perpetuumq; voueo; Diuinitatem comprecatus, ut Celsitudinem Tuam Catholica Religioni, Patrie uniuerse, ac minima Socii. JESU superstitem quàm diutissimè feliciter conseruet. Vratislavia ex Residentia Socii. JESU Cal: Augusti M. DC. XLI.

CELSIT. nis V.

Humillimus in Christo Seruus

JULIUS CÆSAR COTU-  
RIUS S. J.

PRI-



# PRIVILEGIUM CÆSAREUM.



Um Sacræ Cæsareæ Majestatis decreto, omnibus & singulis Typographis ac Bibliopolis & aliis quamcumq; libram negotiationem exercentibus seriò, firmiterque inhibeat, ne quisquam ullos libros à nostris Patribus hæctenus editos, vel in posterum edendos, intra Sacri Romani Imperij, Regnorum & Dominiorum suæ Cæsareæ Majestatis hæreditariorum fines, simili vel alio characteris genere, aut formâ, siue in toto, siue in parte recudere, vel aliò recudendos mittere, aut alibi etiam impressos adducere, vendere & distrahere clam seu palàm, citra judicium ac Testimonium supradictorum Patrum audeat vel præsumat. Concedo ego *Martinus Stredonius* Societis Jesu per Bohemiæ Prouinciam Prouincialis *Christophoro Jacobo* Bibliopolæ Wratislaviensi facultatem excudendi R. P. *Julij Cæsaris Caturij* Societ; nostræ *Demonstrationes Catholicas*, quibus ostenditur *Lutheranam Ecclesiam non esse Apostolicam Ecclesiam* à Deputatis ad id Patribus approbatas. in quorum fide hoc ei Testimonium, manu nostra subscriptum, & sigillo munitum dare volumus. Nis-  
læ 20. Augusti. Anno 1640.

MARTINUS STREDO-  
NIUS.

APPRO-

## APPROBATIO.

**E**GO *Martinus Stredonius* Soc.<sup>tis</sup> **JESU**  
per Bohemiam Præpositus Prouincia-  
lis, potestate ad id mihi factâ ab Adm: R.  
P. N. *Mutio Vitellisco* Præposito Generali,  
facultatem concedo, vt *Demonstrationes*  
*Catholicæ*, quibus ostenditur *Ecclesiam Lu-*  
*theranam non esse Apostolicam Ecclesiam* à P.  
*Julio Cæsare Coturio* ejusdem Soc.<sup>tis</sup> **JESU**  
Sacerdote conscriptæ, & à quatuor Pa-  
tribus Theologis ejusdem Soc.<sup>tis</sup> **JESU**  
lectæ & approbatæ, typis mandentur in-  
quorum Fidem has litteras manu mea  
subscriptas, sigilloq; officij munitas dedi.  
Pragæ 2. Julij Anno 1640.

**MARTINUS STREDO-**  
**NIUS.**





# INDEX Demonstrationum

quæ in hac prima parte  
continentur.

<b>A</b> dmōitio necessaria ad Lectorem.	fol. 1.
Introductio Fundamentalis de vera Ecclesia.	fol. 14.
Pars I. de Qualitatibus vere Ecclesie.	fol. 17.
Pars II. De Notis Vere Ecclesie.	fol. 44.
I. Demonstratio. De Iudice Controversiarum Fi- dei.	fol. 95.
II. Demonstratio. De Verbo Dei scripto.	fol. 123.
III. Demonstratio. De Verbo Dei Tradito.	fol. 149.
IV. Demonstratio. De Transubstantiatione.	fol. 167.
V. Demonstratio. De permanentia Corporis & sanguinis Christi in Eucharistia.	fol. 182.
VI. Demonstratio. De Speciebus SS. Eucharistie.	fol. 194.
VII. Demonstratio. De Sacrificio Missæ.	fol. 229.
VIII. Demonstratio. De Sacerdotio.	fol. 258.
IX. Demonstratio. De Inuocatione Sanctorum.	fol. 288.
X. Demonstratio. De Purgatorio.	fol. 311.
XI. Demonstratio. De Fide Iustificante.	fol. 336.
XII. Demonstratio. De merito bonorum operum.	fol. 366.
Conclusio.	fol. 414.

# ERRATA GRAVIORA


## partis Primæ.

**V**Num Te rogatum Volo, Amice Lector, vt si inter legendum errata quædam à Typographis commissa occurrant (occurent autem plurima) hæc animo non iniquo feras; nam difficile est errata Typographorum omnia corrigere, maximè quæ circa Distinctiones seu interpunctiones committuntur. præcipuorum tamen emendationem hîc addidimus, vt si Syntaxis imperfecta, vel Sensus obscurus videatur, lumen aliquod à Correctura peti possit.


Paginâ 11. lineâ 7. à fine. *Et quid verâ* pro, qui à vera. p. 21. l. 3. à fine. *habitu.* pro habitû. p. 25. l. 18. *ac exemplis.* pro. ab exemplis. p. 26. l. 4. *comparante.* pro. comparente. p. 27. l. 24. *totus Micbaas* pro. solus. p. 29. l. 8. *Christum.* pro. Christo. ibid. l. 15. *cum.* pro. eum. p. 30. l. 23. *comparante.* pro. comparente. p. 31. l. 20. *Aduersariis.* pro. Aduersarii. ibid. l. 6. *eum.* pro. cum. p. 32. l. 4. *natus* pro. notus. p. 32. l. adde *allatis.* l. 7. dele *allatis.* p. 32. l. 3. à fine. *sine* pro. fine. p. 35. l. 5. *fidellis.* pro. fideles. p. 37. l. 3. *consumationem* pro. consummationem. idem corrige alubi. p. 38. l. 25. *sed neq;* pro. sed neq; p. 39. l. 3. *inuiti.* pro. inuiti. p. 40. l. vlt. *sicclesia.* pro. S. Ecclesia p. 42. l. 20. 26. *impercibiliter.* pro. imperceptibiliter. p. 42. l. 4. à fine. *defcisse* pro. defecisse. p. 45. l. 8. *Lutberâ* pro. Lutheranâ p. 47. l. 9. *vera.* pro. vera. p. 52. l. 9. *ad fidei.* pro. ad fidei. p. 56. l. 23. *nonos.* pro. nruos. p. 61. l. 10. 1570 pro 1580. p. 76. l. 4. *in vincibili.* pro. inuincibili. p. 79. l. 3. à fine. *occupari.* pro. occupare. p. 85. l. 20. *fuerint* pro. fuerunt. p. 89. *hec.* pro. hac. *successio.* pro. successionis. p. 91. l. 24. *Et derogant.* pro. derogant. p. 95. in tit. *probatum.* pro. probatur. p. 98. l. 2. à fin. *demonstrat.* pro. demonstrat. p. 99. l. 12. *Aposto* pro. Apostolo. p. 100. l. 5. *quod.* pro. quæ. p. 104. l. 4. *deest.* cum. ibid. l. 17. *remittit.* pro. remitti. p. 107. l. 5. *Haresem.* pro. Hæresin. p. 114. l. 6. *sumus.* pro. scimus.



cimus. p. 133. l. 9. *si contra* pro. sed contra. ibid. l. 20.  
*Christo*. pro Christi. p. 138. l. 25. *inuenire* pro inueniri.  
 p. 175. l. 10. *lenissima*. pro leuissima. p. 198. l. 8. *confisset*.  
 pro. consueffet. p. 227. l. 1. *Et* pro sit. p. 242. l. 10. *solum*.  
 pro. solum. p. 243. l. 3. *de vestra* pro. de manu vestra. p.  
 246. l. *potius vobis quam pro vobis*. pro. potius pro vobis  
 quam vobis. p. 275. l. 14. *quia*. pro quin. p. 285. l. 2.  
*quam*. pro. quem. p. 294. l. 9. *Et beneficia*. pro. ad bene-  
 ficia. p. 318. l. 11. *penas*. pro pœnæ. p. 323. l. vlt. *justas*.  
 pro justos. p. 340. l. *ex natura Dei*. pro. ex natura rei.  
 p. 343. l. 8. *in iustitia*. pro. in iniustitia. l. 14. *tristitia*. pro.  
 tristitia. p. 344. l. 4. *volat* pro. valet. p. 346. l. 19. *ani-*  
*malis dele.* p. 348. l. vlt. *loca id.* pro. loca quæ id. p.  
 362. l. 1. *Et si sunt*. pro. & hi sunt. p. 390. l. 1 *sequitur*.  
 pro. loquitur. p. 394. l. 1. *dolentis*. pro dolentes. p. 406.  
 l. 26. *volens*. pro. nolens. p. 408. l. 23. *Ex iuiis*. pro. exu-  
 iis.








# ADMONITIO NECESSARIA

AD  
LECTOREM  
CHRISTIANUM.



Utm passim Adversarii Fi-  
dei Catholicæ Romanæ jactēt,  
Ecclesiam suam eandem esse,  
cum illâ verâ primitivâ; quam  
CHRISTUS & immediatè post  
illum, Apostoli per universum Orbem  
plantârunt & fundârunt: toto hoc Opuscu-  
lo contrarium demonstrabo. Statuendum  
ergo primò certum Fundamentum est,  
cui labor noster totus innitatur, quod his-  
ce Annotationibus sequentibus inclu-  
ditur.

## ANNOTATIO I.

**I**N primis nemo Christianus dubitare po-  
test, quin Apostoli, à CHRISTO omnia  
fideliter accepta, in primâ Ecclesiæ fundatio-  
ne posteris etiam fidelitè tradiderint; tam  
quæ ad Doctrinæ puritatem; legitimam  
Sacramentorum administrationem: quàm  
quæ

quæ ad Disciplinæ & Regiminis Harmoniam pertinebant. Hæc autem nominatim in Ecclesiâ Romanâ primitivâ existisse, Paulus Testimonio luculento probat *Rom. 1. v. 8.* ubi asserit : *Fidem ejus annunciatam fuisse in universo Mundo.* Fuit ergò tunc Ecclesia Romana, & quotquot per Orbem Terrarum in Fide & Charitate cum eâ communicabant; vera Ecclesia; Sponsa CHRISTI; & omnium fidelium sincera mater; quâ cum omnes, in rebus fidei sentire & in iis cum eâ non sentientes, hæretici & rebelles haberi debuerunt. An autem, & quamdiu, Fidem illam per totum Mundum annunciatam & laudatam retinuerit, magna nobis cum Adversariis Controversia, intercedit. Nobis enim certum & indubitatum est; *Ecclesiam illam veram primitivam*, fidem ac charitatem semper conservasse; & per continuam Successionem, nunquam interruptam, visibiliter ad nos usq; perduxisse; adeo, ut hæc moderna Ecclesia eadem omnino sit, cum illâ primâ à CHRISTO & Apostolis fundatâ, quæ nunquam apostatavit vel defecit. E contra verò & illam apostatasse & ab Apostolicâ Fide defecisse, contendunt omnes Lutherani, cæteri; qui unquam sese ei opposuerunt; suosq; cætus, pro verâ Ecclesiâ haberi voluerunt. Quantò autem tempore Ecclesia

pri-



primitiva, CHRISTO Sponso suo, fida man-  
 ferit; ipsi non conveniunt. Nam licet in-  
 genuè fateantur omnes, conditam ab Apo-  
 stolis Ecclesiā, non unā cum ipsis mortu-  
 am ac sepultam esse; sed etiam ad Succes-  
 sores eorum transiisse, & apud eosdem a-  
 liquandiu remansisse: ajunt tamen mox ab  
 Apostolorum obitu, errorum ac supersti-  
 tionum semina cœpisse spargi; quibus pau-  
 latim pullulantibus, Ecclesiā corruptam,  
 & Apostolicæ Doctrinæ integritatem de-  
 formatam quidem esse: non tamen conti-  
 nuò totaliter everfam. Mansit enim adhuc  
 (ut ipsi asserunt) vera Ecclesia, licet non  
 omninò pura, in cujus communione pii  
 quiq; illorum temporum piè sancteq; vive-  
 re potuerunt, & porrò etiam vixerunt.  
 In hoc autem licet non optimo, tolerabili  
 tamen, & adhuc sancto Statu, Ecclesiā  
 quidem perdurasse asserunt 300. vel 400.  
 annos; alii 600. vel 700. imò 1000. an-  
 nos aliqui assignant. Communissima ta-  
 men tam Lutheranorum quàm Calvinia-  
 norum est opinio, usq; ad Annum Sexcē-  
 tesimum seu per quinq; prima sæcula du-  
 rasse; atq; ita, licet illam Ecclesiā, quæ  
 quinq; primis Sæculis floruit, nævis quibus-  
 dam fuisse deformatam dicant; tamen e-  
 am hujusmodi fuisse consententur, cui tutò  
 communicare omnes, & in eā tanquam Ec-



eclesiâ adhuc verâ & Visibili, salvari potuerunt & reipsâ sunt salvati.

Hoc ergo tanquam Fundamentum, unum collocamus, ultrò ab Adversariis omnib; concessum; videlicet: *Ecclesiam primitivam, quæ per quingentos circiter Annos ab Apostolis duravit, veram visibilem & certissimam Ecclesiam semper fuisse.* Et licet daremus (quod tamen falsum est) eandem variis nævis & abusibus fuisse deformatam, eum tamen illis non obstantibus fateantur *Ecclesiam tunc etiam adhuc fuisse veram & essentielles ac fundamentales Fidei Articulos retinuisse salvos, irrefragabiliter inde consequentia deduco.*

1. *Omniem Ecclesiam quæ cum illâ primitivâ convenit in Essentialibus Punctis Fidei, pro verâ Jesu Christi Ecclesiâ agnoscendam esse.*

2. *E contra; nullam Ecclesiam in Doctrinâ fundamentali aliter quàm illa docuit, sentientem, veram esse posse, sed debere pro falsâ & erroneâ haberi.*

Ecclesiam verò Lutheranam nunc aliter sentire & docere, quàm senserit & docuerit vera Ecclesia primitiva, per sequentes demonstrationes omnes sic probabimus, ut appareat manifestè Lectori unicuiq; minimè passionato, non in Nævis tantum aut quibusdam Ceremoniis; sed

in omnibus Fidei substantialibus Articulis, eam toto Cœlo ab antiquâ discrepare; adeoq; eam Ecclesiam veram nullo modo esse posse.

Antiquam enim illam Ecclesiam veram, tanquam Exemplar intuebimur; cum quo tùm Ecclesiam Romanam, tùm Lutheranam diligenter conferemus; & utrum nostra melius, an Adversariorum, conveniat cum Exemplari suo, perpendemus. Unde evidentissimè comperiemus, hodiernam Ecclesiam Romanam, de fundamentalibus Christianæ Fidei Articulis, idem nunc prorsus sentire, ac docere, quod olim Ecclesia vera docuit & sensit. Et contrà Lutheranam Ecclesiam longè aliter sentire, ac docere; quam senserit, ac docuerit, Ecclesia primitiva; ac proinde eam veram non esse Ecclesiam, qui Scopus totius nostri laboris erit.

#### ANNOTATIO II.

**U**T probemus Ecclesiæ Romanæ Catholicæ, prout nunc est, cum antiquâ verâ Apostolicâ consensum: & è contrà, ab eâdem dissensum Lutheranæ; Testimonia producimus eorum Patrum, ac Doctorum, qui quinq; primis Sæculis Ecclesiam primitivam gubernârunt. Cum enim ipsi Lutherani, tunc temporis, eos veros, ac legitimos Doctores, ac Pastores Ecclesiæ



veræ fuisse fateantur; consequenter eorum Testimonia de Ecclesiæ Veritate, citra omnem dubitationem erunt vera. Et cum ipsi illis Seculis unâ cum suis Oribus Ecclesiam veram, Visibilem constituerint; illa quoq; Ecclesia est habenda vera quæ nunc se illis in omni doctrinâ conformaverit: falsa autem & erronea, quæ se illis opposuerit. Nec obstat illa vulgaris Objectio Adversariorum, videlicet: Fidem nostram non niti humanâ Auctoritate, sed verbo Dei, ac proinde ex Testimoniis Patrum, ac Doctorum, non posse probari Ecclesiæ veritatem, sed ex solis Scripturis. Scimus enim, & fate-mur hoc Catholici, Fidem hand niti humanâ Auctoritate; sed Verbo Dei. Et ideo nullâ ratione, Patrum testimonia producimus, quasi postpositis Scripturis ea ducamus potiora; & verbum Dei ad Probationem Dogmatum Ecclesiæ non adhibeamus. Ultrò enim concedimus & *protestamur*, Sacram Scripturam continere purissimum Dei Verbum, ejusq; auctoritatem immenso intervallo quorumvis Hominum, quantacunq; eruditione, sapientiâ & sanctimoniâ præpolleant, Auctoritati præferendam esse. Sed hoc tantum volumus; quando in Controversiis Fidei, utraq; dissidentium Pars, sacram Scriptu-  
rana

ram allegat, & pro se interpretatur; tunc præferendam esse interpretationem publicam Ecclesiæ veræ; Interpretationi privatæ singulorum. Itaq; cum ex Patrum Scriptis constet; quid vetus Ecclesia de hodiernis Controversiis statuerit; & quomodo sacram Scripturam quæ ad eas discutiendas allegatur, interpretata sit; hanc veteris Ecclesiæ Sententiam, & Interpretationem ex Patrum scriptis hauriamus, & perspectam; quibuscunq; Doctorum pro suo Spiritu & Ingenio de Scripturæ Sensu inaniter digladiantium, opinionibus & interpretationibus potio-rem ducimus. Atq; ita, ad Fidei probanda Dogmata Verbum Dei primariò adhibemus; sed tantum in eo explicando Auctoritatem, & judicium veræ Ecclesiæ primitivæ & Apostolicæ (quæ per Concilia, Patres, ac Doctores loquitur) opinionibus recentium Doctorum, & hodiernorum Cætuum Ecclesiæ illi primæ sese opponentium, judicio præponimus.

### ANNOTATIO III.

Cum (ut jam ostensum est) Adversarii fateantur; Ecclesiam primitivam quinq; primis sæculis fuisse veram, nec in substantialibus errasse; clarè sequitur, non posse Lutheranos, aut quosvis alios à Veteris Ecclesiæ Consensu, ad Sacram Scri-



pturam appellare; nisi planè sibi ipsis contradicant, & revocent quod apertè confitentur. Nam, vel dicent; Veterem Ecclesiam quinque primis sæculis, in Essentialibus Fidei errasse; vel in iisdem non errasse. Si asserant errasse; jam sibi contradicunt; & sequitur, nullam unquam veram Ecclesiam fuisse. Si errasse negent; frustra ad Scripturam provocant, cum ipsum Scripturæ genuinum sensum, & omnia quæ essentialiter credere debemus, Ecclesia primitiva, quæ non erravit, nobis clarè & infallibiliter exhibeat & explicet. Unde hoc fundamentum unum sit: Cum non in levibus, duntaxat, quæstionibus; sed in præcipuis, ac gravissimis Christianæ Fidei Articulis, moderna Ecclesia Romana cum primitivâ & veteri Ecclesiâ, omnibus Orthodoxis Patribus, ac Doctoribus consentiat, (ut per singulas Demonstrationes toto hoc Tractatu clarè ostendemus) duo contra Adversarios inde deducuntur.

1. Non posse illos contra Dogmata Fidei essentialia, quæ à modernâ Romanâ Ecclesiâ traduntur, ad Scripturas provocare. Cum enim, ut dictum est, Ecclesia Romana in omnibus cum veteri consentiat; Si ad Scripturam provocent; Veterem Erroris necessario damnabunt, & sibi contradicent.

2. Non

2. Non posse illos affirmare Romanam Ecclesiam modernam foedam Meretricem, Idololatricam, Matrem abominationum, & errorum esse; nisi eadem de Ecclesiâ veteri affirmant, quod si faciant, & sibi contradicent, & nullam unquam in Mundo Ecclesiam fuisse, fateri cogentur. Eligant utrum ex duobus malint.

#### ANNOTATIO IV.

**C**erta Demonstratio censenda est; Ecclesiam, & omnium Sanctorum Patrum iudicium tam in uno, quam in altero Fidei Articulo declarando, ejusdem ponderis & Auctoritatis debere esse; adeo, ut si unum credamus, quia sic Ecclesia & Patres credendum esse declarârunt; etiam alterum, quod iidem nobis credendum tradiderunt, credere pari ratione teneamur. Nunc autem, cum tam Catholici Romani, quam omnes omnino alii Christiani, pro certo, & indubitato, credant, Evangelium v. g. Marci vel Matthæi, quod in manibus habemus, illud ipsum esse, quod dictante S. Spiritu à prædictis Evangelistis est conscriptum; & non alicujus alterius commentum, idq; credamus, tantum, ideo quia primitiva Ecclesia, omnes S. S. Patres, & tota Christianitas, ab Apostolorum Temporibus, huc usq; quasi per manus id posteritati tradidit (neq; enim alia ratione nobis hoc constare posse fatentur omnes etiam



Adversarij) Ergò omnia, quæ per eandem viam ad nos usq; pervenerunt, per eandem manus tradita, & quæ eorundem Autoritate sunt proposita nobis ad credendum; eadem fide amplecti & pro infallibilibus credere tenemur. Sed sanctos invocari posse, dari Purgatorium, licitum esse & fuisse sub unâ specie Eucharistiam sumere, Missæ Sacrificium in Ecclesiâ offerri, opera justorum bona meritum habere, solam Fidem non justificare, & plurima similia habemus totius Ecclesiæ primitivæ, Sanctorumq; Patrum testimoniis, nobis quodammodo per manus tradita, & sine interruptione ab ipsis temporibus Apostolorum nobis continuò inculcata: ergo eadem fide qua credimus Evangelium Marcæ & Matthæi esse vera Evangelia, Auctore S. Spiritu dictata, & omninò certa ac infallibilia; eadem, inquam, fide, credere debemus; omnia supradicta, quæ per eandem viam accepimus, certa & infallibiliter vera esse. Hæc autem omnia, ad nos per eandem viam pervenisse sequentibus omnibus Demonstrationibus evidenter ostendemus.

#### ANNOTATIO V.

Cum Lutherani ceteriq; A-Catholici premuntur veteris seu primitivæ Ecclesiæ, Sanctorumq; Patrum primis sæculis viventes

viventium auctoritate, unicum eorum est effugium; dum respondent, tam Ecclesiam, quàm illos Patres plurimos habuisse naves; quos successu temporis, & ut vulgò sese accommodarent, paulatim contraxerunt; quibus è contra duo reponenda sunt.

1. Si navus quispiam, aut error in aliquo fuisset; is proprius unius, aut alterius fuisset; cæteris contrarium docentibus: nullâ verò ratione dici potest, hos naves & errores, communes omnium fuisse, qui ex sensu & auctoritate universæ Ecclesiæ locuti sunt. At illa omnia quæ in Demonstrationibus sequentibus docebimus, semper, & ex sensu, & auctoritate universæ Ecclesiæ Omnes docuerunt; nec ullus habitus est sanctus, aut Ecclesiæ veræ Scriptor, qui in primitivâ Ecclesiâ istis contradixerit; ergo nullo modo dici possunt esse navi.

2. Errores in fidei substantiâ & in doctrinis ad salutem necessariis, & quid verâ Christi Ecclesiâ eos pertinaciter tenentem dividunt; non possunt esse navi; sed Errores Fidei substantiales, quos si docuisset verâ Ecclesia & S.S. Patres; errorem errassent Fidei substantialem, per quem à verâ Ecclesiâ fuissent separati.



## ANNOTATIO VI.

**Q**uia Veritas est una; falsitas autem  
 multiplex; fit, ut illa sit Adversario-  
 rum nostrorum modò in Opinionibus suis  
 de præcipuis Fidei Articulis explicandis in-  
 constantia & mutua contradictio; ut vix  
 ullus inveniri possit, qui cum altero secun-  
 dum omnia conveniat. Ne ergò in vanum  
 ictus mitterem, nec certum unum ali-  
 quem citando, me suspectum facerem ma-  
 le citatæ partium sententiæ, & ei criminis  
 impositi, cujus reum se nemo agnosceret:  
 unum quempiam præ manibus accipien-  
 dum esse statui; is est Gasparus Erasmus  
 Brochmannus in Regiâ Academiâ Hassni-  
 ensi Professor Ordinarius, cujus Systema  
 Theologicum Lipsiæ ultimò recusum An-  
 no 1638, quia præcipua, quæ ad Fidem  
 spectant, videtur præ cæteris accuratius  
 complecti; fit etiam, ut errores omnes,  
 quibus moderni Lutherani hoc tempore  
 involvuntur, nobis clariùs præ cæteris ex-  
 hibeat. Et cum inter temporis hujus Ad-  
 versarios, ille facilè Sectæ Lutheranae Prin-  
 ceps sit, cujus Scripta, ut Oraculum de  
 Tripode prolatum cæteri suscipiunt; si il-  
 le falsitatis fuerit convictus, etiam sequaces  
 ejus omnes jugulati facilè occident. Quo  
 circa ubi se se offeret occasio, ejus opiniones  
 ac sententias citabo; & ita refellere cona-  
 bor,

bor, ut lectori cuicunq; , quem passio in-  
adversum non abripuerit, manifestum sit;  
solam in Ecclesiâ Romanâ Veritatem inve-  
niri; adversus quam, tanquam firmissimam  
Petram à Christo constitutam, & solidum  
firmamentum Veritatis, nullæ unquam in-  
ferorum Portæ prævaluerunt; & porro  
nullæ, si DEUS verax est, qui est ipsa veri-  
tas, unquam prævalebunt.

Has igitur sex Annotationes, toti O-  
pusculo præmittendas duxi, ut cum omnes  
in singulis Demonstrationibus locum ha-  
beant, & plurimum ad earum stabilimen-  
tum faciant; necesse non sit easdem toties  
ad chartam revocare, quoties earundem,  
usus sit. Has ergo cum cæteris, boni Le-  
ctor consulat, & si Salutem suam amat,  
deposito quolibet affectu partiali, serio  
coram Deo suo volvat, sibiq; hoc firmitè  
persvadeat, Deum summum ac severis-  
simum Judicem ab uno quoq; propo-  
sitæ & clarissimè exhibitæ Verita-  
tis olim rationem exa-

cturum.



INTRO.



# INTRODVCTIO Fundamentalis.


ad  
DEMONSTRATIONES  
SEQUENTES

de,

## VERA CATHO- LICA ECCLE- SIA.

### PARS I.

*De qualitatibus Vera Ecclesie.*

Um in sola vera Ecclesia CHRi-  
stus Redemptor laborum ac passi-  
onis suæ fructum reposuerit, ut  
in hac sola per Spiritum Sanctum  
remissio peccatorum, gratia DEI, justifi-  
catio & sanctificatio tota dispensetur, a-  
deoq; in hac sola, ubicunq; illa sit, vitæ æ-  
ternæ promissio, & hæreditas, & verbum  
DEI siue scriptum siue traditum inveni-  
atur, sit ut extra illam saluari nemo possit.  
Vnde Cyprianus l. de simplicitate Prælato-  
rum: *ad ipsam salutem, inquit, & vitam æ-*  
*ternam nemo peruenit, nisi qui habet caput*  
*Chri-*

*Christum; habere autem caput CHRISTUM, nemo poterit, nisi qui in ejus corpore fuerit, quod est Ecclesia.*

Qua in re Orthodoxi, & omnes cujuscunque sectæ hæretici consentiunt, nulla enim est nec ante fuit unquam tam abjectæ sortis hæresis, quæ sibi titulos & ornamenta Ecclesiæ indivisæ CHRISTI Sponsæ non vindicare sit cōnata, quod etiam temporibus Tertulliani accidisse legimus, qui l. 4. c. 5. contra Marcionem; *habent, inquit, Ecclesias hæretici, sed suas tam pestiferas quàm adulteras: quarum si sensum requiras, facilius Apostaticum inuenies, quàm Apostolicum. faciunt & favos vespæ; faciunt Ecclesias & Marcionistæ.* Unde fit ut recti specie objectâ, scilicet, Ecclesiæ & Religionis falsâ pietate plurimi decipiantur; qui dum Ecclesiam se invenisse putant, in cœtum impiorum, & certissimam perditionis foueam præcipites labuntur.

Quare cum facile intelligatur, quanti ad Salutem omnium intersit scire, quænam & penes quos Vera Ecclesia inueniri possit, serium ejus cognoscendæ studium, necessariò suscipiendum erit. Cum enim hodie etiam multi sese mutuo oppugnantes & condemnantes cœtus, in Germaniâ nostrâ inueniantur, Catholici videlicet, Lutherani, Calvinistæ, Schusteriani, Sociniani,



ciniani plurimiq; alij, quorum singuli Ecclesiæ veræ nomen & titulos assumunt; omnes autem id jure facere, sit impossibile; Sedulò toto hoc tractatu inquiremus, quinam tandem inter illos veram Ecclesiam habeant.

Qua in re Lectoris commoditati, cui integra litigantium volumina evoluerè non vacat, conabor inseruire, breviter, dilucidèq; veritatis lucem explicando, & hac brevi ratiocinatione totum hunc tractatum de Ecclesia complectar.

Vera CHRISTI Ecclesia debet semper esse visibilis, & nec deficere nec errare posse.

Sed Ecclesia Lutherana, Cæteræq; acatholicæ, non semper visibiles fuerunt, imo defecerunt & errarunt. Catholica vero Romana visibilis semper fuit, & nunquam defecit, aut erravit. Ergo Catholica Romana Ecclesia, vera est Ecclesia, alix autem omnes falsæ.

Quem discursum sequentibus capitulis sic conabimur probare, ut propositionum singularum appareat manifesta veritas, ac deinde pro majore confirmatione, notas præcipuas adjiciemus, è quibus Ecclesia vera dignoscetur.

## CAPVT I.

*An vera Christi Ecclesia sit ita visibilis,  
ut nunquam fuerit, neq. fieri possit  
inuisibilis?*

## § I.

*Exponitur fundamentum sententiae  
Lutheranae.*

**D**E facto visibilem aliquam Ecclesiam existere fatentur omnes. Sed eam veram Ecclesiam visibilem, fuisse aliquando, vel fieri potuisse inuisibilem Catholici negamus, affirmant Lutherani, ac nominatim Matthias Hoc in libello suo Evangelico pag. 26. Et Casparus Erasmus Brochmannus de Ecclesia cap. 1. sect. 5. Ecclesiam duplici modo inuisibilem fieri posse, asserunt.

1. Ratione publici ministerii, quando videlicet publicum religionis exercitium his negatur, qui coelestem doctrinam profitentur, ita ut Ecclesia inuisibilis hoc sensu accepta, sit cætus hominum Deum occultè colentium.

2. Respectu fidei & internæ sanctitatis solius Dei oculis conspicuæ. De 2. difficultas nulla est, nam & Catholici fatemur fidem & charitatem, qua inter se & cum DEO Ecclesiæ membra colligantur,

B

inuisi-



inuisibilia esse; sicut in Wratislauienti Ciuitate cæteroqui quo ad omnia visibili, interna tamen affectio, qua Ciues inter se uniuntur, inuisibilis est. In primo itaq; cardo totus vertitur. Necessitas autem quæ Lutheranos omnes ad hanc sententiam impellit, ista est: affirmant modernam suam Ecclesiam veram esse, & eandem quidem, quæ Apostolorum tempore, & duobus, ternisue sæculis post illos visibiliter floruit, & per Orbem uniuersum propagata est; Verùm cum toto illo tempore, quod Apostolos & Lutherum intercessit, nullum Lutheranae fidei vestigium, nec Doctor ullus, qui eam secundum omnia docuerit, assignari possit, dicere necessario coguntur, totis illis mille & trecentis annis Ecclesiam suam vel penitus inter mortuam fuisse, vel certè plane inuisibilem & ignotam latuisse. Hoc autem ita contigisse, non aliter probare possunt, quam hac ratiocinatione:

Ecclesia Lutherana ab Apostolis ad hoc usq; tempus durauit, non visibiliter; ergo inuisibiliter. Cujus argumenti fundamentum quam sit fragile, nemo est tam obseæ natis, qui non capiat, cum dubia per magis dubia, & quæ in quaestione sunt, probari nullo modo possint. Dubium autem est quinimo omnino falsum. Ecclesiam Lutheranam ab Apostolis ad hoc usq;

usq; tempus durauisse. Potuisse vero fieri, probare satagunt variis ex Scriptura adductis argumentis proximo paragrapho producendis.

In hac ergo quæstione difficultatis & Ecclesiæ totius cardo vertitur, nam si Catholici probemus (quod facturos nos cum Dei gratia confidimus) Ecclesiam veram, quæcunq; illa sit, non solum semper visibilem fuisse, sed neq; inuisibilem unquam esse posse, Ecclesia Lutherana ruit, quam ipsorummet confessione cõstat plusquam trecentis supra mille annis inuisibilem aut penitus inter mortuam fuisse. Si vero probent ipsi, veram Ecclesiam fuisse aliquando, vel potuisse esse inuisibilem (quod nunquam probare poterunt) nondum tamen euicerunt; insuper enim adhuc supererit probandum, id Ecclesiæ Catholicæ Apostolicæ, seu (ut ipsi ajunt) suæ accidisse: quod etiam hactenus à nullo vidimus probatum.

## § 2.

### *Proponitur & Confirmatur sententia Catholicorum.*

Nunc autem quod vera Ecclesia Christi semper visibilis fuerit, imo necessario, suppositis clavis promissionib; Christi, semper visibilis esse debeat dupliciter conabimur probare, scripturis ac Ratione.



1. Isa: 2. v. 2. *Erit in novissimis diebus paratus mons domus Domini in vertice montium, & eleuabitur super colles, & fluent ad eum omnes gentes. Ergo Ecclesia (quam omnium Doctorum consensu mons ille designat) semper debet esse visibilis, ut omni tempore gentes omnes ad eum confluere possint.*

2. Isa: 61. *Fadus perpetuum feriam eis, & scient in gentibus semen eorum & germen eorum in medio populorum; omnes qui viderint eos, cognoscent illos, quia isti sunt semen cui benedixit Dominus.* Et ne quis dubitare posset hæc de Ecclesia dici, totum hoc caput Prophetæ, ipsemet CHRISTUS Ecclesiæ applicat. Luc. 4. v. 18. Quæ clarius exprimi potest Ecclesiæ perpetua visibilitas? pactum cum Ecclesiæ membris *fadus perpetuum*, & ne dici possit cum primitiua tantum Ecclesia id factum, jamq; promissionem esse completam, *scient in gentibus semen eorum, & germen* (hoc est tota posteritas) *eorum in medio populorum*, utiq; visibiliter, quia *omnes qui viderint illos cognoscent eos, quia isti sunt semen cui benedixit Dominus*, veræ videlicet Ecclesiæ membra, semper visibilia atq; conspicua.

3. Ecclesia rebus magnis ac semper visibilibus comparatur: Dan: 2. v. 36. *Mon-*  
*ti magno qui impleuit uniuersam terram.*

Pfal. 71. *Regno diffuso à mari usq; ad mare, & à flumine usq; ad terminos terra.* Psal. 88. v. 30. *Throno sempiterno.* v. 37. ipsi *Soli* qui semper est visibilis, & *Luna* semper plena. Matth. 13. v. 24. *Area spatiosissima.* ibid: v. 47. *Sagena capacissima.* Matth. 22. v. 1. 2. *Conuiuio instructissimo:* quibus omnibus euidenter demonstratur Ecclesiae perpetua visibilitas; nam cum semper & omni tempore similis esse debeat iis rebus, quibus in sacris literis à Spiritu Divino, & ab ipso CHRISTO, comparatur; eaq; planè sint visibiles, sequitur Ecclesiam quoq; omni tempore visibilem debere esse.

2. Veritatem hanc rationibus probamus.

1. Ab ortu & progressu Ecclesiae, ejus visibilitas perpetua & continua demonstrari potest. Nam vera CHRISTI Ecclesia in Discipulis & Apostolis Christi tota visibilis erat, & ita quidem, ut Spiritus SS. visibiliter super illos in die Pentecostes descenderit: quibus deinde visibiliter die una circiter ter mille homines additi sunt, per fidei confessionem & baptismum. *Act: 1. 2.*

3. 4. ac deinceps consequenter, & illi omnes & soli semper de Ecclesia CHRISTI sunt habitu, qui illis se adjunxerunt per baptismum & fidei confessionem. Cum autem manifeste demonstremus, nullo sa-



culo non fuisse tali modo, per baptismum videlicet & fidei confessionem plurimos visibiliter Ecclesiæ adjunctos, idq; per continuam Sæculorum successionem posteriori Catholicorum Cætu prioribus sese visibiliter conjungente, & his rursus alijs usq; ad Apostolorum tempora, manifeste sequitur, Ecclesiam, quæ ex membris illis sociatis constat, continuo visibilem fuisse. aut Sæculum aliquod assignent Adversarij quo non aliqui Apostolis, vel Apostolorum Successoribus per fidem & baptismum visibiliter sese conjunxerint.

2. Omnis societas humana, quæ in externis signis & conspicuis consistit, sine quibus ne quidem ab ipsis socijs agnosci potest, semper est visibilis, alias desineret esse societas. talis autem societas est Ecclesia; ergo semper debet esse visibilis.

3. Obligamur omnes sub periculo damnationis æternæ, veræ Ecclesiæ nos adjungere, & in illa perseverare, teste Cypriano & Hieronymo Ep: 1. ad Damasum & August: de bapt: l. 1. at hoc fieri non potest si est invisibilis Ecclesia: nam quomodo gentes, quo se conferre debeant, intelligent, aut unde veritatis lumen haurient? penitus autem est ineptum quod hic opponit Brochmannus. c. 2. de Eccl: q: 4. *tam diu non defuturum unde certi reddantur*

*fideles*

*fideles pariter ac infideles cui Societati se adiungent, quam diu monumentorum sacrorum Corpus manserit intactum & illibatum: hoc est, quamdiu habuerint scripturas. Nam unde dubius vel infidelis quispiam scire poterit, ubi & quænam vera sit scriptura, si omnes lateant, à quibus hoc possit discere quomodo scripturam scient esse normam regulamq; rerum credendarum & non fabulosam historiam, vel prophani alicujus legislatoris commenta, nisi ab Ecclesia? Si dicant id à proprio Spiritu intelligi; unde constat illum esse Spiritum veritatis, & non potius fallaciæ?*

Deniq; si scripturam inueniat, ejusq; veram interpretationem, jam veram Ecclesiam inuenit, cum scriptura ejusq; vera interpretatio non nisi in vera Ecclesia inueniri possit; & tunc quidem fateri visibilem Ecclesiam cogentur.

4. Ab absurdis quæ Ecclesiæ inuisibilitatem consequuntur, nam si vera CHRisti Ecclesia (ut Lutherani fateri necessario coguntur) per 1300 annos, vel latuisset, vel extincta penitus fuisset; ergo tot Millenni SS: Patres & Ecclesiæ Doctores, qui toto illo intervallo temporis vixerunt, extra veram Ecclesiam vixerunt. quo quid absurdius excogitari potest? Sequela tamen manifesta est. Cum eorum cœtus



semper fuerit visibilis & conspicuus, per quem Ecclesia inuisibilis non poterat constitui. quia per visibilia membra, non potest constitui corpus inuisibile.

5. Si aliquando Ecclesia fuisset vel esse posset inuisibilis, falsæ forent omnes illæ CHRisti promissiones certissimæ, de regno amplissimo, eoq; perpetuo & omnibus conspicuo. De hostibus omnibus huic continuo subjiciendis, & aliæ ad initium hujus paragraphi allatæ.

6. Deniq; quod à CHRisti & Apostolorum temporibus, huc usq; visibilis semper fuerit Ecclesia, sic clare demonstramus: Vera Ecclesia tempore CHRisti & Apostolorum, imo post illos per trecentos ac plures annos fuit conspicua & visibilis (ut ipsi etiam fatentur Lutherani) sed sicut trecentis illis vel pluribus annis semper viri sancti, & ejusdem fidei, cum eadem Sacramentorum Communionem fuerunt, ratione quorum Ecclesia tunc dicebatur & erat visibilis; Sic sæculis sequentibus. 4. 5. 6. 7. usq; ad hoc modernum decimum sextum semper ac continuo viri sancti, conspicui ac visibiles fuerunt, ejusdem doctrinæ, fidei, ac Sacramentorum, ratione quorum non minus posterioribus istis sæculis quam primis, Ecclesia dici semper & esse debuit visibilis. Quod autem

tales omnibus sæculis continuo fuerint, nos Catholici demonstramus euidenter, per Catalogos SS: Patrum, qui continenter singulis sæculis vixerunt, quos collegit P. Jacobus Gualterius in tabula Geographica, & optimè Jodocus Coccius, ut postea ostendetur.

Ex quibus hujus Controversiæ veritas manifeste liquet, videlicet 1. Romanam Catholicam Ecclesiam semper visibilem fuisse, eamq; ideo solam esse veram. 2. Lutheranam Ecclesiam, quam ipsi ajunt 1600. & pluribus annis latuisse, vel emortuam fuisse non esse veram Ecclesiam, cum vera Ecclesia semper visibilis esse debeat.

### § 3.

*Proponuntur Argumenta Lutheranorum pro Ecclesiæ inuisibilitate.*

**A**Dversariorum argumenta quibus probare satagunt, veram Ecclesiam aliquando inuisibilem fuisse, partim ac exemplis partim ex scriptura desumuntur.

1. ab Exemplo. 3. Reg: 22. v. 5. 6. Vbi de Michæa Propheta Domini dicit Achab: *Remansit vir unus, per quem possumus consulere Dominum.* Ergo Ecclesia in eo statu tunc erat posita, ut esset inuisibilis.

2. Adducunt Ecclesiæ statum tempore Eliæ. 3. Reg: 19. v. 20. ubi sic: *derelique-*



*runt pactum tuum filij Israel &c: derelictus sum ego solus.*

3. Probant à statu Ecclesiæ CHRISTO jam in carne comparante, illi enim aduersabantur omnes, doctrinam ejus proscindebant, ipsum tanquam à Diabolo possessum ac seditiosum condemnabant. Vno ore populus acclamabat morituro: *Crucifige.* ergo tunc errarunt omnes, & vera Ecclesia fuit inuisibilis, quia tunc temporis non erat publicus aliquis & numerosus cœtus, qui Deum recte coleret.

Addit hæc scripturarum testimonia. Brochmannus de Ecclesia c. 1. Sect: 4.

1. Matth: 24. v. 24. *Surgent multi Pseudochristi, & Pseudoprophetae, & dabunt signa & prodigia, ita ut in errorem inducantur, si fieri possit, etiam electi.*

2. Luc. 16. v. 16. *Cum venerit filius hominis, putas inueniat fidem in terris?*

3. 2. Thess: 2. v. 3. *Non veniet magna dies Domini nisi venerit prius defectio.*

Et hæc sunt omnia argumenta è sacris literis prompta, quibus innixus Brochmannus & Lutherani sequaces, inuisibilitatem Ecclesiæ probant, quorum debilitatem jam ostendemus.

#### § 4.

*Refelluntur Aduersariorum argumenta.*

Nunc

**N**unc hæc breviter eodem Ordine sol-  
uamus.

Respondeo itaq; 1. in commune , e-  
xempla illa omnia , & confirmationes alias  
ex veteri testamento adductas , contra  
nos ne hilum quidem facere. Nam licet  
daremus Ecclesiam Veterem defecisse , &  
consequenter inuisibilem fuisse (quod ta-  
men plane falsum esse ostendemus infra)  
non ideo tamen sequeretur , id etiam Ec-  
clesiæ novæ contingere potuisse. Anti-  
quæ enim nulla de perpetuitate facta est  
promissio. factæ autem plurimæ sunt no-  
væ. quibus suppositis ita necessario visi-  
bilis esse debet; secus autem illa , quæ  
omni promissione caret.

Ne tamen aliquid Aduersarij euicif-  
se videantur: etiam demonstrabimus, eo-  
rum argumenta, quibus Ecclesiæ veteris de-  
fectionem, ac invisibilitatem probant, ru-  
inosa & sine fundamento esse.

Itaq; ad 1. & 2. nam eadem de u-  
troq; ratio est, respondeo. Ex eo quod in-  
ter Prophetas totus Michæas verus esset, &  
Elias omnes Prophetas occisos, seq; solum  
derelictum esse , quereretur , non sequi-  
tur in Israel Ecclesiam totam defecisse.  
Multos enim veros DEI cultores super-  
fuisse, patet inde , quod paulò ante Jesa-  
bel plurimos occiderit Prophetas, ex qui-  
bus



bus adhuc superstites erant Elias, Elizæus, Michæas, & Abdias dispensator ipsius Achab, alii & 100. Prophetæ, quos absconderat, Abdias. Vt patet 3. Reg. 16. aliiq; insuper Prophetæ, de quibus mentio fit, 3. Reg. 20. v. 22. 28. 35. quod ergo dicit Elias: *Et ego relictus sum solus*: intellige: solus qui publice & intrepidè oppono me Baal & Jesabel. Ex Laicis vero multo plures in Israel fuisse ex Dei verbo patet, *reliqui*, inquit, *mibi 7000. millia virorum, qui non curuauerunt genua ante Baal.*

2. Licet Ecclesia Dei in Israel seu Samaria, eam persequente Jesabele, paucos ibidem cultores, & eos latentes quidem numeraret; tunc tamen eadem Ecclesia spectabilis & florens in Juda triumphabat, ubi ab Afa & Josaphat Regibus piis & fidelibus, publicè templo, sacrificiis, ac cæremonijs Deus verus colebatur. Nec obstat exceptio Brochmanni, qui duos illos Reges Achab & Eliæ Coetaneos, quasi improbos describere conatur, sed nec Ecclesiam sub illis in Juda floruisse; pluris enim mihi est testimonium scripturæ, quæ magnificè de utroq; loquitur. 3. Reg. 22. v. 43. *Et ambulavit (Josaphat) in omni via Afa patris sui, & non declinavit ex ea, fecitq; quod rectum erat in conspectu Domini.* ergo uterq; probus & fidelis erat, faciendo quod rectum

rectum erat in conspectu Domini. quomodo igitur dici potest, Ecclesiam uniuersam latuisse inuisibilem, quæ in regno integro manifesta & omnibus conspicua florebat? nihil ergo per hæc exempla ab Aduersarijs probatum est.

Quod attinet ad Ecclesiæ statum, CHRISTUM jam in carne comparente. Respondeo. Licet multos doctrinæ suæ CHRISTUS habuerit aduersantes, certum tamen est ex tota historia Evangelica plurimos illum habuisse sibi adhærentes. nunquid enim in illum credebant innumeri ab illo in corpore curati & sanati? nunquid tot millia cum in desertum profecuta doctrinam ejus fuerant amplexa? nunquid innumeris miraculis commotum vulgus uniuersum ei adhærebat? quis credat omnes omnino Jerosolymam confluxisse, fidem excussisse, & in mortem ejus conspirasse? Deinde nunquid infiniti adhuc per Judæam & mundum uniuersum Judæi sparsi esse poterant, qui CHRISTI aduentum inuincibiliter ignorantes, in Messiam venturum crederent, & Ecclesiam veterem continuarent, cum Ecclesia nova proprie post aduentum Spiritus Sancti inchoata fuerit? nemo igitur dubitare potest, quin Ecclesia tunc temporis fuerit amplissima, nec solius Judeæ terminis comprehensa,



hensa, sed per mundum Vniuersum latissimè diffusa.

2. Locus Matth. 24. v. 24. per Pseudopphetas multos in errorem inducendos, & si fieri posset etiam electos, nihil probat; nam magnam solum futuram persecutionem ostendit, non autem omnes electos in errorem inducendos, hoc enim fieri non posse, ex ipsa scriptura colligitur, qui ideo addit, *si fieri posset*, quod etiam ipse Christus affirmat, dum dicit Matth. 24. v. 11. *Multi Pseudopphetae surgent, & seducent multos.* ergo non omnes. Et Apost. 1. Timoth. 4. *In novissimis diebus desciscent multi à fide.* Ex quibus verbis manifestè colligitur, innumeros adhuc superfuturos, per quos Ecclesia vera constituatur.

3. Ad illud Luc. 16. v. 8. respondeo, vel loqui filium hominis de primo suo aduëtu, vel de secundo. Si de primo, valet responsio data de statu Ecclesiæ CHRISTO in carne comparante, & illud Act. 2. & 6. *Conueniebant viri religiosi ex omni natione.* ergo multi habebant fidem. Si de secundo, valet proximè superior solutio. Cui addo non agere hic CHRISTUM de fide simpliciter, sed de fide quadam eximia, quæ reperitur in paucis.

3. Respondeo per ultimam illam defectionem seu discessionem, intelligi rebellio-

bellionem, quâ plerâq; & passim omnes gentes deficient ab Imperio Romano, ut explicant Ambros: Primasius, & Sedulius. Aut certè Ecclesias particulares intellige, non autem generatim omnes. Nam cum *tantum in novissimis diebus desciscunt quidam à fide*, multæ particulares adhuc supererunt Ecclesiæ, ratione quarum adhuc dici poterit Ecclesia vigere. Reliqua quæ ab Aduersarijs adferuntur, in eundem sensum facillimè enodantur.

## CAPVT. II.

*An vera visibilis Ecclesia deficere vel errare possit.*

**A**D maiorem quæstionis hujus Claritatem præmittendum est, non institui à nobis quæstionem, an Ecclesia quæpiam particularis deficere vel errare possit: hoc enim posse fieri, jamq; sæpius esse factum, nobiscum Aduersarijs fatentur. Sed quæritur an tota visibilis Ecclesia deficere, vel in veræ fidei dogmatibus errare possit?

## §. I.

*Proponitur & exponitur sententia Lutheranorum affirmatiua.*

**E**Rasmus Brochmannus de Eccl. c. i. Sect. 4. n. 5. sic ait: *quanquam vniuersa Ecclesia nunquam erret errorem fundamen-*



*amentum fidei convellentem: fieri tamen potest, ut error etiam fundamentum subverrens ita invalescat, ut non detur ullus cœtus publicus, saltem numerosus & natus, qui ab illo sit intactus & immunis. Sic ille conformiter suis principijs, superius. c. i.*

*I. allatis. Cum enim (ut ibidem ostendimus) cum suis asseclis doceat, veram visibilem Ecclesiam, posse desinere esse visibilem, & planè inuisibilem fieri; consequenter fateri cogitur in totam visibilem Ecclesiam irrepere posse substantialem errorem, à quo tantum sint immunes perpauci latentes, ac soli DEO cogniti, qui veram quidem Ecclesiam, sed jam inuisibilem constituent. Si quispiam vero doctrinæ hujus rationem ab illis requirat, modò veritati consulere voluerint, fateri cogentur, id dicere sese, ut ostendant potuisse non fieri tantum, sed & modo factum esse, ut in Ecclesiam veram, quæ Apostolorum temporibus, & ab his etiam sæculis aliquot floruit, irrepsent errores quàm plurimi, in quos Ecclesia totalis visibilis lapsa defecit; paucis tamen exceptis & soli DEO cognitis, qui Ecclesiam, sed inuisibilem constituebant. atq; illam sic inuisibilem, occultam & sine errore mansisse, donec Martinus Lutherus instinctu diuino (si superis placet) primus*

*illam*

illam proferret in lucem. Et hæc sincera  
Lutheranorum doctrina est, ad quam illos  
necessitas compellit. Cum Catholicis qui-  
dem per illam in eo conueniunt, quod affir-  
ment uniuersim loquendo non posse defi-  
cere vel errare Ecclesiam, quod idem fa-  
tentur Catholici, sed alio modo: Luthe-  
rani enim totam Ecclesiam ita visibilem  
dicunt, ut si per impossibile, visibilis Ec-  
clesia tota deficeret (quod affirmant fieri  
posse) non tamen ideo Ecclesia tota defi-  
ceret, sed quæ visibilis erat, inuisibilis  
fieret. Hoc autem factum nunquam fu-  
isse, satis ostendimus, cum cap: præce-  
denti euicimus, nunquam fieri potuisse.  
Aduersariorum argumenta sunt eadem  
cum illis, quibus supra probare conati  
sunt, visibilem Ecclesiam posse inuisibi-  
lem fieri: quæ quia dissoluimus ibi, repe-  
tenda non sunt, ea præcipuè quæ Broch-  
mannus ex veteri testamento producit,  
nam licet ille euinceret (quod non facit)  
synagogam errasse, tamen inde non posset  
concludi, veram Ecclesiam CHRISTI pos-  
se errare, huic enim, non illi CHRISTUS  
immunitatem ab errore promisit. ut di-  
ctum supra.

## § 2.

*Exponitur & stabilitur sententia  
Catholicorum.*

C

Omni-



**O**Mnium Catholicorum sententia fide tenenda est, uniuersam CHRisti Visibilem Ecclesiam non posse deficere vel errare in aliquo puncto vel articulo fidei, aut clarius; CHRistum qui Ecclesiam suam gubernat permissurum non esse, ut ipsa Ecclesia tota, quatenus toto Orbe diffusa est, publicè profiteatur aliquod dogma, quod contra fidem aut Euangelium sit.

Hanc doctrinam certissimam infallibilibus CHRisti promissis niti contendimus.

1. Matth: 16. v. 16. *Super hanc petram adificabo Ecclesiam meam, & portæ inferi non praualebunt aduersus eam.*

2. Joan: 16. v. 13. *Spiritus veritatis docebit vos omnem veritatem.*

3. Matth: 28. v. 20. *Ecce ego vobiscum sum, usq; ad consummationem sæculi.*

4. Joan: 17. v. 17. *Precatus est pro Ecclesia CHRistus, ne unquam deficiat, & quis dubitare volet, quin CHRistus semper exaudiatur à patre?*

5. Joan: 14. v. 18. *Non relinquam vos Orphanos.*

6. Isa: 54. v. 4. *ad Ecclesiam DEus. Noli timere quia non confunderis, neq; erubesces. Confunderetur autem & erubesceret si erraret in fide.*

Et hæc promissiones certissimæ CHRISTI, qui mentiri non potest. Addo his alia testimonia clara scripturæ.

1. Ecclesia uniuersa pro vt continet omnes fidelis, *est Columna & firmamentum veritatis.* 1. Timoth: 3. v. 15.

2. Ecclesia gubernatur à Christo tanquam à capite suo. Ephes: 1. v. 22. 23. *ipsum dedit caput super omnem Ecclesiam, quæ est corpus ipsius;* ergo semper erit Ecclesia extra omne errandi periculum, quod semper à capite regitur, quod nunquam potest errare.

3. Obligantur fideles sub anathematis pæna in omnibus Ecclesiæ credere. Matth: 18. v. 17. *quod si Ecclesiam non audierit sit tibi sicut Ethnicus & publicanus.* Et Concilia omnia dicunt anathema, non consentientibus Ecclesiæ decretis. at summa foret iniquitas sub tam grauibz pænis obligari ad credendum rebus incertis & interdum etiam falsis.

4. CHRISTUS Ecclesiam Visibilem in veritate sibi assimilât, & eandem ei fidem adhiberi cupit, quam sibi, nam Luc: 10. v. 16. Allocutus Apostolos, qui tanquam pastores totam repræsentabant Ecclesiam. *qui vos audit, inquit, me audit.* Et Matth: 23. v. 2. hortatus cæteros omnes ad obtemperandum Ecclesiæ. *Ergo quacumq;*



inquit, *dixerint vobis, seruate & facite.*

His igitur abunde probatum est, Ecclesiam errare non posse; quod autem non possit deficere, constat ex illis, quæ superiori capite, pro Ecclesiæ visibilitate perpetua contra Lutheranos attulimus.

### §. 3.

*Dissoluuntur objectiones Aduersariorum contra sententiam nostram.*

**A**D omnes CHRISTI promissiones in sententiæ nostræ confirmationem allatas, respondent Lutherani dupliciter.

1. Quidem affirmant, eas nunquam non fuisse verissimas, & absolutè semper completas. non quidem in visibili Ecclesia. quæ post pauca sæcula ab exortu suo desit esse, sed in inuisibili, & hac enim CHRISTUS perpetuò mansit, hanc nunquam deseruit, in hac Spiritum veritatis seruauit, hujus semper exstitit caput.

Vérum cum Ecclesiam euicerimus supra non posse inuisibilem fieri, tota hæc responsio concidit. Et verò, quomodo dici posset hanc Ecclesiam ædificatam supra petram, & esse firmissimam, aduersus quam non præualebunt inferi portæ, si statim ab exortu suo labatur, & penitus erroribus

roribus immersa potestati inferni succumbat, dejecta; & prostrata 1300. annis permaneat? Quomodo usq; ad consummationem sæculi posset in illa dici manere, veritas diuina, quæ illam per 1300. annos innumeris erroribus inuolutam deseruit? Non deseruit inquit, in inuisibili Ecclesia mansit. Sed male assumitur, quod probari non potest. tanto tempore Ecclesiam inuisibilem fuisse. non dico, non euincitur, sed etiam neq; probabiliter suadetur, ut supra monstrauius.

2. Afferunt Aduersarii pleriq; promissiones istas omnes non absolutas sed conditionatas tantum fuisse, ita Broch: de Eccl: c. 2. q. 5. dub: 1. videlicet Ecclesiam quamdiu gubernatur à capite Christo, tamdiu extra omne errandi periculum esse. Item promississe DEum conseruaturum se fideles in fide, ea conditione si officio suo non defuerint ipsi fideles. Deniq; quoties à Catholicis urgentur promissiones de perpetua gratia, qua Christus se Ecclesiæ adfuturum promittit, toties addendam esse limitationem traditam à CHRISTO: Joann: 6. v. 31. *Si in sermone meo manseritis, vere discipuli mei eritis, & cognoscetis veritatem.*

Hæc illi. verum istiusmodi effugia fundamento destituuntur. non enim ad-



denda est conditio, vbi eam CHRISTUS non addidit. Cum autem promissionibus citatis nullam limitationem addiderit CHRISTUS; cur eas Aduersarii limitare præsumunt? disquiramus per aliquas. *Portæ inferi non præualebunt aduersus eam, & ego vobiscum sum omnibus diebus, usq; ad consummationem sæculi.* Si statim inferi portæ præualeant, & potestati diabolicæ succumbat, Ecclesia. aut, non dico mille annis, sed uno tantum die suam CHRISTUS Ecclesiam deserat. nunquid tunc etiam, CHRISTUM post tam expressas promissiones veracitas deseret?

Sed meq; limitatio quam Aduersarii à CHRISTO traditam ferunt Joanni 8. v. 31. quidquam ad rem facit. Dum enim ibidem CHRISTUS dixit: *Si in sermone meo manseritis, verè Discipuli mei eritis &c.* Manifestum est illum non alloqui Ecclesiam uniuersam, sed particulares quosdam & præsentem ibidem Judæos, qui jam sibi credebant & per fidem ab iis qui nondum credebant jam erant discreti. ut constat euidenter ex verbis ejusdem versiculi: *Dicebat ergo JESUS ad eos, qui crediderunt ei Judeos.* Debent ergo locum aliquem ex scripturis Aduersarii producere, qui ad Ecclesiam uniuersam spectet, non ad personas aut Ecclesias particulares, quibus illæ

illæ CHRisti promissiones absolutæ non sunt factæ; ideoq; ab errore non immunes esse non inniti damus.

Deinde apud omnes in confesso est, promissiones illas divinas merè gratuitas esse; si ergo CHRistus promittat se adfuturum Ecclesiæ semper, si Ecclesia semper fidelis sit, non erit jam gratuita promissio, sed præsentia CHRisti merces erit fidelitatis.

Deniq; quamdiu CHRistus tanquam caput adest Ecclesiæ, impossibile est Ecclesiam esse infidelem, quia corpus à capite regitur, ergo cum CHRistus se semper adfuturum Ecclesiæ spondeat, spondet etiam Ecclesiam semper fidelem futuram, ut ferè identica propositio sit: CHRistum regere Ecclesiam, & Ecclesiam esse fidelem. sicut idem est, animam in corpore esse, & hominem vivere. Quæro enim ex Aduersariis, quid prius sit: Ecclesiam deferri à CHRisto, an CHRistum ab Ecclesia deferri? si primum; manifestè falsæ sunt promissiones CHRisti, quacunq; conditione appositâ, quia CHRistus Ecclesiam deferret, licet ea non desinat esse fidelis. Si posterius; implicat contradictionem, nam impossibile est Ecclesiam fieri infidelem, vel errare, quamdiu eam CHRistus, tanquam caput quod non potest errare, gubernat.



bernat. Ex quibus euidenter liquet, promissiones omnes supra citatas absolutas esse, neq; conditionem ullam admittere.

Ad locum Apostoli 1. Timoth: 3. respondet loco citato Brochman: Ecclesiam veram esse quidem *columnam & firmamentum veritatis*, sed tantum quamdiu manet Ecclesia vera, ridiculum, quis enim affirmat Ecclesiam falsam esse *columnam & firmamentum veritatis*? sed solum inferimus ideo Ecclesiam veram errare non posse, quia est *columna & firmamentum veritatis*, quæ errare non potest, adeo ut si per impossibile ex Ecclesia tolleretur hæc veritas, Ecclesia vera non esset, idem enim omnino est, Ecclesiam esse *columnam & firmamentum veritatis*, & esse Ecclesiam veram. Nihil ergo dicit Brochmannus, quam Ecclesiam esse veram quamdiu Ecclesia est vera, quod est absurdum responsum.

Quod autem addit per *columnam & firmamentum veritatis*, debere intelligi, quod veritatem cælestem promulget, & monumētorum sacrorum depositum conseruet, non minus absurdum est. imprimis enim hac ratione columnæ veritatis appellari deberent officinæ librariæ, quæ diligentissimè scripturas omnes custodiunt. adde quod si ecclesia fuerit etiam ve-

nitatis columna, priusquam esset ulla scriptura, ergo Ecclesia dici non potest tantum custos scripturæ.

Locum Matth. 18. dupliciter explicat Brochmannus citatus, videlicet.

1. Audiendam Ecclesiam esse, veram, non falsam, verum ineprè. de qua enim CHRISTUS hic agit, nunquid de vera? quis enim dixerit falsam Ecclesiam audiendam, nisi qui dixerit, audiendam esse Lutheranam?

2. Afferit hoc loco agi de correptione fraterna, non articulis fidei. sed contra. generalis propositio est, atq; ideo nullam Aduersarii limitationem admittit; ergo dici non potest, hic agi tantum de moribus. præsertim cum mores non tam ad Ecclesiam, quam ad aliud tribunal pertineant. Præterea demus (quod falsum est) hic de fraterna correptione & moribus agi. tum sic. Si ipsa veritas CHRISTUS talem ut Ethnicum & publicanum habendum pronuntiat, qui in rebus leuoris momenti & propriè non spectantibus ad tribunal Ecclesiæ, eam audire noluerit; quanto potiori jure pronuntiandum hoc censeret in illos, qui in articulis fidei Ecclesiam, hoc est, proprium Judicem suum audire noluerint? atq; ita Brochmannus ipse se jugulat.



Ad illud quod attulimus parag: 2. Christum esse caput Ecclesiæ, & ideo eam errare non posse. respondet verum hoc esse tamdiu, quamdiu CHRISTUS gubernat Ecclesiam, tanquam ejus vnicum caput, illam tamen posse deficere, & in errores prolabi; juxta illud Isa: i. v. 21. *quomodo facta est meretrix ciuitas fidelis?* Verum supra monstrauius, non posse Christum suam, non gubernare Ecclesiam, atq; ideo eam errare non posse. Quod ad locum Isa: & alias multas hic à Brochmanno citatas scripturas, nihil omnino per illas probari potest, quam particulares Ecclesias errare, atq; deficere posse, quod non inuiti concedimus. Vnum loco Coronidis addo. Cum Aduersarii asserant, veram visibilem Ecclesiam errare atq; deficere posse, imo defecisse de facto ante 1300. circiter annos, adeo sensim ac impercibiliter, ut ab homine non potuerit ullo modo notari. Hanc doctrinam sic in illos retorqueo. Ergo Ecclesia Lutherana etiam errare potest, neq; ipsi hoc negant. quod si ergo nunc errauerit, & ipsi non perceperint? nam sensim & impercibiliter potest deficere (sicut Catholicam defecisse affirmant) & ita ipsis inscijs deficere potuit. Nulli igitur Lutherani de Ecclesia sua possunt esse certi.

Nec

Nec obstant, quæ nonnulli dicunt; Ecclesiam suam errare non posse neq; deficere, quamdiu sequitur verbum DEI. nihil enim faciunt hæc verba. nam pontificia Ecclesia in suo exortu etiam verbum DEI secuta est, & tamen, ut ipsi affirmant, sensim ac occulte defecit. tum sic argumentum superius repetam: quod Ecclesiæ Pontificiæ contigit idem Lutherana contingere potest; ergo sicut pontificia juxta illos; ita etiam Lutherana verbum DEI sensim ac occultè deserere potest, quid si ergo jam deseruerit, & factum sit, quod non aduertentibus aut notantibus fieri potest? Contrarium demonstrare non possunt. & sic semper dubij manebunt & anxij; nisi doceant Ecclesiam Visibilem errare non posse.

Deinde unde constabit utra Ecclesia, nostrane an illorum sequatur verbum DEI? nos affirmamus de nostra, illi de sua; si dirimenda lis est, Judicem infallibilem assignare necesse est, qui sententiam ferat. Nos assignamus Ecclesiam tanquam columnam & firmamentum veritatis, & quæ errare non potest. Illi scripturam quæ obscura est, Judicem faciunt, cujus scripturæ utpotè obscuræ, iterum interpretæ, & ita dabitur *in infinitum processus, nisi ad Ecclesiam veniant.*



# DE NOTIS VERÆ ECCLESIAE.

## CAPUT I.

*Quanam sint Vera Ecclesia Notæ?*

### § I.

*Exponuntur & refutantur notæ Lutherana Ecclesia.*

**N**otas aliquas dari seu signa, unde vera dignoscatur Ecclesia, cum Catholicis sectarii omnes fatentur. Sed in illis assignandis dissentiunt. nam pauca nonnulli, plurimi multa constituunt & varia varii. Sed eo securiora sunt illa, quæ majorem credibilitatis evidentiam continent, & rem in qua inveniuntur clarius demonstrant. Non tamen singulorum signorum ea debet vis esse, ut unumquodq; per se solum ad Ecclesiæ veræ probationem certam sufficiat, sed ita, ut omnia sic soli rei signatæ conveniant, ut alteri præterea nulli.

Nunc autem quasnam Ecclesiæ suæ notas Lutherani constituent, videamus.

*Broch.*

Brochmannus de Eccl: c. 1. 5. 6. demonstra-  
re conatur Ecclesiis Lutheranis jure justo  
tribui Elogium veræ Ecclesiæ, quod col-  
ligit ex duabus essentialibus notis, tan-  
quam infallibilibus signis: sunt autem,  
istæ: *Syncera verbi diuini prædicatio, &*  
*2. legitima Sacramentorum administratio.*  
Et has penes solam Lutheram Ecclesiam  
esse contendit, addit his notas alias se-  
cundarias septem, de quibus postea agen-  
dum. Nunc lubet duas illas notas essen-  
tiales producere in medium, & simul in-  
quirere, an per istas in Lumen veritatis  
Lutheranæ incurrere possimus.

1. Synceram verbi diuini prædicationem,  
qualem se habere Lutherani dicunt, non  
esse veram Ecclesiæ veræ notam, sic pro-  
bamus:

1. Certum apud omnes est, notas sic de-  
bere esse proprias illi rei cujus sunt notæ,  
ut nulli alteri conuenire possint; Si enim  
alteri conueniant, non jam unius rei, sed  
diuersarum notæ sunt. Vt si certum homi-  
nem nulli ante notum designarem, cog-  
noscendum per eam notam, quod duos  
oculos vel nasum habeat, inquirenti ri-  
sum simul & stomachum mouerem, nam  
habere nasum & duos oculos omnibus  
commune est.

Certum præterea est, non posse me-  
rem quampiam ignotam per eam notam  
designa-



designare; quæ licet secundum rem sit ei propria, non est tamen propria iudicio aliorum, cum multi alii eam sibi vendicare soleant. Vt si velim demonstrare, ibi tantum in vna domo bonum vendi vinum vbi hedera exposita est, licet verum sit, cum tamen hederam exponant multi alii, vnum illud hospitium in quo bonum vinum est, discernere non possum. tum sic: Syncera veritatis prædicatio est sectis omnibus communissima, si non à parte rei, saltem opinione ipsarum, quænam enim vel religio nunc est, vel aliquando fuit, quæ non affirmaret, penes se veram esse prædicationem veritatis? & ita fit vt omnes hanc tanquam hederam exponant, licet apud vnâ tantum bonum vinum sit, hoc est, ipsa veritas. Non potest ergo ex hac nota discerni veritas prædicationis Lutheranae, quam omnes sibi communem asserunt esse, præsertim cum non sit una fide dignior quam altera.

2. Vt aliquid rei certæ, certa nota sit, debet ea nota notior esse, quam ipsa res notata, sic enim hæc nota, deberet aliam habere notam, & sic in infinitum. aut certe res notata maneret penitus ignota. Vt si quispiam ibi bonum vinum vendi diceret, ubi Hungaricum propinatur, scire non poterit, ubi bonum vinum sit, cum

nesciatur quis hospitem Hungaricum  
propinet. tum sic: Cum dicant Luthera-  
ni, non solum prædicationem exteriorē  
veritatis, sed etiam ejusdem interiorē  
receptionem Ecclesiæ veræ notam esse,  
quis scire poterit, ubi & à quibus verbum  
DEi internè recipiatur? æquè nota igitur  
est Ecclesia, quin imo notior, quam  
quæ sit veræ verbi DEi prædication; hanc  
enim ab Ecclesia discere debemus. quod  
hac ratione probo: vera prædication est  
vera interpretatio scripturæ diuinæ; quæ-  
nam autem vera sit scriptura, scire nullo  
modo possumus, nisi ab Ecclesia, vt testa-  
tur Augustinus; & ex Aduersariis etiam  
Brentius in Confess: Witenberg: c. de  
Scriptura, ubi fatetur: *Ecclesiam habere  
jus testificandi de Scriptura sacra. & ipsemet  
Brochmannus c. 2. q. 2. de Scriptura ubi  
sic ait: Libros monumentis biblicis compre-  
hensos pro libris verè diuinis à Christianis  
semper habitos esse: id Ecclesiæ Christianæ  
testimonio nobis innotescere ultro damus.*  
adde quod Ecclesia multis annis ante scri-  
pturam fuerit. Vnde clare patet, Ecclesi-  
am notiores esse, quam sit Scriptura ve-  
ra, quæ ab Ecclesia monstrari debet; &  
consequenter à priori notius, quæ sit ve-  
ra Ecclesia, quam quæ sit vera Scripturæ  
interpretatio & prædication, ergo Verbi  
diuini



diuini prædicatio non potest esse Ecclesiæ veræ nota.

2. Ecclesiæ Lutheranae nota, est legitimus sacramentorum usus. Et hæc nota, iisdem ferè rationibus deletur, quibus superior. Legitimum enim sacramentorum usum omnes sibi vendicant. Etenim Catholicis omissis, Calvinistæ ideo potissimum à cæteris Lutheranis sunt diuisi, quod utriq; se verum Eucharistiæ sacramentum habere putent. Anabaptistæ vero separantur ab utrisq;, quod penes se solos verum baptismum opinentur esse.

Accedit his quod etiam de priori signo dictum est, legitimus sacramentorum usum minus esse notum, quam sit Ecclesia; Aduersarijs enim etiam fatentibus ille legitimus sacramentorum usus est, qui conformis est scripturis; at ipsæ scripturæ habentur ab Ecclesia. ex his legitimus Sacramentorum usus; ergo Ecclesia notior est quam usus iste. Ergo usus iste Ecclesiæ veræ signum esse nequit. Et hisce satis arbitramur refutata Ecclesiæ Lutheranae signa, siue notas essentielles duas.

## § 2.

*Assignantur Ecclesia Catholica Romana vera Nota.*

**E**cclēsia Catholica soli comparatur, qui claros ex omni parte radios diffundit,

fundit, ut per illos facile dignosci possit. Hi autem radij testimonia siue notæ sunt, quibus ab omni alia falsa religione discernitur, & quamuis non faciant euidenter verum, ipsam Ecclesiam DEi veram esse, (evidenter enim verum est, quod in se vel in suis principiis videtur) faciunt tamen euidenter credibile eam esse veram. Nam euidenter credibile est, quod non quidem in se vel in suis principiis videtur, habet tamen tot, tantaq; testimonia, ut nemo non insipiens veritate conuictus id credere cogatur. juxta illud Psalm: 92. *Testimonia tua credibilia facta sunt nimis.* Apud eos tamen qui Scripturas sacras, nec non historias & Patrum veterum scripta non repudiant, hæc signa siue notæ etiam euidentiam Veritatis faciunt, supposita videlicet veritate Scripturarum, ex quibus quod deducitur euidenter, etiam euidenter verum est.

Hujusmodi notas licet alij atq; alii varias constituent nihilominus Constantinopolitanum Symbolum secutus tantum quatuor proponam, ad quas sic reducam reliquas, ut nulla desit, eaq; sint ejusmodi, ut nulli Religioni alteri conueniant. Sunt

autem istæ: Vera Ecclesia est

*Vna, Sancta, Catholica &*

*Apostolica.*



## CAPVT II.

*Prima Ecclesia Vera Nota*

## VNITAS.

**V**Nitas seu consensio ut in numeroſo  
Cætu tripliciter conſiderari poteſt. ſic  
& in Eccleſia.

1. Vel pro ut inter modernam, veteremq; doctrinam inuenitur.

2. Vel ut inter membra, caputq;.

3. Vel deniq; ut inter ſe membrorum.  
De ſingulis per §. §. ſingulos nobis erit ſermo.

## §. i.

*Vnitas Modernæ Eccleſiæ doctrinæ  
cum antiqua in Eccleſiâ  
Romana.*

**P**ROPOſitio hæc apud omnes Catholicos  
eſt certiffima: quotquot ab Apoſtoliſ  
huc uſq; SS: Patres atq; Doctores Catho-  
lici in diuerſiffimis & ab inuicem maxime  
diſſitis locis docuerunt aut ſcripſerunt,  
in nullo omnino fidei articulo diſcordes,  
concordes autem in omnibus conſtantiſſi-  
me conuenerunt. Idem de Concilijs ubiq;  
gentium & locorum habitis, dictum eſt.  
Quam propoſitionem ut ſtabiliamus

1. Doctores & Patres nominamus;  
ſcripta, librosq; producimus, ſeriem o-

mnium

mnium auctorum conteximus. Cum igitur in hujus veritatis possessione manifesta jam simus, vt Aduersarii nos inde deturbent, incumbit illis ostendere. 1. aliquem ab ætate Apostolorum huc usq; Doctorem Catholicum qui in aliquo fidei articulo pertinaciter ab aliis dissenserit, aut aliter, quam Apostoli, docuerit. 2. Nouum aliquod inductum fidei dogma in Ecclesiam, quod ante non fuit. aut si inductum est aliquod, quod ab Apostolis non habet originem, Aduersarii illud assignent; quo sæculo, quo auctore id factum sit, monstrent. Nam cur minus id facere queant quam Catholici, quibus non est difficile dicere & ostendere, quæ singulæ hæreses, quibus auctoribus & temporæ natæ sint atq; damnatæ?

Obijcit his Jacobus Hoe & monstrare conatur, multa nunc in Ecclesiam inducta esse quæ ante 1000. vel 800. 600. im 500. annos non fuerunt. exempla producit. Festiuitas seu celebratio Corporis CHRisti. doctrina de transubstantiatione. præceptum sumendi sub vna tantum specie Dominicum Corpus. Deniq; ad sacrificium missæ variorum additamenta Pontificum.

Verum non distinguit hic fidei doctrinam à Cæremoniis sacris: illam im



mutabilem esse; has pro ratione temporum institui & mutari posse contendimus, ubi id major Dei & Sanctorum gloria reposit, Etenim hebes sit oportet, qui non videat Ceremonias precesq; in Sacrificio missæ adhiberi consuetas, non pertinere ad Sacramenti substantiam, cum his etiam demptis Sacrificium ac Sacramentum hoc effici possit. Cæremoniæ ergo do fidei doctrinam non pertinent, sed ad Reuerentiam maiorem tanti Mysterii solùm adhibita sunt. Idem de festiuitatibus corporis CHRISTI, aliorumq; dierum festorum institutionibus dictum sit. Transubstantiatio autem panis ac vini in Corpus & Sanguinem CHRISTI, præterea vera Sanguinis & Corporis CHRISTI sub speciebus panis & vini, etiam extra sumptionem præsentia, ad fidei doctrinam & essentiam spectant, & tam à Vetere quam moderna Ecclesia pro fidei articulo habita est, ut fufius suo loco etiam ex Sacra Scriptura monstrabitur. Ad præceptum verò quod attinet, de sumendo sub una specie Dominico Corpore, Respondeo i. Cum nullum existet præceptum à CHRISTO de gemina specie, ac proinde sumptionem sub utrauis specie reliquerit liberam, potuit Ecclesia sancta statuere, quod pro ratione Circumstantiarum, locorum ac temporum con-

modum aut necessarium duxit. ut in demonstratione de utraq; specie clare ostendamus.

Nihil ergo objectionibus istis euincitur, certumq; manet modernam Romanam Ecclesiam Catholicam in omni fidei doctrina, cum Vetere & Apostolica conuenire, nec unquam ab illa deflexisse.

E contra vero probamus in vera & primitiua Ecclesia semper docta fuisse contraria illis, quæ nunc Aduersarii etiam in substantialibus fidei docent; ut ex Doctoribus ipsius Primitiue Ecclesiæ, & Apostolorum Coetaneis constat. & omnibus sequentibus demonstrationibus clarissimè ostendimus, Lutheraram, aliasq; hæreticorum doctrinas cum Ecclesia Vetere non stare, à qua jam illas longe recessisse certum est. Nunc autem ut ad confirmationem propositionis initio factæ redeamus, doctrinæ nostræ cum antiqua consensum ostendimus.

2. Probamus ipsorum confessione Aduersariorum, qui nostram doctrinam, à Veteribus semper doctam esse liberè confitentur, ut fusissimè videre est apud Bellarm: lib. 4. c. 9. de notis Eccl:

3. Probatio sit, quod eadem, quæ nunc ab Ecclesia Catholica damnantur etiam à Veteri Ecclesia damnata fuerint. Ex quo duo concluduntur.



1. Ecclesiam Modernam cum antiqua primitiua conuenire. 2. Moderni temporis hæreticos à Veteribus non dissentire. Vnde hinc illud argumentum formo.

Quodcumq; vera CHRISTI Ecclesia damnauit, & ut erroneum duxit damnatum & erroneum ab omnibus haberi debet.

Sed Ecclesia tempore Apostolorum, & post illos 4. sæculis vera fuit Ecclesia (ut ipsimet affirmant) & dogmata multa, quæ nunc Aduersarii docent etiam damnauit & erronea censuit; ergo

Hæc tanquam damnata & erronea ab omnibus haberi debent. Major propositio etiam Aduersariorum confessione certa est, vti & prior pars minoris, cuius pars altera probanda est. quod exemplis in hanc rem adductis euidenter facio.

Sæculo 1. circa annum 51. damnatum Simonis Magi dogma docentis hominem per gratiam solam sine ullis bonis operibus consequi salutem posse. Irenæus lib. 1. c. 2.

Item hominem non liberè agere. Clemens 3. Recog: Sacerdotum Cælibatum irridendum esse. Epiph: hæresi 21. Lutherani vero ac nominatim Brochmanus bonorum operum necessitatem ad salutem rotundè negant. c. 1. de bonis ope-

ribus.

ribus. Sect: 3. liberum arbitrium circa  
 spirituales actiones plane tollit. c. 1. de lib:  
 arb: Sec: 6. Cælibatum Sacerdotum ac  
 Episcoporum contemnit, de Ministerio  
 Eccl: c. 1. Sect: 5. Item Sæculo 1. circa  
 annum 66. damnatus est Cerinthus eo quod  
 inter cætera doceret hominem absq; ba-  
 ptismo consequi salutem posse, aliis ejus  
 complementibus defectum. Epiph: hæresi 28.  
 Docet idem Brochmannus cap: 6. de pec-  
 catis q. 6. in paruulis fieri posse.

Sæculo 2. circa annum 180. damnati  
 Marcistæ qui fæminis non concionandi  
 solum aut prophetandi; sed etiam Sacra-  
 menta conficiendi potestatem tribuebant.  
 teste Irenæo lib: 1, c. 2. Brochmannus de  
 Eccl: q. 10. Secutus Lutherum fatetur in  
 casu necessitatis tanti esse mulieris quanti  
 sacerdotis absolutionem.

Archontici damnati quod Sacramen-  
 ta quædam reiicerent teste Baronio. Broch-  
 mannus cæteri q; Lutherani Sacramenta o-  
 mnia duobus exceptis reiiciunt, eaq; sic  
 mutilant, ut vix inter Sacramenta possint  
 haberi.

Sæculo 3. Damnatus Origenes quod  
 inter cætera assereret, imaginem DEi in ho-  
 mine penitus per lapsum amitti. Idem do-  
 cet Brochmannus de primo homine. q. 9.

Proclus damnatus quod non dubita-  
 ret asserere, semper in renatis manere pec-



catum. Idem Lutherani docent, & Brochmannus dum ait per baptismum non extirpari peccatum.

Et plura ejusmodi quæ ab Ecclesia primitiua damnata fuerunt & nunc ab Aduersariis resuscitantur atq; docentur. videri copiosissimè possunt apud Bellarm: de notis Eccl: lib: 4. c. 9. vti & apud Jacobum Gualterium 1. 2. 3. 4. Sæculo Chronologia sua, & fusissimè apud Jodocum Coccinum lib: 8. art: 3. ut hinc verè concludere liceat, ea quæ à primitiuâ Ecclesiâ inuiolata CHRisti sponsa damnata fuerunt, nunc quoq; ab Aduersariis resuscitata pro erroneis & falsis haberi debere. Certissima igitur veræ Ecclesiæ nota sit, continuus iste modernæ Ecclesiæ Romanæ, in iisdem damnandis reiiciendisq; cum primitiua consensus.

Verùm excusant hæc Lutherani nonnulli, & ajunt supradictas sententias, male damnatas, & Ecclesiam (licet vera fuerit) non paucos tamen contraxisse tunc novos, inter quos unus fuit non minimus, hæc supradicta damnassee quæ veritati consentanea erant.

Sed contra, vel bene damnauit ista, vel male. Si bene, quod intendi probatum est; si male, ergo Ecclesia primitiua temporibus Apostolorum errauit; ergo Ec-

clesia illa non fuit Ecclesia vera. vbi enim erratur in essentialibus fidei, nequit esse vera Ecclesia, libertas arbitrii, bonorum operum ad salutem necessitas, &c: puncta sunt essentialia fidei, ergo nãvi esse non possunt. Patet ergo quod probare voluimus, Aduersarios videlicet, qui se consentire cum primitiua Ecclesia asserunt, id contra veritatem asserere. nunc enim amplectuntur & docent, quod Ecclesia primitiua damnauit. Carent ergo hãc notã, quæ est doctrinæ modernæ cum antiqua consensio. procedamus ad alteram.

## §. 2.

*Vnitas membrorum inter se & cum suo  
Capite, in Ecclesia Catholica  
Romana.*

VERITAS cui essentialiter conuenit vnicam esse, proprium habet omnes in unum congregare consensum. Falsitas quæ multiplex est, in varios errores & sententias dissipat. Hinc veritatis consensum euidenter demonstrant omnes in Orbe toto particulares Ecclesiæ sub vno capite Christo & Romano Pontifice ejus in terris Vicario; siue enim modernas, seu veteres spectes cum Doctoribus suis Catholicis, omnes inter se, & cum capite suo in articulis fidei consentire videbimus, quod esse certissimum, Aduersariorum diligentia  
D5 probat,



probat, qui facta, dictaq; Patrum, Docto-  
rum Ecclesiæ & omnia Conciliorum statu-  
ta, in Lucernis scrutati, nihil dissensionis  
aut contrarietatis in ullo fidei puncto in-  
uenire potuerunt; aut si quidquam inue-  
nerint, ostendant, necesse est. nec obstat  
quod sine fundamento ab illis iactatur, sen-  
sim & occultè veram defecisse Ecclesiam.  
& totam tandem adulteram factam; as-  
signare enim illos oportet & locum & tem-  
pus & auctores, per quos deficere cape-  
rit, quinimo monstramus contrarium: vi-  
delicet tam modò modernos quam inter se  
veteres conuenire Doctores. Ostendimus  
insuper descendendo per singula sæcula  
per eos qui per singula scripsere Doctores,  
eadem fidei dogmata, quæ nunc in Eccle-  
sia nostra docentur, pari consensu tradita  
semper fuisse. Si quenkumq; à Veritate quid  
alienum docuisse contigerit, ad Concili-  
um vel ad supremum Ecclesiæ caput dela-  
tus est: his si obedire noluerit, sicut Eth-  
nicus & publicanus est habitus, & tanquam  
pestilens membrum ab uniformi Ecclesiæ  
Corpore statim resectus. atq; ita perpetua  
in Ecclesia seruata est vnio i. & doctrinæ  
consensus. qui etiamnum manet, & usq;  
ad consummationem sæculi, freudentibus  
licet hæreticis, CHRISTO promittente ma-  
nebit. At è contra, quis nunc inter illos

qui

qui ab hac Ecclesia recesserunt, consensus  
& unio sit, Sectione sequenti docebimus.

§. 3.

*Lutherana Ecclesia & aliarum  
dissensio.*

**V**T omittamus quæ nota sunt omnibus,  
& Bellarminus lib. 4. c. 10. copiosè de-  
monstrat innumera priscorum hæretico-  
rum exempla, solas horum temporum Lu-  
theranorum in religione & articulis fidei  
discordias Lectori ponemus ab oculis: ut  
clarissimè pateat hanc solidissimam notam  
illis deesse. Tanquam certum suppono;  
homines in doctrina fidei inconstantes in-  
fallibilem Spiritus Sancti directionem non  
habere, ac proinde à DEo immediatè mis-  
sos non esse, nec eis fidem adhibendam,  
quotquot enim à DEo ad gentium doctri-  
nam sunt missi, sic regebantur ab illo, ut  
in prædicatione scriptisq; illis falli nulla  
in re possent. id ipsum Prophetarum &  
Apostolorum doctrina testatur. & affirmat  
Lutherus ipse in Assert: Teutonica. art:  
25. ubi sic: *qui semel mentitur hic certissimè  
ex DEo non est.* quod ipsum adhuc sex alius  
in locis ac potissimum libro contra Emse-  
rum inculcat. hoc tanquam fundamento  
posito sic ratiocinamur. quicumq; in do-  
ctrina fidei inconstans, dubius, & contra-



rius sibi est, is à DEo non est missus. at Lutherus ac Lutherani, cæteriꝫ acatholici in substantiali fidei doctrina inconstantes, dubii & sibi contrarii sunt; ergo certum est à DEo non esse missos, & consequenter apud illos veram Ecclesiam non esse. Major ex dictis constat. Minor sic probatur. Lutherus de sola communione Eucharistiæ 36. contradictiones habet, quas ex ejus operibus illo viuo adhuc, collegit & in lucem edidit Casparus Querhammer Saxo Laicus, apud quem videri possunt. De communione *sub utraq;*, septem manifestas contradictiones Lutheri Cöchlæus annotavit. quinimò totus ille Cochläi liber, cui titulus Lutherus *Septiceps* nihil continet aliud, quam contradictiones ejus, & contrarias de omnibus pane controuersis fidei articulis sententias verbis ipsius propriis expressas. in omni autem contradictione necesse est semper alteram partem falsam esse.

Adde quod ex Lutheri doctrinis orta tanta sit dissensio, ut statim ab exortu suo in Anabaptistas, Confessionistas, & Sacramentarios diuisa sit; ac rursus hæ sectæ singulæ in alias atq; alias usq; ad 34. teste Friderico Staphylo in libello de Concordia Lutheri discipulorum. Quin ipsimet Lutherani hanc inter se discordiam fa-

tentur.

tentur. Etenim Nicolaus Gallus Lutheranus prædicans in Thesibus suis ac hypothesibus hanc ingentem inter sectæ suæ homines de præcipuis fidei capitibus discordiam fatetur, enarrat, deplorat, & grauius detestatur. verba ejus breuitatis gratia omitto.

Lucas Osiander dissensiones Lutheranorum in historia sua per annos singulos Chronologicè producit, plurimis eorum, conuentibus, colloquiisq; recensitis; sed effectu nullo, summâ semper discordia finitis. Idem fusius in historia Saxonica lib: 16. folio 413. David Chytræus; nec non clarissimè Nicolaus Salnecher Saxoniæ Electoris prædicans. in Plal. 133.

Deniq; nulli non est notum anno 1548. Religionis Lutheranae formam in Synodo Lypsiensi constitutam, & à Mauricio Saxoniae Electore promulgatam, & perditiones suas omnes obseruari jussam; ab aliis ejusdem sectæ prædicantibus tanquam abominabilem damnatam, teste Osiandro historiae suae Eccles: folio 502. ubi sic: *Libellus ipse Lypsicus, inquit, maximas peperit offensiones & certamina inter Theologos Augustanae Confessionis.*

Conuentus Altenburgensis anno 1566. in quo de bonis operibus & Justificatione fuit actum, sic peractus est, ut de illo dicat

Osiander



Osiander fol: 821. *multo major animorum  
offensio relicta est quam ante fuit.*

Synodus Dreidentis anno 1571. celebrata, Ubiquitatem à Brentio & Illyrico confictam, pari consensu tanquam inauditam & horrendam omnis Apostolicæ doctrinæ *profanationem* explosit, & damnauit, toto conuentu prædicantium se subscribente. Cum tamen decimo post anno, videlicet anno 1576. illam ipsam à se damnatam doctrinam in libro concordie Lypsiæ promulgatæ tanquam fidei articulum iidem ipsi qui contrariæ subscribe-  
rant, receperunt, nec hoc satis, nam anno 1583. Theologi Brunswicenses, & anno 85. Anhaltini Prædicantes, qui omnes Lipsiensis Concordiæ consenserant, ab illa de-  
nuo in Ubiquitatis articulo recesserunt. Et quamuis multa demum Colloquia ea super re sint instituta Quedlinburgi, cum summa tamen dissensione semper fuerunt dissipata, ut testatur luculente ejusdem Sæc-  
tæ Osiander fol: 945. & 965.

Cum ergo has inter se de rebus fidei gra-  
uissimis dissensiones Lutherani negare nullo modo possint, & ferè singulæ eorum Aca-  
demix & Ciuitates id loquantur, quarum  
singulæ doctrinā aliam atq; aliā profitentur  
pro suorum doctorum ac prædicantium af-  
fectu satis probatam existimamus proposi-  
tionem Minorem à nobis supra positam, ut

inferri manifestè possit. ergo certum est hos Doctores à Deo non esse missos, & consequenter apud illos veram Ecclesiam non esse.

§ 4.

*Objectiones & Responsiones Aduersariorum refelluntur.*

**O**bjiciunt seu potius respondent ad ista quidam cum Caluino & Luthero.

1. Mirum non esse, si vel e Caluini vel Lutheri religione mox ortæ sint dissensiones, ac Sectarum diuisiones variæ, id enim etiam Ecclesiæ Apostolorum accidisse, ex qua Nicolaitæ, Simoniani, ceteriq; statim prodierunt, inter bonum semen Zizaniâ seminante diabolo.

2. In grauibus etiam rebus Apostolos inter sese dissensisse, Petrum videlicet & Paulum, ut ex Gal: 2. v. 14. manifestè constat. Verùm ad primum hoc repono. inter diuisionem hæreticorum ab Ecclesia, & diuisionem ab aliqua hæresi, discrimen ingens esse. id nempe, quod cum in Ecclesia Catholica componendarum litium certa regula inueniatur, hoc est sententia Pontificis vel Concilii plenarii, fit ut ex doctrina Ecclesiæ, dissensio non oriatur; sed ex Diaboli malitia, ubi autem dissensio comperitur, mox damnatur & hæreticus ab Ecclesia



clesia rescinditur. neq; ulterius in Ecclesia dissensio progreditur. Secus apud acatholicos ubi nulla regula, sed iudicem seipsam quisq; statuit. Hinc quælibet noua hæresis, alias fecunda parit, donec in innumeras diuisa consumatur.

Ad 2. quod attinet, ajo, Apostolicam hanc dissensionem, de qua loco citato Paulus, de nullo puncto fidei fuisse; nec in fide errasse petrum, sed Iudaismum incautè simulasse: quod ne faceret, nec aliis esset scandalo, jure admoneri potuisse. ut videre est apud Cornelium à Lapide in Epist: ad Gal: 1. v. 14.

Obijcit Jacobus Hoe in libello suo Euangelico pag: 20. diuersorum apud Catholicos religiosorum instituta, vestes, disciplinam, Regulas. Item Scholasticas dissensiones Thomistas inter & Scotistas aliosq;. ex quibus nititur probare, hanc Vniõnis notâ Ecclesiam Catholicam carere.

Verùm hæc obiectio doctis auribus indigna nunc etiam ad lippos deuenit & ronsores, nemo enim ignorat, quod licet regulis ac vestitu differant Religiosi; aut in aliqua doctrina seu ingenij partu diuersum sentiant, conueniant tamen in duobus omnes.

I. quod uni Capiti seu Romano Pontifici, ac suis quicq; Episcopis se submittant ac obediant.

2. quod

2. quod in fidei capitibus conueniant ac sentiant idem omnes, quod autem nominibus diuersis compellantur, hi Franciscani, Dominicani alii &c: non ab auctore doctrinæ, sed ab institutore disciplinæ seuerioris habent. doctrina enim quoad fidem omnibus eadem est.

Et hæc sunt quæ ab Aduersariis frigide obijciuntur. Manet ergo certum fixumq; unionem & consensum ejusdem fidei ac doctrinæ in Cætu Illustri & conspicuo hominum inter se, & cum suo capite CHRISTO IESU, ejusq; in terris Vicario veræ Ecclesiæ notam esse, eamq; in sola Ecclesia Romana, in nulla verò alia inueniri.

## CAPVT III.

*Secunda Ecclesiæ Veræ nota*

## SANCTITAS.

SANCTITAS Ecclesiæ veræ considerari dupliciter potest. Vel ut illam habet Ecclesia in se, vel ut in cultoribus suis. Prima hæc Ecclesiæ SANCTITAS potissimum in ejus doctrina consistit, adeo ut ibi Veram Ecclesiam esse necesse sit; vbi doctrinæ veritas & SANCTITAS inuenitur.

2. Vbi Cultores illius sunt sancti. Probandum est igitur hanc veritatem & SANCTITATEM doctrinæ in sola Romana Ecclesia esse, non autem in alia ulla.



## §. I.

*Sanctitas Doctrinae in sola Ecclesia  
Romana est.*

**S**anctitatem & Veritatem doctrinae in Vera Ecclesia esse debere, nobiscum Aduersarii omnes consentiunt. Hanc autem in sola Romana Ecclesia esse, sic probo. Vbi professio sancta est & fidei doctrina, nihil continens falsum, & quoad mores nihil docens injustum, ibi est veritas & Sanctitas vera, quæ in Ecclesia sancta requiritur. Sed hæc sunt in sola Romana Ecclesia ergo sola est sancta.

Majorem concedunt Aduersarii omnes, & ipse Brochmannus de Eccl: c. 7. dub: 10.

Minorem probamus primo, quia sola Romana nihil injustum, nihil contra rationem, nullam morum turpitudinem docet: quia ad studium perfectionis inducit, & licentiam peccandi excludit; eò quod sola sanctos cultores habeat, & sanctitatem ac veritatem suam miraculis confirmet. Quod sola gentes ad fidem conuertat; Deniq; quod ab Aduersariis in ea nihil possit assignari non justum, non sanctum, ut probabitur infra.

E contra vero neq; Lutheranam neq; ullam aliam Ecclesiam tali modo sanctam posse

posse vocari, conspicuum est. I. quia timorem diuinum excutiunt, laxant peccandi licentiam: nam Confessionem particularium criminum, contritionis & satisfactionis necessitatem, tanquam portenta reijciunt. Brochm: de pœnit: 48. Castigationem omnem temporalem animarum post hanc vitam & purgatorium in scriptis suis omnibus & Cathedris tollunt. solam fidem ad remissionem omnis culpæ, & pœnæ sufficere docent, nec aliud quidquam requiri, sed habenti fidem nullum amplius imputari peccatum. hac ratione Lutherus l. de lib: Christ: dicebat non magis ad nos pertinere decalogum quam alias Cæremonias legis antiquæ, sed omnem ejus obligationem esse sublatam per Christum, quia videlicet non magis imputatur credentibus violatio illius, quam aliarum Cæremoniarum legum. his & similibus aliis clarissimum est in vitia habenas laxari. quid enim timeat cui nullum peccatum imputatur ad culpam? cui DEUS non imputat iram diuinam, & propter Christi satisfactionem non potest irasci? Omitto innumera alia Lutherana Ecclesiæ dogmata, quæ requisitam Ecclesiæ Sanctitatem penitus tollunt. Omitto errores doctrinæ, quos ostendimus supra; Cum quibus Ecclesiæ Sanctitas stare non potest. Sic ergo licet inferre.



Igitur doctrinæ Sanctitas in sola Ecclesia Romana est.

§. 2.

*Sanctitas & Veritas Ecclesia Romana  
probat ex Miraculis.*

**P**ergloriam verorum miraculorum veram Sanctitatem & doctrinam probari, manifestum est, miracula enim sunt sicut sigilla quædam & testimonia Dei, quibus res aliqua comprobatur. DEus autem huiusmodi testimonium rei falsæ dare nequit. Dico verorum miraculorum, ut omnia miranda excludam, quæ viribus naturalibus, vel arte Diabolica possunt patrari: ubi igitur hæc vera miracula reperiuntur, ibi esse veram doctrinam & Sanctitatem oportet, cum enim naturæ vires excedant, & non nisi virtute Dei fieri possint, sequitur quod ea tantum in vera & sola Ecclesia CHRISTI fieri queant. & contra ubi illa nec facta fuerunt nec sunt, ibi veram Ecclesiam esse non posse. Quocirca duo hic affirmamus. 1. Hanc miraculorum gloriam ad nouam fidem vel extraordinariam missionem persuadendam necessariam esse. 2. Miracula semper in vera Ecclesia esse debere. Iustum enim & æquum est, ut qui extraordinariè in re magni momenti legatur, auctoritatem legationis, testimonio legant-

tis confirmet. hinc fit ut literas sigillo mun-  
 nitas seu credentiales ostendat is, qui le-  
 gatus mittitur. Sic quem solus DEUS im-  
 mediatè delegat, Dei sigillum ostendat,  
 necesse est. Sigillum autem illud miracu-  
 la sunt Marco testante: *cap: ult: illi vero  
 profecti predicauerunt, ubiq; Domino coope-  
 rante & sermonem confirmante sequentibus  
 signis. & ad Heb: 2. v. 11. Contestante DEO  
 signis & virtutibus.* Rationem hanc DEUS  
 efficaciter ordinario suo modo agendi con-  
 firmat, sic enim Moysen cum miraculis  
 mittit Exod: 4. Sic CHRISTUM Jo: 15. v.  
 24. Apostolos atq; discipulos Matth. 10.  
 v. 7. Mar: 6. v. 17. Et quid dici clarius po-  
 test, quam quod Matth. 11. à CHRISTO Jo-  
 anni responsum est? *Tu es qui venturus est  
 an alium expectamus* inquit nomine Jo-  
 annis ejus discipuli. *Et respondens IESUS  
 ait illis: euntes renunciate Joanni, quæ au-  
 distis & vidistis. Cæci vident, claudi ambu-  
 lant, leprosi mundantur, surdi audiunt, mor-  
 tui resurgunt, pauperes euangelizantur. Ec-  
 cæ non verbo fatetur, se illum de quo quæ-  
 ritur esse, sed sua ipse producit miracula,  
 tanquam vera missionis suæ sigilla, doctri-  
 næ suæ veritatem ac sanctitatem abundè  
 probantia, & euidencia argumenta se esse  
 Messiam. Et Joan: 10. v. 24. Opera inquit  
 quæ ego facio patris mei, hæc testimonia per-  
 bibent de me & v. 37. Si non facio opera pa-*



*tris mei nolite credere mihi. Si autem facio,  
& si mihi non vultis credere, operibus credite.*  
Hic clarissimè ostendit, quibus sua extra-  
ordinaria missio, Sanctitas, veritasq; do-  
ctrinæ, verbis persuaderi non potest, ne-  
cessaria esse miracula ut credant.

Ad alterum quod attinet. Certum  
est, potestatem patrandi miracula non A-  
postolis tantum pro eo tempore, quo fun-  
data erat primitiva Ecclesia, à CHRISTO  
esse concessam, sed Ecclesiæ etiam in per-  
petuum datam, ut euidenter apparet Marc:  
16. v. 17. *Signa verò eos qui crediderint hæc  
sequentur: in nomine meo Dæmonia eijcient.*  
&c. Et Joann: 14. v. 12. *Amen dico vobis,  
qui credit in me, opera quæ ego facio, & ipse  
faciet, & maiora horum faciet.* Nullam hic  
personam, nullum locum, & tempus de-  
terminat, sed pro omni tempore gloriam  
illam miraculorum Ecclesiæ in se credenti  
promittit; & porro etiam ad hoc usq; co-  
piosè concessit. præterea hanc gratiam in  
vera Ecclesia semper esse debere, ratione  
probari sic potest: positis causis ijsdem se-  
quuntur ijdem effectus; Cum autem sint  
ab Apostolis patrata miracula, ut per ista  
apud paganos & Ethnicos Euangelij veri-  
tas & Sanctitas probaretur (ut Aduersarii  
omnes fatentur) & non in initio tantum,  
sed hætenus semper, & porro ulterius usq;  
**ad consummationem Sæculi non defuturi**  
*sint*

sint unquam Gentiles atq; Pagani, quibus annuntianda est eadem Euangelij veritas, CHRISTO teste Matth: 24. v. 14. *Et predicabitur hoc Euangelium regni in vniuerso orbe in testimonium omnibus gentibus, & tunc veniet consumatio.* Manifeste sequitur, semper eandem causam & necessitatem miracula patrandi futuram, & nunc etiam esse quæ sub Apostolis fuit. Nec est ratio, cur dicatur omnipotentia DEI potestatem suam restringere, ubi eadem necessitas quæ fuerat olim, nunc etiam miracula exigat. Certum igitur est continuo miracula vera patrari, quod etiam Aduersarii negare non possunt, clara veritate & totius mundi testimonijs luculentis conuicti. fateri consequenter coguntur Romanam Ecclesiam solam Veram & Sanctam Ecclesiam esse, in qua sola miracula inueniuntur,

## §. 3.

*Refelluntur, argumenta Lutheranorum contra Miraculorum necessitatem.*

Nunc videamus quid ad hæc Aduersarii opponant, & præsertim Brochmannus, qui l. 4. §. de Eccl: dub: 12. negat imprimis verum esse quod ad astruendam missionis extraordinariæ veritatem necessario requirantur miracula. quod probat



per S. Joannem Baptistam qui nullum miraculum edidit. Joan: 10. v. 41.

2. CHRISTUM, ait, Judæis objecisse, incredulis nimium miraculorum desiderium, quibus adstrui veritatem doctrinæ volebant, Marth: 12. v. 38.

3. Pseudochristos & Pseudopphetas edidisse & porro edituros miracula 2. Tets: 2. v. 9. ergo miracula non sunt Ecclesiæ nota.

4. Si ex miraculis Ecclesia vera discerni debeat, Lutherana Ecclesia illa etiam habet, cum enim illa sit eadem Ecclesia quæ fuit Apostolorum, & Apostoli miraculis multis claruerint, sequitur clarè Ecclesiam Lutheranam etiam clarere miraculis.

Ad primum Respondeo, Joannem licet miracula non fecisse legatur, illis tamen vel maximè fulsit, quæ DEUS in illo patravit, dum de sterili & anu conceptus; etiam obmutuit pater, & denuo in filij natiuitate locutus est; dum exultauit in utero matris, & alia quæ supra naturæ vires coarctat in illo Deum operatum fuisse; quæ cum nullum laterent, missionis suæ testimonia sufficientia erant. Adde quod Zachariæ, hoc est, sacerdotis filius esset, & proinde & ipse Sacerdos & Ordinarius Minister. Cum autem tantum extraordinarios Ministros testimonio miraculorum egere dixerimus, non indigebat istis Joan-

nes, quem ex officio suo teneri sciebant omnes, veritatem omnibus annuntiare.

Ad 2. Respondeo miracula importunè postulantes Phariseos à CHRISTO redargutos fuisse, quia non contenti vidisse immediate ante Dæmonium habentem, cæcum & mutum curatum, miraculum etiam de Cælo impudenter petebant; quasi prius editum non satis veritatem ejus doctrinæ probasset. atq; ideo ut eorum pertinaciam retunderet, miraculum illis negavit.

Ad 3. Respondeo absolute negando, fuisse, aliquando vel fore, ut per Ægyptiacos Magos aut Pseudoprophetas vera miracula fuerint patrata, vel unquam patranda sint. Sed ejusmodi tantum, quæ licet in oculis hominum mirabilia forent, non tamen excederent vires naturæ vel Diaboli, neq; extraordinario DEI concursu egerent, ut constat discurrenti per singula. ac proinde hæc signa non miracula sed mirabilia seu miranda dicenda sunt. Alia sunt quæ in Romana Ecclesia patrantur, mundo toti notissima, surdis, mutis, ac cæcis à natiuitate restituere sensus, mortuos reuocare ad vitam, & sexcenta similia, quæ creatas omnes vires excedunt, testimonia Sanctitatis ac Veritatis certissima vel Aduersarii ipsi concedere coguntur.



Ad 4. respondeo 1. gratis assumi, quod in quaestione est, 2. debere esse continuam miraculorum gloriam, ut probatum est supra.

§. 4.

*Sanctitas & Veritas Ecclesiae Romanae probatur ex vitæ cultorum.*

**A**ltera Sanctitas Ecclesiae in cultoribus ejus consistit, quibus ex fidei doctrina in terra viventibus, vitæ decursus & exitus sanctissimus obtigit: Et hæc eximia Sanctitatis indicia, veram Ecclesiae notam esse demonstrabimus.

Quare sic ratiocinari licet; Certum est & apud omnes indubitatum non posse quenquam extra veram Ecclesiam, quæcunq; ea sit, probum esse, addo nec saluari. Sed August: Ambros: Francis: Dominic: Benedic: Bernardus & alij innumeri omnium hominum judicio & opinione, viri sancti; & consequenter saluati fuerunt, ut de his aperte fatentur Calvinus & Lutherus, in latino Com: super cap: 5. ad Gal: & in Apol: Aug: Confess: tit: de votis Monasticis, & alibi: nullus autem fuit eorum in Ecclesia Calviniana vel Lutherana, sed in Catholica Romana, (ut omnibus constat;) ergo Ecclesia Catholica

Roma-

Romana, est sola vera & Sancta Ecclesia: certum enim est extra veram Ecclesiam neminem saluari posse.

1. Obijciunt aliqui veros illos quidem Sanctos fuisse, habuisse tamen plurimos nauos & superstitiones.

Sed contra vel nauus illi in essentialibus fidei fuerunt vel non: Si primum; certum est, neq; illos viros in vera Ecclesia, neq; Sanctos fuisse; qui enim in essentialibus fidei errat, ab Ecclesia totaliter errat. Si alterum; Certum est illos in Ecclesia vera fuisse: quia ob nauos non concernentes essentialia fidei, eâ non excidunt; si ergo in vera Ecclesia fuerunt, & in essentialibus fidei contraria Lutheranis doceant (vti verè docent) clare sequitur Lutheranos in vera Ecclesia non esse. Adde quod Aduersariorum pleriq; scripta sua & opiniones Sanctorum Patrum auctoritate confirmare nitantur, quod non facerent, nisi eos crederent & Sanctos, & in Ecclesia vera fuisse; nam hominum impiorum & ab Ecclesia errantium quænam est auctoritas?

2. Afferunt aliqui Sanctos illos patres inuincibiliter errasse atq; ideo in Sanctitate perseuerasse.

Sed contra: Cum illo inuincibili errore erant in vera Ecclesia, vel non erant; si erant; manet argumentum; si non e-



rant, saluari non poterant, quia extra veram Ecclesiam nemo potest saluari, ut omnes fatentur.

Contra 2. non poterant in vincibili errore teneri; ille enim error inuincibilis dicitur, qui adhibitâ morali diligentia tolli non potest, eo quod nunquam in mentem venerit dubitare aut cogitare de opposito. at quomodo id potuit Sanctis istis contingere, qui non solum suas tuebantur pro veritate doctrinas, sed etiam acerrimè oppugnabant oppositas? Cum ergo Aduersariorum fundamenta callerent, non potuissent non apprehendere veritatem, si apud eos ea fuisset. v. g: qui fieri potest, ut Catholicus aliquis doctus inuincibiliter erraret in credendo Pontificem esse caput Ecclesiæ, quandoquidem ab Aduersariis quotidie proponitur contrarium, dum hanc doctrinam rationibus & argumentis nituntur conuellere? fieri enim non potest ut huiusmodi homo non cogitet de opposito, atq; adeo inuincibiliter errare desinat; idem SS: Patribus accidit.

2. Viros illos DEO placuisse, omnes fatentur, at quomodo extra veram Ecclesiam placere quis poterit DEO, qui caput Ecclesiæ est?

3. Si illorum religio vera non fuit, ergo fuit à Diabolo, si ita; quomodo potuit

tuit illos ad Sanctitatem perducere, & Dei amicos efficere? At verò quis tam impiè de bonitate DEI & misericordia ejus sentiet, ut per 1500. annos tot Sexus utriusq; mortales ardentissimos amatores DEI, ejusq; gloriæ tam studiosos, ac in illum ejusq; promissiones tam certo sperantes atq; credentes, DEUS ipse lux vera, quæ illuminat omnem hominem venientem in hunc mundum, luce suâ ac veritate celatâ, in tenebris & pestiferis erroribus versari reliquerit? quare cum constet eos tenuisse religionem Catholicam, & in Ecclesia Romana semper fuisse, & detestatos omnem huic adversantem Religionem, dubitari non potest, quin Romana Ecclesia sit una vera & Sancta Ecclesia, alias omnes falsas, erroneas & à Diabolo inuentas.

## CAPVT. IV.

*Tertia Ecclesiæ veræ Nota*

## CATHOLICISMUS.

Cætum aliquem Catholicum seu vniuersalem esse, inter notas veræ Ecclesiæ poni ex Symbolo Apostolico tenemus: *Credo Sanctam Ecclesiam Catholicam.* Hoc autem toti Ecclesiæ Romanæ, nulli alteri conuenire, ratio conuincit. Multipliciter enim cætus quisquam Catholicus seu vniuersalis & dici & esse potest.

Primo



Primo origine; sic Romana Ecclesia origine est Catholica, cujus auctor percuncta retro sæcula usq; ad Christum & Apostolos reperiri nequit. At è contra omnium aliarum Ecclesiarum quæ à Romana separatæ sunt auctor & inventor particularis invenitur, qui Ecclesiæ suæ nomen indidit. Hinc illæ Ecclesia Lutherana, & Ecclesia Calvinistica &c. vocantur.

2. Duratione sic Ecclesia Romana ab Apostolis huc usq; nunquam interrupta se extendit; nec sæculum ullum assignari potest, quo non fuerit celebrata missa pro viuis ac defunctis, jejunia servata, inuocati Sancti, sub una specie communicatum, reliquiæ Sanctorum honoratæ, & alia Ecclesiæ Romanæ propria in usu continuo fuerunt, ut omnes omnium scriptorum calami testantur. At è contra, aliarum Ecclesiarum omnium, sicut cognitus est ortus; ita paulò post visus est interitus, quarum vix ulla sæculum excessit; aut si excessit, in alias innumeras diuisa est ut in Lutherana & Calvinistica conspicuè videri potest: Nullum enim nec apud Lutheranos nec apud Calvinistas hoc tempore reperire est, qui purè omnia sequatur. quæ Lutherus aut Calvinus docuerunt.

3. ab amplitudine quæ ad regiones omnes & mundi nationes se extendit, sic Ecclesia

clesiæ Romanæ lucem tam Apostoli quam eorum successores per provincias orbis uniuersas ad omnes barbaras gentes deportarunt. Notum enim manifestumq; est vix ullam reperiri mundi partem, quam Romanæ lux Ecclesiæ de facto, vel saltem aliquando non perlustraverit. Neque enim ut cætus quispiam Catholicus seu vniuersalis dici possit, necesse est ut de facto in parte quavis orbis Christiani manifestus sit (sic enim nullæ unquam hæreses esse possent, quæ loca nunquam occupant, nisi ea in quibus Catholici fuerunt. cum hæretici in nullum unquam locum primi cognitionem Christianæ legis intulerint; sed Catholicorum labore, sanctimoniâ, miraculis, prius illatam obscurarint) satis ergo est Catholicum cætum seu vniuersalem in aliqua orbis Christiani parte manifeste esse, & in reliqua parte Christiani orbis priorem fuisse. At e contra, quota pars terræ est quam occupant Lutherani qui solius Germaniæ & non mediæ quidem angulo se concludunt, cæteris mundi regionibus ignoti? Ecclesiam porro Romanam in Asia, in Africa, in America latissimè collucere, florentissimam Europæ partem occupari, imo in ipsis omnium provinciarum ac præsertim Germaniæ locis, in quibus nunc Lutherani cæteri; A catholici



versantur, priorem etiam fuisse, ipsi aduersarii non poterunt negare, si quæraturnon  
cujus religionis homines in Germania & urbibus suis aliis repererint.

4. Possessione nominis, quando enim Catholici quærantur nos usu communi intelligimur quæri. Teste Augustino contra Epistolam fundam: c. 4. *tenet me in Ecclesia ipsum Catholici nomen quod non sine causa inter tam multas hæreses sic ista Ecclesia obtinet, ut cum omnes hæretici se Catholicos dici velint: quærenti tamen peregrino alicui ubi ad Catholicam pervenitur Ecclesiam: nullus hæreticorum vel Basilicam vel domum suam audeat ostendere.* E contra deduci hinc potest; Lutheranos & aduersarios alios jure merito non posse dici nominis possessione Catholicos, cum enim homo Catholicus etiam Wratisslaviæ quæritur, non Lutheranus, non Calvinianus communi usu censetur quæsitus sed è cætu in Ecclesia Romana quispiam.

Objicit his Matthias Hoe 1. si amplitudo inquit & duratio Notæ sint Ecclesiæ Catholicæ tunc 1. peccatores omnes. 2. Diaboli quoq; Ecclesiam Catholicam constituent, utpote qui diutissime fuerunt, & ubiq; latissime dominantur, nec ante sæculi consumationem deficient.

3. Affirmant Lutherani pleriq; hanc Catholicam Notam etiam Ecclesiæ suæ con-

uenire, nam cum ab Apostolis sit fundata & Apostoli totum orbem & nationes omnes doctrinâ suâ collustrarint, consequenter sequitur, doctrinam Lutheranam orbi vniuerso & omni nationi jam dudum notissimam fuisse.

Verùm objectiones Hæ prudentibus ridiculæ videri possunt; non enim de quocunq; durante & amplo subjecto, sed solum de prædicati hujus capace hic agitur; de coetu videlicet, cui nomen Christianæ Ecclesiæ conuenit. Quomodo igitur istud peccato vel diabolo quadret? accedit quod non asseramus ex unica Nota Ecclesiam veram discerni, sed ex omnibus simul. Demus igitur amplitudinem atq; durationem conuenire peccatorum ac Dæmonum cœtibus; quomodo sanctum, unum & Apostolicum esse, accommodari his poterit?

3. D. Augustinus Donatistis jam dudum resoluit, dum ait: non affirmari solum in literis sacris Ecclesiam semel tantum sub exortu suo per Orbem Vniuersum propagandam; verùm incrementa sumpturam, indies & doctrinæ suæ luce numerosiorem, semper & ampliorem futuram. proclamant hoc omnes literæ sacræ, ad Coloss: 1. v. 6. *Euangelium quod peruenit ad vos, sicut & in vniuerso mundo est, & fructificat, & crescit.* An non Christus Matth: 13. v. 30. 38. 39. de parabola Zizaniorum docet euiden-



ter, futurum, ut doctrina vera CHRISTI usq;  
 ad Sæculi consumationem crescat? Et quid  
 certius quam quod ipsa DEI veritas asserit.  
 Matth: 24. v. 14. *Et predicabitur hoc Euangelium regni in vniuerso Orbe, in testimo-*  
*nium omnibus gentibus, & tunc veniet con-*  
*summatio.* præterea ad Eph: 4. v. 11. 12. 13.  
*ipse dedit quosdam quidem Apostolos, quos-*  
*dam autem Prophetas, alios verò Euangeli-*  
*stas, alios autem Pastores & Doctores ad con-*  
*sumationem Sanctorum, in opus Ministerij,*  
*in adificationem Corporis CHRISTI; donec oc-*  
*curramus omnes in unitatem fidei, & agniti-*  
*onis filij DEI, in virum perfectum, in mensu-*  
*ram ætatis plenitudinis CHRISTI.* Quis ergo  
 non videat CHRISTI & Apostoli mentem  
 fuisse, ut non primi Apostoli tantum, qui  
 ad Sæculi consumationem non vixerunt,  
 sed eorum etiam successores, usq; ad mun-  
 di finem, continuo ac sine interruptione,  
 hanc ab Apostolis inchoatam, veram Ec-  
 clesiam construere pergerent. Lutherani  
 ergo ostendere debent, Doctrinam suam  
 non ab Apostolis tantum, sed ab ipsismet  
 etiam per se vel antecessores suos continu-  
 ata ferre per vniuersum Orbem esse propa-  
 gatam, fructusq; protulisse, & adhuc quo-  
 tidie amplissimos ferre, quod cum de se  
 Ecclesia Romana demonstret, sequitur Ec-  
 clesiam Romanam solam veram Ecclesiam  
 esse.

## CAPVT V.

*Quarta Ecclesie veræ Nota*

APOSTOLICA.

**E**cclēsiā verā debere esse Apostolicā, non Catholici tantum sed & omnes sectarij fatentur, juxta illud ad Eph: 2. v. 10. *Super edificati super fundamentum Apostolorum & Prophetarum ipso summo angulari lapide CHRISTO JESU.* Sed cum omnes omnium temporum hæretici se doctrinā Prophetarum ac Apostolorum habere; atq; ideo singuli suam Ecclesiā Apostolicā, esse afferant. Nomen Apostolicum, ut omnibus in sua saltem opinione, commune est, nequit esse Ecclesiæ veræ Nota nisi aliquid addatur, quod soli veræ Ecclesiæ conveniat.

§ I.

*Apostolica Successio.*

**A**firmamus ergo eam Ecclesiā Apostolicā, & solam verā esse, quæ non tantum doctrinā Prophetarum & Apostolorum tenere se dicit, sed quæ illam ab ipsis haustā, semper immutatā continuā & nunquam interrupta serie ac successione personarum ac Doctorum ad nos usq; deductā & per Orbem Vniuersum euulgatā demonstrare potest. Nam si quisquam ab



Hungariæ Bohemiæue Regum sanguine, nobilitatem suam deriuatam asserat, quis illi fidem dabit, si tantum Cruces aliquot, aut candidum leonem in scuto Gentilitio demonstret? spuria enim ista Nobilitatis symbola esse possunt, & à triuiali quopiam artifice in tabulam projecta. at verò vt de verustâ, regiaq; sui stemmatis nobilitate fidem faciat, veteres illas suæ gentis ceras, & perpetuo Majorum nexu continuatam seriem exhibeat necesse est, donec ad ipsam tandem sui stemmatis originem curiosum exploratorem ducat. Quod cum sola faciat Ecclesia Romana, & vetustatem suam ab Apostolis continuâ serie deducat; sequitur eam etiam solam, veram & Apostolicam habendam esse.

Hanc autem successionem in Ecclesia vera, & esse & necessariò debere esse, atq; ideo veram Ecclesiam infallibiliter notare, ex testimonio DEi comprobamus. Isa. 59. v. 22. *Filium Redemptorem Diuinus pater allocutus, verba mea, inquit, quæ posui in ore tuo, non recedent ex ore tuo, & de ore seminis tui, à modo & usq; in sempiternum.* Quodnam est Christi semen nisi Apostoli & fideles primitiui? quod semen seminis, nisi Successores Apostolici & posteritas vniuersa Christiana? an non ibi diuino iuramento, cum vera diuinaq; filii doctrina, perpetua

petua & indeficiens successio personarum ac Doctorum sociatur? Nunquid & DEUS Ierusalem nouæ, hoc est, Veræ Ecclesiæ Catholicæ, cuius splendorem per vniuersum Orbem diffundendum affirmarat; custodes, vigilesq; nunquam tacituros pollicetur. Isa: 62.v.6. *Super muros tuos, inquit, ô Ierusalem constitui custodes totâ die ac nocte in perpetuum non tacebunt.* quid igitur opponent Lutherani, qui non dubitant asserere, omnes veræ Ecclesiæ vigiles & Doctores ab annis jam supra 1300. siluisse, cum tamen ipsa DEI veritas nunquam illos tacituros asserat? Adde quod Matth: 28.v. 19. 20. Christus Apostolis ac Discipulis suis rotundè pollicetur. *Euntes inquit, docete omnes gentes. quia ego vobiscum sum omnibus diebus usq; ad consummationem sæculi.* at qua in re promittit se illis adfuturum? videlicet in eo quod imponit illis, munere docendi. Cum autem illi, quos alloquebatur, Apostoli pauculis deinceps annis superuicturi erant, ut hujus promissionis veritas stare possit, fateri penitus necesse est, successores Episcopos & Doctores in perpetuum debere esse, in quibus veram promissionem suam prober.

Et verò perpetuam illam Doctorum ac Pastorum successionem, & esse, &



nunquam defuturam, sole clarius ostendit.  
 Paulus ad Eph: 4. superiori capite citatus.  
*Et ipse dedit quosdam quidem Apostolos. &c.*  
 Ex quibus sic: Cum ædificatio seu opus Mi-  
 nisterij in ædificationem Corporis CHRISTI,  
 hoc est Ecclesiæ, usq; ad consumationem  
 Sanctorum, donec occurramus omnes in  
 unitatem fidei siue in finem mundi, duratu-  
 rum sit; necesse est semper adesse Pastores  
 ac Doctores, ædificationis hujus Corporis  
 Ministros. Quomodo verò fuisset hoc im-  
 pletum, si ut Lutherani ajunt, 1000. pluri-  
 busq; annis, Ecclesia veris Pastoribus ac Do-  
 ctoribus suis caruisset? Sed dicent Aduer-  
 sarii numquam caruisse: inuisibiles enim  
 & arcanos Doctores & Pastores semper ha-  
 buisse. Verum id posse fieri negat Paulus,  
 qui ubi rationem adducit, cur Doctores &  
 Pastores Ecclesiæ suæ DEus vsq; ad Sæculi  
 consummationem designarit; *ut jam non si-*  
*sis, inquit, parvuli fluctuantes, & circumfe-*  
*ramur omni vento doctrinæ in nequitia homi-*  
*num, in astutiâ ad circumventionem erroris.*  
*Veritatem autem facientes in charitate, cre-*  
*scamus in illo &c.* Ephes: 4. v. 14. 15. cum-  
 igitur fideles omnes ne in suscepta fide va-  
 cillent aut alijs sectis inuoluantur, argui,  
 moneri, corripì, doceri à Pastoribus & Do-  
 ctoribus perpetuò necesse sit, & semper fu-  
 erit; quis adeo demens erit, qui hæc ab in-  
 visibili quopiam Doctore, inuisibiliter per  
 mille

mille & plures annos fieri potuisse credet?  
Si dicant vltcrius Aduersarii non esse neces-  
sariam hanc personalem Doctorum successi-  
onem, sed sufficere quod syncera diuini ver-  
bi Doctrina semper in fidelium quorundam  
cordibus latuerit & manserit, ac tandem per  
continuam successionem ad Lutherum vsq;  
peruenerit, qui primus eam eruit in lucem,  
& manifestè docuit. nihil sic efficiunt; hos  
enim jugulat Apostolus Rom: 10. v. 14. vbi  
sic: *quicumq; inuocauerit nomen Domini, sal-  
uus erit. quomodo ergo inuocabunt, in quem  
non crediderunt? aut quomodo credent ei,  
quem non audierunt? quomodo autem audient  
sine predicante? quomodo verò predicabunt,  
nisi mittantur?* si ergo priusquam Lutherus  
prodiret in mundum vera Dei Doctrina sem-  
per in quorundam fidelium pectoribus in-  
hæserit, necessarij profectò, vt asserit Apo-  
stolus, semper fuerint Doctores, qui illam  
prædicarent. *fides enim ex auditu.* Si autem  
huiusmodi Prædicatores & Doctores sem-  
per fuerint, & tales agnouerint fideles, legi-  
timè certè mitti debuerunt. Prædicare ve-  
rò, CHRistum annunciare, & ad hoc ritè  
faciendum mitti, quid aliud esse potest, quam  
verbi diuini ministerium publicum exercere?  
si ergo ante Lutherum per continuam suc-  
cessionem, eamq; numquam interruptam,  
semper aliqui fuerint fideles; patet omni



luce clariùs, fuisse semper per successionem continuam Doctores, qui eos mittere potuerunt, & consequenter publicum Verbi diuini ministerium, nunquam penitus extinctum latuisse. Hoc igitur in Ecclesiâ Catholicâ Romanâ fuit, cum alibi assignari nequeat. Nec est quod asserant Aduersarii se eandem penitus nunc docere & tenere fidem, quam olim in primitiuâ Ecclesiâ docuerunt & tenuerunt Sancti illi Patres & Doctores, quos tam Catholici quàm Lutherani in verâ Ecclesiâ indubiè fuisse credunt, indeq; probent se veræ doctrinæ successionem habere. manifestè enim falsum est. ostendant enim Aduersarii vel vnicum substantialem fidei articulum inter nos & illos controuersum quem primi omnes Apostolici Doctores & Patres veræ Ecclesiæ vtriusq; partis confessione membra, eo modo, & eo sensu crediderunt & docuerunt, quo nunc Doctores Lutherani illum credendum & docendum pertinaciter contendunt, vel quod facilius est, assignent ex primis viris Apostolicis & vtriusq; partis confessione veris Ecclesiæ Doctoribus vel *unicum*, qui omnes substantiales fidei articulos eo modo, eoq; sensu docuerit, quo nunc illos docent Lutherani. hoc cum nullo modo possint facere, quâ fronte asserere præsumunt se habere veram Doctrinæ Apostolicæ successionem? Catholici verò cum vtrumq;

demon-

demonstrent, de successione tam doctrinæ quàm personarum dubitare nullo modo possunt, & hanc successionem tamquam infallibilem Ecclesiæ veræ Notam habere omnes debent.

Quod sanè desumptum à successione argumentum, tanti D. Augustinus æstimavit. c. 4. contra Ep: fund: ut diceret: *teneat me in Ecclesia ab ipsa sede Petri Apostoli, cui pascendas oves suas Dominus commendavit usq; ad præsentem Episcopatum successio Sacerdotum.* quia videlicet per illam religionis nostræ per singula sæcula continuatio non interrupta usq; ad Apostolorum tempora demonstratur.

Nunc autem cum hæc infallibilis successio nota Lutherani & Sectarii omnes destituti sint, quo modo nostram hanc evertere conentur, videamus.

## §. 2.

*Aduersariorum objectiones contra successionem enodantur.*

1. Quod D. Petrum vel vnquam fuisse Romæ vel ibidem Pontificem egisse negent, & consequenter successionem Romanæ Ecclesiæ Pontificum ab illo falsè derivari asserant, nihil aliud est, quàm omnium historiarum fidem non velle tatùm enervare, sed penitus evertere.



Nam quod omnium SS. Patrum & Ecclesiæ scriptorum testimoniis ubiq; gentium creditum ac confirmatum est, non solum in dubium reuocare, sed falsitatis etiam, condemnare, multò insolentius indubiè est, quam Romanæ Urbis foundationem, Romulo, vel imperii ibidem inchoati gloriam Julio Casari contra historiæ torrentem denegare.

Deniq; D. Petrum Romæ fuisse, Pontificem egisse, ibiq; mortuum Catholicis est tam certum, quam sit certum Aduersariis, se sacras literas authenticè habere; nam quod eas habeant, certo Ecclesiæ Christianæ testimonio ducuntur (ut ait Broch. de script. c. 2. q. 2.) eodem ejusdem Ecclesiæ testimonio Romæ Petrum Summum Pontificem, ibique mortuum affirmamus.

Nec 2. Successionem interrumpit objectio quorundam, videlicet quod Romani Pontifices per annos circiter 70. Romæ non resederint, sed Avennionem. Nam non minus Romanæ sedis Episcopi, cum in Gallia versarentur, erant, quam cum Romæ residerent; neq; Wratislavientis Episcopus talis esse desinit, licet ordinariè in Polonia commoretur.

Nec 3. Legitimæ Successioni obstat quod Pontifices subinde plures Sedem Aposto-

postolicam inuaserint, adeo ut de legitimo capite Christianitas dubitaret, quinimo Romana sedes per sæpe etiam vacauerit; nihil hæc inquam successionem Apostolicam imminuunt. Nam & sæpe plures simul in Imperio Romano Cæsares fuisse, nec nisi ferro diremissilem, certius est, quam ut probari debeat. Imo & sæpius imperium vacasse constat.

Quis tamen unquam continuam Cæsarium successionem in dubium reuocauit? Idem de Pontificia successione statuendum est, nam pluribus de ea dignitate decertantibus, vel certo constat, vel ignoratur cui jus per legitimam electionem competat. Si certo constat; successio in dubium non venit. Si ignoratur; successoris habendus est qui legitimam habuisse causam, declaratur.

Quod autem 4. obijcitur à nonnullis, non minus impudenter quam imprudenter, quosdam videlicet Pontifices Romanos innumeris sceleribus obnoxios fuisse, imò & per execrabilem errorem huic Cathedræ metricem præsedisse, non & erogant ista successionem veræ. Demus enim certum esse quod multis mendacijs ac calumnijs sectarij accumulanti. Pro me respondentem audiant Petiliano cuidam Augustinum. *Quare appellas inquit Cathedram pestilentie Cathedram Apostolorum? si propter homines quos putas legem loqui & non facere, nunquid Dominus JE-*  
*sus*



*ſus Chriſtus propter Pharifeos, de quibus ait: dicunt enim & non faciunt, Cathedra in qua ſedebant, ullam fecit injuriam? nonne illam Cathedram Moysi commendavit, & illos ſervato Cathedra honore, redarguit? Virtus ſucceſſionem non minuunt, ut certum eſt, neq; poteſtatem vel auctoritatem, aut Sedis ſanctitatem, teſte Auguſt: qui paulò infra: in illum, inquit, ordinem Epiſcoporum, qui ducitur ab ipſo Petro uſq; ad Anaſtaſium, qui nunc ſuper eandem Cathedram ſedet, etiamſi quiſquam traditor per illa tempora irrepſiſſet, nihil præjudicaret Eccleſiæ & innocentibus Chriſtianis, quibus D. E. U. S. providens ait de præpoſitis malus: quæ dicunt facite, quæ verò faciunt facere nolite. dicunt enim & non faciunt. Quod attinet ad illam de Papa Meretrice fabulam non minus ſcurriliter quàm ſceleratè fictam; non eſſe dignam refutatione duco. Nullum enim tam obſcæ naris hominem exiſtimo, qui ſpectatis perſonarum temporumq; circumſtantiis non inter viliffimas fabellas hanc fictionem ponat. de qua videri poterunt Scriptores Nobiliſſimi, Cæſar Cardinalis Baronius, P. Georgius Scherer, & fuſſimè ea de re libro Joannes Carolus Raymundus Florimundi filius.*

*Hanc ergo nunquam interruptam in Romana ſede Pontificum ſucceſſionem in-*  
*uiti*

uiti licet, Aduersarii fateri compelluntur; nec doctrinam eorum in ullo fidei articulo variatam unquam, vel interruptam fuisse demonstrare possunt. Hoc si præsumant, locum, tempus, Pontificem (quod in omnium temporum hæresibus nos factimus) assignent. quod cum nequeant ipsi jugulantur, & Ecclesia Romana cum hac luccelsione perpetua triumphat. Quocirca.

Geminas ex hisce quatuor capitibus Conclusiones educimus, ibidem à nobis conspicuè probatas.

1. *Illa sola vera CHRISTI Ecclesia est, quæ verè Vna, Sancta, Catholica, & Apostolica est:*

*Sed sola Romana Ecclesia verè Vna, c. 2. §. 1. 2. Sancta, c. 3. §. 1. 2. 4. Catholica, c. 4. & Apostolica est. p. 2. c. 5. §. 1.*

*Ergo sola Ecclesia Romana Ecclesia Christi vera est.*

Major propositio ab omnibus conceditur, minor est probata. ergo quod sequitur est certum.

2. *Omnis illa Ecclesia falsa est, quæ neg, Vna, neg, Sancta, neg, Catholica, neg, Apostolica est.*

*Sed Ecclesia Lutherana neg, vna, c. 2.*

§. 3.



S. 3. neg<sub>3</sub> Sancta c. 3. S. 1. 2. neg<sub>3</sub> Catholica  
c. 4. neg<sub>3</sub> Apostolica est. c. 5. S. 2.

Ergo Ecclesia Lutherana falsa est.

Major propositio apud omnes certa est.

Minor est probata. ergo quod sequitur est  
verum.



# DE JUDICE CON- TROVERSIARUM. FIDEI

## DEMONSTRATIO I.

*Lutheranam Ecclesiam non esse veram  
Ecclesiam, quia non habet verum  
Fidei Controversiarum Judicem;  
quem Ecclesia vera primi-  
tiva habuit.*

### CAPVT I.

*Ecclesiam esse Judicem Controversiarum  
probatum Ecclesie primitivæ Aucto-  
ritate & Praxi.*

**D**VO sunt Modi, quibus clarè  
potest probari, quid de Judice  
Controversiarum Ecclesia primiti-  
va senserit. Primus est Auctoritas Patrum;  
qui potestatem illam soli & vni tribuerunt  
Ecclesie. Alter est Praxis, quæ demonstrat  
omnes de Religione Controversias, ab unica  
& solâ Ecclesiâ Romanâ decisas fuisse. Quæ  
duo si probentur; evidens est primitivam  
Ecclesiam quæ errare non potest, alium non  
agnovisse Judicem Controversiarum quam  
ipsammet Ecclesiam. Hanc autem Potesta-  
tem cum Aduersarii Ecclesie derogent; ma-  
nifestum

I.



nifestum est eos ab Ecclesiâ primitivâ dissentire & consequenter non esse in verâ Ecclesiâ. Probatur ergo primò ab Autoritate.

Anno 180. Irenæus l. 3. c. 2. *Ad hanc Ecclesiam* (Romanam) propter potentio rem principalitatem, necesse est omnem convenire Ecclesiam, hoc est omnes, qui sunt undiq; fideles, in quâ semper conservata est ea, quæ est ab Apostolla traditio.

Anno 203. Tertullianus l. de Præscript: heret: docet non debere cum Hæreticis disputari ex Scripturis: quia cum Possessio & Intelligentia Scripturarum, sit Ecclesiæ Catholicæ; prius debet constare, quæ sit Ecclesia vera ac demum ex illâ sunt intelligendæ scripturæ.

Anno 250. Cyprianus l. 1. Ep: 3. *Nec enim aliunde Hæreses oborta sunt, aut nata sunt Schismata, quàm inde quod Sacerdoti DEi non obtemperatur, nec unus in Ecclesiâ ad tempus Sacerdos & ad tempus Judex vice Christi cogitatur.*

Anno 340. Athanasius Epist: ad solitariam vitam agentes: *Plurima antea Synodi fuere; multa Judicia Ecclesiæ habita sunt. Sed neq; Patres istiusmodi res Principi persuadere conati sunt, nec Princeps se in rebus Ecclesiasticis curiosum præbuit.*

Anno 365. Cyrillus in Thesauro: *Debemus nos Capiti nostro Romano Pontifici adherere, ad omnes*

*omnes pertinet ab eo, quid credendum, quid retinendum sit, accipere.*

*Basilii Magnus in Epist: 52. ad Athanasium: Bonum sibi videri affirmat, ut quando tunc Synodus haberi non poterat ad Romanum Pontificem scriberent, ut ipse Autoritate sua mitteret aliquos in Orientem, qui Acta Concilii Ariminensis dissolverent.* Anno 370.

*Gregorius Nazianzenus in Oratione, qua se excusat, quod diu ab Ecclesiastica functione se abstinnerit: Vos, inquit, Oves nolite pascere Pastores, neq; super terminos illorum eleuamini: satis enim est vobis, si recte pascimini, nolite judicare iudices, nec legem feratis legislatoribus. Quomodo autem non iudicat iudices, & pascit Pastores, qui Conciliorum, summi Pontificis & totius Ecclesiae rejectâ sententiâ propriam suam, illorum præferre contendit?* Anno 370.

*Ambrosius Epist: 32. ad Valentinianum juniorem volentem de rebus Fidei judicare: Si conferendum de Fide; Sacerdotum debet esse ista collatio; sicut factum est sub Constantino Augusta Memoria Principe, qui liberum dedit iudicium Sacerdotibus. Et paulò post: Episcopi synceram primò scripserunt fidem: sed dum volunt quidam de Fide intra Palatium judicare; id egerunt, ut circumscriptionibus illa iudicia mutarentur. Hoc est: Laici dum volunt* Anno 374.



volunt de sententiâ Episcoporum judicare,  
in errorem incidere meruerunt.

*Anno 390.* Hieronymus in Epist: ad Damasum de  
nomine Hypostasis. *Discerne, si placet, obse-*  
*cro, non timebo tres Hypostasas dicere, si jube-*  
*tis.* Ubi notandum: D. Hieronymum mul-  
tò doctiorem Damaso Papâ; tamen in re  
fidei, suum judicium eidem, tanquam Pa-  
pæ, subjicere.

*Anno 400.* Johannes Chrysosthomus de verbis Isa:  
homil: 4. *Rex ea, quæ sunt in Terris, sortitus*  
*est administranda; Sacerdotii jus è supernis*  
*descendit: quæcunq; ligaueritis super terram*  
*&c: Regi ea quæ hîc sunt, commissa sunt, Sa-*  
*cerdoti caelestia.*

*Anno 428.* Theodosius & Valentinianus A. A. Epist:  
ad Synod: Ephelin: *Candidianum Comitem*  
*ad sacratissimam vestram Synodum abire jus-*  
*simus, sed eâ lege, ut cum questionibus & con-*  
*trouersis, quæ circa fidei Dogmata incidunt,*  
*nihil quicquam commune habeat (nefas enim*  
*est, qui sanctissimorum Episcoporum Cataloge*  
*inscriptus non est, illum Ecclesiasticis Negotiis*  
*& Consultationibus sese immiscere.) &c:*

*Anno 430.* Augustinus l. i. contra Cresconium c.  
33. *Quisquis falli metuit hujus obscuritate,*  
*questionis, Ecclesiam de illa consulat, quam,*  
*sine ullâ ambiguitate Scriptura sacra demon-*  
*strant. Et lib: contra Epist: Fundamenti*  
*c. 5. Ego verò, inquit, Euangelio non crederem*  
*nisi*

*nisi me Ecclesia Catholica commoueret Auctoritas.*

Idem clarissimè docent & testantur *Prosper lib: contra Collatorem: Vincentius Lirinensis in Commonitorio. Gregor: l. 5. Epist: 25. Anselmus & alii plurimi.*

*Praxis Ecclesie primitivæ idem probat.*

Tempore Apostolorum quæstio de Cere-  
moniis legis mora & ad Concilium Aposto-  
lorum delata, ab eodem, Præsidente Petro  
resoluta est. Licet & ex Scripturis & ab i-  
psomet Aposto Paulo sufficienter definiri  
potuisset.

Post Apostolorum tempora prima fuit  
Controuersia de celebratione Paschatis, ne  
cum Judæis Christiani coinciderent. Hæc  
ad Victorem Pontificem delata ab eodem  
definita fuit.

Quæstio, an post Baptismum lapsi pos-  
sint à peccatis absolui, resoluta est affirmati-  
uè, contra Nouatianos, à Concilio Roma-  
no, sub Cornelio Papâ. Quo anno etiam ab  
eodem Concilio & Papâ definitum fuit,  
non amplius esse rebaptizandos hæreticos.

Sabellianos negantes tres esse distinctas  
in Deo Personas, sed unam tantum cum tri-  
plici officio, damnauit Concilium Alexan-  
drinum à Sylvestro Papâ confirmatum.

*Arium negantem verbum Patris æter-  
num, & ejusdem cum Patre Substantiæ;*



Concilium Generale Nicænum 1. quod 318. constabat Episcopis damnauit, confirmatione prius à Sylvestro Papâ petitâ & impetratâ.

Quod eodem sæculo *Macedonii* contra Spiritum Sanctum hæresis, per Concilium Constantinopolitanum à Damaso Pontifice judicata fuit & damnata.

Anno 431. *Nestorius* qui duas affirmabat in Christo  
454. Personas, sicut Naturæ sunt duæ, damnatus primò est à Cyrillo in Concilio Alexandrino, ac deinde in Generali Ephesino, sub Cælestino Papâ. Hæc ex primitiuâ Ecclesiâ dicta sufficiant; ut omittam alias innumeras Controuersias, per singula Sæcula semper ad Ecclesiam delatas, & ab eâ damnatas, ut fusè demonstrat Bellarmin: de Verbo Dei interpret: l. 3. c. 6. & Becanus l. 1. Man: c. 5. arg: 5.

3.

In quibus hæc studiosè notanda 1. Alteram litigantium partem clarè & perspicuè fuisse damnatam semper. 2. Sententiam damnationis, per Ecclesiam Catholicam, tanquam Judicem legitimum, semper esse latam. Pronunciatam verò per Pontificem, tanquam Ecclesiæ Caput & Pastorem, aut certè per Concilia, quæ Ecclesiam totam repræsentabant. 3. Lutheranos & Calvinistas agnoscere, damnationem hanc jure meritò & legitimè factam esse. Tali enim modo condemnatos pro hæreticis habendo

dos esse profitentur. Nec aliunde quàm ex Ecclesiæ decisione: à quâ si non fuissent tanquam à Judice condemnati, manerent usq; in hodiernum diem eorum Controversiæ indecisæ, nec adhuc constaret, an omnes illi veteres Hæretici pro talibus, & pro damnatis haberi debeant. Maneat ergo certum, totius primitivæ Ecclesiæ hoc semper Judicium fuisse; nullum esse posse alium Judicem Controversiarum fidei, quàm sit ipsamet Ecclesia infallibilis, & errare nescia. Quod & S. S. Patrum Autoritate, ac Testimoniis; & Veterum continuatâ Praxi jam satis demonstratum est.

## CAPUT II.

### *Probatur Sententia Catholico- rum.*

**E**Xperimur indies inter Christianos varias de Rebus fidei Controversias oriri; quæritur, quisnam harum Judex esse debeat? Distinctionem primò faciunt Catholici, inter Judicem, & Normam. Illum vocant, qui fert sententiam; hanc secundum quam à Judice sententia profertur. Ex his ista docent. 1. Ecclesiam esse Judicem Controversiarum. 2. Normam juxta quam in sententiæ prolatione gerere se debet, esse *Scripturam & Traditiones.*



3. Sententiam hanc ab Ecclesiâ duplici modo pronunciari posse; vel per Pontificem, qui ejus Pastor est, vel per Concilia à Pontifice approbata, & Ecclesiam representantia. Uterq; autem modus infallibilis habetur. Sententiam hanc Catholicam 1. probabimus positiuè, autoritate Scripturæ & Ratione. 2. ostendemus neq; Scripturam, neq; priuatum unius-cujusq; Spiritum posse esse judicem 3. Aduersariorum objectiones refellemus.

### §. 1.

#### *Probatur ex Scripturis & Ratione.*

5.

1. **M**Oyses de omnibus Religionis Controuersis, Populo Hebræo, ubi primum ad formam Ecclesiasticæ Reipublicæ redactus est, respondit. *Exod: 18.* & licet multos minores Judices constituerit, juxta consilium sui Soceri, summam tamen sibi potestatem reseruauit. Sed Pontifex Romanus tanquam Successor Petri & Ecclesiæ Caput non minùs eam Dignitatem acquisiuit à Deo; quàm ipse Moyses. Ergo Pontifex debet etiam de omnibus Controuersis Religionis nunc judicare.

6.

2. *Deut: 17. v. 9.* sic habetur. *Si difficile atq; ambiguum apud te Judicium esse perspexeris, inter causam & causam &c: venies ad Sacerdotem Leuitici Generis, & ad judi-*

*cem*

cem, qui fuerit illo tempore; quaresq; ab eis, qui tunc iudicaverunt iudicii veritatem; & facies quascunq; dixerint, qui præsunt loco, quem elegerit Dominus, & docuerint te juxta legem ejus, sequerisq; sententiam eorum &c: Ex quibus sic: tunc temporis erant etiam multi alii viri spirituales, ad quos tamen non remittebantur ambigui. Deinde nunc in hoc Ecclesiæ statu non sunt pauciores Controversiæ quam tunc fuerint. Ergò sicut tunc recurrere debebant ad iudicem, seu summum Sacerdotem, à Deo constitutum, per successionem; ita nunc recurrere debebunt ad summum Sacerdotem, siue Pontificem à Deo ad id constitutum per successionem, non minùs quàm Sacerdotes Levitici, est enim paritas Rationis.

7.

3. Pastorem unum audiendum esse docet *Ecclesiast: v. 11.* Deniq; interrogandos esse Sacerdotes, & ex eorum ore requirendam esse sententiam docet *Hagg: v. 12.* & *Malach: 2. v. 7.* item *2. Paral. v. 14.* Optimum autem argumentum duci à Regimine Ecclesiastico Veteris Testamenti, ad Regimē Noui Testamenti; quod negat Brochmannus; probatur à statu veteris Ecclesiæ: nam in illâ Scripturam & in hâc omnem Legem clarè habebant, & multi Viri spirituales erant; his tamen non obstantibus remittebantur in Controuersis ad summum Sacerdotem, tanquam iudicem; ergo & nunc



multò magis id fieri debet, ubi Scriptura longè major est & obscurior. Ergo bona est argumentatio à veteri ad nouum Testamentum, Rationes non tantum pares sed & plures sint pro Novo.

8. Probatur secundò ex Testimoniis Noui Testamenti.

1. Petro datæ sunt Ecclesiæ & Regni Cælorum Claves. Matth: 16. v. 19. & consequenter ejus Successoribus.

2. Ecclesiā qui non audierit, sit tibi sicut Ethnicus & Publicanus. Matth: 18. v. 17. Scribas & Phariseos, super Cathedram Moysis sedentes, audiendos esse mādāt Christ⁹ Matt: 23. v. 23.

3. *Pasce Oves meas*, inquit Christus Petro. Joh: ult: v. 16.

4. *Orani pro Te Petre, ut non deficiat Fides tua.* Luc: 22. v. 32.

Ergo Petri & Successorum ejus Fides, cum non possit deficere, judicio eorū acquiescendum est; & summi Pontifices, Controuersiarum Fidei soli erunt Judices infallibiles, cum nulli alteri hoc promissum sit. Ex his deducimus; ad Ecclesiam ejusq; summos Principes, ad ipsum communem Ouium omnium in Terris Pastorem, qui Christi Vicarius est, & Successor Petri, à Christo remittit Christianos omnes in Fidei rebus dubios, vt singula à nobis citata loca consideranti manifestè patet, quod ex Patrum Testimoniis & Ecclesiæ primitiue praxi c. r. probauimus.

9. Probatur 3. Ratione: Satis præuidit De-

us in Ecclesiâ multas orituras difficultates & Controuersias circa Res fidei, debuit ergo providere, ut Judex aliquis in Ecclesiâ esset, qui lites omnes judicaret & dirimeret. At iste Judex non potest esse Spiritus priuatus, neq; Scriptura, ut de utroq; ostendemus. Ergo Ecclesiam constitutam esse oportet, quæ per summum suum in Terris Caput ac Pastorem, vel per Concilia, quæstiones omnes controuersas dirimat. Aliud enim tertium nec fingi, nec excogitari potest. Nam Principem aliquem secularem in hujusmodi non posse esse Judicem, etiam Aduersarii omnes fatentur, eò quod res fidei definire & Scripturas interpretari, sit Actus spiritualis, qui ad Principem temporalem, tanquam generalem Judicem spectare nullo modo potest.

§ 2.

*Scriptura non potest esse Judex Controuersiarum.*

Scripturam non posse esse Judicem Controuersiarum fidei, probatur hoc Syllogismo: Verus Judex debet ita clarè sententiâ pronuntiare, ut ab utraq; parte litigantium audiatur, & intelligi certò possit. At Scriptura non potest illud semper præstare. Ergo Non potest esse Judex Controuersiarum semper.

Major certa est, & omnibus nota: nihil enim ageret Judex, si pronuntiaret sententiam, ut à neutrâ parte posset intelligi. Sic lites non finirentur, sed producerentur. Minor probatur ex duplici



Scripturæ acceptione; in priore spectatur litera; in posteriore sensus; qui se habent sicut Corpus & Anima.

Prior judex esse non potest, juxta illud Pauli 1. Corinth: 3. v. 6. *Litera occidit*. Hinc sic argumentor: ille non potest verus esse judex Controversiarum, qui ducit Hominem in errorem & hæresin. Hoc facit Scriptura secundum literam solam accepta. Ergo &c: Major per se patet, Minor præterquam ex Apostolo affirmata, clara sit, probatur etiam exemplo:

1. Judæi omnia quæ in Mose & Prophetis continentur, de venturo Messia, siue Christo, intelligi volunt juxta Literam & externum sensum. V. g. Omnia quæ apud Isaiam habentur c. 11. & alibi; quæ, quia secundum literam non vident compleri, non credunt venisse Messiam, quod ipsum illis objicit Paulus, cum dicit: 2. Corinth: 3. v. 15. *Usq; in hodiernum diem cum legitur Moses, velamen positum est super Cor eorum*.

2. Etiam Hæreticos litera occidit. Nam Sabelliani ex eo Joh. 10. v. 30. *Ego & Pater unum sumus* secundum literam accepto, concludebant unam tantum in Diuinis esse Personam, sed eam habere tria Nomina propter diuersa Officia seu operationes. Ex quo sequebatur Patrem esse mortuum & passum.

*Ariani* ex illis verbis Joh. 14. v. 28. *Pater major me est* deducebant Christum non esse

esse Deum, sed inferiorem Deo, non admittendo sensum, quo hoc intelligitur secundum humanitatem.

Multos alios hæreticos ex sensu literalis lapsos in hæresim, vide apud Becanum. l. i. c. 5. n. 14. & seq: in Man: Ex quibus patet Scripturam in sensu literalis acceptam, non posse esse Judicem Controuersiarum fidei, quia sic accepta ducit aliquando in hæreses & errores, quod iudici nullo modo conuenire debet.

Deinde quod Scriptura juxta secundum modum, in quo sensus, non litera spectatur, non possit esse iudex, sic probo: Quia Scriptura sæpè dubia & obscura est, sed iudex, ut supra dictum est, debet clarè sententiam proferre. Ergo scriptura sic accepta, iudex esse nequit. Quòd autem obscura sit & difficilis intellectu, probo ex effectu. Nam Aduersarii ipsi Lutherani videlicet, & Calvinistæ sæpè inter se grauiter dissentiunt, in intelligendâ Scripturâ, licet sint linguarum peritissimi, ex sexcentis locis unum accipio pro exemplo: *Hoc est Corpus meum.* Singuli hæretici hæc aliter explicanda censent: Zwinglianos excæcatos esse, asserunt Lutherani. Sed quod si idem de Lutheranis asserant Zwingliani? in multis enim differunt; quis inter illos erit iudex? certè si Scriptura, ut utriq; volunt, clara & perspicua est, debet etiam interpretatio ejus

II.

esse



esse clara, & perspicua; dicant ergo; unde tot inter illos sint lites? Cur communi consensu non arripiunt Scripturæ clarā & perspicuam interpretationem? certè eodem modo eam intelligendam esse faterentur omnes, si clarā & perspicuam eam esse viderent omnes. Vide, quæ de Obscuritate Scripturæ dicemus Demonstratione de Scripturâ c. 2. per totum. Manet ergo verus Syllogismus ante positus; videlicet, Judex tam clarus esse debet, ut ejus sententia intelligi possit. Scriptura non est tam clara, ut probatum est. Ergo non potest esse Judex.

### §. 3.

*Spiritus privatus non potest esse Judex  
Controuersiarum.*

12.

Quisnam & in quibus sit ille Spiritus, Judex Controuersiarum, explicat Brochmannus de Sacra Scripturâ c. 2. q. 19. ubi sic ait: *Nobis verò quiuis Homo verè spiritualis, est Judex Controuersiarum Religionis. Nominem autem Hominis spiritualis, cui Judicium de Causis & Controuersis Religionis committimus, intelligi volumus illum, cui Deus voluntatem suam per Spiritum reuelauit. Ex quibus verbis manifestè patet in sententiâ Aduersariorum, quemlibet Hominem priuatum, Su-*

*corem*

torem & Sartorem posse esse Judicem Controuersiarum; certum enim est hujusmodi homines tam posse esse Spirituales, quàm sint alii Viri docti, in quauis dignitate & officio positi. Hoc autem non posse dici, probatur.

13.

1. Iudex qui inter homines corporales ex utraq; parte litigantes sententiam ferre potest, debet videri & audiri posse, vt certò constet, qualis sententia feratur. Sed talis Spiritus in quocunq; homine existens, nec videri nec audiri potest; Ergo Sententiam ferre nequit. Major certa est; quomodo enim sciri poterit, an sententia feratur, si nec videamus, nec audiamus eam ferri? Et licet ille homo, qui se dicit talem Spiritum habere, sententiam suam ferat, quomodo authenticè probabit, se talem Spiritum habere, cum de illo nulla sit à Deo ipsi facta promissio, quæ nobis constet? cum deinde tam Lutherani quàm Calvinistæ, Zwingliani, & alii inter se maximè contrarii, dicant, se talem Spiritum habere; nulla est ratio, cur his potiùs, quàm aliis credamus; non quia hoc affirmat Scriptura, quia talis nulla est; & si esset talis, omnes eam sibi applicarent; cum autem omnes diuersa sentiant, necessariò sequitur vel Scripturam & S. Spiritum sibi contrarium esse (quod est omni-



omnino blasphemum & impossibile) aut certe eos omnes & singulos errare, & erroneos Spiritus habere. Vel ipsis credemus eo, quod affirmant se veros Spiritus habere. Sed hoc idem affirmant omnes, & tamē contraria dicunt & docent. Ergo non est Ratio horum affirmationi potius habendi fidem, quā illorum; quia nullius Spiritus videri potest. Ergo Spiritus illorum non potest esse iudex, quia Spiritus illorum contrarii sunt. Ex quibus patet probatio minoris supra posita, & est manifesta consequentia.

14.

*Probo 2.* ab analogiā iudicii in Republ: temporali. Omnes & singuli homines habent lumen naturale, quo Lex condita est, quod sufficit ad legem exponendam; singulis tamen privatis, non licet exponere pro arbitrio suo legem; quod si fieret, Respublica non posset stare. Singuli enim Legem aliter atq; aliter pro suo commodo interpretarentur & dicerent, se lumen Naturale sufficiens habere ad illam explicandam. Quantō ergo minūs credi potest explicationi Scripturæ unius-cujusq; cum nemo probare possit, se lumen supernaturale habere, quo Scriptura condita est, & sine quo intelligi nequit, & licet se habere dicant illud lumen, hoc est, verum Spiritum: contrarium tamen patet, quia verus Spiritus contrarius sibi non est; ipsi autem in explicandā Scripturā sibi maximē contrarii sunt.

*Probo*

*Probo* 3. Si Spirituales illi, qui se dicunt verum Spiritum habere, iudices Controversiarum forent, præcluderetur via conversionis omnibus hæreticis, nec ullæ unquam Controversiæ terminari possent. Nam nemo est Hæreticorum, cujuscunq; sectæ sit, qui non jactet se Spiritum habere verum, quem omnibus aliorum Spiritibus præponat. Qui ergo dubius erit, & instrui in fide volet, cuinam tutè fidem adhibere poterit? Necessarium igitur erit ut miraculo probet Doctor, se Spiritum verum habere; vel certè alium Judicem adducat, qui judicare possit an verum Spiritum habeat. Qui autem fuerit adductus, quomodo probabit, se de illo verè judicare? Adducendi itaq; erunt iudices in infinitum, & nemo de se certè probare poterit. Unde sequitur nullum ad veram fidem convertendum esse, quia nunquam de vera fide certus esse poterit.

CAPVT III.

*Proponuntur Objectiones Aduersariorum.*

**A**duersarii omnes affirmant, solam Scripturam esse iudicem Controversiarum, id est, ex sola Scriptura difficultates omnes decideri posse; vel ut explicant alii, solos & singulos homines verè Spirituales hanc habere



bere potestatem, ut ex suo peculiari Spiritu, omnes controuersias decidere possint. Quod sic probat Brochmannus de Scriptura c. 2. quæst: 19. *Spiritualis quidem dijudicat omnia, & à nemine judicatur.* 1. Cor. 2. v. 15. Et hoc primum ejus fundamentum est.

2. *Precor vos Fratres, ut obseruetis dissidiorum & offendiculorum Autores, contra doctrinam, quam accepistis, & declinetis ab eis.* Rom: 16. v. 17.

3. *Omnia explore, quod bonum est tenete.* 1. Thes: 5. v. 21.

4. Exemplo Beröensium. Act: 17. v. 11. *Quotidiè scrutantes Scripturas, si hæc ita se haberent.*

5. 2. Timoth: 3. v. 16. *Omnis Scriptura diuinitus inspirata utilis est ad docendum, ad arguendum, ad corripiendum &c.*

6. *Scrutamini Scripturas.* Ioh: 5. v. 39.

7. *Dabo omnes filios tuos doctos à Domino* Ma: 54.

8. Pontificis Autoritas in iis, quæ ad Pietatem spectant, non est infallibilis. Ergo Judex esse non potest. Probat Antecedens v. g. In Canonizatione Sanctorum errare potest. Cum enim ille testimoniis hominum & probationibus in eâ re nitatur; ut hoc testimonium fallibile est: sic videtur Pontifex falsò pronunciare posse, aliquem esse Sanctum. Idem est in approbandis Religionibus. Nam constat aliquas Religiones prius

appro

approbatas, postea improbatas & explosas esse, ut patet 6. Decret: Tit: de religiosis Domib: c. un: Non igitur ea, quæ Pontifex determinat, omnia sunt infallibilia. Idem dici potest de Conciliis, quæ cum constant ex solis hominibus, & singuli errare possint, possunt ergo omnes errare & consequenter totum Concilium.

9. Deniq; penes homines solos Spirituales juxta 1. Cor: 2. v. 15. potestatem hanc controuersias decidendi semper fuisse & esse debere, Brochmannus probat ex Praxi in Ecclesiâ perpetuò servatâ.

1. Moses hanc potestatem habuit, quia fuit Vir spiritualis, cui Deus Mysteria sua de-  
tegebat. Num: 12. v. 7. 8.

2. Sacerdotes eam habuerunt: *Facies quicquid ex Præsripto Legis docuerint Te.* Deut: 17. v. 10. 11. *Interroga Sacerdotes Legem.* Hagg: 2. v. 12. Sed illi omnes verè spirituales fuerunt. Ergo penes spirituales omnes, sola potestas erit definiendi Controuersias.

Hæc sunt præcipua fundamenta, quibus Doctrina Lutheranorum innicitur, quâ probant hujusmodi potestatem non esse penes solum Romanum Pontificem & Ecclesiam Romanam.

*Soluuntur Argumenta proposita.*

1. **F**atemur in Ecclesiâ semper fuisse & etiamnum esse viros verè spirituales &



perfectos, negamus tamen illos esse posse  
 Judices Controuerſiarum Fidei. 1. Quia  
 non ſumus certi de vllo, certitudine fidei  
 an verè ſit Spiritualis, imò an fidelis. De  
 Pontifice autem & Conciliis ex Promiſſione  
 Chriſti certi ſumus. 2. quia ſumus etiam  
 maximè ſpirituales non ſemper illuſtrari &  
 quædam ignorare, ut patet in Helifæo, qui  
 habebat duplicem Spiritum Eliæ, & tamen  
 dicebat: *Dominus mihi non reuelauit.* 4 Regi  
 4. Quin imò ſcimus maximè S. S. Patres  
 ſpirituales fuiſſe, qui tamen ſubindè erra-  
 runt, ut conſtat ex Origene, Tertulliano  
 & aliis, quod & Aduerſarii fatentur. Sen-  
 ſus ergo Apoſtoli iſte eſt: Dixerat ante v. 14.  
 quòd animalis Homo non percipiat ea, quæ  
 ſunt Spiritus, atq; ideò, vt oſtendat Homi-  
 nem ſpiritualem plus intelligere, quàm in-  
 telligat animalis; affirmat ſpiritualem om-  
 nia judicare tam animalia quàm ſpiritua-  
 lia; non tamen ſequitur, quòd omnia o-  
 mninò ſpiritualia; ſed ea, in quibus ſpiri-  
 tualis eſt, & à Spiritu inſtructus. Nam ſpi-  
 ritualem Hominem non habere omnia à  
 Spiritu ipſemet clarè docet Apoſtolus, dum  
 ait ad Ephes: 4. v. 11. 12. 13. *Ipſe dedit quos-  
 dam Apoſtolos, quosdam autem Prophetas, a-  
 lios verò Euangelistas, alios Paſtores & Doctō-  
 res &c:* Alioquin enim ſpiritualis nullus im-  
 quam nec Patris, nec Magiſtri, Superioris  
 vel Prælati iudicio ſtare & parere deberet.

Quatenus ergo spiritualis ductum Spiritus, vel per se docentis, vel ad Doctores mittentis sequitur, eatenus errare non potest. Et ipse à nemine judicatur, id est condemnatur, quatenus spiritualiter judicat, alioquin enim & Petrus judicatus, id est, redargutus est à Paulo. Gal: 2. v. ii. Contra animalis à spirituali spiritualiter examinatur, & judicatur.

Tantum ergo hoc loco vult Apostolus per Spiritualem excludere animale, & mundanam Sapientiam; & hanc alteri postponere, quâ gloriabantur Corinthii, & cuius imperitum Paulum, volebant postponere Apollo. Idcirco Corinthios, hic animales Paulus redarguit.

2. Nihil penitus ad rem facit, & mirot Brochmannum pro Opinione suâ hoc ad ferre ausum. Nam per hoc quod Apostolus moneat, ut à Dissensionum Auctoribus caueant, non constituit eos Judices Controuersiarum: sed solum hortatur, ut nihil sibi permittant blanditiis, & dulci sermone persuaderi, contra Doctrinam, quam de facto didicerant. juxta illud quod in eundem sensum habet. Gal: 1. v. 8.

3. Nihil illud quoq; ad rem probandam conducit. Apostoli enim sensus ille est; cum multi priuato Spiritu afflati publicè in Ecclesiæ Catu Prophetias loquerentur, & inter illos non deessent Pseudo-Prophetæ,

18.

19.



monet Theſſalonicenſes Apoſtolus, vt diligenter attendant, an huiusmodi Hominum Prophetiæ veræ ſint, hoc eſt, conformes Scripturæ & communi ſenſui Eccleſiæ, an tantum Spiritus humani, Regulæ autem, ſecundum quas hoc diſcernere poſſent, erant Scripturæ & Traditiones, quas ab Apoſtolis acceperant, juxta illud ad eosdem Theſſal: ep. 2. c. 2. v. 14. *Itaq; Fratres ſtate & tenete Traditiones, quas didiciſtis ſive per ſermonem, ſive per Epiſtolam noſtram.*

20.

4. Exemplum Beröenſium ab Apoſtolis laudatum, nihil pro illis facere conſtabit, ſi videatur, quâ occasione hoc de illis dicatur, & eſt talis: Apoſtolus Beröenſes docens, diſcerebat ex Scripturis, & ex iis probabat, Chriſtum oportuiſſe pati & reſurgere à mortuis &c: Hæc autem Teſtimonia Scripturarum, cum audiuiſſent citari Beröenſes, videbant in Sacro Textu, an ea Teſtimonia in eo ſic haberentur; non quidem, quaſi dubitarent de Morte & Reſurrectione Chriſti, quam Doctrinam ſatis confirmari viderant per Virtutem Miraculorum. 1. Theſs: 1. v. 5. Sed ut in Fide magis confirmarentur & alios docere poſſent, ſi viderent ea, quæ Paulus prædicabat, longè antea à Prophetis fuiſſe prædicta. Ex quo nullum aliud Argumentum deducere poſſunt Aduerſarii, quàm ſimile. Ruſtici ſcrutantur Teſtimonia Lutheri

theri à Prædicante citata: Ergo solus Lutherus est Judex Controuersiarum. Vel sic: Studiosi inquirent Loca S. S. Patrum à Brochmanno allegata. Ergo soli S. S. Patres sunt Judices Controuersiarum. Sicut istæ Consequentia non concludunt, ita neq; consequentia Aduersariorum ex hoc loco deductæ.

5. Quod omnis Scriptura sit utilis ad docendum; cum Apostolo affirmamus; sed negamus inde sequi, eam esse Judicem Controuersiarum: quòd enim aliquid ad aliud faciendum utile sit, non sequitur, quòd sufficiens sit. Ita cibus utilis est ad alendum hominem, non tamen est sufficiens, sed requiritur etiam Potus. Vtilitas ergo Scripturæ, ad dirimendas Controuersias, pro nobis facit, qui dicimus Scripturam debere esse normam vnā (non tamen solam) juxta quam decidi debeant omnes Fidei Controuersia.

6. Quòd Christus nos jubeat scrutari Scripturas. Joh. 5. v. 34. fatemur, sed examinandum est, in quo sensu & occasione iusserit. Christus enim in toto illo capite disputat cum Judæis, qui negabant ipsum esse Filium Dei. Ipse verò se eum esse probat quatuor Testimoniis 1. Testimonio Joannis Baptistæ, 2. Miraculorum 3. Diuini Patris & 4. Scripturarum Veteris Testamenti, dum dicit:



*Scrutamini Scripturas, quæ Testimonium perhibent de me, & non vultis venire ad me, ut vitam habeatis, quasi dicat: Si non vultis recipere priora Testimonia, saltem euoluite Scripturas, de quibus tantopere gloriamini: illæ ipsæ, si attentè eas legeritis, testimonium perhibent de me, quòd ego sim Melsias. Videant Aduersarii, an locus ille non faciat potius contra illos; nam Christus in hac disputatione non tantum usus est testimonio Scripturæ, sed etiam tribus aliis prioribus. Unde deduci potest non solum ex Scripturâ cum Hæreticis disputandum esse: sed etiam adhiberi debere Testimonia Patrum, & Ecclesiæ, Virtutemq; Miraculorum, quod nos Catholici facimus.*

23.

7. Nego Isaiam loqui de Spiritu priuato reuelante, sed de Doctrinâ Euangelicâ, quam Deus ipse, hoc est Christus prædicaui & docuit, ut sensus sit: Populum Christianum, non docebo per Prophetas, sed per me ipsum: juxta illud Hebr: 1. *Multifariam multisq; modis &c:*

24.

8. Ad Canonizationem Sanctorum quod attinet Resp. & affirmo, Pontificem errare circa eam non posse, quod sic probò: Omnibus & singulis Ecclesiæ Ministris dedit Deus omnem Potestatem ad ea quæ sunt sui Muneris, juxta illud Apost: ad Eph: 4. v. 11. 12. 13. *Dedit quosdam Apostolos, quosdam Prophetas &c: Ergo etiam Pontifici tan-*  
quam

quam summo Pastori, dedit summam potestatem atq; infallibilem Autoritatem ea constituendi, *quæ ad ædificationem spectant totius Corporis Christi*, hoc est, *Ecclesiæ*. Quâ posita Consequentia ut certâ, sic subsumo: Sed omnia, quæ spectant ad Pietatem, & bonos mores, (quale inprimis est Canonizatio sanctorum) diriguntur ad ædificationem Corporis Christi, seu Ecclesiæ. Ergo in his omnibus ad munus suum pertinentibus, summi Pontificis infallibilis est potestas & autoritas.

Quæ certitudo iisdem illis Dei promissionibus nititur, ex quibus compertum habemus, nunquam futurum, ut vniuersa Ecclesiâ, in rebus Religionis fallatur. Falleretur autem in Negotio Religionis grauissimo, si Sanctum reputaret, ac pro tali veneraretur eum, qui sanctus non est. Nec obstat, quòd Testimonia, quæ pro alicujus Hominis Sanctitate adferantur, sint humana; ideoq; naturâ suâ fallibilia: posito enim, quòd Pontifex illis inducatur ad declarandum quempiam Sanctum, certâ fide credendum est, testimonia illa quatenus probant piè ac sanctè quenquam ex hac vitâ decessisse, vera esse, quæ certitudo veritatis desumitur à posteriori: videlicet cum Pontifex illis Testimoniis inducto, rem aliquam esse de Fide statuerit, certum est illa testimonia, fuisse vera: quia suppositâ promissione Dei,



Pontifex errare nequit. Hinc è contra; si testimoniis illis noluiſſet induci Pontifex, ad alicujus Canonizationem, bene concludi potuiſſet, Testimonia hujusmodi vel falſa, vel dubia, aut ad minimum, non ſufficiencia fuiſſe.

25.

Ex eodem fundamento ſoluitur illud, quod de Religionum Inſtitutionibus objectum fuit. Cum enim Pontifex aliquam Religionem approbat; duo in eo facto conſiderari debent. Vnum in ipſa Definitione Pontificis poſitum eſt: ſcilicet, quòd is aſſeueret, Inſtitutum illud Vitæ malum non eſſe, ſed Euangelicæ perfectioni conſentaneum. Alterum verò ſpectat ad quandam Pontificis Prudentiam; nempe quòd tali Vitæ Inſtituto, ſuum quandam in Eccleſiâ concedat locum. In primo Pontifex errare nullo modo poteſt. Deciperetur enim, & erraret, Eccleſia vniuerſa juxta dicta in præcedenti ſolutione de Canonizatione.

Quod attinet ad Prudentiam, fateor nonnullos dicere Pontificem errare poſſe: ſed contrarium longè probabilius videtur: Nam totam etiam Eccleſiam deciperet, ſi alicui Religioni Locum concederet in Eccleſiâ, quæ hîc & nunc non ad Eccleſiæ ædificationem, ſed ad ejus deſtructionem faceret. Falleretur enim tota Eccleſia, ſi obligata foret credere eam Religionem hîc & nunc vtilem.

Eccle-

Ecclesiæ esse, quæ verè utilis non esset, sed potius noxia. Quod igitur in objectione dicebatur, Religiones quasdam antea probatas postea explosas & extinctas fuisse; non ita factum est, quasi antea fuerit aliqua Religio malè approbata. Sed quòd postea progressu temporis, propter abusus visum fuerit magis ad ædificationem Ecclesiæ, ut ex Religionibus antea probatis quasdam exploderentur & tollerentur.

Illud autem, quod objiciebatur de Conciliis, fateor ea constare ex hominibus; quorum singuli disjunctivè errare possunt, non tamen omnes simul copulativè. Quia sicut singuli per se non constituunt Ecclesiam, sed omnes simul sumpti: sic Christus non promisit singulis particularibus Hominibus infallibilitatem, seu immunitatem ab Errore, sed omnibus simul sumptis, prout Ecclesiam totam repræsentant, id est, toti Ecclesiæ.

26.

9. Ultima hæc objectio videtur omninò facere pro nobis. Nam quòd Moyses & veteres Sacerdotes tanquam Viri verè spirituales habuerint potestatem & auctoritatem judicandi de omnibus Fidei Controuersis. Num: 12. v. 7. 8. Deut: 17. v. 10. 11. Hag: 2. v. 12. manifestè pater, hanc potestatem non cuius priuato spirituali, priuatum Spiritum

27.

H5

habenti



habenti concessam esse: sed solis Capitibus  
seu Doctoribus Ecclesiæ, quales erant Moy-  
ses & summi Pontifices veteris Ecclesiæ.  
Quod nunc etiam faciendum esse docuimus  
supra prob: i. sententiæ nostræ. Atq;  
ita objectionib9 Aduersariorum  
satis factum est.



DE VERBO DEI  
SCRIPTO.

## DEMONSTRATIO 2.

*Lutheranam Ecclesiā non esse veram  
Ecclesiā, quia rejicit sacros Canonicos  
libros, quos primitiva vera Eccle-  
sia ut tales agnouit.*

## CAPVT I.

*Probatur. 2. Primitiuā Ecclesiā omnes il-  
los fuisse habitos verè Canonicos Scri-  
pturæ libros, quos nunc Ecclesia  
Romana pro talibus  
agnoscit.*



**Q**uosnam pro veris & Canoni-  
cis libris Ecclesia Romana tene-  
at & admittat, explicat Concili-  
um Trid: sess: 4. Illos autem & nullos ali-  
os ab Ecclesiā Primitiuā, pro talibus habitos  
fuisse, testantur sequentes Patres:

*Innocentius I. Epist: ad Exuperium Tolo- Anno 400.  
sanum c. 7.*

*Concilium Carthaginense Tertium. cap. 47.*

*Augustinus de doctrina Christiana, l. 2. c. 6. Anno 400.*

*Gelasius Papa cum septuaginta Episcopis Anno 490.*

*Tom: 2. Conciliorum in decretis.*



Anno 500. *Alcimus Auitus* lib: ad sororem de Conso-  
lationis Castitatis laude.

Anno 540. *Cassiodorus* lib: 1. Diuinarum Institutio-  
num c. 13.

Anno 620. *Isidorus Hispalensis* l. 6. Etymologicon c. 1.

Et cum in particulari rejiciant Aduersa-  
rii ex veteri Testamento *Tobiam*, *Judith*, *Sa-  
pientiam*, *Ecclesiasticum*, *Baruch*, & *Macha-  
beos*: de singulis videndus est Ecclesiæ pri-  
mitiuæ sensus; ac imprimis *Tobiam* agno-  
uerunt, & infallibilem authoritatem ei tri-  
buerunt primorum quinque Sæculorum Pa-  
tres Græci 9. Latini 39. videntur olim du-  
bitasse 4. nemo autem legitur rejecisse; post  
decisionem Ecclesiæ, dubitauit nemo.

*Librum Judith* vt Canonicum ad firmanda  
fidei dogmata, adhibuerunt ex Sæculis iisdem  
Græci patres 10. Latini 20. Item *Synodus Ni-  
cæna* teste Hieronymo in præfatione in li-  
brum *Judith*: & Concilium Carthaginense  
Tertium c. 47. leguntur duo dubitasse,  
ante decisionem, rejecisse duo, post decisi-  
onem nemo.

*Baruch*, Canonicum censuerunt Ecclesiæ  
primitiuæ Græci patres 26. Latini 25. nec  
non Concilium Nicænum Primum, lib: 2.  
fol: 105. & Laodicense Can: 54. nemo du-  
bitasse legitur, multò minus rejecisse.

De *Sapientia* autem libro sufficiat dixisse,  
quòd illum tanquam Canonicum agnoue-  
rint, ac proinde ejus auctoritate tanquam  
infall-

infallibili sint vñ, ex quatuor primis Ecclesiæ Sæculis Patres Græci 27. Latini verò 32. Neq; ante Martinum Lutherum legitur ab illo de ejus auctoritate fuisse dubitatum, tantum abest, vt tanquam dubiæ fidei fuerit rejectus.

*Ecclesiasticum* quoq; vt *Canonicum* admiserunt, ex quinque primitiuis Sæculis Græci Patres 23. Latini autem 36. præterea Synodus Alexandrina, Epist: ad Episcop: Eccl: Catholicæ, de quo post Ecclesiæ decisionem nemo dubitauit:

*Duos Machabæorum libros*, vt legitimos ac Diuinos ex quinque primis Sæculis agnoscunt Græci Patres 14. Latini verò 25. Et Concilium Carthaginense Tertium, videntur dubitasse 5. ante decisionem, reject omnino nemo post decisionem.

Et hi sunt libri, quos ex antiquo Testamento passim Aduersarii rejiciunt; cum autem multos etiam ex nouo tollant, tamen cæteris modestior Brochmannus de S. Scriptura. c. 1. eos arguit, qui Epistolam Pauli ad Hebræos, Jacobi, Judæ, secundam Petri, tertiam Joannis, nec non Apocalypsim è numero librorum verè Canonicorum ejiciunt; Cum nullam satis justam causam, id faciendi ipse videat. Vt eò magis miret. Vratislauienses, qui non contenti è Veteri Testamento eosdem ejecisse, etiam ex nouo rejiciunt sequentes, & inter Apocryphos

2.

ponunt



ponunt Epistolam ad Hebræos, Jacobi & Judæ. Posteriorem Petri, secundam & tertiam Joannis & ejusdem Apocalypsim, in

*In compendio Theologico Zacharie Hermannii.* quo videntur sibi contradicere, dum asserunt hos Apocryphos novi Testamenti habere auctoritatem probandi fidei dogmata, cum ramen, juxta illos, ea dogmata ex solâ Canonica scripturâ probari debeant.

3.

Ratio autem cur prædictos veteris Testamenti libros ex Canonicorum numero Aduersarii excludant, est, quod dicti libri non habeantur in Canone Judæorum, & ideo à Christianis admitti non possint.

Verum hoc argumentum nullius est momenti; nam imprimis, quod attinet ad Machabæorum libros; illi editi fuerunt, postquam Canon Hebræorum ab Esdra consignatus fuit. quid igitur mirum est, si in illo canone non ponantur? quod attinet ad alios, sufficit, quod Ecclesia, quæ tantæ vel majoris auctoritatis est, quàm Judæorum Canon, non aliquo futile argumento, sed authenticis omnium testimoniis permota, illos pro Canonicis habendos esse, constituerit, quâ in re si errasset, tota primitiua Ecclesia & omnes Sancti Patres errassent, in graui puncto fidei: atq; ideo in verâ Ecclesiâ non fuissent, quod ne quidem Aduersarii concedent. Nec obstat, quod isti dicant non omnes S. S. Patres pro Canonicis eos agnouisse. Respondéo enim, licet fortè aliqui

eos non agnouerint, ante Ecclesiæ decisio-  
nem, simul ac tamen Ecclesia definiuit, eos  
pro Canonicis habendos esse, pro talibus o-  
mnes habuerunt, etiam in primitiuâ Eccle-  
siâ, ut patet ex Innocentio I. & aliis superi-  
ùs allatis, qui primis Ecclesiæ Sæculis vixe-  
runt. Soli Lutherani & Caluinistæ post  
1500. annos, eos rejiciunt, eò quòd menda-  
ciis eorum videantur aduersari: quâ de re  
plura vide infra num: 7.

## CAPVT II.

*Probatur extra Ecclesiam Catholicam  
Romanam S. Scripturam non posse  
esse fidei regulam ac normam  
infallibilem credendi.*

Cum Scriptura cum verbo tradito fidei nor-  
ma sit & fundamentum; constare de-  
bet pro certo, an illa scriptura, quam pro  
verâ tenemus, vera sit Scriptura. Vt autem  
alicui hoc constet, debet ei de sequentibus  
quinq; punctis esse certitudo, vt pulchrè pro-  
bat Marchio Brandenburgicus in Speculo Ve-  
ritatis.

1. Quòd omnia volumina Biblica sint ver-  
bum Dei, auctore S. Spiritu dictata.
2. Quòd in Originalibus suis incorrupta,  
& sine mendis ad nos usq; peruenerint.
3. Quòd omnes illi libri sint Canonici,  
nulli Apocryphi.

4. Quòd



4. Quòd syncerè ac legitimè sint versi.

5. Quòd genuinum, & à S. Spiritu intentum Scripturarum sensum habeat.

Sed de his omnibus Catholici Romani sunt certi, Acatholici omnes sunt incerti; ergo etiam omnes Acatholici sunt incerti, an veram scripturam habeant, & certam fidei normam. quod de singulis nunc consequenter est probandum.

### §. I.

#### *Non habent certitudinem Scripturae.*

I. **Q**uòd totum Volumen Biblicum sit Sanctum & à S. Spiritu dictatum, Adversarii probare nequeunt, nisi vel testimonio Ecclesiæ, vel, ut Brochmannus ait, ex internâ in vnoquoq; priuato, S. Spiritus illuminatione, vel ex efficacîâ quadam, quæ soli veræ scripturæ inest, & per quam sese legenti prodit. Sed nullo ex his modo probare possunt; ergo non probant, & consequenter non habent infallibiliter scripturam.

1. Non testimonio Ecclesiæ Catholicæ; quia hoc testimonium fatentur esse humanum, & fallibile; cum Ecclesiæ attribuere infallibilitatem nolint. 2. non ex priuatâ S. Spiritus illuminatione, quia nemo ex Scripturâ probare potest, se talem illuminationem habere, imò neq; vllâ ratione certâ hoc

quis-

quispiam de se potest affirmare. Pro claritate formo hoc argumentum, & Lutheranium interrogo. Credisne infallibiliter Volumen Biblicum esse verbum Dei an non? Si non, ejus religio tota ruit, quam in solâ scripturâ vult fundatam esse, si affirmet, & tanquam fidei articulum credat. tunc sic vrgo. Vbi scriptum habetur, scripturam, quam veram esse credis, verbum Dei esse? si respondeat, vetus Testamentum probari ex Novo, in quo sæpe citantur Prophetæ & alij; & ita ex scripturis scriptura demonstretur. Contra ulterius sic insto: sed vbi scriptum habetur, quòd illud quod novum testamentum esse dicis, sit verum Dei verbum? quod cum nullibi habeatur, manifestum est ex nullo loco scripturæ posse eum certum fieri, quòd scriptura quam habet, verbum Dei sit. Deniq; non ex efficacia scripturæ, hanc enim efficaciam deberent omnes experiri, & in omnibus esset eadem ex parte scripturæ. cur ergo Calvinistæ & Brochmannus admittunt Epistolam Jacobi, quam rejiciunt Lutherani. cur illi non sentiunt eandem efficaciam quam isti? Cum itaq; infallibilitatem Ecclesiæ Catholicæ rejiciat Lutheranus, scripturam tantum habere potest testimonio humano; ergo de eâ certus esse non potest, & consequenter neq; de fide suâ, vel vlllo fidei articulo.



## §. 2.

*Non habent Certitudinem Scriptura  
in corrupta.*

VI.

II. Quid per tot centurias annorum Originalia Bibliorum ad nos usq; incorrupta & inuiolata peruenerint, certitudine fidei Lutheranus scire nequit. Vel enim sciret hoc ab Ecclesia Catholicâ, vel ex ipsâ Scripturâ. Non primum, quia cum Ecclesiam erroribus subiectam & Antichristi sedem esse dicat, testimonium illud humanum & erroneum esset. Non secundum; quia nulum scripturæ locum, in quo hoc affirmetur, adferre potest.

Nec obstat quod obijcitur. *Verbum Dei manet in æternum; & Cælum & terra transibunt, verba autem mea non transibunt.* quia respondeo, hæc verba tam bene dici de verbo Dei non scripto quàm scripto; & vera etiam erunt, si verbum Dei permaneant in verâ Ecclesiâ per prædicationem & doctrinam. Quod autem dicitur: *Nec jota nec apex periturus* & Apoc: 22. v. 18. 19. *si quis apposuerit ad hæc &c: & si quis diminuerit de verbis libri prophetiæ hujus, auferet Deus partem ejus de libro vitæ &c.* nihil facit pro illis. nam manifestum est, primum de Scripturâ Veteris Testamenti tantum; alterum etiam tantum de Apocalypsi Joannis fuisse dictum. Vbi au-

tem

tem hoc de totâ scriptura dicatur, nullibi inuenitur. Sed posito adhuc quòd aliquid tale de totâ scripturâ reperiretur, unde probabunt Lutherani, hæc ipsa verba non esse corrupta, cum quæstio sit, an non Lutherani corrupta Biblia habeant? Cum autem Lutherus & Lutherani omnes sua Biblia Originalia ab Ecclesiâ Catholicâ acceperint, ulterius sic urgeo: Vel acceperunt à Catholicis biblicum volumen incorruptum, vel corruptum: si incorruptum; sequitur clarè Lutheranos habere nunc Biblia corrupta, cum omnibus constet, Lutherum in iis plurima mutasse, mutilasse multa, imò integros libros sustulisse, ut ita Lutheri Biblia non amplius conueniant cum illis, quæ ab Ecclesiâ accepit. si corruptum; duo debent ostendere Aduersarii, 1. quia fieri potuit, ut ex bibliis in Originali suo corruptis, Lutherus incorruptam versionem fecerit? 2. Monstrare tenentur, & tempus, & auctores, per quos Biblia nostra corrupta fuerint. Cum nihil horum demonstrare possint, sequitur manifestè, Lutheranos non esse certos certitudine fidei se habere Biblia incorrupta.

## §. 3.

*Non sunt certi de Canone.*

III. **Q**uòd Canonem verum non habeant Lutherani, hoc est quòd certitudine

VII



fidei scire non possint, an non libros aliquos Apocryphos pro sacris habeant, & contra pro Apocryphis sacros: sic demonstrat: vel habent hanc certitudinem ex testimonio hominum Lutheri, Brentij &c: vel ex proprio iudicio, eò quòd aliquos libros, alio stylo & modo à reliquis dissonos, scriptos esse iudicent. Vel ex Scripturâ sacrâ. Primum & secundum pura testimonia hominum sunt, qui etiam inter se maximè dissident, atq; adeò planè fallibilia. Tertium ex nullâ scripturâ possunt ostendere, scilicet Judith: Sapientiam, & alios quos rejiciunt, non esse libros sacros, & illos solos quos admittunt, pro sacris habendos esse. Deinde, ponamus aliquos, ut ipsi ajunt SS. Patres, pro Lutheranorum Canone stare, certum tamen est, longè plures pro contrariâ parte sentire; quis ergo controuersie hujus erit Judex? imò demus omnia antiqua Concilia, Patres & totam Ecclesiam Lutheranis fauere, certi tamen esse non poterunt, quamdiu ipsi principiis suis insistent, & Ecclesie auctoritatem infallibilem negant. juxta illos enim Ecclesie totius testimonium fallibile & humanum est; ergo ratione illius certitudinem fidei habere non poterunt. Manent ergo incerti de Canone suo. Quòd si replicent, non esse fidei articulum scire, quinam libri sint Canonici, qui non. Respondeo, vel Lutherani certitudi-

ne fidei certi sunt scripturam suam Canonici esse, vel non. si non: cadit tota eorum doctrina, quæ in scriptura fundatur incertum an verâ. si dicant se certos esse; infallibile aliquod certitudinis hujus fundamentum ostendant. Non ignoro quidem, Remnitium in Exam: Concil: Trid: sess: 4. affirmare, certitudinem illam extraditionibus esse petendam. Si contra. Vel Traditiones istæ fallibiles sunt vel non. Si fallibiles sint, cadit hæc certitudo. Si sint infallibiles. Ecclesiæ autoritas infallibilis erit, & omnis doctrina Lutheranorum ruit. Si dicant primitivam Ecclesiam, quæ vera fuit, infallibilem fuisse, non autem modernam: tunc sic contra: primitiva Ecclesia quæ vera fuit, declaravit omnes illos scripturæ libros esse Canonicos, quos nunc pro talibus habet Catholica Ecclesia. Nam sub Innocentio I. qui vixit anno Christo 402. id manifestè declaratum est, à quo tempore per continuam 1237. annorum successionem omnes SS. Patres & Ecclesiæ Doctores, nullo omnino excepto, idem constanter docuerunt, & pro talibus habuerunt. ergo Canon quem habent Catholici certus est, & à primitiva Ecclesia receptus; Lutheranorum autem Canon, non tantum incertus, sed etiam certum est eum esse falsum, cum constet eum non convenire cum illo, qui à vera primitiva Ecclesia fuit approbatus, & consequen-



ter certus & infallibilis judicatur. Si dicant eos solos habendos esse libros Canonicos, quos in suo Canone habent Judæi; Contra interrogo, ubi habetur hoc in scripturâ? imò verò tale argumentum è contra formo. Ille Canon verus esse non potest, qui convenit cum Canone hominum non Christianorum, hæreticorum, & tam ab Ecclesiâ quàm Lutheranis damnatorum. Sed Canon Lutheranorum convenit cum Canone hujusmodi hominum; ergo eorum Canon verus non est. Prima propositio est certa. Secunda probatur. Lutherani rejiciunt eosdem libros, quos rejiciunt perfidi Judæi; item, quos olim rejecerunt Valentiniani, Marcionistæ, Porphyriani, Arriani, Theodotiani, & alii, hos omnes cùm Lutherani condemnent ut hæreticos, eorum tamen auctoritatem omnibus SS. Patribus, & totius Ecclesiæ judicio præferunt, quis ergo non videat eorum canonem non tantùm incertum, sed etiam penitus falsum esse?

#### §. 4.

*Non sunt certi de verâ Versione.*

VIII. IV. **Q**Uòd Lutheranis certò constare non possit de vera & legitima versione scripturæ, sic probo: Lutheranam bibliothecarum Versionem cum suis fontibus rectè convenire,

uenire, Lutherani infallibiliter scire nequeunt, nisi ex his testimoniis.

1. Vel ex testimonio Ecclesiæ; sed Ecclesia, versionem hanc condemnat.

2. Vel ex testimonio hostium Lutheranae sectæ, Caluini &c. Sed eam quoq; isti omnes rejiciunt,

3. Vel ex propriâ affirmatione Lutheri; Sed Lutherus ipse, post viginti annos ingenuè fatetur, se in versione suâ sæpius errasse, eò quod glossis Rabinorum nimium crediderit. imò demus quòd rectè verterit, vnde certitudinem infallibilem eà de re habent? nunquid unusquisq; interpret rectè se veritasse asserit? id certè Beza, id Castalion, Munsterus, Junius, Tremelius, Oecolampadius, Bibliander, Tigurini & alii de se affirmant. Cùm autem singuli diuersam versionem habeant, & alteram altera condemnet, nulli fides adhiberi potest, nisi testimonium aliquod aliquis adducat, per quod in infallibilem eà de re certitudinem inducatur.

4. Deniq; an opinio communis concepta de excellenti eruditione Lutheri, testimonium infallibile veræ versionis censeripotest? sed demus eruditionem aliquam Lutherum habuisse, quis tamen prudens dubitare poterit, quin D. Hieronymus aliq; multi SS. Patres à teneris & totâ vitâ, in linguis Orientalibus educati, atq; ideo in iis versatissimi, longè perfectiorem linguarum notiti-



am habuerint? quin imò nullus ex supra nominatis alijs qui Biblia verterunt, in peritiâ sacrarum linguarum Luthero volet cedere. Unde ergo Christianus quispiam linguarum sacrarum, aut sanè lectionis omnis imperitus infallibiliter scire poterit, quæ versio sit vera? quidquid adferunt, semper idem circulus de eorum fallibilitate redit. Ulterius tamen clariùs sic insto. Lutherus & quicumq; alii Sectarii versionem suam fecerunt vel ex ipso primo Originali, seu manuscripto Hebræo; vel certè ex ejusdem copiis, & transcriptis libris. Non ex ipso Originali, quod certum est, nunquam à Luthero cæterisq; visum. ergo solùm ex copiis & transcriptis libris. Sed cùm hæc copias siue Græco siue Hebræo idiomate conscriptas se ab Ecclesia Catholica accepisse, fateri debeant; quis eos asscurare poterit, Ecclesiam (quam ipsi falsariam scripturæ, & omnis abominationis matrem nominant) in illis copiis non immutasse multa, mutilasse, adjecisse &c? esto jure jurando asserant Catholici, biblia hæc integra, & inuariata semper mansisse, tum sic: vel juramento fidem adhibent; vel non: si prius, cur hac in re fidem Catholicis adhibere possunt, quam in omnibus aliis fidei punctis derogant? si posterius; ergò nullam omninò certitudinem habent.

Non

## §. 5.

*Non sunt certi de vero sensu.*

IX.

Quòd autem nullam infallibilitatem habeant Lutherani se verum habere scripturæ sensum, quem S. Spiritus intendit, atq; adeo, de nullo fidei articulo certos esse posse, sic probo: Lutherani in excipiendo vero scripturæ sensu nituntur 1. vel infallibili auctoritate Ecclesiæ Catholicæ, vel 2. in nudo & purè humano antecessorum suorum testimonio. vel 3. in proprio discursu, opinione, & doctrinâ suâ, quam in scripturam intelligendam adhibent. Vel 4. in privâtâ Spiritus Sancti illuminatione. Neq; aliud excogitari potest, in quo se fundare debeant. Primum non admittunt, nam Ecclesiæ infallibilitatem negant. aut si velint eam rectius admittere, jam vertunt folium, & Lutheranismum exuunt. Si secundum. Certè Antecessorum & aliorum Doctorum auctoritas planè humana est, quam neq; ipsi ut infallibilem habent.

Si 3. tunc profectò, fides eorum tota in opiniones & discursus resolvitur humanos, ex quibus nihil minus, quàm fidei infallibilitas oriri potest. Si deniq; 4. ipsis incumbit probare ex Scripturis se Spiritus S. illuminatione doceri; nam si aliunde probent, erit alia omnis probatio humana, ex



Scripturis nunquam probabunt. Coguntur ergo fateri Lutherani se nullam infallibilem Scripturæ explicationem habere, & consequenter non posse demonstrare infallibiliter ex ullo scripturæ loco. 1. esse Deum, tres personas, Infernum, Cælum, Christum passum, resurrexisse, & alia similia, quæ certâ fide credimus. Nam licet omnes suæ fidei articulos ex scripturis probare satagant, si tamen urgeantur, & rogentur vnde sciant, infallibiliter istum & non alium esse hujus scripturæ sensum, ad unum ex quatuor supradictis confugere coguntur, quæ omnia cum planè sint fallibilia, omnes eorum fidei articuli fallibiles erunt.

X.

Deniq; sic concludo: ille non est verus scripturæ sensus, qui non consentit cum illo, quem vera & primitiua Ecclesia intellexit: Sed sensus, quem eliciunt Lutherani, nequaquam consentit cum Ecclesiæ veræ sensu: ergo. Prima propositio præterquam quòd clara sit & certa, etiam à D. Paulo confirmatur, 1. Cor. 12. v. 27. ubi asserit donum interpretandi scripturam nullibi, nisi in verâ Ecclesiâ, per totum Orbem diffusâ inuenire posse. 2. propositio ab enumeratione sic probatur. Verba Pauli 2. Thesal: 2, v. 14. *tenete traditiones* &c. vetus & primitiua Ecclesia non de scriptis tantum, sed etiam de non scriptis traditionibus intellexit. ita Chrysostomus Epiphanius, Basilii, Damasceni

masceus & alii, vt ostendetur demonstra-  
tione proxima, sensum illum Lutherani &  
alii Sectarii modò negant. Item illa *pasc-*  
*oues meas, & tibi dabo clauces regni Celorum.*  
Hæc de Petro principaliter, non aliis Apo-  
stolis æqualiter esse dicta, Ecclesia primitiua  
asserit; negant modò Lutherani. Item tres  
annos cum dimidio ultimis diebus regnatu-  
rum Antichristum, ex *Apoc. ii. v. 2. 3.* affir-  
mat verus Ecclesia. Sensem inuertunt Lu-  
therani & Pontifici attribuunt. Item ex Sa-  
crificio Melchisedech, ex verbis Malach. c. 6.  
& aliis, Sacrificium Missæ probauit antiqui-  
tùs Ecclesia. Negant hæc omnia Lutherani  
& in alium sensum torquent. Epist. Paul,  
ad Rom. & ad Galatas de bonis operibus le-  
gis non necessariis semper explicuit & expli-  
cat Ecclesia, aliter Lutherani, qui ad omnia  
opera hæc extendunt, & meritum omnium  
operum negant, ab aliis hæreticis damnatis  
sensum illum mutati, quod in omni ferè  
doctrina eorum videre est; in qua Simonia-  
norum, Arrianorum, Donatistarum dogmata  
ab Ecclesia primitiuâ damnata sequuntur.  
Ex quibus omnibus jam dictis sic infero: er-  
go Lutherani, dum certi non sunt, se habere  
veram scripturam, verum Canonem, legi-  
timam Versionem, neq; verum scripturæ  
sensum, non possunt etiam esse certi se ha-  
bere veram fidem; nam fides quæ ex falli-  
bili



bili Scripturâ probatur, necessariò etiam fallibilis esse debet.

## CAPVT III.

*An Scriptura clara sit an obscura?*

**N**ON quæritur an omnis omnino scriptura sit ita clara, ut nihil in ea difficile intellectu inueniatur. non enim ita claram esse, nobiscum fatentur prudentiores Aduersarii juxta illud 2. Petr. 3. v. 16. Sed quæritur; utrum omnia quæ cuius homini ad salutem creditu necessaria sunt, in scripturis facillima sint intellectu, & omnibus perspicua. Affirmant Aduersarii. Catholici sic sentiunt:

Licet in scripturis consideratâ solâ literâ, quidam capitales fidei articuli, de Christi incarnatione, vitâ, passione, resurrectione &c: ita clari sint, & perspicui, vt cuius simplici legenti manifestè pateant; & circa hos nihil sit amplius scitu vel creditu ad salutem præcisè necessarium. Nihilominus tamen cum profundissima fidei Mysteria, per quæ ad perfectiorem & profundiorē notitiā de Christo perueniri potest (qualia sunt Christum esse Deum, à Patre Cælesti ab æterno genitum, secundam in Trinitate personam, cum humanâ naturâ hypostaticè unitam &c:) in errores facillimè inducant eos, qui ex sola scripturæ literâ, mysteria  
hujus

hujusmodi eruere nituntur (quod Ario, Eutycheti, Nestorio, aliisque contigit,) negant Catholici hæc ita clarè in scripturis proponi, ut ad vitandos innumeros errores & hæreses, non sit necessaria præterea aliqua vera & certa interpretatio, quæ ex purâ literâ scripturæ haberi nequit, nisi accedente Traditione Apostolicâ; per quam verus sensus sub ejusmodi literâ latens clarè & manifestè possit explicari, cum enim omnis sit prohibita infidelitas, sit, ut quamvis aliquam fidei Veritatem absolutè non necesse habeas nosse & credere; sub conditione tamen debeas illam & credere & nosse. scilicet si contingat tibi ejusmodi veritatem cum opposito errore proponi.

Dicunt ergo Catholici multos in Scriptura tales contineri fidei articulos penitus obscuros, qui ab omnibus intelligi non possunt.

Probatur hæc doctrina ex variis scripturæ locis, in quibus fidei articuli proponuntur.

I. Clara quidem verba sunt Matth: 26. v. 26. *Hoc est corpus meum.* Zwinglianis tamen videntur obscura & figurata & illa ibidem: *bibite ex hoc omnes:* videntur clarissima & nobis & Lutheranis & tamen diuersissimè explicantur.

Nos



Nos enim cū legimus Marc: 14. v. 23. *Et biberunt ex eo omnes*, quod de duodecim Discipulis intelligitur, scripturam per scripturam interpretantes dicimus, Dominum duodecim discipulis tantum, dixisse: *bibite ex hoc omnes*: Brentius tamen & Lutherani omnes, affirmant hic præcipi non solum Apostolis, sed aliis etiam omnibus, ut ex calice bibant. Et cū petitur an etiam Turcæ, & Judæi & infantes bibere debeant, adjungunt glossam *omnes* id est, omnes fideles adulti.

2. *Qui manducat meam carnem & bibit meum sanguinem, habet vitam æternam.* Ioan: 6. v. 55. quomodo hæc verba explicabit, si conferat locum alium ibidem. *Spiritus est qui vivificat, caro non prodest quidquam?*

3. Item Rom: 1. v. 25. *Circumcisio quidem prodest, si legem observes*, nunquid si puram literam spectent, Lutherani se circumcidere debebunt? & quomodo conciliabunt illud Gal: 5. v. 2. *Si circumcidamini Christus vobis nihil prodest?*

4. Item Rom: 3. v. 26. *Arbitramur justificari hominem per fidem sine operibus.* quantas non dissensiones inter Catholicos & Lutheranos hæc verba pariunt: quod non fieret, si omnium iudicio clara essent. dicente è contra Jacobo 2. v. 20. *Fides sine operibus mortua est.* & ibidem: *Ex operibus justificatur homo, & non ex fide tantum.*

5. Cùm de fide sint, supra insinuata, Christum esse Deum, à Patre genitum ab æterno, secundam personam Trinitatis, eamq; naturæ humanæ hypostaticè vnitam, & alia similia. vbi ostendent Aduersarii, hæc clarè & perspicuè ex solâ literâ scripturæ demonstrari posse? ergo interpretatione opus est.

Omitto alia innumera, imò omnes fidei articulos inter Catholicos & Aduersarios controuerti solitos, quos hi conantur ex scripturis demonstrare & confirmare: Catholici autem ex eadem scripturâ, sed aliâ interpretatione à SS. Patribus & Doctoribus primitiua Ecclesiæ desumptâ, verum sensum & ejus intellectum pro suâ sententiâ & doctrinâ probant.

Deniq; ex sententiâ Aduersariorum, obscuritas scripturæ in rebus fidei probatur: Nam si tam clara, vt ajunt, scriptura foret, cur tot in scripturam commentationes Lutherus & Lutherani facerent, ferè omnes inter se diuersas? cur versiones tam dissonas ederent in lucem? cur tam inconstanter & variè scripturam explicarent? Certè Osiander in confutatione scripti, quod contra se Philippus ediderat, ingenuè fatetur, viginti sententias diuersissimas de Justificatione secundum scripturas versari inter solos Confessionistas. Et quid magis ad fidem pertinet quàm Justificatio? Et Lutherus ipse in lib: 1. contra Zwinglium & Oecolampadium,

XIII.



dium, scriptum reliquit: *Si diutius steterit mundus, iterum fore necessarium propter diversas scripturae interpretationes, quae nunc sunt, ut ad conservandam fidei unitatem Conciliorum decreta recipiamus, atq; ad ea confugiamus.*

Sed hæc omnia Brochmannus de script. c. 2. q. 16. eludere conatur affirmando, *scripturas his non esse perspicuas, qui non satis attentè eas legunt; vel quod legunt cum curâ & industriâ non perpendunt. vel diuinum auxilium pro impetrando genuino scripturarum sensu, eâ qua par est deuotione & assiduitate non implorant, vel in phrasibus scripturae expendendis, negligentiores sunt, vel deniq; præiudicio, confidentiâ, inuidiâ, odio, ambitione, aliisq; prauis affectibus fascinati, in scripturas temerè irrunt, & non solius veritatis, & veræ vitæ quarendæ studio, ad literarum sacrarum lectionem piè accedunt.* Hæc omnia cum Brochmannus desideret in illis, qui scripturas interpretari volunt, duo facit.

I. Manifestè fatetur scripturas in fidei articulis obscuras esse; Nam cur tanto apparatu opus est in re clarâ & perspicuâ interpretanda? cur cum tantâ pietate & assiduitate inuocandus DEus, cum tantâ diligentia perpendendæ phrasēs &c: si omnia clara sint & manifesta?

II. Lutheranos imprimis ac omnes alios sectarios ac se ipsum condemnat. Nam cum

hi omnes tam variè & contradictoriè scripturas explicent, & vna tantum interpretatio possit esse vera, manifestè sequitur, omnia supradicta in istis interpretibus defuisse, & tantum vnum attingere potuisse veritatem. Si ergo Brochmannus asserat, se omnia illa præstitisse, quæ in interprete requirit, atq; ideo se verum scripturæ sensum assecutum esse, Calvinum, Lutherum, Philippum, & alios cum quibus non consentit, condemnat oscitantia, odii, ambitionis, &c. & consequenter falsitatis. Quod quâ ratione probaturus sit, ipse viderit. Deniq; condemnat omnes SS. Patres & totam veram primitivam Ecclesiam, à qua in scripturis explicandis circa articulos fidei, maximè dissentit.

Et quis non videat apertissimæ insaniae esse, affirmare Lutherum vel vllum Lutheranum majori cum industria, scientia, assiduitate, deuotione erga Deum, deposito odio, ambitione, & aliis supradictis vitiis accessisse ad explicandam sacram scripturam, quam Augustinus, Ambrosius, Irenæus, Cyprianus, totaq; primitiua Ecclesia ad scripturas intelligendas accesserint? Vel ergo primitiua Ecclesia, quæ etiam Aduersariorum iudicio vera fuit, & omnes Patres, quos ipsi pro Sanctis habent, scripturam in articulis fidei bene interpretati sunt vel malè.



Si malè, Ecclesia primitiua non potuit esse vera, nec patres potuerunt esse sancti. Veritas enim Ecclesiæ & hominum sanctitas cum erroribus grauib; fidei, stare non potest. Vel bene interpretati sunt; ergo Lutherani & omnes alii sectarii, qui contradictorias explicationes adferunt, scripturam malè intelligunt. Sequitur igitur manifestè scripturam illis obscuram esse.

## XVI.

Tandem palmarium argumentum, quo Brochmannus se demonstrare putat scripturæ claritatem, desumit ex Paulo ad Rom: 10. v. 6. 7. 8. *Ne dixeris in corde tuo: quis ascendet in Calum? id est Christum diducere, aut quis descendet in Abyssum? hoc est Christum à mortuis reducere? prope te est verbum in ore tuo, & in corde tuo; hoc est verbum fidei quod prædicamus; ergo omnia quæ sunt de fide clara sunt, in corde & in ore omnium.*

Sed horum verborum sensus, iste clarus est, & certus: ne dicas ad certitudinem fidei, & ad justificationem opus est Christo præsentem, vt eum videamus, ejusq; aspectu & præsentia sanemur & justificemur. & ita ipse vel de Cælo vel inferno reuocandus sit. Non putes hoc à te peti: propinquus enim & facilis jam est modus justificationis, si in Christum credas mortuum, & resuscitatum, licet absentem & corde & ore ipsum profitearis. q. d. Ne dixeris ô Judæe legi assuete,

Lex

Lex Moyſi nobis vicina eſt, & plana, fides  
& juſtitia Chriſti ſalutem quidem promittit,  
ſed obſcura eſt & remota: nam erras & fal-  
leris, non ita quidem ſeres habet; quia *prope*  
*eſt Verbum* (juſtitiae & ſalutis) *in ore tuo &*  
*in corde tuo, hoc eſt verbum ſalutis quod præ-*  
*dicamus.* corde & ore credendo & confi-  
tendo Saluatorem, quem vobis prædica-  
mus. Qui ſenſus cùm genuinus & clarus  
ſit, nihil omninò facit pro Aduerſariis, imò  
plurimum pro nobis.

XVII.

Alia verò quæ adducit pro ſcripturæ  
claritate Brochmannus, videlicet verbum  
DEi lucem eſſe ſplendentem in caliginoſo loco.  
2. Petri. i. v. 19. *Verbum DEi lucernam eſſe*  
*pedibus noſtris & lucem itineri noſtro* nihil al-  
liud probant, quàm ſcripturam quando be-  
ne intellecta eſt, mentem illuſtrare, & iter  
ad Chriſtum dirigere, juxta illud Pſal: 118.  
*declaratio ſermonum tuorum illuminat & in-*  
*tellectum dat paruulis.* Cùm & aliæ ſunt ſcri-  
pturæ plurimæ, quæ obſcuritatem ejus o-  
ſtendant. Pſal: 119. v. 12. *doce me juſtifica-*  
*tiones tuas.* v. 18. *revela oculos meos, & con-*  
*ſiderabo mirabilia de lege tua.* v. 27. *Viam*  
*juſtificationum tuarum inſtrue me, & exercebor*  
*in mirabilibus tuis.* v. 33. *Docere Domine*  
*viam juſtificationum tuarum.* Et aliis in locis  
ſæpiſſimè. Ex quibus manifeſtum eſt, Da-  
videm virum ſanctum, in Hebræis verſatiliſ-  
ſimum,



simum, scripturam omnem non intellexis-  
se, & petiisse sibi oculos à DEO aperiri, ut  
eam posset intelligere. quomodo ergo  
dicetur esse clara & Lutheranis  
aperta & perspicua?



DE VERBO TRA-  
DITO.

## DEMONSTRATIO. 3.

*Lutheranam Ecclesiam non esse veram  
Ecclesiam, quia Traditiones rejicit  
quas vera primitiua Ecclesia admisit.*

## CAPVT. I.

*Quid sint Traditiones & an admisse fu-  
erint in verâ Ecclesiâ primitiuâ?*

**T**raditiones vocamus declara-  
tiones, quibus ostendimus ab ætate  
Apostolorum ex continuâ succes-  
sione temporum, & quotidianâ Ec-  
clesiæ praxi, talem rem sic institutam, aut  
talem locum (quicumq; ille sit) taleq; do-  
gma, hoc vel illo modo acceptum vel accipi-  
endum esse. Omisissis ergo Traditionibus ve-  
teris Testamenti, duplicis generis in nouo  
reperiuntur.

I. Diuinæ sunt, & Apostolicæ, quæ pa-  
rem cum Scripturâ auctoritatem habent, &  
partim ad fidem, partim ad mores & exter-  
nos ritus pertinent.

II. Aliæ sunt, non quidem Apostolicæ sed  
Ecclesiasticæ, quæ licet parem auctoritatem



non habeant, meritò tamen à Christianis seruandæ sunt.

Hujusmodi autem Traditiones in Ecclesiâ dari probatur 1. ex sacra Scripturâ.

II.

I. Joan: 21. v. 25. *sunt autem & alia multa quæ fecit Iesus: quæ si scribantur per singula, nec ipsum arbitror Mundum capere posse, qui scribendi sunt, libros.* ex quo loco Brentius prolegom: de Traditionibus fatetur certum esse multa dixisse & fecisse, CHRISTUM, quæ sacris literis non continentur.

II. 2. Thess: 2. v. 15. *state & tenete Traditiones quas didicistis, siue per sermonem, siue per Epistolam nostram.* in quem locum ita scribit Chrysostomus: *hinc patet quòd non omnia per Epistolam tradiderit, sed multa sine litteris, eadem fide verò digna sunt tam illa, quàm ista.*

III. 2. Timoth: 2. v. 2. *quæ audisti à me per multos testes, hæc commenda fidelibus hominibus, qui idonei erunt & alios docere.* nihil hic dicit de scripto, sed de verbis quæ audiuntur.

IV. 1. Cor: 11. v. 2. *laudo vos Fratres quòd per omnia mei memores estis, & sicut tradidi vobis præcepta mea, tenetis.* quænam autem illa sunt præcepta, vbi & scripta? & cum multa in hoc capite de communione dixisset tandem concludit, *cetera autem cum venero, dissonam.* vbi verò sunt illa, quæ ibidem disposuit? non ignoro Adversarios effu-  
gium

gium quærere, & affirmare, hæc & similia, quæ se dixisse aut disposituros scribebant Apostoli, postea ab iisdem vel aliis scripto tradita esse, seu in scripturam translata, quod præterquam temere ac sine fundamento asserant, etiam falsum esse sic probo: quod Ecclesia vera, quæ immediatè successit Apostolis, in articulis fidei sine scripturis credidit, hoc nunc etiam nobis credendum est. sed Ecclesia vera seu primitiua credidit, multas esse Traditiones, ab Apostolis non mandatas scriptis. ergo nunc etiam credere debemus hujusmodi Traditiones esse, & consequenter Apostolos non omnia scriptis mandasse. Major est certa etiam apud Adversarios, nisi dicere velint Ecclesiam totam primitivam errasse. Minor probatur, ab Autoritate multorum Patrum, qui quinque primis sæculis, hoc est in primitiua Ecclesia vixerunt.

## Patres Græci.

## II.

Anno 100, *Dionys: Ariopag: de Eccles: Anno. 100.*  
 Hierarch: c. 1. *necessariò itaq; primi illi nostri Sacerdotalis muneris Duces, cum ex summâ supersubstantialiq; Deitate, ipsi sancti muneris plenitudinem & id ipsum deinceps proferre ac propagare à diuinâ bonitate missi essent &c. summa illa & supersubstantialia partim scriptis, partim non scriptis institutionibus suis (juxta quod sacræ definiunt leges) nobis traderunt.*



Anno 150.

Papias L. 4. operis sui, non ex illis qui aliena & noua mandata commemorant; sed ex his, qui recordatione renouant ea, quæ sunt à Domino per fidem tradita, & ab ipsa veritate profecta, voluptatem capio; Si quis Presbyter mihi fortè occurrebat, qui cum Apostolis conuersatus fuisset, dicta Apostolorum ab eo diligenter sciscitatus: nempe quid Andreas dixisset, quidnam Petrus, quid Philippus, quid Thomas, quid Iacobus &c. & alii Discipuli Domini locuti fuissent: neque enim ea, quæ ex libris petebantur, tantum mihi subsidii allatura existimaui, quantum ea, quæ acceperam ex hominum voce & sermone, qui adhuc in vitâ manebant.

Anno 180.

Irenæus L. 3. c. 4. oportet quæ sunt Ecclesiæ cum summa diligentia diligere & apprehendere veritatis Traditionem. quid enim? si aliquibus de aliqua modica questione disceptatio esset, nonnè oporteret in antiquissimas recurrere Ecclesias, in quibus Apostoli conuersati sunt. & ab eis de presenti questione sumere quod certum & re liquidum est? quid autem si neque Apostoli nobis reliquissent scripturas, nonnè oportebat ordinem sequi Traditionis, quam tradiderunt eis, quibus committebant Ecclesias? cui ordinationi assentiunt multa gentes Barbarorum eorum, qui in Christum credunt sine charta & atramento, scriptam habentes per Spiritum Sanctum in cordibus

dibus suis salutem, & veterem Traditionem,  
diligenter custodientes.

Anno 100.

Clemens Alexandrinus L. 7 Stromatum.  
cap. 9. Homo DEi esse, & Deo fidelis esse  
perdidit, qui aduersus Ecclesiasticam recal-  
citrauit Traditionem, & in humanarum here-  
sium desiluit opinionem.

Origenes Tract: 29. in Matth: nos illis Anno 240.  
credere non debemus, nec exire à prima & Ec-  
clesiastica Traditione, nec aliter credere nisi  
quemadmodum per successiones Ecclesie DEi  
tradiderunt nobis.

Et in procem: L. 1. de principiis: illa so-  
la credenda est veritas, quæ in nullo ab Ecclesia-  
stica discordat Traditione. Idem inculcat.  
in hom: 5. super Num: & in c. 6. Ep. ad  
Rom. & alibi sæpe.

Eusebius. Cesariensis L. 1. demonstrat: Anno 320.  
Euang: cap. 8. Christi Discipuli, quæ à perfe-  
cto suo Magistro præcepta fuerant ea ipsi partim  
litteris partim sine litteris, quasi iure quodam  
non scripto seruanda commendarunt. Idem  
contra Marcellum Episc. Ancyran:

Athanasius Epistola ad Epictet: & Ep. Anno 340.  
ad omnes orthodoxos cum per Arrianos  
persecutio fieret. Et in decretis Synodi Ni-  
cenæ contra Eusebium.

Basilius Magnus de Spiritu S. c. 27. & Anno 370.  
lib. 1. contra Eunom: & homil. 28. contra  
Sabell: Arium, & Anomæos. Item Ep.  
60. & 61.



*Cyrillus Hierosolymitanus Cateches. 5.*

*Anno 380. Gregorius Nanzianzenus in Carmin: de Spiritu S.*

*Epiphanius Heresi 55. & 61. & 69. & 75.*

*Anno 400. Joannes Chrysostomus in 2. Thessal. orat 4.*

*Honorius & Theodosius A A. in L. 2. Cod.*

*Theod. eodem tit:*

*Anno 430. Proclus Constantinopolitanus Ep. ad Armenios.*

*Cyrillus Alexandrinus ad Theodosium de recta fide & aliis quinque in locis clarissimè.*

*Joannes Episcopus Antiochenus Epif: ad Nestorium.*

*Clerus Constantinop. ad Synodum Ephesinam toti in hoc sumus ut SS. PP. Traditionem inconcussam seruemus.*

Omitto alios plurimos tam hujus 4. quam 5. sæculi Patres, qui Traditiones non esse tantum, sed & necessariò seruandas esse clarissimè docuerunt.

### III.

#### Patres Latini.

*Anno 200.*

*Tertulianus de corona Militis c. 2. & 3. & clarissimè quarto harum & hujusmodi disciplinarum si legem exoptules scripturarum, nullam inuenies: Traditio tibi prætendetur auctrix, consuetudo confirmatrix, & fides obseruatrix, Rationem Traditioni, consuetudini, fidei patrocinaturam, aut ipse perspicies aut ab aliquo qui perspexerit, disces. & alia multa.*

*Cypri-*

- Cyprianus* Ep: 69. L. 4. Epist: Anno 250.  
*Hilarius ad Psalm.* 2.  
*Liberius Papa ad Constantium August:*  
*Ambrosius de fidel.* 3. c. 7. & term. 34. de Anno 370.  
 quadragesima & Ep. 82.  
*Damasus Ep. ad Episc: Illiriæ.* Anno 380.  
*Pacianus Epist. ad Sympronianum Noua-*  
*tianum.*  
*Hieronymus Dialo: aduersus Luciferanos* Anno 390.  
 c. 4. & Epist. 28. ad Lucinium.  
*Ruffinus Eccl. Hist. L. 2. c. 9.*  
*Gaudentius Respon: ad Geminium de Vil-* Anno 400.  
*lico iniquitatis.*  
*Augustinus L. contra Cresco: c. 33. & L. 2.*  
 c. 32. & adhuc octo in locis.  
*Innocentius 19. Epist. ad Decentium Eugu-* Anno 406.  
*binum.*  
*Paulinus Nolanus in Carmine Euchari-* Anno 410.  
*stico.*  
*Celestinus Episto: ad Galliæ Sacerdotes.* Anno 428.  
*Vincentius Syrinensis aduersus hæreses. c. 3.* Anno 435.  
 & c. 32.  
*Petrus Chrysologus sermone 85.* Anno 440.  
*Leo primus serm. 2. de jejunijs Pentec: c. 3.* Anno 450.  
 & alibi.  
*Salonius in prou: Salom:* Anno 480.  
*Vigilius Tridentin: l. 1. contra Euty-* Anno 490.  
*chen. & alii multi tam ex hoc sæculo quàm*  
*ex sequenti quinto. Quin imò ipsi Aduer-*  
*sariorum Duces Traditiones rejicere non*  
*audent.*



Martinus Lutherus Ep. ad Marchionem Brandenburgum quæ exstat tom. 2 germanico fol. 243. *periculosum & horrendum est, quidquam audire vel credere, quod aduersatur unanimi testimonio fidei & doctrinæ Sanctæ & Catholicæ Ecclesiæ, quam illa inde ab initio per annos plus mille quingentos seruauit.*

Philippus Melanchthon ad Joannem Cratonem Medicum Vratislauiensem: *Existimo autem ad confirmandas mentes consensum vetustatis plurimum valere, &c. Optimi Magistri atq; Duces nobis esse possunt Irenæus, Tertulianus, Augustinus qui plurima hujus generis posteritati reliquerunt. Ex his monumentis quiuis cognoscere poterit, ipsos imprimis adhibuisse, fidei quam vocabant regulam; huic jungebant piorum atq; eruditorum suffragia, consensumq; Apostolicarum Ecclesiarum: hoc est earum, quas vel ab ipsis Apostolis, vel ab Apostolicis, ut vocabant, viris originem duxisse constabat. Ex quibus omnibus testimoniis ista deduco. 1. quòd vera primitiua Ecclesia multas obseruauerit Traditiones ab Apostolis & Discipulis Christi acceptas, quæ scriptæ non fuerunt. 2. quòd Lutherana Ecclesia non sit vera Ecclesia, quia non seruat ea, quæ Ecclesia primitiua, quæ vera fuit, obseruauit.*

## CAPVT II.

*Traditionum veritas & necessitas.*

Multa

**M**ulta de Traditionibus falsa nobis impingunt Aduersarii, vt Inuidiam concilient. ajunt enim nos dicere scripturam sine Traditionibus humanis esse imperfectam & insufficientem, quod falsum est, nihil enim simile de Traditionibus humanis docemus, sed de Apostolicis, quæ diuinæ non humanæ censentur, per quas multa loca scripturæ declarari debent, vt ostendamus infra de necessitate Traditionum.

2. Ajunt nos docere omnes etiam minutas Traditiones, quæ in Ecclesiâ sunt, Apostolicas esse. quod falsum est. distinguimus enim inter Apostolicas & Ecclesiasticas: illas ab Apostolis acceptas, has post eorum tempora à Prælati Ecclesiarum introductas, affirmamus, & veritatem Traditionum Apostolicarum sic probamus. Tam vera sunt quæ Apostoli & alii immediati Christi Discipuli circa res fidei dixerunt ore tenus, quàm ea quæ nobis reliquerunt in scriptis: ergò tam erunt veræ Traditiones Apostolicæ quàm ipsa Scriptura: antecedens probatur; quia Spiritus S. tam inspirauit Apostolis illa, quæ verbo circa dogmata fidei docuerunt, quàm ea, quæ circa eadem scriptis mandauerunt. quod nisi concedant Aduersarii; fateri cogentur Apostolos in rebus fidei verbo tradendis, errare potuisse; & sic consequenter suspectam reddent falsitatis totam scripturam, si enim in verbo potuerunt errare



Apostoli, etiam errare potuerunt in scripto. ergo tam vera sunt Apostolorum dicta quàm scripta.

V.

Nec quidquam ad rem facit, quod Aduersarii quidam opponunt; videlicet nullibi scriptum haberi illas Traditiones, quas Ecclesia Catholica pro Apostolicis habet, verè Apostolicas esse. Nam si hoc ex scripturis deberet ostendi; necessarium esset illud probari vel ex scriptis Canonicis, & tunc Traditiones non essent verbum traditum sed scriptum, (& tamen adhuc Traditiones necessariæ forent ad ostendendum verbum scriptum, ex quo istud desumitur, verè Canonicum esse) vel deberet probari ex aliis scriptis & auctoritatibus eorum, qui conuixerunt Apostolis: & sic probant Catholici, ut ostensum superiori capite. quorum Auctoritatem & testimonia si nolint Aduersarii admittere, nunquam probare poterunt se habere veram scripturam; tam enim verum esse scimus, Traditiones quas vocamus Apostolicas, veras & Apostolicas esse; quàm scimus esse verum, scripturam aliquam exstare, quæ certa infallibilis & à Spiritu Sancto dictata sit.

Vtrumq; enim ex eadem auctoritate & affirmatione veterum, Patrum & Ecclesiæ primitivæ habemus. Ergo si quidquam doctum, vel actum à Christo & Apostolis esse nobis constet eadem viâ, quâ constat

Euangelium Joannis vel Marci verum & genuinum esse, non potest fides Christiana magis vnum rejicere quàm aliud.

Nec obstat II. quòd replicant alii; videlicet posse Traditiones nonnullas admitti; nullos tamen quæ ad salutem necessariae sunt. hoc enim est falsum; imò plerasq; Traditiones Apostolicas ad salutem necessarias esse, sic probò:

VI.

I. Ipsa fundamenta Christianæ fidei ex Traditione tenemus. Nam scripturam aliquam sacram & diuinam esse, in qua Religio Christiana tota fundata est, nullibi scriptum inuenies, sed sola Traditio confirmat, licet enim scripturæ aliquo in loco assererent, Prophetarum & Apostolorum scripta sacra & diuina esse; unde constabit ea loca, in quibus hoc ipsam asseritur, diuina & infallibilia esse? sic namq; de Alcorano legimus scriptum, eum sacrum ac diuinum esse, hoc ipsum tamen non credimus, quia libro illi diuinitatem affirmanti de se, non fauet vlla diuina Traditio.

II. Totam scripturam præsertim in iis, quæ ad fidem & salutem necessaria sunt, nobis saluam & incorruptam manere fidei articulus est. V. g. Euangelium quod pro Marci vel Joannis habemus, illud ipsum esse, quod Spiritu Sancto tradente per Marcum aut Joannem conscriptum est, quod

VII.

cūm



cum nullibi scriptum sit solà Traditione tenemus.

VIII.

III. Fide tenendum est nos verum ac legitimum scripturæ sensum habere, in iis quæ ad fidei dogmata spectant.

IX.

IV. Spiritum S. à Patre Filioq; procedere de fide est, & licet illud legamus in Symbolo, in scriptura tamen nullibi legitur procedere à Filio sed tantum à Patre. *Joan: 15. v. 26.*

X.

V. Fide credimus ad validitatem Baptismi requiri hanc formulam verbis expressam, *ego te baptizo in nomine Patris &c.* hoc autem ita requiri nullæ sacræ litteræ tradunt.

Omitto alia, ut non esse rebaptizandos Hæreticos ad Ecclesiam Catholicam conversos. Baptizandos Infantes. Esse Sacramenta, & alia quæ ex nulla scriptura demonstrari possunt, sed ex solis Apostolicis Traditionibus habentur. Hæc omnia & Verbum DEI & Sacramenta sunt. Verbum DEI autem & Sacramenta necessaria sunt ad salutem, ergo & istæ Traditiones ad eandem erunt necessariae.

XI.

Præterea Traditionum necessitas probatur ad explicandam Sacram scripturam. V. g. *hoc facite in meam commemorationem. & debetis alter alterius lavare pedes.* Vtrumq; eodem modo est præceptum: illud percipiendæ Eucharistiæ: hoc lavandi pedes. cur ultimum non servatur? nisi ergo ex Aposto-

lica Traditione & Ecclesiæ continuâ praxi constaret non esse præceptum Christianis, quomodo vrgenti præceptum; *debetis, faciat*, resistere quis poterit?

Quid respondebitur Marcionistis & Cerdonianis negantibus Euangelium Matthæi & Marci legitimum esse? vt refert Tertul: lib. de præscriptione & lib. 4. contra Marcin: Irenæus lib. 3. c. 11. Philast: c. 45. Epiphanius hæresi 40.

Quomodo resistetur aliis hæreticis varia Euangelia tollentibus? non aliâ profectò viâ retundi possunt, quàm quia pro genuinis & veris Euangelis ab initio Ecclesiæ semper habita fuerunt.

Addo pro conclusione, si Christus & Apostoli nihil voluissent à nobis credi, vt dictum & doctum à se; nisi quod nobis ostenderetur litteris consignatum: ergo pereunte Sacro textu (sicut de facto multa perierunt) nihil amplius Ecclesia teneretur credere, etiamsi constaret illud à Christo doctum; quia nimirum ea tantum credere teneretur, quæ scriptis ostendi possunt. quod falsum esse manifestum est. Nam licet ab inimicis Christianæ fidei comburerentur omnes libri sacri, non tamen combureretur fides; quia non characteres nigri vel alio colore picti, sed doctrina Christi, quæ per hos characteres nobis innotescit, à nobis creditur nosq; Christianos efficit; ac pro-

XII.



inde siue hæc doctrina Christi & Apostolorum per chartas siue per voces & continuam Traditionem ab Apostolorum temporibus huc usq; propagatam, nobis innotescat, eodem modo nos Christianos facit. Ex quibus manifestè patet, non minorem verbo DEi Tradito quàm scripto fidem adhibendam esse. & tam illud quàm hoc ad salutem esse necessarium.

## CAPVT III.

*Objectiones Aduersariorum refutantur.*

XIII.

**A**rgumenta quibus Aduersarii & præcipue Brochmannus Traditiones conuellere nituntur, in compendium redacta sunt hæc.

I. Conuenire maximè videtur DEi bonitati, vt ea omnia, quæ nobis creditu necessaria sunt, Apostolis planè manifestauerit. & illi hæc omnia perfectè annunciauerint, & eadem omnia scripto planè & perfectè ad posteritatem transmiserint.

*Respondeo* Christum quidem Apostolis omnia manifestasse, & hos omnia annunciasse, non tamen scripto omnia sed quædam voce. nec quidquam ad rem facit, quod replicat Brochmannus ex Deut: 12. v. 32. *quod precipio tibi, hoc tantum facito Domino; nec addas quidquam, nec minuas.*

ergo omnia in scripturis continentur ad salutem necessaria sine Traditionibus. Hic enim inculcat Dominus præcepta Mosaica, seu ceremonialia, integrè seruanda non addendo nec diminuendo. V. g. *die 8 circumcidetur Infantulus* Leuit. 12. v. 2. non licebat, nec ante, nec post diem octauum, circumcidere Infantulum. Deinde si hæc instantia valeret, non liceret nobis obseruare legem Euangelicam, quæ postea tamen tota est addita. Itaq; non sequitur: Judæi ad Legem Mosaicam nihil potuerunt addere, ergo nec Christiani quidquam possunt addere. Tandem quæro: Judæis nè solis hoc mandatum est, an etiam Christianis? si Judæis solis; cur illud ergo contra Christianos adferunt? Si & Christianis; cur Lutherani se non circumcidunt? ergo si Brochmannus quidquam probare velit contra Christianos, adferat necesse est, locum aliquem similem ex novo Testamento, ubi verbo scripto nihil addere vetatur. pro quo

Objicitur 2. *si quis Euangelizauerit vobis præter id quod accepistis, anathema sit.* Gal. 1. v. 8. ergo etiam in nouo Testamento vetatur verbo scripto aliquid adjungere.

R. 1. scopum Apostoli attendendum esse. contra Judaizantes enim loquebatur, qui præter id est contra Euangelium etiam inducere volebant Judaïsmum, non secus ac si quis Christianismo vellet inducere Turcismum.

XIV.



164 DE TRANSUBSTANTIATIONE.  
mum; is, *præter*, id est, *contra* Christianis-  
mum nouam Sectam induceret.

R. 2. non dicere Paulum *præter* id quod  
*scripsimus* sed quod *Euangelizauimus*, aut *ac-*  
*cepistis*, Euangelizare, autem est voce potius  
quàm scripto doctrinam Christi annuncia-  
re, quam Galatæ non minus voce quàm scri-  
pto poterant accipere.

R. 3. Vocolam illam *præter* manifestè ac-  
cipiendam esse pro aliquo, quod ab eo quod  
docuerat sit alienum, aut illi contrarium.  
nam si significaret *ultra* (vt volunt Aduersa-  
rii) Paulus sibi contradiceret; quia post  
hanc Epistolam adhuc scripsit alias, imò &  
totum Joannis Evangelium postea conscri-  
ptum est, quibus proinde fides non esset  
adhibenda, quia *ultra* quæ Paulus scripse-  
rat ad Galatas, superaddita fuerunt.

XV.

Objicit 3. *Irritum fecistis mandatum*  
*DEI propter Traditionem vestram*. Matth. 15.  
v. 6. Deinde Christus Aduersariis volens  
demonstrare veritatem, cum illis disputan-  
do semper, citauit scripturas nunquam au-  
tem Traditiones. ergo Traditionibus non  
est adhibenda fides.

R. locum illum Matth. 15. agere de Tra-  
ditionibus Judæorum propriis & merè hu-  
manis, (ideo addit *Traditionem vestram*) non  
autem de diuinis. Quòd verò Christus in re-  
tundendis Aduersariis nunquam vsus fuerit

Tra-

Traditionibus, nihil refert, cum iis non indigeret ad probandam divinitatem suam, per scripturas, miracula, aliaq; testimonia, sufficienter comprobata.

XVL

Atq; ita præcipuis Aduersariorum Argumentis refutatis, quibus Traditiones cōuellere nituntur, vnum coronidis loco addo. Quod sicut Catholici in admittendis Traditionibus vnanimem omnium SS. Patrum (vt supra demonstravimus) & Ecclesiæ veteris consensum pro se habent & sequuntur; sic ē contra Lutherani aliiq; A catholici in iisdem Traditionibus rejiciendis veterēs omnes hæreticos ab Ecclesia & ab ipsis Lutheranis damnatos imitantur. nam,

I. Ariani posthabitis Patrum sententiis Anno 340. negabant Filium Dei Patri esse consubstantialē, eò quòd hoc nomen in sacris litteris nullibi exstaret. atq; ideo Maximinus Ariannus contra Augustinum disputans, aiebat.: *hæ voces quæ extra scripturam sunt, nullo casu à nobis suscipiantur.* Aug. l. i. contra eund.

II. Macedoniani & Eunomiani nihili Traditionem majorum æstimātes negabant Spiritum S. cum Patre & Filio glorificandum eò quòd illud in scriptura nullibi expressum habeatur. Basilii, Athanasii, Nazianzenus & alii. Anno 360.

III. Pelagiani credamus inquit, quod legimus, & quod non legimus nefas credamus asseruere. Aug. de natura & gratia. c. 39. Anno. 400.

L3

IV. Ne-



Anno 430.

IV. Nestoriani scripta Patrum & Traditiones rejiciebant.

Cyrillus: Acta Ephe: Socrates & ceteri de Nestorianis.

Anno 460.

V. Eutychiani. quorum Princeps Eutyches: *in quâ, inquit, scripturâ jacent duæ naturæ?* cui respondit Mamæas Præsbyter: *Et quæ scriptura dicit consubstantialem?* Concilium Chalcedon: act. i.

Cum hos aliosq; hæreticos in Traditionibus Apostolicis non scriptis, rejiciendis sequantur Lutherani, cum iisq; hæc in re communicent, clarè sequitur hoc erroneè ab illis fieri, & è contra Catholicos, qui Ecclesiæ Sanctorumq; Patrum vnanimem consensum sequuntur, rectè & sanctè facere, dum se ab hujusmodi Sectariis & hominibus ab ipsis etiam Lutheranis, damnatis segregant & abscindunt.



DE TRANSUB-  
STANTIATIONE.

## DEMONSTRATIO IV.

*Lutheranam Ecclesiam non esse veram Eccle-  
siam, quia negat transubstantiationem, quam  
vera primitiua Ecclesia credidit.*

## CAPVT I.

*Doctrina de Transubstantiatione Antiquitas in  
Primitiua Ecclesia probatur.*

**S**tatus controuersia est; an  
panis & vini substantia, post con-  
secrationem unà cum corpore &  
sanguine Christi permaneat; an verò panis  
& vinum esse desinat, quando per consecra-  
tionem, Christi corpus & sanguis, sub panis  
& vini speciebus ponitur. L

Negant Catholici panem & vinum cum  
Christi corpore & sanguine manere.

Affirmant Lutherani, & calumniantur,  
recentem hanc doctrinam esse sub Innocen-  
tio Tertio in Concilio Lateranensi, anno  
1215. excogitatam. quam calumniam refu-  
tamus auctoritate veræ Ecclesiæ primitiuae,  
in quâ hæc *Transubstantiatio* credita semper  
fuit. vt ostendit

Primò Liturgia D. Petri, quâ primum  
Romani vsi sunt, quæ sic habet. *Domine  
DEus respice in nos, & super panem istum &*



168 DE TRANSUBSTANTIATIONE.  
calicem hunc, & fac eum immaculatum tuum  
corpus, & pretiosum sanguinem &c:

Secundò, Liturgia D. Jacobi in Ecclesiâ  
Hierosolymitanâ sic habet:

*Rogamus ut Spiritus Sanctus adueniens  
&c: efficiat hunc panem corpus Sanctum Chri-  
sti tui, & calicem hunc, pretiosum sanguinem  
Christi tui &c:*

Tertiò Liturgia D. Matthæi in Ecclesia  
Æthiopum: O amator hominum humiliter  
imploramus &c: munda & transfer panem in  
carnem tuam immaculatam, & vinum hoc in  
sanguinem tuum pretiosum.

Anno 92. *Quartò Ignatius Episcopus Antioche-  
nus: panem Dei volo, panem Celestem, qui  
est caro Christi filii Dei &c:*

Anno 150. *Justinus ad Antonium Pium Apol: 2. di-  
sertè asserit, eum cibum ex quo carnes no-  
stræ aluntur, id est, panem prece verbi Dei  
sanctificatum, esse carnem Domini.*

Anno 180. *Irenæus l. 4. c. 34. quomodo inquit consta-  
bit eis eum panem, in quo gratia acta sunt, esse  
corpus Domini sui &c:*

Anno 203. *Tertullianus lib. 4. contra Marcionem  
c. 40. Christus inquit, acceptum panem, corpus  
suum illum fecit, hoc est corpus meum, dicēdo &c:*

Anno 250. *Cyprianus Episcopus Africanus, de cœna  
Domini. panis iste quem Dominus discipulis  
porrigebat, non effigie, sed naturâ mutatus, o-  
mnipotentiâ verbi factus est caro, &c:*

Cyrit-

Cyrillus Hierosolymitanus Catechesi 3. Anno 365.  
 mystagogica: Panis Eucharistia, post Spiritus  
 Sancti inuocationem non amplius est panis, sed  
 est corpus Christi. Et catechesi 4. Aquam ali-  
 quando mutauit in vinum sola voluntate, &  
 non erit dignus cui credamus, quod vinum in  
 sanguinem transmutasset? Et paulò infra:  
 hoc sciens & pro certissimo habens, panem hunc  
 qui videtur à nobis non esse panem, etiamsi gu-  
 stus panem esse sentiat, sed esse corpus Christi. Et  
 vinum quod à nobis conspicitur, tametsi sensui  
 gustus vinum esse credatur, non tamen vinum,  
 sed esse sanguinem Christi.

Ambrosius de iis qui mysteriis iniciantur Anno 374.  
 cap. 9. probemus non hoc esse, quod natura for-  
 mauit, sed quod benedictio consecrauit: maio-  
 remq; vim esse benedictionis, quàm naturæ, quia  
 benedictione etiam natura ipsa mutatur.

Gregorius Nisenus oratione catechetica Anno 380.  
 cap: 37. Rectè DEi verbo sanctificatum panem  
 in Dei corpus credimus immutari.

Gaudentius tract: 2. de Exodo: ipse natu- Anno 390.  
 rarum creator & Dominus, qui producit de  
 terra panem, de pane rursus, quia & potest &  
 promisit, efficit proprium corpus, & qui de  
 aqua vinum fecit, de vino sanguinem suum  
 facit.

Chrysostomus homil: 38. in Matth: non Anno 398.  
 sunt humana virtutis opera proposita, nos mi-  
 nistrorum locum tenemus, qui verò sanctificat  
 ea & immutat, ipse est.



Ann 420.

*Augustinus in Sermone quem citat Beda in cap: 10. 1. Corinth: non omnis panis, sed accipiens benedictionem, Christi fit corpus.*

Anno 430.

*Cyrillus Alexandrinus Ep: ad Calosyr: ne horreremus carnem & sanguinem, apposita Sacris altaribus, condescendens DEus nostris fragilitatibus, influit oblati vim vite, conuertens ea in veritatem propriae carnis.*

Anno 430.

*Eusebius Emesenus, serm. de corpore Domini, quando benedicenda verbis cœlestibus creatura sacris altaribus imponuntur, antequam inuocatione summi Numinis consecrentur, substantia illic est panis & vini, post verba autem Christi, corpus & sanguis est Christi, quid mirum est autem, si ea qua verbo creare potuit, possit creata conuertere?*

## II.

Hos enumerasse sufficiat ex primitiua Ecclesia, omitto innumeros alios Doctores per singula sæcula usq; ad Concilium Lateranense idem sentientes & docentes. Ex quibus patet hanc transubstantiationem non esse recens Catholicorum inventum, sed antiquam Ecclesiæ primitiæ doctrinam. tenuit ergo vera Ecclesia, ut patet ex dictis

I. propositionem hanc esse veram; *panis consecratus est corpus Domini*, atqui hæc vera esse non potest sine mutatione panis in corpus Domini: neq; enim panis, manens panis, potest esse corpus Domini, (ut postea ostendemus) ergo mutatio fit; & eo modo panis mutatus, verè est corpus Domini.

II. *Panem*

II. Panem mutari quoad naturam seu substantiam, & tamen effigiem, hoc est, accidentia remanere, ut patet ex Cypriano citato, & hoc est, quod vocamus transubstantiationem. Cum autem contrarium sentiant Lutherani, manifestum est, eos non consentire cum vera Ecclesia, & consequenter eorum Ecclesiam falsam esse.

## CAPVT II.

*Transubstantiatio probatur rationibus ex scriptura ductis.*

III.

Cum audacter affirmant Lutherani, nullum fundamentum in scripturis esse, quod vinum in sanguinem, & panis in corpus Domini mutetur; demonstrabimus hanc conuersionem ex Scripturis non tantum probabiliter deduci posse, sed etiam necessario debere sequi.

*Christus* Matt. 26, illa verba proferens: *Hoc est corpus meum*, vel panem in corpus suum verè ac propriè mutauit; vel impropriè ac figuratè; vel nullo modo: si primum; habemus quod intendimus: si secundum; Sacramentarium est commentum, qui ajunt, panem illum figuram corporis Christi esse, quod nobiscum execrantur Lutherani. Si tertium, tunc necessario sensus iste erit: hic panis verus ac triticeus, verè & propriè est corpus meum: quem sensum verum ac



172 DE TRANSUBSTANTIATIONE.  
genuinum esse, asserit Lutherus lib: de  
capt. Babyl. cap. de Euchar.

Verum contra, Sensus iste non tantum  
falsus est, sed & impossibilis, ergo necessa-  
rio sequitur, sensum talem nullo modo esse  
posse. impossibilis inquam, quia non potest  
fieri, ut una res non mutetur, & tamen fiat  
alia; esset enim ipsa, & non esset ipsa; dein-  
de etiam in una propositione subjectum &  
prædicatum non pro eodem, sed pro rebus  
diversissimis supponerentur, quod nullo mo-  
do potest fieri; ergo si hoc quod sub acciden-  
tibus continetur, est verum corpus Christi  
(ut etiam fatentur Lutherani) non potest es-  
se panis triticeus.

Negant quidam Aduersarii consequen-  
tiam, & dicunt, duo contineri sub acciden-  
tibus, panem videlicet ac corpus; ac proin-  
de verè dici utrumque; *hoc est Corpus Christi*  
& *hoc est panis triticeus*. nam sensum ajunt  
esse istum: hoc quod sub istis accidentibus  
continetur, non solum est panis, sed etiam  
corpus Christi,

VI.

Sed contra probatur manifestè pronomen  
*Hoc*, si ibi panis permaneat, ad panem  
tantum non ad corpus referri posse, & con-  
sequenter dicendum esse, *hunc panem simul*  
*esse corpus*, quod impossibile esse diximus.

Nam quando duæ substantiæ sunt in eo-  
dem loco, quarum una videtur per propria  
accidentia, quæ ipsi inhærent; & altera est  
invisi-

inuisibilis & latens, tunc qui demonstrat contentum sub accidentibus, si propriè loqui velit, non designat substantiam inuisibilem & latentem, sed substantiam cui illa accidentia inhaerent. Exemplis rem declaro: qui spongiam habet in manu aquâ plenam, propriè dicere potest; hoc est spongia, siue substantia spongiæ, non autem potest dicere nisi planè impropriè; hoc est aqua, licet aqua sit in tota spongia. quod idem dici potest de ferro ignito, hoc est ferrum, non autem hoc est ignis. Deinde quando corpus Christi penetratiuè fuit in lapide sepulchrali, vera & propria erat propositio, *hoc est lapis*, impropria verò vel potius omninò falsa, *hoc est corpus Christi*. Ratio est superius allata. videlicet, quando demonstratur substantia sub accidentibus, demonstratur substantia, cui accidentia inhaerent, non autem alia latens sub accidentibus illi non inhaerentibus. Sic in præfenti, si sub accidentibus panis simul esset panis & corpus Christi, accidentia procul dubio inhaereret panī tanquā subiecto proprio, tunc sic: si hunc panem aliquis in manibus haberet, propriè & verè diceret: hoc quod in manibus habeo est panis. impropriè autem & falsè, hoc est corpus Christi, quia, ut jam dictum est, illa substantia propriè tantū demonstratur, cui accidentia quæ videntur inhaerent. non autem illa, quæ ibi est per accidens & non subiectiue, sed concomitanter.



174 DE TRANSUBSTANTIATIONE.  
ergo ut hæc propositio sit vera. *Hoc est corpus meum*, debet abesse panis, & adesse solum corpus. Ut sensus CHRISTI verborum sit: *hoc* quod nobis sub panis speciebus porrigo ad manducandum, *est corpus meum*. Sic enim non affirmabuntur disparata de disparatis per prædicationē fallam & impossibilē.

VII.

Nec obstant, quæ adfert Lutherus primò, si necessaria sit transubstantiatio, ut hæc propositio vera sit, *hoc est corpus meum*, ne videlicet per illud pronomen demonstretur substantia panis. debebit ergo etiam fieri transaccidentatio; ne videlicet per pronomen *Hoc* demonstrantur accidentia, & sit sensus, *hoc album est corpus meum*.

Secundò, ait verè nos dicere de Christo: *hic homo est Deus*, & *hic Deus est homo*, licet non conuertatur DEUS in hominem, aut contra, sic etiam panis & corpus Christi poterat de se inuicem prædicari. Non, inquam, hæc obstant, nam in primo, consequentia negatur; quia demonstrata re aliquâ, pronomen hoc nunquam pro accidente supponitur; sed pro substantia; nisi expresse determinetur ad accidens.

VIII.

Ad secundum quod attinet, fatemur hominem de Deo & contra bene & verè prædicari in hoc exemplo; non ratione transubstantiationis, quæ ibi nulla est, sed propter identitatem hypostasis, quâ persona verbi cum humanâ naturâ simul vnitur.

Si

Si autem dicas corpus Christi cum pane hypostaticè vniri (vt insinuat Lutherus lib: de Captiuit: Babylonica cap: de Eucharist:) Talis vnio rejicitur.

I. quia licet admittamus esse possibilem (de quo Scholastici disputant) sanè de facto eam non possumus concedere sine gravissimo fundamento in Scripturâ, Patribus aut Ecclesiæ sensu. tam prodigiosum enim miraculum non est asserendum pro solo vnus placito. alioquin licebit etiam cum Tertulliano docere Spiritum Sanctum hypostaticè vnitum Columbæ in Jordane. Et alius dicet, etiam vnitum linguis igneis: & quod gravius est, tertius poterit asserere, sibi etiam vnitum esse verbum, aut Spiritum Sanctum. quæ omnia sunt absurdissima. Cum ergo verba Christi; *hoc est corpus meum*, eam vnionem non requirant; aliunde autem nec lenissima in totâ scripturâ, vel sensu Ecclesiæ, veterumq; Patrum de tali vnione fiat mentio, profectò non minus gratis conficta deprehendetur ad saluandam malè semel assertam perseuerantiam panis in Eucharistiâ, quam sint eæ vniones hypostaticæ de quibus paulò ante.

II. licet de facto talem vnionem concedamus, qualem à Luthero fingi diximus; non tamen per illam saluaretur veritas verborum *Hoc est corpus meum*. esto enim, panis & corpus



176 DE TRANSUBSTANTIATIONE.  
pus uniantur verbo, imò etiam inter se, nihilominus non possunt inuicem prædicari, *Panis est corpus* sicut non dicitur: *Verbum est anima*, aut, *anima Christi est corpus Christi*. Ideo ly *hoc* si denotat panem solum, non potest de corpore verè affirmari: si denotat totum ibi contentum; etiam non potest dici: *totum hoc est corpus Christi*. Solum autem ipsum corpus non potest denotare; quia cum magis per se demonstretur per ea accidentia panis, ipsa substantia panis, si ibi sit, quàm corpus, profectò magis etiam debet per ly *hoc* significari panis, vel certè simul. quo casu jam dixi non verè affirmari de corpore Christi.

IX.

Verùm aliam hic unionem inter panem & corpus ponunt nonnulli recentiores Lutherani, quam nominant Sacramentalem: per quam hæc propositio sit vera, *panis Sacramentaliter est corpus Christi*. Hoc est ut ipsi ajunt, *manducato benedicto pane, manducatur etiam corpus Domini propter unionem Sacramentalem*. Sed contra, quando in hac propositione dicitur; *panis Sacramentaliter est corpus Christi*, illud ly *Sacramentaliter* significat panem figuratè esse corpus Christi, an verè ac propriè: si figuratè, incidunt in Calvinismum. Si verè ac propriè, tunc nihil dicent aliud, quàm Christum ibi esse, præsentem per unionem aliquam ad modum  
sim-

simplicis conjunctionis *cum*, *in*, *vel sub pane*. sed contra.

Intima illa conjunctio, vel unio panis cum Christi corpore, qualiscunq; ea sit, tantū efficere non potest, ut corpus realiter de pane, prædicari possit, nam anima, quādo cum humano corpore unitur, & Angelo vel Diabolo, si corp9 aliquod assumant, eiq; insint intimè, non tamen erit hæc conjunctio sufficiens ut dici possit, hoc corp9 est anima, hoc corp9 est angel9 vel Diabolus, aut contra, licet sint penetratiuè in eodē spatio; sed solū dici poterit, in hoc corpore est anima. in hoc corpore est Angelus aut Diabolus. Sic etiam panis & corpus Christi, cum sint duæ res distinctæ, & omnino disparatæ, nec aliter uniantur, quā per simplicem conjunctionem, manifestè patet, quod panis propriè non possit dici corpus Christi. Imò qui latinè nouit, facile judicabit, locutionem illam falsam esse: *panis est propriè caro: vinum est propriè sanguis.*

Maneat ergo certum, & ex verbis Christi clarè demonstratū, per verba Christi panem, ac vinum in corpus ac sanguinem converti. contrariā doctrinā Christi verbis aduersante, ut asserit D. Thomas p. 3. q. 75. a. 2. ubi ait. *Hæc positio cōtrariatur formæ huj9 sacramenti, in qua dicitur: Hoc est corpus meum, quod non esset verū, si substantia panis ibi remaneret nunquam enim substantia panis est corpus Christi; sed potius esset dicendum: hic est corpus Christi.*



178 DE TRANSUBSTANTIATIONE.  
CAPVT. III.

*Soluuntur objectiones Aduersari-  
orum.*

XI.

**L**icet multas objectiones superiori capite  
soluerimus, supersunt tamen aliquæ,  
quibus oppugnamur, enodandæ. Primari-  
um autem Aduersariorum argumentum,  
quo nituntur probare, panem & vinum  
post verba consecrationis remanere, desu-  
munt Lutherus, Calvinus, Kemnitius; Et  
ex recentioribus Brochmannus, Matthias  
Hoe ex Paulo 1. Cor. 10. v. 16. 17. vbi sic  
Apostolus: *Panis quem frangimus, nonne  
participatio corporis Domini est?* Ex quo ta-  
lem deducunt ratiocinationem: Si panis  
sit participatio corporis, ergo panis debet  
manere panis, aliàs non potest esse partici-  
patio corporis; quia quod non est amplius,  
non potest esse participatio alicujus rei exi-  
stentis. quod hoc exemplo declarant: Si-  
cut in nuptiis Cana Galileæ aqua, quæ in vi-  
num mutata est, non potest dici participa-  
tio vini, quia nihil de aqua remansit, sed to-  
tum est vinum; ergo vt possit vna substan-  
tia dici participatio alterius, debet vtræq;  
substantia remanere.

Verùm hæc insulsa probatio est, nam  
isti Nouantes vel absolutè non intelligunt;  
aut saltem intelligere nolunt, locum hunc  
Pauli. Non enim hic agit Apostolus de

*participatio*

participatione panis cum corpore Christi, sed de participatione panis consecrati, siue corporis Christi cum Corinthiis. vt sensus sit: nunquid quando participatis ô Corinthii, de pane benedicto, participatis de corpore Domini? qui sensus manifestus est ex intentione Pauli, & toto contextu Epistolæ. Arguebat enim Corinthios, quòd cum de Idolothytis participarent, de tamē etiā participarent corpore Christi; quod vt graue scelus abominabatur. Et sicut Architriclinus, & cæteri nuptiarū conuiuæ participabant non de aquâ, quæ nulla tunc erat, sed de solo vino ex aqua mutato, sic Corinthii participabant non de pane vt pane, sed de corpore Domini, quod panis vocatur ab Apostolo, non nudè quidem aut simpliciter, *sed panis quem frangimus* id est, Eucharisticus, siue transubstantiatus, qui est corpus Christi, panis tamen speciem & operationem retinet. Et quòd ille sit sensus Apostoli, clarè patet ex versu sequenti 17. *de vno pane participamus*, hoc est de corpore Christi, quod ubiq; est vnum & idem. non de pane triticeo, qui cum ubiq; foret diversus, dici non possent participare de vno, qui de illo participarent, quod eodem modo de pane debet explicari, quod Aduersarii obijciunt ex 1. Cor. 2. 11. & seq: ubi corpus Domini vocatur panis.

XIII.

Nec obstat secundò, quòd dicant Paulum in eodem cap. 11. bis ponere panem,

M 2

primò



primò quidem verum panem materiale, & ergo etiam quando postea dicit: *quandocunq; manducabitis hunc panem*, panis idem materialis intelligi debet, nihil, inquam, obstat. nam minimè absurdum est, variè idem accipi à Paulo in eodem loco: cum enim ait *panis quem frangimus*, loquitur de Eucharistico, vt omnes fatentur, & tamen ibidem ait: *vnus panis multi sumus*. vbi sine dubio, vt etiam omnes fatentur, panis pro Ecclesia sumitur. Et hæc primaria Aduersariorum obiectio est, cuius solutione reliqua facilè possunt resolui.

XIV.

Objiciunt alii: si desit substantia panis, deest sacramentum in Eucharistia, quia transubstantiatio annihilat elementum, quod tamen est necessarium ad rationem sacramenti.

Respondeo negando antecedens, & ejus probationem, quia non annihilatur panis, sed cum desinat esse per conuersionem, remanent species, quæ sufficiunt, vt dicatur remanere elementum, remanet enim quantum ad id, quo sacramentum est visibile signum.

XV.

Objiciunt secundò, dicitur à Patribus verum corpus Domini sensualiter & in veritate tractari, manibus frangi &c. 2. Panis Eucharisticus potest etiam calefieri, corrumpi, nutrire, quæ omnia accidentibus competere nequeunt.

R. ad

DE TRANSUBSTANTIATIONE. 181

R. ad primum juxta vsum loquendi etiam scripturæ sensum esse, Christi corpus videri, tangi, & frangi mediantribus speciebus, sub quibus realiter præsens est, quæ solæ formaliter videntur, ranguntur, franguntur &c: ita enim Dominus dixit Luc. 8. v. 45. *quis me terigit*, cum solum fimbria vestis ejus tacta fuisset.

R. ad secundum si mutatio in Eucharistia sit alteratio sola, vt calefactio &c: sufficere communem quantitatem, vt qualitatum commune subjectum. si verò fiat corruptio: eo instanti quo desinunt esse species, substituitur materia à DEo, & introducitur forma à generante. hoc enim exigit rerum ordo, vt cum dispositiones sint introductæ ab agente sufficientes ad substantialis formæ receptionem, introducatur forma, quæ naturaliter materiam requirit, & proinde DEus eam substituit juxta rerum naturalem ordinem.

Itaq; ex probatis primo & secundo capite, & illis refutatis quæ obijciunt Aduersarii, vini & panis in corpus & sanguinem Christi vera transubstantiatio sufficienter comprobata est.





DE PERMANEN-  
TIA CORPORIS ET SAN-  
GVINIS CHRISTI IN  
EUCHARISTIA.

DEMONSTRATIO 5.

*Lutheranam Ecclesiam non esse veram  
Ecclesiam, quia negat permanentiam  
corporis & sanguinis Christi sub spe-  
ciebus panis & vini, quam vera  
& Primitiva Ecclesia cre-  
didit.*

CAPUT I.

*Primitiva Ecclesie sensus affirma-  
tius.*

Anno 92.



*Lemens Rom: lib. 8. const: cap. 13. (quem auctorem etiam ci-  
tant Aduersarii) quod superest de  
corpore Domini, jubet à Diaconis cum de-  
bitâ reuerentiâ poni in pastophorio.*

Anno 150.

*Justinus Martyr testatur, sacris in Eccle-  
siâ peractis, dari consueuisse Eucharistiam  
à Diaconis ad absentes fratres deferendam.*

Anno 180.

*Ireneus Epist: ad Victorem Pap: apud  
Eusebium lib: 5. historiarum, affirmat,  
Pontifici fuisse morem, aliis Episcopis Eu-*

*chari-*

charistiam mittendi in signum pacis ac communionis.

*Tertullianus* lib: 2. ad vxorem. consue- Anno 230.  
uisse sua tempestate Eucharistiam ad suas de-  
ferre, domos vbi eam tempore opportuno  
sumerent.

*Cyprianus* sermone de lapsis, Mulier quæ- Anno 250.  
dam, cum arcam suam, inquit, in qua San-  
ctum Domini fuerat, indignis manibus ten-  
tasset aperire, igne inde surgente deterrita  
est. de Eucharistiâ loquitur.

*Dionysius Alexandrinus* Epist. ad Fab: a- Anno 250.  
pud Eusebium 6. Hist: c. 36. ait Serapio-  
nem in extremis agentem, accepisse Eucha-  
ristiam missam à sacerdote tunc domi ægro-  
tante.

*Concilium Nicenum* sequenti sæculo ha-  
bitum, & passim ab Aduersariis omnibus  
receptum can: 14. aliàs 18. vel 20. jubet vt  
Diaconi Presbytero absente Eucharistiam  
ministrent; ac proinde extra tempus & acti-  
onem Cænæ, quæ sine Presbytero celebrari  
nequit. ita *Ruffinus*. Præterea can: 13. Pa-  
tres jubent Eucharistiam in articulo mortis  
nemini denegandam esse. at certum est, tunc  
ægroto non posse ad Ecclesiam venire, &  
articulum mortis contingere posse extra  
tempus Cænæ.

*Basilus* Epist: ad Cæsariam Patriciam Anno 370.  
(quæ à Lutheranis etiam citatur) consueuisse



284 DE PERMAN. CORP. ET SANGV.  
ait, Anachoretas Eucharistiam secum in  
Ereum deportare.

Anno 370. *Gregorius Nanzianzenus* oratione de  
Gorgon: Gorgoniam sororem, ait, nocte  
procubuisse ante Eucharistiæ conspectum  
ad altare consueto more.

Anno 370. *Ambrosius* Satyrum fratrem beneficio  
Eucharistiæ in collo suspensæ naufragium  
euasisse memorat, quam disertis verbis sa-  
cramentum vocat.

Anno 390. *Hieronymus* Epist: ad Rust: Exuperi-  
um Episcopum Tholosanum, quod ob in-  
opiam voluntariam fuerit coactus Christi  
corpus in Canistro portare.

Anno 390. *Chrysostomus* Epist: ad Innocent: Pap:  
milites quosdam ait, tantum tumultum ex-  
citasse in sanctuario, vt sanguis Domini, qui  
inibi erat, in eorum funderetur vestes.

Anno 430. *Cyrillus* Epist: ad Calosyr: insanire di-  
cit affirmantes Eucharistiam vim suam per-  
dere, si seruetur in alterum diem.

Omitto innumeros aliis sæculis Doctores,  
doctrinam hanc disertè affirmantes. ad-  
do quòd omnes qui in Eucharistiâ verum esse  
Christi corpus asserunt, asserunt etiam il-  
lud ibi statim prolatis sacris verbis poni.  
Cum è contra nullus è Primitiua Ecclesiâ  
Doctor ab Aduersariis allegari possit, qui  
contrarium assermet. Vnde bene sequitur,  
Aduersarios non esse in verâ Ecclesiâ, vtpo-  
te qui

te qui in hoc fidei articulo doceant aliter,  
quàm vera docuit Ecclesia.

## CAPVT II.

*Probatnr Corporis & sanguinis perma-  
nentia ex scripturis ab instituti-  
one Eucharistiae.*

ET vt pateat Ecclesiam Catholicam ejusq;  
Doctores non leviter sed solidè ex Scri-  
pturis hac in re fundatos esse: sic argumen-  
tor.

II.

I.

Primò, simulac primùm sacra verba pro-  
locutus est Christus, *hoc est corpus meum*,  
*hic est sanguis meus*: verba hæc fuerunt ve-  
ra; sed ipse verba hæc ante sumptionem  
protulit; ergo ante sumptionem fuerunt  
vera, & consequenter ibi corpus & sanguis  
Christi fuit. Negari major nequit, nisi  
Christus falsitatis arguatur; falsum enim di-  
ceret affirmando, ibi corpus & sanguinem su-  
um esse; si ibi utiq; non essent. Minorem  
sacer textus asserit clarè. Et ratio confir-  
mat, cùm enim Apostolos ad bibendum &  
edendum inuitaret Christus, necessarium e-  
rat, vt quare & quid sumpturi essent, scirent:  
quod Matt: 26. v. 28. clarè demonstratur per  
vocalam illam *enim. bibite ex hoc omnes*, quid,  
& quare? *hic est enim sanguis meus*, quasi di-  
ceret, non est vinum quod in hoc calice vobis  
porrigo; *sed sanguis meus*, ergo sanguinē ibi o-  
portebat esse, antequam eum ipsi sumerent.



III.

II. Quod secundò adhuc clariùs ostendo ex Luc: 22. v. 20. *hic est calix nouum testamentum in meo sanguine*, ergo in calice, fuit sanguis, & non solum in ore sumentium; igitur ante sumptionem. Et nunquid hæc confirmat clarè Paulus? *panis* inquit, *quem frangimus corpus Domini est* 1. Cor. 10. v. 6. sed cùm frangitur nondum sumitur, ergo antequam sumatur, jam corpus Domini est.

IV.

III. Deinde sic vrgeo: Cùm calicem consecrasset Dominus, & illam primò porrexisset, & eum iste modico inde hausto, vicino suo traderet; in spatio hoc, quod vtrumq; intercessit, aut fuit aliquid sanguinis in calice, vel nihil fuit: si fuit; jam extra sumptionem sanguis erat. si nihil fuit: cujus virtute, altero bibente de nouo, sanguis factus est? non ex nouâ verborum prolatione, quia Christus ea denuò non potulit.

Non vi primæ benedictionis, quia inde sequeretur contra Aduersarios vinum illud per diem & per annos conseruari posse, & quotiescunq; inde biberetur, bibendum semper sanguinem. Consequentia est clara, nam non est ratio, cur illa benedictio effectu suo careat post modicum, quàm post longum tempus, manentibus iisdem speciebus. Contrarium tamen apud Aduersarios in praxi est, nemo enim ignorat apud illos moris esse, vt si peracta Cæna panis vel vini

bene-

benedicti quidpiam supersit, illud ab æditu-  
is aut pueris in sacrario absumi, nec ullus eo-  
rum asserit, ab iis corpus aut sanguinem  
Christi sumi.

Si replicent Aduersarii, quando rema-  
nentia pueri sumunt in sacrario, peractam  
esse Cœnam, ideoq; nihil corporis vel san-  
guinis tunc sumi; quia intentio Christi fuit,  
per verba *Comedite & bibite*, vt per modum  
Cœnæ statim sumerentur; adeò, vt quam-  
diu moraliter durat Cœna, tamdiu sumatur  
corpus & sanguis, eâ peractâ, non sumatur,  
licet ex eodem benedicto calice bibatur;  
quia tunc non sumitur iuxta intentionem  
Christi.

Sed Respondeo nullo modo ex scriptu-  
ris hoc probari posse. nam verba Christi *bi-  
bite & Comedite*, cùm nullum certum tem-  
pus determinent, etiam intentio Christi  
censenda est indeterminata. Sicuti si hodie  
alicui cibum & potum porrigam, vt inde  
cænet; etiamsi triduo quatrduoue cibos  
illos & potum seruet, & tunc demum sumat,  
non minus inde censendus est cœnasse, quam  
si ipsâ horâ, qua data sunt, sumpisset. Sic  
etiam quando panis & calix benedictus da-  
tur sumendus, siue tempore Cœnæ consti-  
tuto, siue postea sumatur, semper erit cœ-  
na, & benedictio vim suam retinebit. tem-  
pus enim in hac sumptione non facit cœnam,  
sed illud quod pro cœnâ sumitur; ergo et



am pueri in sacrario sumentes quod reman-  
ferat, dicendi sunt sumpsisse sanguinem vel  
corpus Domini, quamuis illud extra Canam  
faciant, quod Lutherani negant.

VI.

IV. Vtteriùs sic insto: vel verba sacra.  
Christi corpus efficiunt, vel ipsa sumptio. si  
verba sacra, ergo statim his prolatis ibi fuit  
corpus, juxta illud, *ipse dixit & facta sunt.*  
si sumptio; ergo verba non sunt necessaria.  
Sed fortè replicabunt, vtrumq; esse necessa-  
rium. Per verba quidem effici sacramentum,  
sed dependenter à sumptione, ita vt sumptio  
sit conditio, quâ positâ fit sacramentum, non  
positâ, non fit:

Sed contra, cùm omnia ex scripturâ sibi  
velint demonstrari Aduersarii, ex quo loco  
glossam illam vel conditionem, verosimili-  
ter deducunt?

VII.

Christus absolutè dicit, *hoc est corpus  
meum.* Aduersarii è contra dicunt, Non  
est, sed erit, si sumatur, cui potius creden-  
dum Christonè an Lutheranis? At contra,  
inquiunt, finis institutionis hujus sacra-  
menti, est ejusdem sumptio, dixit enim Chri-  
stus, *Accipite, bibite & comedite:* ad quæ ver-  
ba tam bene se extendit præceptum, *Hoc fa-  
cite &c;* quàm ad ista: *hoc est corpus meum,*  
ergo omnia ingrediuntur essentiam sacra-  
menti, adeò vt si desit ex his aliquid, non effi-  
ciatur sacramentum, quantumuis pronunti-  
ata sint verba: *hoc est corpus meum, igitur.*

non instituit vt permaneat & seruetur, sed tantum vt sumatur. Vnde fit, vt sumptio sit pars essentialis huius sacramenti, quæ si desit nihil fit.

VIII.

Sed respondeo primò, hoc omninò falsum esse, nam quando Christus ante pronuntiata verba: hoc est corpus meum, dixit, *accipite comedite & bibite*, illud quod iussit ipsos *accipere, comedere & bibere*, vel fuit ipsius corp⁹ vel non fuit; si fuit. ergo *accipite comedite &c.* non sunt de essentiâ sacramenti. si non fuit; ergo vel tantum nudum panem dedit ipsis Christus, quod est absurdum. Vel omninò falsum dixit; affirmando ibi esse suum Corp⁹ quod iubeat eos sumere; Cum tamen non esset ibi corp⁹.

IX.

Secundò. Respondeo, falsum esse per præceptum *hoc facite &c.* huc spectare verba, *accipite & comedite &c.* quia Christus hoc tantum hic iussit fieri, quod repræsentet factum & memoriam passionis ejus.

Sed hoc sufficienter fit, siue dicantur verba, *accipite & manducate*, siue non, dummodo accipiatur & manducetur corp⁹ Christi. Per illam enim actionem repræsentatur Christi factum, & intelligitur ibi esse corp⁹ ejus: modo dicta sint illa: *Hoc est corpus meum*. Sicut quando Christus instituit baptismum, nemo dicet in baptismi actione necessaria esse, verba omnia, quæ pronunciauit Christus in ejus institutione, sed sufficit ipsam actionem exequi, cum verbis actionem explicantibus.

Vc.



ergo DE PERMAN. CORP. ET SANGV.

Vt quando dixit Christus discipulis Matth: 26. v. 19. *Euntes docete omnes gentes baptizantes eos* &c: nullo modo requiritur, vt inter baptizandum dicantur hæc verba: *euntes* &c: sed sufficit actu docere gentes, & eos baptizare per formam cadentem super ipsam baptizandi actionem.

X.

*Tertiò.* Fatemur quidem finem principalem & vltimatum hujus institutionis esse sumptionem, atq; ideo de institutione nihil tollimus. Ad hoc enim in Catholicâ Ecclesiâ Corpus Domini semper consecratur, vt sumatur. non tamen inde sequitur, statim debere sumi, neq; ibi ante sumptionem præsens non esse, nec diutiùs seruari posse; non sequitur, inquam, magis, quàm cum dicimus: Vinum crescit vt bibatur; frumentum vt inde fiat panis, & panis vt comedatur; ergo vinum si non bibitur, non est vinum; frumentum, si non pinfitur, non est frumentum; & panis si non comedatur, non est panis. Quæ consequentiæ cum planè sint absurdæ, erunt & ipsæ similes, quas adducunt Lutherani.

### CAPVT III.

*Refelluntur Objectiones Aduersariorum.*

XI.

**B** Rochmannus secutus Illyricum, Calvinum, & Kemnitium in hoc contra nos  
se

se fundat, quòd Euangelistæ dicant, panem datum esse discipulis, & postea dictum esse, *hoc est corpus meum*, uti legitur Matth. 26. *Accipit Iesus panem & benedixit ac fregit, deditq; discipulis suis, & ait, accipite & comedite, hoc est corpus meum.* Vnde deducunt, prolationem verborum Domini, & actionem manducandi concurrere. Nam sicuti post panis distributionem secuta est immediatè prolatio verborum, sic post eandem distributionem secuta est immediatè manducatio. atq; ita inter ipsam manducationem verba sunt prolata.

Respondeo non ex ordine verborum, sed ex sensu & significatione, quid factum sit, colligendum esse. Si enim attendamus ordinem, quem Marcus posuit cap. 14. *Et accepto calice gratias agens dedit eis &c: biberunt ex eo omnes, & ait illis, hic est sanguis meus novi testamenti.* Ex verbis his sic posit, necessario dicendum erit, verba illa, *hic est sanguis*, post bibendi actionem esse dicta. quod nemo dicet; sic enim, non sanguinem, sed vinum bibissent solummodò, & pronomen *hic* nihil omninò demonstraret. Vel, dicendum esset, post bibendi actionem remansisse partem vini, & de eâ dictum esse, *hic est sanguis*, quod Aduersariorum sententiæ repugnat, esset enim sanguis extra summptionem.



## XII.

Ex sensu ergo legitimo verborum necessariò dicere debemus, verba illa, *hoc est corpus &c: & hic est sanguis*, fuisse prius à Domino prolata, quàm Apostoli comederent & biberent. in illis enim verbis, *hoc est corpus* continetur ratio cur discipuli bibere debuerint, quod clarè demonstratur Matt. 26. per particulam causalem *enim*, *bibite, hic est enim sanguis &c.* juxta illa quæ superiori capite diximus.

## XIII.

Nec quidquam facit, quod objicit Calvinus, dum ait; Hæc verba: *hoc est corpus meum*, esse promissionem, illa: *accipite & comedite* esse præceptum. Et quia præceptum impleri debet ante promissionem; hæc; *accipite & manducate* impleta prius fuisse quàm illa: *Hoc est &c:*

Illud effugium si quidquam probaret, manifestè sequeretur, ne quidem in ipsâ manducatione esse sacramentum. Nam cum promissio subsequatur præceptum, non poterit poni promissio, nisi adimpletum sit præceptum; non est autem adimpletum præceptum, nisi totalis manducatio sit peracta.

## XIV.

Secundò promissiones explicantur per futurum, debuisset ergo Christus dicere: hoc erit corpus meum.

Objiciunt secundò: Baptismus extra actionem non manet sacramentum; ergo nec Eucharistia extra vsum erit sacramentum.

Verum

Verum negatur consequentia, ille enim in re transeunte; hæc in permanente consistit.

Obijciunt tertio aliqui, in scripturis nullibi haberi expressè, corpus Christi extra usum permanere, vel in pixidibus seruandum esse; ergo non permanet sed in solo usu est.

XV.

Respondeo nec in scripturis vlllo modo contrarium haberi. Cum ergo sententiam suam ex scripturis Aduersarii probare nequeant, standum est illi, quod ex scripturis immediatè, clarè & palpabiliter deducitur. Sententiam autem Catholicorum hoc modo deduci posse, hætenus demonstratum est. quod Aduersarii nulla suâ industriâ vel probabiliter efficere possunt. satigitur ostensum est, extra usum Christi corpus & sanguinem de facto permanere.



N

DE



# DE SPECIEBUS S. S. EUCHARISTIÆ

## DEMONSTRATIO 6.

*Lutheranam Ecclesiam non esse veram  
Ecclesiam, quia ponit præceptum sub v-  
traq; specie communicandi, quod  
primitiua Apostolica Ecclesia  
non habuit.*

### CAPUT I.

*Sumptio S. S. Eucharistiæ sub vnâ spe-  
cie in Ecclesiâ primitiuâ Aposto-  
licâ probatur.*



Uum in substantialibus Fidei  
Articulis Ecclesiam primitiuam,  
Apostolicam non errasse, omnes  
Aduertarii nobiscum fateantur, in eaq; con-  
stet S. S. Eucharistiam sub vnâ specie com-  
muniter fuisse sumptam, clarum est sic licu-  
isse sumi, neq; vllum fuisse à Domino vel  
Apostolis Præceptum eandem semper sub  
vtraq; specie sumendi, & consequenter neq;  
jam vllum de vtraq; specie sumendâ diuinum  
Præceptum esse, vt contendunt Aduertarii.  
Quòd autem sub vnâ tantum specie S. S. Eu-  
charistiam in Ecclesiâ primitiuâ Apostolicâ

sæpe

sæpe S. S. Patres sumpserint, testimonio sequentium probatur.

Ignatius Epist: ad Ephes: *Obedientes Anno 100.*  
*Presbytero & Episcopo imprævaricabili sensu*  
*frangentes Panem, qui est medicamentum im-*  
*mortalitatis, antidotum non moriendi, fran-*  
*gere panem vocat communicare sub vnâ*  
*specie, nullâ factâ mentione Calicis.*

Irenæus Epist: ad Victorem. *Presbyteri Anno 180*  
*illi qui se antiverunt atate, tamen si minimè il-*  
*lud observabant: his tamen Episcopis, qui in*  
*aliis Ecclesiis idem sic observabant Eucharisti-*  
*am miserant. videlicet sub solâ specie Panis,*  
*cùm sub specie Vini mitti non potuerit ad*  
*alias Ecclesias.*

Tertullianus lib: 2. ad Vxorem c. 5. *Anno 200*  
*Non sciet Maritus, quid secretò ante omnem*  
*cibum gusles? & si sciuerit, Panem non illum*  
*esse credit, qui dicitur. Et hæc ignorans quisq;*  
*Rationem simpliciter sustinebit, sine suspitione*  
*Panis an Veneni? vbi Eucharistiam sub solâ*  
*specie Panis ab Vxore sumi consueuisse de-*  
*clarat.*

Origenes homil: 13. in Exod: *Notis Anno 230*  
*qui diuinis Mysteriis interesse consueuistis, quo-*  
*modo cùm suscipitis corpus Domini, cum omni*  
*cautelâ & Veneratione seruatis ne ex eo quid*  
*decidat. Reos enim vos creditis & rectè cre-*  
*ditis, si quid inde per negligentiam decidat.*

Cyprianus de Spectaculis. *Demissus & Anno 250.*  
*adhuc gerens secum, ut afolet Eucharistiam.*



Calicem profectò cum Vini speciebus secum deferre non poterat: ergo solum Panem, vt illum commodò tempore sumeret.

Et lib: de lapsis, narrat quendam peccatis maculatum latenter ausum accipere partem à Sacerdotio in Sacrificio Missæ consecratam, quam tamen ex punitione Dei edere & contrectare non potuit, cinere pro sacro Pane reperto. Vnde patet tunc Christianos sub solâ Panis specie Eucharistiam accepisse.

*Anno 260.* Dionysius Alexandrinus Epist: ad Fabium Antiochen: scribit Presbyterum dedisse particulam Eucharistiæ deferendam Seni ægroto Serapioni, ac iussisse vt eam prius madefaceret, quàm seni porrigeret. Cum enim seruarent longo tempore Eucharistiam pro ægrotis, necessariò fiebat, vt duresceret illa species Panis, ita vt non faciliè deglutiri posset, præsertim à grauiter infirmis.

*Anno 370.* Basilius Magnus Epist: ad Cæsaream Patritiam. *Omnes in Eremitis solitariam Vitam agentes, ubi non est Sacerdos, Communionem domi seruantes à seipso communicant. In Alexandria verò & Ægypto vnusquisq; eorum, qui sunt de Populo, vt plurimum habet Communionem in domo sua. Etenim in Ecclesiâ Sacerdos dat Partem, & accipit eam, qui suscipit, cum omni libertate &c:*

Ambro-

Ambrosius Orat: funeb: Fratri sui *Anno 370.*  
 Satyri, narrat Satyrum in collo gestasse  
 inuolutum Corpus Domini sub Specie  
 Panis.

Amphilochius in Vita Basilii. *Cum sacris Anno 380.*  
*operaretur, diuidens Panem in tres partes,*  
*unam quidem communicauit timore multo; al-*  
*teram autem reseruauit sepeliri secum: terti-*  
*am uero imposuit Columba aurea quæ pendit*  
*super Altare.*

Ex quibus & aliis innumeris ejusmodi  
 testimoniis agnoscuntur ritus in primitiuâ  
 Apostolicâ Ecclesiâ obseruari soliti: quo-  
 rum:

Primus erat, quòd Eucharistia ad lon-  
 gum Tempus, imò ad Annum integrum, ut  
 Sophronius in Prato Spirit: c. 79. testatur,  
 sub unâ specie consuevit asseruari pro infir-  
 mis, ut testatur, Eusebius lib: 6. Hist: c. 36.  
 Paulinus in Vita S. Ambrosii. Amphilo-  
 chius in Vita S. Basilii. Amalarius de Offic:  
 Eccl: l. 3. c. 35. & alii.

Secundus, quòd primitivi & Apostolici  
 fideles, Eucharistiam ex templo consueue-  
 rint deferre domum, ut ibidem tempore  
 opportuno sumerent, ut constat ex Tertulli-  
 ano, Clemente Alexandrino, Cypriano, Ba-  
 filio &c: locis supra citatis. Solam autem  
 Panis speciem sic deferri solitam ex Patribus  
 ante nominatis constat.



Neq; id diffidentur Aduersarii ac præcipuè Kemnitius, qui tamen sentit illos eosdem qui sub Specie Panis Eucharistiam secum deferrebant, domi consumendam, prius in Ecclesiâ vini speciem sumpsisse, neq; quæstionem esse quid in domibus priuatis fieret, sed de eo, quod in publicâ Cœnæ administratione fieri consi esset.

Sed contra: Si fideles in publicâ Cœnæ Administratione Panis speciem secum deferrent domum, ibidem tempore commodum sumendam, & speciem Vini, quam non poterant auferre, in Ecclesiâ bibebant: manifestè sequitur, eos in Ecclesiâ tantum sub vnâ specie communicasse nempe Vini. Deinde certum est haustum sanguinis in Ecclesiâ & Commestionem corporis in ædibus priuatis, censerî nullo modo posse Communionem vnicam sed diuersas & vtramq; sub vnâ quidem specie, diuersis enim diebus sumebantur illæ species, non eodem die. Nam ideo speciem Panis domum deferrebant, vt illam sumere alio quopiam tempore commodiore possent.

Tertius ritus erat, vt tempore Jejuniî Quadragesimalis celebratis Missis consecrarent Sacerdotes Dominicis solum & Sabbathinis diebus; reliquis verò Sacerdotes & Laici ex Pane præsanctificato, hoc est, ante consecrato communicarent sub vnâ specie. Quod testantur Concilium Laodicenum.

Can: 44. Concilium Trullanum can: 52.  
Innocentius 1. Ep: 1. c. 4. & alii permulti.

Ex quibus omnibus jam dictis argumen-  
tor: Licitum & vſitatum fuit in Eccleſiâ pri-  
mitiuâ Apoſtolicâ Sacramentum Euchar-  
iſtiæ ſub vnâ ſpecie longo tempore ſeruare,  
ſecum in priuatas ædes vel in Eremum de-  
portare, in collo geſtare, linteolo involu-  
tam cuſtodire & eam quocunq; tempore,  
commodo conſumere, ad infirmos & mo-  
ribundos deferre, vt ex Patrum Teſtimoniis  
ſuperius probatum eſt. Ergo in primitiuâ  
Apoſtolica Eccleſia, non fuit vnquam agni-  
tum diuinum Præceptum, ſub vtrâq; ſpecie  
S. S. Eucharistiæ ſumendi. Quia ſi tale  
Præceptum Diuinum vel Apoſtolicum agno-  
uiſſent, in nullo caſu ſub vna ſpecie vnquam  
ſumere vel tradere eandem potuiſſent, cum  
in Præceptis diuinis Eccleſia diſpenſare ne-  
queat.

Deniq; quod S. S. Patres hanc de vnâ  
Specie Doctrinam & conſuetudinem Eccle-  
ſiæ, non magis explicarint & poſteris tradi-  
derint, Ratio eſt, eò quòd nemo eâ de re du-  
bium moueret, neq; in hoc Eccleſiæ Apo-  
ſtolicæ contradiceret. Nam ante Wicle-  
ſum & Huſſium, neminem vnquam reperi-  
re fuit, qui hunc ſub vnâ ſpecie communi-  
candi modum redargueret; ideoq; cum  
modus ille ſemper in Eccleſiâ Apoſtolicâ vi-  
guerit, cenſendus eſt legitimus, & ab omni-



200 DE SPECIEBUS S. S. EUCHARISTIAE.  
bus Ecclesiæ Doctoribus comprobatus, non  
autem novus ac erroneus fuisse.

## CAPVT II.

*Vsus Communione sub vnâ specie  
probatur.*

V. **C**um totum Christi corpus non minus  
sub alterutra, quàm sub vtrâq; specie,  
contineatur: & nullibi in Scripturis & Tra-  
ditionibus præceptum sit, vt sub vtrâq; specie  
sumatur: imò ex Scripturis probetur, sub  
vnâ tam à Christo, quàm ab Apostolis fuisse  
datum: potest iustis de causis Ecclesiæ Laicis  
prohibere calicem. Hic cum 4. membra  
posuerimus, in quibus tota Controuersia ver-  
satur, singula per totidem probabimus &  
expediemus.

*Non minus sub vna quàm vtrâq;  
specie totus Christus conti-  
netur.*

VI. **C**atholici sic statuunt: Christum secun-  
dum Carnem, sanguinem, Animam,  
Rationalem, & Personam Verbi in Sacramen-  
to Eucharistiæ, non sub vtrâq; solum, sed  
vtrauis etiam specie contineri; aliter tamen  
sub Panis, aliter sub vini speciebus esse. Sub  
speciebus enim Panis sola Caro, vi Sacramenti  
seu verborum Christi: sub speciebus Vini  
solus

solus sanguis vi Sacramenti seu verborum continetur; in utroq; tamen omnia supradicta per concomitantiam existunt. Hanc concomitantiam, cum negent Lutherani, è contra Catholici sic eam probant.

Caro Christi sub specie panis, vel conjuncta est cum sanguine, anima & Diuinitate, vel non est: si non est, mortua est, ut patet; at Christus non moritur, ut inquit. Apostolus Rom: 6. v. 9. *Christus resurgens ex mortuis, jam non moritur, Mors illi ultra non dominabitur*; si conjuncta est cum sanguine, animâ & Diuinitate, tunc sub solâ specie panis Christus erit totus; quod asserimus. Non autem potest esse totus vi Sacramenti, quia Sacramentum consistit in illis verbis: *hoc est corpus meum*, quæ verba eum non significant totum Christum, sed tantum ejus corpus & Carnem, sequitur necessario sanguinem, animam & Diuinitatem ibi esse per concomitantiam naturalem, necessariam seu essentialem, sicut cum hominem videmus, licet solum corpus videamus, dicimur tamen concomitanter alia videre, illi essentialiter conjuncta, hoc est, animam &c: aliàs enim non possemus dicere videri hominem, sed cadauer. Ita cum Christi corpus sumimus, alia illi essentialiter conjuncta sumimus, aliàs non Christum, sed tantum ejus cadauer sumeremus, quod nulli hæretici dicere præsumunt.



Et licet asserant, ideo sub vtrâq; specie corpus & sanguinem debere sumi, vt sic totus Christus sumi possit, nihil tamen per hoc probatur: nam præcisè vi Sacramenti seu verborum, nihil aliud efficitur simul sub vtrâq; specie, quàm corpus & sanguis, quæ non sunt totus Christus: ergo vt totum Christum sumere dicamur, necessariò dicere debebunt, animam & Diuinitatem per concomitantiam ibi esse. Sicut ergo dicere coguntur, animam & Diuinitatem sub vtrâq; specie simul sumptâ per concomitantiam & vniõnem hypostaticam speciali quodam modo statui: ita quoq; dicere cogentur sub solâ specie panis etiâ sanguinẽ ad viuum Christum necessariò cum anima & Diuinitate poni.

VII.

Nec ullo modo hanc doctrinam subuertunt objectiones Matthiæ Hoe.

Prima. si sub speciebus panis etiam acciperetur sanguis, debuisset non solum dixisse Christus de pane, accipite & comedite, sed etiam debuisset addidisse: bibite.

Secunda. hoc posito necessariò sequi, bis Carnem & bis sanguinem in hoc toto sacramento sumi.

Tertia. Item hoc doctrinæ nostræ repugnare, qua dicimus, panem transubstantiari in corpus non autem in sanguinem.

Verum respondeo ad 1. hoc nullo modo sequi. nam quando Christus de pane dicit: *accipite & comedite* loquitur primariò de eo

quod

quod sub speciebus panis vi Sacramenti seu verborum ponitur, hoc est, de carne, quæ tantum potest comedi, non bibi. indirectè autem & concomitanter loquitur de sanguine, qui tantum concomitanter sub speciebus panis ponitur; ideoq; de pane dicit. *Comedite* non dicit *bibite*. quia videlicet directè ibi ponitur quod comestibile est; concomitanter tantum & indirectè, quod potabile est.

Ad 2. respond: certum esse vi Sacramenti semel tantum sumi corpus, semel sanguinem, quia utrumq; sub suis speciebus semel tantum ponitur. nullum autem est absurdum, quod utrumq; bis sumatur, semel ex vi verborum, semel concomitanter.

Ad 3. resp: doctrinam nostram per hoc non euerti, dicimus enim panem transubstantiari in corpus quidem vi Sacramenti & directè; & hoc modo non transubstantiari in sanguinem. per hoc tamen non excludimus sanguinis naturalem concomitantiam.

## PARAGRAPHUS 2.

*Nullum exstat præceptum in scripturis de utraq; specie sumendâ.*

Cum Aduersarii asserant à Domino præceptum, ut omnes sub utraq; specie communicent, conantur adducere nonnulla scripturæ loca, tum etiam rationes ex scriptura deductas, quibus mandatum illud Do-



mini demonstrent, contra quos sic argu-  
mentor. Si quod præceptum esset de acci-  
piendâ SS. Eucharistiâ sub vtrâq; specie, il-  
lud desumeretur ex tribus sequentibus scri-  
pturæ locis, primò; Ioannis 6. v. 54. *Nisi*  
*manducaueritis carnem filii hominis & sangui-*  
*nem ejus biberitis, non habebitis vitam in vo-*  
*bis.* quo loco plurimum Hussitæ vti sunt.  
Secundò Matth. 26. v. 27 *bibite ex hoc omnes.*

Tertiò 1. Cor. 11. v. 23. *Ego enim accepi*  
*à Domino, quod & tradidi vobis.*

Sed in his locis, nullum tale præceptum  
inuenitur; ergo ex scripturâ non potest pro-  
bari vllum præceptum.

Major inde certe est, quòd Aduersarii  
nullum alium scripturæ locum adferant.

X.

Minor probatur quoad primum tex-  
tum Ioannis 6. quem locum explico, & di-  
co; vim præcepti non esse sitam in modo  
sumptionis, sed in re sumenda. *Quocirca*  
*cùm præcipit manducare carnem & bibere*  
*suum sanguinem,* non plùs est quàm si dice-  
ret, nisi me, seu carnem meam, manduca-  
ueritis, vt patet ex locis proximè adjunctis;  
*qui manducat me, viuet propter me. Et qui*  
*manducat hunc panem, viuet in æternum.* vbi  
vita æterna promittitur sumenti tantùm  
panem, nullâ factâ mentione calicis, tam  
bene, quàm cùm præcipitur vtrâq;. Vnde  
patet non præcipi hic vtriusq; speciei sum-  
pti-

ptionem, sed tantum Christum, qui tam sub pane quam sub utroque totus est.

Quoad secundum locum Matth. 26. *bibite ex hoc omnes*. Respondeo, Voculam illam omnes ad illos tantum dirigi, de quibus Marcus 14. ait: *Et biberunt ex eo omnes*: nam si ad omnes fideles illa vocula spectasset, falsum dixisset Marcus, *biberunt ex eo omnes*, cum soli tantum Apostoli bibissent. Ratio ergo quare Christus iusserit omnes bibere, *bibite omnes*, & non dixerit manducate omnes, ista est: quia cum multi essent, ne unus vel duo, vel res totum biberent, voluit ab illis ita dispensari haustus singulos, ut Calix ad omnes peruenire posset, & omnes ex eo biberent. quod de manducatione non erat necesse dicere, fracto enim pane singulis sua frustra porrigebat.

Quod autem quidam asserant, Apostolos omnes omnium fidelium personas representasse, atque ideo quod dictum est Apostolis, dictum esse omnibus; hoc, inquam, frustra dicitur, & ex nulla scriptura potest demonstrari. probatur autem e contra, quædam Apostolis mandata esse, quæ nullo modo conueniunt omnibus fidelibus v. g. *Euntes in uniuersum mundum predicate* &c. Apostolis solis dictum est, nullo autem modo aliis. Adde si ex eo quod dictum sit Apostolis, *bibite ex hoc omnes*, illud præceptum ad fideles omnes referri debeat, quos Apostoli repræ-

sabant &

XI.

XII.



tabant; sequitur clarè omnes omninò fideles ex eodem numero calice bibere debere, ex quo Christo Apostolos iussit bibere, quod manifestè falsum est: sequelam sic probo: quodcunq; hoc in loco Christus præcepit Apostolis, præcepit etiam omnibus fidelibus, sed Christus præcepit Apostolis bibere ex hoc numero calice, illud enim *ex hoc* tam cadit supra continens quàm contentum; ergo præcepit idem omnibus fidelibus. quam absurditatem nullus procul dubio admittet Aduersariorum.

XIII.

*Ad 3. Pauli. 1. Cor: ii. Ego enim accepi à Domino quod & tradidi vobis:* Ex quo loco tale formant argumentum Aduersarii. Traditio Apostolica omnes obligat: sed Paulus tradidit omnibus vtramq; speciem sumendam esse; ergo ita sumere omnes obligantur. Secundò: Paulus tam post speciem panis, quàm post speciem vini, repetit præceptum *Hoc facite.*

Tertiò: mandat etiam Paulus hic vtri-  
usq; sumptionem per verba: *de pane illo e-*  
*dat, & de calice bibat.* Quartò: Additur  
particula *similiter & calicem*, quæ particula  
(vt ipsi ajunt) significat eandem esse traditi-  
onem panis & calicis.

XIV.

Pro responsione, fateor vtramq; speci-  
em à Christo institutam esse, & ab Apostolo  
vtramq; traditam, nego tamen traditionem  
hanc præceptum esse, illa enim verba: *ego*  
*tradi-*

*tradidi vobis: nunquam significant, præcepi, sed narraui vel docui: & patet aliàs ita locutum Paulum.*

*1. Cor: 15. Tradidi vobis quod & accepi, quoniam Christus mortuus est pro peccatis nostris: quàm rectè interpretaremur hoc modo?*

*Præcepi vobis, quoniam Christus mortuus est &c: Paulus ergo Corinthios solùm docet, quæ in vltima Cæna fuerunt gesta, vt scirent, quantâ cum reuerentiâ hæc actio sit obeunda. Vnde sic argumentor: quando Paulus Corinthios institutionem Eucharistiæ docuit, non plus præcepit eis, quàm in eâ institutione Christo antea præceperat. sed Christus non præceperat antea sub vtrâq; specie sumendam Eucharistiam esse; ergo nec hic præcepit Paulus. Quòd autem Paulus tradiderit historiam de institutione sacramenti, patet ex his verbis: quoniam Iesus in quâ nocte tradebatur accepit panem &c: Aduersariis ergo incumbit ostendere (cùm Paulus hic nihil noui præceperit) à Christo aliquod præceptum emanasse in institutione Eucharistiæ, de ea sub vtrâq; specie sumendâ; quod nunquam præstare poterunt.*

*Ad 2. Hoc facite. quod hoc in loco bis ponitur, nihil causæ nostræ officit, quin imò plurimum pro nobis facit. quod sic probò: Vel illa verba Hoc facite: significant præceptum vel non: si non; nihil omninò præ-*  
stat



bant. si ita; conuincitur apertè solam speciem panis esse absolutè præceptam. Verba enim illa apud nullum, nisi hic apud Paulum, & apud Luc. 22. reperiuntur. Vterq; absolutè ponit tantum post speciem panis. Paulus quidem etiam post vini speciem ea repetit, verum non absolutè, sed cum limitatione libertatis. *quotiescunq; biberitis hoc facite.* ac si quisquam diceret: poculum aureum hoc tibi dono, ex quo quotiescunq; voles bibere, bibes in meam sanitatem. quis sanè dicet per hæc imponi præceptum ex poculo bibendi? tantum enim imponitur præceptum bibendi in sanitatem, ex suppositione si velit bibere. Sic etiam cum Apostolus de calice hic loquitur, non mandat bibitionem calicis, sed Domini commemorationem celebrandam esse; non semper; quia non tenetur semper sumere sub illa specie, sed quotiescunq; de calice volet sumere. Itaq; ex vi horum verborum clarè demonstratur, absolutè solius panis consecrationem vel exhibitionem, non autem Calicis præceptam esse.

## XVI.

Ad 3. nulla est difficultas: illud enim: *de pane illo edat: &c.* sequitur post ista verba: *probet seipsum homo, & sic de pane illo edat &c.* quibus verbis non iubet Apostolus vt fideles edant panem, vel calicem bibant absolutè; sed modum præscribit, quo vti debent, si edere aut bibere velint utiliter. ac

si debet

si dicas: priusquam comedas & bibas, manus laua, & sic comedas & bibas. in quo loquendi modo, nulla ratione præcipitur comestio aut bibitio, sed solummodo mandatur, vt ante comestionem & bibitionem manus lauentur.

Ad 4. nec quidquam facit illud *similiter*, quia solam refert acceptionem. est enim sensus: similiter postquam cœnauit accepit calicem, quòd autem non referat omnia, quæ Christus fecit circa panem, patet; quia Christus non solum panem accepit, & benedixit, & dedit; sed etiam fregit, & fractum diuisit inter accumbentes: calicem verò non fregit, nec diuisit ipse discumbentibus, sed dedit integrum, vt vnus alteri porrigeret. Ipse etiam Paulus hoc loco, cum habeat particulam *similiter*, non tamen ille addit, *dedit*, sed solummodo *accepit*, non potest ergo illud *similiter* referri ad verbum *dedit*, sed ad *accepit*.

XVII.

Cum igitur in supradictis nullum inueniatur præceptum, demonstrare non possunt Aduersarii in totis sacris Bibliis vllum contineri.

Rationes autem quibus opinionem suam conantur approbare, sunt istæ. Prima. prout instituta est Eucharistia, sic est sumenda, sed instituta est sub vtraq; specie; ergo sub vtraq; specie est sumenda.

XVIII.

O

Verum



Verum distinguimus Majorem, videlicet, prout instituta est Eucharistia, sic est sumenda secundum omnia substantialia, conceditur; secundum accidentalia, negatur. vtraq; enim species non pertinet ad substantiam Sacramenti, cum ad causationem gratiae quaelibet species sufficiat, & sub vna specie omnia substantialia Sacramenti reperiuntur: videlicet verum corpus Christi, cui per naturalem concomitantiam, anima, diuinitas &c: associantur, vt supra probatum est; idq; omne ex vi verborum. Cum igitur substantialia omnia sub una specie habeantur, sequitur sumptionem sub vtraq; specie in ordine ad Sacramentum accidentalem esse; non autem in ordine ad sacrificium, in quo vtraq; species essentialiter requiritur, vt postea dicetur.

## XIX.

Vnde patet, quod licet sit sub vtraq; specie instituta Eucharistia, non tamen inde sequi, sub vtraq; sumendam esse. Aliud enim institutio est, aliud praeceptum. illa absq; isto frequenter in Diuinis reperitur: Matrimonium enim & Baptismus, institutus est, non tamen omnibus praecipitur, vt nubant vel baptizent. Et posito quod nubere vel baptizare velint, Sacramentum facient substantialia seruando, licet accidentalia omittant. quin imò, & in hujus de qua agimus Sacramenti institutione nonnulla facta sunt, quae nec ab Aduersariis judican-

tur obseruanda. nam Christus in ultimâ Cœnâ instituit & distribuit Eucharistiam post alios cibos, seu *postquam cœnassent*, & lotis prius pedibus, de qua lotionem quidem præcepit, *debetis alter alterius lauare pedes* Joân: 13. v. 14. Cur ergo vesperi post cœnam non communicant Lutherani? & cur non prius lauant pedes? quòd si fortè dicant, hæc ad institutionem non spectare, assigno aliam. Christus in institutione Eucharistiæ usus est pane grandiore, quem benedixit, fregit, deditq; &c: Cur Lutherani vtuntur panibus tenuibus orbicularibus, quos hostias vocamus? cur magnum panem non frangunt prædicantes, & particulas populo distribuunt, cum hoc Christus fecerit? Secundò Paulus præcipit, vt in Cœna sacra de vno pane participemus 1. Cor. 10. v. 17. quod mandatum non potest seruari nisi in grandi pane, cur ergo illum non adhibent Lutherani? Tertiò iussit Christus Luc. 22. v. 17. *Accipite & diuidite inter vos*. Cur hoc non seruant Lutherani, cur à prædicante panem acceptum juxta mandatum Christi inter se non diuidunt?

Sicut ergo dicunt Aduersarii, has circumstantias, quamuis etiam à Christo sint præceptæ, non esse tamen necessariò seruandas, quia tantum accidentales sunt. Quanto majore jure dicere nos possumus sub vnâ specie licitum esse Eucharistiam sumere,



212 DE SPECIEBUS S. S. EUCHARISTIAE.  
cùm & hoc planè accidentale sit, nec vllò  
modo à Domino præceptum sicut fractio  
seu diuisio?

XX. Secundò obijciunt rationem testamen-  
ti, pro quo Christus nobis corpus & sangui-  
nem reliquit; ergo qui tantùm sub una spe-  
cie porrigunt, & testamentum violant, &  
filios hæreditatis parte fraudant.

Respondeo dupliciter. primò falsum  
esse, quod supponunt Aduersarii, carnem &  
sanguinem à Christo nobis esse relictum in  
testamentum per modum hæreditatis; quia  
vita æterna est hæreditas promissa, teste A-  
postolo ad Tit: 3. v. 7. *Vt hæredes simus se-  
cundùm spem vitæ æternæ*, & Heb: 9. v. 19. *Vt  
repromissionem accipiant qui vocati sunt æter-  
næ hæreditatis*. nec ullibi in scripturâ legi-  
mus, nos esse hæredes Eucharistiæ, sed ubiq;  
vitæ æternæ. Ratio est, quia sicut Manna  
viaticum erat iter facientibus in Chanaan,  
quæ erat hæreditas filiorum Israel, sic Eucha-  
ristia cibus est proficiscentibus ad æternam  
vitam, hæreditatem filiorum DEI, fuit e-  
nim primum alterius figura.

XXI. Sensus autem verborum Christi, *hic est  
sanguis meus noui testamenti* &c: est iste: sicut  
vetus testamentum seu fœdus, quod DEUS  
per Moysen cum Hebræis pepigit, promit-  
tendo eis bona terrestria, fuit consumma-  
tum effusione sanguinis vituli; sic novum  
testa-

testamentum seu fœdus, quod DEUS Pater per Filium nobiscum pepigit de æterna vitâ, confirmatum fuit per effusionem sanguinis Christi in cruce; dicendo ergo, *hic est sanguis meus novi testamenti*, alludit ad verba Moysis, de sanguine vituli dicentis: *hic est sanguis fœderis*, videlicet antiqui testamenti. nihil aliud ergo indicare voluit, quàm per sanguinem suum effundendum in Cruce (quem tunc Apostolis propinabat) sanciri nouum testamentum, sicut per sanguinem vituli sancitum fuit vetus.

Respondeo secundò; licet daremus corpus & sanguinem hæreditatem nostram esse, non tamen eâ fraudarentur Laici, cùm vtrumq; sub vna specie sumatur.

XXII.

Ex dictis ergo constat, quòd cùm nullum in scripturâ nec in rationibus præceptum de vtrâq; specie sumendâ. Aduersarij inueniant; nullum omninò tale dari, quod probare hæctenus contendimus.

## §. 3.

*Probat ex scripturis licitam esse  
communione sub vnâ  
specie.*

Hanc assercionem probamus auctoritate Christi, vsum vnius speciei verbis &

XXIII.



214 DE SPECIEBUS S. S. EUCHARISTIAE.  
facto comprobantis, tum etiam Apostolorum, qui eundem vsum verbis similiter & factis adstruxerunt.

Verbis approbavit Christus apud Joann: c. 6. v. 50. *Hic est panis de celo descendens, ut si quis ex ipso manducauerit, non moriatur. v. 15. Ego sum panis viuus, qui de celo descendi, v. 52. si quis manducauerit ex hoc pane, viuet in aeternum, & panis, quem ego dabo; caro mea est pro mundi vita. v. 58. qui manducat me viuet propter me:* in his & similibus cum nulla fiat mentio potionis, cum Concilio Tridentino & tota antiquitate Patrum, concludimus, manducationem sub una specie prodesse ad salutem: quæ profectò non prodesset, si species vtraq; foret necessaria. Nec obstat quod nonnulli negent, in illo toto capite agi de manducatione Sacramentali. negant enim sed non probant, nos cum omnibus SS. Patribus asserimus, ibi de vera manducatione agi, quod liquet ex discipulis, quibus durus videbatur sermo, Carnem Domini comedere, ideoq; conuersi sunt retrorsum. Lutherani certè negare non possunt, quia cum hic de vera corporis Christi manducatione agatur, necesse est aliam veram ejus manducationem præter Eucharisticam assignent, nisi cum Calvinistis sentire velint, omnem Christi manducationem esse tantum spiritualement, & merè Metaphoricam,

ricam, quæ vera manducatio non est, & ab omnibus Lutheranis damnata.

Facto quoq; vnâ speciem à Christo approbatam, ostendimus ex Luca. c. 24. v. 30. vbi sic de duobus discipulis in Emaus: *Et factum est dum recumberet cum eis, accepit panem & benedixit ac fregit, & porrigebat illis, & aperti sunt oculi eorum, & cognouerunt eum, & ipse euauit ex oculis eorum.* Hic autem à Christo confectum esse Sacramentum. Probatur 1. authoritate SS. Patrum qui hoc affirmant. XXIV.

Sunt autem hi: *Joannes Chrysostomus* homil. 17. operis imperf. in Matth. D. *Hieronymus in Epitaph.* *Paulæ ad Eustoch:* *Augustinus* de consen: Euangelist: L. c. v. 25. *Hesychius Hierosol:* L. 2. in Leuit: c. 9. *Beda* ad c. 14. *Luc:* *Theophilactus* ad c. 24. *Luc.* *Enthymius, Strabus* aliiq; Et licet nonnulli Patres, vt Aduersarii reponunt, aliter senserint, tamen ex Patribus enumeratis sic ratiocinari licet. Cùm S. Hieronymus, Augustinus, & qui diuersis sæculis vixerunt Patres, iudicarent & docuerint, Christum sub vna specie Eucharistiam in Emaus discipulis dedisse, sequitur apertè eos etiam iudicasse, Eucharistiam sub vna specie distribuï posse, cùm tantum absit, vt hoc Diuino jure sit prohibitum, quin potius id ipso facto Christus comprobarit. Igitur siue Christus in Emaus sub vna specie Eucharistiam dede-



rit siue non dederit. Antiquorum tamen Patrum est sententia, eam sub vnâ specie licitè dari posse. Et sanè interrogentur Adversarii, errauerintne supracitati Patres an non? si non errauerint, habemus quod intendimus. si errauerint, quomodo hoc probabunt? nihil certè inuenient nisi pertinaciter negando. Et hæc de autoritate satis dicta sunt.

## XXV.

Altera probatio ex ipso contextu sumitur. 1. quia iisdem verbis & modo, hic usus est Christus, quo usus est, dum corpus suum consecratum Apostolis in vltima Cœna daret Matth: 26 ergo mens Euangelistæ fuit describere eandem actionem.

2. *Accipit panem & benedixit*, sed quando communiter vulgaris panis comedendus benedicitur, relinquitur in mensa non accipitur in manus, ergo hæc benedictio singularis & mysterosa fuit.

3. Nouies notatum est ab Euangelistis à Christo panem in manus acceptum, esse, benedictum, & benedictionem semper efficacem exstitisse. nulla profectò ratio est negandi hac decimâ vice, post consuetam & mysterosam benedictionem nullum effectum esse consecutum.

Præterea in aliis benedictionibus vel multiplicatus fuit panis (vt Matth: 14. Marc. 6. Luc: 9. Joan: 6. iterum Matth: 15. Marc: 18.) vel conuersus fuit in corpus Christi.

(*vt Matth:*

(vt Matth: 26. Marc: 14. Luc: 22.) in hoc autem loco multiplicatus non fuit, vt est certum, ergo mutatus est in corpus Domini, aut assignent Aduersarii ex scripturis aliquam aliam mutationem esse factam.

4. Deniq; ex effectu: *nam aperti sunt oculi eorum & cognouerunt eum*: adeò vt panis ille maiorem vim habuerit, quàm verba Christi, propter quæ quidem ardebat cor discipulorum, non tamen per ea cognouerunt eum, vt in fractione panis. Quòd autem Caluinistæ insulsè dicant, Christum habuisse singularem modum frangendi panem, nihil aliud est quàm ex Christo mimum aliquem aut gesticulatorem facere. Nam ex nullâ verisimilitudine scripturæ id probari potest. Nullo enim loco notatur, quòd inter comedendum Christus panem fregerit, nisi tunc quando frangendo illum miraculose multiplicauit, & in vltima Cœna in corpore suum transmutatum Apostolis distribuit, quomodo ergo probari potest, habuisse Christum singularem modum frangendi panem? nisi hunc vehint esse singularem modum, quòd Christus nunquam legatur fregisse panem, quin notabile miraculum secutum sit; hoc est vel multiplicatio dapum, vel mutatio in corpore Dominicum, quod libenter concedim⁹, & inferim⁹: in Emaus non fuerunt multiplicatæ dapes; ergo fuit panis in corpore Domini mutatus. Hoc de verbis & facto Christi.



## XXVI.

Nunc de Apostolicis dictis factisque; I. in actibus Apostolorum, quandocunq; fit mentio Eucharistiæ à fidelibus acceptæ, nunquam vtriusq; speciei, sed solius panis fit mentio, ut patet Act. 2. v. 46. Act. 20. v. 7. & v. 11. Act. 27. v. 35. clarissimè Act. 2. v. 42. *Erant autem perseverantes in doctrina Apostolorum & communicatione fractionis panis & orationibus* in quibus locis omnibus fractionem panis esse communionem Eucharisticam, testantur imprimis SS. Patres *Chrysostomus* homil. 17. operis imperf: in Matth: *Beda* ad c. 20. Act. *Jonas Aurelianus* lib. 3. de Imagin: ipse etiam Syriacus textus, qui ubicunq; dicitur *fractio panis*, habet ipse *fractio Eucharistiæ*. Quinimò illud ipsum clarissimè fatentur *Joan: Calvinus* ad cap. 20. Act. *Kemnitius* in 2. p. Examin, *Beza* & alii eruditiores Aduersarii.

Ratio eorum est, quia Act. 20. v. 7. diligenter notatur ille dies, quo solebant in primitiuâ Ecclesiâ fideles conuenire ad sacros conuentus, qui erat prima sabbathi, id est, dies Dominicus. Et Paulus Troade mansisse dicitur septem diebus, & expectasse primam sabbathi, ut tunc fideles conuenerent ad frangendum panem. quia ordinariè illo tantum die solebant communicare. Ipse etiam Paulus I. Cor. 10. v. 16. *fractionem* de qua agimus definit esse *participationem corporis Christi*. sic enim ait, *panem quem*  
frang

*frangimus nonne participatio corporis Domini est?* Et hac ratione confirmatur, eo quod à scriptore sacro ualde incongruè, inter perseverantiam doctrinæ Apostolorum & orationis fuisset interjecta comestio vulgaris, & certè vituperium fuisset, non laus Apostolorum & fidelium, perseverantes fuisse in comestione & continuâ edacitate.

Verùm, licet Aduersarii pleriq; fateantur per fractionem panis Eucharistiam intelligi in istis locis, vt supra diximus. volunt tamen per synecdochen etiam intelligi calicem, sed hoc non posse dici, sic ostendimus. Primò, quia gratis assumitur, cum nullam ea de re mentionem in scriptura Lucas faciat. nec major ratio videtur istud asserendi, quàm si diceretur; quando Christus in deserto multiplicauit panes; etiam aliquot vini cados multiplicasse, quod absurdum est.

XXVII.

Ex dictis quoq; Apostolorum probatur vtramq; speciem non esse necessariam, sed vnâ sufficere ad salutem. Nam Paulus 1. Cor. II. v. 27. *Quicumq; inquit, manducauerit panem hunc, vel biberit calicem Domini indignè, reus erit corporis & sanguinis Domini.* Vnde sequitur non esse reum corporis & sanguinis, qui dignè manducauerit panem, vel biberit sanguinem; ergo non solum salutaris est vtriusq; speciei; Sed etiam hujus vel alterius vsus,

XXVIII.



XXXVIII Deniq; probatur ratione ex modo institutionis. Constat enim clarè ex Luca & Paulo Eucharistiam sub specie panis institutam esse ad initium Cœnæ, seu cœnantibus illis; sub specie verò vini *postquam cœnavit*, & consequenter diuerso tempore & multo interposito: tunc sic; si panis & vini species ita sint institutæ, vt vi institutionis nullo modo debeant separari; cur Christus vnus speciei institutionem ab altera in tantum separauit? Vnde videmus manifestè ex hoc modo, quòd vna species non sit necessariò conjuncta cum alia, sicut haustus, qui post mensam fit, non est absolutè necessarius ad cœnam vel prandium.

## § 4.

*Potest iustis de causis ab Ecclesia  
Laicis prohiberi calix.*

XXX.

Cum nullum exstet in sacris literis præceptum de vsu vtriusq; speciei. & tam ex scriptura, quàm ex SS. Patribus & continua Ecclesiæ consuetudine constet, liberum fuisse sub vnâ specie Eucharistiæ vsum. non videtur esse dubium, quin alterius speciei vsus potuerit ab Ecclesia iustis de causis prohiberi, quod probatur primò; quia, Ecclesia seu potius ejus Prælati à Christo potestatem habent, omnia præscribendi, quæ  
ad ac-

ad accidentales ritus seu cæremonias Sacramentorum spectant, & substantiam non attingunt; ac jure Diuino præcepta non sunt; sed sub vnâ specie communicare non pertinet ad essentiam Sacramenti, sed est quid accidentale, de quo jure Diuino nihil est præceptum; ergo. Major propositio probatur authoritate Christi & praxi Ecclesiæ. Christus enim Matth: 18. v. 17. inquit, *qui Ecclesiam non audierit, sit tibi sicut Ethnicus & Publicanus.* Ex praxi autem patet: Act: 15. v. 29. præceptum ab Apostolis abstinere à sanguine & suffocato. Idem tamen postea ab Ecclesiâ permissum, abolito præcepto Apostolico. Item lotio pedum, ante Eucharistiæ sumptionem cum præcepto instituta. Cùm tamen ad substantiam Sacramenti non spectaret, legitimas ob causas ab Ecclesiâ sublata est. Idem cum trinâ immersione factum in baptismo, aliisq; multis; ergo Ecclesia potestatem habet tollendi, addendi, vel immutandi ea quæ Sacramentorum essentiam non ingrediuntur, sed tantùm accidentalia seu cæremonialia sunt.

Si igitur potuisse constat probatur & meritò fecisse, quia iustissimæ. fuerunt causæ quæ petuntur, Primò: ab incommodo sumptionis sub vtrâq; , quod multiplex esse potest. assignat 1. Concilium Const: 13. *Hac, inquit, consuetudo ad euitan-*  
*dum*

XXXI.



22 DE SPECIEBUS S. S. EUCHARISTIÆ.  
*Adum aliqua pericula & scandala est introdu-  
cta. quæ videlicet oriri possunt ex magnâ  
hominum multitudine irreverenter acce-  
dentium, & per illa, quæ tot inter diuersi  
sexus ætatis & conditionis homines, acci-  
dere solent.*

XXXII. Secundò: propter abstemios, quibus  
guttam vini sumere impossibile est; & inop-  
piam vini, quod in plurimis locis Indiæ re-  
periri nequit, præsertim pro multis homi-  
num millibus communicandis.

XXXIII. Tertiò: Propter vniformitatem in Ec-  
clesiâ seruandam. Cum enim Concilium  
Constantien: vidisset vsum vtriusq; vel vni-  
us speciei passim ab antiquo in Ecclesiâ vsur-  
pari; sic statuit sess: 13. *Cum huiusmodi con-  
suetudo ab Ecclesia & SS. Patribus rationabi-  
liter introducta & diutissimè observata sit  
habenda est pro lege.*

XXXIV. Quartò deniq;: ad refringendam hære-  
ticorum pertinaciam, qui vrgebant vtramq;  
speciem tanquam ad salutem necessariam,  
quam doctrinam vt Ecclesia demonstraret  
esse falsam, vsum Calicis Laicis prohibuit.  
Sicut antea sub Leone & Gelasio Papis, præ-  
ceptus fuit vtriusq; speciei vsus, propter  
Manichæos, qui vinum tanquam fel Draco-  
nis detestabantur; & Christum sub ejus spe-  
cie negabant esse. Quod igitur Ecclesia  
propter Manichæos præceperit, vtriusq;  
speciei vsum: propter Hussitas & alios No-  
uatores

uatores alteram speciem diverso tempore  
 sustulerit; non ideo factum est, quod pri-  
 mò sub vna tantum specie, vt tempore Leo-  
 nis; ac deinde sub vtraq; vt contra Hufsum,  
 sumere corpus Domini malum & illicitum  
 putaret; sed vt hæreticorum exurgentem  
 tunc errorem corrigeret & damnaret.

## CAPVT III.

*Aduersariorum objectiones dissol-  
 uuntur.*

XXXV.

Quamquam §. 2. superioris capituli præ-  
 cipuas Aduersariorum objectiones re-  
 soluerimus; nonnullæ tamen adhuc super-  
 sunt breuiter examinandæ.

Obiiciunt 1. Tam Leonem quàm Gela-  
 sium Papas damnasse Manichæos, quòd sub  
 vnâ tantum specie communicarent, vt patet  
 apud Gratianum in c. *Comperimus* atq; i-  
 deo vtramq; etiam speciem præcepisse fide-  
 libus.

Respondeo falsum esse Manichæos pro-  
 pter vnicam speciem damnatos fuisse, quod  
 nullibi legimus, sed neq; Augustinus & alii  
 qui contra illos scripserunt accuratissimè,  
 vnquam illos propter hoc punctum arguunt,  
 multò minùs condemnant. rem autem ex-  
 plico, & objectionem illam pro nobis fa-  
 cere ostendo. Manichæi cum ex Africa  
 Romam venirent, vt non agnoscerentur,

CUM



cum Catholicis communicabant sub solâ specie panis, existimantes, vt supra dixi, sub specie vini Christum esse non posse, quâ eorum fraude compertâ, Leo & deinde Gelasius mandarunt fidelibus omnibus, vt sub vtrâq; specie communicarent omnes, & ita Manichæi possent dignosci. hæc tota historia est. Vnde deduco: volebant Manichæi latere & non dignosci pro talibus, ideo communicabant sub vnâ. ergo & alii fideles communicabant sub vnâ. Nam quomodo aliàs latere potuissent, si ipsi soli sub vnâ, fideles alii sub vtrâq; communicassent? Deinde, mandarunt Pontifices, vt omnes fideles sumerent vtramq; speciem ad detegendam fraudem Manichæorum; ergo fideles, antea tantum vnâ speciem sumebant. frustra enim mandassent sub vtrâq; sumi, si semper ante sic sumpta fuisset. Gelasius verò non tulit præceptum de specie vtrâq; sumendâ, quod indicaret, vnius speciei vsum malum vel illicitum esse; sed partim vt â fidelibus Manichæos distingueret; partim etiam ne fideles paulatim imbuerentur errore Manichæorum, putarentq; malum esse sub vtrâq; specie Eucharistiam sumere.

XXXVI.

Obiiciunt 2. plus confertur sub vtrâq; specie quàm sub vnâ; ergo vtrâq; species sumenda est. Probo antecedens 1. Vnaquæq; species per se confert effectum suum; ergo plus conferunt duæ quàm vna.

Secundò

Secundò : duæ species simul sumptæ plus significant quàm vna, ergo plus efficiunt ; per vtramq̃, enim speciem significatur totum conuiuium, cibus & potus, non autem per vnicam speciem.

Tertiò : frustra Christus instituisset vtramq̃; speciem; si vtraq̃; non plus conferret, quàm vna.

Respondeo falsum esse vtramq̃; speciem XXXVII.  
plus conferre quàm vnā. probationem primam distinguo : quando vna species per modum refectionis sola sumitur ; tantum confert quantum vtraq̃; simul. si sumatur vtraq̃; tunc partialiter confert eundem effectum. Eodem modo ac si quis duas particulas consecrati panissumeret. si prius sumeretur vna, totus conferretur effectus panis, absolutè quidem si altera non sequatur ; in ordine verò ad alteram si sequatur.

Ad secundam probationem dico ; significationem Sacramentalem dupliciter spectari posse : vel ex parte rei significatæ, vel ex modo tantum significandi. si priori modo spectetur, semper est æquè perfecta. si posteriori ; perfectior est significatio sub vtraq̃; quàm sub vnâ specie ; propter perfectiorem significandi modum. efficientiam tamen Sacramenti non respondet significationi ex parte modi significandi. sed ex parte rei significatæ.



Ad 3. Probationem respondeo: non frustra sub vtrâq; specie à Christo Eucharistiam esse institutam; illa enim non solum Sacramentum est, sed etiam sacrificium nouæ legis. Ratio Sacramenti saluari potest sub vna specie, non autem sacrificii; quod vtramq; speciem essentialiter requirit. Hinc Sacerdotes dum sacrificant, speciem vtramq; sumunt; extra sacrificium eodem modo quo Laici, vna specie contenti esse debent.

XXXVIII.

Obijc: 4. Verba Christi sunt Joan: 6. *nisi biberitis sanguinem eius i. e. Christi, non habebitis vitam &c*: ergo necessaria est species vini. Confirmatur: quia propria censenda est hic locutio. ergo licet sub specie panis etiam contineatur & sumatur sanguis; non tamen propriè dici potest bibi. sicut panis intinctus vino si comeditur, non potest dici vinum bibi, sed vnâ cum pane comedi. liquidum enim quando rei solidæ, siue non potabili penetratiuè infunditur, sequitur naturam solidi. Et licet per se bibi possit, in tali tamen existentia, in quâ cum solido coniungitur, comedi tantum potest vnâ cum solido, non bibi. ergo sanguis existens concomitatiuè sub specie panis, non potest dici propria locutione bibi: si admittatur, Christus hic impropriè de bibendo sanguine locutus, quæri potest, cur etiam non dicatur impropriè locutus, de manducatione carnis, in eodem versu, ita vt vtrumq;

vt locutio figurata. Nec obstat, quòd Discipuli non potuerint ferre durum hunc sermonem, ex quo Catholici deducunt, Christum de vera manducatione carnis fuisse locutum, quia potuerunt non intellexisse sensum verborum Christi, vt sæpe ab iisdem aliis in locis factum esse tradunt Euangelistæ.

XXXIX.

Deniq; vel hic propriè vel impropiè locutus est Christus: si impropiè: ergo quod in eodem versu dictum est de carne, etiam per impropiam locutionem dictum esse concedendum est; quod est Calvinisticum, quia sic esset corpus Domini tantum figuratum.

Si propriè; ergo etiam ex calice bibendus Christi sanguis.

XXXX.

Verùm respondeo breuissimè tripliciter.

I. Christum propriissimè locutum fuisse, sed ita vt istud & nisi manducaueritis carnem & biberitis &c; significet, vel more vsitato in scripturis. v. 9. *argentum & aurum non est mihi*. Vt sic intelligendo, præceptum sit manducationis *vel* bibitionis.

II. Iterum, fuisse propriè locutum, quia manducatio & bibitio propriè sæpe pro eodem sumitur in scriptura. v. 9. 1. Cor. 3. v. 2. *Lac vobis potum dedi. & c. 9. v. 7. quis pascit gregem & de lacte gregis non manducat?* si ergo propriè juxta Paulum, idem est lac bibere & manducare, cur non idem erit Christum bibere & manducare?



III. Proprie locutum dico quoad substantiam sumendarum rerum, licet non quoad modum. intentio enim christi erat in illo toto capite Joann. 6. non materiallem illum modum bibendi, & comedendi inculcare: sed verè & realiter Christi carnem & sanguinem sumendum esse, siue id bibendo siue comedendo fiat. & id comedendo voluisse fieri patet inde, vt dixi supra, quòd quando corpus suum sumendum esse præcipit, quater in eodem capite mentionem faciat, solius speciei panis, qui comeditur non bibitur.



# DE SACRIFICIO MISSÆ

## DEMONSTRATIO 7.

*Lutheranam Ecclesiam non esse veram  
Apostolicam Ecclesiam, quia rejicit  
Sacrificium Missæ quod in  
Verâ Primitivâ Ecclesiâ Apostolicâ fuit  
creditum & vsitatum.*

### CAPVT I.

*Antiquitas Sacrificii Missæ.*



Um Aduersarii asserant Mis-  
sam recens esse commentum Ca-  
tholicorum, ejus antiquitas osten-  
denda est, vt clarè pateat, Lutheranam ali-  
asq; acatholicas Ecclesias cum Ecclesiâ verâ  
primitivâ non consentire, in quâ Missæ Sa-  
crificia vsitatissima fuerunt. In quo Puncto  
adeò graui, cùm dissentiant, necessariò se-  
quitur hujusmodi Ecclesias, veras Ecclesias  
non esse.

Probatur ex variis Liturgiis ab Aposto-  
lis conscriptis.

*Ex Liturgiâ Ecclesiæ Romanæ à Diuo Petro  
Apostolo traditâ.*

*Ex Liturgiâ Ecclesiæ Hierosolymitanæ à Di-  
uo Jacobo conscriptâ.*



*Ex Liturgiâ Ecclesiæ Alexandrinæ Auctore  
Diuo Marso.*

*Ex Liturgiâ Ecclesiæ Æthiopice Diui Mat-  
thæi Apostoli.*

In quibus omnibus Missæ Sacrificium,  
& pertinentes ad illud ritus accuratè descri-  
buntur, Quas Liturgias licet Aduersarii  
reijciant, non habent tamen vllam rationem,  
nisi quia Doctrinæ eorum contrariantur.  
Et cum temerè plus negare possint, quàm  
nos probare sapienter manemus in possessi-  
one hujus veritatis, donec ipsi conuincantur.  
ejusmodi Liturgiis non habendam esse fi-  
dem, quod probare nunquam possunt.

*Anno 80.*

*Clemens Romanus Epistolâ 2. Non utiq;  
Missas sine ejus (Episcopi) jussu quisquam  
Presbyterorum agat. Epistolâ 3. In aliis locis  
sacrificare & Missas celebrare, non licet, nisi  
in his, in quibus Episcopus proprius jusserit, aut  
ab Episcopo regulariter ordinato. Et alibi sæpè.*

*Anno 100.*

*Dionysius Areopagita Ecclesiasticæ Hie-  
rarchiæ capite 3. Ritus Altaria Templaq;  
consecrandi & Missæ Sacrificium offerendi,  
latè diserteq; describit.*

*Ignatius Epistolâ ad Smyrneneses: Non  
licet sine Episcopo baptizare, neq; offerre, neq;  
Sacrificium immolare, neq; Doctorem celebrare.  
Vetus Translatio habet: Missam celebrare.*

Omitto Pontifices *Anacletum, Alexan-  
dram, Telesphorum, Pium, Anicetum, Sote-  
rum* & alios primi & secundi Sæculi, qui fre-  
quen-

quentissimam de Missæ Sacrificio mentionem faciunt, vt in eorum Actis & Epistolis videre est.

*Justinus* Dialogo cum Tryphone, post Anno 150.  
multa: *Vniuersos* igitur, qui per nomen ipsius  
*Sacrificia* offerunt, quæ *Iesus Christus* fieri tra-  
didit, hoc est in *Eucharistiâ Panis & Calicis*,  
quæ in Loco omni à Christianis sunt, prauertens  
*Deus*, gratos sibi esse testificatur. Et plurima  
alia in eundem sensum.

*Irenæus* aduersus Hæreses l. 4. c. 32. Sed Anno 180.  
& suis Discipulis dans Consilium primitias Deo  
offerre ex suis Creaturis, eum qui ex Creaturâ  
Panis est accepit & gratias egit, dicens: Hoc  
est corpus meum &c: *Noui Testamenti* nouam  
docuit Oblationem, quam Ecclesia ab Apostolis  
accipiens in vniuerso Mundo offert Deo. &c:

*Tertullianus* Libro ad Scapulam c. 2. Itaq; Anno 200.  
& sacrificamus pro Salute Imperatoris: sed  
Deo nostro, & ipsius.

*Origenes* l. 8. contra Celsum: Videtur Anno 240.  
ad eum solùm pertinere offerre iuge Sacrificium,  
qui se perpetuæ deuouerit Castitati.

*Cyprianus* Epistolâ 16. Et nos quidem Anno 250.  
vestri diebus & noctibus memores, & quando in  
Sacrificiis precem cum pluribus facimus &c:  
Epistolâ 68. In ordinationibus Sacerdotum,  
non nisi immaculatos & integros Antistites  
eligere debemus, qui digrè & sanctè Sacrificia  
Domino offerant &c: Idem adhuc in aliis 12.  
locis disertissimè habet.



Sæculo tertio, innumeros legere est, qui sacrificii Missæ mentionem faciunt clarissimam, videlicet:

*Felix 1. Epist: 2. Eutychianus ad Gratianum II. q. 3 c. Si quis. Si quis Episcopus aut Abbas Presbytero aut Monacho suo iusserit Missas pro hæreticis cantare, non licet, & non expedit obedire eis.*

*Marcellinus, Concilium Arelatense primum c. 15. Eusebius, Sylvester, Julius Pape in variis Epistolis. Constantinus Imperator Epistola ad Episcopos Tyri collectos. Eusebius Cæsariensis multis in locis.*

*Concilium Nicanum Canone 14. Athanasius sermone de defunctis.*

*Concilium Laodicense canone 58.*

*Basiliius magnus. Cyrillus Hierosolymitanus.*

*Hilarius Pictaviensis. Marius Victorinus Afer.*

*Ambrosius, nouem in locis & alii innumeri, sæculis singulis ad hæc usq; tempora descendentes.*

¶

Ex quibus omnibus hoc Argumentum deduco: Omnes illi citati Patres & plurimi alii tempore Apostolorum & aliis Ecclesiæ veræ & primitiue Temporibus, Missæ Sacrificia obtulerunt, & eadem tam dictis quam scriptis asseruerunt. Ergo in Ecclesiâ verâ Missæ Sacrificia, recepta, approbata & usitata fuerunt. Confirmatur: Quia quando  
in Ec-

in Ecclesiâ verâ fuit aliquid scriptum vel in eam inductum, quod contra Scripturam vel Apostolicam Doctrinam esse ab Ecclesiâ judicabatur, statim illud ab Ecclesiâ fuit damnatum, & Patrum scriptis refutatum, (ut patet in omnibus hæresibus, quæ primis Ecclesiæ Temporibus ortæ sunt & damnatæ.) Sed Sacrificium Missæ nunquam fuit ab Ecclesiâ vel Patribus damnatum aut refutatum. (nisi Anno 1369. à Wicleff hæretico damnato ab Ecclesiâ.) Ergo nunquam fuit judicatum contra Doctrinam Christi vel Apostolorum esse. In re autem tanti momenti, tempore Apostolorum usitatâ, quod non fuit habitum, tanquam Christo & Apostolis repugnans; id judicatum fuit, tanquam ab eorum doctrinâ proficiscens. Ergo, Sacrificium Missæ à Christo & Apostolicâ Doctrinâ proficiscitur. In hoc autem cum Lutherani & cæteri A-catholici ab Ecclesiâ primitivâ verâ Apostolicâ dissentiant; veram habere nequeunt Ecclesiam, vtpote in tanto puncto veræ repugnantem.

## CAPVT II.

*Missæ Sacrificium asseritur ex  
Scripturis.*

O Missis variis tum antiqui Testamenti  
Sacrificiis; tum eorum Definitionibus

III.

P5

De



De Sacrificio Noui Testamenti hic agemus: quod duplex est. *Cruentum* vnum, in quo Christus in Arâ crucis Deo Patri oblatus est pro peccatorum nostrorum expiatione. Alterum *incrumentum*, quo idem Christus cotidie sub specie Panis & Vini offertur in Altari. De hoc vltimo controuersia cum Aduersariis nobis intercedit. Negant illi verum Sacrificium esse; nos affirmamus, & probamus autoritate tum veteris, tum noui Testamenti, Paragraphis sequentibus adducendâ.

## § I.

*Missam verum esse Sacrificium demonstratur Figuris veteris Testamenti.*

## IV.

CONTRouersia, quæ inter nos & Aduersarios circa sacrosanctum illud Mysterium versatur, in hoc præcisè consistit: An Christus in vltimâ Cœnâ corpus & Sanguinem suum sub speciebus Panis & Vini, tanquam verum & incrumentum Sacrificium obtulerit Deo Patri; ac sub earundem rerum Symbolis, Apostolis, quos tunc Sacerdotes constituebat, vtsumerent, tradiderit, & eisdem eorumq; in Sacerdotio Successoribus, vt offerrent, præceperit per hæc verba: *Hoc facite in meam commemorationem.*

Negant

Negant Aduersarii; nos affirmamus & probamus ex paucis S. Scripturæ Locis à Concilio Tridentino Sessione 22. canone 1. adductis.

Prima Probatio sit ex Psalmo 109. v. 4. *Juravit Dominus & non pœnitebit enim: Tu es Sacerdos in æternum secundum Ordinem Melchisedech.*

Christum autem vocari Sacerdotem secundum ordinem Melchisedech indubitatum est ex Paulo *ad Hebræos* c. 5. v. 6. 10. c. 6. v. 20. c. 7. v. 17. 21. Hoc posito sic argumtor: Si Melchisedech Panem & Vinum obtulit, in eaq; oblatione Christi in vltimâ cœnâ Figura fuit, certum est etiam Christum in vltimâ Cœnâ sub speciebus Panis & Vini corpus suum obtulisse. Sed Melchisedech Panem & vinum obtulit, & in hac oblatione fuit Figura Christi. Ergo Christus in vltimâ cœnâ sub speciebus Panis & Vini corpus & sanguinem obtulit. In quo Argumento alteram Propositionem negant Aduersarii, in quâ duo continentur: 1. Melchisedechum vt Sacerdotem Panem & Vinum obtulisse. 2. In hac oblatione fuisse Typum Christi. Vtrumq; autem sic probamus: Quoad primum: Gen: 14. v. 18. *Melchisedech Rex Salem proferens Panem & Vinum (erat enim Sacerdos Domini) benedixit ei, & ait: Bene-*



*dictus Abraham Deo excelfo &c:* In quibus verbis hoc notandum est: quod licet expressè scriptum non sit, Panem & Vinum oblatum esse in Sacrificium, non tamen etiam scriptum esse, ea non esse oblata in Sacrificium, ut volunt Aduersarii. Cum itaq; neutrum expressè scriptum sit, videndum est, quodnam ex verbis Scripturæ clariùs deduci, aut colligi possit.

VI.

Aduersarii asserunt Panem & Vinum prolata fuisse tanquam à Rege, ut reficerentur Vernaculæ Abrahami: sed contrarium demonstrari potest ex toto cōtextu & verbis illius capitis 14. Nam cum quatuor Reges Victores à duobus devictis accepissent omnia *& universa, quæ ad cibos pertinent* v. 11. Ea omnia recuperavit Abraham, & inde sufficienter comederunt ejus Vernaculæ trecenti decem & octo, ut patet ex illo, quod Abraham nihil vellet accipere ex omnibus spoliis, quæ offerebat ei Rex Sodomæ *exceptis his quæ comederunt Juvenes.* v. 24. Cum ergo non habeatur expressè scriptum, à Melchisedech Panem & Vinum oblatum fuisse in refectionem illorum, non video, quâ de causâ hoc Aduersarii de Militibus jam saturis affingere audeant: cum pro se neq; scripturam neq; vllum Testimonium Patrum habeant. E contra verò Melchisedechum attulisse Panem & Vinum sanctificatum non pro-

profanum, eaq; primariò obtulisse Deo in sacrificium, ac deinde dedisse Militibus; non vt famem & sitim inde exstinguerent; sed vt Sacrificii participes fierent, nullo modo contra scripturam esse: sed ex eâ clare colligi posse declarant Verba sequentia: Nam cum dicitur *Rex Salem protulisse Panem & Vinum*, statim immediatè adiungitur. Ratio; *erat enim Sacerdos Dei altissimi*; quæ illatio ineptissima esset; & nihil penitus ad propositum, si non voluisset significare; ista tanquam à Sacerdote ratione officii sui fuisse prolata. Si tanquam à Sacerdote Dei altissimi; (vt manifestè dicit Scriptura) eâ ad Sacrificium, non autem ad vulgarem pertinuisse cibationem necesse est. quod ita factum fuisse, probamus insuper autoritate omnium sanctorum Patrum, ita sentientium, quos infra citabimus, patet ergo verum esse quod diximus supra, Melchisedechum protulisse Panem & Vinum in Sacrificium.

VII.

Secundum autem quod per hoc Sacrificium Melchisedech vera figura fuerit Christi, probamus hoc modo: Vt Christus verè dicatur Sacerdos secundum ordinem Melchisedech, debet conuenire in illo, cum eo quod maximè proprium est Sacerdoti Melchisedech. Sed maximè proprium ei fuit offerre Panem & Vinum.

Ergo



Ergo &c: maior est certa. Minor Propositio probatur 1. Nam quod acceperit decimas in eo conuenit cum Leuitis 2. Quod non fuerit vnctus oleo, vel alterius successor, conuenit cum Abele, quod sine Genealogiâ describitur; conuenit cum Eliâ; & licet in Sacrificio Araonico fuerit adhibitus Panis & Vinum, magnum tamen inter vtrumq; fuit discrimen: quia Panis & Vinum in Sacrificio Araonico tantum fuit Pars quædam & quasi condimentum alterius: non autem principale sacrificium. At in Melchisedechico erat principale. Ergo soli Melchisedecho proprium fuit, offerre Panem & Vinum, præsertim cum non legatur vllum Sacrificium ab eo fuisse oblatum. Vnde sequitur, Christum in hoc principali & proprio, ei debuisse similem esse, & verò etiam in vltimâ Cœnâ fuisse; vbi mandauit Apostolis, vt hoc in suam commemorationem in perpetuum facerent, ex quo Sacerdotium ejus æternum probatur, quando Christus seipsum per ministerium Sacerdotum quotidie offert Patri æterno, tanquam Sacerdos æternus.

## VIII.

Probat hætenus dicta vnanimis consensus Ecclesiæ, per Patres explicatus, qui omnes affirmant Melchisedechum in oblatione Panis & Vini Typum Christi fuisse, quorum aliquos addimus.

Clemens

*Clemens Alexandrinus lib: 4. Stromat: Anno 200.*

c. 8. *Melchisedech Rex Salem, Sacerdos Dei altissimi, qui Panem & Vinum sanctificatum, dedit nutrimentum in Typum Eucharistie.*

*Cyprianus Epist: 63. fuse & disertè hæc Anno 250.*  
eadem docet: *Tu es Sacerdos, inquit, secundum Ordinem Melchisedech, qui ordo hic est; quòd Melchisedech Sacerdos Dei fuit, quòd Panem & Vinum obtulit &c: & post pauca: De Cœnâ Domini significatâ olim â tempore Melchisedech prodeunt Sacramenta, â filiis Abrahamæ facientibus Opera illius, summus Sacerdos Panem profert & Vinum: Hoc est, inquit, corpus meum. Eadem habent fuse & clarè:*

*Eusebius de Demonstratione Euangelicâ Anno 320.*  
lib: 5. c. 3.

*Basilius Magnus ad Psalmum 109. Quid Anno 370.*  
est secundum Ordinem Melchisedech, nisi propter Mysteria, quod & ille Abrahamæ Panem & Vinum obtulit?

*Ambrosius lib: 4. de Sacram: c. 6. lib. 5. Anno 370.*  
c. 1. & ad cap. 5. ad Ebræos.

*Epiphanius Hæresi 55. Anno 380.*

*Hieronymus Epist: 17. ad Marcell: cap. 2. Anno 390.*

*Recurre ad Genesin, & Melchisedech Regem inuenies, qui jam tunc in Typum Christi Panem & Vinum obtulit, & Mysterium Christianum in Saluatoris corpore & Sanguine dedicauit. Idem clarissimè repetit Epist: 126. ad Evag: Item in Quæstion: in Genesin. Item ad Psal. 78. & 209. & ad caput, 25. Matthæi.*

*Johannes*



Anno 400.

Johannes Chrysostomus ad Psalm. 109.  
*Quare dixit secundum ordinem Melchisedech?*  
*propter Sacramenta; quod ipse quodq; Panem*  
*& Vinum obtulerit.*

Item homil: 35. in Genesin.

Anno 400.

Augustinus de Doctrinâ Christianâ l. 4.  
 c. 21. *In Sacerdote Melchisedech Dominici Sa-*  
*cramenti præfiguratum videmus Mysterium;*  
*secundum quod scriptura diuina testatur & di-*  
*cit: Melchisedech Rex Salem protulit Panem*  
*& Vinum. Idem Epist: 95. ad Innocenti-*  
*um Papam: Melchisedech prolato Sacramen-*  
*to Mensæ Dominicæ, nouit æternum ejus Sacer-*  
*dotium præfigurare. Idem ad Psalm: 33. Con-*  
*tra Aduersar: legis & Prophetæ l. 1. c. 20.*  
*De Ciuit: Dei lib: 16. c. 22. & alibi.*

Anno 426.

Philo Carpathius in Cantic: Cantico-  
 tum: *Hic est Panis ille, qui de Cælo descendit,*  
*â Pane illo diu ante præmonstratus, quem Mel-*  
*chisedech Rex Salem & Sacerdos summi Dei,*  
*cum vino obtulit.*

Anno 440.

Isidorus Pelusiota lib: 1. Epist: 431. *Mel-*  
*chisedech Panē & Vīno (ἱερατεύων) sacrificans,*  
*per quā diuinorum Mysteriorum Typum adum-*  
*brabat.*

Arnobius Romanus in Psalm: 109.

Leo primus sermon: 2. Anniversariæ As-  
 sumptionis suæ ad Pontific:

Eucherius Lugdunensis. Homil: 5. de  
 Paschat:

Theodoretus quæstione 63. in Genesin.

Clau.

*Claudius Marius Victor. l. 3. in Genesin.*

*Primasius ad cap: 5. Epist: ad Ebræos.*

*Cassiodorus ad Psalm: 109.*

*Theodoretus quæst: 63. in Gen: & ad Psalm: 109.*

*Ischius l. 6. in Leuit: c. 13.*

*Joannes Damascenus l. 4. Orthodoxæ fidei.*

*Theophylactus ad cap: 5. ad Ebræos.*

Præter hos inueniuntur adhuc 42. Patres, qui omnes vnanimiter idem docuerunt. Omisiss Hebræorum sententiis idem testantibus.

His positis viderit Lector, cui potius fides habenda, an tot Viris sanctissimis & Spiritu sancto plenissimis, vnanimi consensu id affirmantibus, sine vllâ ne dicam vllius contradictione, sed neq; alicujus dubitatione. An potius paucis quibusdam hominibus, solo odio impulsis ad oppugnandum Catholicam Fidem. Quos inter primus fuit Lutherus, alter Caluinus, ante quos nemo dubitasse legitur, quin Melchisedech Panem & Vinum obtulerit, in eoq; Christi Typus perfectissimus fuerit.

## § 2.

*Probatum Sacrificium Missæ ex Vaticano Malachia.*

Q

Præ



IX.

**P**Ræclarè de Missæ Sacrificio vaticinatur Malachias cap: I. v. 10. *Non est mihi Voluntas in vobis, dicit Dominus Exercituum: & Munus non suscipiam de manu vestrà. Ab ortu enim Solis, usq; ad occasum, magnum est nomen meum in gentibus, & in omni loco sacrificatur, & offertur Nomini meo oblatio munda; quia magnum est Nomen meum in Gentibus, dicit Dominus Exercituum.*

Per hanc autem oblationem mundam solum Missæ Sacrificium præsignificatum esse probatur à partium enumeratione & autoritate.

Ac 1. nequit hæc oblatio munda intelligi de Sacrificio Judæorum; quia dicitur à Gentibus offerenda & opponitur Sacrificiis Judæorum. Neq; de Sacrificiis Gentilium piorum, quales ante fuerant Melchisedech, Job &c: quia hi paucissimi erant: at dicitur in omni loco offerenda, quâ ratione nec de Christi Sacrificio in cruce dici potest, cum id non nisi in vno loco & semel tantum fuerit oblatum. Nec de Sacrificio proprio & Metaphorico operum nostrorum, qualia sunt Oratio, gratiarum actio, Eleemosyna &c: quia 1. vt volunt Aduersarii nulla bona opera sunt munda: sed potius maculæ & sordes. 2. quia Oblatio de quâ Propheta loquitur, munda est ex parte rei oblate. At contra omnia, quæ ab hominibus

pro-

proveniunt, ordinariè imperfecta sunt & immunda. 3. describitur hæc Oblatio vt. nova: *Non accipiam munus de vestra*, at sacrificium nostrorum operum semper fuit in vsu, etiam apud Iudæos, & consequenter non est novum, ergo non loquitur de eo. Sed de Sacrificio propriè dicto in Ecclesiâ, quod in omni parte mundi, & in omni Natione offertur. Quod si non est Eucharistiæ, nullum erit.

X.

Et hæc Prophetæ verba sic ab Ecclesiâ semper intellecta fuisse docet vnanimis consensus S. S. Patrum Ecclesiæ primitivæ.

Anno 86.

Clemens Romanus l. 7. Constitut: Apostolic: c. 31. *Utr sacrificium vestrum reprehensione careat, sitq; Deo acceptum, quia de Ecclesiâ sua Oecumenicâ dixit: in omni loco offeratur mihi & Malach: 1.*

Anno 168.

Martialis Epist: ad Burdegalenses c. 3. *Sacrificium Deo Creatori offertur in Arâ, non homini neq; Angelo, nec solum in Arâ sanctificatâ, sed ubi offertur Deo oblatio munda; sicut testatus est, cuius corpus & sanguinem in vitam æternam offerimus.*

Anno 152.

Justinus Dialogo cum Tryphone. De Sacrificiis à vobis tunc oblatis DEUS per Malachiam ait: *Non est voluntas mea de Ec: De nostris verò Gentium, quæ in omni loco offeruntur Sacrificiis, hoc est Pane Eucharistiæ jam tum locutus prædixit Ec:*



Anno 180.

Irenæus l. 4. c. 32. Eum qui ex Creaturâ Panis est, accepit & gratias egit dicens: Hoc est corpus meum, & calicem similiter &c: suum sanguinem professus est, & noui Testamenti nouam docuit oblationem, quam Ecclesia ab Apostolis accipiens in uniuerso Mundo offert Deo &c: de quo in duodecim Prophetis Malachias sic præsignificauit: Non est mihi voluntas &c:

Anno 200.

Tertullianus l. 3. contra Marcionem. c. 22.

250.

Cyprianus l. 1. contra Judæos c. 16.

Anno 370.

Eusebius Cæsariensis l. 1. demonstration: Euangel: cap: 10.

400.

Joannes Chrysostomus ad Psalm: 95. Ecclesie, quæ ubiq; Christum in se circumfert, & nullo prohibetur loco, sed in omni loco sunt Altaria, in omni loco doctrina: Hæc prædixit Deus per Prophetam, nam & Ecclesiasticam exprimens synceritatem & alterius Populi ingratitudinem traducens, ad illos loquitur: Non est mea voluntas in vobis &c: Vide quàm luculenter, quàmq; dilucidè mysticam interpretatus est mensam, quæ est incruenta hostia &c:

400.

Augustinus l. 18. de Ciuitate Dei c. 35. Hoc Sacrificium per Sacerdotium Christi, secundum Ordinem Melchisedech, cum in omni loco à Solis ortu usq; ad occasum jam videamus offerri; Sacrificium autem Judæorum quibus dictum est: Non est mihi voluntas in vobis,

*nec accipiam munus de manibus vestris, cessare, negare non possunt.*

Idem habet lib: 1. contra Aduersar: Legis & Prophetarum.

Idem Orat: contra Judæos c. 9.

*Aurelius Carthaginensis* Episcopus Epist: 400.  
ad Marcellin:

*Cyrillus Alexandrinus* de Adorat: in Spi- 430.  
ritu & Verit: l. 2.

*Theodoretus* ad Malachiam c. 1. 450.

*Julius Toletanus* l. 1. contra Judæos.

*Germanus Constantinopolitanus* Epist: ad Thom: Episcopum Claudiop:

*Joannes Damascenus* l. 4 Orthodoxæ fidei c. 14.

Omitto multos alios subsequentibus sæculis, quibus nullus vnquam contradixit, nisi his posterioribus temporibus Lutherus, Calvinus, Witackerus & quidam alii No- uantes. Vnde sic argumentor: Quem vni- uersa vera primitiua Ecclesia, verum ac ge- nuinum esse censuit scripturæ sensum; ille, verus ac genuinus est censendus. Sed præ- dictum Malachiæ locum primitiua Ecclesia de Missæ Sacrificio intelligendum esse cen- suit (vt ex nominatis Patribus ostensum est) Ergo de hoc Sancto Missæ Sacrificio locus ille intelligendus est. Ergo datur verum Mis- sæ sacrificium, quod à Prophetâ Malachiâ præsignatum est.



## §. 3.

*Probatur Sacrificium Missæ autoritate  
Noui Testamenti.*

XI.

**D**uobus Argumentis *Noui Testamenti* Missæ Sacrificium probamus.

I. Ex ipsâ Institutione Matthæi 26. Marci 14. Luc. 22. descriptâ, vbi licet nullibi ponatur expresse Vocabulum istud *Sacrificium*, & inde argumententur aduersarii, non fuisse Sacrificium; non magis probat, ac si dicerem, non esse ibi etiam Sacramentum, quia Vocabulum illud *Sacramentum* nullibi inuenitur. Sicut ergo sufficit vt sit Sacramentum, ibidem inueniri omnia, quæ ad Sacramentum requiruntur: sic, vt sit Sacrificium, satis erit, si sint ibi omnia quæ Sacrificium, requirit. Quæ cum ibi sint, tam verè ibi erit Sacrificium, quàm verè ibi est Sacramentum.

XII.

Vlterius hoc Sacrificium ex ipsis etiam Christi Verbis demonstratur. Lucas enim cap: 22. v. 19. loquitur in præsentem: *Hoc est corpus meum, quod pro vobis datur* Græcè: *pro vobis datum*. At nulla Ratio est, cur dixerit potius *vobis* quàm *pro vobis*, nisi quia offerebat se ipsum Deo Patri. Si enim voluisset tantum significare distribui Apostolis, dixisset *vobis* non *pro vobis*. Nec obstat, quod dicant Aduersarii præiens aliquando accipi

pro

pro futuro. Sæpius tamen accipitur pro præsentī. Illis ergo incumbit probare, quòd in hoc loco accipiatur pro futuro. Et certè non solùm hunc locum Lucæ sed etiam Marci & Matthæi, qui in futuro ponunt, in præsentī capiendum esse; satis patebit ex sequentibus. Nam Christus in ultimâ Cœnâ ab Apostolis fuit sumptus ut Victima, ut certum est, & fatentur omnes etiam Aduersarii. Ergo vel ut Victima immolanda, vel ut de facto immolata. Non ut immolanda; quia res immolanda siue nec dum immolata, non est apta, ut sit cibus & potus, debet enim priùs referre rationem mortui, quàm referat rationem comestibilis, & Victimæ. Sed Christus in Cœnâ verè referebat rationem comestibilis, & fuit verè cibus & potus; Ergo verè referebat rationem mortui. Non potuisset autem referre rationem mortui & comestibilis, nisi præcessisset immolatio. Ergo non fuit sumptus ut Victima postea immolanda; sed ut Victima actu & in præsentī immolata. Ergo priùs se ipsum obtulit incruentè, quàm in cruce offerret se cruentè. Exemplo rem declaro. Sit Agnus more veteri destinatus ad Victimam; non potest Agnus ille victimandus manducari, quia viuus est; nec per secuturam immolationem villo modo refert rationem mortui, & comestibilis. Ut Agnus ergo cibus fiat, necesse est, ut per immolationem actualem mori-



atur. Sic etiam, ante cruentum Crucis Sacrificium, Christus nec dum immolandus non poterat esse cibus & potus, quia persequenturam immolationem non poterat rationem mortui referre. Ergo non potuit sumi ab Apostolis ut Victima immolanda; Itaq; ut Victima de facto jam immolata; perq; eam immolationem actualiter facta manducabilis, sicut actualiter fuit manducata. Christus igitur se ipsum in Cœnâ incruentè obtulit.

## XIII.

Uterius Christus etiam modò sumitur à fidelibus ut Victima, quod fatentur Aduersarii; & ipse Remitius 2. part: Examinis affirmat: *ibi (in Cœna) dispensatur & sumitur Victima, quæ pro peccatis nostris semel oblata est.* tunc sic: Christi corpus ut in Cœnâ verè distribuitur, est quodam modo Victima. Ergo debet præcessisse immolatio. Non illa cruenta Crucis: ergo alia incruenta: quod non illa cruenta Crucis, sic probatur: 1. Cum Apostoli participarunt illam Victimam in Cœnâ ultimâ, nondum Christus in Cruce fuerat immolatus, ergo non potuit præcessisse immolatio cruenta Crucis. 2. Neq; nunc Victima, quæ distribuitur, potest dici facta per immolationem Crucis, quia illa immolatio semel tantum facta est, & victima per eam facta, paulò post desit.

esse

esse Victima. Nam quis asserere audebit Christi corpus post Resurrectionem Discipulis apparens, & paulò post Cælos gloriòse transcendens fuisse victimam? multò minùs, dum nunc in Cælis feliciter triumphat. Cùm ergo Victima per immolationem Crucis facta, desierit esse victima; ut iterum sit victima, debet nouâ immolatione fieri victima. sed immolatio Crucis non potest repeti; alia igitur noua requiritur immolatio. Quo circà vel ipsa actio celebratioq; Mysterii Eucharistici est immolatio per quam victima in cœnâ ponitur; aut certè nulla esse potest in Cœnâ Victima, quam tamen ibidem esse fatentur omnes Aduersarii secundùm Kemnitium supra citatum.

2. Probatum ex Paulo I. Corinth: 10. v. 15. & sequentibus. Ibi triplicem mensam seu Altare Apostolus agnoscit, Judæorum, Idololatrarum & Christianorum. Gentilium Altare, vocat Altare Dæmoniorum, & calicem eorum, calicem Dæmoniorum. Christianorum autem tam Altare, quàm calicem, vocat Altare & calicem Domini. Atq; ita vnum Altare, alteri opponit; ut Christianos absterreat à comedendis Idolothytis, seu Carnibus quæ Dæmonibus erant oblata, quod suadet

XIV.



hoc modo: sicut qui participat de Idolothy-  
tis, fit particeps Altaris Dæmoniorum, ita  
qui participat de corpore & Sanguine Do-  
mini fit particeps altaris Domini; sed altare  
Dæmoniorum & altare Domini contraria  
sunt; ergo qui de vno participat, non po-  
test simul participare de altero. Ergo & vos  
o Corinthii, qui participatis de Altari Do-  
mini, non potestis vesci Idolothytis. Ex quo  
discursu patet, Apostolum non minus apud  
Christianos, quàm apud Ethnicos & Judæos  
ponere Altare, Sacrificium & participantes  
de Sacrificio: & quidem apud Christianos  
Sacrificium hoc consistere in oblatione Cor-  
poris & Sanguinis Christi, sub speciebus  
Panis & Vini, vt clarè significat cùm docet:  
*Calix benedictionis cui benedicimus, nonne  
communicatio Sanguinis Christi est? & Pa-  
nis &c.*

**XV.**

Accedit ad hæc, quod tam in hoc citato  
loco, quàm Ebræor: 13. v. 10. Paulus Alta-  
re dicat habere Christianos: *Habemus, in-  
quit, Altare, de quo edere non habent potesta-  
tem, qui Tabernaculo deseruiunt.* Si Altare;  
Ergo & Sacrificium, vnum enim absq; alte-  
ro esse nequit. Non illud cruentum Crucis,  
(vt ajunt Aduersarii) non enim ex Cruce,  
sed ex altari, quod in Templis est, cœlestem  
illum cibum sumimus. Ergo solum designa-  
tur Sacrificium Eucharisticum.

Deniq;

Deniq; cum translato Sacerdotio necesse sit ut & Legis translatio fiat. Ebræor 7 v. 12. Sequitur quoq; necesse esse à Lege Moyſis ad Legem Chriſti Sacrificii fieri translationem; Sacerdotium enim & Sacrificium inſeparabiliter connexa ſunt. Ergo necesse est, ut in Lege Chriſti ſit aliquod Sacrificium: ſed hoc non poteſt eſſe aliud, quàm inſcruentum Sacrificium Eucharistiæ. Ergo illud &c: Probatuſubſumptum. Si eſſet aliud, eſſet cruentum ſemel oblatum. Sed illud non eſt, ut patet ex Patriarchis & Prophetis, & iis qui ſubjecti erant tam Legi Naturali, quam Moſaica; habebant enim illi omnes Sacrificium cruentum Crucis ut futurum; & tamen obligabantur ex vi ſuæ legis Deum colere per ſacrificia, quæ repræſentabant futurum Crucis ſacrificium. ita nos qui ſubjecti ſumus Legi Evangelicæ, licet habuerimus Sacrificium cruentum Crucis, adhuc tamen ex vi legis noſtræ Deum obligamur colere per Sacrificium Eucharisticū, quod repræſentat Sacrificium præteritum Crucis. In omni enim Lege præcipitur, ut Deo tanquam ſummo Domino, cultus aliquis tam internus quàm externus exhibeatur. Internus conſiſtit in actu fidei, ſpei, timoris, dilectionis. Externus in ſolo Sacrificio. Nam reliqui externi cultus poſſunt etiam hominibus exhiberi, quo ſublato nullus omnino cultus eſt, quo Deum ritu extrin-



seco specialiter colamus. Externus autem ille cultus in Euangelica Lege, est Sacrificium in cruentum perpetuum, per Sacerdotem in æternum secundum Ordinem Melchisedech, in hoc Hominum Ministerio videntem.

## CAPVT III.

*Soluntur Objectiones Aduersari-  
orum.*

**XVII.** PRIMA Obiectio contra Missæ Sacrificium & quod maximè sit propitiatorium est hæc:

Christus non nisi semel offerendus fuit, idq; cum sanguinis effusione & Mortis interuentu. Et hac ipsâ corporis sui oblatione unicâ, peccata omnia expiauit, & æternam Redemptionem inuenit. quæ omnia clarè docet Paulus Hebræorum 9. & 10. multis versibus. Sed in Missa (juxta Catholicos) Christus cottidiè offertur & quidem sine sanguinis effusione & Mortis interuentu. in Missâ deniq; offertur Christus, vt hoc Sacrificio (quasi non sufficeret Crucis) viuentium & mortuorum in Purgatorio degentium Peccata expientur. Ergo vel Paulus censendus est errasse Hebræ: 9. v. 26. 28. Act: 10. v. 10. 12. aut Missa

haben-

habenda est pro commento, Scripturis omnibus aduerso.

Hæc præcipua Aduersariorum est Obiectio multaq; membra complectitur, quæ singula ordine enodabimus.

XVIII.

I. R. Quando Paulus dicit semel tantum oblatum esse Christum & vnicâ oblatione peccata omnia expiasse Hebr: 9. v. 26. 28. & c. 10. v. 10. 14. loquitur de universali & omnipotente Sacrificio Christi, quod in Cruce peractum, habet infinitam & æternam vim sanctificandi homines; adeò, vt non sit opus nouo Crucis Sacrificio, vel ejus crebrâ repetitione; vel vt iterum, vel sæpè Christus pro nobis moriatur, quia Deo Patri semel moriendo abundantissimè satisfecit. Quid ergo prodest Missæ Sacrificium? Respondeo: vt pretii, quod Crucis Sacrificium nobis comparauit, per Missæ Sacrificium nobis singulis in particulari fiat applicatio. Nam licet Christus, quantum est in se & ex parte suâ, seu in actu primo consummauerit sanctificatos, v. 14. in actu tamen secundo & re ipsâ perficit nos per Sacramenta, & bona Opera cum Fide, per quæ applicat nobis consummatû & generale Sacrificium, & meritum ac Pretium suæ Crucis. Clarum enim est, quòd per solam Christi in Cruce

obla-



oblationem, non omnes infideles, pagani, peccatores sint iustificati: sed requiritur; ut hæc Christi oblatio illis applicetur, per Sacramenta à Christo ad id constituta. Ideoq; licet per fidem & Sacramenta nobis applicetur meritum Crucis quoad Iustificationem proximè & immediatè: sacrificium tamen ordinatur ad auxilia promerenda, quibus ad fidem & debitam Sacramentorum susceptionem disponamur; & ideo offerri potest pro his, qui actu nihil de charitate, fide, Sacramentisq; suscipiendis cogitant, pro Hæreticis, Gentilibus, Mahumetanis &c. atq; ita Sacramentorum est iustificare proximè & immediatè: Sacrificii verò ad auxilia gratiæ disponere. Vnde patet quòd nullo modo dicendi sint Catholici sacrificium Missæ adæquare sacrificio Crucis; licet vtrumq; propitiatorium appellent: longè enim diuersâ ratione ea propitiatoria esse dicimus: Vnum quippe Propitiatorium appellamus, per quod pro omni peccatorum culpâ plenariè Christus satis fecit, Mundum vniuersum redemit, & Dona omnia diuinâq; Gratiâ ad Salutem omnibus hominibus promeruit; illudq; est, cuius locis citatis Paulus meminit, factum esse semel, nec vnquam repetendum esse. Et hoc vnicum fuit quasi Materia, Fons & Pretium nostrorum. Alterum autem Sacrificium propitiatorium vocamus;

camus, per quod illud primum singulis qui illud offerunt, vel pro quibus hoc offertur, in particulari applicatur, adeò vt sic applicatum ex opere operato impetret Gratiã præuenientem & excitantem, quã excitemur, ad Fidem, Pœnitentiam & Sacramenta, quibus iustificemur suscipienda, impetrat præterea Remissionem Pœnæ peccatis debitæ, insuperq; culpæ venialis. Non autem mortalis nisi mediare, quatenus impetrat pœnitentiam, quã mortalis deleatur.

Et tale est Missæ Sacrificium, ob quod toties repetit, & inculcat Apostolus, quod Christus assistat Deo, ejusq; vultui pro nobis appareat, quod sit Sacerdos æternus, quod interpellat pro nobis, quod offerat sua Dona & hostias; quæ sanè jam alia non sunt quàm Sacrificia Missæ, quæ ipse cottidiè per Sacerdotes à se institutos offert, id docent Patres omnes & Tridentin: Sessione 22. c. 1.

II. Opponunt Aduersarii superfluum esse Missæ Sacrificium, ex eo quod Sacrificium Crucis vim habeat infinitam. Sed hoc non magis sequitur, quàm si dicam: Sacrificium Crucis habet vim infinitam. Ergo Baptismus & Eucharistia sunt superflua, quod illorum nemo concedet. Si autem cum Caluino dicant, sufficienter nobis applicari Meritum crucis, per Baptismum & Eucharistiam ideoq; Missaticum Sacrificium esse super-

XIX.



fluum. Negabo antecedens. Nam requiritur etiam, ut per Missæ sacrificium, aliaq; bona opera ad Sacramenta debitè suscipienda & gratias impetrandas disponamur.

XX.

3. Obijciunt nonnulli imperitè locum Pauli Hebræor: 9. v. 22. *Sine Sanguinis effusione non fit remissio.* Ergo non potest esse Sacrificium incruentum, aut si sit, non potest remittere peccata.

Respondeo certum esse Paulum hic loqui de Lege veteri, non de Christianâ; nulum enim in Lege Mosaicâ fiebat Sacrificium, pro peccatis sine effusione sanguinis hircorum aut aliorum animalium. Aut si Aduersarii velint hoc omninò etiam de nouâ Lege dici, duo repono 1. Ergo etiam inde sequi per Fidem iustificantem, quam adeò deprædicant, nihil penitus remitti, quia in illâ nulla est Sanguinis effusio. 2. licet Apostolus de Veteri Testamento dixerit, non fieri sine Sanguine remissionem, hoc tamen, tam de Veteri quàm de nouo intelligi sic potest; nullam in neutro Testamento Remissionem fieri sine effusione Sanguinis Christi, qui si non effusus fuisset, in neutro Testamento Deo reconciliari potuisset homo. Quæ sanguinis effusio sicut antiquis applicabatur per Sacrificia cruenta Animalium: ita nobis etiam applicatur per Sacrificia incruenta Missæ, & per Sacramenta. Vnde patet nos nullam facere Christo inju-

riam

riam (vt nobis tallo impingunt Aduersarii  
 nostri) sapius offerendo Missæ Sacrificium;  
 licet ipse pro nobis planè satisfecerit: quia  
 nullam injuriam ei faciebant in antiquâ Le-  
 ge toties offerendo Victimæ; licet ipse  
 Christus quoque pro illis plenè  
 satis facturus esset.



R

DE



## DE SACERDOTIO

## DEMONSTRATIO 8.

*Lutheranam Ecclesiam non esse veram  
Ecclesiam, quia non habet Sacerdotes  
quales Ecclesia vera primitiua  
habuit.*

## CAPVT I.

*In Ecclesiâ primitiuâ Sacerdotes omnes  
ab Episcopis ordinati sunt.*

I.

**I**llos solos fuisse Sacerdotes  
in Ecclesiâ primitiuâ, & verâ, qui  
ab Episcopis ordinabantur, Testis  
est Traditio Apostolica & Antiquitas S. S.  
Patrum. Cùm autem Lutherani nullos ha-  
beant Episcopos, manifestè sequitur, eos non  
habere Sacerdotes, quales Ecclesia vera &  
primitiua habuit, & consequenter non esse  
Sacerdotes, quos pro talibus Ecclesiæ Luthe-  
ranæ jactant.

Quòd autem omnes Sacerdotes ab E-  
piscopis ordinati fuerint, sic probatur per  
Enumerationem.

2. Timoth: 1. v. 6. *Admoneo Te, ut re-  
suscites*

*suscites Gratiam Dei, quæ est in Te per impositionem manuum mearum.* Paulus tanquam Episcopus Timotheum ordinavit Sacerdotem.

i. Timoth: 5. v. 22. *Manus citò nemini imposueris.* Monet Paulus Timotheum Episcopum, ne citò & facile Sacerdotes ordinet, nisi quorum perspectam habeat Virtutem. Anno 86.

Clemens Romanus Const: 2. Apostol: Presbyter ab uno Episcopo ordinetur & Diaconus & reliqui Clerici, ibi clarè demonstratur Præceptum Apostolicum esse, ut ab Episcopis Sacerdotes ordenentur.

Idem Constitut: Apost: 1. 3 c. 2. *Jubemus, ut Presbyter, Diaconus & reliqui Clerici ab uno Episcopo ordinentur, & ut neq; Presbyter, neq; Diaconus reliquos Clericos ex Laicis ordinet.* 1004

Dionysius Areopagita Ecclesiasticæ Hierarchiæ c. 5. *Ne ipse quidem Sacerdos erit, nisi Pontificalibus officiis ad hoc fuerit promotus.*

Idem ibidem. *Sacerdos coram sancto Altari ponens utrumq; genu, in capite habet Pontificis Dextram & in hunc modum à Præsule sanctissimis Invocationibus consecratur.* 1006.

Ignatius Epist: ad Smyrnens; *Non licet absq; Episcopi ordinatione offerre, neq; Sacrificium immolare, neq; Dochen celebrare.* Anno 1576.



Anno 157. Sixto secundo Epist: 2. cap: 3. Nullus Episcopus alterius Parochianum presumat retinere vel ordinare.

309. Eusebius Papa Epist: 3. Manus impositionis Sacramentum magna veneratione tenendum est, quod ab aliis perfici non potest nisi à summis Sacerdotibus, nec Tempore Apostolorum ab aliis quàm ipsis Apostolis legitur aut scitur peractum esse, nec ab aliis quàm ab illis, quorum locum tenent, unquam perfici potest, aut fieri debet.

316. Concilium Ancyranum can: 13. Chorepiscopis non licet Presbyteros vel Diaconos ordinare sed Episcopis.

320. Eusebius Casariensis. Ecclesiast: Histor: l. 6. c. 17. Origenes, inquit, Necessitate negotii cujusdam Ecclesiastici obeundi flagitante, in Graciam per Palestinam iter fecit & Casarea per Manuum Episcoporum Impositionem Munus suscepit Ecclesia Presbyterii.

347. Concilium Antiochenum Canon: 9. Episcopi ordinent Presbyteros & Diaconos & unaquæq; cum iudicio tractent.

370. Basilius Magnus in Anaphorâ Syriacâ: Hæc functio (Episcopalis) perficit Religiosos, exornat Sacerdotes sacris initiis ordinibus.

380. Epiphanius hæresi 75. contra Aërianos. Episcoporum Ordo Generator Patrum est, Patres enim generat Ecclesiæ. Presbyterorum vero non potens generare Patres, per lavacri regenerationem generat Filios Ecclesiæ.

Ambros

*Ambrosius de Sacerdotali dignitate. Episcopus initiat ordinem, & Deus tribuit Dignitatem. Ad caput 2. 1. Corinth: In Episcopo omnium ordinantium Dignitas est, caput enim est cæterorum membrorum.*

Deniq; non Sacerdotes tantum ab Episcopis sed & Episcopos ab Episcopis ordinari debuisse, habemus ab innumeris Exemplis Ecclesiæ primitivæ. Nam

II.

*Clementem Romanum à D. Petro Episcopum ordinatum esse, testatur Tertullianus in lib: præscrip: edit: Paris: p: 89.*

*S. Polycarpum ab Apostolis in Asiâ in eâ quæ est Smyrnis Ecclesiâ fuisse constitutum Episcopum affirmat Irenæus. l. 3. c. 3*

*S. Gregorium Thaumaturgum à Phodino Episcopum ordinatum esse:*

*Alexandrum Carbonarium à Gregorio, Testis est S. Gregorius Nyssen: Orat: de S. Gregor: Thauinat:*

*Frumentium Episcopum ordinavit S. Athanasius Teste Rufino l. 1. c. 9.*

*S. Basilium Gregorius Nazianzenus vti ipsemet affirmat in Carmine de Vitâ sua Tom: 2. fol: 7:*

*S. Chrysosthomus à Meletio Episcopo Diaconus, à Flauiano Episcopo Presbyter ordinatus est. Teste Palladio in ejus Vitâ.*

R3

S. Augu-



*S. Augustinus* à Valerio Episcopo ut ipsemet Augustinus testatur Epist: 34. ad Paulinum. Item de Antiquitate aliorum Ordinum ab Episcopis collarum in primitiua Ecclesiâ, & ipsis Temporibus Apostolorum videri potest Bellarminus lib: de Clericis c. 12.

Et talia sexcenta enumerari possent ex Historiis, cum ne vnus quidem proferri queat, qui in veteri Ecclesiâ à Seculari potestate Episcopus aut Presbyter ordinatus sit. Ordinationem enim, & potestatem omnes ab Episcopis acceperunt: quamvis Vitæ probæ Testimonium & consensus à Populo frequenter requisitus fuerit, ut indicat Apostolus 1. Timoth: 3. & tradit Origenes homil. 6. super Leuit: Cyprianus l. 1. Epist: 4. Cælestinus Papa Epist: 2. ad Episcopos Galliæ.

III.

Ex quibus sic ratiocinari licet: Omnes illi supracitati sancti Patres aliq; ab Episcopis ordinati, veri Sacerdotes & Legitimi Ministri fuerunt, vel non: Si non fuerunt: Ergo omnes isti sancti Patres in Re substantiali fidei decepti sunt, & suis imposturis in errorem fideles omnes induxerunt, & consequenter tota primitiua Ecclesia legitimis Sacerdotibus & Ministris caruit & substantialiter errauit; quod nemo Aduersariorum concedet. Si autem veri Sacerdotes ac legitime ordinati Ministri fuerint, sequitur Lu-

ibera-

theranorum Prædicantes non esse Sacerdotes veros, quales habuit Ecclesia primitiua, neq; legitimos Ministros, vt pote legitimâ ordinatione destitutos. Cùm enim Sacerdotem seu Ministrum legitima ordinatio efficiat, vbi hæc deest, ibi Sacerdotium seu legitimum Ministerium esse non potest. Solam verò legitimam ordinationem esse quæ fit per Episcopos; ex Apostolis, & primitiua Ecclesiâ ostendimus. Vnde de Aduersariis dici potest, quod de quibusdam hæreticis annotauit Tertullianus l. de præscript: c. 41. *Alius hodie Episcopus, cras alius, hodie Diaconus, qui cras Lector, hodie Presbyter, qui cras Laicus. Nam & Laicis Sacerdotalia Munera injungunt. De Verbi autem Administratione quid dicam? cùm hoc negotium sit illis non Ethnicos conuertendi sed nostros peruertendi. Audiant Lutherani illud Irenæi l. 4. aduersus hæc: c. 43. Iis qui in Ecclesiâ sunt Presbyteris obedire oportet, qui Successionem habent ab Apostolis, qui cum Episcopatus successionem Chrysma Veritatis certum, secundum placitum Patris acceperunt. Reliquos verò, qui absistunt à principali Successione & quocunq; Loco se colligunt, suspectos habere, & quasi hæreticos & male sententiæ, & quasi scindentes & elatos.*

Item existiment de se sibiq; dictum Aduersarii, quod Tertull: l. de Præscript: c. 31. verissimè dicit: *Ceterum si quæ Hæreses se au-*



dent interficere *Ætati Apostolica*, & ideo videantur ab Apostolis tradita, quia sub Apostolis fuerunt; possumus dicere: edant (Lutherani) ergo *Origines Ecclesiarum suarum*, euoluant ordinem *Episcoporum suorum*, ita per *Successiones* ab initio decurrentes, ut primus ille *Episcopus* aliquem ex Apostolis, aut Apostolicis *Viris*, qui tamen cum Apostolis perueniaverint, habuerit *Auctorem* & *Antecessorem*, Hoc enim modo *Ecclesia Apostolica* census suos deferunt. Et c. 37. Ad quos merito dicendum, est. *qui estis? quando & unde venistis? quid in mea agitis non mei?*

## IV.

Cum ergo *Sacerdotes*, *Aduersarii* non habeant, quales habuit vera primitiua *Ecclesia* (ut antè demonstratum est,) neq; ullam tuorum *Pleudo-Sacerdotum* *Successionem* ab Apostolis demonstrare possint, manifestè sequitur, nullas in *Ecclesiis* *Aduersariorum* *Sacerdotes* veros esse.

## CAPVT II.

*Probatnr non esse veros Sacerdotes in Ecclesia Lutherana.*

## V.

**T**Ria necessaria esse ad verum *Sacerdotium* & *Ministerium* *Noui Testamenti*, cum Catholicis omnibus fatetur *Brochmanus Lutheranus* Tom: 2. de *Ministerio Ec-*

*clesia-*

clericali c. l. 1. c. 2. videlicet legitimam Electionem seu Vocationem, Ordinationem, Missionem seu Iuris dictionem, quam Brochmannus appellat officii sacri decorem Administrationem. Videndum itaque an illa tria in Luthero & Ministris Lutheranis inueniantur, si non; certum est, in Ecclesia Lutherana verum Sacerdotium non esse.

## § 1.

*Lutherus & Ministri Lutherani ad Ministerium Ecclesiasticum non sunt legitimè electi & vocati.*

Legitimam Vocationem esse necessariam confirmat nobiscum Brochmannus loco citato ex his S. Scripturae Locis: *neque quisquam sibi sumit honorem, sed qui vocatur tanquam Aron: Ebraeor: 5. v. 4. Non mittebam Prophetas & ipsi curiebant &c: Quomodo predicabunt nisi mittantur? Rom: 10. v. 15.*

Vocatio autem hæc duplex est. Vna immediata seu extraordinaria, quæ fit immediate à solo Deo, Dum ipse Deus quos vocat alloquitur, ut ostenditur Exemplo Moysis. Exod: 3. v. 4. 10. Elia: 1. v. 1. Apostolorum Luc: 9. v. 1. Matt: 10. v. 1. Vel cum Vocationem per intermedium indicat & manifestat, qualis fuit Vocatio Aronis per Moysen.

VL



Exod: 4. v. 14. Elisæi per Eliam 3. Reg: 14. v. 16. Matthiæ per Sortem Act: 1. v. 26. Vocationis hujus immediatæ notā ponit Brochmannus ibidem lect: 3. Donum Miraculorum, vel infallibile Testimonium Veritatis.

## VII.

Altera est mediata siue Ordinaria Vocatio, quæ fit etiam à Deo seu Christi Institutione; non quidem ut vocandam Personam DEUS ipse vel Christus nominet; sed id juris eorum, quorum interest remittat; & ita fit mediante consensu & cooperatione hominum. De hac Vocatione ait Paulus ad Tit: c. i. v. 5. *Hujus rei gratiâ reliqui Te Crete, ut ea quæ desunt corrigas & constituas per Civitates Presbyteros.* Porro hujusmodi Vocationem, quæ fit hoc modo per Homines legitimam & verè diuinam esse etiam asserit Brochmannus.

## VIII.

His ita tam ex nostrâ, quàm Aduersariorum sententiâ constitutis, assero Lutherum aliosq; Ministros Lutheranos, neq; extraordinariè neq; ordinariè vocatos esse.

i. Non esse vocatos extraordinariè probatur, quia deest in illis, quod Brochmannus potissimùm requirit, Donum Miraculorum vel Testimonium infallibile veritatis. Omnes enim quotquot vnquam fuerunt, extraordinariè vocati, miraculis vocationem suam comprobârunt, ut clarè in Controversiâ de Ecclesiâ docuimus, & ipsi non dissententur Lutherani; licet aliqui Johannem

Baptistam

Baptistam in contrarium allegent, sed hujus Natiuitatem plurimis miraculis ornant, fuisse diximus, quæ cùm omnibus innotuissent, sufficiens Testimonium esse poterant Vocationis extraordinariæ.

Ostendant ergo Lutherani, vel Lutherum vel vllum Prædicantem Lutheranum, aliquo minimo Miraculo vocationem suam comprobâsse.

Responder Brochmannus c. 2. quæst: 23. de Ministerio Ecclesiastico:

IX.

I. Ecclesiâ corruptâ & omnibus in sacro Ordine turbatis Luthero, sine ordinariâ vocatione aut missione licitum fuisse alios docere, ad quod faciendum extraordinario impulsu Spiritûs sancti, & diuino jussu, non proprio motu accessit.

II. Non solum Miracula sed Doctrinæ cum Verbo diuino consensum diuinæ Vocationis & Missionis certum documentum esse.

III. Non contemnenda Miracula videri, Lutherum afflictæ conditionis Monachum, aduersus vim maximam & infinitos Aduersarios potentissimos, inconcussum, perstitisse: omnibus insidiis & violentiâ superiore.

Respondeo ad I. Supponi falsum videlicet Ecclesiam in Essentialibus Fidei fuisse turbatam. Deinde si Exceptio valeret aliquid, idem eodem jure de se affirmare pos-

X.



sent Calvinus, Zwinglius & alii Hæresiar-  
chæ, qui Ecclesiam Christi eodem in statu  
invenierunt, quo Lutherus, & diuino instin-  
ctu ad eam reformandam se impulsos esse  
affirmârunt, quos profectò legitimè vocatos  
esse non concedent Lutherani, cum autem  
doctrinam omnes diuersam habeant, cujus-  
nam vocationem dicemus esse veram? nam  
& singuli Doctrinæ suæ cum verbo diuino  
consensum ostendere conantur. Demon-  
strent ergo Lutherani; in Luthero peculia-  
re aliquod Signum, quod in aliis non est,  
per quod legitimam Vocationem ejus ad-  
struant, nullum profectò inuenient, atq; ita  
etiam altera exceptio soluta est.

Respondeo ad 3. Miracula quæ Luthero  
affinguntur, non magis illi, quàm Caluino,  
Zwinglio, imò multò magis Arianis, Ne-  
storianis & aliis omnibus fœdissimis Hære-  
siarchis conuenire. Sicut ergo non sequi-  
tur, ex eo quòd Arrius, Nestorius aliq; in-  
ter potentissimos; Aduersarios aliquando in-  
concussi steterint, veram Religionem eos  
docuisse: sic non sequitur idem de Luthero.

**XI.**

Nec proficiunt Aduersarii aliqui, dum  
asserunt non fuisse Luthero necessaria Mira-  
cula, quia nullam nouam Doctrinam attulit,  
sed antiquam, ab Apostolis multis miraculis  
comprobatam.

Nam respondeo primò, falsum esse Lu-  
therum veterem & Apostolicam Doctrinam  
pro-

promulgasse, ut ostensum est per singulas  
 Controversias, in hoc tractatu contentas, in  
 quibus clarè demonstrauius Doctrinam  
 Lutheranam veteri & Apostolicæ Doctrinæ  
 aduersari. Secundò non etiam verum est, mi-  
 racula non requiri ad stabiliendam veterem  
 Doctrinam. Nam & Christus ut vetustissi-  
 mam Doctrinam de venturo Messia stabili-  
 ret, nouis Miraculis opus esse iudicauit. Eo-  
 dem modo qui ad Synagogæ Reformatio-  
 nem extraordinariè mittebantur, Vocationem  
 ac Missionem suam Miraculis adstruxe-  
 runt. Et quid antiquius, apud Hebræos à  
 Deo vero tot Beneficiis affectos, quàm il-  
 lum Deum, verum Deum esse? tamen ut  
 hoc Hebræis persuaderet Elias 3. Reg: 18.  
 nouis miraculis id probare debuit: *Si Do-  
 minus est Deus, sequimini illum: si autem Baal  
 sequimini eum.*

Ex his ergo patet, Lutherum extraordinariè  
 non fuisse vocatum, ut qui, Vocationem su-  
 am nullo indicio infallibili, imò nec proba-  
 bili confirmare potuerit. Ob eundem defe-  
 ctum neq; reliquos Ministros Lutheranos  
 extraordinariè vocatos esse liquet. Nunc ad  
 Ordinariam Vocationem veniamus.

De ordinariâ Lutheri Vocatione sic ratio-  
 cinor: Lutherus ordinariam ad Sacerdotium  
 vocationē accepit, dum adhuc esset in Ecclesiâ  
 Catholicâ & statu Monastico, vel certè dum  
 ab Ecclesiâ defecit & contra eam prædicauit.

XII.



Si primum; duo sequuntur, videlicet Ecclesiam Catholicam seu Pontificiam à Christo habere veram potestatem vocandi & ordinandi Sacerdotes, atq; adeò solam veram Ecclesiam esse. Deinde Lutherum in proprià suâ sententiâ larvatum & fictum tantum Sacerdotem extitisse. Nam ipsemet in lib: de instituendis Ministris Ecclesiæ ad Senatum Pragensem clare asserit, Sacerdotium Papisticum non esse verum Sacerdotium sed larvam & figmentum. Eligant ergo Lutherani vtrum malint dicere. Idem de Sacerdotibus omnibus ab Ecclesiâ Romanâ Apostatis dictum sit; qui certè à Prælati Ecclesiæ Romanæ vocati aut missi non sunt, ad Ministerium exercendum, quod est contrarium Ecclesiæ Romanæ.

Si secundum; dicant Aduersarii, à quibus & quorum Autoritate tam Lutherus, quàm reliqui Lutherani vocati sint & missi? Non ab Episcopis, quia tales non habent Aduersarii; non à Populo & Magistratu Laico, quia penes illos jus vocandi & eligendi vel mittendi jure diuino nullum est. Ergo legitimi Sacerdotes ac Ministri esse nequeunt. Quod ergo neq; Laico Magistratui, nec Populo ex jure diuino competat Sacerdotes seu Ministros eligere aut vocare, sic probatur:

XIII.

i. Aduersarii jus illud diuinum ex nullo Scripturæ loco probare possunt; ergo nul-

lums

lum habent. Solis Episcopis non autem Laicis ullis, Pastores eligendi jus competere, Catholici sic probamus.

1. *Nemo debet sibi assumere honorem nisi vocetur à Deo sicut Aaron.* Hebr: 5. v. 4. Atqui Aaron à solo Moyse sine consilio aut consensu Populi fuit electus.

2. Voluit Christus, ut eâ ratione & potestate regerent Ecclesiam Apostoli, quâ ipse illam visibiliter in viuis rexerat. *Sicut misit me Pater & ego mitto vos.* Joan: 20. At ipse primùm 12. Apostolos deinde 70. Discipulos elegit sine suffragio & consilio multitudinis. Ergo voluit etiam à suis Vicariis & Apostolis eorumq; successoribus sic fieri. Nec refert, quòd isti extra ordinariè fuerint vocati, quia cum non alia tunc potuerit esse, quàm immediata seu extraordinaria vocatio, normam præbere voluit Christus ab Apostolis eorumq; Successoribus in posterum seruandam circa Vocationis modum.

3. Si juris Diuini esset, ut Magistratus Politicus vel Populus eligeret Pastores, nunquam sine Populi consensu potuissent eligi. Sed constat ab ipsis Apostolis & in primitiua Ecclesiâ plerumq; non audito vel consulto Populo à solis Episcopis veros Pastores Populorum esse constitutos. Ergo non potest esse ex jure diuino apud Populum electio. Major certa est, quia in jure diuino

XIV.



non datur dispensatio. Altera Propositio probatur 1. Quia Paulus ipse Tito scribens c. 1. v. 5. nullâ Populi mentione factâ, ipsi soli institutionem Ecclesiæ Ministrorum mandat. *Reliqui Te Cretæ inquit, ut constituas per Civitates Presbyteros, sicut & ego disposui tibi.*

Ecce, mandat soli Tito Episcopo Paulus, ut Sacerdotes per Civitates constituat, nec ullibi Magistratûs vel Populi mentionem facit. *Sicut, Ego, inquit, disposui Tibi,* non addit multitudini, similiter 1. Timoth: 3. Modum eligendi ministros Ecclesiæ præscribens, eorum quidem condiciones explicat *bonumq;* de his *Testimonium* etiam ab iis qui *foris sunt*, id est infidelibus postulat. Sed Populi consensum & electionem nullibi requirit. Imò c. 5. v. 22. eorum negotium instituendi Ecclesiæ Ministros Timothei iudicio permittitur nullâ Laicorum factâ mentione: *Manus, inquit Apostolus, citò ne imposueris* &c: Ergo & Apostoli & eorum in primitivâ Ecclesiâ Discipuli sine Ecclesiæ electione per se Sacerdotes elegerunt.

XV.

2. Quando Apostoli mittebant Sacerdotes ad infideles Populos, quæro ex Lutheranis, cujusnam Ecclesiæ Suffragiis hujusmodi Sacerdotes sint electi? non possunt dicere eorum, ad quos mittebantur, quia & illi non erant de Ecclesiâ, & qui veniebant penitus ignoti erant. Si dicant ab illâ Ecclesiâ

electos,

electos, ex quâ mittebantur; clarè demonstratur electionem Sacerdotum Magistratui vel Populo ex jure Diuino non competere. Hoc enim ideo affirmant Aduersarii, ne Populus & Magistratus accipiant Pastorem aliquem ignotum. Sed hæc ratio in dictis missionibus cessabat; accipiebant enim ignotos populi gentiles. Ergo nullam habent Rationem Aduersarii asserendi hanc electionem ad Laicos jure diuino pertinere.

Item, quòd non consultis Laicis in Ecclesiâ sæpe facta fuerit Electio, constat inde, quòd non tantum non permilsum sed & in variis Conciliis veritum fuerit ad hujusmodi Actus admittere Laicos.

I. Laodicenum Concilium ante Annos 1200. Canone 13. sic habet: *Non est permittendum Turbis Electionem eorum facere, qui sunt ad Sacerdotium promovendi.*

Deinde in Concilio Martini Papæ ante Annos 900. c. 1. decretet: *Non licet Populo electionem facere eorum, qui ad Sacerdotium promouentur, sed in judicio Episcoporum sit.*

III. Concilium Nicenum 2. can: 3. ante Annos 800. sic habet: *Omnem Electionem*



*quæ sit à Magistratibus, Episcopi, vel Presbyteri, vel Diaconi irritam esse volumus. Oportet enim eum, qui promouendus est, ab Episcopis eligi.*

Deniq; *Constantinopolitanum* IV. quod *119.* Generale ante Annos 700. Can: 28. *Sancta*, inquit, *& vniuersalis Synodus definit, neminem Laicorum Principum vel potentum, semet inferere Electioni &c:*

Ex quibus manifestè patet, non à Populo aut Politico Magistratu, sed ab Episcopis & Ecclesiæ Prælatis debuisse eligi Pastores, & consequenter non tantum jure Diuino, sed nec humano Laicis hujusmodi Electiones conuenire. Nam quis dicet hæc Concilia constituisse aliquid contra jus diuinum?

# XVI.

Obijciunt potissimum Aduersarii non ab Apostolis solis: sed ab Ecclesiâ totâ Mathiam & Barsabam electos esse. Actor: 1. v. 23. & Act: 6. dici de multitudine credentium: *& elegerunt Stephanum.* Deniq; innumeris Exemplis primitiuæ Ecclesiæ probari posse per Laicos & Populum Electiones esse factas.

## Verum Respondeo

1. Cum Mathiâ factum esse non ex Necessitate sed liberali concessione Petri, neq; ea propria fuit Electio sed tantum Postulatio. Nam non dicitur Populus elegisse Mathiam, sed *statuerunt duos*, id est, proposuerunt Apostolis duos; & ait Petrus: *Tu Domine ostende quem elegeris ex duobus.* Vnde cer-

tum est hanc Vocationem fuisse extraordinariam, non à Populo sed à Deo Sortis interuentione factam. Non igitur Populus elegit: sed proposuit concedente Petro. Et clarum est, ex vno Exemplo non posse probari ius diuinum, cum plura sint contraria. Ad Diaconos Act: 6. quod attinet, illi tantum eligebantur, vt præessent Mensis. Nos autem hic de Sacerdotibus agimus. Deinde Electio ista fuit tantum Personarum. Nominatio, quæ ita reliquis Fidelibus permittebatur, vt tamen acceptatio & probatio à solis Apostolis dependeret.

Atq; ideo non negamus, quia sub initium Ecclesiæ, & post Apostolorum Tempora, ob maiorem Pacem, & Concordiam in Electione Sacerdotum & Episcoporum, Testimonium, Consensus, Præsentatio (ut etiam nunc subinde in Ecclesia cernimus) & fortè etiam Electio per suffragia nonnunquam Populo, Magistratui, Principibusq; fuerit tributa; vt colligitur ex *Cypriano* l. 3. Epist: 13. *Concilio Niceno* in Epist: quam refert Theodoretus l. 1. c. 9. & deniq; ex multis Canonibus apud *Gratianum* distinct: 23. 24. 62. 63. 65. 67. & c. 8 q: 1. c. licet. Nunquam tamen existimatum est, eum Populi Magistratus aut Principis consensum seu nominationem, seu electionem iure diuino necessariam esse. Et licet ille mos ob Concordiam Populi, qui in primitiua Ecclesia



*erat cor unum & anima una*, aliquandiu toleratus fuerit, tamen cum postea ob multitudinem & intolerantiam Plebis, & Principum Tyrannidem magnæ perturbationes & clades in ejusmodi electionibus intererent, paulatim S. S. Patribus & Ecclesiæ Pastoribus displicere meritò cepit, cum sapè non digni, sed homines factiosi à sui similibus eveherentur. donec tandem Ecclesiæ jure suo usa, omnem Potestatem illam propter Discordias, imperitiam & improbitatem Laicorum, penes Prælatos seu Episcopos suos solos esse voluit, quo facto non ablatum est Laicis jus ullum, quod non haberunt: sed liberalem concessionem suam, Episcopi cohibuerunt, sibiq; reservârunt. Ex quibus dictis omnibus concludo Lutherum & Ministros Lutheranos non esse legitimè electos, & consequenter non esse veros Sacerdotes & Ecclesiæ Ministros.

## § 2.

*Lutherus & Ministri Lutherani non  
sunt legitimè ordinati neq;  
Missi.*

## XVII.

**P**ro Confirmatione hujus Propositionis omnia adduci possunt, quæ superiore §. contra Lutheri & Prædicantium Electionem recen-

sumus

fuimus. Nunc ut ulterius & clarè procedamus, quadam advertenda sunt.

Duplices sunt Ministri Lutherani contra quos hic agimus.

I. Sunt nonnulli, qui in Ecclesiâ verâ Catholicâ Sacerdotes ordinati à Fide & Ecclesiâ defecerunt, qualis fuit Lutherus & alii multi, quos Caro & Superbia in Apostasiam traxit.

II. Alii à Magistratibus aut sibi consimilibus constituti in officium & Sacerdotale Munus intruduntur. De primis sic sentimus: veros quidem Sacerdotes ipsos esse, & post lapsum etiam tales permanere, utpote à legitimo Ministro ordinatos. Alteros verò neq; legitime electos, multò minùs ordinatos, merè Pseudo-Sacerdotes esse, pro certissimo tenemus. Porro licet primii legitimi Sacerdotes sint, alios tamen ordinare nequeunt legitimâ Potestate destituti. Quod longè fortiori ratione de aliis ab Episcopis non ordinatis certum est.

Quæritur ergo, quinam legitimè ordinare possint? Respondeo penes solos Episcopos jure diuino eam potestatem esse, quod sic probatur. Ut aliqua Potestas alicui Ordini, & soli, in Ecclesiâ jure Diuino competere cognoscatur; necessarium est & iufficit, ut Apostoli & tota primitiua Ecclesia talem Potestatem in eo Ordine solo, irrefragabiliter & perpetua serie agnouerint.

XVIII.



2. Vt, si quid ad illam potestatem perti-  
nens absq; illâ factum sit, id irritum semper  
habitum in Ecclesiâ vniuersâ fuerit. Atqui  
Apostoli & tota primitiua Ecclesiâ Potesta-  
tem ordinandi Sacerdotes irrefragabiliter,  
& perpetuâ serie, in solis Episcopis agnouit;  
adeò vt habitum sit irritum, si quid in eâ re-  
fecissent, qui Episcopi non essent: Ergo  
Potestas ordinandi Sacerdotes soli Episcopo-  
rum Ordini competere, jure diuino censen-  
da est. Prima Propositio est certa, altera quo-  
ad primam Partem sufficienter in primo Ca-  
pite probata est, vbi luculentis totius primi-  
tiuæ Ecclesiæ Testimoniis ostendi, nullos  
vnquam, nisi ab Episcopis Sacerdotes ordina-  
tos esse.

Quòd autem irrita fuisset ordinatio ab  
aliis non Episcopis collata; demonstratur  
ex Constitutionibus Apostolicis Clementis,  
Dionysio Areopagitâ, Ignatio, Concilio An-  
cyrano, locis à nobis primo Capite citatis.  
Testatur illud quoq; Damasus Epist: 3 vbi  
agens de Chorepiscopis, qui cùm solùm Sa-  
cerdotes essent, alios tamen Pontificum mo-  
re præsumebant ordinare, sic loquitur:  
*Vacuum & inane est, quicquid in prædicto Sa-  
cerdotii summi egerunt Ministerio.*

Quod etiam disertè asserit Gregorius 3.  
Epist: ad Bonifacium. At certè si jure diui-  
no Presbyteri ex ipsâ suâ ordinatione habe-  
rent, vt alios ordinare possent, non esset

irritum quod facerent, tamen si prohibente Ecclesiâ facerent: Ergo sequitur, quòd etiam legitime ordinati Sacerdotes, qui ab Ecclesiâ defecerunt, alios Sacerdotes ordinare non potuerint, multò minus Laici, aut Pædicantes, qui à nullo Episcopo fuerunt ordinati.

XIX.

2. Probatur. Paulus Rom: 12. v. 6. Docet in Ecclesiâ diuersas esse Gratias seu Potestates juxta officia diuersa: *habentes*, inquit, *Donationes secundum Gratiam*, *que data est nobis, differentes*, *sive Prophetiam secundum Rationem Fidei*: *sive Ministerium in ministrando*: *sive qui docet in doctrinâ*, *qui exhortatur in exhortando*. &c: Et 1. Corinth: 12. v. 4. 5. 6. 7. *Diuisiones ministracionum sunt*, *Diuisiones operationum sunt*, *alii Sermo scientiæ*, *alii datur Sermo Sapientiæ*, *alii gratia Sanitatum*, *alii Operatio Virtutum*, *alii Prophetia* &c: Eph: 4. v. 11. *Ipse dedit quosdam Apostolos*; *quosdam verò Prophetas*, *alios Euangelistas*: *alios Doctores* & *Pastores* &c: sed hi omnes juxta diuersam Gratiam differunt inter se, intrinsecâ diuersâ Potestate, vt ex Apostolo manifestum est: Ergo etiam Episcopis inest aliqua alia Potestas, quàm Presbyteris. Consequentia probatur, quia sicut tantum dignosci potest ea diuersitas Gratiarum ac Potestatis, quæ est in tam variis Ecclesiæ Ministris ab intrinsecâ operatione. V. G. quòd hic curet infirmos & non alius,



quòd hic prophetizet & non alius; dignoscitur quòd iste habeat Gratiā ac Potestatem curandi infirmos vel prophetizandi & non alius; & hinc inferitur, quod ubi est diuersa huiusmodi Operatio, ibi etiam censenda sit alia atq; alia Potestas: Sic etiam de Episcopis censerī debet, qui si diuersam habuerint operationem, quam Presbyteri nunquam habuerunt; eos etiam habere potestatem, quam Presbyteri non habent. Sed iam ab ipso Apostolorum & Ecclesiæ primitiue totòq; consequenti Tempore, semper aliquid diuersum operatus est Episcopus, quod nunquam operatus est Sacerdos. Ergò fuit in illo semper aliqua alia Potestas quæ non fuit in Sacerdote. Subsumptum hoc probatur. Hactenus ab initio Ecclesiæ hucusq; Episcopi ordinârunt Sacerdotes; nunquam autem id fecerunt tantùm Sacerdotes; neq; vllum huius Rei Exemplum ab Aduersariis adduci potest (vt primo Capite probatum est.) Ergo semper aliquid diuersum operatus est Episcopus; ergo potestatem diuersam seu maiorem habuit quàm Sacerdos.

XX.

Ex quo sequitur: Si veri Sacerdotes, in Ecclesia verâ Sacerdotes alios ordinare nequeant, non poterunt etiam postquam ab Ecclesiâ verâ defecerunt, Multò minùs illi, qui nunquam verè ordinati sunt. Ergo

in Ec-

in Ecclesiâ Lutheranâ nulli legitimi ac veri Sacerdotes esse possunt.

Addo his juxta illud Christi Johan: 20. XXI.

v. 23. *Quorum remiseritis Peccata remittuntur eis* & : omnibus veris Sacerdotibus data est potestas remittendi Peccata. Sed Lutherani Prædicantes non habent eam Potestatem. Ergo non sunt veri Sacerdotes. Subsumptum ex eorum propriâ sententiâ sic probō. nam ipsi nec fatentur, Prædicantes suos non aliter remittere peccata, quàm annunciando, jam remissa esse vel remittenda, sub conditione Fidei vel seriæ Pœnitentiæ; quod fieri nullo modo potest. Qui enim annunciat peccata remissa jam esse, vel postea remittenda, ipse non remittit: sed ostendit eum qui remittit. Deinde vel Prædicantes annunciant jam remissa; & sic ipsi ea non remittunt; quia ante Remissionem Prædicantium jam erant remissa: vel annunciant postea remittenda, si Conditiō Fidei & seriæ Pœnitentiæ fuerit impleta: Sed ne quidem tunc etiam peccata verè remittunt: quia non nisi multò post, Prædicante absente vel dormiente, vel etiam vitâ functo, remittuntur à Deo peccata: & sic falsum erit Prædicantē remittere peccata. Ergo cum Prædicantes juxta propriâ confelsionē suam remittere non possint peccata secundū



Institutionem & Potestatem veris Sacerdotibus à Christo factam; clarè sequitur, eos in propriâ suâ Sententiâ non esse veros sacerdotes.

## XXII.

Deniq; vt concludam: Aduersarii omnes, velint, nolint, fateri coguntur, se non esse nec vocatos, nec ordinatos, nec missos eo modo ac ritu, qui in Ecclesiâ Catholicâ seu Pontificiâ jam inde à mille sexcentis Annis vsitatus fuit, sed alio longè diuerso, vt ostendimus supra cap: 1. quia non sunt ordinati ab Episcopo, vti semper in Ecclesiâ Romanâ factum esse demonstrauius; sed vel à Magistratu seculari, vel à non ordinatis sui similibus Prædicantibus, aut à Populo. sine vllius veri Episcopi Consensu, Ordinatione vel cooperatione vocati, ordinati, ac missi sunt. Cum ergo duo illi Ritus inter sese discrepent; fieri non potest, vt ambo sint legitimi & à Christo instituti. Si ergo Catholicorum ritus est legitimus, sequitur necessario alterum esse surreptitium. Si autem noster surreptitius est, asserere oportebit, nunquam verum Sacerdotium in Ecclesiâ Catholicâ fuisse, sed falsum & inane, & quod inde sequitur; nullam vnquam nequidem Temporibus Apostolorum veram Ecclesiam extitisse. Hæc enim sine veris Sacerdotibus ac Ministris consistere non potest.

Hoc autem nullus vnquam A catholicus fatebitur, quippe qui omnes agnoscere coguntur,

guntur, Ecclesiam primitiuam veram Ecclesiam fuisse. Ex quibus omnibus apparet, quam miserè fallantur Lutherani, qui nunquam, uti putant Eucharistiam sumunt, nunquam veram Peccatorum Remissionem accipiunt, destituti veris Sacerdotibus, qui verum Christi corpus conficere aut remittere Peccata possint.

## CAPVT III.

*Soluuntur Objectiones Aduersario-*

VIAM.

XXIII.

**L**utherani ut suos Sacerdotes seu Ministros stabiliant, & rejiciant Doctrinam nostram, probare satagunt suos legitime vocatos & electos esse. Sed hoc falsum esse, clarè demonstrauius cap: 2. §. 1. per totum, ubi eorum Fundamentum discussimus & reiecimus.

2. Conantur ostendere, non Episcopis sed aliis etiam Sacerdotibus competere ius & potestatem ordinandi alios, atq; adeò Sacerdotum & Episcoporum eandem Potestatem esse. sed illud etiam non esse verum, ostendimus superiori cap: §. 2. Hoc autem si evincerent, nihil aliud probarent, quàm eos Sacerdotes, qui ab Ecclesia Catholica defecerunt, alios ordinare posse, non autem probarent, alios omnes Prædicantes, qui à similibus Sacerdotes ordinati non sunt; ve-



ros Sacerdotes esse. Videndum tamen quibus Argumentis hanc Episcoporum & Sacerdotum æqualitatem probent.

## XXIV.

Brochman: de Ministris Ecclesiasticis: c. 2. q: 9. sic illud nititur probare.

1. Paulus Actor: 20. v. 17. quos vocat Ecclesia Ephesina Presbyteros, eosdem v. 18. vocat Episcopos. Ergo non distinguit hos ab illis.

2. Postquam Tit: 1. v. 5. Dixisset, reliquisse te Titum in Cretâ, ut Presbyteros per Civitates constituat, subjunxit, quales Presbyteros esse oporteat, inquit: *Oportet enim Episcopum sine crimine esse &c.*

3. Paulus enumerans Eph: 4. v. 11. distinctos Ministeriorum Gradus, non facit ullam Episcoporum tanquam peculiarem ordinem constituentium mentionem. Presbyter itaq; & Episcopus Paulo ejusdem significati Voces sunt.

4. 1. Timoth: 4. v. 14. ait Paulus: *Noli negligere Gratiâ Dei quæ est in Te, quæ data est per impositionem manuum Presbyterii.* Ergo potest Episcopus à Presbyteris ordinari. Ergo nihil interest inter Episcopum & Presbyterum. Quibus & similibus objectionibus ut vno ferre responso satisfaciamus; sciendum est, hæc nomina *Episcopus* & *Presbyter* olim communia fuisse omnibus Sacerdotibus tam majoribus, quos jam proprie Episcopos, quam minoribus, quos Presbyteros nominamus. Ratio hujus erat.

1. Quia in ordine summo, qui est Sacerdotii, penes quam erat potestas consecrandi, sacrificandi, soluendi à peccatis, Presbyter par erat Episcopo, ut docet Chrysoth: homil: 11.

2. Quia olim ante Schisma (ut ait Hieron: in 1. ad Tit:) non tam Auctoritate & Jurisdictione distincta ac diuisa, quam communi Presbyterorum Consilio, Labore & Spiritu regebantur Ecclesiae. Vnde Presbyteri dicebantur & erant Episcopi, id est, Inspectores & correctores Populi, cum Episcopo proprie dicto; imò & in Conciliis confidebant cum Episcopis sententiamq; rogati dicebant, ut patet Act: 15. v. 6. *Conuenerunt, inquit, Apostoli & Seniores* (id est Presbyteri) *videre de verbo hoc*, unde factum, ut utriq; dicerentur Episcopi & Presbyteri. Postea verò cum cresceret Ecclesia, & numerus fidelium; atq; ad eum ritè gubernandum opus esset debita gubernatione & subordinatione Ministrorum sub vno Rectore Episcopo, cumq; (ut asserit Hieronymus loco citato) Presbyteri primà illà predictà Episcoporum Communicatione abuterentur, quisq; intolerenter æquari, & præesse vellet, ac faceret Schismata; tunc Episcopi suam auctoritatem & præeminentiam tueri ceperunt, & omnibus prælati sunt. Id autem factum est tempore Apostolorum cum hic diceret:

*Ego*



*Ego sum Cepha. hic: Ego Pauli, ille: Ego Apollo* 1. Corinth: 1 v. 12. Id patet 1. Tim: 5. *Aduersus Presbyterum accusationem noli recte pere, nisi sub duobus aut tribus Testibus.* Tempore Pauli ergo, Timotheus tanquam Episcopus Presbyterorum erat iudex, & jurisdictione superior. Sic Tiro jubet Apostolus, ut constituat per Ciuitates Presbyteros. Sic Ignatius ad Trallianos & ad Smyrnenes: *Presbyteri, inquit, subiecti estote Episcopo.* Ex quibus patet responsio ad 1. & 2.

XXV.

Ad 3. respondeo Paulum enumerando varios Ministeriorum Ordines intellexisse Episcopos per *Pastores*, illi enim proprie dicuntur *Pastores*, quibus integræ Prouinciæ commissæ sunt, & quorum est, singulas *Paroecias* obire & iisdem de minoribus *Pastoribus* seu *Parochis* prouidere, quæ sanctorum Patrum hoc in loco communis est Interpretatio. Qui etiam inferiores illos *Pastores* per Vocabulum *Doctores* designari à Paulo asserunt.

XXVI.

Ad 4. respondeo 1. *Impositionem Manuum Presbyterii* significare impositionem manuum Episcoporum, cum *Presbyteri* sæpè etiam vocati fuerint *Episcopi*, juxta superius dicta. Ita explicant *Chrysostomus*, *Theodoretus*, *Theophylactus*, *Oecumenius* & paucissimi *Doctores* alii.

2. Sic intelligi posse per *impositionem manuum*, ac si dictum fuisset per *impositionem*  
manuum

manuum quâ Presbyteratum accepisti, vt exponit Anselmus & multi Latini Patres; imò ipse etiam Caluinus l. 4. Institut: c. 3. sub finem.

Et hæc sunt præcipua Scripturæ loca, quibus Aduersarii probare conantur Episcoporum & Sacerdotum æqualitatem, ad quæ cùm responsum sit, manet verum, quod in hac controuersia demonstrauius, Episcopos Sacerdotibus Ordine & Jurisdictione Jure diuino maiores esse atq; adeò à solis Episcopis Sacerdotes ordinari posse, & consequenter nullos extra Ecclesiam Romanam inueniri Sacerdotes.





# DE INVOCATIONE SANCTORUM DEMONSTRATIO 9.

*Lutheranam Ecclesiam non esse veram  
Ecclesiam, quia negat Inuocationem  
Sanctorum esse licitam, quam Ec-  
clesia vera primitiua com-  
probauit & usur-  
pauit.*

## CAPVT I.

*Sanctorum inuocatio in Ecclesia primi-  
tiua vsitata.*

L.

**R**imum locum probationis  
obteneat Liturgia, quam Iacobus  
Apostolus & primus Ierosolymo-  
rum Episcopus scripsit, exercuit, primus  
Christianis tradidit, & Patres Concilii Con-  
stantinopolitani ante annos 900. ac deinde  
Proclus Patriarcha, & innumeri Græci Pa-  
tres. Item Gelasius Papa, Algerus, Gratia-  
nus, Bernardus ac plurimi Latini Patres vsi  
sunt, in eâ sic habetur. *Commemorationem  
agamus Sanctissimæ immaculatæ, gloriosissimæ,  
benedictæ Domine nostræ Matris DEI & sem-  
per Virginis Mariæ & omnium Sanctorum ut*

pre-

*precibus atq; intercessionibus eorum omnes misericordiam consequamur.*

Omitto multas alias Apostolicas Liturgias, authenticè probatas à Francisco Feuardentio L. x. de Sanctis c. 17. n. 1. 2. 3. 4. quas ibi videre lector poterit. vti & apud Jacobum Gualterum primo sæculo Chronologiae suæ.

Justinus in 2. Apologia: *honorum Angelorum Exercitum & Spiritum Propheticum colimus atq; adoramus Verboq; & re seu veritate veneramur.* Anno 150<sup>o</sup>

Irenæus Auditor Policarpi, Joannis Evangelistæ Discipuli. L. 5. c. 19. *sicut Eva seducta est ut effugeret Deum, sic Maria suasa est obedire Deo, ut Virginis Evæ Virgo Maria fieret aduocata.* Anno 180<sup>o</sup>

Origenes in Lament: *incipiam me genibus prosternere & deprecari universos Sanctos ut mihi non audent petere Deum, propter vicinitatem peccati succurrant. O sancti vos Lachrymis & fletu deprecor, ut procedatis misericordiis ejus pro me misero &c. heu mihi Pater Abraham deprecare pro me &c. quod idem fieri repetit. l. 2. in Job.* Anno 230<sup>o</sup>

Cyprianus de stella & Magis & Innocentium morte. *Innocentes in ordine Sanctorum Protomartyres &c. Clementiam Dei pro nostris exorent laboribus &c.* Anno 250<sup>o</sup>

Methodius sub Decio & Valeriano passus. *O sanctissima Deipara, que propter Ma-* Anno 285<sup>o</sup>



*ternum honorem omnibus rebus prestat ac reli-  
quis ad Deum liberiore accessum habes, ob-  
nixè precamur, ut nostri qui te hymnis decenti-  
bus indefessè celebramus, jugem ac perpetuam  
habere memoriam velis.*

*Anno 340. Athanasius Episc: Alex. ad B. Virginem.  
inclina aurem tuam ad preces nostras & ne ob-  
liuiscaris populi tui &c. intercede Domina,  
Regina, Mater DEI pro nobis.*

*Anno 370. Nectarius Constantinopolitanus orat:  
de S. Theod: Mart. O! splendor Martyrum,  
o decus Sanctorum &c. ne obliuiscaris nostræ  
paupertatis & humilitatis sed semper pro nobis  
apud Deum intercedere, ne pigeat &c.*

*Anno 370. Basilius Magnus Homil. 20. in 40. Mart:  
Qui aliqua premitur angustia, ad hos confugiat  
ut à malis liberetur &c. item Homil 26. de  
Martyre Mamante. Ecclesia per hoc, quod  
eos honorat qui præcesserunt, presentes im-  
pellit.*

*Anno 370. Ephræm serm. de SS Mart: precamur  
beatissimi Martyres, qui familiarius Domino  
Coniuncti estis, ut pro nobis miseris & peccato-  
ribus &c. Dominum interpellare dignemini,  
ut superueniat in nos gratia Christi &c.*

*Anno 374. Ambrosius orat: 2. præparante ad Mis-  
sam. Apostolorum intercessionem imploro,*

*Marty-*

*Martyrum preces deponco, Confessorum orationes expostulo. Talium Domine DEUS nunquam spernis, si ut pro me exorent, ipse inspiraueris. idem l. de Viduis, & serm: 93. in natali Martyrum Nazarii & Celsi. idem ad cap. 21. Luc.*

*Gregorius Nanzianz: in Epitaph: Basi- Anno 380.  
lii. Te Basili supplex oro, ut pro mundo stes, donaq; offeras, excitare queso, cuiusq; sermonibus & sacrificiis tempestatem sedas, & plurimis aliis in locis ad diuersos sanctos.*

*Gregorius Nissenus orat: in S. Theod. Anno 380.  
Mart: Intercede ac deprecare pro Patria, (ô Theodore) apud communem Regem ac Dominum, ut Miles propugna pro nobis, ut Martyr pro Conseruis utere libertate loquendi &c.*

*Omitto hoc sæculo Damasum ac Prudentium in innumeris ferè hymnis diuersos Sanctos inuocantes.*

*Hieronymus Epist. 27. ad Eustoch: de Anno 390  
Epitaph: Paulæ c. 14. Vale ô Paula & Cultoris tui ultimam senectutem orationibus iuuas. Fides & opera tua Christo te sociant, presens facilius quod postulas impetrabis. & de aliis Sanctis habet in locis plurimis.*

*Ruffinus Eccles: Hist. l. 2. c. 33.*

Anno 390

*Joannes Chrysostomus Homil: 26. in 2. Anno 400  
ad Cor: & alibi sæpe.*



Anno 410. *Philo* Carpathius in Cantica, ad verba: adjuro vos.

Anno 420. *Augustinus* de Bapt: contra Donatist. l. 6. c. 2. & multis præterea in locis.

Anno 430. *Cyrillus* Alexandrinus Homil: de Joan: Euangel: dictâ in Concil: Ephes.

II. *Sozomenus* l. 7. cap. 24. Omitto his &

Anno 440. subsequentibus sæculis innumeros alios Patres, qui aut ipsi Sanctos inuocarunt, aut vtiliter inuocari posse docuerunt. Ex quibus testimoniis deduco.

1. Sanctorum Inuocationem non esse recens inuentum, vt quidam Aduersarii calumniantur.

2. Cùm Apostolorum tempore jam vsitata fuerit, & semper in Ecclesia continuata, & ab omni posteritate comprobata, eam vt minimùm Apostolicam Traditionem esse, ad nos vsq; in hæc tempora deductam, eâ viâ, certitudine & modo, quo nobis hætenus innotuit Euangelium Joannis, vel Lucæ Verbum Dei esse. vtrumq; enim solis Patrum testimoniis cognouimus, quibus æqualiter testantibus, si in vna doctrina fides est habenda, erit etiam in altera.

3. Cùm Ecclesia Lutherana Sanctorum Inuocationem neget esse licitam, quam vera primitiua piam vtilemq; credidit, sequitur vel Lutheranam, vel veram primitiuam errasse; posterius dici non potest: ergo prius:

us: ergo Lutherana Ecclesia non est vera Ecclesia.

## CAPVT II.

*Sententia Catholicorum explicatur, & probatur Inuocatio Sanctorum è scriptura ductis argumentis.*

Cum iste præcipuus sit articulus in quo Catholicos Aduersarii calumniantur, quia vel sententiam Catholicorum ignorant, vel ignorare simulant, breuiter & clarè quid de Inuocatione Sanctorum doceant Catholici & quid non doceant, exponam.

III.

I. Non docent Sanctos colendos, inuocandos aut adorandos esse, eo modo quo DEUS colitur, inuocatur, adoratur. Sed longè inferiori ratione, videlicet vt amicos Dei, qui cùm hic in terris multa pro amore Dei passi sint, ab eodem etiam multa impetrare possunt: vnde nec in illis vllum à natura sua dominium agnoscunt: nec vt Dominos adorant: nec vt bonorum per se Largitoribus supplicant; nec quidquam exclusi Christi meritis ab illis petunt. quæ soli Deo, nulli Creaturæ conuenire sciunt. ex quibus patet, quantum Inuocatio Sanctorum distet ab idololatria, in qua hæc omnia requiruntur.

II. Non docent in Ecclesia præceptum esse de inuocandis Sanctis, hoc est Inuocatio-



nem Sanctorum adeò esse necessariam, vt sine illâ saluari nequeant. sed solum asserunt pium & vtile esse per Sanctorum intercessionem quidpiam postulare. ita enim Concil: Trid: sess: 25. ad Episcopos: *Fideles diligenter instituunt; docentes eos, Sanctos unâ cum Christo regnantes, orationes suas pro hominibus Deo offerre, bonum atq; utile esse suppliciter eos inuocare, & beneficia impetranda à Deo per filium eius Jesum Christum, ad eorum orationes, opem, auxiliumq; confugere.* Dicit itaq; bonum atq; utile esse, non autem dicit, necessarium esse. adeò ut tam ab Ecclesia damnentur, qui omnibus necessario inuocandos esse pertinaciter assererent, quàm qui nullo modo inuocari posse sentiant.

## III.

Patet ergo ex dictis, quid Catholici doceant, videlicet valdè diuersum esse cultum, quem Deo, & quem Sanctis deferunt. Deum enim adoramus vt auctorem, fontem, largitorem bonorum omnium. ipsi nos subjiendo, in ipsum sperando, ab ipso pendendo, eum toto corde, tota anima diligendo, qui cultus est Patriæ, & Domini supremi.

A Sanctis verò petimus, vt nobis non tanquam auctores, diuinorum beneficiorum gloriam vel gratiam aliaue beneficia concedant, sed vt hæc & similia tanquam amici Dei, aduocari, & auxiliares nostri & mediatores subalterni à Deo impetrent. ita vt non

fuit

sint immediati intercessores nostri apud DE-  
um, sed quidquid à Deo nobis impetrant,  
per Christum impetrent, juxta illud Pauli ad  
Coloſis. 1. v. 19, 20. *quia in ipſo complacuit o-*  
*mnem plenitudinem inhabitare, & per eum re-*  
*conciliare omnia in ipſum pacificans per ſanguis-*  
*nem Crucis ejus ſive quæ in terris, ſive quæ in cœ-*  
*lis ſunt.* & Joan. 14. v. 6. *nemo venit ad Patrem*  
*niſi per me.* & 1. Tim. 2. v. 5. *unus eſt mediator*  
*DEi & hominum, homo Jeſus Chriſtus.* & hinc  
Sanctorum cultum, Duliam appellamus. Ta-  
li autem modo à Catholicis inuocari ſanctos  
patet ex omnibus orationibus Eccleſiæ Ca-  
tholicæ, in quibus Sanctos rogamus tantum,  
vt pro nobis orent, quod non Sanctos in cœ-  
lo ſolum, ſed etiam homines rogare poſſum9.

Hunc autem cultum licitum pium & u-  
tilem eſſe, probamus quatuor rationibus ſe-  
quentibus ex ſcriptura ductis. 1. quia licet  
inuocare homines vt pro nobis orent. 2. &  
Angelos. 3. etiam defuncti pro viuis orâ-  
runt. 4. conſtat ob merita Sanctorum mul-  
ta DEum hominibus conceſſiſſe.

Primum probatur tam ex nouo quàm  
veteri Testamento. 1. Reg. 7. v. 8. *dixeruntq;*  
*ad Samuelem ne ceſſes clamare pro nobis ad Do-*  
*minum Deum noſtrum, ut ſaluet nos.* &c. Job.  
42. v. 8. *Ite ad ſeruum meum Job.* &c. *Job ſer-*  
*uus meus orabit pro vobis: faciem ejus ſuſcipi-*  
*am* &c. Ad Rom. 15. v. 30. *Obſecro vos Fra-*  
*tres* &c. *adjuuetis me orationibus veſtris apud*



*DEum pro me &c.* item Eph. 6. v. 18, 19. Col. 4. v. 3. 1 Thes. 5. v. 26. Thes. 3. v. 1. Heb. 2. v. 18.

Ex quibus deduco, si homines tanquam intercessores apud Deum licet inuocare, multò potiore jure Sanctos etiam licebit. vel enim deterius erit inuocare Dei certissimos amicos, illi intimè, securè & infallibiliter conjunctos, quàm homines intertùm, an Dei amicos, auxilio, ob miseras indigentes, & penitus infirmos, vel non erit. Si ita; necessarium est fateri fauorem Ecclesiæ militantis potestate & auctoritate potiore esse apud Deum, quàm sit status Ecclesiæ Triumphantis. quod absurdum est, & contra rerum ordinem. Si non; æquum ergo est, longè meliore jure posse nos inuocare Sanctos, qui in cælo sunt, quàm homines in terris, cùm jam ostensum sit ex scripturis aliorum pro aliis intercessionem in hac vita licitam & maximè vlitatam esse.

# V.

Secundum. Angelos inuocatos in Sacris litteris fuisse, ergo licitè etiamnum inuocari posse probatur. ex Gen. 19. v. 1 *ven-  
nerunt duo Angeli Sodomam vespere, sedente  
Lot in foribus Ciuitatis, qui cùm vidisset eos,  
surrexit, & iit obuiam eis adorauitq; pronus  
in terram &c.* Gen. 32. v. 24. de Jacob lu-  
tante cum Angelo. *Non dimittam te, nisi  
benedixeris mihi.* Quod Oseas c. 12. v. 4. sic  
explicat *fleuit* (Jacob) & *rogauit eum nem-  
pe Angelum.* Gen. 48. v. 16. *Angelus qui e-  
ruit*

*ruit me de cunctis malis, benedicat pueris istis.*  
 Certè cùm creatura creaturæ benedicit pro  
 eadem orat ex affectu. vt ex benedictionibus  
 legis perspicuum est. Num: 6. Angelus eti-  
 am rogantem Lotum sic alloquitur Gen. 19.

v. 21. *Ecce etiam in hoc suscepi preces tuas, vt  
 non subuertam Urbem pro qua locutus es.* susce-  
 pit preces Angelus, ergo Lot preces fuderat.  
 ergo Angelus rogatus seu inuocatus est. Imò  
 & Angelum pro Ierosolyma intercessisse,  
 disertè narrat Propheta Zacharias c. i. v. 12.

Joſue 5. v. 13. i. Para: 21. v. 16. Job. 5. v.  
 1. 10. v. 11. Luc. 15. v. 10. Apoc. 8. & alibi. ex  
 quibus locis omnibus manifestè patet, &  
 Angelos ab hominibus inuocatos esse, & pro  
 iisdem sollicitos DEo preces humanas obtu-  
 lisse. ergo multò magis hæc sanctis conue-  
 niunt, qui præterquam quòd Angelicas o-  
 mnes perfectiones habeant. *æquales enim  
 Angelis sunt, & filii sunt Dei.* Luc. 20. v. 36  
 insuper etiam ex similitudine naturæ vicini-  
 oris nobis, ejusdem corporis olim membra  
 & infirmitatibus nostris, quibus & ipsi fuê-  
 runt subiecti compati faciliùs didicerunt.

Tertium. Quòd etiam defuncti pro vi-  
 uis potuerint orare probatur.

VI

1. Jerem. 15. v. 1. *si steterit Moyses & Sa-  
 muel coram me, non est anima mea ad populum  
 istum.* Nam cùm Moyses & Samuel tunc  
 vitâ functi fuissent, certè vel dicendum est  
 defunctos pro viuis orare solitos, vel De-



um parùm aptè fuisse locutum. quod blasphemum est.

Item Apoc. 5. v. 8. *quatuor animalia, & viginti quatuor seniores ceciderunt coram Agno, habentes singuli Cytharas, & phialas aureas plenas odoramentorum, quæ sunt orationes sanctorum* (Græcè *προσευχαι* quod orationes tantùm significat, non laudes, ut malè legunt Aduersarii) videlicet quas homines sanctis fundunt, Deo offerendas, vel quas per se sancti, pro hominibus Deo fundunt; aliæ enim esse nequeunt, cum sancti pro se non ampliùs orare debeant. Item Epulo in inferno constitutus pro fratribus suis rogauit: vnde quæro; plusnè potestatis, & affectus, erga fratres suos diuiti Epuloni fuerit apud inferos, quàm sanctis Paradysi insit erga nos? si ita: ergo maiori charitate pollet status damnatorum, quàm saluatorum, quo quid absurdius?

Si non: ergo necesse est fateri sanctos etiam pro nobis orare posse, cum Epulo in inferno constitutus, pro fratribus suis rogauerit Abrahamum: vnde etiam deducitur homines in terris multò etiam potiore jure inuocare posse sanctos, cum id ipsum fecerit apud inferos constitutus Epulo. At dices: rogauit ex malo affectu diues Epulo.

Sed contra, illum pro fratribus suis rogasse ex affectu bono, aut certè propter se,  
ne

ne si fratres dampnarentur, ipse majoribus poenis cruciaretur, docent Chrysostomus Homil: 4. De Lazaro, Ambrosius, Theophilactus, Gregorius, Beda & alii. quod etiam ipsi Aduersarii secuti litteram non negant. Et demus eum non rogasse bono affectu; saltem probatur Epulonem in inferno Deo permittente scire potuisse, quid in terris ageretur: quanto magis id scient beati? aut si malo affectu rogare possunt damnati; cur non bono affectu rogare poterunt beati?

Veram autem historiam hanc fuisse non parabolam testantur Irenæus, Tertullianus: Origenes, Ambrosius: Augustinus plurimiq; sancti Patres. & ipsemet Caluinus Harm: in Luc. 16, v. 29.

Et quamuis hæc parabola fuisset, ostendit tamen Christus hoc vel simile posse fieri, cum in nulla vnquam parabola narrationem fecerit, quæ à parte rei fieri non potuerit.

Deniq; quæro ex Aduersariis magis ne propendeant SS. Martyres ad exposcendam suorum interfectorum Vltionem, quàm ad implorandam Fratribus suis misericordiam? si prius; deprimunt beatorum statum, & minus perfectum faciunt, priuantq; charitate. si posterius admittendum est potiori rati-



one sanctos diuinam misericordiam reís in-  
clamare, maximè propinquis & amicis,  
cùm vltionem petierint à Deo de inimicis  
Apoc. 6. v. 9. 10.

Tandem exemplo sit visio Machabæi,  
qui Oniam Sacerdotem, & Jeremiam Pro-  
phetam pro Exercitu orantes vidit. 2. Ma-  
chab 15. v. 12. cui narrationi duo regerunt  
Aduersarii. Machabæos libros Canonicos  
non esse, & hanc Visionem somnium fuisse.  
Sed primum alibi probauimus, & demus  
Canonicos non esse, omnes tamen admit-  
tere coguntur Authenticam historiam & ve-  
ram esse. Et licet somnium fuisset, verum  
tamen fuit, & repræsentata fuit res, quam  
omnes posse fieri & ex euentu prælii reipla  
factam esse cognouerunt.

VII.

Quartum. quòd merita sanctorum de-  
functorum, homines in subsidium orantes  
adhibuerint, & ob eadem multa DEUS oran-  
tibus concesserit, probatur.

1. Daniel 3. v. 35. clamant è fornace tres  
Danielis Collegæ: *neq; auferas misericordi-  
am à nobis, propter Abraham dilectum tuum,  
& Isaac seruum tuum, & Israel sanctum tuum.*  
Vnde colligitur Veterum sanctorum Com-  
memorationem Deo gratam extitisse, cùm  
hi orantes exauditi sint.

2. DEUS Regiam dignitatem non omni-  
nò sustulit à Salomone propter David seruum  
meum

*meum inquit, qui custodiuit mandata mea, & praecepta mea.* 3. Reg. 11. v. 34. vbi clarum est hanc gratiam propter merita Dauidis iam defuncti Deum concessisse.

Præterea Baruch. 3. v. 4. orat populus vniuersus Deum. *Domine omnipotens, Deus Israel audi nunc orationem mortuorum Israel.* quem librum cum Hebræi, Græci & Latini, tam in priuatis quàm Oecumenicis Conciliis sub nomine Jeremiæ comprobant, vt ostenditur in Annotation: Irenæi l. 5. c. 35. frustra confugiunt ad solitas latebras Aduersarii, negantes esse librum illum Canonicum. Omitto alia innumera hujusmodi testimonia & concludo ex dictis. Homines & Angelos ab hominibus inuocatos fuisse: mortuos item pro viuis intercessisse, & Deum merita defunctorum à viuis acceptasse, è sacris litteris demonstrarum est. Ergo Sancti inuocari possunt. sequela probatur.

Illi inuocari possunt, quorum similes inuocatos esse constat, qui pro viuis intercedunt, & quorum merita acceptat Deus: sed homines & Angeli sanctis similes fuerunt inuocati & sancti pro viuis intercedunt, & oblata eorum merita acceptat Deus. ergo Sancti inuocari possunt. quod implicitè in sacris litteris continetur. si quid obijcere possint Aduersarii sequenti capite enodabimus.



*Objectiones Aduersariorum resol-  
uuntur.*

**D**Væ sunt primariae Aduersariorum ob-  
jectiones, quibus minoris notæ pau-  
cula accedunt.

1. Nullibi expressè ostendi potest tam in  
veteri, quàm in nouo Testamento sanctos  
demortuos esse inuocandos, ergo non licet  
eos inuocare.

Ad quod præcipuum Aduersariorum  
Argumentum respondeo.

1. Nullibi in scripturis etiam haberi non  
licere inuocare sanctos, ergo saltem nullo  
modo prohibetur.

2. Licet nullibi scriptum haberetur, non  
tamen inde sequitur, non debere credi San-  
ctos inuocari posse, cum alia multa sint pro  
fidei articulo tenenda, quæ scripta non sunt.  
hinc sicut inepta foret propositio, si dice-  
rem: quòd Spiritus Sanctus à Patre & Fi-  
lio procedat, vel quòd Euangelium Lucæ  
verbum DEI sit. nullibi scriptum inuenitur,  
ergo credere non licet, Spiritum à Patre Fi-  
lioq; procedere; vel Euangelium Lucæ ver-  
bum Dei esse. sic absurda æquè erit hæc illa-  
tio: quòd Sanctos inuocare liceat nullibi  
scriptum inuenitur, ergo non licet eos inuo-  
care. Fatemur quidem nihil nos teneri cre-  
dere, nisi quòd verbum DEI esse scimus. Ve-

rūm cūm verbum DEi non semper per scripta sit vulgatum, sed sæpe etiam per verba traditum, æquè firmiter vtrumq; credere debemus, cūm vtrumq; æquè sit verbum Dei. Sanctorum autem Inuocationem ab Apostolis vel Christo, licet non per scripturam, per verbum tamen Ecclesiæ traditum, tam certò habemus, quàm habemus quod Spiritus à Patre filioq; procedat, aut Euangelium Lucæ verbum Dei sit, vtrumq; enim per eandem viam accepimus, videlicet per Ecclesiæ, Patrum, & totius deniq; Christianismi infalibilem auctoritatem, plura ergo credere debemus quàm scripta sint, vt fusè ostendi in Controuers: de Traditionibus c. 2.

Accedit quod licet expressè non inueniatur scriptum, sanctos inuocari posse, tam manifestè tamen deducitur ex scriptura, vt qui hanc doctrinam impugnant, scripturam ipsam impugnare videantur. nam cūm ex scripturis cap. superiori probauerimus homines & Angelos ab hominibus inuocatos esse, Sanctos demortuos pro viuis orasse, vel orare potuisse, & merita defunctorum ab hominibus oblata DEum acceptasse, nulla videtur vel apparens ratio, cur non liceat inuocare Sanctos, qui pro viuis orare consueuerunt, & quorum merita ab aliis oblata Deus etiam acceptat? si enim nololet DEus eos inuocari, merita eorum ab inuocantibus oblata, non acceptaret, rem enim illicitā probaret. quod Deo repugnans



Quòd autem in scripturis nullum habeatur exemplum inuocationis Sanctorum, nulli mirum videri debet; quia in veteri testamento nullus adhuc in celos fuerat admisus, nec in nouo testamento quisquam ante ascensionem Domini, historia autem Euangelica noui testamenti ante ascensionem contigit, ergo mirum non est, si antequam inuocari potuerunt Sancti, scripturæ non tradiderint, illos inuocatos fuisse. non potuerunt autem inuocari, nisi postquam fuerunt in requie & beati.

IX.

2. Objectio. solus DEUS est cui soli honor inuocationis debetur Matth. 4. v. 10. & alibi saepe.

Deinde *vnus est mediator Dei & hominum, homo Iesus Christus* qui cùm merita sua infinita Patri offerat pro nobis, sufficiens est solus omnia impetrare. adeò vt si quispiam Sanctorum auxilium & merita imploret, non tantùm superfluum actum agat, sed Christo etiam injuriam inferat, deq; misericordia vel sufficientia diffidat ejus, qui omnes tam liberaliter & suauiter vtrò ad se inuitat. *Venite ad me omnes &c.*

X.

Cùm in hac objectione plures sint partes, singulis satisficiemus. Respondeo itaq; 1. verùm est, solum Deum sic inuocandum esse: sicut in eum solum credimus, atq; ideo nullum alium præter illum adoramus, quia in alium nullum credimus. Quæ adoratio

seu inuocatio ita soli illi competit, vt nulli omninò alteri deferri possit. vt supra diximus c. 2. juxta quam distinctionem inuocationis seu adorationis intelligenda sunt, alia loca omnia scripturæ, quæ contra nos adferri possunt. non tamen inde sequitur, non esse Sanctos inuocandos. nam sicut hic discursus falsus est. solus DEus inuocari potest, ergo nulli viuentes inuocari possunt; & Apostolus errauit, cum rogauit Thersalonicenses *Fratres orate pro nobis.* sic & falsus est si dicam: DEus solus inuocari potest, ergò nulli sancti inuocari possunt. alia est enim adoratio seu Inuocatio quæ Deo tribuitur, alia quæ viuentibus & Sanctis vitâ functis. juxta dicta supra.

*Respondeo 2.* si, quia solus est noster Mediator Christus, non liceat inuocare Sanctos, ergo nec licebit inuocare viuos, non enim vnum minus, quàm alterum in injuriam Dei cederet.

Sed licet inuocare Viuentes absq; injuria Mediatoris Christi, vt certum est, ergo etiam Sanctos licebit inuocare absq; ejus injuria. Inter Christum autem, & Beatos, ea est distinctio quoad officium Mediatoris: Quòd Christus solus Mediator sit mediatione personæ, redemptionis, & supremæ interpellationis ad Deum pro nobis; in qua nullo Mediatore indigeat; non supplicis more petat; sed tanquam auctoritatem



habens, & suo jure exhibitis meritis postulet quiduis. Sancti verò simpliciter orando, & intercedendo apud Deum sint Mediatores subalterni per Christum. quo sensu Moyses vocatum esse Mediatorem testis est scriptura Deutero: 5. v. 5 Gal. 3 v. 19. & tantum intercedunt pro nobis, vt redemptionis fructum percipiamus.

Respondeo 3. ex eo quòd Christi merita sint infinita, & sufficientia ad quiduis impetrandum; non ideò tamen superfluum est sanctorum opem implorare; sicut superfluum non est, à viuis pro nobis efflagitare preces ad Deum. inde enim sequeretur orationes omnes, quas vel pro nobis ipsi fundimus, vel ab aliis fundi petimus, & superfluas & diffidentiae signa esse, quia cum DEUS infinitis suis meritis abundè pro nobis satisfecerit; frustranea sunt omnia quæ ab hominibus adduntur. quod quàm sit absurdum nemo non videt Christianus. sicut ergo pro nobismet ipsis orare possumus sine superfluitate, & injuriâ Mediatoris, aliosq; vt idem faciant rogare; sic nec superfluum est; nec injuriosum censendum, nostras preces, precibus Sanctorum addere; vt sint tanquam comprecatores nostri; quibus in majori gratia constitutis, apud Deum; facilius quàm nobis peccatoribus ob eadem petita conceduntur.

Non

Non implorantur itaq; Sanctorum orationes tanquam Christi oratio minus sufficiat: sed ad dignitatem Christi ostendendam, quòd ille sit principalis Mediator, & ab illo omnes alii dependeant, atq; sic à pluribus per preces nostras rogatis, colatur, imploretur, adoretur.

Nec obstat, quod adfert Brochmannus, ideò non rogandos esse sanctos, quia Christus ipse assiduò & jugiter pro nobis Patrem interpellat Heb. 7. v. 25. quia sequeretur, inde neq; nos pro nobis ipsis orare posse, cum assiduò hoc Christus faciat pro nobis, quod absurdum est.

XII.

3. Obiectio. Sancti de viuis in specie nihil sciunt juxta illud Isa: 64. *Abraham nesciuit nos, & Israel ignorauit nos, tu Domine Pater noster Redemptor noster &c.* præsertim cum orationes internæ sint & in corde, quod solus scrutari potest DEVS, non sancti: *Tu enim DEus nosti solus corda omnium filiorum hominum.* 3. Reg. c. 8. v 39. ergo licet pro tota Ecclesia generatim intercedant; pro aliquo tamen particulari intercedere non possunt.

Respondeo 1. locum illum Isaïæ nihil contra nos facere. nam demus quòd ita sit intelligendus, sicut eum Aduersarii intelligunt, nempe Abraham & Jacob tunc temporis ignorasse, quid ageretur in hac Vita: non tamen nunc idem de Sanctis dici po-



test. quia illi necdum in cælis erant, nec Dei visione fruebantur. & ideò supra diximus non esse mirum, quòd in antiquo testamento non fuerint inuocati Sancti. nunc autem cum in cælis sint, & Deum clarè, & omnia in eo videant. & ab eo impetrent, aliter se res habet, & meritò à nobis inuocari possunt.

## XIII.

Respondeo 2. Deum quidem solum nosse corda filiorum hominum ex se & propria virtute, naturâq; suâ & essentiâ. non impedit tamen quò minus alii Sancti per participationem, & singularem Dei reuelantis gratiam, similia cognoscant. hinc licet solus *DEUS bonus* dicatur Matth. 19. v. 17. *solus iustus*. Macch. 1. v. 18. *solus pius*. Apoc. 15. v. 4. *solus potens, & immortalis*. 1. Tim. 6. v. 15. sunt tamen & alii boni, iusti, pij, potentes, ac immortales; non quidem sicut DEUS per essentiam, sed in suo gradu per participationem. sic licet Deo tribuatur cordium ac cogitationum notitia, sunt tamen & alii quibus similem notitiam DEUS ratione status eorum, vel officii concedit. idq; de Angelis habemus. Tob. 12. v. 12. & Luc. 15. v. 7. *Dico vobis quòd ita gaudium erit in cælis, super uno peccatore penitentiam agente*, vbi clarè demonstratur non solum Angelos tutelares ratione officii sui nobis præsentés, sed & in cælis existentes nosse particularem vni9 peccatoris conuersionem. Cur ergò non idem tribui potest degentibus in cælo Sanctis de

quibus

quibus ait Christus Luc. 20. v. 36. *equales enim Angelis sunt & filii sunt Dei.* Quam notitiam secretorum, etiam in hac vita concessam hominibus fuisse, & quidem Samueli patet. 1. Reg. 9. v. 19. *omnia quæ sunt in corde tuo indicabo tibi.* Elisæo 4. Reg. 5. v. 26. & c. 6. v. 12. D. Petro Acto. 5. v. 3. & alibi frequenter, si ergo hominibus concessit DEUS. cur non eadem tribuat beatis? præsertim cum beatitudinis pars magna videatur esse, ea omnia cognoscere, quæ ad se pertinent, aut quæ propter similitudinem naturæ, vel affectum singularem amicorum, de iis cognoscere desiderant?

Deniq; cum Sancti clarè & intuitivè essentiam Dei videant, in qua tanquam in speculo, omnia repræsentantur. in ea etiam omnia videre poterunt, sicut qui speculum corporeum intuentur; quæ in illo apparent, omnia clarè distincteq; contemplantur.

4. Objectio. Dum vellet Angelum Joannes Adorare Apoc. 22. v. 9. vetuit Angelus. *vide, inquit, ne feceris; conseruus enim tuus sum, Deum adora.* ergo Angelos vel Sanctos adorare prohibetur.

Respondeo 1. nihil hic de inuocatione, sed tantum contra Sanctorum cultum agi. cum autem pleriq; Aduersariorum fateantur Angelos & Sanctos colendos & honorandos esse, non minus illo loco Lutherani, quam Catholici impugnantur.



Ne tamen illi qui Sanctos etiam colendos negant, hic triumphare videantur; Respondeo 2. vel Angelus vetuit se a Johanne adorari propter eminentiam dignitatis & sanctitatis, quam sciebat in Joanne esse, utq; se ex humilitate demonstraret à personâ tanta non esse adorandum: vel certè, quia Joannes errauit in objecto, existimans illum esse DEum, qui reuera tantum erat Angelus. in quo nullum est absurdum; cum non sit alienum ab alicujus sanctitate errare solùm in personâ. Nec obstat quòd priusquam illum adorare vellet, Angelum fuisse asserat; scripsit enim post eventum; nam ex euentu seu dicto Angeli, sciuit esse Angelum, quem prius existimabat esse DEum.

Sunt igitur soluta quæ ab Aduersariis Catholicæ doctrinæ de cultu & Inuocatione Sanctorum opponuntur, & quæ de illis Ecclesia Catholica Romana docet, stabilita manent.




## DE PURGATORIO

## DEMONSTRATIO 10.

*Lutheranam Ecclesiam non esse Veram  
Ecclesiam, quæ Purgatorium rejicit,  
quod Ecclesia primitiua & Vera  
agnouit.*

## CAPVT I.

*Probatur agnitum fuisse purgatorium in  
primitiuâ seu verâ Ecclesia.*

uia nonnulli Aduersariorum  
asserunt, Purgatorium recens in-  
uentum esse vel Odilonis Abbatis,  
qui anno 1048. defunctus est, vel Gregoriâ  
Papæ qui floruit anno 590. vel D. Augusti-  
ni, qui scripsit anno 400. probandum est  
ante horum tempora in Ecclesiâ creditum  
esse Purgatorium. testantur hoc;

*Liturgia Ecclesiæ Hierosolymit: Jacobi  
Apostoli. fac Domine vt oblatio nostra grata  
& accepta sit, per Spiritum sanctificata, in  
propitiationem peccatorum nostrorum, & eo-  
rum quæ populus per ignorantiam admisit, &  
in requiem animarum eorum, qui ante nos ob-  
dormierunt.*



Hanc Liturgiam in Synodo Constantinopolitana, vt genuinam & veram Apostoli, agnouerunt 150. Patres, & hæreticis illius temporis obiecerunt.

*Liturgia Ecclesie Romane primum à D: Petro scripta. Memento Domine famulorum famularumq; tuarum, qui nos precesserunt cum signo fidei, & dormiunt in somno pacis. ipsis Domine & omnibus in Christo quiescentibus locum refrigerii & pacis vt indulgeas deprecamur.*

*Liturgia Ecclesie Alexandrine primum à D: Marco conscripta. animabus Patrum & fratrum nostrorum, qui antea in Christi fide obdormierunt, dona requiem Domine Deus noster &c.*

*Liturgia Ecclesie Aethiop: à D: Matthæo conscripta. Memento Domine famulorum famularumq; tuarum, fratrum & sororum, omnium fidelium dormientium, & in signo rectæ fidei conquiescentium.*

*Liturgia Ecclesie Constantin: S. Andreæ Apostoli. Offerimus tibi rationabile hoc obsequium, pro fidelibus dormientibus, pro fratribus & sororibus nostris, interuenientibus Patriarchis, Prophetis &c.*

Quæ Liturgiæ non video quâ impudentiâ rejiciantur ab Aduersariis quibusdam, cum eas tota primitiua Ecclesia, & plurima Concilia disertè comprobarint. Nec refert quòd hîc Vocolæ purgatorij mentio non fiat, sufficit enim in illis orari pro defunctis, non in Cœlis aut inferno existentibus; ergo in aliquo

quo loco tertio, quicumq; ille sit, commo-  
rantibus, & auxilio indigentibus.

*Clemens Romanus* l. 8. *Apost.* constit: c. 4. *Anno 89.*  
*Oremus pro fratribus nostris qui in Christo re-*  
*quierunt. Ut Deus, qui animam defuncti sus-*  
*cepit, remittat ei omne peccatum &c. &c. 42.*  
*Exequiæ mortuorum fiant tertio die, adhibitis*  
*Psalms, precibus & lectionibus &c. Hunc Cle-*  
*mentem Petri discipulum ejusq; successorem*  
*in Pontificatu fuisse certum est, cujus libros*  
*constitutionum Apostolicarum, tanquam ab A-*  
*postolis dictatos, veros ac genuinos tota pri-*  
*mitiua Ecclesia huc usq; semper constantissi-*  
*mè admisit, & ut Apostolicos agnouit. Ut ex*  
*Patrum citationib9 clarè demonstrari potest.*

*Dionysius Areopagita Eccles: Hierarch: c. 7. Anno 100.*  
*p. 3. Accedens deinde venerandus Antistes pre-*  
*cem sacram super mortuum peragit &c. precatur*  
*oratio illa diuinam Clementiam, ut cuncta di-*  
*mittat per infirmitatem humanam admissa pec-*  
*cata defuncto; eumq; in luce statuatur, & regione*  
*viuorum &c.*

*Hermas Pauli Discipulus visione 3. de tri- Anno 120*  
*umphantis Ecclesiæ structura & variis homi-*  
*num reproborum ordinibus, fusè & clarè*  
*purgatorium describit.*

*Tertullianus de testimonio animæ aduers9 Anno 200,*  
*gentes. c. 4. cui gratiam debes, ossibus & cineri-*  
*bus ejus refrigerium comprecaris, & ut bene*  
*requiescat apud inferos cupis. de Corona*  
*Militis c. 3. Oblationes pro defunctis facimus.*



harum & aliarum ejusmodi disciplinarum si legem postules, scripturarum nullam inueniat. Traditio tibi prætenditur auētrix, consuetudo Confirmatrix, & fides obseruatric. Item multis aliis in locis.

Anno 230. Origenes Homilia 14. in Leuitic: fusè docet peccata quædam leuia, stipulæ & fæno similia esse, quæ breui flammâ purgabuntur in alia vitâ. Idemq; iterum inculcat in Psal. 38. Homil. 2. item Homil. 12. in Ierem. & l. 8 in Epist. ad Rom. c. 11. Hac ipsa purgatio, inquit, quæ per penam ignis adhibetur, quantis temporibus, quantisque sæculis de peccatoribus exigat cruciatus, solus scire potest, cui Pater omne iudicium tradidit.

Anno 250. Cyprianus Epist. 52. ad Antonian: Aliud est ad veniam stare, aliud ad gloriam peruenire. aliud missum in Carcerem non exire inde, donec soluat nouissimum quadrantem; aliud statim fidei, virtutisq; mercedem accipere; aliud longo dolore cruciatuum emundari & purgari diu igne; aliud peccata omnia passione purgasse.

Et Epist: 66. ad Plebem & Clerum Furnitauorum. quod Episcopi & Antecessores nostri religiosè considerando, & salubriter prouidentes, censuerunt, ne quis frater excedens ad tutelam vel curam Clericorum nominaret. Et si quis hoc fecisset, non offeretur pro eo, nec sacrificium pro dormitione ejus celebraretur &c.

Eusebius

*Eusebius Alexandrin: homil: de domi- Anno 260,*  
nica.

*Zeno Veronensis, serm: de resurrectione.*

*Arnobius Rhetor, lib: 4. contra gentes Anno 300.*  
paulò ante finem.

*Lactantius l. 7. Institut: c. 21. Anno 320.*

*Concilium Nicanum canone 65. Arabico. Anno 325.*  
nuntietur de morte Episcopi omnibus Ecclesiis  
& Monasteriis illius Diœcesis, ut fiat oratio  
pro eo:

*Athanasius quæst: 34. & oratione de his Anno 340.*  
qui dormierunt.

*Hilarius Pictaviensis, ad Psalm: 59. Mul- Anno 350.*  
ti secundum Apostolum tanquam per ignem,  
erunt salui, cum defœcatis & perustis virtutibus  
ut argentum ignitum probabiles judicentur.

*Basilii Magni ad c. 4. Et: clarè expli- Anno 370.*  
cat quænam peccata post hanc vitam ex-  
purgabuntur igne. & ad c. 4. 6. ad illa  
verba: in manu habebat carbonem &c: sic  
ait: Celeste quoddam intelligendum est  
altare illud; nempe locum lustrandis animabus  
accommodatum, è quo ignis ille purificatiuus  
per eas virtutes ingenti Sanctitate productus  
elicitur.

*Ephrem oratione ad euersion: Superb: Eodem*  
immundus verò apud Dominum omnis, qui e-  
lato est corde. An non consideras illum per  
quem transibimus ignem? & alibi clarè &  
sæpe de igne purgatorii.



*Eodem**Cyrillus Hierosolymitan*: Catechesi 5. *Myftagogica*.*Eodem**Ambrosius* orat: de vita & exitu Theodofii & alibi.*Anno 380.**Gregorius Nazianzenus*. Orat: 10. in laudem defuncti fratris Cæfarii.*Gregorius Nyffenus* Orat: quòd non fit dolendum ob eorum obitum, qui in fide difcefferunt. & lib: de anima & Refur:*Epiphanius* Hæref: 75.*Prudentius* in Hamartigenia.*Anno 390.**Hieronymus* ad c. 66. *Ila*. ad c. 1. in *Nahum*. ad c. 7. *Micheæ*.*Ruffinus* ad *Psalm*. 37.*Anno 395.**Concilium Carthaginense* tertium. c. 29.*Anno 398.**Concilium Carthaginense* quartum. c. 79.*Chryfoftomus* homil: 6. de *Sacerd*: c. 4. & aliis multis in locis.

## II.

Qui omnes SS. Patres & plurimi alii ante D. Augustinum floruerunt, & vt patet, pro defunctis orandum esse cenfuerunt; & purgatorium reipfâ crediderunt. Vnde manifestè conuincuntur Aduerfarii falſitatis, dum afferunt â B. Augustino confictum esse purgatorium. Ex ipsis autem tam luculentis SS. Patrum & Conciliorum testimoniis, hoc deduco argumentum: Cùm tota vera, primitiua Ecclefia, & omnes SS. Patres pro defunctis orauerint, certum est, eos credidisse preces, & oblationes suas defunctis prodesse (ad quid enim aliàs orassent?) Sciebant autem non prodesse æternam in inferno damnatis; neq; in Cælis existentes precibus vi-

uorum egere; ergo statum aliquem tertium iudicarunt esse, in quo existentes animæ defunctorum, precum & sacrificiorum capaces forent, quâ in re si errassent, Ecclesia vera in re graui errasset, quod cum suppositâ Diuinâ promissione impossibile sit; necessariò credendum est, aliquem locum esse, in quo existentes animæ precibus iuari possint, quem purgatorium appellamus. quo nomine licet vera Ecclesia non fuerit vsa, rem tamen eo vocabulo significatam ita descripserunt Patres, vt huic statui animarum, vocabulum illud rectè conueniat. hinc de vocabulo Purgatorii quæstionem non facimus, sed de re per illud vocabulum significata. Quam si admittant Aduersarii, facilè nomen illud ipsis concedemus.

## CAPUT. II.

*Probatur Purgatorium ex scriptura & Ratione.*

## III.

**F**undamentum hujus difficultatis est; an remissâ culpâ, necessariò semper remittatur omnis pena temporalis culpæ debita. nam si probari possit quod non necessariò, imo de facto sæpe remissâ Culpâ non remittatur omnis pena temporalis; manifestè probatum erit, debere esse aliquem statum vel locum in quo defunctorum animæ, quæ culpâ quidem dimissâ, sed morte præoccupatæ in viuis totaliter satisfacere nequierunt, pro penâ residuâ temporali adhuc satisfaciant. cum nihil coinquinatum in Cælos admittatur. Probabimus ergo 1. non remitti semper penam temporalem, remissâ culpâ. 2. etiam pro leuibus quibusdam culpis in hac vitâ sæpe non satisfieri. 3. Ex scripturis quoq; demonstrabimus, dari in alterâ vitâ satisfactionem.



## § 1.

*Dimissa culpâ non remittitur semper  
pœna temporalis.*

## IV.

Certum est semper remitti pœnam æternam, quotiescunq; remittitur peccatum mortale. quòd autem remissa culpa non remittatur semper pœna temporalis, probatur manifestè exemplis S: Scripturæ. 1. quia mors & aliæ hujus vitæ miseriæ sunt pœna peccati originalis, vt patet ex Gen: 3. v. 17, 18, 19. & testatur Apostolus Rom: 6. *Stipendium peccati mors.* Quæ pœnas iis etiam infliguntur, quibus remissum est peccatum Originale per Baptismum. ergo licet remittatur peccatum Originale per Baptismum, non tamen remittitur pœna.

2. Moyles & Aaron etiam obtentâ remissione peccati incredulitatis, puniti sunt morte temporali, nam Deut: 32. v. 48. locutus est Dominus ad Moysen, dicens: *Ascende in montem istum & morere, sicut est mortuus Aaron frater tuus; quia præuaricati estis contra me, in medio filiorum Israel.*

Ex utroq; exemplo patet, non esse punitos eo fine, vt sele impostherum emendarent, nam post mortem quænam potest esse emendatio? & additur causa punitio- nis. nempe peccatum præteritum.

3. David Adulterii & Homicidii reus & pœnitens audire quidem meruit. 2. Reg:

12. v. 13. *Dominus quoq; translulit peccatum tuum; non morieris. non tamen illi pœna remissa est, sed additur. Veruntamen quia blasphemare fecisti inimicos Domini, propter verbum hoc, filius qui natus est tibi, morte morietur.* En pœnam peccati; nec illa sufficiebat; addit aliam ob idem scelus. *Ego inquit suscitabo super te malum de domo tuâ, & tollam uxores tuas in oculis tuis &c:* quæ omnia facta sunt, vt videre est 2. Reg: 16. 22.

4. Idem David cùm numerando populum grauitè DEum offendisset, nihilominus post translata pœnitentiâ iniquitatem audire meruit, 2. Reg: 24. *trium tibi datur optio &c:* vbi pro peccato commissio triplex illi pœna proponitur. nec dici potest, illa facta esse in remedium; quia vbiq; additur supplicii causa, videlicet, peccatum commissum: quamuis etiam dici possit secundariò ea facta esse in terrorem. alia plurima huiusmodi exempla passim suppledit scriptura.

Ratio autem, cur id faciat DEus, est ista: quia æquitas Diuinæ iustitiæ postulat, vt tanta Dei offensa non maneat penitus impunita. Sicut à Regibus nonnunquam reis capitalem pœnam condonari videmus, quam meriti sunt. Ne tamen omnino videatur iustitia publica neglecta, vnius vel alterius anni exilio mulctantur. quod nunc potissimum in Christianis locum habet, quando



gratuitæ peccatorum in baptismo remissioni, noua ingratitude succedit. Nam si Mariæ sorori Moyſis etiam poſt ſanatam lepram noluit DEus ſtatim omnem pœnam dimitti, juxta illud Num. 12. v. 14. *ſi pater ejus ſpuiſſet in faciem illius, nonne debuerat ſaltem ſeptem diebus rubore ſuffundi? ſeparetur ſeptem diebus extra caſtra &c.* quânto minus id conueniet fieri, poſt ſpurciſſimam peccati mortalis lepram ſanatam?

## VI.

Nec obſtant, quæcunq; contra hanc doctrinam Aduerſarii objiciunt, videlicet; paſſionem & merita Chriſti ſufficientia eſſe ad tollendum reatum omnis pœnæ, tam æternæ quàm temporalis: nullam ergo remiſſâ culpâ perſoluendam eſſe pœnam.  
2. Paulus Rom: 3. v. 24. docet, *nos juſtificari gratis per gratiam Chriſti.* Sed non juſtificaremur gratis, ſi ex parte noſtrâ foret adhuc neceſſaria compenſatio. 3. *Si impius pœnitentiam egerit,* inquit Dominus, Ezech: 18. v. 21, *omnium iniquitatum ejus non recordabor.* recordaretur autem, ſi culpâ remiſſâ, adhuc ſatisfactionem exigeret.

4. Deniq; cùm Deus acceptauerit pro peccatis noſtris merita Chriſti, tanquam ſufficientiſſimam ſatisfactionem; fieret injuria Chriſto, ſi DEus etiam ab homine adhuc ſatisfactionem aliam exigeret:

## VII.

Verùm ad hæc & ſimilia Reſpondeo primo. ſi iſta argumenta quidquam valerent,

rent, probarent etiam contra scripturam,  
& allegata exempla, Deum malè fecisse;  
non justificasse gratis; post dimissam cul-  
pam, adhuc iniquitatem recordatum fuisse;  
Christo permisisse inferri injuriam, quan-  
do in exemplis è scripturâ paulò ante addu-  
ctis, post condonatum peccatum, adhuc  
temporalem aliquam pœnam inflixit, quam  
blasphemiam nemo concedet.

Respondeo 2. ad primum & quartum. ;  
licet passio Christi ex se sufficiens sit ad de-  
lendam omnem pœnam; & omnem reatum;  
debet tamen ejus participatio esse proporti-  
onata mediis à DEO destinatis; ita quidem,  
vt in Baptismo paruuli participant totaliter  
virtutem passionis Christi, utpote per a-  
quam & Spiritum Christo commortui pec-  
cato; & in eo regenerati ad nouam vitam;  
at verò quia in pœnitentiâ homo adultus  
consequitur & participat virtutem passionis  
secundum modum & proportionem pro-  
priorum actuum, vim tamen ex Meritis &  
passione Christi habentium; ideo non sta-  
tim per vnum alterumue actum, quo remit-  
titur culpa, soluitur reatus totius pœnæ;  
sed adhibitis omnibus quæ ad id requirun-  
tur. quæ quia sæpe non adhibentur secun-  
dum omnem requisitam proportionem, fit  
vt sæpe supersit aliqua pœna pro satisfacti-  
one persolucenda,



Quòd autem Aduersarii asserant, hanc totam solui in morte per fidem, dici non potest, 1. quia esset contra Diuinam Iustitiam quæ videlicet non maiorem satisfactionem exigeret pro innumeris magnis & enormibus peccatis, quam pro vna aliqua Comuni culpâ, quod videtur injustum & blasphemum. 2. quia sæpe fieri potest vt in morte subitanæ non eliciatur actus fidei; ergo tunc per fidem non potest deleri reatus pœnæ; hæc ergo postea erit persoluenda.

Ad 2. Respondeo: Justificationem hominis esse gratis quoad reatum culpæ & pœnæ æternæ. per gratiam enim justificantem quæ gratis confertur, homo constituitur DEi amicus, & hæres vitæ æternæ. Non tamen gratis condonat pœnam temporalem, quæ cum amicitia Dei consistit; vt patet in exemplis allatis, & clarissimè docet S. Augustinus lib. 22. contra Faustum c. 67.

Ad 3. Post dimissam culpam non amplius DEus recordatur illius, in quantum ea tollebat amicitiam DEi; juxta illud Apostoli, Rom. 8. v. 1. *nihil ergo nunc damnationis est iis, qui sunt in Christo Jesu*, non obstat tamen, quò minus recordetur aliquando quoad pœnam temporalem, quia DEus etiam castigat amicos. juxta illud Exod: 32. v. 34. *Ego autem in die ultionis visitabo & hoc peccatum eorum.*

Ex quibus omnibus clarè potest concludi; homini per justificationem recepto in gratiam, sæpe superesse soluendam aliquam pœnam temporalem, pro quâ si in hac vitâ satisfacere nequeat, debet in altera vitâ; non in Cælo, neq; in inferno; ergo in aliquo tertio loco, quem purgatorium appellamus.

## §. 2.

*Probatur pro leuibus culpis sæpe in hac vita non satisfieri.*

**D**UO certa sunt. 1. committi ab homine leues aliquas culpas, ratione quarum, licet amicitia DEi non excidat; contrahit tamen maculas aliquas & animæ labes. de hujusmodi loquitur Sapiens prouerb: 24. v. 16. *septies in die cedit justus.* Et Jac. 3. v. 2. *In multis offendimus omnes.* Et Luc. 6. v. 4. *quid vides festucam in oculo fratris tui, trabem autem in oculo tuo non consideras?* per festucam minora, per trabem magna peccata designantur.

2. Certum est, nihil coinquinatum admitti in Cælum, juxta illud Apoc. 21. v. 27. *non intrabit in eam aliquid coinquinatum, aut abominationem faciens & mendacium.* Vnde sic argumentor: nihil coinquinatum intrat in Cælum, sed contingere potest & sæpe contingit, iustas cum hujusmodi leuibus cul-



pis è viuis decedere; ergo cum iis intrare non possunt in Cœlum. Sed etiam ob illas damnari non possunt, cum non priuent gratiâ nec amicitia DEi; ergo debet aliquis locus alius esse, in quo post mortem hæreant, & à leuibus culpis purgentur. Quòd autem cum huiusmodi culpis decedere possint, pater in iis, qui repente moriuntur, vel in bello, vel naufragiis, vel aliis innumeris modis. De illis verò dici non potest, quòd in vitâ purgentur, vel harum culparum remissionem accipiant. nam in principiis Adversariorum deberent huiusmodi culpæ illis condonari vel per ipsam mortem; vel per fidem morientium, vel per non imputationem. Nullum ex tribus dici potest; ergo non condonantur. 1. non per ipsam mortem; nam si vis ista mortì inesset; tam infideles omnes, quàm fideles purgarentur à peccatis per mortem, & sic omnes fierent salui. quod cum manifestè sit falsum, Mors non habet vim vllam purgandi. querendum igitur aliud est.

**XI.**

2. Non per fidem morientium. 1. quia nullâ scripturâ hoc probatur, per quam tamen omnia volunt probari; ergo sine fundamento assumitur. 2. quia, vt dictum est supra, sæpe contingit, vt in morte nullus actus fidei eliciatur, vt in repentinis casibus & nimis doloribus fieri solet. Nec puto vl-

lum

lum dicturum, sufficere fidem habitualement, quia cum omnes fideles eam habeant, sequeretur, nunquam fidelem aliquem posse peccare; aut si posset peccare, statim ejus peccatum deleri per fidem habitualement, quam habet; & consequenter nullum fidelem unquam damnari posse. quæ omnino absurda sunt.

3. Non per *non imputationem*, quia ut alicui non imputetur peccatum, juxta Aduersarios, supponitur fides, adeo ut si fidem actualem non habeat, ei imputetur. Cum autem, ut paulo ante dixi, sæpe fieri possit, ut nullo actu fidei actualiter elicitio quis moriatur; fieri potest etiam in Aduersariorum sententiâ, ut isti peccatum imputetur. Si imputetur in morte, dici non potest, quod propter hoc damnetur (supponimus enim esse leuissimum) sed nec Cælum talis intrabit, quia coinquinatus est, neq; post mortem deleri potest per fidem, cujus tunc nullus actus elicitur in Aduersariorum sententiâ, qui nullam post mortem viam admittunt, sed animas à morte statim in cælo vel inferno collocant, ubi nullus fidei actus amplius elicitur. ergo necessario locus vel status aliquis est, in quo possit deleri peccatum aliquod leue. & locum seu statum hunc purgatorium dicimus.

XII.

X;

Proba-



## § 3.

*Probatur ex scripturis satisfactio in  
alterâ vitâ.*

XIII.

**O**missis pluribus locis, sacræ scripturæ, quibus in altera vita pro culpis in vitâ commissis satisfieri posse probatur, paucis contenti erimus. ac 1. ex Veteri Testamento 2. Machab. 12. In quo Judas pro defunctis orari curavit, ideoq; in textu subjungitur: *ergo & salubris est cogitatio pro defunctis orare, ut à peccatis solvantur.* Ex quo loco deducuntur sequentia. 1. posse mortuos à peccatis solui, ac proinde purgatorium esse. 2. sacrificia & orationes illis prodesse, 3. non semper in morte expiari omnes peccatorum reliquias. 4. posse hominem piè mori & tamen habere aliquod soluendum. 5. Hoc esse de fide. qui locus cùm clarius sit, quam ut eum Aduersarii aliquibus tenebris obducere possint; totum illum librum rejiciunt. Sed hoc frustra & injuriosè ab iis tentari, antea probauimus.

Sed demus innumeros Patres, & totam Ecclesiam errasse, libros istos Canonicis annumerando, saltem Aduersarii eandem fidem illis adhibebunt, quem adhibent Livio, Plutarcho, aut alteri cuiquam auctori prophano. Ex illis ergo patebit ante mille & septingentos annos apud supremos He-  
bra-

bræorum, pro re certissimâ habitum fuisse, sanctè & salubriter pro defunctis orari.

Ex nouo Testamento sit 1. Matth. 12. v. 32. *qui dixerit contra Spiritum Sanctum non remittetur ei, neq; in hoc seculo neq; in futuro.* ex quo sequitur, aliqua peccata remitti in futuro sæculo, aliàs frustra dictum esset à Christo, non remitti peccata similia neq; in hoc neq; in futuro sæculo, si nullum ibi vnquam posset remitti. Perinde ac si diceret aliquis: vxorem non ducam neq; in hoc, neq; in futuro sæculo. secundum omnino superfluum esset, constat enim quòd in futuro sæculo neq; nubent neq; nubeantur.

2. 1. Cor. 15. v. 29. *Fideles inueniuntur qui se baptizant pro mortuis.* id est, qui se ipsos jejuniis, vigiliis, fletibus excruciant, vt animas mortuorum alicubi in afflictionibus detentas, liberent, ita explicant SS. Patres hunc locum. Attendendus enim est hic scopus Apostoli, qui toto hoc capite conatur probare resurrectionem mortuorum resurrectione Christi. & inter alia, quibus hanc mortuorum resurrectionem probat, istud adducit argumentum: *Alioquin quid facient qui baptizantur pro mortuis, si omnino mortui non resurgunt? ad quid baptizantur pro illis?* q. d. Stultè faciunt qui baptizantur pro mortuis, si non sunt resurrecturi; & quibus aliàs nihil prodesse potest ille Baptismus; ergo cum baptizentur pro mor-

XIV.



tuis, credunt illis prodesse Baptismum. per Baptismum autem non intelligi Sacramentum Baptismi, apud omnes etiam Aduersarios in confesso est. sumitur ergo, vt alibi in scripturis, pro Baptismo lachrymarum vel afflictione. Vt Luc. 12. v. 50. & Marc: 10. v. 38. vel certè sumi potest pro lauacris, quod olim apud Iudæos erat pœnitentiæ genus. Sed quodeunq; sit illud pœnitentiæ genus insinuaturn à Paulo nomine Baptismi vel lauacri, siue alterius ritus; constat profectò tunc aliquod pro defunctis fieri solitum, quod iis prodesse iudicabatur; ergo inde rectè infertur; animas mortuorum aliquo ritus genere posse iuari, alioquin ritus ille fieret frustra. ergo non tantum est Cælum, in quo auxilio seu Baptismo nostro non egent, qui in illo sunt: nec tantum infernus, vnde *nulla redemptio est*. Sed datur etiam alius locus, in quo qui sunt iuari possunt. quem locum purgatorium appellamus.

3. Datur aliquis Carcer è quo homines non exhibunt, antequam vltimum quadrantem soluerint. Matth. 5. v. 26. ille autem Carcer non est infernus, vnde nulla est redemptio; ergo locus aliquis alius.

XV.

4. Deniq; locus famolissimus est Pauli 1. Cor. 3. v. 11. *Fundamentum aliud nemo potest ponere, præter id quod positum est, quod est Christus Iesus. Si quis superadificat super funda-*

*fundamentum hoc aurum, argentum, lapides  
pretiosos, ligna, fœnum, stipulam uniuscujusq;  
opus manifestum erit. dies enim Domini decla-  
rabit, quia in igne reuelabitur, & uniuscujusq;  
opus quale sit, ignis probabit. si cuius opus man-  
serit quod superedificauit, mercedem accipiet:  
si cuius opus arserit, detrimentum patietur,  
ipse autem saluus erit, sic tamen quasi per ignem.  
Quibus verbis planissimè docet Paulus, non  
omnes statim & immediatè post mortem  
transituros ad gloriam, sed aliquo tempo-  
re propter leues culpas passuros in igne de-  
trimentum.*

*Per fundamentum Christus, ejusq; fides  
designatur; aurum, argentum, lapides pre-  
tiosi, opera bona sunt & doctrina bona.  
ligna, fœnum, stipulæ, peccata sunt leuiora  
& imperfectiones, nec non doctrina vana  
& inutilis. Dies Domini, iudicii particula-  
ris est, imò etiam vniuersalis, in quo senten-  
tiæ omnium particulares reuelabuntur.  
Ignis iste verus ignis est, aut alia quæpiam  
pœna temporalis à Iudice destinata illis, qui  
plenè necdum expurgati reperientur. Bona  
opera & vera doctrina non pœnis digna sed  
præmio, persistent in igne illæsa. Leues  
autem Culpæ animæ inhærentes, quasi sti-  
pulæ ardebunt, atq; ideo per ignem, ani-  
mæ patientur aliquod detrimentum, do-  
nec penitus expurgentur. qui sensus cla-  
rus est & perspicuus, à plerisq; patribus*



sic semper explicatus, & vnanimi consensu purgatorio applicatus. quem si patres aliqui, aliter explicarunt; intenderunt sensum aliquem accommodatitium seu Metaphoricum, literalem autem rigorosum, qui dogma fidei stabiliat, eundem semper reliquerunt.

## XVI.

Nec obstat quod Aduersarii aliqui obijciunt, locum hunc obsecrum esse teste Augustino, & à multis Catholicis Doctoribus aliter explicari, ac proinde non posse ex illo aliquod fidei dogma probari.

Fatemur enim locum illum difficilem in quibusdam esse; sed quæ statum quæstionis nostræ non admodum concernunt. Nam quis & qualis opera nostra probandi & examinandi modus sit futurus, ex hoc loco difficulter intelligitur, ex hoc textu tamen clarum est & certum, quòd probatione quomodocunq; factâ, mercedem accepturi sint illi, quorum opera inuenta fuerint solida, eos autem, quorum opera fuerint deprehensa vana, saluandos quidem, sed prius castigatos. Manifestum præterea est, de duplici tantum hominum genere, hic agere Apostolum, & utroq; quidem saluando. primum est eorum, qui suorum operum, quæ planè aurea, argenteaq; fuerunt, mercedem plenam accipient; quod significatur per illa verba: *Mercedem accipient*: Alterum eorum, qui propter aliquam vanitatem,

doctur.

doctrinæ vel operibus admixtam, saluabuntur quidem, sed non sine castigatione; quod indicatur istis: *ipse autem saluus erit quasi per ignem*: de iis qui æternum damnabuntur, nullam hic mentionem facit: agit enim tantum de illis, qui stabilito fundamento Christi, siue qui seruata fide & directione Christi docendo vel operando superædificant, vel prorsus solidè, vel cum aliqua vanitate. at qui peruersè docent, hi Christum penitus evertunt, & nunquam saluari poterunt, de quibus ergo hic Paulum non agere manifestum est.

Cùm igitur Paulus infernum penitus prætereat, & duplex genus saluandorum ponat, vnum sine pœnâ, alterum per pœnam in vitâ alterâ inferendam; necessariò sequitur in vitâ alterâ, aliquem futurum locum, in quo pœnæ huiusmodi temporales merentibus inferri possint. is autem non est infernus, unde nulla est redemptio: neq; Cælum vbi nullus cruciatus est; ergo tertius aliquis. quæ singula sic explicata legenti & voluenti attentè, clarissimè patebunt.

## CAPUT III.

*Soluantur objectiones Aduersariorum.*

Multa quidem ad extinguendum purgatorium obijciunt Aduersarii, sed mul-

XVII.



tis inanibus & nullius momenti rationibus  
omissis. præcipua tantum expediemus præ-  
ter ea quæ superius, c. 2. §. 1. soluimus.

1. Ajunt nullibi in tota scripturâ nomi-  
nari purgatorium; ergo non potest demon-  
strari tale esse. Sed

Respondeo non agi hic de verbis, sed de  
rebus; ideoq; licet nullibi nominetur pur-  
gatorium, sufficit tamen describi rem ipsam,  
quæ est purgatorium. Sicuti licet nullibi  
sit in scripturis Baptismus & Eucharistiam  
esse Sacramenta, res illæ tamen prout ad  
Sacramentum requiruntur, sunt in scriptu-  
ris. ita de purgatorio.

2. Ex scripturis duo tantum habemus a-  
nimarum receptacula, Cælum & infernum;  
ergo purgatorium frustra affingitur.

Respondeo illud esse falsum. nam ani-  
mæ omnes, quas tam Christus quàm Apo-  
stoli aliiq; Sancti in corpora sua reuocarunt,  
tempore separationis alicubi fuerunt, non  
in cælo; quia gratia illis non fieret si reuo-  
carentur à Cælo, neq; in inferno; quia nul-  
la datur inde redemptio; ergo in aliquo lo-  
co tertio; ergo plura post hanc vitam sunt  
animarum receptacula.

3. Adducunt varia scripturæ loca, ut Psal.  
126. v. 4. Eccles: 9. v. 10. Eccles: 11. v. 3. Rom.  
8. v. 1. 2. Cor. 5. v. 1. & v. 10. Apocal: 14. v. 13.  
Ex quibus omnibus bene probatur, quòd ju-  
sti post mortem in Cælum transferantur, &

statim

statim futuri sint in statu salutis & securitatis. Non autem probatur hoc immediate fieri in omnibus absq; purgatorio. Ad locum autem Luc: 23. v. 43. vbi Christus ad Latronem, *hodie mecum eris in paradyso*:

Respondeo 1. particulare id exemplum esse, ex quo deduci nequit vniuersalis consequentia. ac si dicerem: D. Petrus non fuit in inferno; ergo nullus est infernus. Judas non fuit in Cælo; ergo non est Cælum. ita quando dicitur latro non fuit in purgatorio; ergo nullum est purgatorium, falsa est illatio. Fatemur enim posse DEum non culpam tantum, sed & poenam penitus remittere, vti fit per Baptismum. hoc autem Latroni factum esse libenter concedimus.

XVIII.

4. Objiciunt; asserunt Catholici solos justos purgatorii tormentis expiari, sed hoc repugnat scripturæ, attestante Sapiente. c. 3. v. 1. *Iustorum animæ in manu DEi sunt, & non tangit illos tormentum mortis*, leu vt cum S. Augustino legunt alii, *malitia*; ergo purgatorium non potest esse.

XIX.

Respondeo 1. per tormentum mortis posse intelligi infernum. sic enim frequens scripturæ est locutio. si verò magis placet *malitia* dico *tormentum malitia* vocari illud, quod est malitiæ hominum damnatorum debitum, à quo iustorum animæ non tanguntur.

2. Loquitur hic Sapiens de iustis qui in vitâ

*suâ*



suâ multas tribulationes passi sunt, vt clarè  
patet ex verbis textûs proximè sequentibus  
hoc autem neq; mirum est, nec negamus statim  
ex vitâ sine vlllo tormento in Cælum  
transmigrare, sufficienter hujus vitæ afflictio-  
nibus expurgatos

XX.

Deniq; concludo & dico vniuersalem  
omnium gentium consensum fidem facere  
locum aliquem post hanc vitam esse, in quo  
animæ afflictæ iuari possunt; nam non so-  
lùm Christiani sed etiam Judæi, vt patet ex  
Mach. citatis & Iosepho lib: de bel: Judæ-  
c. 91. Turcæ, vbi in Alcorano reperitur,  
Ethinici, vt videre est in Gorgia Platonis  
Phædone, Cicerone, seu somno Scipionis,  
& alijs, hujusmodi locum esse affirmarunt.  
Vnde sic argumentor: Sicut ex instinctu na-  
turæ omnes homines Numen aliquod inuo-  
cant, & de altera vita sunt solliciti, & mor-  
tuis bene precantur; ex eoq; instinctu, om-  
nes sentati Philosophi semper intulerunt  
dari aliquod supremum Numen, & animas  
immortales esse. Sic ex eodem instinctu in-  
ferri debet, locum aliquem post hanc vitam  
dari, in quo animæ afflictæ defunctorum  
iuari possint. cùm ille omnium hominum  
sit vniuersalis sensus, qui sensus licet in vno  
alteroue particulari alicujus speciei subinde  
errare possit, nunquam tamen in totâ specie  
aberrat; ergo cùm vniuersalis omnium ho-  
minum

minum instinctus purgatorium esse dicitur,  
non minùs censendum est illud esse verum,  
quàm DEum aliquem dari, aut animas im-  
mortales esse. Frustra verò respondet Broch-  
mannus in rebus fidei non esse consulendum  
humanæ naturæ instinctum, sed Moysen  
& Prophetas; quia certum est nec Moy-  
sen nec Prophetas, nec vllam scri-  
pturam sacram aliquid vnquam  
docuisse, quod vniuersali  
naturæ instinctui  
repugnat.





338 DE FIDE JUSTIFICANTE.  
DE FIDE JUSTIFI-  
CANTE.

DEMONSTRATIO II.

*Ecclesiam Lutheranam non esse veram  
Ecclesiam quia vim justificandi soli fi-  
dei attribuit, quam Ecclesia vera  
primitiva etiam operibus cum  
gratia adscripsit.*

CAPVT I.

*Non sola fide sed etiam operibus hominum  
justificari probatur auctoritate  
Ecclesie primitivae.*

I.

Anno 80.



*Lemus Romanus l. i. recognite  
Tendamus ad amicitiam conditoris  
Amicitia autem efficitur bene viuen-  
do, & voluntati ejus obediendo, quae voluntas  
omnium viventium lex est. amicitia Dei est  
justificatio.*

Anno 100.

*Ignatius Epist: ad Ephes: post medium.  
non vos ledet aliqua Diabolica cogitatio, si ut  
Paulus perfectam habueritis in Christum & si-  
dem & charitatem, quae initium vitae & finis  
est. haec autem Domino quoties in unum coeunt,  
Dei hominem perficiunt: omnia autem alia  
ad probitatem consentanea sunt.*

Anno 100.

*Martialis Epist: ad Tolosanens c. 17. tan-  
quam pusillus grex DEI voluntatem ejus ad im-  
plere*

plere studere, in verbis sanctis & operibus bonis.

Clemens Alexandrinus l. 5. Stromat: gra. Anno 204.  
 tia enim seruamur sed non absq; bonis operibus,  
 & l. 7. quo pacto autem medicus prebet sanita-  
 tem iis, qui ei opem ferunt, ita etiam DEus æ-  
 ternam salutem iis, qui cum eo cooperantur, &  
 ad cognitionem, & ad bonas operationes. Item  
 lib: 2. præcedit fides, timor edificat, perficit  
 autem dilectio.

Origenes in Cantica, homil. 1. dupliciter Anno 230.  
 constat salus Credentium, per agnitionem fidei  
 & operum perfectionem. Et tract: 30. in Matt:  
 Regnum Celorum assimilatur decem Virgini-  
 bus. Et siquidem in eis sunt qui credunt &  
 viuunt. & ideo justè assimilatur quinque pru-  
 dentibus: qui autem profitentur quidem fidem  
 in JEsu, non autem preparant se bonis operibus  
 ad salutem, reliquis quinque assimilantur Vir-  
 ginibus. Item Homil: 1. in Ezech: quare  
 egre fers niti, laborare, contendere, & per bo-  
 na opera te ipsum causam salutis tue fieri?

Cyprianus lib: de opere & eleemos: Anno 250.  
 Diuina inquit res salutaris operatio, solatium  
 grande Credentium, securitatis nostræ salubre  
 presidium munimentum spei, tutela fidei, me-  
 dela peccati: & res posita in potestate facientis,  
 res grandis & facilis &c: Et Epist: 14. ad  
 Clerum, penitentiam ille agit, qui obsequiis  
 suis & operibus justis Dominum promeretur.



Anno 260. Zeno Veronensis inuitatione. 5. ad fontem; *quantum quis crediderit & operatus fuerit, tantum beatitudinis habebit.*

Anno 355. Hilarius Can: 7. in Matth. postquam dixit, *salutem gentium omnem ex fide esse*, ut ostenderet, non satis esse fidem habere, licet sit planè necessaria, statim tamen subiungit; *& in præceptis Domini vita est uniuersorum.*

Anno 360. Didymus Alexandrin: in c. 2. Ep. S. Jac. (sicut corpus sine Spiritu mortuum est, sic & fides sine operibus mortua est) *quoniam*, inquit, *sicut Spiritus coharens corpori uiuificat illud, & opera fidei coaptata uiuam eam esse procurant, cogitandum est, ut fides habeatur cum operibus uirtute dignis, ut non mortua sed uiua consistat.*

Anno 360. Gregorius Nazianz: orat: 28. *Ut actio si à fide deferatur, eandem non meretur, ita fides sine operibus mortua est.*

Anno 370. Ambrosius lib: 10. Epist: 82. *quæ nobis salus esse potest, nisi jejuniis eluerimus peccata nostra. cum scriptura dicat; Jejunium & elemosyna liberat à peccato. qui sunt ergo hi præceptores noui qui meritum excludunt jejunii.*

Idem innumerorum aliorum Patrum sensus est, qui licet sæpe etiam solius fidei mentionem faciunt, aliud tamen non intendunt, quàm ut asserant primum iustificationis fundamentum esse fidem, alià autem opera

Opera ut spem, charitatem &c: nullibi excludunt, sed ubiq; ea fidei adiungunt, ut patet ex supra memoratis.

Hoc igitur in articulo cum Ecclesia Lutherana à vera primitiua Ecclesia dissentiat, manifestum est alterutram errare. non potest autem vera Ecclesia errare; ergo errat Lutherana, & consequenter vera Ecclesia non est.

## CAPUT II.

*Fides sola non justificat.*

II.

PRIUSQUAM rem aggrediamur, status controuersiae exponendus est, qui est iste. Priusquam impius rectè justificetur, requiruntur aliquæ dispositiones, in quibus prima est fides, tanquam fundamentum & radix totius salutis, quæ consistat in eo, quod aliquis credat vera esse omnia, quæ à DEO reuelata sunt; videlicet 1. Deum in puniendis peccatis iustum & leuerum esse. 2. quod etiam in iisdem remittendis benignus & misericors sit, ideoq; filium suum in terras miserit;

Ex 1. nascitur *timor* Domini, iudicii & poenarum, quo animus impii concutitur, & ad emendationem excitatur.

Ex 2. Oritur *spes* Diuinæ misericordiae, & remissionis peccatorum, per merita Redemptoris. Ex illa spe autem consequitur



*Amor* erga DEum misericordem & benignum, ac *odium* peccati, quod à tam benigno & misericorde Domino peccatorem auertit, cui annexum est *propositum* vitæ melioris & obseruationis mandatorum DEI. Quibus sic positis sequitur justificatio, seu infusio gratiæ sanctificantis & remissionis peccatorum, vel vt Aduersarii volunt, vera imputatio meritorum Christi per veram fidem apprehensorum. Notandum autem est, dispositiones illas ex natura Dei non ita requiri, vt sine illis gratia infundi nequeat, quia in infantibus non inueniuntur, & tamen infunditur gratia. Sed requiruntur ex tantum in adultis, ex ordinatione & voluntate Diuina. Et hac in doctrina nobiscum conueniunt moderni Doctiores Lutherani, vt candidè fateatur Brochmannus de Justif: c. 2. q. 7. Porro duplex hic difficultas mouetur 1. an dispositionibus supradictis, quæ justificationem præcedunt, mereamur remissionem peccatorum, & gratiam sanctificantem.

## III.

Quod hoc affirmant Catholici nobis calumniosè & falsissimè impingunt Aduersarii, vt odiosam faciant doctrinam Catholicam. quocirca quid sentiamus apertè & rotundè edico. Diserte negamus justificationem esse ex nostris meritis. imò apertè tenemus, dispositiones illas, quæ præcedunt  
justifi-

justificationem non esse meritorias remissionis peccatorum & infusionis iustitiæ, in quibus justificatio consistit, (alioquin non justificaremur gratis,) eò quod fiant ab homine nondum justificato, & in statu peccati adhuc existente. Vnde consequenter dicimus, justificationem esse merè gratuitam; nec vllò modo deberi nobis ex iustitia, tametsi supradictæ dispositiones præcelsierint, cum dispositiones istæ etiam non sine gratia ponantur. Ex quo patet quid sentiant, Catholici, quamq; grauem illis columniam impingant Aduersarii.

Altera difficultas ex dictis est, an omnes istæ supradictæ dispositiones, timor, spes, dilectio, &c: quas ex fide supra diximus emergere, etiam iustificent. An vero hoc ita soli fidei tribuendum sit, vt alii illi actus, licet sint præsentés, justificationem tamen non ingrediantur?

Catholici asserunt non solam fidem, sed alios etiam actus ingredi justificationem.

Aduersarii totam justificationem soli fidei sic attribuunt, vt in operando omnia alia excludant.

Sententiam ergo Catholicorum stabiliemus, & Aduersariorum euertere conabimur.



## §. I.

*Probatursententia Catholicorum.*

**Q**UOD præter fidem, etiam timor, spes & maximè dilectio concurrant ad iustificationem, in scripturis fundatum asserimus, in quibus sicuti sæpe legitur peccatorem per fidem justificari, sic idem fieri per timorem, spem, dilectionem &c: sæpissimè reperitur. Et sicuti nullibi scripturæ docent, per solam dilectionem vel timorem justificari peccatorem; sed semper supponunt fidem, tanquam fundamentum, quæ ideo etiam sæpe sola nominatur: sic quoq; nullibi tradunt per solam fidem (licet solam nomenent) justificari peccatorem, quin semper etiam concurrentes actus alios intelligant. Probabimus ergo dici in scripturis, timorem, spem, dilectionem justificare; non efficienter formaliter, neq; meritoriè, ut certum est. ergo dispositivè.

*De Timore Eccles: 1. v. 27. Timor Domini expellit peccatum, nam qui sine timore est, non poterit justificari. Psal. 110. v. 10. Initium sapientiæ timor Domini. Prouerb. 14. v. 27. Timor Domini fons vitæ.*

*De spe Psal. 36. v. 40. Eruet eos à peccatoribus, & saluabit eos, quia sperauerunt in eo. Prouerb: 26. v. 25. Qui sperat in Domino sanabitur. 1. Jo: 3. v. 3. Omnis qui habet hanc spem in eo san-*  
*etificat*

*Elifcat se, sicut & ille Sanctus est. peccator ergo cum nequeat per spem sanctificare se ipsū merito riē nec efficienter, necessarium est, ut id faciat dispositiuē, videlicet per spem ad gratiam se disponendo.*

*De Pœnitentia. si impius egerit pœnitentiam ab omnibus peccatis suis vita uiuet, & non morietur in iustitia sua, quam operatus est (utique per pœnitentiam uiuet,) Ezech: 18. v. 21. Nisi pœnitentiam habueritis, omnes similiter peribitis, Luc. 13. v. 3. Si pœnitentiam non egeritis, omnes similiter peribitis, v. 5. Ergo & gentibus dedit DEUS pœnitentiam ad vitam: Act: 11. v. 18; Quæ secundum DEUM tristitia est pœnitentiam in salutem stabilem operatur; 2. Cor. 7. v. 10.*

*De dilectione siue charitate, Joan 14. v. 23. Si quis diligit me, sermonem meum seruabit, & pater meus diliget eum, & ad eum ueniamus & mansionem apud eum faciemus. Tunc autem censetur in peccatorem venire DEUS, quando eum iustificat. Quod ut faciat prærequirit, ut DEi & excitantis gratiæ auxilio eum diligat, & imposterum mandata eius seruaturum se proponat. 1. Joan: 3. v. 14. qui non diligit manet in morte Luc 7. v. 47. remittuntur illi peccata multa, quia dilexit multum. quod non minus est, quàm quod ibidem v. 50. de fide dicitur. fides tua te saluam fecit.*



Clarissimè autem Paulus ad Gal: 5.v.16.  
*Nos enim Spiritu ex fide, spem justitiæ expectamus. nam in Christo Jesu neq; Circumcisio aliquid valet neq; praputium, sed fides quæ per charitatem operatur.*

Hic Apostolum apertè agere de fide, quæ justificationem antecedit, certissimum est, cum enim v. 5. alseruisset nos ex fide, spem justitiæ expectare, vt explicaret clarè, qualis ea fides esse debeat, quæ valet ad justitiam, declarat eidentur illam esse solam, quæ per charitatem operatur. Sine charitate ergo fides mortua est, & inutilis, cum sine eâ non possit operari ad justificationem. Ex quibus hoc argumentum formo: Fides quæ valet coram DEo ad Justitiam Deiq; amicitiam, siue in quâ est vis, & valor justificandi, est illa teste Apostolo, quæ per charitatem operatur, ideoq; charitati plane vnita & conjuncta est: atqui fides sola justificans, quam statuunt Aduersarii non est fides quæ per charitatem operatur, præsupponitur enim ab iis operari justificationem sola, ideoq; in ualore justificandi à charitate sejuncta. sola enim fides juxta illos apprehendit Christi merita, non charitas; ergo fides sola justificans, quam statuunt Aduersarii, non est fides quæ coram DEo valet ad justitiam Deiq; amicitiam: adeoq; contradictionem inuoluunt hæc duo: fidem esse solam & tamen esse justificantem: vt enim justificet fides, sibi jungi postulat charitatem:

non ergo est sola, quæ charitati est sociata, sed posset aliquis obijcere; verum quidē esse, non fidem solam sed & charitatem, aliasq; dispositiones in peccatore ante justitiam requiri, & ideo sine illis præsentibus non operari fidem. sed ita esse singula seorsim & per se, ut per charitatem homo solū diligat, per spem solū speret &c. per solam autem fidem credat, & aliis non cooperantibus justus fiat.

VII.

*Verūm* Respondeo i. quod peccator per solam fidem credat, per charitatem amet, certū est. quod autem per solam fidem & non per charitatem fiat justus, directē hic D. Paulo aduersatur; qui cum agat de fide per quam acquiritur justitia, & asserat, eam esse solam illam, quæ per charitatem operatur. sequitur, si charitatem sibi non associet in operando, eam non posse operari ad justitiam.

Si autem fides non possit operari nisi per charitatem: tunc operabitur per eam vel velut causa efficiens per instrumentum suum, quod absurdum omnium confessione est: vel sicut per conditionem sine qua non, quod etiam dici nequit. nam cum fides mortua sit sine charitate, debet quasi informari à charitate ut viuat. forma autem non potest esse conditio ad aliquid sed cooperatrix.

Ergo necessario dicendum est, quod fides operetur per charitatem, sicut dispositio per formam, ad quam disponit, hoc est, sicut calor per formam ignis



dicatur operari ligni inflammationem. Itaq; sicut non solus Calor, sed ipsa etiam forma ignis dicitur inflammare lignum: sic non sola fides, sed etiam charitas velut ipsius forma dici debet inflammare peccatorem.

## VIII.

Sed ulterius fortè replicabunt Aduersarii: quod Paulus dicit fidem per charitatem operari, non esse aliud, quàm quòd per charitatem ostendatur intus esse fidem, quæ fides licet sine charitate non apparet; operatur tamen ad justificationem, præsentem quidem sed non cooperante charitate, quæ tantum justificationis acquisitæ est indicium certum, infallibile, & necessarium.

Respondeo fictitiâ objectionem illam esse, & impossibilem, quod enim rei cuiuspiam indicium est, non dat esse rei cuius est indicium, sed totam rem positam supponit. v. g. motus est indicium vitæ quæ in animalis animale est, non autem ille motus dat vitam animali, sed supponit in eo vitam, atq; adeò prius est perfectè viuere quàm moueri. sic ergo etiam, si dilectio sit signum tantum & indicium fidei viventis, debet esse prior fides viua, quàm hoc indicium, per quod ostenditur esse viua; ergo dilectio non potest esse solum signum, sed debet intrinsecè cum fide operari, cum sine ipsâ fides viua non possit esse.

2. Si charitas tantum sit fidei internæ signum, tunc vel ante charitatem fidei ope-

rata est iustitiam, vel post eam: si primum, dici id non potest, quia ante charitatem fides mortua est, & consequenter nullo modo potest operari. Directe etiam pugnat cum Apostolo, qui asserit, illam solam fidem operari ad iustitiam, quæ per charitatem operatur. Sed si ante charitatem operata fuisset iustitiam, non fuisset operata per illam; ergo falsum dixisset Apostolus. si secundum; dici etiam nequit, quia si charitas sit signum fidei viventis, debet prior esse, fides vivens, quàm sit ejus signum, charitas. Implicat enim rem signatam non esse priorem saltem naturâ, signo; sed fides vivens non potest esse prior charitate, charitas enim dat ut vivat; ergo charitas non potest esse tantum signum fidei viventis, quod enim alteri dat vitam, non potest tantum signum vitæ, quam dat alteri, sed est forma, quod ideo exemplo Corporis & Spiritus declarat Jacob. 2. v. 26. *sicut corpus, inquit, sine Spiritu mortuum est, (videlicet in se,) ita & fides sine operibus mortua est, (etiam in se.)* Et sicut Corpus, ut operetur, per animam informari debet, sic etiam fides debet informari à charitate, ut operari possit ad iustitiam; ergo charitas non est signum fidei viventis & iustitiæ per fidem acquisitæ, sed ejusdem in justificatione consequendæ necessaria cooperatrix.



Patet ergo ex supradictis luculentæ scripturæ testimonia non minus timori, spei, charitati &c. quam fidei adscribere justificationem, ita ut etiam per hæc allegata loca clarè significetur, sine his actibus cooperantibus neminem ad ultimum justificari posse.

### § 3.

#### *Aduersariorum sententia rejicitur.*

IX.

**S**ententia Modernorum Lutheranorum à Brochmanno de justificatione sect: 2. sic explicatur: *Certum est fidem charitate DEi & proximi destitutam non justificare, idq; quia non vera & viva sed ficta atq; mortua fides est. quocirca quando contendimus Hominem sola fide justificari; non aliud intendimus, quam quod licet vera & viva fides stipata semper sit dilectione DEi & proximi, aliisq; virtutibus à DEo preceptis, tamen virtutes istæ, quæ cum fide nexu indivi- duo copulatæ sunt, actum justificationis non ingrediuntur, sed sola fides meritam Christi apprehendit, & applicat, atq; ita in Justiti- am sola imputatur. quam doctrinam duobus argumentis confirmat. 1. adducit varia scri- pturæ loca id testantur:*

2. *Arbi-*

1. Arbitramur justificari hominem per fidem sine operibus legis Rom. 3. v. 28.

2. Ei qui non operatur, credenti autem in eum, qui justificat impium, reputatur fides ejus ad Justitiam. Rom. 4. v. 5.

3. Scientes quod non justificatur homo ex operibus legis, nisi per fidem JESU Christi. Et nos in Christo JESU credimus, ut justificemur ex fide Christi, & non ex operibus legis. Ad Gal. 2. v. 16.

4. Gratia estis salvati per fidem, & hoc non ex vobis, DEi enim donum est, non ex operibus ne quis gloriatur Eph: 2. v. 8.

5. Ut inueniar in illo (Christo) non habens meam Justitiam qua ex lege est, sed illam qua ex fide est Christi JESU, qua ex DEO justitia in fide ad cognoscendum illum Philip: 3. v. 9.

Secundum argumentum desumit ex variis particulis S. Scripturæ nam inquit, licet phrasis hæc; *solâ fide justificamur*: apicibus iisdem non inveniatur tradita in S. literis; tamen res ipsa æquipollentibus vocibus clarè expressa est, quales sunt: *Gratis* Rom. 3. v. 25. *sine lege*. Gal. 2. v. 21. & 3. v. 23. *sine operibus*. Rom. 3. v. 28. & 4. v. 6. & alibi non nisi per fidem, Gal. 2. v. 16. *tantum crede* Luc. 6. v. 20.

quas



quas loquendi formas easdem asserit esse  
 tam hac phrasi. *sola fide justificamur*. Et hæc  
 Aduersariorum tota probatio est. Contra  
 quam vt ordinatè procedamus, exponemus  
 primò genuinum Ecclesiæ de locis citatis  
 sententiam. 2. particulas soluemus. 3. Rationi-  
 bus dictam sententiam rejiciemus ex absur-  
 dis eam consequentibus. quocirca quod at-  
 tinet ad primum locum Rom: 3. v. 26. Re-  
 spondeo 1. Cùm Apostolus dicat nos justifi-  
 ficari per fidem, & non excludat opera  
 (non enim addidit *solam* vt vult Lutherus)  
 manifestum est, eum non excludere spem,  
 charitatem, & alias virtutes, vt ipsemet sese  
 explicat ad Gal: 5. v. 6. vbi solam illam fi-  
 dem ait iustitiam operari, quæ *per charita-  
 tem operatur*, vt & 1. Cor. 13. v. 3. quod au-  
 tem fidei præ reliquis virtutibus iustitiam  
 tribuat, est quia fides clarè ostendit homi-  
 nes justificari, non propria virtute aut me-  
 rito, sed Christi in quem credentes salui fi-  
 unt. hæc enim initio Ecclesiæ maximè in-  
 culcanda erat mundo. 2. Ex scopo Apostoli  
 res tota declaratur, vult enim ostendere  
 nec Judæos ex nuda obseruatione legis Mo-  
 saicæ; nec Gentiles propter bona opera ante  
 fidem Christi susceptam perpetrata, justifi-  
 cari potuisse, sed ex fide in Christum. Fi-  
 dem autem esse initium iustitiæ, nec dari  
 ex operibus præcedentibus, sed esse donum  
 DEI.

DEi. ergo intelligit tantum opera quæ præcedunt fidem, eaquæ; excludit tanquam non iuvantia. non autem intelligit ea, quæ sequuntur fidem, qualia sunt spes, dilectio &c. quæ à fide quodammodo resultant. quasi dicat; si vos o Judæi & Gentiles putatis vos mereri gratiam seu justificationem per opera legis, vel moralia, erratis. aliàs frustra mortuus esset Christus, Sed necessaria primò vobis est fides & Christi gratia, cum qua si operemini justitiam consequi poteritis.

XI.

Vnde non excludit opera, sed ea tantum quæ ante fidem, vel sine fide & gratia sunt facta. quem locum sic intelligunt SS. Patres omnes cum Augustino l. de fide & operibus. c. 4.

His ergo explicatur 3. locus ab Aduersariis allatus ad Gal. 2. v. 16. & alius ad Ephes. 3. v. 4. ubi *per meam justitiam quæ ex lege est*, intelligit illam, quæ meis viribus aut meis laboribus parta est, & legalem, quæ ex legis observatione acquiritur. hanc rejicit. illam autem admittit, *quæ ex fide Christi est*, hoc est, quæ per fidem Christi gratis acquiritur, & hæc *ex Deo est justitia*. siue à Deo emanans, ut Deus faciat & habeat justos, & coram eo verè justī simus. non autem humana quæ ex lege est, hæc enim nos coram hominibus tantum politicè facit justos.

Quod



Quod attinet ad secundum locum Rom: 4. v. 5 Respondeo hujus loci sensum esse istum *Ei qui non operatur opera viribus naturæ suæ facta, nec ex iis quærit aut sperat Justitiam, si credat in eum qui justificat impium, reputabitur fides ejus ad justitiam.* Quod probat Exemplo Abrahami, qui justificatus est gratis per fidem; non quia bene suo Marte operatus est, aut quia suis operibus naturæ viribus factis hanc justitiam meritus est: sed quia credidit DEo, qui suâ gratiâ justificat impium. Ergo & nunc hæc justificatio peccatoribus obtingit, non ex eorum operibus & meritis, sed gratis ex fide Christi.

Nunquid ergo (dicent Aduersarii) Paulus hic excludit omnia opera? Respondeo illum omnia opera naturæ viribus facta excludere, vt ostendat nos gratis justificari; non autem excludit ea, quæ per gratiam facimus, qualia sunt spes, dilectio &c: nam fides illa quæ fuit in Abrahamo, & per quam fuit justificatus, non fuit villo modo nuda; sed sperans, diligens, inuocans, obediens, & vestita charitate & obedientiæ operibus, quibus DEum vocantem secutus est, peregrinans tanto tempore, per tot labores in Chanaan, & quibus postea obtulit DEo filium suum Isaac in Holocaustum, vt docet Jacobus. c. 2. v. 23. & Paulus Heb: 11. v. 6. & Moses Gen. 12. v. 1. & sequentibus.

Locus 4. desumptus ex Paulo ad Ephes. 2. v. 16. habet sensum quem habet illud ad Rom. 3. v. 4. *Justificati gratis per gratiam ipsius*. quibus dictis ostendit Apostolus, nos sine vlllo merito justificari, non quia id fit per solam fidem; sed propter duas alias causas.

1. Quia neq; Judæi neq; Gentiles merentur Justitiam per illa opera, quæ fidem præcedunt, vt diximus supra.

2. Quia omnia quæ ad justificationem conducunt, gratuita donâ sunt, non solum fides, sed etiam spes, charitas &c: Et sicut fides non obstat, quò minus dicamur gratis justificari, sic etiam non obstat spes & charitas. nam tam hæc, quàm illa, donum DEi gratuitum sunt.

Vnde sequitur, quod licet fidei addantur spes, charitas & alii actus, gratiæ tamen infusionem ex mera DEi liberalitate, non autem ex vllis nostris meritis esse.

Ex quibus locis jam explicatis deducitur triplex Generalis regula, seu responsio, ad omnia quæ ex S. Paulo passim ab Aduersariis adferri possunt.

I. Quando dicit Paulus ex fide & gratia, non ex operibus, id est non ex meritis illorum operum hominem saluari: intelligere salutem redemptionis, reconciliationis, regenerationis, justificationis remittentis



tentis peccata: quia dicta salus nulli operi nec fidei ut operi tanquam merces ex iustitia debita soluitur. nullibi autem dicit Apostolus, hominem non meritis operum saluari, salute vitæ æternæ: quam Christus iudex adultis reconciliationi & adoptioni gratuite sanctè superuenientibus impertitur, ut dicetur sequenti demonstratione de merito.

## XV.

1. Est, quod Paulus nunquam fidem Christi seu gratiam opponat charitati, spei &c: sed legi & naturæ. Hoc est, Christum siue opera facta viribus gratiæ Christi per dictamen fidei, opponit Moyse, siue operibus quæ viribus naturæ, per dictamen legis naturalis seu Mosaiticæ patrantur, quæ opponuntur fidei tanquam figura, veritati.

## XVI.

3. Quòd Apostolus sub fide, non solam fidem, sed spem, charitatem, omnemq; gratiam à Christo manantem, quasi ramos in sua radice & causa complectatur, ut patet Rom. 12. v. 3. & 14. v. ult: Et 2. Thess: 1. v. 11. ubi sic ait: *impleat (Deus) omnem voluntatem bonitatis & opus fidei in virtute.* Quis igitur non videt hic Apostolum præter fidem etiam opus fidei requirere? ergo rectè dicitur, quòd fides nos iustificet, sed non sola, sed sicut dicimus, hæc arbor me aluit, scilicet cum pomis & fructibus suis. Nam fides est quasi arbor, à qua bona opera spei, poenit,

pœnitentiæ, charitatis, proferuntur: imò hac ratione rectè dici potest: sola fides me justificat: sicut rectè dicitur, sola hæc arbor me aluit, quia sicut arbor fructus ad alendum, sic fides alia necessaria ad iustitiam tacitè in se, tanquam principio, includit.

Atq; ita Aduersariorum argumentis ex scriptura sumptis, satisfactum arbitror. nunc ad alteram eorum rationem gradum faciamus.

## XVII.

2. Aduersariorum argumentum, desumptum à particulis exclusiuis *Gratis, sine lege, sine operibus, non nisi per fidem, tantum Crede &c.* nihil omnino probant. nam per tres primas nihil aliud intendit Apostolus, quàm vt nobis inculcet, nos ex mera gratia & liberalitate DEi justificari, exclusis omnibus operibus legalibus, & naturæ juxta supra dicta, *non nisi per fidem.* Gal. 2. v. 16. ponitur ibi *nisi* pro sed. Græcum enim *ἐὰν μὴ* correspondet Hebræo. *Ach*, id est verum, verumtamen. sic etiam latini vsurpant illam voculam *nisi* vt patet ex Cicerone lib: 13. Ep. ita Syrus & passim alii, Beza quoq; & Oecumenius. & patet ex antithesi, vult enim justificationem non tribui operibus legis, sed fidei Christi secus esset si simpliciter sine antithesi poneretur.

Demus tamen *nisi* significare quod Aduersarii volunt & urgent, nihil erit contra.



nos: Verum enim est, hominem justificari tantum ex fide Christi: non ex operibus legis aut naturæ. *tantum* enim solum excludit opera legis, non spei, charitatis &c: quæ fides gignit & producit, hæc enim sub fide quasi sub matre intelliguntur, vt diximus supra. Quod autem dicatur Luc. 6. v. 50. *Credetantum & saluaeris.* putentq; Aduersarii, se per hanc particulam *tantum* de nobis triumphare, grauissimè falluntur. Non enim intelligitur locus iste de remissione peccatorum, vt clarum est, sed de excitatione puellæ mortuæ. Neq; fidem Christus exigebat à puella, quam volebat excitare, sed à Matre pro filia deprecante. Patet ergo per particulas illas, de quibus Brochmannus tantopere gloriatur, nihil penitus probari.

## §. 3.

*Rejicitur eadem sententia rationibus*

XVIII.

Nunc argumenta producamus, quibus sola fides justificans euertatur; quâ in re duo sunt probanda, 1. Si fides sola iustificet non esse necessariam præsentiam charitatis, spei, timoris, aliorumq; operum, præsentiam vt necessariam requirunt Aduersarii. 2. Fiduciam, quam ponunt Aduersarii, penitus tollendam esse.

1. Ex nullo loco scripturæ probari potest, solam fidem, exclusis charitate, spe & aliis actibus justificare (vt patet ex locis supra explicatis) ergo Aduersarii, qui nihil nisi scriptura probare volunt, id frustra asserunt & credunt.

2. Si, vt asserit Brochmannus, vbiq; est fides justificans, ibi charitatem, aliaq; esse necesse sit, & tamen charitas & ceteri actus ad iustitiam non disponant, frustra Christus ejusq; discipuli, & omnes Sancti tot verba fecerunt, de charitate & aliis virtutibus, acquirendis, præcipuè cum omnes illi actus à fide profluant, debuissent enim ad fidem habendam potius hortari, quam necessariò reliqua omnia consequuntur. sed non possunt dici Christus & Apostoli frustra hac in re verba fecisse; ergo crediderunt, non fidem solam, sed alia etiam omnia ad Justificationem disponere.

3. Si fides justificans necessariò debeat conjunctam habere charitatem, spem &c: vt justificare possit; non poterit aliquis iustus fieri nisi per opera imperfectissima, labe infecta, & peccata; Cum enim omnia opera hominum etiam optima, infecta sint multiplici labe, & ideo indigna quæ Deo placeant, vt asserit Brochmannus de bonis operibus c. 1. §. 6. ex Luthero, juxta illud Isa: 64. v. 6. *Facti sumus vt immundus omnes nos, & quasi pannus menstruatus vniversa iustitia nostra,*

XIX.

XX.



manifestum est ex eorum sententia, quòd non possimus habere fidem viuam seu iustificantem, nisi (eam excitando) peccata committamus, seu opera labe plena, & indigna quæ DEO placeant, & per huiusmodi DEum iratum nobis propitiemus, vt nos iustos faciat. hoc autem si absurdum est, vti verè est, nullo modo necessaria esse possunt illa opera ad habendam iustificantem fidem, quomodo enim per peccata iustitiam quis acquirat? quomodo nigrore res aliqua dealbari, frigore calefieri, aut tenebris illuminari poterit? & consequenter clauditur effugium Aduersarij affirmantibus præsentiam charitatis aliorumq; operum esse necessariam iustificanti fidei, ad Explicandum D. Paulum, qui fidem per charitatem ait operari. atq; ideo D. Paulum explicare nequeunt.

## XXI.

4. Vel DEus ita requirit à Peccatore charitatem, vt si illa careat, nolit eum iustum esse; vel ita non requirit, vt etiamsi illa destituatur, nihilominus sit eum iustum facturum, idq; quia morte Christi ejusq; meritis sibi applicatis peccata sua deleta esse credit. si primum: manifestè falsum est, cum solâ illâ fide, quam propugnant Aduersarij, absolutè iustum fieri peccatorem.

Si secundum, non est quod de vitæ sanctimonia, virtutibusq; conquirendis vlllo modo laboremus.

Sed fortè respondebit aliquis, fidem quidem sine charitate non posse quenquam justum facere, non tamen inde sequi, charitatem etiam ad justitiam operari: quod Exemplò declaratur: sicut si quis sedeat in tenebris non potest fieri legens, nisi lumen adsit, quo posito, oculus fit legens, non autem lumen. sic, ut fides viva sit, & iustificet, debet adesse quidem charitas, sine qua fides iustificare nequit, non tamen sequitur eam ad justitiam cooperari.

Verùm hoc dici nequit. 1. quia nullum est fundamentum in scripturis tribuendi etiam operationem soli fidei, exclusis aliis ut supra dixi;

2. Idem. fundamentum scripturæ, ob quod Aduersarii justificationem fidei attribunt, ex scriptura æquè clarè & dilucidè tribuitur charitati. atq; ideo cùm tam de charitate quàm de fide æqualiter justitiæ operationem affirmant S. Literæ, utraq; vti & aliæ virtutes dicendæ sunt æqualiter ad justitiam disponere. nisi quòd fidei tanquam primæ radici, primæ partes attribuendæ sint. Ad simile quod attinet, nihil probat, cùm lumen ibi positum sit tanquam conditio extrinseca, sine qua non ex parte objecti tantum requisita. rectius ergo hoc simili rem declarabo ex Jacobo desumpto: sicut corpus omnino mortuum est, & nihil operari potest.



360 DE FIDE JUSTIFICANTE.  
potest, nisi adsit anima, qua posita non solum corpus sed etiam anima ad agendum, concurrat. sic fides penitus est mortua, nec aliquem justificare potest, nisi adsit charitas, quâ posita, non solum fides, sed etiam charitas justificationem operatur.

§ 4.

*Rejicitur Fiducia Lutherana.*

- XXII. VT fides sit justificans, & sola operetur ad Justitiam, requirit in ea tres actus Brochmannus de fide justif: c. 1. sect: 3.
1. Consistit in *Notitia* hoc est quod fides necessario requirat verbi, & voluntatis Divinæ cognitionem.
  2. In assensu firmo & indubitato, fallere non posse verbum DEi, sed illud citra omnem exceptionem verissimum esse.
  3. In immota cordis fiducia, quam fiduciam, ait esse fidei animam, & in hoc consistere non tantum, ut peccator statuatur generaliter, Deum ita dilexisse mundum, ut filium suum unigenitum in mortem traderet: sed etiam ut in particulari credat, & fidat, certissimò & infallibiliter, Deum sibi in Christo propitium esse, & sibi propter merita Christi peccata actualiter remittere, justitiam imputare, & vitam æternam donare velle.

Et si sunt actus ad fidem justificantem ab Aduersariis tantopere decantatam, adeò necessarii, vt si vnus eorum desit, justificatio nullo modo sequi possit. ita ex eorum principiis sic refutamus.

i. Quia ex hac doctrina sequitur implicancia; ergo per tales actus non potest justificari peccator. Probatur sequela antecedentis.

Actus ille fidei, per quem iuxta Aduersarios acquiritur iustitia, vel est posterior iustitiâ, vel simul cum illa, vel prior illâ: nullum dici potest; ergo nullus potest esse actus solius fidei justificans. Probatur Maior i. Non est posterior, quia implicat causam esse posteriorem effectui suo, iustitia, autem est effectus justificantis fidei. Non est simul; quia etiam hoc ipsum implicat, nam causa, licet simul tempore possit esse cum effectui, debet tamen illum semper præcedere ordine causalitatis seu naturæ, neque enim hîc agimus de prioritate temporis sed naturæ. Sed nec potest esse prior (quod tamen necessario asserere debent Aduersarii) quia si actus ille fidei seu fiduciæ esset prior justificatione & remissione peccatorum, tunc in illo priori naturæ quo crederet, & certo fideret peccator remissa sibi esse peccata, falsum crederet & fideret, quia in illo priori, quo ita credit & fidit, peccata non-

Z 5

dum



nondum sunt remissa, sed in sequenti instanti remittenda; ergo implicat per hujusmodi fidei seu fiduciæ actum justificari peccatorem.

## XXIII.

2. Si fides sola, quæ in hoc consistit, ut quis certò sibi persuadeat, credat se justum esse, & per Christi merita sibi remissa peccata, semper & infallibiliter justificet, (ut ajunt Aduersarii) sequitur quòd omnes, quicunq; fidem illam seu fiduciã habuerint, sint justì. Sed tam Calvinistæ quàm Lutherani asserunt se fidem hanc habere; ergo tam Calvinistæ in sententia Lutheranorum, quàm Lutherani in sententia Calvinistarum sunt justì. quare ergo tam Lutherani Calvinistas, quàm contra, habent pro hæreticis? dicent Lutherani. quia Calvinistæ habent innumeros alios errores, ob quos meritò damnantur. Sed contra, quid hoc nocet? nam si proprio judicio Lutheranorum illam fidem, quæ sola justificat, & quam habent Lutherani, habeant etiam Calvinistæ, licet aliis erroribus & innumeris peccatis scateant, tamen justì fient per illam, aut si non fiant per illam justì, sola illa non justificat. Si enim innumera gravia peccata non obstant, quo minus per solam fidem à Lutheranis requisitam justì fiant, non videtur etiam ob stare, quo minus cum erroribus, per solam fidem, justitiã eandem consequantur.

tur. Ex qua doctrina quantum non sequitur absurdum? videlicet non teneri quenquam necessitate medii credere aliquod esse dogma necessarium ad salutem, nisi hoc quod fides huiusmodi haberi debeat, quantumcutq; enim circa reliqua quis erret, modo credat, absq; aliquo alio, justus erit. Quid ergo Lutherani Calvinistas, & contra se invicem ut hæreticos execrantur, si cum eadem fide iusti fiant:

3. Ille actus, qui tollit Sacramenta, orationem, aliaq; media ad salutem à Christo instituta, non potest justificare; sed actus ille fidei justificantis, quem ponunt Lutherani omnia supra dicta tollit; ergo non potest justificare.

XXIV.

Major est certa, minor probatur, quia illo instanti, quod talem perfectum actum, fidei consequitur, peccator credit plenè sibi esse remissa peccata, vel non credit. si non credit remissa; ergo non habuit requisitam fidem, & consequenter neq; iustitiam. si verò eredit remissa, & porro juxta illum sunt omnino remissa. Deum tanquam peccator orare non poterit. nam quâ fronte dicere audebit. *Dimitte nobis debita nostra sicut & nos dimittimus debitoribus nostris?* quomodo cum Publicano clamabit: *DEUS propitius esto mihi peccatori*, cum certò credat & sciat, se nullum amplius habere peccatum?



catum? Cur confessionem auricularem Lutherani usurpant? Cur à falso sacerdote annuntiari sibi petunt remissionem peccatorum, cum certò sciant per actum fidei jam ante sibi remissa esse peccata? res exemplo declaratur: Lutheranus heri commisso adulterio, hodie per actum fidei & requisitæ fiduciæ merita Christi apprehendat, & græue illud peccatum sibi credat infallibiliter remissum. quâ necessitate vel fronte Deum rogare poterit, adulterium sibi dimitti? nunquid merito audiet: stolide si firmam fidem atq; fiduciam habuisti, quid petis remitti, quod jam ante tibi remissum est? si eam non habuisti, quid petis remitti, quod sine illa nullo modo potest remitti.

## XXV.

Deinde si Lutherani post elicitedum talem fidei actum, adhuc Deum orarent sibi remitti peccata, infidelitatis actum committerent: quod sic probo: tam certo credere debent Lutherani per hujusmodi fidem se justos fieri; quàm credere debent Christum natum, pro nobis passum & mortuum, cum asserant utrumq; æquè ex scripturis probari. Sed qui oraret, ut Christus tandem nasceretur, moreretur &c: committeret actum infidelitatis, quia judicaret necdum natum vel mortuum Christum, quod fidei repugnat; ergo etiam qui Deum oraret dimitti sibi peccata, similiter infide-

lis haberi deberet, quia judicaret peccata nondum esse dimissa, quod Lutheranorum doctrinæ repugnat.

3. In nullo loco scripturæ, quam pro fide justificante Lutherani adducunt (vt videre est supra parag: 2.) vlla mentio fit illius ultimi actus, quem tanquam animam in fide justificante Brochmannus supra citatus requirit. vt singula consideranti clarissimè pater. Cùm ergo in nullo tali loco habeatur, illam solam fidem justificantem esse, per quem credit peccator merita Christi sibi applicata, imò potius actus ille ubiq; excludatur, & tantùm mentio fiat primi & secundii actus à Brochmanno positi, clarissimum est hæc omnia à Lutheranis esse merè conficta. Neq; enim vllum locum ostendere possunt, vbi fides justificans sumatur pro illa speciali fide, quâ quis sibi persuadet, se à peccatis justificatum esse; Non potest ergo fides justificans in eo actu consistere.





# DE MERITO BONORUM OPERUM DEMONSTRATIO 12.

*Lutheranane Ecclesiam non esse veram  
Ecclesiam, quia Justum asserit bonis O-  
peribus nihil mereri; quibus dignam  
Mercedem à summo Iudice red-  
dendam esse vera primitiua  
& Apostolica Ecclesia  
semper credidit.*

## CAPUT I.

*Sensus primitivæ Ecclesiæ propo-  
nitur.*

I.



Uis Ecclesiæ primitivæ fuerit  
Sensus clarissimè ex eorum S.S. Pa-  
trum Sententiis patet, qui Scri-  
ptorum Monumentis in ipsâ primitivâ Ec-  
clesiâ celebres, tam suam quàm totius Ec-  
clesiæ Mentem Posteris restatam relique-  
runt ac inprimis.

Anno 80.

*Clemens Romanus Epist: 4. Bonis Operi-  
bus heres efficitur ejus à quo in corruptione re-  
generatus est.*

Anno 100.

*Ignatius ad Mariam Calsaboliten: Hor-  
tor ut labori tuo incrementa adicias. Present*

*am*

namq; Delor modicus, multa autem que hinc  
exspectatur merces.

Hermas l. 4. Similit: 5. Si preter ea que Anno 130.  
mandauit Dominus aliquid Boni adieceris ma-  
jorem tibi dignitatem conquires apud Deum.

Justinus Martyr Orat: ad Antonin: Pi. Anno 1500.  
um: Nos immortales duntaxat eos fieri sci-  
mus, qui sanctè per Virtutem ad Imitationem  
Dei viuunt: torqueri autem Igne eterno eos  
qui injustè absq; resipiscentiâ etatem transigunt,  
credemus.

Clemens Alexandrinus lib. 4. Stromat: Anno 200.  
Deus omnibus omnia distribuit pro meritis, cum  
justa sit dispensatio & œconomia. Et in Pa-  
rænetico: Ne pigeat vos laborasse, licet vobis  
si velitis pretiosissimam Salutem emere proprio  
Thesaurò, Charitate & Fide Vita.

Tertullianus l. 2. contra Marcion: c. 6. Anno 200.  
Positum hominem sub judicio Dei, oportebit,  
justum illud efficere de Arbitrii sui meritis, li-  
beri scilicet. Caterum nec boni nec mali merces  
jure pensaretur ei, qui aut bonus aut malus  
necessitate fuisse inuentus non voluntate.

Et in Scorpiaco c. 6. Quomodo multe  
mansiones apud Patrem si non pro varietate  
meritorum?

Hippolytus Orat: de consummat: Mun. Anno 230.  
di: Omnes, inquit, Dominus pro dignitate  
remunerabor, omnibus pro cujusq; labore mor-  
cedem prestabo, omnibus pro suo certamine  
Præmia rependam.

Origenes



Anno 240.

Origenes Tract: 32. in Matth: Qui profitentur quidem Fidem in Jesu: non autem preparant se bonis Operibus ad Salutem, aſſimulantur decem Virginibus fatuis.

Anno 250.

Cyprianus de Unit: Ecclesiæ. Justitia opus est, ut promereri quis possit Deum Judicem, Præceptis ejus & Monitis obtemperandum est, ut accipiant merita nostra mercedem.

Anno 260.

Zeno Veronensis Inuitat: 5. ad Fontem. Quantum quis crediderit & operatus fuerit, tantum Beatitudinis habebit.

Anno. 270.

Victorinus Pitaboriensis in Verba Apocal: Non enim inuenio Opera tua &c: Non enim satis est Arborem Misericordiae, & Fructum non habere: sicut nec satis est Christianum dici & Christum in opere non habere.

Anno 370.

Lactantius in Epist: Diuinarum Instituti c. 17. Incorruptibiles sibi Thesauros bonis Operibus acquirat, ut possit Deo judice pro Virtutis sue meritis, vel Coronam Fidei vel Premium Immortalitatis adipisci.

Anno 320.

Eusebius Caesariensis Ecclesiast: hist. l. i. c. 4.

Anno 340.

Antonius Eremita Epist: 1.

Anno 350.

Hilarius in Mattheum can: 5. 6. 7. 28. & alibi sæpè.

Anno 370.

Ambrosius l. i. de Officiis c. 15. Nonne euident est meritorum aut præmia aut supplicia post mortem remanere.

Anno 370.

Basilii Magnus homil: 12. in Princip: Proverb: Omnes Angelicam Vitam ambulantes

lantes Mercatores sumus, per Opera mandato-  
rum nobis Possessionem celestium negotiantes.  
& alibi sæpissimè.

Cyrillus Hierosolymitanus Catechesi. 1. Anno 370.  
Si parum laboraueris parum accipies: si mul-  
tum operaberis multa te merces manet.

Gregorius Nanzianzenus Orat: 28. & 40. Anno 380.

Gregor: Nyssenus hom: 8. in Ecclesiast:  
& alibi.

Hieronymus l. 2. contra Iovinianum c. 1. Anno 390.  
& 15. & aliis innumeris in locis clarè & di-  
fertè.

Johan: Chrysosthomus homil: 5. in Gen: Anno 400.  
& homil: 25. & aliis plurimis in locis sæpif-  
simè id affirmat.

Augustinus id ipsum inculcat assiduè lib: Anno 400.  
de Fide & Operibus c. 14. & aliis penè innu-  
merabilibus in locis.

Quibus addi possunt omnes illi Patres,  
quos superiore demonstratione de Fide justi-  
ficante produximus. Vt innumeros alios se-  
quentium Sæculorum omittam, qui nihil ma-  
gis intenderunt, quàm vt ostenderent Opera  
justorum bona mercedem aliquam justissimè  
mereri & necessaria esse ad Salutem. Ex qui-  
bus manifestè patet Doctrinam Lutheranam  
cum Doctrinâ veteris Ecclesiæ primitivæ nul-  
lo modo conuenire. Atq; ideo cùm Ecclesia  
vera non potuerit in tam grauib. Fidei Ar-  
ticolis in quibus totus Cardo salutis nostræ  
vertitur, errare; necessario sequitur Ecclesiā

II.



Lutheranam, cuius Doctrina Veteri ex oppo-  
sito aduersatur, erroneam & falsam esse.

## CAPVT II.

*Exponuntur Catholicorum & Aduersa-  
riorum Sententie.*

**D**ifficultatem illam inter nos & Aduersa-  
rios maximè controuersam vt ordina-  
tè pertractemus, primò Sententia Catholi-  
corum, & ejus Fundamentum exponendum  
est. Deinde, quid sentiant Aduersarii pro-  
ducemus. ac tandem eorum objectiones re-  
futabimus.

## § I.

*Doctrina Catholicorum explicatur &  
confirmatur.*

**S**uppono hominem justificatum Deo esse  
gratum, amicum, & ab omni contagione  
mundum ac liberum; quod nobiscum fate-  
ri debent Aduersarii.

## III.

Hoc posito affirmamus Hominem tali  
modo justum & in Statu Gratiæ & Amicitie  
Diuinæ existentem, cum gratiâ facere quæ-  
dam Opera, quæ intercedente diuinâ acce-  
ptatione, & promissione Vitam æternam  
dignè mereantur, ea facientibus vt merce-  
dem, & Coronam intuitu bonorum Operum  
impertiendam.

Quæ Doctrina tam claris Scripturæ Te-  
stimoniis probatur, vt eidem obistere non  
sibi pertinaciæ censeri possit.

Nam 1. Christus Matth. 5. v. 12. Mercedem justorum in cœlis copiosam asserit futuram; & eam quidem pro labore nostro dandam tanquam in Vineâ sudantibus Denarium. Matth. 20. v. 8. Si ergo merces justè pro labore detur; labori inesse meritum censendum est. Nec valet Exceptio Aduersariorum; Vitam æternam quidem intuitu bonorum Operum dari; non tamen ex merito vel dignitate Operum: sed ex merâ solâq; Dei liberalitate. Inde enim sequeretur quantumcunq; imperfecta Opera æqualem gloriæ mercedem habitura, cum aliis quamvis perfectissimis. Nam cum promissio de omnibus sit æqualis, deberet pro omnibus esse eadem Merces, jam autem cum sit inæqualis merces, non habebit illam tantum à liberalitate Dei: sed etiam à majore vel minori condignitate operis, quod in se perfectius vel imperfectius est, juxta illud Psal. 61. v. 13. *Tu reddes unicuiq; juxta opera sua.* 1. Cor 3 v. 8. *Vnusquisq; propriam mercedem accipiet secundum suum laborem.* Apoc. 22. v. 11. *Merces mea mecum est reddere unicuiq; secundum Opera sua.* Matth. 16. v. 27. *Filius hominis reddet unicuiq; secundum Opera ejus* & alibi sæpè. Ex quibus conficitur, quod cum merces secundum proportionem Operum reddatur; Operibus hoc etiam inesse, ut mercedem vel majorem vel minorem accipiant.



372 DE MERITO BONOR. OPER.  
 cipiant. Et penitus insullum est, quod replicat Brochmannus; videlicet: aliud esse judicare secundum Opera; aliud dare Vitam æternam propter Opera: quia particula *secundum* non proportionem sed qualitatem significat: interim tamen fatetur in Vitâ æternâ Præmia pro laborum disparitate disparia futura. Quâ in re sibi contradicit: Nam si præmia futura sint disparia secundum laboris disparitatem, clarum est per Particulam *secundum* significari non tantum qualitatem operum, sed etiam primariò proportionem. Cum ergo judicaturus sit Deus proportionem operum & juxta illa, Præmia daturus; necessariò sequitur, hanc disparitatem Præmiorum non soli liberalitati, sed ex promissione disparitati operum adscribendam esse.

IV.

2. Et ut clarissima Res foret, causam ob quam tribuitur æterna Vita, Christus operibus adscribit Matth: 25. v. 34. *Venite Benedicti Patris mei, possidete paratum vobis Regnum: esuriui enim & dedistis mihi manducare &c: item v. 21. quia super pauca fuisti fidelis supra multa te constituam.* Et Apoc: 7. v. 14. *Hi sunt, qui venerunt ex magna tribulatione, ideo sunt ante Thronum Dei.* In quibus tres illæ particulæ causales: *Enim, quia, ideo* manifestè significant labores to-

leratos;

leratos; seu Bona Opera, causas esse acqui-  
sitiæ Retributionis.

Imò non solum opera Præmii æterni  
causam esse: sed his etiam Vitam æternam  
à Deo ex justitiâ donandam, Scripturæ cla-  
rissimè testantur; 2. Thesal: 10. v. 6. *Jus-  
tum est apud Deum retribuere vobis, qui tri-  
bulamini, requiem nobiscum.* 1. Timoth: 4.  
*Reposita est mihi Corona justitiæ.* Hebr: 6. v.  
10. *Non est injustus DEUS ut obliuiscatur o-  
peris vestri.* Addo his promississe Deum ju-  
stis Vitam æternam tanquam currentibus  
*Brauium.* 1. Corinth: 9. v. 24. tanquam cer-  
tantibus *Coronam* ipso jure debitam. Jacob.  
1. v. 12. Apoc. 12. v. 11. imò tanquam *mutu-  
um* Proverb. 19. v. 17. tanquam *depositum*.  
2. Timoth. 1. v. 12. Hæc autem non reddere  
juxta promissionem est injuriam inferre:  
tenetur ergo ex justitiâ DEUS Operibus red-  
dere mercedem. Quæ omnia Scripturæ cla-  
rissima Testimonia conatur eludere Broch-  
mannus affirmando nullam hac in Re inter  
justum & Deum intercedere posse justitiam.  
De quâ quid sentiendum sit §. sequenti ex-  
plicabimus.

4. Christus innumeris in locis sic promissit  
Vitam æternam, vt hæc promissio ab operib9  
dependeat, & ei qui opera adimpleuerit jus  
promissæ mercedis exigendi competat, juxta



374 DE MERITO BONOR. OPER.  
 illud Matth. 19. v. 17. *Si vis ad vitam ingredi  
 serua mandata & v. 29. Omnis qui reliquerit  
 Domum vel Fratres aut Sorores &c. propter  
 nomen meum centuplum accipiet & vitam æ  
 ternam possidebit.* 1. Timoth. 4. *Pietas ad  
 omnia utilis, habens promissionem huius & fu  
 tura vite.*

VII.

5. Testantur apertè Scripturæ plurimæ  
 Opera Iustorum compensatione vitæ æternæ  
 digna esse. Sap: 3. v. 5. *Deus tentauit eos &  
 inuenit eos dignos se.* 2. Thessal. 1. v. 5. *Vt  
 digni habeamini Regno Dei pro quo & patimini.*  
 Item Lucæ 10. v. 25. Apoc. 3. v. 4. Cum  
 ergo dignitas in iustis inueniri debeat, non  
 potest esse alia quàm Operum. Opera verò  
 si dignitatem in se habeant, necessariò debent  
 & habere meritum.

Quæ omnia licet meridianâ luce clari  
 ora conatur Brochmannus simplice sed in  
 consideratâ negatione refutare. Concedit  
 quidem promississe Deum Vitam æternam  
 piè viventibus. Fatetur etiam mercedem  
 promississe bonis operibus & promissis suis  
 stare velle; adeò vt iustus de Coronâ Vitæ  
 certus esse possit; negat tamen Deum Ope  
 ribus, æternæ vitæ promississe mercedem  
 ideo, quia ipsa opera tantæ sunt dignitatis  
 & perfectionis, vt Vitam æternam mereri  
 apta sint. Quod probat vnico S. Pauli dicto  
 ad Roman. 6. v. 23. *Gratia Dei vita æterna  
 in Christo.*

Verum

Verum nemo non cœcus aut pertinacissimus hanc objectionem palpabit esse penitus inanem. Nam si Vita æterna datur intuitu bonorum operum, seu propter bona Opera (vt supra demonstravimus & ipse fatetur) certè datur ex merito bonorum Operum: Synonima enim sunt; nec video quibus verbis hæc dignitas Operum clariùs explicari possit. Deinde si datur iis, qui digni sunt, & solum digni sunt propter bona opera: certè datur illis ex merito & dignitate bonorum Operum. Accedit quòd non solum datur illis vt *merces*: sed etiam vt *Corona Justitiæ*; at Corona Justitiæ non datur ex mera liberalitate vel indulgentiâ, alioquin non Justitiæ, sed esset Corona liberalitatis. Ad illud dictum Pauli quod attinet, spectat hoc ad Judæos & Gentiles, contra quos scripta fuit hæc Epistola, quia nimium Operibus Legis & Naturæ præfidebant, inculcanda illis erat Necessitas Gratiæ Christi (vt fusè explicuimus in demonstratione de Fide justificante) dicit ergo Apostolus, *Vitam æternam esse Gratiam seu ex Gratiâ Dei*, quia merita, quibus redditur vita æterna, manant ex gratiâ quasi semine & radice, gratiâ inquam indignis collatâ, vnde & ipsa vocari possunt & re ipsâ sunt gratia. Ideo S. Augustinus primam Gratiam vocat Gratiam, Vitam autem æternam Gratiam vocat pro



376 DE MERITO BONOR. OPER.  
Gratiâ. Et DEUS cùm coronat nostra Me-  
rita, quid aliud coronat, quàm sua dona?  
ait ex S. Augustino Cælestinus Papa ad  
Episcopos Galliæ c. 12. & Concil: Trident:  
Sess: 6. c. 16.

Ex dictis ergo constat inuictam & cer-  
tissimam esse Ecclesiæ Catholicæ Doctrinam,  
Opera justorum esse vitæ æternæ meritoria,  
innumeris S. Scripturæ & omnium Patrum  
Testimoniis comprobatam.

§. 2.

*Doctrina Lutheranorum explicatur  
& rejicitur.*

IX. **F**Atentur quidem Aduersarii Scripturæ  
Testimoniis conuicti Vitam æternam bo-  
norum Operum mercedem esse & intuitu  
eorum dari juxta supra dicta.

Negant tamen eam reddi ex merito  
& dignitate ipsorum operum: sed ex merâ  
& solâ Dei promissione, liberalitate & in-  
dulgentiâ, atq; adeò bona Opera nullum  
habere meritum, rationem assignant: quia  
ad rationem meriti tria requirunt; quæ hic  
non inueniuntur.

I. Vt aliquid propriè dicatur meri-  
tum, necesse est vt opus hoc quo aliquid  
meremur

meremur, totum nostrum sit, non alienum. Sed opera justorum non sunt tota nostra, cum sint ex merâ gratiâ. Ergo non potest ex iis esse meritum.

Ad quod respondeo; solum per hoc probari, justos sepositâ acceptatione & promissione Dei, nihil ex justitiâ mereri posse, non autem quod utroq; supposito, non possint exhibere aliquid æquale, per quod jus acquirant ad novum Præmium, seu mercedem à Deo accipiendam. Sicut in humanis licet Servus, seu Mancipium, totum sit sui Domini, ut & res ejus omnes: si tamen Dominus cum Servo paciscatur, ut hic de suo labore certam duntaxat Pecuniæ summam Domino lucretur, reliquam verò quamvis ex ipsis rebus Domini, sibi acquirat; tunc non solum Dominus ex justitiâ propriè dictâ eam partem Servo relinquere tenetur: sed & mancipium pecuniâ sibi acquisitâ non minùs cum Domino, quàm cum aliis, verum Justitiæ Contractum inire, seq; ipsum redimere tandem à Servitute potest. Ita quoq; licet propter Opera nostra etiam justissima nulla nobis à Deo Merces debeatur, quia omnia nostra ipsius sunt, ex eo tamen quòd illa DEus acceptet & mercedem illis repromiserit; tenetur DEus hanc operibus



378. DE MERITO BONOR. OPER.  
bus mercedem reddere. Atq; ita cū  
Merces propter Dei promissionem debita  
sit meritis; non gratis datur, vt Aposto-  
lus testatur Rom. 4. v. 4. *Ei qui operatur,  
merces non imputatur secundum gratiam  
sed secundum debitum.* Ergo merces illa  
datur operanti ex iustitiā propter operum  
merita, quorum dignitatem & propor-  
tionem iustitia intueri debet, quia aliās ju-  
stitia non esset. Vnde quando dicunt Ad-  
uersarii in Opere bono, quod cum gratiā  
Dei facimus, nihil esse nostrum, quod non  
sit Dei, dicendum est ē contra: in bono o-  
pere, quod eodem iuuante facimus, etiam ni-  
hil esse Dei quod non sit nostrum; adeo vt  
totum opus bonum faciat Deus; & totum  
liberē operans faciat homo, juxta quod ei  
solutio debetur. Licet enim Dei sint, sunt  
tamen etiam nostra, quia liberē ea facimus,  
& Deus nos eorum Dominos fecit. Si ergo  
ad Dei Gloriam & cultum ea facimus & re-  
ferimus, quoddam bonum (scilicet cultum)  
Deo damus; quem ipse acceptat, & pro quo,  
ipse vicissim nobis mercedem promittit,  
& soluit.

X.

2. Requiriti ajunt, ad Meritum vt Opus  
quod præstatur sit indebitum, seu tale vt id  
facientes, præstemus plus quā debeamus,  
non facientes non peccemus, juxta illud  
Luc. 17, v. 10. *Cum feceritis omnia que præ-*  
*cepta*

*cepta sunt vobis dicite. Serui inuiles sumus, quod debuimus facere fecimus. Ergo faciendo solum ea quæ præcepta sunt, nullum possunt ea opera habere meritum.*

Respondeo quod attinet ad locum scripturæ Luc. 17. eum clarè infra explicabimus. Cæterum quamuis Deo innumeris Titulis obligati & toti ejus simus, utpote, sanguinis & Vitæ pretio ejus empti, ideoq; per ejus gratiam, ceu pecuniam tantum possimus operari; de facto tamen, cum liberri- mus sit, nobiscum spontaneam conuenti- onem iniit, & se ipsum obligauit, ut operi- bus nostris suâ gratiâ perfectis debitam mer- cedem redderet, vnde opera ejus gratiâ quo- dammodò formata, & animata; digna fa- cta sunt, ut juxta promissionem Dei merce- dem debitam accipiant: quâ in re huma- num procedendi modum imitatus est. Nam dum per Operarios Opus aliquod curamus 1. de pretio conuenitur, & pro certitudine datur arrha. Ita Deus cum Fidelibus de pretio conuenit. *Ego ero merces tua magna nimis. Gen. 15. v. 1. Si vis ad vitam ingredi serua mandata. Matth. 19. v. 17. Arrham de- dit: Signati estis Spiritu Promissionis sancto qui est Pignus hereditatis. Eph. 1. v. 13. 2. Con- fectum opus conspicitur & examinatur; ita Deus vniuscujusq; opus quale sit, per ignem diuini iudicii probabit; ut cujus opus*  
ma-



manferit, mercedem accipiat, 1. Corinth. 3. v. 13. 3. Deniq; si dignum sit opus, merces juxta conuentionem redditur: ita Deus juxta Iohannis 2. v. 8. *Videte vosmet ipsos, ne perdatis quæ operati estis: sed ut mercedem plenam accipiatis.* Viso deniq; opere digno, mercedem plenam tribuit: *Ecce, inquit, venio citò & merces mea mecum est, reddere unicuiq; secundum Opera sua.* Apoc. 22. v. 12. quod alibi innumeris in locis repetit. Ex quâ probatione ex Scripturis solidè deductâ manifestè patet, Deum vi promissionis suæ, non ex liberalitate, operibus nostris mercedem ex iustitiâ debere: quamvis hanc promissionem ex liberalitate fecerit; adeò vt liberalitatis fuerit promittere, & de pretio nobiscum conuenire; ad quod nullo modo tenebatur; iustitiæ autem sit promissa soluere, ad quæ se obligauit; dum pro operibus, quæ compererit, esse digna pretium se daturum ipsemet promisit. Dat ergo pretium non tantum quia promisit, sed quia opera in se digna inuenit, ratione quorum promissionem suam soluere & explere possit & debeat.

# XI.

Replicat Brochmannus: Si opera adeò sunt perfecta, vt ob perfectionem & dignitatem suam vitæ æternæ retributionem mereantur, quid opus est ista liberali Dei Promissione & gratuita conuentione? quod enim datur ex liberali promissione & con-

ventionem, repugnat cum eo quod datur ob  
operum dignitatem & perfectionem juxta il-  
lud Apostoli Rom: II. v. 6. *Si autem gratia  
jam non ex operibus, alioquin gratia non est  
gratia.*

Respondeo 1. Apostolum hic agere de  
operibus, viribus, naturæ factis, per quæ  
nihil promeremur; non autem intelligit  
de iis quæ per gratiam fiunt, ad rem ergo re-  
spondeo 2. Operibus justorum cum gratiâ  
Dei factis licet in se sint dignissima & præ-  
mio & mercede, tamen Deum non obliga-  
tum esse ex justitiâ, ullam reddere merce-  
dem; atq; ideo præcisè ratione illorum, nos  
non habere jus ullum petendi à Deo soluti-  
onem; quia *gratiâ Dei sumus id, quod sumus,*  
& omnia Dei sunt. Sicut marcipium ali-  
quod, quod cum pecuniis Domini propriâ  
industriâ negotiatur, & plurimum lucra-  
tur; licet illud opus ejus dignum sit mer-  
cede & præmio, nihil tamen Dominus te-  
netur ei dare: quia omnia sunt Domini à  
quo pro hac industriâ nihil ei est promissum.  
Si autem aliquid promississet Dominus, id  
illi ex justitiâ dare teneretur, ut dictum est  
supra num: 9. non tantum quia promissit,  
sed quia talis fuit industria in se quæ compen-  
sationē mereatur; quæ si non fuisset talis; ni-  
hil potuisset exigere, quantumvis factâ pro-  
missione. Ita nobiscum agit Deus, licet Opera  
nostra



nostra per Dei Gratiam, ex libero arbitrio nostro facta, dignissima sint compensatione; nihil teneretur tamen illis Deus reddere, si nihil promississet; quia autem promissit, tenetur; atq; ita nullo modo repugnat, aliquid dari propter promissionem, & aliquid dari propter dignitatem operis; quod urgebat Brochmannus, cum propter utrumq; simul dari debeat.

## XII.

3. Requiritur Aduersarii ad Meritum, ut inter opus & ejus præmium justa proportio sit & æqualitas. Atqui inter opera justorum, & vitam æternam nulla proportio est, juxta illud Apostoli Roman. 8. v. 18. *Non sunt condignæ passionēs hujus Temporis ad futuram Gloriam. Ergo non potest, operibus interesse meritum. Ad quod*

Respondeo fatendo 1. verissimum esse opera nostra siue maxima, siue durissima, & longissima sint; ita considerata nullam habere proportionem cum Vitâ æternâ juxta Apostolum, adeo ut ita neq; Christi Passio vlllo modo condigna sit Gloriâ tuâ. Fateor 2. neq; opera nostra prout à nobis manant, esse digna tanto Præmio, quia diuinâ Gratia penitus nituntur. quibus concessis, nihilominus tamen dico & Respondeo 1. posse aliquod opus dupliciter esse *condignum præmio*. 1. Vt ejus valor sit absolutè tantus, quantus præmii; qualis condignitas, & æqualitas

qualitas reperitur in iis quæ strictæ & rigorosæ justitiæ, seu commutatiuæ, seu vindictiuæ subjacent, in his enim pretium non debet excedere valorem Rei v.g. emptæ; nec pœna, peccatum. & tali modo fatemur etiam, meritum non esse condignum præmio. 2. juxta aliquam tantum proportionem, quam ipsum habet cum præmio in hisce Circumstantiis, quâ ratione longè potest valorem operum excedere: vt si princeps in aliquâ ludicrâ concertatione proponat ingens præmium Victori: Opus victoris debet esse condignum præmio, etsi aliàs secundum se, longè minoris sit valoris. Et ita fit cum vitâ æternâ, quæ præmium est maximum nobis in hac vitâ concertantibus à Deo propositum. Et quia hæc opera sunt 1. cum gratia quæ est semen gloriæ; fit vt, sicut semen satis proportionatum est ad Arborem, ita etiam sufficiens proportio sit gratiæ ad Gloriam, juxta Apost. 2. Corinth. 4. v. 17. *Id quod in presenti est momentaneum & leue tribulationis nostræ, æternum gloriæ pondus operatur in nobis.* Si operatur, vt certè asserit Apostolus, non operatur physicè, sed meritorie, ergo sufficiens est proportio ad merendum, & quia 2. opera justorum sunt opera naturalia Filiorum Dei & Cohæredum, imò membrorum Christi, & Filios aliud Præmium non deceat quàm hereditas



diras Paterna; fit, vt iusti ad hæreditatem Dei, sufficientem proportionem habeant. Et quia Filius non ejicitur è paternâ domo, sed manet quàm diu viuit: fit etiam, cùm Anima iusti viuat in æternum, vt debeat ei hæreditas totâ æternitate durans.

Ex quibus deducto & respondeo 2. negando absolutè minorem superioris syllogismi ab Aduersariis propositi, videlicet inter opera iustorum & vitam æternam nullam proportionem esse. quia non tantum est proportio, sed etiam est operum nostrorum ex dignificatione gratiæ habitualis cum præmio condignitas, adeò vt etiam si DEus non voluisset illud dare, tamen ea præmium promererentur. non tamen inde sequitur, quòd sepositâ promissione simpliciter Deus præmium teneatur dare; quia hac in re fere se habet sicut mercator, qui non tenetur acceptare pretium æquale pro suis mercibus, si nolit eas vendere. supposito autem quòd jam contractum fecerit, & se pretium acceptaturum promiserit; tenetur eas tradere. Ita Deus, quamuis opera nostra cùm gratiâ habituali dignissima sint vt vitam æternam pro illis tribuat; non teneretur tamen eam dare, nisi hæc opera pro tantâ mercede acceptasset, & eam se daturum promississet. vnde patet, quanta sit inter præmium, & opera à gratia dignificata, non solum proportio, sed etiam condignitas.

Ad quæ luce meridianâ clariora nihil habet, quod replicet Brochmannus, nisi Christum jubere, ut Sancti, etiam ubi omnia, quæ ipsis mandata sunt, laboriosè fecerunt, fateantur se Servos inutiles esse. Luc. 17. v. 10. Esse autem Servum inutilem, & Servum esse qui vitam æternam mereatur, opposita censerî. Quo Argumento cùm mirè gloriatur, breuiter illo loco explicato, demonstrandum est quantopere fallatur.

Respondeo ergo 1. Sensum Christi in hoc loco Lucæ esse istum; nos Servos inutiles esse, etiam si omnia præcepta exequamur; quia nisi Deus liberali pacto nobiscum convenire voluisset, nullum jus ad exigendam mercedem haberemus ex justitiâ; quia quantumvis opera nostra forent bona, non teneretur ea Deus compensare; non quòd opera non essent in se digna compensatione, sed quia cùm ea omnia Deo debeantur, non obligaretur ad ea compensanda, nisi se compensaturum promisisset. Et eum verum esse sensum declarat hic ipse Christus exemplo Servi, qui omnia Seruitia suâ debet Domino; videlicet si nullum aliud cum Domino Pactum iniit, secus si iniisset, juxta ea, quæ supra diximus num: 9. Ita S. Augustinus serm: 3. de Verbo Domini. Alius Verborum horum sensus esse potest, quæ adducit Ambrosius l. 8. in Lucam.



Servos nos inutiles esse quatenus naturæ viribus operamur absq; Dei Gratiâ; quia licet sic faciamus omnia quæ præcepta sunt, nihil tamen promeremur. Secus si per Gratiâ Dei laboremus & Christo renascamur. Tunc enim Servi sumus utiles juxta illud Apostoli 2. Timoth. 2. v. 22. *Si quis emundaverit sese ab istis, erit Vas in honorem sanctificatum & utile Domino.* Cum ergo tam in hoc loco quàm multis aliis Scripturæ, justi vocentur Servi utiles, & Spiritus Sanctus per Scripturam contradicere sibi nequeat, necessariò dicendum est, sensum Christi apud Lucam supra-citatum, eum esse, quem ante diximus. Et cum ipsi Aduersarii asserant, justis sine ullo labore deberi vitam æternam, tanquam legitimis hæredibus hæreditatem, manifestum est in eorum Confessione, justos esse Servos utiles, neq; enim Filius, quàm diu se benè gerit Servus inutilis ad hæreditatem capessendam dici potest. Patet igitur quàm vanè de hoc loco Brochmannus gloriatur. Hæc itaq; dicta sufficiant de primâ ratione ob quam aduersarii nullum Operibus meritum inesse docent, quod satis jam probauimus adesse.

## XIII.

2. Ratio ob quam Opera justorum Vitæ æternæ meritoria esse negant, ista est: Quia Corona Vitæ æternæ quæ datur sanctis non Operum meritis, sed diuinæ Misericordiae.

ficordia in solidum adscribitur, ita vt clare vocetur *Gratia Dei, vita aeterna* Rom. 6. v. 23. & Psal. 103. *Qui coronat te in misericordia & miserationibus*, ergo nihil operibus adscribendum est. Quæ objectio licet ex præcedentibus & maximè quæ diximus num: 10. facillimè refutari possit, & refutata sit.

Respondeo tamen 1. Si Loca ista strictè velint urgere Aduersarii, pariter evincemus, neq; baptismum, neq; Fidem quam tantopere vigent, villo modo ad justificationem & Salutem esse necessaria, imò nec utilia. Nam si omnia ex merâ misericordiâ concedantur à Deo, & quæ taliter conceduntur, meritum nullum habeant, etiam nullam utilitatem, ista omnia habere possunt.

Respondeo 2. Locum illum Psal. 102. *Qui coronat Te in misericordia* &c: aliosq; plures, nullam vim habere si rectè explicentur. Nam sicut hîc vocatur *Corona misericordie*, ita alibi appellatur *Corona justitiæ*. Et cum Scripturæ sibi contradicere nequeant, conciliandum est utrumq;: Quando ergo Vitam æternam vocat Apostolus *Justitiæ Coronam*; clarè asserit eam ex meritis & propter merita conferri, ordine Justitiæ servato, & unicuiq; pro quantitate meritorum, majorem, aut minorem portionem tribui. Hinc S. Augustinus: *Non est injustus*,  
Bb 2
inquit,



inquit, *DEus qui justos fraudet mercede sua.* Cum autem ipsa merita quibus *Corona Justitiæ* debetur, ex Dei Gratiâ Vim suam habent, & ea gratia ex Misericordia Dei tribuatur, sit ut hæc Corona etiam *Corona Misericordiæ* vocetur, non quidem respectu ipsorum meritorum (illis enim debetur ex Justitiâ) sed respectu operantium, quibus ipsa quoq; merita ex misericorde & liberali promissione sunt concessa. Exemplo rem declaro: Princeps aliquis certamen ludicrum instituit, & præmia maxima promittit optimè se in hoc gerentibus, quæ etiam certamine finito Victoriis largitur. Hæc Præmia dicuntur Præmia liberalitatis Principis, quia princeps ea liberaliter promisit & distribuit. Eadem etiam dicuntur Præmia laboris victorum; quia Victores per labores suos ea sunt promeriti; ita ut Princeps suppositâ promissione suâ fuerit obligatus, ea Victoriis largiri. Simili modo se habet *Corona Misericordiæ & Justitiæ.* Quæ res cum clara sit non est quod ei immoremur.

## XV.

Ex quibus patet etiam solutio Pauli Roman: 6. v. 23. *Stipendia Peccati Mortis.* *Gratia autem Dei vita æterna,* eo enim sensu vocat hîc Apostolus *Gratiam* Vitam æternam, quæ supra diximus vocari *Coronam misericordiæ*; ex eo videlicet, quod  
ex meri

ex meritis per gratiam & misericordiam  
 acquisitis, tribuatur. Quod autem vrgent  
 Aduersarii Apostolum ideo non dixisse  
*Stipendium bonorum Operum Vita æterna*,  
 sicut ante dixerat *Stipendium peccati mors*,  
 vt ostenderet non eodem modo reddi Mor-  
 tem quo redditur Vita, hanc scilicet ex  
 merâ gratiâ: illam ex merito malorum  
 operum; nihil omnino probat. Nam cum  
 rectè dicere potuisset: *Stipendium Justi-  
 tiæ Vita æterna*, vt asserit S. Augustinus,  
 voluit tamen dicere; *Gratia est Vita æter-  
 na*, idq; duplici de causa 1. Quia scribebat  
 Gentilibus & Judæis, quibus (quia nimi-  
 um de suis operibus præsumebant) grati-  
 am magis oportebat inculcare. 2. Quia  
 non eodem modo Vita æterna stipendi-  
 um est iustitiæ; quo Mors est Stipendi-  
 um Peccati. Peccato enim non gratis, sed  
 quasi Stipendium omnino debitum reddi-  
 tur mors, & damnatio. Iustitiæ verò me-  
 ritis non ita redditur Vita æterna; sed tan-  
 tum quatenus ex Gratiâ ceu Semine &  
 Radice manant, eaq; penitus suffulciuntur.  
 Est igitur Vita æterna tam Stipendium ju-  
 stitiæ, quàm Mors Peccati: sed paulò diuer-  
 sâ ratione; videlicet, quòd Mors sit Stipendi-  
 um Peccati sine Gratiâ. Vita æterna verò sit  
 Stipendium iustitiæ ex gratiâ & promissione



De utroq; enim eodem modo sequitur Apostolus Rom. 2. v. 6. *Reddet unicuiq; secundum Opera sua: ius quidem qui secundum patientiam boni operis, Gloriam & Honorem, & incorruptionem querunt, vitam eternam; iis autem qui sunt ex contentione & qui non acquiescant Veritati ira & indignatio, quibus verbis simili modo Vitam eternam futuram scribit Stipendium Iustitiæ, quo mors erat Stipendium Peccati. Solutis ergo Aduersariorum Argumentis manet Catholica Ecclesiæ de meritis bonorum operum Doctrina contra omnes Hæreses oppugnationes inuicta.*

## CAPVT III.

*Bonorum Operum ad Salutem Necessitas probatur.*

**S**Tabilito Operum bonorum merito sequitur vt & eorum necessitas ad salutem demonstretur; ad quod ostendendum est breuissimè, quid Aduersarii & quid nos sentiamus.

XVI.

Dicunt Aduersarii Teste Brochmanno de bonis operibus cap. 1. sect. 3. Bona opera esse quidem necessaria necessitate mandati, Cultûs, & Obsequii Deo debiti, bonæ & tranquillæ Conscientiæ, & officii Charitatis proximo præstandi; tamen illam propositionem *bona Opera ad Salutem sunt necessaria*

*cessaria periculolam esse, & omnino falsa n,*  
 1. quia est, Assertio Pseudo-Apostolorum,  
 qui præter fidem exigebant opera tanquam  
 necessaria ad Salutem Act. 15. v. 1. 2. 3. 4.  
 2. quia hæc propositio manifestè pugnat  
 cum Scripturâ Rom. 4 v. 6. *David dicit*  
*beatitudinem Hominis, cui Deus accepto fert*  
*justitiam sine operibus.* Et Eph. 2. v. 8. 9.  
*Gratiâ enim estis saluati per Fidem; & hoc*  
*non ex vobis, Dei enim Donum est, ne quis*  
*glorietur.* 3. Deniq; si esset verum, sine ope-  
 ribus neminem saluari posse, vera Evangelii  
 Consolatio eriperetur his, qui in fine vitæ  
 pœnitentia ducuntur, & ad Deum conuer-  
 tuntur, illis enim interuentu subitanæ mor-  
 tis eripitur commoditas bonorum operum,  
 quod probatur Exemplo Latronis Luc. 23.  
 v. 43.

Sed Sententia ista, juxta ipsamet Prin- XVII.  
 cipia Aduersariorum non tantum est omni-  
 no inutilis: sed planè contradictoria, quod  
 sic demonstro. 1. Asserit Brochmann plurimi-  
 mis in locis impossibile esse homini etiam  
 iusto & diuinâ Gratiâ adjuto seruare Le-  
 gem, quod si ita sit, quomodo bona opera  
 erunt necessaria, necessitate mandati, quod  
 mandatum impossibile est seruatu? Stul-  
 tum profectò est, asserere necessitatem ejus  
 rei, quæ omnino est impossibilis; ac si De-  
 us diceret, cupio vt ad Cælum omnes veni-



ant, at volo vt omnes eo volent alis, nun-  
quid omnes volare tenerentur? imò stoli-  
dum illud mandatum esse nemo non asse-  
reret, Deumq; non intendere saluare homi-  
nes sed damnare. Quomodo ergo opera  
necessaria sunt necessitate mandati, si sit  
impossibile mandatum hoc seruare?

2. Asserit Brochmannus ceteriq; Lu-  
therani, omnia opera iustorum, etiam quæ  
optima censentur esse imperfectissima, instar  
panni menstruati labe & maculis infecta.  
Quod si ita est, vt esse ipsi asserunt, quomo-  
do per huiusmodi tantis sordibus inquin-  
ta opera Cultus & Obsequium præstari Deo,  
Conscientia tranquillari, vel proximo Cha-  
ritas exhiberi poterit? Deinde quomodo  
juxta sua Principia dicere ipsi possunt, supra-  
dictis modis opera bona esse necessaria, cum  
juxta eos nulla omnino bona opera esse, vel  
saltem prodesse possint? Quomodo ergo si  
bona opera præstari nequeant, ea necessaria  
erunt modis supradictis? Apparet igitur,  
Fucum eos tantum facere, quia videlicet,  
cum in Scripturis clarè operum necessitas  
asseratur, à quibus illi maximè sunt alieni,  
aliquas necessitates prætendunt, vt videan-  
tur Scripturis satisfacere.

# XVIII.

Scripturæ verò & Ratio, quam addu-  
cunt, vt ostendant opera non esse absolutè  
ad Salutem necessaria, nihil omnino ha-  
bent

bent ponderis si rectè explicentur. Nam  
 1. quod ait Paulus Rom: 4. v. 6. conferri  
 iustitiam absq; operibus, intelligendum  
 est, iustitiam dari non ex Virtute aut me-  
 rito priorum operum, sed ex merâ gra-  
 tiâ, vt sæpè explicuimus, tam in istâ, quàm  
 antecedenti demonstratione, quo modo eti-  
 am explicandum est illud. Eph. 2. v. 8. & 9.  
 Quoad Locum Actorum 15. v. 1. 2. 3. omni-  
 no nihil ad rem nostram facit, quia ibi  
 clarè agitur de Circumcisione aliisq; Ope-  
 ribus Mosaicis, quæ nihil amplius prodesse  
 Apostoli definierunt.

Doctrina ergo vera & Catholica est,  
 illis omnibus qui reconciliationi gratuito  
 factæ, superuiuant; bona Opera absolutè  
 necessaria esse ad Salutem, cum enim illi  
 teneantur obseruare Legem, hoc est, benè  
 operari, ac gratiam & Salutem reconcili-  
 ationis per Baptismum aut Potestatem Sacer-  
 dotalem acquisitam non amittere; fit, vt cum  
 Diabolo, Carne & Mundo aliisq; hostibus  
 certare debeant; qui conflictus cum sit diffi-  
 cilis, ideoq; Christus dixerit Matth: 11. v. 12.  
*Regnum Calorū vim patitur & violenti rapiunt*  
*illud*, fit, cum tanta vis inferatur iustis, vt Vita  
 æterna illis certantibus tanquam Brauium &  
 Corona à Deo consignetur. Neq; tamē ideo  
 negamus aliquos sine lege seruata, & sine bo-  
 no Opere aliquo saluari, qui in fine credentes



& dolentis per Baptismum vel Potestatem illam Joh. 20. expressam (*quorum remiseritis Peccata &c.*) Christo verè reconciliati statim extinguuntur; siue illi sint Infantes, siue etiam adulti pio Latroni similes Luc. 23. v. 43. Quia Salus illis non vt Brauium seu Corona; sed tantùm vt Gratia seu Hæreditas obtingit.

## XIX.

Et hanc veram & certissimam Doctrinam esse probant omnia antiquorum Patrum & totius veræ Ecclesiæ primitivæ errare nesciæ clarissima Testimonia cap. 1. in hunc Finem à nobis adducta. Probat 2. infinita Scripturæ Loca clarissima è quibus hæc pauca sufficiet adferre.

1. *Corde enim creditur ad iustitiam, ore autem confessio fit ad Salutem.* Rom: 10. v. 10 Vbi Apostolus non solum Fidem, sed etiam Professionem Fidei, (quæ utiq; heroicum est fortitudinis & pietatis opus) *ad Salutem* absolutè necessariam clarissimè affirmat. quod telum vt euitet Brochmannus, Textum non intorquet tantùm, sed penitus immutat. Ait enim 1. Ex Hunnio, non debere legi: *Confessio fit ad Salutem*: sed *Confessio fit Salutis*. 2. Ait, ex Illyricano quodam, fieri *Confessionem ad Salutem* non quidem constituendam aut promerendam: sed

ad eam

ad eam publicè coram hominibus declarandam quasi diceret: *de Salute Verum utrumq;* penitus ineptè. Nam Antithesis Apostoli in utroq; exigit paritatem. Sicut enim *Corde creditur non de Iustitiâ, sed ad iustitiam: sic ore confessio fit, non de Salute, vel Salutis: sed ad Salutem.* Et præterea versionem Adversariorum, Apostolo repugnare, clarè patet ex voce enim quæ præcedentium dat causam, cui nempè dixerit: *Si confitearis in ore tuo Jesum Dominum & in Corde tuo credideris saluus fies,* cuius sui dicti Apostolus mox causam reddens subdit: *Corde enim creditur ad iustitiam, ore autem confessio fit ad Salutem,* inde rectè sequitur: *Si corde credideris & ore confitearis saluus eris,* patet ergo tam in antecedente quàm in consequente non solum Fidei sed ejusdem etiam professioni tribui, ipsamq; æquè ac Fidem saluare, & necessariam esse.

2. *Si non dimiseritis hominibus nec Pater vester dimittet vobis peccata vestra.* Matth. 6. v. 14.

3. *Si vis ad vitam ingredi serua mandata.* Matth. 19. v. 17. 18.

4. *Rectè respondisti, hoc fac & viues.* Luc. 10. v. 25. Legem dilectionis inculcabat Christus jurisperito.

*Si hæc*



*Si hæc scitis beati eritis si feceritis ea. Joh. 13. v. 17.*

*Cum metu & tremore vestram Salutem cooperamini. Phil. 2. v. 12.*

*Vos amici mei estis, si feceritis quæ ego præcipio vobis. Joh. 15. v. 14.*

*Si enim secundum Carnem vixeritis moriemini, si autem secundum Spiritum facta Carnis mortificaveritis, vivetis. Rom: 8. v. 13.*

*Si sustinebimus & conregnabimus, si negaverimus & ille negabit nos. 2. Timoth. 2. v. 12. & aliis innumeris in Locis. Quæ opera non tantum necessitate mandati, præsentia, charitatis erga proximum &c: sed etiam propter intrinsecam eorum efficaciam & operationem esse necessaria, constabit ex iis, quæ superiore demonstratione diximus. Cum enim ibidem probaverimus opera coëfficere Salutem; & hinc ostenderimus, opera necessaria esse ad Salutem, manifestè sequitur opera necessario debere intrinsecè cooperari ad Salutem. Omitto alia Spiritus Sancti Elogia, quibus adstruitur bonorum Operum necessitas, & docetur solam Fidem non sufficere. Id ipsum clarè probant: Non omnis qui*

*dicit*

*dicat mihi Domine Domine intrabit in Regnum Celorum: sed qui facit Voluntatem Patris mei qui in Celis est, ipse intrabit in Regnum Celorum Matth: 7. v. 21. Quid proderit Fratres mei, si Fidem quis dicat se habere, Opera autem non habeat? nunquid poterit Fides saluare eum? Jacob. 2. v. 14. Nunquid ergo necessariò opera cooperari debent ad Salutem.*

## CAPUT IV.

*Solvitur Obiectio communis Aduersariorum De Meritis & Satisfactione Christi.*

**S**olent Aduersarii Catholicos Operibus suis bonis meritum attribuentes graui calumniâ onerare, quasi affirmarent Christum non pro omnibus peccatis nostris esse passum neq; plenè satisfecisse; aut certè injuriam illi facere, salutem suis operibus tribuendo, quam ipse Christus plenè & abundè nobis per mortem ac passionem suam est promeritus. Vnde contra nos sic argumentantur: Vel Christus abundè per mortem suam pro nobis satisfecit vel non. Si non; manifestè Scripturis omnibus Catholici aduersantur, quæ innumeris in Locis hanc plenariam Christi Satisfacti-

XX.



onem dilerte attestantur. Si satisfecerit; male & omninò frustra Catholici affirmant Opera nostra bona absolutè necessaria esse, ad Salutem.

## XXI.

Ad quam gravissimam, vt ipsi asserunt, Instantiam dupliciter respondeo. Ac 1. Argumentum sic retorqueo: Si Christus pro omnibus & singulis hominibus, pro quibusvis etiam peccatis, plenè & abundè satisfecerit, & omnimodam Salutem sit promeritus, vt certum est: cur ergo non omnes Homines Turcæ, Judæi, Hæretici, Gentiles salui sunt? Respondent ipsi: Licet pro omnibus abundè satisfactum sit & omnibus Christus promeruerit Salutem, non tamen inde sequi omnes saluari oportere. Necesse enim est, vt per media à Deo ordinata Pasionis ac Meritorum Christi voluntariè participes se faciant. Medium autem illud est, *sola Fides*, per quam omnia sibi Merita Christi applicare, & Pasionem ac Mortem ejus, vtilem sibi facere necesse est. Per solam enim Fidem, Christi meritorum ac Remissionis Peccatorum omnium, participes effici-mur.

## XXII.

Si ita est: sic inferre possem: Ergo non omnem ac plenariam Salutem operata nobis sunt sola Christi Merita, aut certè si operata sunt; ergo Fides illa non est necessaria. Sed

ulterius sic vrgeo: Si ergo solis Christi Meritis Fide apprehensis, & sibi applicatis, Salutem omnem suam seriò attribuunt, eamq; sic abundè sufficere ad Salutem credunt; vt quid ergo necessarius est baptismus? certè si per Christi merita fide nobis applicata, omnia omnino peccata nobis remittantur, nihil supererit, quod per Baptismum remitti possit, & consequenter Baptismus nullo modo erit necessarius. Et è contra, si per Baptismum in Paruulis Originale; in adultis omnia etiam alia Peccata remittantur, (vt est certum) manifestè sequitur solam Fidem Christi Merita sibi applicantem ad Salutem non sufficere: neq; Christum ita Salutem nobis operatum esse, vt non sint etiam alia ad illam necessaria ex nostrâ parte media. Præterea cur nunc Brochmannus, aliiq; Lutherani, vt supra dictum est, in homine iusto bona Opera requirunt, sine quibus eum tanquam Arborem inutilem excindendum & in ignem mittendum esse asserunt? Si Christi Merita per Fidem & Baptismum applicata sufficiant in adultis, ad Salutem, cur tamen sine operibus excidentur & in ignem æternum mittentur? hic fateantur necesse est, vel Deum neq; sincerè neq; iustè nobiscum agere; vel certè se falsissima docere.

XXIII.

Verùm ne dicant Aduersarii per istos eorum errores effugium quærere nos velle,  
quo minus



quo minus respondeamus objectioni antea  
propositæ videlicet; cur, si credamus Chri-  
stum abundè satisfecisse pro nobis, in super  
adhuc dicamus ex nostra parte Orationes,  
sacrificia Missæ, jejunia, eleemosynas aliadq;  
bona Opera ad Salutem esse necessaria.  
Quid Catholici sentiant & quam hujus do-  
ctrinæ rationem assignent breuiter & clarè  
explicandum est.

Respondeo ergo 2. & coram vniuerso  
Mundo *protestor ac profiteor* veram & con-  
stantem Ecclesiæ Catholicæ, omniumq; Ca-  
tholicorum Doctrinam ex Scripturis & A-  
postolis hucusq; sine interruptione dedu-  
ctam & nobis traditam hanc semper fuisse  
& etiam num esse; Christum solum Re-  
demptorem nostrum & nullum alium,  
Operibus suis, Passione & amarissimâ mor-  
te plenè, perfectè, & abundè satisfecisse  
pro peccato originali, & actuali, omniq;  
alio possibili patrato aut patrando; pro o-  
mnibus etiam hominibus, natis aut nasci-  
turus; adeò, vt hæc satisfactio non solum  
pro his omnibus sufficiens, sed etiam abun-  
dans & longissimè excedens sit, adeoq; i-  
plum solum, & non nos homines salutem  
nostram operatos esse, vel operari posse.  
Quod ergo per opera nostra bona affirma-  
mus, remissionem peccatorum nos etiam  
certò impetrare posse, & de facto impetrare;  
non

DE MERITO BONOR. OPER.

non inde fit, nec ita, quasi de facto & modo  
tantum eam ipſemet nos, & non Chriſtus  
ante promeruerit, (ipſe enim, vt ſapè di-  
ctum eſt, illam dudum ante in Ligno Crucis  
impetrauit & promeruit) ſed quòd nunc  
primò illa Chriſti Merita, diramq; Paſſi-  
onem per Opera bona tanquam media ad  
hoc à Deo ordinata nobis applicemus, ejuſq;  
mortis nos participes faciamus. Atq; ita  
ſi quis vult ſaluus fieri, necesse eſt, vt veram  
Fidem habeat, non quod per veram illam  
Fidem de nouo Peccatorum remiſſionem,  
& ſalutem æternam impetret, ac mereatur,  
(hanc enim Chriſtus jam dudum antea nobis  
eſt promeritus,) ſed quòd ejus remiſſionis  
à Chriſto dudum impetratæ nos participes  
efficiamus. Chriſtus quoq; pro Peccato ori-  
ginali abundè ſatiſfecit: tamen vt ejus ſa-  
tiſfactionis participes efficiamur, neceſſari-  
us eſt Baptiſmus, non vt aliquid novi per  
Baptiſmum nobis impetremus aut merca-  
mur, quod Chriſtus ante non impetrauit  
aut eſt meritus: ſed quia per Baptiſmum  
Chriſti mortem & impetratam in Cruce  
Remiſſionem applicare nobis debeamus.  
Chriſtus quidem pro peccatis omnibus eti-  
am poſt Baptiſmum perpetratis luculenter  
ſatiſfecit: nihilo tamen minùs, ſi ab iis quæ  
poſt Baptiſmum ſunt commiſſa, nos veli-  
mus expurgatos; pœnitentia eſt neceſſaria,



per quam demum Christi meritorum participes efficimur. Illustro rem exemplo: In Foro Vratislaviensi luculentus Fons scaturiat, qui tam copiosam aquam omnibus qui in Ciuitate sunt, præbere possit, vt eam necesse non sit emere, aut alium Fontem effodere. Vt tamen Cuius quispiam eâ gaudeat, debet adhibere media, quibus eam seu per Vascula, seu per Canalem in domum suam ad quotidianos vsus inferat. Fons ille, merita sunt Christi; Vascula vel Canales Fides, Baptismus, & Pœnitentia. & quemadmodum per ista, meritorum Christi efficimur participes, non promerendo nouum aliquid quod antea Christus promeritus non sit: Eâdem omninò ratione, per alia bona opera, Eleemosynam, Orationem, Missæ Sacrificium, Patientiam aliaq; plurima etiam Remissionem peccatorum impetramus, non noui quidpiam quod Christus antea promeritus non sit, impetrando, sed ejus merita per hæc opera nobis saltem applicando, ad eorum remissionem peccatorum, quibus remittendis, media hæc seu opera proportionata & ordinata fuerint. Et hoc quidem modo Christum abundè pro nobis satisfecisse dicimus, satisfactionem autem illam per opera nostra nobis applicari, affirmamus. Manet ergo & æternum manebit verum.

2. Non solum Christi Satisfactionem  
ad Sa.

ad Salutem esse necessariam: sed præterea etiam nostra Opera requiri per Dei Gratiâ facta, vt ea nobis applicetur.

2. Nullam per hanc Doctrinam Christo fieri injuriam, imò potiùs honorem exhiberi, quòd per opera gratiâ ipsius facta, sicut ipsemet mandauit, ita merita ipsius & satisfactionem nobis applicemus. Merita enim nostra seu Operum nostrorum, cum omnem suam dignitatem à meritis Christi habeant; sit, vt in laudem & honorem Christi ea omnia redundant. Ipse enim vitis est, nos palmites. Joh. 15. v. 4. Quis ergo dicat aliquid de gloriâ Vitæ detrâhi, si palmites ipsius multum fructum adferant? imò verò quo fertiliores sunt palmites, eò magis vitis est laudanda à quâ totum succum & fertilitatem habent. Quicquid ergo laudis est in meritis nostris, hoc totum Christo est adscribendum, eoq; magis est laudandus, quippe qui palmites sumus Christo tanquam Viti fertilissimæ inserti.





## CONCLUSIO

ad Lectores Wratislauienteses



Jerem. 6.9.

16.

*Tate super Vias & videte & interrogate de Semitis antiquis, quæ sit Via bona, & ambulate in eâ, & inuenietis Requiem Animabus vestris.* Sic ad

vos, amici Lectores, quicumq; vestrarum Salutem Animarum adamatis, inclamat per Jeremiam Prophetam Veritas æterna DEI. Cur ergo abjectâ Fide & Religione Majorum vestrorum à Christo & Apostolis traditâ nouos Ritûs & noua dogmata recipitis?

1. Timoth. 3.

*Vna est Columna & Firmamentum Veritatis Ecclesia Catholica, & ne in dubium vocari posset, quænam illa sit, Idæam ejus dedimus quæ primis Apostolorum & immediatè succedentium Seculis Sanctorum floruit, quam cum veram & infallibilem Ecclesiam fuisse, non inuiti affirmetis, fateamini quoq; est necesse, si ab eâ vel latum quidem Vnguem recedatis, à verâ vos Ecclesiâ recedere, & nullo modo Vestigiis Majorum inhærere. Nunc autem cum per 12. Demonstrationes perspicuè ostenderim, quantum à Sententiâ & Doctrinâ veteris Ecclesiæ distetis, clarum est vos à Majorum Vestigiis & verâ Ecclesiâ deflectere. Nam cum vna tantum possit esse Veritas, vna fides, vnum Baptisma, vnus DEus & Dominus omnium,*

Ephes. 4.

consec-

consequens est Religionem vestram Lutheranam, & omnes alias Confessiones Fidei, præter vnam Catholicam & Apostolicam, esse falsas, & auctore maligno introductas. Nulli ergo Salutem æternam consequi possibile est, qui fidem hanc vnicam non habuerit, quantumvis laudabilem Vitam duxerit, Virtutibus omnibus moralibus ornatus.

Nec vos in errorem ducat (per Salutem vestram vos Animarum rogo) quòd adhuc aliqua nimirum primaria Fidei Capita vos credere, & ideo cum Ecclesiâ Apostolicâ consentire vos putetis, existimantes sufficere ad Salutem, si in Christum, credatis & ipsum pro peccatis nostris mortuum; quamvis multa alia v. g. quæ ad Sacramenta, ad Sacrificium Ecclesiæ, & similes Christianæ Fidei Articulos spectant, non credatis.

Deplorandus enim Error iste est, qui nimis credulas vestras Mentis ad interitum deducit.

1. Quia sic omnes pœne Hæreticorum Sectæ, quas vos ipsi maximè damnatis, saluarentur. Christum enim omnes credunt (alioquin non essent Christiani, nec Hæretici sed Apostatæ) eumq; pro peccatis mortuum fatentur. Baptismum plerq; retinent, & reliquos ferè omnes Fidei Articulos,



los, quos ipsi vos pro capitalibus habetis, credunt. Salui itaq; essent Montanistæ, Nouatiani, Donatistæ, Sabelliani, Arriani, Macedoniani, Aëriani, Eutychiani, Monothelitæ & similes Fidei Christianæ, Pestes, non minùs à verâ Ecclesiâ, quam à Luthero ejusq; sequacibus damnatæ, quos nullo modo saluari posse luculenter Apostolus declarat; dum *hereticum Hominem, post unam vel alteram correptionem vitari jubet.*

2. Quia vobis vox Apostoli Jacobi nota est: *Quicumq; totam Legem seruauerit, offendat autem in vno, factus est omnium reus.* Cujus Rei Ratio est manifesta, quia Legislatorem ipsum, qui totam Legem tulit aspernatur & contemnit. Ita qui vnum Fidei Articulum pertinaciter repudiat, licet reliqua retineat, totius Religionis reus sit, totamq; fidem perdit. Prima enim supremâq; Fidei, Veritas est, eadem quæ omnia Fidei Capita reuelauit & per Eccle-
1. *Timoth. 3* siam Sponsam suam (*quæ est Columna & Firmamentum Veritatis*) nobis proposuit credenda: qui ergo obstinatè vel vnum Articulum rejecerit, Ecclesiæ Testimonio volens acquiescere, eo ipso primæ supremæq; Veritatis, quæ per Ecclesiam ceu per Interpretem Præconemq; suum loquitur, Auctoritatem rejicere censetur ac proinde totam

totam diuinam Fidem, quæ necessaria est ad Salutem rejicit & amittit.

3. Quia licet Capita quædam Fidei primaria, vt ante diximus, credatis: certum tamen est, ea vos non credere diuinam Fide, quæ soli diuinæ Auctoritati modo nobis infallibili innititur. Nam aliàs omnia eodem modo proposita, crederetis: sed humanâ tantum fide creditis, quia videlicet priuato vestro iudicio, ita credendum esse iudicatis. Certissimum enim est, sicut vera iustitia se extendit ad omnia mandata; ita vera Fides, ad omnia, quæ diuinitus reuelata sunt & tradita, extendere se debet; adeò vt illa omnia vel expressè credamus, vel parati simus credere, quæ congruo modo, vel immediatè per Christum aut Apostolos, vel per veram Christi Ecclesiam credenda nobis fuerint proposita.

At verò Ecclesiam iudicem esse Controuersiarum Fidei; Verbum DEi traditum non minus, quàm scriptum obseruandum esse; Panem & Vinum consecratum in Corpus & Sanguinem Christi transsubstantiari; & transsubstantiata extra Vsum etiam permanere; sub vnâ Specie communicare licitum fuisse, & etiamnum esse; extra veram Ecclesiam Catholicam Romanam, non esse veros Sacerdotes; inuocari posse Sanctos; dari Purgatorium; solam Fidem non iustificare, & Bona Opera



*justorum meritum habere*, congruo modo per Christum & Apostolos tradita & accepta, Ecclesia primitiua vera & Apostolica semper credidit, & huc usq; per continuam Successionem semper credita, nobis etiam proposuit credenda, vt in Superioribus Demonstrationibus clarissimè ostendimus. Ergo sequitur euidenter, non minus ad ista omnia, quàm ad ea, quæ vos præcipua Capita Religionis appellatis; Fidem vestram se extendere oportere, atq; adeò vos omnia supra dicta, prout in Ecclesiâ Catholicâ Romanâ creduntur, & traduntur, pro veris Fidei Articulis credere debere.

*Interrogate ergo de Semitis antiquis, quæ sit Via bona*, & videte quorum operâ, pietate & industriâ, hæc tam præclara tam augusta Tempia, quæ Ciuitatem hanc pulcherrimam exornant ædificata; tot in iis Aræ tot Imagines locatæ; tot sacræ Vestes, quibus nunc Pseudo-Sacerdotes vestri tanquam Exuviis alienis exornantur, sint curatæ. Et r. vos inspectis his interrogo: Majores illi vestri, qui hæc omnia curârunt, eandemne vobiscum Fidem habuerunt an diuersam? eandem certè non potuerunt habuisse, cum Fidei vestræ quam nunc habetis ante Lutherum, hoc est ante

centum & triginta Annos, fuerit incognita. Ergo si fuerit diuersa; rursus quare; cum vna tantum vera possit esse Fides, ecquam iudicatis esse veram, Majorum ne vestrorum an modernam vestram? Si Majorum Vestrorum; vestram condemnatis, & vos in Erroribus ac Tenebris versari, atq; adeo neq; saluos posse fieri profitemini. Sin contra vestram, affirmetis veram; & veterem, quam tot Seculis Majores vestri coluerunt, & fuso Sanguine saepe sunt testati, vt falsam condemnatis; perspicuum est per mille ducentos ac plures Annos veram Christi Ecclesiam concidisse, euersum fuisse Christi Regnum; euacuatas promissiones de Ecclesiâ firmatas; aduersus eam præualuisse Portas inferorum; tot sæculis Euangelium frustra prædicatum, frustra creditum, frustra tot Gentes à Paganismo conuersas, frustra Baptismum & alia Sacramenta administrata, frustra suscepta jejunia & Carnis macerationes; frustra obita tot Martyria & tot millium Sanguinem pro Christi confessione fustum. Ergo perierunt tot S.S. Patres, tot Martyrum, tot Confessorum Myriades, tot DEO devotæ Animæ, Sanctitate, Miraculis, Prophetiæ Spiritu illustres, omnes denique Majores



vestri, à quibus vos descenditis, quorum Sanguis & Viscera vos estis, æternis flammis æternum cruciandæ, traditæ, & damnatæ sunt. Omnes enim illi essentialiter diuersam sã vobis fidem ac Religionem habuerunt, vt per duodecim Demonstrationes declarauimus. Nam vt Exemplo vno rem demonstrem, innumeris aliis omisissis: Fides necessaria ad justificationem, iuxta Doctrinam vestram, est illa, quã Homo firmiter credit se esse iustum coram Deo, propter Christi Satisfactionem, quæ ipsi per hanc fidem apprehensa applicetur & imputetur. Quæ Fides cùm ante Lutherum fuerit, ignota, ipso etiam Luthero confidente & gloriante, quod veram justificationis Rationem Veteribus ignotam mundo patefecerit, nec ejus ulli Veteres Mentionem faciant; imò specialem illam Fidem, qua quis certo se credit esse iustum, omnes vt meram præsumptionem damnent. Licet enim sit credendum, ex parte sua pro nobis Christum plenissimè fecisse, satis nobis tamen non constare potest, vtrum omnia ea fecerimus, quæ ex parte nostrâ requiruntur, vt hujus Satisfactionis participes efficiamur. Certum est & evidens Majores vestros hac fide caruisse, & consequenter justificari nunquam potuisse. necesse ergo

est,

est, damnatos illos omnes æternum esse  
flammis æternis cruciandos. Bone DEUS  
quàm hoc incredibile, & blasphemum!  
quàm Orbis vniuersi & Sæculorum iudicio  
contrarium!

Frustra respondebitis eos omnes excu-  
satos per ignorantiam fuisse: frustra, in-  
quam; nam sine fide vera, sine Christi ju-  
stitiâ, sine Redemptionis Christi Partici-  
patione &c: nemo saluus esse potest: nec  
vllâ ignorantia efficitur, vt absq; illis quis-  
piam Salutem consequatur. Hæc autem  
cùm in solâ Religione vestrà credi affirma-  
tis, nunquam verò sic credita in veteri Ec-  
clesia à vestris Majoribus fuisse; nullum  
erit hic Effugium, quin impia Religionem  
vestram continere dogmata, aut certè Ma-  
jores vestros omnes nunquam saluari po-  
tuisse, sed æternum damnatos esse fatea-  
mini, & credatis. Hoc si falsum est, &  
horrendum cogitatu, qui fieri potest, vt  
Religionem vestram, ex qua tam atrociam  
clare deducuntur, non aduertatis esse fal-  
sam, aut saltem de ea non dubitetis? Si  
dubitatis; cur non operam Veritati co-  
gnoscentiæ datis, ex quâ tota vestra Salus  
est suspensa? quod vt faciatis rectius, ite-  
rum admoneo, & vos humiliter obtestor;

Inter-



*Interrogate de Semitis antiquis, quæ sit Via bona? & videte an Ecclesia primitiua, eamq; secuti Majores vestri in hac Vrbe Sanctos in Cælis gloriosos non invocaerint, eorumq; Imagines non coluerint? Non meæ tantum Demonstrationes hoc ostendent, sed & ipsa Tempia omnia in hac Urbe Deo in Sanctorum honorem dedicata; Imagines innumeræ, quibus adhuc omnes in Templis exornantur Aræ; & Inscriptiones, quibus Antiquitas ad Cælum Venerationem parietes depinxit, euidenter hoc loquentur, & Majorum vestrorum in Sanctos Venerationem demonstrabat. Quid? ideo Idololatrias fuisse judicabitis? Si ita, cur eos condemnatis quos totus Orbis Christianus, si aliàs piè sancteq; vixerint, pronuntiat saluatos esse? Si non faciatis eos Idololatriæ reos, cur eam culpam nobis nunc impingitis, qui hac in re Vestigiis Majorum inhæremus? & ita (si placet) per singulas meas Demonstrationes ambulare Mente ne grauemini, inuenieris vos ab antiquis Viis, hoc est à Verbo Dei tradito, ab Apostolis, & omnibus Ecclesiæ primitiue ac Apostolicæ Membris; à totâ deniq; Ecclesiâ verâ deflexisse; in horum Vestigiis hætenus non ambulasse, & ideo non inuenire Requiem Animabus vestris.*

Depor

Deponite ergo per Salutem vestram, vos obtestor, deponite anticipatas opiniones quasdam, quibus ut plurimum tenemini, de Idololatriâ, Superstitionibus & Abusibus Ecclesiæ Catholicæ, & hac in re falli vos posse cogitate. An enim non videtur incredibile doctissimos Sanctissimosque Viros, quales plurimos, imò innumeros Ecclesia semper habuit, hanc Idololatriam, si quæ sit, vel non vidisse, vel visam non solum non abjecisse, sed sedulò retinuisse, & coluisse? Mahumetanorum & Monomachorum hæc calumnia est; nec fuit unquam Hæreticorum Secta, (etiam in Ecclesiâ primitivâ, quam non errasse vos ipsi affirmatis) quæ infestis Animis ab Ecclesiâ verâ non discederit, & graves ei Errores non imposuerit. Hoc enim prætextu uti debent, ut jure ab Ecclesiâ recessisse videantur. Deniq; si Salutem vestram adamatis, Lumen à Deo assiduò flagitate, ut videre & cognoscere possitis, quæ vera sit Religio Fidesq; & sepositâ omni passione conceptoq; præjudicio paratos vos exhibete ad eam amplectendam. Fidem enim Donum Dei esse non ignoratis, & Vocem Domini esse scitis: *Nemo potest venire ad me, nisi Pater meus eum traxerit*, adeò ut nemo sine Patris æterni Illustratione per veram Fidem ad Christum peruenire possit; hunc

Tractum

Joan. 6.



Tractum ac Illuminationem impetrare precibus assiduis satagite, & ex intimis mendullis animi, cum Prophetâ exclamate! *Emitte Lucem tuam & Veritatem tuam, illa me deducant & adducant in Montem sanctum tuum & in Tabernacula tua. Notam fac mihi Viam in quâ ambulem, quia ad te leuavi Animam meam. Eripe me de Inimicis Salutis mee, Domine ad te confugi, doce me facere Voluntatem tuam, quia DEUS meus es tu. Addite alia, quæ Salutis desiderium, & feruor diuini Spiritûs dictabit. Orationi Eleemosynas associate, vt illud audire mereamini, quod olim pius ille Centurio Cornelius: N. N. Orationes tue & Eleemosynæ ascenderunt in memoriam in conspectu Dei, & nunc mitte Viros in Joppen, & accersi Simonem quendam, qui cognominatur Petrus, hic tibi dicet, quid te oporteat facere. Hoc voueo, animum, hoc precor, hoc te (ô Veritas æterna!) votis omnibus supplicisq; precum obsecro, quæ lux vera, Lux æterna es, tenebras Errorum discute, à pectoribus mortalium, quos sanguine tuo redemisti. Non pereat tam pretiosum opus tuum, quod tanto tibi stetit, quod laudes tibi referet æternas agnitâ Veritate. Reduc Oves quondam tuas ad Ouile tuum, vt in eo salutari Doctrinæ tuæ, & mirabili-*

CONCLUSIO.

415

um Sacramentorum pabulo refectæ, Plagis  
antiquis Diaboli sanentur, & vegetentur,  
ad æternam Vitam, in qua nobiscum,  
post momentum hujus Vitæ, gloriæ  
tuæ participes effectæ te laudent  
& glorificent in sempiter-  
num, Amen.



Index





# Index rerum memora- bilia in hac prima parte con- tentarum.

## A.

**A**braham quomodo ju-  
stificatus per Fidem f. 353  
Altare triplex à Paulo de-  
signatur. fol. 242.  
Altenburgensis Conuentus  
Discordia. fol. 61.  
Angeli saepe fuerunt innoca-  
ti. fol. 296.  
Anima resuscitatorum ad  
vitam ubi fuerint fol. 332.  
Apostoli omnia ad Salutem  
necessaria tradiderunt si-  
delibus primitiuis fol. 1.  
Apostoli vocationem suam  
per miracula probarunt.  
fol. 69.  
Apostolorum dicta, tam vera  
sunt quam scripta fol. 157.  
Apostoli dederunt Eucharis-  
tiam sub vna specie f. 218.  
Apostoli sine populi suffragio  
sacerdotes elegerunt f. 272.

Archonticorum dogma à  
Lutheranis renouatum.  
fol. 55.  
Arius damnatus à Concilio  
Nicano. fol. 99.  
Ariani errant quia sequun-  
tur literam. fol. 106.  
Ariani Traditiones rejece-  
runt fol. 165.  
Augustinus non est Auctor do-  
ctrinae de purgatorio fol. 316  
B.

**B**aptismus Hæreticorum  
declaratus validus in  
Concilio Rom. fol. 99.  
Baptizari pro mortuis quid  
sit fol. 328.  
Beroënses quare ad scriptu-  
ram remittantur fol. 116.  
Brunswicensis Lutherani à  
Lipsiensi Concordia dissen-  
tiunt. fol. 62.

## C.

**C**anonizatio Sanctorum  
est infallibilis. f. 118. 119.

Ceremonia non pertinet ad  
substantiam Sacramenti.  
fol. 52.

Charitas an sit tantum indi-  
cium Fidei viua? fol. 346

Christus vocationem suam  
miraculis probauit fol. 69.

Christus totus tam sub vnâ,  
quàm utraq; specie conti-  
netur. fol. 200.

Christus sacerdos secundum  
ordinem Melchisedech.  
fol. 235.

Christus in cœna fuit sumptus  
& victima. fol. 246.

Christus semel moriendo sa-  
tisfecit. fol. 253 400.

Christus vocauit Apostolos &  
discipulos. fol. 271.

Christus quomodo sit Medi-  
ator, & quomodo Sancti.  
fol. 305.

Christi satisfactio quomodo  
nobis applicetur. fol. 395.  
seq.

Corona vite aeternae an soli  
misericordia adscribenda  
sit. fol. 387.

Controuersia primitiua Ec-  
clesiae per Ecclesiam deesse,  
& quanam illa fol. 99.

Concilia licet ex puris homi-  
nibus constent, errare non  
possunt, & quare? fol. 121

Corona Misericordiae & Ju-  
stitiae quomodo concuro-  
rant. fol. 388.

Corporis & sanguinis Christi  
permanentia sub speciebus  
panis & vini probatur.  
fol. 182. seq.

Culpâ remissâ non remitti-  
tur semper pena tempora-  
lis. fol. 318.

Culpa leues in hac vita saepe  
non expiantur fol. 323.

Cultus Dei duplex. fol. 251.

Cultus Dei & Sanctorum di-  
uersitas ostenditur. f. 294.

## D.

**D**avid post dimissum pec-  
catum adhuc tempora-  
liter punitur. fol. 319.

David Chytraeus Discordias  
Lutheranorum fatetur.  
fol. 61.

Defuncti pro viuuis orant.  
fol. 297.



- Deus post remissam culpam Ecclesia Romana moderna  
quomodo non recordetur cum primitiua consen-  
peccati. fol. 322. sus, & Lutherana dissen-  
Deus ex Iustitia tenetur o- sus. fol. 5. 50. seq.  
peribus reddere merce- Ecclesia que credenda pro-  
dem. fol. 372. ponit, omnia eadem fide  
Dilectio iustificat. fol. 342. sunt tenenda. fol. 9.  
Discors Spiritus non potest Ecclesia vniuersa nullos na-  
esse Diuinus. fol. 59. uos habuit. fol. 11.  
Diaboli non possunt consti- Ecclesia vera ita est Visibi-  
tuere Ecclesians. fol. 81. lis, vt nunquam fuerit,  
Diuisio Hereticorum ab Ec- nec esse possit inuisibilis.  
clesia, alia est, à diuisione fol. 17.  
ne ab aliqua Heresi fol. 63  
Doctrina vera quamuis non Ecclesia perpetua Visibilitas  
noua debet etiam mira- probatur fol. 20. & seq.  
culis probari. fol. 269. Opposita Lutheranorum ar-  
Dresdensis synodus à Brentio gumenta refutantur.  
damnata. fol. 62. fol. 25. & seq.  
E. Ecclesia vera non potest de-  
ficere vel errare. fol. 31.  
Ecclesia Romana primi- Lutheranorum contraria  
tiua omnia ad salutem Doctrina refutatur. ibid.  
necessaria ab Apostolis ac- & seq. fol. 36.  
cepit. fol. 2. Ecclesia Lutherana Nota re-  
Ecclesia Romana primitiua futantur. fol. 44. & seq.  
consentientes fuerunt o- Ecclesia vera nota quales esse  
mines vera Ecclesia fol. 2. debeant. fol. 45.  
Ecclesia Romane primitiua Ecclesia Romana vera Nota  
quamdiu manserit pura recensentur fol. 48. & seq.  
iuxta Lutheranos & o- Ecclesia Romana unitas in-  
mines alios Acatolicos. ter sua membra, & cum  
fol. 3. suo Capite fol. 57. & seq.

*Ecclesia Lutherana Discordia.* fol. 59.  
*Ecclesia vera Nota, Sanctitas.* fol. 65.  
*Ecclesia Lutherana non est Sancta* fol. 67.  
*Ecclesia vera perpetuo miraculis clarere debet.* fol. 70.  
*Ecclesie sanctitas probatur ex vita Cultorum* fol. 74.  
*Ecclesia vera Nota, Catholica.* fol. 77.  
*Ecclesia vera Nota, Apostolica.* fol. 83.  
*Ecclesia est Iudex Controuersiarum fidei.* fol. 102.  
    & seq.  
*A Veteri Ecclesia ad nouam bonum argumentum ducitur.* fol. 103.  
*Extra veram Ecclesiam, saluari nemo potest.* fol. 14.  
*Elementum quomodo in omnibus Sacramentis & maxime in Eucharistia sit.* fol. 180.  
*Elementum quomodo in Eucharistia.* fol. 180.  
*Eucharistia an corrumpatur, mutetur,* fol. 180.  
    103.

*A vetera Ecclesia ad nouam tantum argumentum ducitur.* fol. 103.  
*Extra Veram Ecclesiam, saluari nemo potest* f. 14.  
*Elementum quomodo in Eucharistia.* fol. 180.  
*Episcopi semper ab Episcopis fuerunt ordinati* fol. 261.  
*Episcopulis potestas nunquam fuit apud solos sacerdotes.* fol. 284 seq.  
*Episcopi & presbyteri nominati, olim communia fuerunt.* fol. 284.  
*Epulo pro fratribus rogauit. & ex quo affectu.* fol. 298  
    299.  
*Eucharistia an corrumpatur, mutetur &c.* fol. 180.  
    181.  
*Eucharistie sumptio an sit essentialis illi Sacramento.* fol. 188.  
*Eucharistiam sub una specie sumptam fuisse in Ecclesia primitiua probatur.* fol. 195 seq.  
*Eremita Veteres in Eremita communicabant sub una specie.* fol. 196.  
    Eucha-



*Eucharistia non est Testa-  
mentum* fol. 212.

*Eucharistia sub una specie  
data fuit in Emaus* f. 215.

*Eucharistia non est frustra  
sub utraq; specie à Christo  
instituta* fol. 226.

F.

**F***ide multa sunt tenenda  
qua scripta non sunt*  
fol. 195. seq.

*Fides sine Scripturis stare  
potest.* fol. 161.

*Fides morientium in morte  
non potest iustificare* f. 324

*Fidem solam non iustificare  
docuit Ecclesia primitiva*  
fol. 336.

*Fides que per Charitatem o-  
peratur, tantum iustificat.*  
fol. 344.

*Fides quomodo per Charita-  
tem operetur.* fol. 345

*Fidei quomodo Justificatio-  
nem tribuat D. Paulus*  
fol. 350.

*Fides Abrahami non fuit so-  
la sed sperans, diligens*  
Ec. fol. 352.

*Fides non tantum, sed etiam*

*professio fidei ad Salutem  
est necessaria.* fol. 394.

*Fiducia Lutherana rejicitur*  
fol. 366.

*Quid ad Fiduciā requirant  
Lutherani.* fol. 360.

*Fiducia Lutherana tollit Sa-  
cramentum, Orationem,  
&c.* fol. 363.

*Fiducia Lutherana gignit in-  
fidelitatem.* fol. 364.

*Fiducia Lutherana nulla sit  
mentio in scripturis* f. 365.

G.

**G***elasius papa praecepit  
utriusq; specie sumptio-  
nem.* fol. 223.

*Ratio huius praecepti ibid  
Gratia non opponitur Chari-  
tati, sed Legi & Naturae.*  
fol. 354.

H.

**H***eretici non possunt pro-  
vocare à Patribus ad  
Scripturas.* fol. 8.

*Heretici à sola Ecclesia sem-  
per condemnati sunt.* f. 100

I.

**J***acobi Hoe objectiones vs-  
ria* fol. 51.

Inuiv-

Inuincibilis error substanti-  
alium fidei, non potuit esse  
in SS. Patribus. fol. 75.

Inuocatio Sanctorum proba-  
tur. fol. 288.

Inuocatio Sanctorum non  
precipitur in Ecclesia. fol. 293.

scadetur tantum ibid:  
Inuocare licet homines ut  
pro nobis orent. fol. 295.

Inuocatio Sanctorum certa  
est Trinitas. fol. 302.

Inuocationis Sanctorum cur  
Scripturae non meminerint  
expresse fol. 304.

Iudei errant, quia sequuntur  
solam litteram. fol. 306.

Judex Controuersiarum  
quis sit, probatur auctori-  
tate & praxi. fol. 95.

Judex debet ab utraq; parte  
litigantium audiri & in-  
telligi. fol. 105.

Iustificatio hominis quomo-  
do sit gratis. fol. 322.

Iustificatio non potest fieri  
per non Imputationem. fol. 325.

Iustificatio est merè gratuita  
fol. 341.

Iustificari sine merito quid  
sit. fol. 353.

L.

Laicis justè potest prohibe-  
ri calix. fol. 200.

Laicis non competit jus vo-  
candi Sacerdotes. fol. 270

Leo Papa praecepit utriusq;  
speciei sumptionem. &  
quare fol. 223.

Lipsiensis Conuentus incon-  
stantia. fol. 61.

Liturgiarum Authoritas.  
fol. 312.

Liturgia vetustissima pro-  
bant antiquitatem Missae.  
fol. 228.

Lucas Osiander discordias  
Lutheranorum recenset.  
fol. 61.

Lutherani & alii Acatolici  
cur asserant Ecclesiam ve-  
ram esse inuisibilem f. 18.

Lutheranorum in Doctrina  
Discordia. fol. 59. seq.

Lutheri multiplices errores.  
fol. 60.

Lutherani non sunt certi de  
Scriptura incorruptione.  
fol. 130.



Lutherani non sunt fide di-  
uina certi de Canone.

fol. 131.

Lutherani non sunt certi de  
legitima versione. f. 134.

Lutherani non sunt certi de  
vero scriptura sensu.

fol. 137.

Lutherani predicantes non  
sunt legitime vocati.

fol. 266.

Lutheri miracula. fol. 267.

Lutherani Ministri non sunt  
legitime ordinati, vel  
missi.

fol. 278.

Lutherani nunquam Eucha-  
ristiam sumunt, quia sa-  
cerdotibus qui hanc con-  
ficient destituti sunt f. 283.

M.

**M**acedoniani damnati à  
Concilio Constantino-  
pol.

fol. 100.

Macedoniani Traditiones  
reijciebant.

fol. 165.

Magistratus non habent jus  
vocandi Sacerdotes.

fol. 270. seq.

Malachie vaticinium de  
sacrificio Missæ. fol. 242.

Machabeorum libri sunt Ca-  
nonici.

fol. 126.

Manichæi detestabantur vi-  
nam.

fol. 222.

Marcistarum dogma à Lu-  
theranis renouatum. f. 55.

Matthias immediate fuit  
vocatus.

fol. 274.

Matthie Hoë argumenta  
refutantur.

fol. 201.

Maria soror Moysis post re-  
missum peccatum adhuc  
punitur.

fol. 320.

Mediatores etiam sunt san-  
cti, & quomodo.

fol. 303.

Melchisedech panem & vi-  
num obtulit ut sacerdos.

fol. 236.

Testantur id SS. ti Patres

fol. 239.

Merces est proportio nata  
operi.

fol. 371.

Merces datur ut pro meritis  
ex dignitate bonorum o-  
perum.

fol. 345.

Meritum quid requirat jux-  
ta Lutheranos.

fol. 378.

Miracula probant sanctita-  
tem Ecclesiæ.

fol. 69.

Missæ sacrificium probatur  
ex antiquitate f. 237. seq.

Es

Et scripturis. fol. 237. seq.  
Ex Iustificatione in nouo Te-  
stamento. fol. 246.  
Moyſes cum miraculis mit-  
titur ut probet vocatio-  
nem ſuam. fol. 69.  
Moyſes poſt remiſſum pecca-  
tum adhuc temporaliter  
punitur. fol. 318.  
Moyſes Iudex fuit Contro-  
uerſiarum in veteri lege.  
fol. 102.

N.

**N**euos non habuerunt  
ſancti Patres in Eſſen-  
tialibus fidei articulis.  
fol. 79.  
Nestorius damnatus à Ci-  
rillo & Celeſtino fol. 100.  
Non niſi particula, quid ſi-  
gnificet. fol. 355.

O.

**O**dit Abbas quando vi-  
xerit. non eſt auctor  
Purgatoriꝝ. fol. 311.  
Omnia Sacerdotis viſio. f. 300.  
Opera noſtra ſtipulis, auro,  
&c. comparantur à D.  
Paulo. fol. 330.  
Opera neceſſaria ſunt ad ſi-  
dens. fol. 356.

Opera bona meritoria aſſe-  
ruit Eccleſia primitiua.  
fol. 366.

Operibus quomodo debeat  
merces ex Juſtitia. f. 377.

Opera bona quomodo dicantur  
noſtra. fol. 378.

Opus an eſſe debeat indebi-  
tum ut ſit meritorium.  
fol. 378.

Opera juſtorum & premium  
qualem proportionem in-  
ter ſe habeant. fol. 382.

Operum bonorum neceſſitas  
ad Salutem. fol. 390.

Opera bona non poſſunt jux-  
ta Lutheranos tantum eſ-  
ſe neceſſaria neceſſitate  
mandati. fol. 391.

Ordinatio à ſolis Episcopis  
conferitur. fol. 262.

Ordinatio legitima tantum  
facit ſacerdotem. fol. 263.

Orationes ſanctorum quare  
implorentur. fol. 306.

Ordinatione legitima ca-  
rent Miniſtri Lutherani.  
fol. 263.

Origenis error à Lutheranis  
renouatus. fol. 550.



**P**anis Eucharisticus quomodo sit participatio  
fol. 178. 179.

**Participatio meritorum**  
Christi, quomodo sit in  
paruulis, quomodo in a-  
dultis. fol. 321.

**Paschatis celebrande qua-**  
estio à Victore Papa desi-  
nita fol. 99.

**Pastores quinam propriè di-**  
cantur. fol. 286.

**Patrum auctoritas quomo-**  
do à Catholicis usurpetur  
fol. 6. 7.

**Non proponitur scriptura**  
fol. ibid.

**Pelagiani Traditiones rei-**  
ciebant. fol. 165.

**Populo in Ecclesia primitiua**  
fuit vetitum eligere sa-  
cerdotes. fol. 273.

**Potestas ordinandi unde**  
cognoscatur. fol. 277. 278.

**Penitentia iustificat.** fol. 343.

**Pradicantes non possunt re-**  
mittere peccata. fol. 281.

**Præceptum nullum exstat in**  
scripturis de speciei veri-  
tatis sumptione. fol. 203.

**Procli Heretici error à Lu-**  
theranis renouatus fol. 55.  
**Pseudopropheta non faciunt**  
miracula. fol. 72.

**Purgatorij Doctrina est Ec-**  
clesia primitiua fol. 381.

R.

**R**eligiosorum diuerso ha-  
bitus & instituta, non  
pariunt diuersitatem Fi-  
dei. fol. 64.

S

**S**abelliani à Concilio Ale-  
xandrino damnati. f. 99.

**Errant, quia sequitur nu-**  
dam litteram fol. 106.

**Sacerdotes veros non habent**  
Lutherani. fol. 258. seq.

**Sacerdotes noua Legis, sem-**  
per ab Episcopis fuerunt  
ordinati. fol. 259. seq.

**Sacramenta nobis applicant**  
merita & passionem Chri-  
sti fol. 254.

**Sacrificium ut in Veteri Te-**  
stamento, sic etiam in  
Nouo necessarium est.  
fol. 251.

**Sacrificium Crucis quomo-**  
do distinguatur à sacrifi-  
cio Missæ fol. 254.

Sacrifici

*Sacrificij Missæ operatio ibid*  
*Sanctorum Inuocatio in Ec-*  
*clesia Primitina fuit vfi-*  
*tata.* fol. 288.

*Sanctorum Inuocatio pro-*  
*batur ex scripturis.* f. 293.

*Sancti an magis propende-*  
*ant ad ultionem, quam*  
*ad misericordiam.* fol. 299

*Sanctorum ob merita, Deus*  
*multa concessit homini-*  
*bus* fol. 300.

*Sancti an Mediatores dici*  
*possint.* fol. 305.

*Sancti quomodo omnia nos-*  
*se possint.* fol. 308

*Sanguinis effusio quomodo*  
*necessaria ad remissionem*  
*peccatorum.* fol. 259.

*Satisfactio in altera vitâ*  
*probat ex scripturis.*  
fol. 326.

*Scriptura certitudinem non*  
*habent Acatbolici.* f. 128.

*Satyrus frater Ambrosii. v-*  
*sus est unâ specie Eucha-*  
*ristica.* fol. 192.

*Scripturas scrutari cur à*  
*Christo iusti fuerint Ju-*  
*dei.* fol. 117.

*Scriptura incorrupta, ver-*

*sto, Canon & Sensus sunt*  
*omnibus Acatbolicis in-*  
*certa.* fol. 130. seq.

*Scriptura quomodo obscura*  
fol. 140.

*Scriptura non continet o-*  
*mnia ad Fidem necessa-*  
*ria.* fol. 163

*Serapion communicat sub*  
*una specie.* fol. 196.

*Servos inutiles quo sensu*  
*justos vocet Christus.*  
fol. 385. seq.

*Simonis Magi Dogmata*  
*ab Acatbolicis modernis*  
*renouata.* fol. 54.

*Spes iustificat.* fol. 342.

*Speciem utramq; propugnâ-*  
*tes rationes eneruantur;*  
fol. 209.

*Spiritus priuatus non po-*  
*test esse Iudex Contro-*  
*uersiarum.* fol. 108. seq.

*Spirituales homines non*  
*possunt esse Iudices infal-*  
*libiles.* fol. 114.

*Successio in vera Ecclesia*  
*ostendi debet.* fol. 84.

*Successio Doctrina & Pasto-*  
*rum in sola Ecclesia Ro-*  
*mana inueniuntur.* f. ibid.



3353  
*Successio Doctorum necessaria est in Ecclesia vera.*  
fol. 84. seq.

T.

**T**ertulliani pulcherrima  
sententia contra Mini-  
stros Lutheranos. fol. 265.

*Timor Dei iustificat* fo 342.

*Traditiones quid sint &*  
*quales.* fol. 149.

*Tradita multa sunt ab A-*  
*postolis verbo, non scri-*  
*pto.* fol. 151.

*Traditionum veritas, & ne-*  
*cessitas.* fol. 157.

*Transubstantiationis Doctri-*

*na antiquissima.* fol. 167.  
*Transubstantiatio probatur*  
*rationibus & scripturis.*  
fol. 171. seq.

V.

**V**nio hypostatica non  
datur inter Corp9 Chri-  
sti & Panem. fol. 175.

*Vnio Sacramentalis quid sit.*  
fol. 176.

*Vocatio Ordinaria & Ex-*  
*traordinaria, quae sit.*  
fol. 266.

*Vocatio immediata & me-*  
*diata quae dicatur.* f. 265.



9436

# DEMONSTRATIONES CATHOLICÆ

Quibus  
Ostenditur

## Lutheranam Ecclesiam

non esse veram Apostolicam Ecclesiam:  
quia in Essentialibus Fidei Articulis  
â vera Primitiva Ecclesia  
dissentit.

AVCTORE

R. P. IVLIO CÆSARE  
COTVRIO SOC: JESV WRA-  
TISLAVIÆ THEOLOG: MORAL:  
ET CONTROVERS: PRO-  
FESSORE.

## PARS ALTERA


2. Theff: 2. v. 15.

*State & tenere Traditiones, quas didicistis  
sive per sermonem, sive per Epistolam  
nostram.*

### N I S S Æ

Typis IOHANNIS SCHVBART,

Anno 1642.





# INDEX

## Demonstrationum, quæ in hac altera Parte conti- nentur.

- Introductio, in qua de S S. Patrum' Autho-  
rithoritate & ejusdem ad res Fideipro-  
bandas necessitate tractatur pag. 1.  
I. De Numero Sacramentorum. pag. 39  
II. De Confessione auricular: pag. 75.  
III. De discrimine Peccati Mortalis &  
Venialis. pag. 109.  
IV. De observatione Legis. pag. 131.  
V. De Operibus Supererogationis,  
seu Consiliis Evangelicis. pag. 165.  
VI. De Certitudine Iustitiæ, Perse-  
verantiæ, & æternæ salutis, pag. 190.  
VII. De Satisfactione. pag. 215.  
VIII. De Ieiunio Ecclesiastico. pag. 233.  
IX. De Cœlibatu Sacerdotum. pag. 267.  
X. De Continentia & Castitate. pag. 290.  
XI.

# INDEX.

---

XI. De Cultu ac Veneratione Sacra-  
rum Imaginum. pag. 317.

XII, De Cultu ac Veneratione Sa-  
crarum Reliquiarum. pag. 340,

XIII. De observatione Festorum. pag. 357.

Anacephaleosis totius Operis.

Catalogus temporis ac ætatis S S. Pa-  
trum ac Conciliorum Ecclesiæ  
Primitivæ.



DEDI





Reverend<sup>mo</sup>: ac Perillustri Domino  
Domino

**PETRO GEBAYER,**

â Dûrgay, SS. Theologiæ Doctori,  
Cathedralis Ecclesiæ S. Ioannis, Wratislav  
viæ Archidiacono. Prælato, Canonico, Se  
niori, Administratori, Protonotario  
Apostolico &c.

DOMINO COLENDISSIMO.

**G**RATITUDINEM QUON  
dam alatam finxere Poëtae  
Reverendissime Prælate, vt ad re  
fundendas Mecenatibus gratias  
pernicibus aliis volandum ostenderent; & nullas  
interijci moras debere, quin statim se debiti ne  
xu mens ingenua liberare nitatur. Nihil enim  
ingenuum animum magis commendat, quam cum  
& beneficium acceptum agnoscit, & gratas be  
neficio vices, referre laborat. Verum quod non  
nunquam

## DEDICATIO,

nunquam evenire videmus, ut se librare conan-  
tem ad summa fastigia mentem, pedibus alliga-  
ta pauperies, ad ima, veluti pondere, deprimat;  
Ita mihi quoq; nunc contigit, quæ debitas grati-  
as Tibi referre volentem; partim tenuitas pro-  
pria; partim occasio mihi semper noverca cobi-  
buit, & nequidquam sat agentem erumpere, invi-  
tum, quasi saxo, depressit. Donec tandem factus  
hic parvus lucem aspicere gestiens, mihi se con-  
modum obtulit, qui ad Tuas manus volaret, pete-  
retq; supplicibus votis, ut tali eum dexterâ &  
mente suscipias, quali beneficium Auctori suo con-  
ferre dignatus es. Et licet is modò status sit tem-  
porum, ut tenuis iste Libellus circumstrepentium  
hostium lingvis & calamis undiq; lacescit, pa-  
trocinio Tuo, potius egere censendus sit, quam ve-  
referendis gratiis munus esse possit accommodum;  
nihilominus divini numinis memor, quod sæpè  
preces mortalium, & in gratitudinis vices ac-  
ceptat, & easdem etiam patrocinio suo propu-  
gnat; non hesit ambiguus, quin tanquam grati-  
tudinis munus, Patrono suo se sisteret; & tan-  
quam Patrocinij indigus, ab eodem Tutelam re-  
posceret. Quod igitur à Te potissimum defendi volu-  
erit; hoc meriti Tui est; quod autem à me Tibi offer-  
ri debu-



## DEDICATIO.

*debuerit, obligationis est mea. Quantum enim  
 Virtutis, Eruditionis,, Prudentia, ac Liberalita-  
 tus Tue, de Religione, de Templis, de Aris, de Mu-  
 sis, de Patria, totaq; Provincia, deq; bonis omnibus  
 meritum sit; non est quod exiguâ pagellâ com-  
 plecti laborem; testatur id vniversa Silesia, &  
 idem ad posteros annalium monumenta produ-  
 cent: Scimus namq; ingentem animum Tuum,,  
 cum jam vix excessisset ephebos, his angustis na-  
 talis soli limitibus non potuisse constringi; sed  
 externas atq; longinquas circumspexisse Provin-  
 cias, ut Artium bonarum commercia quæreretur,  
 & commeatum Sapientia dives, ea referret in  
 Patriam, quæ in emolumentum commune Silesia,  
 luculento fœnore effunderet. Romam igitur ter-  
 rarum principem Urbem petisti, ut ex hac Or-  
 bis Christiani clarissima luce, lucem acciperes  
 quâ praluceres Germaniæ, & Lux ipsa Sile-  
 sia fores. Stadium Philosophici tui cursus ibidem e-  
 mensus, in vastum Theologiae mare te conijcis,  
 perq; illud tam difficile pelagus, adeò prosperâ na-  
 vigatione dirigis puppim, ut ad portum appulso  
 celeuma Tibi acclamârit Perusium, ac Te Romæ  
 vocatum Urbs ista suo sinu complexa, Doctorali  
 Lauro coronarit Victorem, At cum Tibi non  
 sola*

## DEDICATIO,

*sola poluisset Eruditio mentem, sed etiam Tuo in ore, sibi domicilium Suada locasset; in omnem aleam felix, ibi dicendi tyrocinum inchoas, ubi alij finiunt. Tanta enim jam tunc Tua fuit dicendi Majestas, tanta lingua facundia, ut cum Helvetios, vetustissimam Gentem, & Principum satellitio fidam multos per annos in splendore dignitatis Romanae, Germanâ Eloquentiâ instituissem atq; formassem; Ipsemet etiam PAVLVS V. Pontifex Maximus, & Purpurati Senatus Eminentissimi Principes, audire Te Romanè perorantem voluerint, auditum laudare debuerint, & ingenuè agnoscere Oratorem Te esse, qui aquare possit Germaniam, Roma. Vnde non immeritò fuit ejusdem Pontificis, in Te summo cum honore profusa benignitas. Namq; in Sacro Inquisitionis Concilio, Te imprimis Pœnitentiarij, ut vocant, decoravit Officio; & optimam Placentina Ecclesia Tibi Sacerdotium contulit. Sed dum alijs places, non placuit Tibi Placentia; & quod insanâ prope ambitione, atq; anbelant, Tu solus repudias, neq; permittis, hac escâ Tibi adhamari Italiam, qui in Salutem & ornamentum Germania genitus eras. Quocirca jam amplo satis Eruditionis atq; facundie com-  
meatu*



## DEDICATIO,

*meatu instructus, dum ex illâ terrarum Orbis  
 speculâ Româ, in longinquam Germaniam conj-  
 cis Oculos, amplexus Tibi parantem, & quem in-  
 vita dimiserat, revocantem benignè, vides Sile-  
 siam Tuam. Ideoq; nec ratus longiores moras  
 trahendas, cum Tua virtus inescari non posset  
 delitijs blandientis Italia, reditum, paras;  
 quem Tibi gloriosissimum fecit, eadem PAVL-  
 V. Pontificis Maximi, ex merito Tuo summè pro-  
 pensa benignitas, quid enim ille? quod vix ul-  
 li, vel admodum paucis præstitisse compertum  
 est. Animi Tui præclarissimas dotes ad Rudol-  
 phum II. Invidiosissimum Casarem, testibus litte-  
 ris comitari dignatus est; Ut dum Virtutes Tu-  
 as Principi tanto præsens commendare non pos-  
 set, id scripto suæ mentis interprete, faceret ab-  
 sens; tantò perenniùs, quantò verbis temerè in  
 aëra emissis, & fluxis, ea quæ Stylo forman-  
 tur, antestant. Quod gravissimum, supremi  
 Catholice Ecclesie Principis, & Christi in terris  
 Vicarij Testimonium, non attinet verbis attolle-  
 re: Satis hoc unum ad gloriam Tuam, sum-  
 mam censendum est, ab Orbis Oraculo, Te fu-  
 isse laudatum, & summo Terrarum Monarcha  
 fuisse laudatum, cui displicere non potuit, quem  
 tam*

## DEDICATIO,

*nam laudata Virtus ornavit. Hoc igitur encomio publico felix, congestas animo dotes è divite cornu tandem effundis in charissimam Silesiam Tuam. Quid enim enarrem præstantem oris facundiam, quâ ex Metropolitana D. Ioannis Ecclesie pulpito tribus integris lustris ad Concionem dicendo, extirpasti flagitia, inseruisti Virtutes, revocasti à fidei erroribus devios, mentibus deterxisti caliginem, & lumine Veritatis illustrasti, retinuisti labentes, & dubios stabilivisti, Denique non universam tantum Silesiam, Eloquentiæ Tui gratissimus sonus iste pervasit, sed & exterarum etiam clarissimas Urbes fructu, non impare recreavit: Sapius quidem FERDINANDUS II. Augustissimus Caesar, audire Te voluit, sed tamen cum id sapius non pateretur occasio, in corona Germaniæ Procerum bis tantum auditum, perpetuo prosecutus encomio est. Quid dicam de Legationibus Tuis, quibus præcipuis Orbis Christiani Provinciis, atque Principibus, Tua Virtus innotuit? Romam imprimis appello, quæ in arduis maximisque negotiis, & à Venerabili Capitulo semel, & iterum à Ioanne Antislite, pro Synodi Confirmatione Legatum complexa est: Et toties per Industriam, Prudentiamque*



## DEDICATIO.

*tiāq; Tuam, rebus ex animi voto confectis, lau-  
 datum remisit. Ipsi Silesia status ac Principes,  
 quibus perspecta fuit sagacitas Tua, iteratā vi-  
 ce Te potissimum elegerunt, qui coram Impera-  
 tore Romano, in splendore totius Germaniæ, hoc  
 est, in Augustissimis Imperij Comitijis, de salu-  
 te Patriæ, & emolumentis Silesiæ publicis ageres:  
 quam eandem ob causam, à Statibus Catholico-  
 rum etiam semel delectus fuisti. Quid? quod  
 non solum Venerabile Capitulum, sed alias etiam  
 implemet Invictissimus Caesar, Industriā & Pruden-  
 tiā Tuā voluerit uti, cum Te ad Serenissimum  
 Poloniæ Regem, & Procures Regni legavit, & ea  
 Sagacitati Tuæ commisit, quæ confici potuissent,  
 ab alio nemine, nisi quem comitata fuisset, Vir-  
 tus & felicitas Tua. In his omnibus enim illa  
 est semper Prudentiam Tuam secuta Fortuna,  
 ut quod de fortissimo Ionatha, David: Sagitta  
 Ionathæ nunquam reversa est retrorsum,  
 hoc de Legationibus Tuis asseri possit, nunquam  
 repulsis, nunquam frustraneis; sed semper ad fi-  
 nem ex voto perductis & assecutis optata, sem-  
 per ambarum partium plausu, & approbatione  
 laudatis. attonuit enim omnes Authoritas Tua  
 Prudentia cepit, facundia flexit, animi genero-  
 sitas*

## DEDICATIO,

*scias fregit, Hac à me non oratoriè dici, sed  
 Virtuti Tua meritò dari, non ambiget qui volu-  
 erit cogitatione pervoluere, quibus illa Pontifi-  
 cis Maximi, Caesarum, Regum, & aliorum Ger-  
 mania Principum, qui Te Legatum viderunt,  
 corroborata testimonijs fuerit, quibus omnium  
 dilaudata praconijs, decorata muneribus & di-  
 gnitatibus, facta conspicua. Omitto amplissima  
 munia & officia Tua, augusta Sacerdotia, Prae-  
 laturas, Archidiaconi munus, & Administrato-  
 ris indefatigabiles curas, & alia plura quibus in-  
 senescis feliciter, taceo magnitudinem Animi &  
 Constantiam Tuam, qua Venerabilis Capituli  
 Tui saepe fuisti, & etiamnum es, Murus & Colu-  
 men. Plura de zelo Tuo, deq; saluberrimis per  
 universam Silesiam, Ecclesiarum visitationib; per  
 Te institutis, peractisq; feliciter commemoran-  
 da nunc forent, nisi memor essem, Epistolam,  
 non Orationem me texere, & ea scirem esse  
 nunc tempora, quibus sine adulationis suspicio-  
 ne, neq; Virtus laudari, neq; dici Veritas possit.  
 Unum hoc satis est propositio meo, per Compen-  
 dium ostendisse Germaniae, talem esse dignitatem  
 Tuam, Virtutem & meritum, ut meus iste Li-  
 bellus Tuo Patrocinio tutus, non habeat, quod la-  
 tratus*



## DEDICATIO

*status circumstrepentium hostium metuat.*

*Porro quod me ad hunc Tibi dedicandum Laborem, Obligatio mea compulerit, ignorare non poterit, quisquis animi magnitudinem Tui, cum admiranda liberalitate conjunctam, mente pervoluerit & spectaverit oculis, hoc potissimum tempore, quo profligata, è Provincijs pace, Pietate, Iustitiâq; proscriptis, & non avaria publica tantum, sed & facultates privatas, non tam exhauriente, quam depredante militari licentiâ, & solitudinem vastitatemq; inducente, Domibus, Oppidis, Agris, Urbibus, Templis & Aris: Nihilominus inter hæc omnia, & insuper inter privatas Tuas calamitates, atq; ruinas, Animi præstantia Tui maximè enituit: Dum non, ut alij quidam, qui in paucos secutura Vita dies solliciti, Opes conglomerant, & patrum ingenuâ parsimoniâ congerunt aurum, prodigos, aut forsan ignotos locupletaturi Nepotes: Sed in æternitatem futuram Oculos providentia Tua collimans, Dispergis & donas pauperibus, ut Iustitia Tua maneat in sæculum sæculi. Domum enim VVratulavie amplam & commodam, ingenti ære coemptam, Musis pauper-*

## DEDICATIO.

*Pauperibus dedicas, in qua Disciplinis honestissimis Liberalium Artium, in emolumentum Silesie, & incrementum Religionis Catholicae educari, & institui iuvenes aere Tuo & sumptibus cupis, quos fortuna destituit, & paupertas innoxios pressit, Quocirca his quoque dignam animi magnitudine Tui Dotem pollicitus, simul inter superos immortalem Tibi Stationem adornas, & Nominis quoque nunquam interituram, memoriam, ad seram potestatem transmittis. Dum enim isti parietes stabunt, dum Tectum, dum trabes, dum erunt in Domo, qui Tuâ liberalitate fruuntur seri Nepotes, Silesie germana, (erunt autem DEO propitiante, aeternum) GEBALIERIANAM munificentiam, Linguis canticisq; cantantibus, semper bonos, nomenq; Tuum, laudesq; manebunt. His igitur cum Silesias Musas, meq; simul cum illis liberalitate Tua fruentem obstrinxeris: Accipe, Reverendissime Pralate, ex Domo Tuâ profectum munusculum, non tam grati animi tesseram, quam obsequij debitum. Tuum enim est, quidquid Artium bonarum hic cuditur. Tui sumus Domestici, quotquot Domum Tuam incolimus?*  
*Patere*



## DEDICATIO

*Patere igitur à Familia Tua Tibi offerri, quod  
Domestico Tibi jure debetur. Si istud tueri di-  
gnaberis, Tua Iura tueberis: in quo rerum o-  
mnium imitabere Patrem, qui quos procreat: e-  
tiam ipse defendit. Nostrum interim erit Cle-  
mentissimum DEUM supplicibus votis rogare, ut  
Tuam illam Venerandam canitiem, non tam an-  
nis quam Virtutibus nobilem, ad Gloriam tuam,  
ad augmentum Religionis Catholicae, bonorum  
solatium, malorum terrorem, ad gaudium com-  
mune Musarum, ad ornamentum Venerabilis Ca-  
pituli, deniq; ad emolumentum univ[er]sae Silesia-  
quam diutissime salvam, & incolumem servet.  
Quod ego imprimis medullitus voveo & precor.  
VVratislaviae ex Domo S. Agnetis, VIII. Kal.  
Novemb: Anno M. DC. XLII.*

**Reverendae ac Perillust: D. V<sup>oe</sup>**

**Servus in Christo.**

**JULIUS CÆSAR COTV-  
RIVS Societatis Iesu.**

# APPROBATIO.

**I**GO GREGORIUS  
SCHELITZIVS. SOC<sup>tis</sup>.  
Jesu per Bohemiam Præpo-  
situs Provincialis, Potestate ad id mi-  
hi factâ, ab Admodum R. P. N. Mu-  
tio Vitellesco, Præposito Generali. Fa-  
cultatem concedo, ut Liber qui inscri-  
bitur: *Demonstrationes Catholicae, qui-  
bus ostenditur Ecclesiam Lutheranam  
non esse Apostolicam &c. Pars Altera,*  
à P: IVLIO CÆSARE COTVRIO  
eiusdem Societatis Jesu Sacerdote con-  
scriptus



## APPROPATIO.

---

scriptus, & à quatuor Patribus Theolo-  
gis, ejusdem Societatis Jesu, lectus  
& approbatus, Typo mandetur, in quo-  
rum fidem has litteras manu meâ sub-  
scriptas, Sigilloq; Officij munitas dedi.  
Pragæ 12. Octob. Anno 1641.

*Gregorius Scbelitzius.*





# INTRODVCTIO

ad

## DEMONSTRATIONES CATHOLICAS,

in quâ

### Explicatur ratio, ob

quam in confirmandis funda-  
mentis fidei, SS. Patrum auctoritas  
adducitur, & quanti ea sit momenti  
ad conuellendas Aduersariorum  
Sectas demonstra-  
tur.



On ignoro, Christiane le- 1.

ctor, multos inueniri, qui le-  
ctis Demonstrationibus par-  
te priori euulgatis, meum  
scribendi institutum impro-

bent, & methodum in ijs obseruatam cauil-  
lentur, quasi, videlicet, vniuersam Reli-  
gionis Catholicæ doctrinam, ex solâ SS. Pa-  
trum autoritate, quam fallibilem & hu-  
manam dicunt, contendam stabilire: & co-

A

rum



rum testimonia tanquam infallibilis veritatis oracula, posthabitis S. Scripturæ certissimis effatis, pro fundamento fidei Romanæ, Catholicæ, & Apostolicæ constituam.

Quod cum absit ab intentione meâ quàm longissimè, & institutum meum scribendi, vel non rectè percipiant hujusmodi; vel certè percipere non velint; aut penitus dissimulent: existimaui pretium operæ futurum, totius hujus methodi, & instituti rationem perpaucis explanare, ut omnibus constare manifestè possit, quem in finem, & quâ ratione SS. Patrum testimonijs, & autoritatibus hîc utar; & soliditas argumenti, quod in singulis demonstrationibus à Patrum autoritate, & testimonijs formatur, omnibus euidenter pateat.

2. Certum est, dissensiones omnes, quas nunc innumeras in materiâ Religionis videmus, & deploramus; ex erroneâ, & sinistra sacrorum Codicû intelligentiâ produci. Cum enim ille sacertextus sit *firmamentum*, & *columna veritatis*, & Veritas in indivisibili consistat, fieri non potest, ut innumera, sibi aduersa, & repugnantes Bibliorum explicationes, veræ omnes sint, ac genuinæ: ergo si una tantum vera sit, omnes reliquas esse falsas, erroneas necesse est. hinc dissensiones, & rixæ; hinc hæreses, & à veritate miserrimæ secessiones,



Nam dum singulæ Religiones, imò singuli in qualibet Religione, veram ac genuinam Scripturarum intelligentiam, & consequenter exactum controuersiarum fidei iudicium sibi vendicant: Dùm singuli alios malitiôsæ cæcitas, aut ignorantia condemnant, quod claram in sacris literis explicatam veritatem non aspiciant; Fit, vt quilibet aliorum dogmata examinandi, recipiendi, vel aspernandi; Constitutiones, ritus, disciplinam, ac ordinem reformandi, abolendi, vel inuertendi sibi tribuant Authoritatem; quia videlicet ipsi soli Orthodoxam fidem, & vnicam salutis viam, in verâ Ecclesiâ, juxta rectam ac genuinam Scripturarum intelligentiam se tenere arbitrantur.

Cujus judicij futilitatem licet in Lutheranis Calvinistæ, in his è contra Lutherani, in vtriusq; Anabaptistæ & Sociniani, & ita singuli in alijs faciliè conspiciant, rideant, & aspernentur; omnes tamen in seipsis agnoscere recusant, & præconcepitis opinionibus mordicus adherentes, nec non Romanæ Catholicæ Ecclesiæ contradicendi Spiritu quodam stimulati, id quod maximè in quæstione est, pro confesso sumunt, & supponunt: se nempe solos Verbum DEI scriptum legitimè explicare, & intelligere, alios omnes grauissimè errare, vel cæcutire.



3.

Si verò quis illos penitiùs interroget, vndè illis certum sit, se verum ac genuinum sensum habere Scripturarum? respondent primò quidam: id nullum latere posse, qui noscat literas, eò quod Scripturarum sensus adeò clarus, & apertus sit, vt cuiq; legenti, etiam puero, patere possit. Sed si ita habet, cur Lutherani, Calvinistæ, Sociniani, Anabaptistæ, Schusteriani, cæteri q; sacrum textum non eodem modo explicant, & sensum eundem colligunt? profectò si hominum viginti bonis oculis, equus quispiam clarè, & sine impedimentis opponatur, omnes illum videre, & vt verum equum, sine vllâ controuersiâ, aut dissensione poterunt agnoscere. Ita quoq; si Scriptura adeò clara sit, vt ab omnibus intelligi sensus ejus possit. Cur eam non eodem modo omnes noscunt, & intelligunt? quocirca dicunt alij 2. quendam spiritum in singulis priuatum esse, quem qui habent, illos solos verum ac genuinum Scripturarum sensum penetrare.

4.

Hunc autem Spiritum apud se solos esse, Lutherani asserunt. Sed quâ fide id affirmare possunt? negabunt id profectò Calvinistæ, cæteri q; omnes, qui se ab intelligentiâ Scripturarum exclusos nolunt. Et dicant Lutherani, qui omnia sua ex scripturis dogmata manifestè demonstrari volunt.

lunt. Vbi vel vno apicè in Scriptura solis Lutheranis illum spiritum promissum, & concessum, alijs verò omnibus denegatum esse demonstrare possint? si non possunt, vt certum est, cur haberi sibi fidem volunt, tanquam si Scripturarum interpretes ipsi veri, & soli sint, & omnes alij quàm longissimè à genuino sensu deuiant?

Quod vt euadant, dicunt alij tertio: Scripturas per scripturas explicandas esse, vt quod vno in loco proponitur obscure, hoc idem S. Spiritus alibi verbis meridiano sole clarioribus exponat, sed contra; nunquid idem adiumentum; eundemq; textum habent omnes alij, tam Calvinistæ, quàm Sociniani, ceteriq; non minus ingenio pollentes, & in literis versati? Cur ergò non omnes eodem modo explicant, & ex clavis scripturarum locis sententias obscuriores exponendo eundem sensum hauriunt? Respondebit forsitan Brochmannus aliquis, quia per orationem, diligentem meditationem, aliásq; pias animi dispositiones, ad rem tam sacram, ac sanctam se non omnes æqualiter accingunt. Sed, risum teneatis amici, inquit Calvinistæ. Ergonè omnem pietatem, orationem, piam meditationem, ceterásq; animi dispositiones ita sibi assumpserunt soli Lutherani, vt nihil alijs reliquerint? nunquid eadem

5.



dem omnia, forsan etiam longè sanctiora possunt adhibere media, vel etiam adhibent de facto Calvinistæ, cæteriꝫ omnes, quibus intelligentia scripturarū cordi est?

6. Ex his igitur omnibus manifestum est, totam, & solam dissensionis, & controuersiarum, quibus omnes ab Ecclesiâ Catholicâ alieni digladiantur, causam esse, quod singuli noui quidpiam inuenire gestiant, & impatientes censurarum, suo ingenio, & iudicio præsidant, & contemnunt alienum; nullam regulam, nisi è proprio cerebro formatam, sequi velint; Argumenta per fas & nefas ex Scripturis pessimè detortis, vndiq; conquirant; non vt veritatem firment; sed vt sua tantum dogmata ex obscuro, & passionato cerebro procusa, sacro quodam pallio conuoluant, & simplici plebeculæ imponant; Deniq; quia spiritu superbiæ tumescunt, ideò contendunt, tantum nè victi videantur.

7. At longè disparem Scripturæ interpretandi rationem tenent omnes Ecclesiæ veræ, & Catholicæ Doctores, & obediētes filij: Hi enim cum ingenio, memoriâ, iudicio, sanctitate, diligentia, eruditione, sacrarum literarum, & linguarum peritiâ, non dico pares tantum, sed & omnibus, qui vnquam ab Ecclesiâ Romana secesserunt, longè sint superiores. ( vt ex innumeris eorum

rum voluminibus, & scriptis subtilissimis, & deniq; totius terrarum orbis testimonio manifestum est) in materiâ tamen Religionis, ac articulis fidei essentialibus, nec non verâ, genuinâq; scripturarum intelligentiâ, suo ingenio ac proprio iudicio non fidunt, non ignari se falli, ac errare posse; Sed veræ Christi Ecclesiæ, ac Sponsæ se subiiciunt; ejus Doctrinam, & sententiam sequuntur: penes quam cum certam esse credant Authoritatem, & ab assistente S. Spiritu infallibilem Scripturæ interpretandi potestatem; fit, vt & ipsi eidem explicationi inhærentes errare nequeant; Vnanimiter conueniant; cunctam de veritate dubitationem excludant; & alios omnes ab Ecclesiæ veræ sententiâ, & explicatione recedentes, pro erroneis, deceptis, illusis, etiam rebellibus, ac cæcis habeant. Hinc tanta inter Catholicos in fidei articulis, & scripturarum intelligentia concordia, ac vnio animorum reperitur, quantam inter ejus aduersarios inuenire est, discordiam, & dissensionem.

Sed dicent Aduersarii, etiam se, veræ  
Ecclesiæ, & Christi Sponsæ autoritatem,  
& explicationem sequi. Nam dum ipsi  
met sacræ Scripturæ tenaciter adhærent,  
consequenter etiam veram Ecclesiam se-  
quuntur, quæ in vero scripturarum sensu  
nunquam



nunquam falli, vel errare potest, nec à scripturis vsquam recedit; atq; ita tam certi de vero sensu ipsi esse possunt, quàm Catholici, qui Ecclesiam sequuntur.

Verùm supponunt, quod in quæstione est, videlicet se genuinum, ac verum sensum habere scripturarum, de quo vel maximè disputatur, ipsis hoc agentibus, aliis verò cunctis id negantibus. Cùm enim Lutherani, inde Catholici in scripturarum interpretatione quam maximè dissideant, alio modo controuersia tota dirimenda est, videlicet, vt aliqua statuatur infallibilis *Idæa*, quæ fatente vtrâq; parte dissidente, in fidei substantiâ non errauit, cum quâ tam Catholica, quàm Lutherana scripturarum explicatio componi, & conferri possit; vnde fiet, vt quæ cum tali *Idæa* maximè conueniet, ea verior & certior explicatio scripturarum censeatur. Sicuti, si varij pictores *Cæsaris* imagine coloribus expressa inter sese decertarent, eccujus inter omnes perfectissimè *Cæsaris* effigiem exprimeret? ad litem illam componendam omnium iudicio necesse foret, singulas imagines cum ipso Prototypo conferre, vt quæ maximè cum eo conueniat, palmam similitudinis reporter. Ita Catholicos inter Lutheranos, sectariosq; reliquos, aliquid statuendum, & vtriûsq; partis assensu certum, & infallibile,

bile, cum quo & doctrinam suam, & quam pro vera tenent, scripturarum interpretationem omnes conferant, & componant. Idæa autem talis esse debet; doctrina & interpretatio, quam in scripturas Ecclesia primitiua dedit. Cùm enim tam Catholicorum, quàm Aduersariorum omnium iudicio certum, & exploratum sit, Apostolicam seu primitiuam Ecclesiam in Essentialibus fidei articulis, & qui ad illam pertinet scripturarum genuino sensu proferendo, non errasse; certum quoque, & exploratum esse debet, eam explicationem, & sensum, qui nunc cum illo veteri ac primitiuo maximè consentiens, imò idè est, verū ac genuinū scripturarū sensum, omnes verò ceteros erroneos, ac falsos esse. Nunc autē, cùm Catholici probem⁹, eodē modo nos intelligere scripturas, quo eas vera primitiua & Apostolica Ecclesia intellexit, & explicuit; conficimus Ecclesiæ Catholicæ modernæ certum, & infallibilem in scripturis intelligendis esse sensum; Lutheranorum vero, ac omnium aliorum ab Ecclesiā hac Catholicā dissentientium explicationem penitus erroneam, ac falsam.

Modus autem, quo nostrum cum Ecclesiā primitiuā, & Apostolicā vnanimem consensum probamus, & ostendimus, tam certus, & exploratus est, quàm ille, quo



certò, & infallibiliter inducimur, ut credamus Euangelium Matthæi, vel Ioannis fuisse verè per Matthæum & Ioannem antiquitùs conscriptum, & ut Verbum Dei ab omnibus receptum. Nam sicuti posterius illud certò scimus, per omnes omnium rerò sæculorum Patres, qui hæc scripta Evangelica, pro genuinis eorum Auctorum scriptis, & vero Dei Verbo semper habuerunt, & ab Ecclesiâ totâ primitivâ, seu Christianitate vniuersâ, pro talibus semper habita, & credita fuisse certis, & consentientibus testimonijs confirmant; ita quoq; per eorundem Sanctorum Patrum continuata testimonia, & scripta, pro certo, & infallibiliter agnoscimus, & credimus, totam primitivam, & Apostolicam Ecclesiam sacras omnes scripturas sic semper intellexisse, & explicuisse, uti eas modo intelligit, & explicat Ecclesia Catholica Romana; & cõsequenter unũ, eundemq; esse primitivæ, & modernæ Catholicæ Ecclesiæ sensũ, & doctrinam.

II.

Quod, ut omnibus omninò conspicuum, & manifestum esset, ipsos Patres nominamus, & eorum de singulis controuersijs, ex Autographis desumpta, ad verbum testimonia producimus; non quidem, ut doctrinæ, quam in scriptis suis tradunt Patres, fidem habeamus, tanquam ab ijs sine scripturarum authoritate procusæ; sed ut credant

credant omnes Ecclesiam primitiuam, quæ  
etiam juxta Aduersarios, in Substantialibus  
non errauit, semper ita sensisse, & docuisse;  
sicut in scriptis suis eam sensisse, & docuisse  
tradunt, & testantur omnes Sancti Pa-  
tres, & alii Ecclesiæ primitivæ Coëtanei,  
qui magna pars Ecclesiæ fuerunt. Si enim  
in humanis credimus, & certò scimus Iuli-  
um Cæsarem gessisse bella, fuisse dictato-  
rem, Pompejum debellasse, aliasq; histo-  
rias gentiles, quia hæc, & similia quàm plu-  
ra posteritati Libris plurimis testata reli-  
querunt Liuius, Plutarchus, & alij Autho-  
res, quibus fidẽ derogare non nisi dementia  
censeri potest: ita quoq; in diuinis cerui  
esse possumus, & debemus, Ecclesiam pri-  
mitiuam docuisse, & sensisse dari Purgato-  
rium; Licitum esse Sanctos inuocare, e-  
osq; de facto inuocasse; sacrificasse DEO  
incrumentam hostiam; seruasse jejunium  
quadagesimale; imagines Christi, & San-  
ctorum, nec non sacras Reliquias vene-  
ratam esse &c. quæ omnia nobis esse certa  
debent, quia testes omni exceptione maio-  
res, videlicet omnes Sancti Patres diuino  
Spiritu plenissimi, nobis scriptis volumi-  
nibus, innumerisq; libris testatum relique-  
runt, ea omnia fide diuinâ credenda esse;  
tanquam ex sacris literis, & Apostolicâ do-  
ctrinâ, & traditione in Ecclesiâ primitiuâ  
semper



semper credita, & docta; quibus minorem adhibere fidem, quam Lilio, & aliis historicis profanis non nisi furiosi, & extremè dementis esse potest.

Ex illo autem, quod omnes Sancti Patres testentur Ecclesiam primitiuam Sanctos inuocasse, merita bonorum agnouisse, docuisse per fidem solam non iustificari hominem, &c. manifestum est, eam non intellexisse scripturas in eo sensu, quo nunc eam Lutherani, Sectariiq; ceteri intelligunt, & explicant, asserentes ex scripturis horum omnium falsitatem demonstrari posse. Et cum Ecclesia primitiua in Scripturarum explicatione, circa hos essentiales fidei Articulos, ex Aduersariorum omnium confessione non errauerit, ut ante dictum est; necessariò sequi debet omnes Aduersarios ab explicatione Ecclesiæ primitivæ recedentes falli, & errare.

12.

Et hæc ratio est, in utroq; hoc opusculo methodi à me seruata. Adduxi enim Patres, non ut cuiquam persuadere coner, singulorum Patrum doctrinæ, ut Patrum, & Doctorum priuatorum est, standum esse; sed ut ostendam Patres omnes, qui simul copulatiuè sumpti, non poterant errare, dare testimonium primitivæ Ecclesiæ doctrinam, vnā, eandemq; esse cum ea, quam acceptam, modò per continuam successio-

nem,

nem, credit, & docet moderna Ecclesia Romana. Quod Argumentum à patrum testimoniis desumptum, cùm mirè premat Aduersarios, & eorum doctrinæ nouitatem omnium oculis clarissimè proponat, conantur quibus possunt viribus Authoritatem eleuare, & his rejectis argumenti enervare firmitatem. Quocirca, quæ contra Patres in singulis Demonstrationibus allegatos vniuersim adferunt, vel adferre possunt, quam poterimus, breuissimè refellenda iudicauimus, vt clarè constet omnibus, effugia ab illis frustra quæri, & dum solem Veritatis fugiunt, totos in tenebris versari.

## OBIECTIO PRIMA.

**P**rimò itaq; obijciunt. Author Demonstrationum non omnes, sed aliquos tantum, & illos quidem paucos, pro testibus Doctrinæ primitiue citat, ex paucorum testimoniis, qui errare potuerunt, malè infert omnes Patres, seu totam Ecclesiam primitiuam ita docuisse. Licet enim quidam Patres Pontificios errores approbauerint, non rectè tamen ex his inferre potest; omnes, seu totam Ecclesiam in iisdem conspirasse. Non enim defuerunt nonnulli Patres, qui sese opposuerunt, atq; adeò contraria scripserunt, Sed

13.





Sed respondeo præmissis pro claritate paucis, verum quidem esse, nonnullos ex Patribus interdum ab aliis dissensisse, & opiniones fouisse singulares; falsum tamen est, illos in Substantialibus fidei articulis, quibus salutis fundamentum penitus euer- ti, vel ethnica idololatria stabiliri posset, pertinaciter vnquam dissensisse. Quis enim credat Orthodoxos hos Doctores, & Ec- clesiæ primitivæ bases, sic inter sese repug- nasse, ut quidam essentialia religionis dog- mata conuellere niterentur; quidam sen- tentiam Orthodoxam propugnarent, ali- isq; in re gravissimâ salutis se opponerent, & tamen vtriq; sese inuicem pro Symmi- stis, ac veris Ecclesiæ Orthodoxæ filiis, & Iesu Christi servis fidelibus agnoscerent? ipsa profectò praxis Ecclesiæ perpetua con- trarium demonstrat. Quotiescunq; enim quispiam insurgeret, qui fundamentalem aliquem errorem disseminare niteretur, quo substantialis fidei articulus conuelli poterat, non tantum ipsi doctrinam Ortho- doxam constantissimè retinuerunt, & ean- dem animosè propugnârunt, sed magnâ e- tiam alacritate, & zelo corruptelas omnes detexerunt, & quâ calamis, quâ linguis, nec non conciliis coactis impugnarunt; Ita contra Nouatianos, Arrianos, Donati- stas, Pelagianos, aliosq; factum esse ne-  
mo

me ignorat. Quomodo ergò, si quispiam Orthodoxorum Patrum errorem fidei fundamentum conuellentem docuisset, Patres alii non animaduertendo, vel certè conuiuendo, aut tacendo tolerassent? Si quidam Inuocationem Sanctorum, Imaginum, ac Reliquiarum venerationem, & alia huiusmodi pro immani idololatriâ, & Pagana superstitione habuissent; alij verò pro re piâ, Sanctâ, & Orthodoxâ defendissent, quomodo hi illos, & illi hos, pro Doctoribus Orthodoxis agnoscere, & venerari potuissent? Ideò profectò tot legimus hæreticos ab Ecclesiæ primitiuæ Patribus damnatos, quia à Doctrinâ Orthodoxâ recesserunt. Quæ censura etiam in ipsos Patres incidisset, si quidam in fidei substantiâ aliter atq; aliter docuissent. Nec I4. refert, quod ajunt Aduersarij, hæreticos primæuos non damnatos passim ab omnibus Patribus fuisse, sed à quibusdam duntaxat, aliis, vt ipsi ajunt, silentio injustam eorum oppressionem consentientibus. Licet enim non omnes Patres ex professo sese omnibus hæreticis in particulari opposuerint, nisi tamen omnes in eorum damnationem consensissent, non defuissent multi spiritu diuino pleni, qui injustè damnatos protexissent, & oppressæ veritati suppetias tulissent, neq; in re fundamenta Religio-  
nis



nis Orthodoxa conuellente Veritatis oppressionem adeò injustam suo silentio confirmassent Res exemplo declaratur: Iouinianum, Aërium, Vigilantium, &c. Epiphanius, Ambrosius, Hieronymus, Augustinus, & alij Patrum Sanctorum excommunicarunt, & in numerum hæreticorum retulerunt, quia videlicet peccata venialia, orationem pro Defunctis, cultum Reliquiarum, meritum Virginitatis, lejuniorum &c. oppugnarunt; Si quis prædictos hos hæreticos in ijs punctis rectè sentire, & Patres eos damnantes errare iudicasset (vti volunt **Aduersarij**) nullo sanè modo tacuisset, & veram Euangelij Doctrinam in illis opprimi fuisset passus. Iam verò vel vnicum ex illis omnibus, qui adhuc vsq; tempora Patrum nomine fuerunt honorati, producant **Aduersarij**, si possint, qui dictos Patres propter hanc damnationem reprehenderit, aut damnatos ab hac injuriâ, calamo vel linguâ vindicauerit? quem cum nominare nullum possint, indicio manifesto esse debet, non ab Hieronymo, Augustino, & aliis per paucis, sed ab omnibus illius, & sequentium æuorum Orthodoxis Patribus prædictorum hæreticorum doctrinam penitus damnatam, & proscriptam esse.

15.

Ex quibus facile perspectu est; Licet non omnes, sed paucos tantum aliquando Patres,

Patres, in Orthodoxæ Doctrinæ, è primitivâ Ecclesiâ desumptæ confirmationem adferam; omnium tamen instar paucos illos esse, cum in substantialibus Orthodoxæ fidei articulis tradendis null<sup>9</sup> vnquam Sanctorum Patrum, ac Doctorum illis sese opposuerit, ac proindè doctrinam eorum omnes ceteri silentio suo confirmârint, & contraria sentientes, ac docentes acriter & constanter, vbi occasio data fuit, impugnârint.

## OBIECTIO SECUNDA.

**O**bjiciunt Secundò. Præ manibus quidem scripta paucorum Patrum esse, multò fuisse plures, quorum non essent lucubrationes, qui proinde quid senserint, & docuerint, ignoratur. Atq; idcò ex paucorum Scriptis Pontificiam doctrinam approbantibus, totius Ecclesiæ primitivæ sensum colligi non posse. 16.

Sed respondeo, Objectionem istam eodem modo soluendam esse, quo superiorem soluimus. Et licet non omnium, sed paucorum Scripta pro doctrina nostra producamus, quia non omnia supersunt; tamen credibile nē cuiquam videatur, omnes illos Sanctissimos viros, & Ecclesiæ primitivæ



tiuæ columnas, quorum Scripta nunc super-  
 sunt, in omnibus Religionis veræ fun-  
 damentis penitus errasse, & ita quidem, ut  
 nullus inter ipsos fuerit, qui veram, ac ge-  
 nuinam Ecclesiæ sui temporis doctrinam  
 intellexerit, aut fideliter literis mandaue-  
 rit? Et cum passim Aduersarij linguis, &  
 calamis affirmant, in modernâ Ecclesiâ Ro-  
 manâ doctrinam impiam, blasphemam,  
 hæreticam, omnibus Scripturis repugnan-  
 tem tradi; Superstitiones Ethnicas; cul-  
 tum idololatricum; ritus Iudaicos, & Ma-  
 humetanos; incantationes Magicas doce-  
 ri, & seruari, necessariò etiam dicere debe-  
 bunt, eadem à viris illis sanctissimis esse  
 docta, cum omnem suam doctrinam, om-  
 nes ritus, & cæremonias, moderna Eccle-  
 sia Romana à Sanctis illis Ecclesiæ primiti-  
 uæ viris, per Successionem continuam acce-  
 perit, & mutuata sit. Cogentur ergò fate-  
 ri Aduersarij, viros illos omnes sanctos, &  
 ipsorummet confessione, veros Apostoli-  
 cæ Ecclesiæ Doctores, quorum Scripta præ-  
 manibus habemus, impios, blasphemos,  
 hæreticos, Scripturis Euangelicis contra-  
 rios, supersticiosos, idololatricos, Magos,  
 Iudæos, & Gentiles extitisse. Quâ blasphem-  
 iâ quid magis impium excogitari potest?  
 si passim, & sine dubitatione credimus, quæ  
 de Romanorum, Græcorum, & aliarum  
 Nationum

Nationum gestis, posteritati historicorum profana monumenta reliquerunt, licet, qui eadem Scriptis consignarint, fuerint perpauci; cur fidem derogabimus longè pluribus Scriptoribus, & ijs quidem viris sanctis, diuino Spiritu repletis, qui doctrinam sui temporis Ecclesiæ, tot præclaris Scriptis, tam certis, tam consentientibus, in posteritatem transmiserunt? Et verò, si quis pertinaciter negaret Aduersariis circa Annum Christum quadringentesimum fuisse baptizatos paruulos, formulam baptismi, quæ nunc in vfu est, aut diem Dominicam fuisse obseruatam, & alia huiusmodi; nonnè ex Patribus illo sæculo viventibus Augustino, Hieronymo, Ambrosio, Chrysostomo, & alijs eorum còxtaneis testimonia proferrent? Sed si quis replicaret; ex paucis illis malè colligi totius Ecclesiæ sententiam, cùm Patres multò plures inuenire sit, qui nihil ijs de rebus scripto posteritati reliquerunt: quis ejusmodi effugium non judicaret cerebri violati, & corrupti esse? ita videlicet in allatâ objectione respondent, & effugere conantur Aduersarij, dùm primitiuæ Ecclesiæ Patrum Scripta, quæ extant monumenta in medium proferimus, quibus omnes luculentissimè posteris testantur Doctrinam in Ecclesiâ primitiuâ traditam, quam ipsi met tunc viuentes hauerunt,

B 2



ferunt, docuerunt, & propugârunt, eandem omninò esse cum illâ, quam à plurimis seculis, quasi per manus sibi traditam, & acceptam Catholica Ecclesia Romana nunc habet, credit, & propugnat: ad quod, vt dixi, testandum, dementis est omninò requirere testimonia eorum omnium, qui primitùs vixerunt, & quorum Scripta non supersunt, sed ea tantum proferre sufficit, quæ in residuis, & conseruatis à Vetustate monumentis de factò reperiri possunt, præfertim cùm nulla testimonia contraria, eadem euertant.

### OBIECTIO TERTIA.

18. **O**bjiciunt Tertiò Patres errare potuisse; imò de factò pleròsq; grauiter errasse, atq; ideò non posse testimonium infallibile, & doctrinam certam ex eorum Scriptis, & monumentis accipi.

Respondeo: vel de singulis Patribus in particulari, vel de omnibus simul, & copulatiuè sumptis agitur. Si de primo; fateor singulos Patres in particulari errare potuisse, & nonnunquam etiam aliquos errasse; ita tamen, vt errata eorum non hæreses, sed humani errores essent. 1. Quia suos ipsi errores nunquam pertinaciter defende-

fenderunt; sed Ecclesiæ iudicio semper omnem doctrinam suam subjecerunt 2. Quia multa nondum erant ab Ecclesia decisa, ideoq; errores eorum dum eos scriberent, non detegebantur, & non censebatur errores esse, alioquin ipsi eos correxissent, vel ejecti ab Ecclesia fuissent, ideo, dum aliqui suos errores aduerterunt, statim eosdem, quâ verbis, quâ scriptis reuocârunt, vt de S. Augustino notum est.

Si de secundo agitur, videlicet Patres 19. omnes simul collectivè sumptus errare potuisse, Dico: Si considerentur omnes simul sumpti Patres, tanquam purè aliquis hominum doctorum cœtus, probabile est omnes simul sumptos errare quidem posse. Verùm quia omnes simul sumpti, quando de re aliquâ substantiali fidei, sententiam suam ferunt, tunc Ecclesiam vniuersam, tanquam ejus gubernatores, & præcipua membra repræsentant, certum est, omnes simul sumptos errare nunquam posse: illis enim promittitur à Christo apud Matth: c. 28. vers: 20. *Ego vobiscum sum omnibus diebus, usq; ad consummationem seculi*, & apud Ioan: cap: 14. v. 18. *Non relinquam vos orphanos*. Et cap: 16. vers: 13. *Spiritus veritatis docebit vos omnem veritatem*. Quæ promissiones cum Apostolis, eorumq; Successoribus sint factæ, Episcopis videlicet,



Conciliis, omnibusq; Sanctis Patribus, quibus ex officio incumberebat populos instruere, & docere, certum est eos simul sumptos errare nunquam potuisse. Si enim errare potuissent, manifestè sequitur, Ecclesiam Christi, *quæ columna, & firmamentum veritatis est*, tam quàm visibilis, quàm quàm inuisibilis est, penitus errare, & deficere potuisse, quod nè ipsi quidem Aduersarij concedent. Sequela verò probatur euidenter: Nam si omnes simul Episcopi, & Patres, qui populum docebant, errassent, etiam ceteri omnes fideles, qui docebantur iisdem erroribus obnoxij fuissent: ergò Pastores omnes, & illis subjectæ oues fuissent in errores substantiales lapsi, omnes à verâ Ecclesiâ excidissent, & consequenter tota vera Ecclesia, quæ ex Pastoribus, & omnibus constat, funditus periisset. Ratio autem cur in particulari Patres singuli, non autem omnes simul potuerint errare, est, quia Christus non vni, vel alteri in particulari, sed omnibus simul sumptis, suam assistentiam infallibilem promisit. Undè liquet, quando in re substantiali fidei ab unanimi consensu Patrum desumitur argumentum, certum, & infallibile censendum illud esse. Quod cum in singulis demonstrationibus clarè faciamus, certum esse debet modernam Ecclesiæ Catholicæ doctrin-

doctrinam, quæ in omnibus doctrinæ Patrum veterum consentit, veram, & infallibilem doctrinam esse.

## OBIECTIO QUARTA.

**O**bjiciunt Quartò. Romanam Ecclesiam, quæ modò est, in plurimis à doctrinâ Patrum primitivæ Ecclesiæ deflectere, ac proindè idem planè de Ecclesiâ Catholicâ Romanâ dici posse, quod de Lutheranâ nunc pronuntiamus.

21.

Respondeo, vel hoc de substantialibus fidei Articulis, & dogmatibus intelligunt Aduersarij, vel de illis, quæ ceremonialia tantum, & essentialia non sunt.

Si de primis sermo est, assignent ipsi vel vnicum essenziale dogma, quod pro essentiali tenent Lutherani, in quo ab antiquorum Patrum, et Ecclesiæ primitivæ doctrinâ recedamus. Cum autem in æternum nullum vnquam tale assignare possint, manifestæ falsitatis arguuntur. Si verò de ijs dogmatibus agatur, quæ fidei substantiam ipso etiam judicio Aduersariorum, non ingrediuntur, nihil agunt contra nos. Quia tota Ecclesiæ veræ certitudo, & veritas ex dogmatibus ejus essentialibus agnoscitur (vt ipsi fatentur Aduersarij) ergò cum probemus



bemus in omnibus essentialibus Ecclesiam nostram cum verâ primitiua conuenire, etiam probamus illam cum Ecclesiâ primitiua penitus eandem esse, licet etiam aliqua cæremonialia haberet, quæ non habuit primitiua, cum tamen vix vllam alicujus momenti cæremoniam reperire sit in Ecclesiâ Romanâ, quam hæc, per traditiones à primitiua non acceperit; vt innumeris SS. Patrum testimoniis de singulis ritibus ostendit Iudocus Coccius, & ex illo Iacobus Cottonus, aliiq; , qui quæstionem illam tractauerunt. Et licet quidam particulares ritus nunc seruentur, qui antiquitus non fuerunt vsurpati; tales tamen ipsi docent Aduersarij, et nominatim Brochmannus de Libert: Christianâ, cap: 1. sect: 2. Ecclesiam semper habuisse potestatem constituendi, si ejusmodi sint, *vt decoro, ordini, edificationi, & DEI glorie maiori seruiant*; si hoc de suis ritibus affirmant Lutherani, cur id de suis non maiori jure sentiat Ecclesia Romana?

## OBIECTIO QUINTA.

22. **O** Bjiciunt Quintò: Lutheranos quoq; Doctores posse SS. Patrum testimonia producere, quib<sup>9</sup> et sua dogmata confirmant,

firmant, & Ecclesiæ Lutheranae consensum cum primitiua & apostolica demonstrent.

Respondeo : Si Lutherani sua dogmata ex Patrum Authoritate confirmare nitantur ; vel id facient ex vnanimi omnium Orthodoxorum Patrum consensu , vel tantum ex particularium paucorum Doctrinâ. Si primum contendant (quod ad probationem fidei necessarium est) nunquam id facere poterunt in illis , quibus à Romanâ Ecclesiâ dissentiunt.

Nam nec vnicum quidem Dogma reperire est inter Catholicos , & Lutheranos controuersum , quod probare possunt Lutherani ab omnibus Patribus vnanimiter traditum, & doctum fuisse. Quâ enim veritate demonstrare poterunt ab omnibus Patribus reprobatum esse Purgatorium, & Sanctorum Inuocationem ? Omne bonis operibus derogatum meritum ; Eucharistiam non esse sub vna specie sumendam ; & alia inter nos, & illos modò controuersa ? cum autem ex vnanimi omnium Patrum consensu hæc probemus ; certum est Lutheranos, qui nobis contraria nunc docent, de ijsdem, suam ex Patrum testimoniis doctrinam non posse confirmare, nisi Patres omnes mendacij, & contradictionis reos agant : falsum ergò est, Lutheranos tam benè, quàm Catholicos sua dogmata



23. mata ex Patribus probare posse. Si verò de secundo agant, & aliquos subindè Patres pro doctrinæ suæ confirmatione proferant; nihil contra nos proficiunt. Nam ea particularia testimonia sunt talia, quæ vel vtrumq; sensum patiantur, ideoq; tam à Catholicis assumi possint, quàm ab ipsis Lutheranis; in quorum explicatione videndum est, quid alijs in locis à se scriptis ea de re ipsi Patres senserint, quod si fiat; certissimò inueniemus Patrum hujusmodi sententias, Lutheranis nullo modo patrocinari, sed cum doctrinâ hodiernæ Ecclesiæ Romanæ dextrè explicatas, optimè conuenire. Vel certè quosdam Patrum errores proferent, qui ab vniuersâ Ecclesiâ primitiuâ fuerunt damnati; & ita fatemur Lutheranos pleraq; sua dogmata confirmare posse testimoniis, & autoritate primorum hæreticorum, qui Ecclesiam primitiuam lacerârunt, & ideo ab illa meritò (ipsâ etiam confessione Lutheranorum) fuerunt tanquam hæretici, & rebelles condemnati. quorum testimonijs si se tueri velint Aduersarij, videant quo præsidio doctrinam suam roborent. Nihil enim ex ijs aliud probare poterunt, quàm doctrinam suam conuenire cum hæreticorum veterum doctrinâ. Lutherani ergò vt dici, & haberi possint, doctrinam suam auctoritate
- 24.

ritate confirmare, ad duo præstanda necessariò obligantur. Primò, demonstrare debent aliquod dogma suum, quod inter illos, & Catholicos, est controuersum, (V. G. non licere Sanctos inuocare) ab omnibus omninò Patribus Ecclesiæ primitiue, quorum de hoc extant Scripta, fuisse traditum, & doctum. Secundò ostendere tenentur, & assignare vnum quempiam Ecclesiæ primitiue Patrem sanctum, & vè verè Orthodoxum ab Ecclesiâ totâ semper habitum, ab eaq; nunquam condemnatum, qui simul omnes omninò controuersos fidei Articulos, & Dogmata sic crediderit, & docuerit, prout nunc eos credunt & docent Lutherani. Cùm autem neutrum villo modo præstare possint, vtrumq; autem præstent euidentissimè Catholici, manifestè sequitur nullo modo Lutheranos, sed solos Catholicos Romanos, cum antiquâ primitiuâ Apostolicâ, & omnium doctrinâ Patrum, in Articulis fidei substantialibus consentire.

## OBIECTIO SEXTA.

**O**biiciunt Sextò: Cùm Sacra Scriptura Dei Verbum infallibile contineat, & omnibus humanis Scriptis etiam simul sumptis, infinito intervallo sit verior, & cer-



& certior, manifestum est, ex hac solâ fide Controversias debere judicari; neq; ab hac ad Patrum authoritatem vnquam appellari posse, id enim esset à certis ad incerta, à clavis ad obscura, à firmis ad infirma prouocare. Nam Patres licet sapientes, & docti fuerint, homines tamen fuisse constat, & errare potuisse. Neq; etiam si omnes inter se consenserint, ideo audiendi sunt, quia inter se consentiunt, sed quia consentiunt Verbo DEI, ideoq; eorum Scripta tantum sunt eatenus recipienda, quatenus cum Dei Verbo conueniunt, à quo cum ea recedere contingit, nobis quoq; jure meritisimo ab illis recedendum est.

Ita videlicet suis passim ingerunt Aduersarij, vbi contra se manifestam Patrum omnium, & totius Ecclesiæ primitiæ Authoritatē effugere non possunt. Sed quàm vana sint, & futilia, licet cum plausu multorum accipiantur, ex responsis facile patebit.

26. Respondeo itaq; in hac tota objectione falsum ab Aduersariis supponi; & Catholicis doctrinam impiam per calumniam affingi. Supponunt enim Sacris literis, Patrum Authoritatem à Catholicis præferri, ita videlicet, vt si quando hinc Sacræ Scripturæ, indè Patrum sententiam probè compertam, & exploratum habeant, Catholici Pa-

ci Patrum dicta Scripturæ sententijs præponant, et potiora ducant; Scripturam rejiciant, & Patrum Sententias amplexentur. Quod falsissimum esse, ex omnium Catholicorum Scriptis manifestè patet. Fitemur enim, & coram vniuerso mundo protestamur: purum, & infallibile DEI Verbum Sacram Scripturam contineri, ejusq; Authoritatem, quorumuis hominum, Patrum, ac Doctorum quantacumq; eruditione & sapientiâ præpolleant, Authoritati, immenso intervallo præferendam esse. Ad quid igitur, inquit Aduersarij, de fauente sibi Patrum Authoritate tantoperè Catholici plaudunt, & triumphant? Respondeo, duplici de causa Patrum Sententias, & Authoritatem à nobis allegari.

I. est. quando quæstio est, quid Ecclesia Apostolica primitiua (quæ certa veræ Ecclesiæ Idæa est, & quam omnium confessione certum est, nunquam in substantiâ fidei errasse) de quibusdam essentialibus fidei Articulis modò controuersis, diuinâ fide crediderit, et senserit; quid credendum & sentiendum esse Fideles tunc existentes docuerit: testes appellamus primos illos Patres, Apostolorum immediatos Successores, illisq; Coætaneos, qui primitiuam Ecclesiam magna ex parte tunc constituebant, tanquam viua ejus membra; eamq; tanquam



tanquam Duces, & Antesignani gubernabant: testes, inquam, eos in contentionem euocamus, vt edisserant, & explicent, quænam mens tunc Ecclesiæ totius primitiua fuerit, circa hos, vel illos fidei Articulos, de quibus cum Aduersarijs controuerimus. an videlicet Ecclesia Apostolica Sanctos inuocauerit; agnouerit Traditiones; Purgatorium; Merita bonorum operum; & incruentum Missæ Sacrificium; an Eucharistiam sub vna specie tradiderit; non soli fidei attribuerit Iustificationem, & alios eiusmodi, de quibus nunc inter nos, & Aduersarios certatur. Quæ omnia, quomodo in Ecclesia Apostolica primitiua docta fuerint, cum sciri nullo modo certiori possint, quàm per eos testes omni exceptione maiores, qui tunc in pura Apostolica Ecclesia vixerunt, sit, vt vnanimi eorum testimonio nobis de vera Apostolicæ Ecclesiæ Doctrina constet. ex quo testimonio Catholici tale formamus Argumentum.

28.

Quicquid Ecclesia primitiua Apostolica in fidei substantia credidit, & docuit; id tanquam verum, & infallibè certa fide est tenendum.

Sed Ecclesia primitiua Apostolica credidit, et docuit, Traditiones obseruandas esse; Sanctos inuocari posse; dari Purgatorium, et cætera paulò ante memorata.

Ergò.

Ergò. Hæc omnia, vt vera & infallibilia certâ fide sunt tenenda.

Major Propositio est certa, quam nullus Aduersariorum negat. Minorem de singulis Articulis vtroq; hoc tractatu probamus per enumerationem, pro singulis producendo Patrum Ecclesiæ primitiuarum testimonia, & vnanimem consensum.

Ergò quod ex geminis his propositionibus concluditur, est certum.

II. causa est, vt quando in rebus de fide controuersis, hinc Catholici, indè Lutherani, alijq; dissidentes Aduersarij, pro Doctrinæ suæ adeò diuersæ fundamento Sacram Scripturam allegant; & in fauorem suum interpretantur; tunc ad componendam litem affirmamus longè, certius, & æquius standum esse vnanimi Patrum omnium, & primitiuarum, quæ non errauit, Ecclesiæ, consensui, & interpretationi, quàm priuatorum, quorundam hominum explanationi; qui nec secum, nec inter se conueniunt. Atq; ita cùm ex Patrum Scriptis nobis innotuerit, & constet, quomodo veteres illi Patres omnes, & consequenter tota Ecclesia primitiua Apostolica Scripturam sacram, quæ ad discutiendas res his temporibus de fide controuersas allegatur, interpretata sit; Hanc totius Ecclesiæ sententiam, & interpretationem, ex Scriptis Patrum,



Patrum, & vnanimi eorum explicatione  
 hautam, & deductam, quibuscumque recen-  
 tiorum, hodie de ijs Scripturæ sensibus, ex  
 cerebro suo contendendum, diuersis, &  
 repugnantibus opinionibus, & interpreta-  
 tionibus longè potiore, & certiore af-  
 firmamus. Quâ ratione fit, vt Apostolicæ  
 Ecclesiæ, & Patrum vnanimem consen-  
 sum, & Authoritatem consensui Prophe-  
 tarum, & Apostolorum, ac Sacræ Scriptu-  
 ræ nullo modo opponamus: Sed tantum  
 hodiernis illis nouis, & nunquam ante au-  
 ditis, ac ex passionato cerebro procusis o-  
 pinionibus, & explicationibus Sectario-  
 rum; iudicium totius veteris Ecclesiæ; &  
 virorum, ipsius etiam aduersæ partis con-  
 fessione, sanctissimorum, & genuini scri-  
 pturarum textus, ac idiomatis peritissimo-  
 rum, vnanimis explicationes, & Authori-  
 tatem præferamus. Quod quàm æquum  
 sit, & rectæ rationi consentaneum, imò  
 planè necessarium, facilè patebit, si quis a-  
 nimo perpendat, inter tot, tamq; dissonas  
 scripturarum explicationes, necessariò iu-  
 dicem requiri; qui Controuersias decidat,  
 certumq; ac infallibilem scripturarum  
 sensum explicet. Non potest autem ipsa  
 et Scriptura (vt volunt Aduersarij) talis  
 esse iudex. Cùm enim scriptura tantum  
 contineat regulam veritatis simplicem, &

gene-

generalem, non applicatam, & restrictam ad exempla, ad speciem, ad indiuidua; hoc est; non exprimat nominatim, hicnè, an ille; Lutherus, an alius rectè sentiat; hæcnè propositio *Corpus Christi est cum pane, est ubiq;*; an verò illa: *Corpus Christi non est cum pane, non est ubiq;*: cùm sententia Scripturæ congruat, cùm vtrāq; pars dissidentium eam pro se stare iudicet, necessarius est Iudex alius, cujus officium sit, exprimere quid rectè secundum Scripturam doceatur. Sicut enim in Republica benè constitutā præter legem scriptam requiritur Iudex, qui controuersias singulas cognoscat, & dijudicet; ita etiā in Ecclesiā, vtpotè rectissimè institutā, præter sacram Scripturam Iudex aliquis requiritur, qui quando vtrāq; pars dissidentium contendit Verbum Dei à se stare (quo quid frequentius?) vtra doctrinam suam ex sacra Scriptura, vero, & genuino sensu intellecta, meliùs demonstrauerit, exprimāt, & clarè pronuntiet. Cùm enim multa sint, quæ non apertè in Scripturis exprimuntur (vt apparet ex tam diuersis circa Religionis vnicam materiā opinionibus) quān-  
f. et alienum à rectā ratione, si quando Iudex requiritur, qui componat litigantes, pro Iudice Lex supponeretur? quando sententia Iudicis efflagitur, adferrentur  
Syllo-



Syllogismi litigantium? quando litis, per sententiam Iudicis, decisio expectatur, in medium proferretur lex, de cujus genuino sensu litigatur, & ille Iudex appellaretur, qui non potest præstare id, quod à Iudice requiritur; ut scilicet cognoscat causam, & sententiam pronuntiet, sed alio adhuc Iudice indigeat?

31.

Et quæro ex Lutherano quopiam: quando tu, vel Luther<sup>9</sup> ipse, vel alius quisquam assecla, locū aliquem Scripturæ explicat, & certū ejus sensum, se tenere judicat, an nē omnes alij huic interpretationi sic stare debeant, ut in consciētiā suā cōvincantur, nec ad aliū judicē prouocare opus sit, aut possint? Si ita; cur ergo tam diuersæ, tam dissentientes circa vnicū, & eundē Scripturæ locum inter vos sententiæ? & quæ ratio dabitur cur hujus potius, quàm alterius interpretationi stare debeam, cum tam hic, quàm ille se verum Scripturæ sensum tenere asserat? Si non; ergo necessariò querendus alius est Iudex, qui sententiam infallibiliter pronuntiet, & cujus decisione quis in conscientia securè, & sine vltiori prouocatione stare possit, ac debeat. Aliàs nullus vnquam de genuino Scripturæ sensu certus, ac securus esse poterit.

32.

Talem autem Iudicem, solam veram Ecclesiam esse profiteamur, & asserimus. &  
nē in

nè in dubium, ac contentionem vocent Aduersarij, quænam illa vera sit Ecclesia, cum quisq; suam, veram esse dicat: Ecclesiam accipimus, quæ omnium confessione vera fuit, & in substantialibus fidei non errauit, videlicet *Apostolicam primitiuam*, quæ per Sanctos Patres Spiritu diuino plenos, & Doctores suos, genuinum Scripturarum sensum edidit, & interpretata est: quæ interpretatio, cum ab illa, vt ab ineffabili oraculo prolata sit, certa, & infallibilis censi debet, omnes verò aliæ ab illa dissentientes, erroneæ, & falsæ. Si enim illa certa, & infallibilis non esset; Ecclesia Apostolica in substantialibus fidei errasset. Nunc autem, cum Catholici probemus eodem modo nunc Romanam Ecclesiam Scripturas intelligere, prout eas interpretata est, & intellexit primitiua Apostolica Ecclesia, lis omnis omnino iudicata est, & probatum Doctrinam Ecclesiæ primitiue Apostolicæ penitus eandem esse, adeoq; æquè infallibilem, ac certam.

Hinc ergò pater quàm inaniter ad Scripturas Aduersarii prouocare soleant: licet enim Scripturam solam, supremum, & authenticum in terris iudicem controuersiarum esse statuunt, singulis tamen, & omnibus vtcunq; doctis relinquunt potestatem, de controuersis quæstionibus, de Senten-



rijs, rationibus, & argumentis ab alijs suis similibus Doctoribus probatis, judicandi, improbandi, & statuendi, prout propria conscientia illorum cum Scripturis conuenire, vel ab ijs dissentire judicauerit, adeo ut illa ad sacram Scripturam prouocatio nihil aliud sit, quam ad propriam conscientiam, vel (ut illi ajunt) ad proprium, & priuatum vniuscujusq; spiritum prouocatio, totq; controuersiarum, & genuinae Scripturarum explicationis iudices constituentur, quot de illa inueniuntur litigatores, tot magistri, quot discipuli, quorum vnusquisq; suum proprium iudicium omnium iudicij aliorum anteponit, & Dei Verbum esse iactat, quidquid in sua conscientia, & a priuato suo spiritu sacrae Scripturae consentaneum esse arbitratur.

34.

Nunc iudicet prudens Lector, an hoc sit controuersias componere, & non potius animas exasperare? an hoc sit Ecclesiam pacare, & non potius turbare? haereses minuire, & non potius augere? Vna itaq; est perfectio omnium ratio, vna omnium dissensionum occasio, quod tam Lutherani, quam Calvinistae, tam Anabaptistae, quam Sociniani, caeteriq; omnes tam inter se inuicem, quam contra hodiernam Ecclesiam Romanam digladiantur, quia scilicet opinioniones suas in Sacris literis fundari, aut ex  
illis

illis infallibili consequentiâ deduci posse, omni alieno iudicio rejecto, in conscientiâ suâ judicant. Ex quo fonte quanta perniciēs in humanum genus deriuetur, nec calamo satis exprimi, nec lachrymis deplorari potest.


Ad incommodum ergò tantum euitandum, omni homini salutem suam seriò cupienti, & in tantâ varietate certam, & veram Religionem inuestiganti, necessarium imprimis illud esse iudicamus, quod per omnes hasce demonstrationes deducere, & omnium oculis exhibere fuimus conati. Scilicet I. vt certò credat extra veram Ecclesiam, quæcūq; , & ubicūq; illa sit, omninò neminem saluari posse; in quâ non solum interno animi affectu, sed etiam externâ sacrorum communione, & fidei confessione viuendum, & moriendum sit.

Hanc autem Ecclesiam, medio à nobis præscripto quærendam, & agnosendam esse; vt videlicet, cū agnoscant cuiuscūq; Sectæ, & Religionis Christiani, Ecclesiam quæ primis quingentis à tempore Apostolorum, annis floruit, in nullo substantiali fidei articulo errasse; & consequenter, veram Ecclesiam fuisse; certum etiam, & indubitatum sit, eam quoq; Ecclesiam veram esse, & in nullo substantiali fidei articulo errare, quæ modò in omnibus



essentialibus cum illa veteri, & Apostolica Ecclesia consentit. Hanc autem cum per singulas Demonstrationes perspicue probemus, solam Ecclesiam Romanam esse; facile in cognitionem veniet, ut agnoscat Ecclesiam Romanam solam esse veram, et extra hanc nullum penitus saluari posse. Quod cum gratia Divina ductus serio agnouerit, nihil obstat, quò minus vitæ instar diræ pestis omnibus hæreticorum factionibus, cum timore salutem operetur, et piorum vestigijs majorum, qui in hac Ecclesia Romanâ beatè hinc migrarunt, inherendo, virtutem, ac sanctimoniam eorundem æmuletur; ut tandem decurso vitæ hujus stadio, cum ipsis æternæ felicitatis metam consequatur.





DE  
NUMERO SACRAMEN-  
TORVM.

DEMONSTRATIO I.

Quâ ostenditur Lu-  
theranam Ecclesiam non esse ve-  
ram Ecclesiam, quia reijcit septena-  
rium Sacramentorum numerum,  
quem tota primitiua Ecclesia,  
credidit & do-  
cuit.

CAPUT I.

*Septenarius Sacramentorum nu-  
merus Apostolicis temporibus in Eccle-  
siâ primitiuâ fuit obseruatus.*

**S**eptenarium Sacramento-  
rum in Ecclesiâ verâ numerum  
non esse nouum, nec huma-  
num inuentum, probat vnani-  
mis, & vetustissimus Ecclesiæ primitiuæ  
consen-



consensus, ab ipsis Apostolorum temporibus, ad nos usque; continuo deriuatus; quem demonstrant testimonia nunc adferenda SS. PP. um, & Conciliorum, à quibus licet disertis verbis non asseratur, singula vocari Sacramenta, (quod non est necessarium) rem ipsam tamen clarissime demonstrant, id est, Caremonias gratiam dantes, esse testantur. Et quoniam Aduersarij communiter agnoscunt duo Sacramenta, Baptismum, & Eucharistiam, nihil iudicauimus de illis probandum esse; quocirca pro quinque; aliis videlicet, *Confirmatione, Pœnitentiâ, Extremâ Vnctione, Ordine, & Matrimonio*, testimonia producemus.

2.

## CONFIRMATIO.

*Anno 80.* CLEMENS Romanus Epistola 4. Cum autem regeneratus fuerit per aquam, & post modum septiformis Spiritus gratiâ ab Episcopo confirmatus, quia aliter esse perfectus Christianus nequaquam poterit; ut à B. Petro accepimus, & ceteri Sancti Apostoli precipiente Domino docuerunt.

Item Constit: Apost: lib. 3. c. 17. Datur Baptismus in mortem Filij DEI; aqua adhibetur pro sepultura, Oleum pro Spiritu sancto; Unguentum est Confirmatio professionis. Quod etiam asserit, & docet Lib. 7. c. 23.

Dio-

Dionysius Areopagita, Eccl: Hierarch: A. 100.  
 P. 3 de Confirmatione sic loquitur: *Illā  
 perficiens unctio ita facit perfectum fragran-  
 tiā suauissimi odoris insignem; quippe Diuinæ  
 generationis sacrosancta perfectio Diuino Spi-  
 ritui, quæ fuerint perfecta conjunger; &c: I-  
 tem cap: 4. clarius.*

Hyginus apud Iuonem, lib. 1. & Gra- A. 140.  
 tian: de Consecrat: Distinctio: 4. *In Ca-  
 techismo, & in Baptismo, & in Confirmatione,  
 unus Patrinus fieri potest.*

Tertullianus de Resur: carnis, c. 8. Caro A. 200.  
*ungitur, ut caro consecretur: Caro signatur,  
 ut & anima muniatur; Caro manus imposi-  
 tione adumbratur; ut & anima spiritu illu-  
 minetur.*

Vrbanus primus Epistola ad vniuersos. A. 220.  
*Omnes fideles per manus Episcoporum imposi-  
 tionem, Spiritum Sanctum post baptismum ac-  
 cipere debent, ut pleni Christiani inuenian-  
 tur.*

Origenes Homil: 8. in Leuit: Sic ergo A. 230.  
*conuersis à peccato, purificatio quidem per il-  
 la omnia datur, quæ superius diximus: donum  
 autem gratiæ spiritus, per olei imaginem de-  
 signatur, ut non solum purgationem consequi  
 possit is, qui conuertitur à peccato, sed & Spiri-  
 tu Sancto repleti.*

Fabianus Epist: 2. Ipsius Sancti Chrisma- A. 237.  
*tis consecratio, per singulos annos in Cornū Domi-  
 ni est*



ni est agenda, & de anno in annum renouanda, & fidelibus tradenda. Quia nouum Sacramentum est per singulos annos, & jam dicto die innouandum.

A. 250. Cyprianus Epist: 12. de Baptismo, & Confirmatione loquens: Tunc demum inquit, planè sanctificari, & filij DEI esse possunt, si Sacramento utroq; nascantur.

Et iterum, de Vnctione Chrismatis: Sanctificatis elementis jam non propria natura prebet effectum, sed virtus diuina potentius operatur, & adest veritas signo, & Spiritus Sacramento, &c: hoc enim oleo cum spiritualibus nequitiiis colluctamur.

A. 305. Eusebius Papa, Epist: 3. Manus impositionis Sacramentum magnà veneratione tenendum est, quod ab aliis perfici non potest, nisi à summis Sacerdotibus: nec tempore Apostolorum ab aliis, quàm ipsis Apostolis legitur, aut scitur esse peractum: neque ab aliis, quàm ab illis, qui Apostolorum tenent locum, unquam perfici potest, aut fieri debet.

A. 311. Melchiades ad Episcopos Hispaniæ: Quæstis, utrum majus esset Sacramentum, manus impositio Episcoporum, aut Baptismus: Scitote, utrumq; magnum esse Sacramentum. Ita conjuncta sunt hæc duo Sacramenta, ut ab inuicè, nisi morte præueniente, nullatenus possint segregari. Nam vnum præueniente morte saluare sine altero potest; aliud autem non potest: &c.

Con-

Constantinus Imperator, in Priuilegio Rom: Eccl. describit ritum, modum, & verba, quibus confirmatus fuit à S. Syluestro. A. 320.

Concilium Eliberinum, Arelatenſe primum A. 325. Synodus Nicæna, Arelat. 2. mandauit expreſſè hoc Sacramentum ſuſcipi ad excipiendam gratiam Spiritus ſancti.

Pacianus Serm: de Baptiſmo, Confirmatione Chriſmatis Sacramentū appellat. A. 360.

Synodus Laodiceſis Can: 47. amplam ejus mentionem facit.

Optatus Mileuitanus l. 7. contra Donatiſtas.

Ambroſius lib. 3. de Sacramentis, Confirmationem inter Sacramenta nominat. Idem facit lib. 6 c. 2. A. 370.

Cyrillus Hieroſol. Catecheſi: 3. myſtagogicâ. A. 380.

Gregorius Nazianzenus, Orat: 40. quæ eſt in S. Baptiſma.

Epiphanius Hæreſi 11.

Damaſus Epist: 4 de Chorepiſcopis.

Prudentius lib: 1. contra Symmachum.

Hieronymus Dialogo aduerſus Luciferianos, c. 4. A. 390.

Chryſoſtomus ad cap: 8. Act: Apoſt:

Auguſtinus lib: 2. contra literas Petiliani, cap 104. In hoc inquit, unguento Sacramentum Chriſmatis vult interpretari, quod quidem



*quidem in genere visibilium signaculorum sacrosanctum est, sicut ipse Baptismus.*

## POENITENTIA.

3. **D**Vobus potissimum modis ex testimoniis veterum intelligi potest, quæ fuerit eâ de re Ecclesiæ primitivæ sententia.

Primò enim Patres non rarò, cùm vera Sacramenta enumerant, Pœnitentiam illis adjungunt. Deinde etiam sæpè cum Baptismo Pœnitentiam conferunt, ac docent in utroque Sacramento Deum esse, qui potissimum operatur. Quod in primis testatur:

*Anno 80.* Clemens Romanus, Constit: Apost: l. 2. cap: 13. & cap: 14.

*A. 100.* Ignatius Epistolâ ad Philadelphienſes, Dionysius Arcopagita Ep: 8. ad Demophilum.

*A. 120.* Hermas similitudine 8.

*A. 160.* Iustinus Mart: Dialogo cum Tryphone.

*A. 180.* Irenæus lib: 2. c. 37.

*A. 200.* Clemens Alexandrinus de Adolescente lapso.

*A. 200.* Tertullianus lib: de Pœnitentia c. 2: 4: & 7.

*A. 218.* Calixtus Epist: 2.

*A. 230.* Origenes Homil: 1. in Hieremiam.

*A. 250.* Cyprianus Epist: 52. ad Antonium, & Ep. 54. & de lapsis, Basi.

Basilii Magni Serm: de Pœnitentiâ. A. 370.

Pacianus Epist: 1. ad Sympronianum  
Nouatianum.

Ambrosius innumeris locis, vt & Hieronymus sæpissimè

Deniq; Augustinus de Adulterinis coniugiis l. 1. c. 26.

*Eadem est causa Baptismi, & reconciliationis, sine quibus Sacramentis homines credunt se non exire de corpore.* A. 400.

Et aliis multis in locis in eundem sensum. Omitto breuitatis causâ innumeros pœnè Doctores idem sentientes.

## EXTREMA VNCTIO.

**P**RO Sacramento Extremæ Vnctionis stat 4.  
etiam primitiua Ecclesia. Nam Primò

Concilium Nicænum primum, Can: A. 325.

69. Arabico: *Transacto Anno debet Sacerdos benedicere Aquam & Oleum, non sicut fit in Baptismo, neque sicut benedicatur Chrisma, sed sicut Oleum infirmorum.*

Ambrosius in Missali, formulam conferendi hoc Sacramentum describens, vt susceptione presentis Olei, (inquit) Sancti Spiritus gratia salutaris fuget insidias Aduersariæ potestatis, debilitationē expellat, & plenariam conferat sospitatem, in nomine Domini, &c. A. 370.

Hieronymus in vitâ Hilarionis, & in A. 390.  
cap: 14. Osee. Chry-



A. 400.

Chrysostomus lib. 3. de Sacerdotio: *Sacerdotes non solum cum nos regenerant, sed postea habent potestatem indulgendi peccata. Infirmatur quis, inquit Apostolus, in vobis? accersat Presbyteros Ecclesie, & orent super eum, ungentes eum oleo, in nomine Domini, &c.*

Augustinus Serm: 215. de tempore: *Quoties aliqua infirmitas supervenerit, Corpus & Sanguinem Christi, ille qui egrotat, accipiat, & inde corpusculum suum ungat, & illud quod scriptum est impleatur in eo.*

*Infirmatur aliquis, inducat Presbyteros &c. quod quidem aliis multis in locis inculcans, asserit hanc Vnctionem animæ salutem conferre.*

A. 406.

Innocentius I. Epist: 1. ad Eugubinum c. 8. dicit expressè, & clarè hanc Vnctionem esse Sacramentum à Iacobo explicatum, & ideò non dari ijs, qui non sunt capaces aliorum Sacramentorum Nec vllus vnquam veterum eum reprehendit, quod Vnctionem infirmorum, Sacramentum esse docuerit.

## O R D O.

S.

**O**R dinem Sacramentum esse, ex totius primitivæ Ecclesiæ testimonijs constat, vt ea omittam innumera, ex quibus

bus hoc manifestè colligi potest, aliquos tantum Patres adducemus, qui expressè affirmarunt Sacramentum esse, & gratiam conferre.

Dionysius Arcopagita Ecclesiastica Hierarch: cap: 5. de ritu ordinandorum agit, & ostendit eo ritu gratiam conferri, ac proindè Sacramentum esse. Quod testimonium ipse etiam Lutherus admittit lib: de captiuit: Bab: cap: de Ordine. A. 100.

Cyprianus de cardinalibus Christi operibus, Ordinationem Sacramentum vocat, & cum Baptismo confert. A. 250.

*Docemur, inquit, quæ sit Baptismi, & aliorum Sacramentorum stabilitas. Nam Baptismum repeti Ecclesiastica prohibent regula, & semel sanctificatis nulla deinceps manus consecrans præsumit accedere: nemo sacros Ordines Presbyterorum, &c. semel datos iterum renouat &c.*

Leo Magnus Epist: 81. ad Dioscorum c. 1. Ordinationem Sacramentum vocat, & jubet à jejunis dari, & accipi, idq; summâ cum deuotione: vbi apertè indicat in eo Sacramento gratiam conferri. Et Epist: 87. ad Episcopos Mauritanix, c. 1. de Ordinatione loquens: *Quis, inquit, dissimulare audeat, quod in tanti Sacramenti perpetratur injuriam?* A. 450.

Hæc ille. Audis hæc nomen Sacramenti?  
Item



Item S. Gregorius I. lib: 4. Comment: in Lib: Reg: cap. 5. in ipso initio de Sacramento Ordinis loquens: *Is, inquit, qui promouetur, benè foris ungitur, si intus virtute Sacramenti roboretur.*

Deniq; instar omnium sit S. Augustinus, qui lib: 2. contra Parmenianum, capite 14. clarè asserit, Ordinem esse Sacramentum: sic enim ait: *Ipsi explicent, quomodo Sacramentum baptizati non possit amitti, & Sacramentum Ordinati possit amitti. Si enim vtrumq; Sacramentum est, quod nemo dubitatur illud non amitti? neutri Sacramento injuria facienda est.* Quod multis alijs in locis sæpè repetit, adeò vt in duobus capitulis plùs quàm decies Ordinatio ab Augustino Sacramentum appelletur, cum Baptismo conferatur; ac eodè modo dicatur esse Sacramentum; imò eà de veritate neminem dubitare asserat. Vndè hic locus instar plurimorum est. Si enim Augustinus non mentitur, omnes eius temporis auctores, imò etiam omnes populi id credebant, quod nos modò credimus.

## MATRIMONIUM.

6. **M**anifestè falluntur Aduersarij, Chemnitius, & multi ejus sequaces, dùm dicunt, vel ante Augustini, vel Gregorij tempora, Matrimonium nunquam vocatum

vocatum fuisse Sacramentum, quod sequentibus testimoniis confutamus.

Tertullianus aduersus Valentinianos, A. 200.  
cap: 30. Nam & honorandorum Conjugiorum  
supernorum gratia dicitur apud illos meditan-  
dum, atq; celebrandum semper Sacramentum,  
comiti, hoc est, femine adherendo

Idem de Anima, cap: 21.

Lactantius in Epitome diuinarum Insti- A. 320.  
tutionum, cap: 8.

Qui habet conjugium nihil querat extrin-  
secus: sed contentus ea sola carnem castiget,  
inuiolati cubilis Sacramenta custodiat &c.

Idem lib: 6. in Lucam, c. 8. Nec putet a-  
liquis offendiculum esse pietatis, ubi manda-  
tum legis impletur. Si enim relinquit homo  
Patrem, & Matrem, & adhaerebit uxori suae,  
& erunt duo in carne una, rectè Sacramen-  
tum hoc in Christo seruatur, & Ecclesiâ.

Augustinus de Nuptiis, & concupiscen- A. 400.  
tia, lib: 1. cap: 10.

Quoniam sanè non tantum fecunditas, cu-  
jus fructus in prole est: nec tantum pudicitia,  
cujus vinculum est fides: verum etiam quod-  
dam Sacramentum Nuptiarum commenda-  
tur fidelibus, &c. & paulò post: Hoc custodi-  
tur in Christo, & in Ecclesiâ, ut viuens cum  
viente in aeternum nullo diuortio separetur.  
Cujus Sacramenti tanta observatio est, ut in  
Ecclesiâ Christi, &c.



Idem de fide, & operibus l. i. c. 7. In Ecclesia Nuptiarum non modò vinculum, verum etiam Sacramentum ita commendatur, ut non liceat viro uxorem alteri tradere; & aliis multis in locis.

A 450. Leo I. Epist: 92. ad inquisitiones Rustici, cap: 4. Vnde enim societas Nuptiarum ita ab initio constituta sit, ut præter sexuum conjunctionem haberet in se Christi, & Ecclesie Sacramentum, dubium non est eam mulierem non pertinere ad Matrimonium, in quâ doceretur nuptiale non fuisse ministerium.

A 570. Theodoricus Rex, apud Cassiodorum lib: 2. Epist: 10. Non dissimulari potest saluâ communionem, quâ viuatur, ut sollicitatores publicos habeat genialis thori reuerenda societas, & illud humani generis procreabile Sacramentum sceleratâ temeritate profanetur.

7. Pauca hæc adduxisse sufficiat Sacramenti Matrimonii è primitiuâ Ecclesiâ testimonia, quibus sufficienter retunditur Aduersariorum temeritas, asserentium novum Catholicorum esse commentum, inter vera Sacramenta connumerare Matrimonium.

Quod autem primis illis temporibus tam Matrimonium, quàm alia omnia Sacramenta, non sapiùs, & expressè Sacramenta fuerint appellata; non alia est ratio, quàm

quàm quod in re clarâ, de qua nemo tunc dubitabat, non habuerint Doctores occasionem scribendi. Nam neq; hæc jam adducta testimonia pleriq; posuissent, nisi vel interrogati, vel ad maiorem reuerentiam inculcandam, coacti fuissent hæc testimonia dare.

Deniq; his pro omnibus Sacramentis 8.  
 stabiliendis, accedat testimonium Ecclesiæ Latinæ, & Græcæ, quæ ab annis ab hinc quingentis floruit. His enim quingentis annis ante Lutherum, septem Sacramenta hæc, tanquam verè, & propriè talia, numerata, & agnita fuisse negari, ne quidem ab ipsis Aduersariis potest; vt ex pluribus Doctoribus, & Conciliis constat; Quod non dico quasi ignorem hoc totius Ecclesiæ testimonium nihili fieri ab Aduersarijs; sed vt omnes intelligant, vel totis illis annis quingentis Ecclesiam vniuersam in errore grauissimo fuisse versatam (quod fieri non potest, cùm sit firmamentum, & columna veritatis, 1. Timoth: 3.) aut certè verum esse, quod nos ab eadem Ecclesia de numero septem Sacramentorum accepimus. Hanc autem Ecclesiam, quæ ab Annis quingentis peregrinata in terris est, veram fuisse Christi Ecclesiam, & cum illâ primitiuâ continuatam, vel vno hoc argumento satis conuincimus: quia cùm nul-  
 la alia



la alia Ecclesia ab Aduersariis demonstratur, quæ talis his quingentis annis sine interruptione sparsa fuerit; aut hæc nostra vera Ecclesia fuit, aut omnino nulla fuit. Nullam verò fuisse, nunquam affirmabit, qui hæc verba Christi vera crediderit: *Super hanc Petram ædificabo Ecclesiam meam, & portæ inferi non præualebunt aduersus eam. Matth. 16.* Quod autem de inuisibili Ecclesia fabulantur nonnulli, satis refutauimus parte 1. Demonstrationum nostrarum in Introductione de Ecclesia.

## CAPUT 2.

*Confirmatur Sententia Catholica, de septenario numero Sacramentorum.*

9. **O**bseruandum est primò Aduersarios à Catholicis exigere non posse, vt ostendant, vel in Scripturis, vel à Primitiue Ecclesiæ Patribus nominatim septem Sacramenta designata fuisse; cum nec ipsi nomen duorum vel trium ostendere possint.

Scriptura enim, & Patres non scripserunt Catechismum, vt nunc propter varias Sectas necessarium est; sed tantum variis in locis pro occasione nobis ea tradiderunt.

runt. Sed neque alios fidei Articulos numeratos nobis reliquit; nusquam enim dicit Scriptura, quot sint. In hoc itaq; numero stare debemus Auctoritati Ecclesie, quæ tanta est, ut sicut sine ea non possemus satis perspectum habere, quamnam sit ratio, & essentia; seu materia, & forma Baptismi, & Eucharistiae; quæ duo omnes ut Sacramenta agnoscunt, (licet enim dixerit Christus Apostolis ut baptizarent *in nomine Patris, & Filij, & Spiritus sancti*, itémq; Eucharistiam sub eâ formâ tradiderit, *hoc est enim Corpus meum*, non tamen ideo sciremus in ijs ipsis verbis ejusmodi Sacramentorum formam, & essentiam consistere; vel necessario, illa per modum formæ adhibenda, & clarè pronuntianda esse, nisi id Ecclesiastica traditio docuisset) sic etiam sine ea non possumus habere Sacramentorum septenarium numerum.

Observandum secundò est, à nobis Adversarios non posse reposcere, ut ostendamus nomen *Sacramenti in Scripturis*, Confirmationi, vel Ordini &c attributum esse. Nam non disputamus de nomine, sed de re. Neq; ipsi ostendere possunt, nomen *Sacramenti* Baptismo, vel Eucharistiae, unquam in sacris litteris attributum fuisse, sed soli Matrimonio, quod pleriq; tamen negant esse Sacramentum. E contra *Sacramenta*



*menti* nomen in Scripturis multis rebus tribuitur, quæ omnium confessione Sacramenta non sunt.

- II. Satis ergò erit, si ex Scripturis ostendamus (quod ex Traditione supra demonstrauiamus) definitionem Sacramenti conuenire ritibus, non paucioribus, nec pluribus quàm septem; Quod ipsum ex Sacramenti definitione clarissimè demonstrari potest; nam licet in explicanda definitione Sacramenti non conueniant in omnibus Aduersarij nobiscum, in generali tamen definitione quadam conuenimus, videlicet: *Quod Sacramenta sint ritus, seu signa externa, seu sensibilia, quæ ex diuinâ institutione annexam habent promissionem gratiæ iustificantis.* His positis probemus hæc quinque Sacramentis conuenire, omissis Baptismo, & Eucharistiâ, de quibus non est questio. Ac inprimis de Confirmatione agamus.

### CONFIRMATIO EST Sacramentum.

12. **V**T Confirmatio verum Sacramentum dici possit, tria requiruntur. Primò signum sensibile, seu externus ritus. Secundò, Promissio gratiæ. Tertiò, Institutio, seu mandatum Christi.

Ritum externum habemus, Act:8. vers: 15. Estq; manuum impositio. *Tunc imponebant*

bant manus super illos, & accipiebant Spiritum sanctum. Idem habetur Act: 19. v. 6. Quod autem cæremonia hæc fuerit ordinaria, & vsitata, colligitur ex historiâ Simonis Magi, qui, cum videret per impositionem manuum Apostolorum dari Spiritum sanctum, dixit: *Datemihi & hanc potestatem, ut cuiuscumq; imposuero manus, accipiat Spiritum sanctum.*

Ex quibus deducitur secundum, videlicet effectus, qui erat gratia, seu acceptio Spiritus sancti, qui promissus fuit Ioh: 14. v. 6. vbi promittit Christus Paracletum, in omnibus aduersis, & Ioh: 15. v. 26. Qui faciat discipulos fortes in testificatione veritatis. Item cap: 16. v. 8. Lucæ ult. v. 49. & Act: 1. v. 8. Hæc autem jam baptizatis promittuntur, & quidem, ut ampliori gratiâ Spiritus sancti, fiant in fidei confessione fortes; Qui est proprius effectus Confirmationis. Tertium, quod erat institutio, seu mandatum, deducitur ex facto, seu exemplo Apostolorum. Nunquam enim Apostoli sic ordinariè, & securè baptizatis omnibus imposuissent manus, ut super eos Spiritus sanctus veniret, nisi hoc eis Dominus mandasset. Præsertim cum non ignorarent non posse vllum hominem instituire cæremoniam, ad quam gratia Spiritus sancti sequeretur. Huic autem manuum



impositioni conjunctam fuisse vñctionem, & signum Crucis, testatur Ecclesia tota primitiua, vt cap: 1. supra de Confirmationis Sacramento demonstrauius PP. vñ testimonijs.

## POENITENTIA.

13. **P**oenitentiam quoq; hæc tria continere, ideoq; Sacramentum esse, constat ex Ioh: 10. v. 22. *Quorum remisistis peccata, remittuntur eis, & quorum retinueritis, retenta sunt.* Hic habemus primò ritum externum; nam Dominus non concessit remittendi peccata potestatem, quin signo aliquo externo eam voluerit exerceri, nec ea exerceri potuit, nisi pœnitens visibili aliquo signo, peccata se fateri demonstraret, omnia igitur illa signa Pœnitentiæ, & verba Absolutionis, signa sunt exteriora iustificantis gratiæ, cuius promissio demonstratur ex illis verbis: *Remittuntur eis.* Mandatum autem in illis verbis continetur: *Sicut misit me Pater, & ego mitto vos,* vnde dicit Apostolus 2. Corinth: 5. *Pro Christo legatione fungimur.* Quæ adeò clara sunt, vt ideò ipsemet Lutherus in lib: de capt: Babylon: & Anno 1523. ad Pragenses de instituendis Ministris, & Anno 1534. in lib: de Missâ priuatâ, & Anno 1545. qui fuit pen-  
ultimus

ultimus vitæ ipsius, Pœnitentiam agnouerit esse Sacramentum, & in Assertionibus contra Louanienſes, cujus verba hæc ſunt, *Assertionē 35. Pœnitentiam cum virtute clauium absoluentium, Sacramentum libenter conſitemur; habet enim promiſſionem, & fidem remiſſionis propter Chriſtum.* Cum nunc ejus diſcipuli à Magiſtri ſui doctrinâ recedentes, Pœnitentiam Sacramentum eſſe negant?

## EXTREMA VNCTIO.

Omnia ad Sacramentum requiſita, Sacras literas in Extremâ Vnctione ponere, conſtat ex Iacobi ſ. v. 14. *Infirmatur quis in vobis, inducat Presbyteros Eccleſiæ, ubi aſſignantur proprii Miniſtri. Et orent ſuper eum, ungentes eum oleo. Vbi ritus, & externa ſigna cum institutione explicantur. Et alleviabit eum Dominus, & ſi in peccatis fuerit, dimittentur ei.* Vbi promiſſio oſtenditur, eodem modo quo in Baptiſmo, Marci ultimo: *Qui crediderit, & baptizatus fuerit, ſaluus erit.* Promiſſio autem non ſolum eſt corporalis valetudinis, ſed etiam gratiæ, ſeu remiſſionis peccatorum. Nec generalis, ſed particularis, *ungentes eum.* Mandatum verò Chriſti ex eo colligitur euidenter, quod non ſic abſolutè tantum effectum promittere auderet



Apostolus, nisi à Domino id accepisset, ut supra diximus in Sacramento Confirmationis. At præter has conditiones nulla restare potest, ad legitimam Sacramenti novæ legis rationem, ergò Extrema Unctio tale Sacramentum est.

### ORDO.

15.

**O**Rdinem nemo ante Lutherum Sacramentum esse negavit. Tota autem primitiva Ecclesia asseruit sacram Scripturam secuta. Ritus enim ejus externus, est manuum impositio 1. Timoth: 4. v. 14. ubi simul est promissio gratiæ: *Noli negligere gratiam quæ in te est, quæ data est tibi per prophetiam, cum impositione manuum Presbyteri, & 2. Timoth: 1. Admoneo te, ut resuscites gratiam DEI, quæ est in te, per impositionem manuum mearum. Deniq; institutio, & mandatum. Ephes: 4. Ipse dedit quosdam Apostolos, alios Evangelistas, alios Pastores, & Doctores, &c.*

Et Act: 10. *In quo vos (inquit Paulus) Spiritus sanctus posuit Episcopos.* Et præterea non poterat Apostolus scire datam esse Timotheo gratiam per impositionem manuum, nisi didicisset à DEO, gratiam eo signo conferri. Ergò cum habeat omnia Ordo, quæ ad Sacramentum requiruntur, sequitur, quod verum sit Sacramentum.

MATRI-

## MATRIMONIUM.

16. **Q**uidquid est institutum à Deo, & est rei sacrae Symbolum, & habet promissionem gratiae sanctificantis, est Sacramentum. Sed tale quippiam est Matrimonium, ergo est Sacramentum. Major certa; minor probatur quo ad primum, quod sit institutum à Deo, Gen 2. v. 18. 9 Et in Nouo Testamento Matth: 19 v. 6. *Quod Deus coniunxit, homo non separet*, ait Christus, & alibi Paulus.

Quo ad secundum: Habemus nomen ipsum Sacramenti, ex Eph: 5. v. 32. *Sacramentum hoc magnum est*, &c: ubi licet in Graeco legatur *Mysterium*, non tamen ad Christi, & Ecclesiae conjunctionem refertur, ut haeretici volunt, sed ad conjunctionem viri, & feminae, ut passim Ambrosius, Hieronymus, Chrysostomus, Augustinus, & ceteri testantur.

Est praeterea hic ritus, seu signum externum, quod consistit in contractu visibili, inter virum, & feminam, de quo proprie dicit Apostolus, quod sit magnum Sacramentum.

Deniq; Tertiò: Gratiam ex hoc ipso loco Pauli colligimus annexam, dum Matrimonium ait magnum esse Sacramentum, in Christo, & Ecclesia. Cum enim asserat  
Apo-



Apostolus per conjunctionem matrimonialem inter Christianos, significari conjunctionem Christi cum Ecclesia, debet necessario significari conjunctio per gratiam quæ est inter fideles conjugatos. Duplex enim est conjunctio Christi cum Ecclesia, una est per naturam humanam, altera est per gratiam.

De Prima dici nequit, eò quod non Ecclesia tantum, sed vniuerso generi humano per carnem Christus sit conjunctus.

Ergo de altera dicendum est. Quasi Paulus sic comparisonem hanc formasset: sicut inter fideles conjugatos supra contractum civilem, etiam est unio spiritualis animorum viri, & vxoris; ita inter Christum, & Ecclesiam supra conformitatem illam naturæ, quæ omnibus est communis, est præterea conjunctio gratiarum, quæ propria est Ecclesiæ. Ergo fatendum est, per matrimonium fidelium, ex ipsâ Christi institutione, conjuges spiritualiter quoque conjungi; atque adeo conferri gratiam. Ostenfis ergo hinc omnibus ad Sacramentum requisitis, sequitur, vt cum Ecclesia vniuersa concludamus Matrimonium verum Sacramentum esse.

17. Ex his ergo dictis omnibus constat septem esse ritus, seu sacras cæremonias, quibus omnia conueniunt, quæ ad Sacramenti pro-

ti propriè dicti rationem, & essentiam requiruntur; ut proinde verè Sacramenta dici possint, atq; debeant. Quod autem plures tales ritus in Ecclesiâ non inueniantur, inde patet, quòd Aduersarij nullum assignare possint. Nam licet nonnulli varios producere nitantur, de omnibus tamen certum est, quod vel in Scripturis non inueniantur, vel à Christo non sint instituti, nec vllam promissionem habeant gratiæ, gratum facientis. Sed nec lotio pedum, loh: 13. quam aliqui allegant, Sacramentum esse potest; nam per illa verba: *Nisi lauero te, non habebis partem meam*, Christus non promittit justificantem gratiam, (ut quidam volunt Aduersarij) sed minatur poenam ob inobedientiam, ut S. Chrysostomus, Cyrillus, Basilii, aliq; Patres explicant. Deinde nullum est mandatum, seu institutio hujus Sacramenti frequentandi, alioquin omnes ferè homines peccarent, qui non vtuntur illâ cæremoniâ, quæ neq; in primitiua Ecclesiâ semper fuit obseruata. Ut omittam rationes alias, quibus facile probari potest, neq; Lotionem, neq; aliam vllam sacram cæremoniam, præter supradictas septem, esse Sacramentum. Numerum hunc septenarium confirmat similitudo, quæ inter corporis humani, & Animæ vitam conseruandam intercedit. Ad

corpus



corpus enim per se necessaria est generatio, augmentatio, nutritio, remedium contra morbos, & per accidens contra reliquias morbi; Deinde Patres, qui vitam corporalem propagent, & Magistratus qui ordinent. Ita in vitâ spirituali requiruntur generatio, quæ fit per Baptismum. Augmentatio, quæ fit per Confirmationem. Nutritio, per Eucharistiam. Remedium contra morbos, per Pœnitentiam. Contra peccatorum reliquias, per Extremam Vñctionem. Per Matrimonium propagantur homines, ad cultum Diuinum deputandi; Per Ordinem verò gubernantur. Ita D. Thomas contra Gentes lib: 4. c. 5. 8.

18.

Deniq; præter Scripturarum Auctoritatem, quam adduximus, præter perpetuam ac constantem Ecclesiæ primitivæ doctrinam, ac Traditionem, septenarium Sacramentorum numerum, ex Aduersariorum inconstantia, & dissensione, quam optimè confirmamus. Nam quia à Scripturis, & Traditionibus, hoc est à veritate, deflexerunt, nullam Sectam vnquam inuenire fuit, quæ constantem aliquam doctrinam de Sacramentorum numero teneret. Vt veteres hæreses omittam, tantum horum temporum aliquas producam.

Lutherus in lib. de captiuit. Babylon: initio quandoq; asseruit, si secundum vsum Scriptu-

Scripturæ sit loquendum, tantum vnum esse Sacramentum. Ibidem tamen dicit, neganda esse septem Sacramenta, sed tria pro tempore ponenda; *Baptismum, Panem, & Penitentiam*. In fine dicit, si rigide volumus loqui, duo tantum esse Sacramenta: *Baptismum, & Panem*. In medio libri, cap: de Confirm: ait, se non damnare septem Sacramenta, sed tantum negare, ea ex Scripturis probari posse, quem hac in re duobus ab obitu annis secuti sunt, Anno 48. in Conciliabulo quodam Lipsensi, plures; qui teste *Sleidano, l. 20. Histor:* idè Lutherani molles appellati sunt. *Metanibon* verò in locis Anno 21. & 22. cap: de signis. *Jllyricus* in Confess: *Antwerp: cap: 11. & 18. Chemniius 2 part: Examinis, de num: Sacram: & Hunnius cap: 4. de Sacramentis:* quamvis alioquin in Confessionem Augustanam, & ejus Apologiam jurati, Duo tamen Sacramenta tantum posuerunt, *Baptismum, & Eucharistiam*, quos *Brochmannus, & VVratislavienses* sequuntur. Apologia verò Confessionis Augustanæ Art: 13. quam libro Concordiæ insertam alii Lutherani communiter, & ferè omnes eorum Catechismi, ac libri rituales sequuntur, asserit verè, & propriè tria esse Sacramenta, *Baptismum, Cœnam, & Absolutionem*, *Calvinus* his etiam ordinem adjungit, sed delet *Absolutionem*,



*ſolutionem*, cujus loco *Zvvinglius* ponit etiam Matrimonium. Omitto alias innumeras diſſenſiones, tam Lutheranorum inter ſe inuicem, quam Calviniſtarum, & aliarum Sectarum.

Ex quibus deducitur primò, mira omnium inconstantia. Secundò, non poſſe apud Aduerſarios veram eſſe Eccleſiam; cum enim juxta omnes Lutheranos vera Eccleſiæ nota præcipua ſit, in Doctrinâ Sacramentorum, conſenſus, qui inter illos non eſt; non erit apud illos præcipua nota, & conſequenter erit falſa Eccleſia.

Poterit ergò quicumq; cordatus Chriſtianus hanc Aduerſariorum inconstantiam, & diſſenſionem de numero Sacramentorum; cum constantia, & perpetuâ, ac nunquam mutatâ, vel interruptâ Catholicorum concordia, & confeſſione comparare, & facile veritatem eliciet.

### CAPUT 3.

#### *Objectiones Aduerſariorum refelluntur.*

19. **B** Rochmannus, quia numerum illum ſeptenarium Sacramentorum, generaliter conuellere nequit, vtpotè nulla Scripturâ, vel Traditione munitus, quæ ambo

ambo pro Catholicis pugnant, singula nititur euertere.

Ac in primis *contra Confirmationem* sic obijcit primò: Ex nullâ Scripturâ probatur Confirmationis Sacramentum, cujus pars essentialis est ille ritus externus, Vnctionis Chrismatis. Qui ritus, cum sit inuentum humanum, in nullâ Scripturâ fundatum, Sacramentum dici non potest. Respondeo; licet nullibi, ritum hunc Vnctionis expressè scriptum inueniamus, falsum tamen est, inuentum esse merè humanum. Nam cum Apostoli eo ritu manus imposuerint receptoris Spiritum sanctum, quem illos docuit Christus; & illi imponendo manus, simul etiam vti Chrismate fuerint, ritus ille Vnctionis non potest dici inuentum humanum, sed institutum diuinum. Quod autem Apostoli fuerint vti Chrismate, siue quod vnixerint, testantur Apostolorum coetanei, *Clemens*, & *Dionysius* locis cap: 1. citatis, cujus Vnctionis præterea meminerunt, vetustissimi Patres *Theophilus Antiochenus*, *Tertullianus*, *Cyprianus*, *Cornelius*, *Origenes*, & alij plurimi supra alati, cum totâ primitiuâ Ecclesiâ, quæ falli non potuit.

Ergò hæc Vnctio fuit diuina, & instituta à Christo.

Quod autem replicant aliqui, certum  
E esse,



esse, Spiritum sanctum acceptum fuisse à multis sine Chrismate, Act; 2. & 10. fate-  
mur esse verum; negamustamen, in his  
locis ministerio Sacramentorum datū fuisse Spiritum Sanctum, sed singulari priui-  
legio datum à Deo effectum Sacramenti si-  
ne Sacramento.

20. *Contra Pœnitentiæ Sacramentum* obijcit il-  
lud tritum, & vulgare; nusquam in Scri-  
pturis reperiri *dolorem*, qualem ad hoc Sa-  
cramentum Catholici requirunt. Non esse  
virium humanarum, nec liberi arbitrij, sed  
Spiritus sancti opus. Confessionem quoq;  
singulorum peccatorum, ait non haberi in  
Scripturis. Deniq; Satisfactionem, quæ  
pars est pœnitentiæ, asserit in meritū Chri-  
sti extremè injuriam esse. Ergò Pœniten-  
tia, qualem ponimus Catholici, non potest  
esse Sacramentum; euersis enim partibus  
ejus essentialibus, & fundamentis, totum  
ædificium ruere necesse est.

Verùm cum ad has tritas cantilenas re-  
spondeamus ex professo, in demonstratio-  
ne sequenti de Confessione Auriculari, ubi  
ostendemus illam juris diuini esse, & con-  
sequenter sic à Christo institutam; non est  
quod illis probandis vltèriùs immoremur.

Dico ergò, in Scripturis passim comen-  
dari *dolorem*, qualem requirimus Catho-  
lici. Secundò, Confessionem quoq; judi-  
cialem

tialē à Christo institutā esse. Tertiò, Satisfactionē non asserimus esse partē essentialē Sacramenti, sed tantum integram. Vnde sequitur, nihil esse ad rem, quod contra illam obijcit Brochmannus. Operibus autem Satisfactionis non fieri injuriam Christo, eaq; gratiā jam informata verē esse meritōria, ac per ea nos posse pro peccatis nostris satisfacere; fusē docuimus in Demonstrationibus de Meritis bonorum operum, & de Impletionē legis, ad quas Lectorem beneuolum remitto.

*Contra Extremam Vnctionem* tale format Argumentum Brochmannus:

Si Extrema Vnctio foret Sacramentum, id potissimū colligeretur ex Iacob: s. v. 14. sed inde non colligitur, Ergò. Minorem probat; quia in illo loco tantū agitur de extraordinariā, & miraculosā sanatione, per inunctionem, ergò non de Sacramento, quod omnibus commune, & perspectum esse debet: solis enim sui temporis hominibus, loquitur Apostolus, tunc cum sanitarum gratia vigeat: Nullā enim particulā significauit, hunc ritum ad posterōs transire, sicut de Baptismo, & Eucharistiā dicitur. Verūm hīc non agi de miraculosā sanitate, seu miraculorum dono, multis rationibus conuincitur. Primò: Quia illud extenderetur ad quoslibet cor-

21.



pore miseros, cæcos, claudos, qui non decumbunt, neq; de vitâ periclitantur; donum enim miraculorum omnibus corporis defectibus commune est; locutus ergo generalius fuisset. At solum de morbis gravibus, & periculosis, sermonem Apostolo fuisse, testantur ea verba: *Infirmatur quis in vobis.* Secundò non restrinxisset ad Presbyteros, siue Seniores, quos solos iussit ad hoc munus advocari; qui tamen soli non habebant donum curationum; neq; etiam habebant omnes, sed debuisset dicere Iacobus, vt Prophetæ, vel alij nominatim, qui præditi dono miraculorum erant, vocarentur. Tertiò, si per miraculum curari debuissent, non præscripsisset materiam, seu oleum Iacobus; qui enim donum miraculorum habet, adhibet quod illi inspirat Deus; nec aliquibus certis rebus Virtus miraculorum alligatur. Quartò: Verisimilè non est Apostolum iussisse fidelibus, quærere miracula, signa enim sunt infidelium, non fidelium. Quintò: Cùm dicat Apostolus: *Oratio fidei saluabit*, si de curatione corporali per donum miraculorum intelligatur, nulli Apostolorum tempore excessissent è vivis, nisi qui Iacobo non obediissent. neq; illud: *Si in peccatis fuerit, dimittentur et;* referri potest ad corporalem sanitatem, quia ad animam expressè pertinet; & donum

nam curationis ad corpus potissimum refertur. Sextò: Deniq; cum nihil in totâ hac epistolâ præcedat, aut sequatur, quod non pertineat ad omnes Christianos; nulla omnino est ratio negandi solam hanc periodum de Vnctione sacrâ ad nos omnes pertinere: & licet in Scripturâ non ponatur verbum aliquod expressum, denotans perpetuitatem; non est vilo modo necessarium (nam neq; de Baptismo quidpiam habetur: illud enim: *Ecce ego vobiscum sum*: necessario non refertur ad Baptismum) sed sufficit, id colligi ex Scripturâ, & Ecclesiæ Traditione vetustissima, perpetuoq; vlu.

*Contra Ordinis Sacramentum* duo obijcit Aduersarius.

Primò: Per Ordinem non conferri gratiam justificantem, aut gratum facientem. 22.  
 Secundò: Ordinem non posse dici Sacramentum Noui Testamenti, cum & veteri, & nouo fuerit commune. Respondeo ad primum, falsum illud esse; quod vt commodè intelligatur, aduertendum est, Sacramenta quædam ad tollenda mortalia peccata, & justificandum hominem, seu gratiam primam conferendam instituta esse, vt *Baptismus*, & *Pœnitentia*, quæ proinde Sacramenta mortuorum appellantur.

Reliqua Sacramenta sunt viuorum, id est, per se instituta pro justificatis ad iustitiæ



augmentum, seu gratiam secundam conferendam. Et hæc subiecto jam antea justificato, verè conferunt augmentum gratiæ, eo modo, quo illud conferunt Baptismus, & Pœnitentia jam antea justificato. Si verò in subiecto gratiam primā non inueniant hæc viuorum Sacramenta, probabile est quod operentur, & eam conferant; modo in suscipiente nullus obex justificationis adsit: sed siue illud faciant, siue non; sufficit ad rationem Sacramenti, quod in subiecto jam antea sanctificato, gratiæ augmentum, seu gratiam gratum facientem conferant. Et hoc in Sacramento Ordinis specialiter contingere, testatur Paulus 2. Timoth: 1. v. 6. *Admoneo te, vt suscites gratiam DEI, quæ est in te, per impositionem manuum mearum.*

Per illam autem gratiam non significari gratiam, vel donum gratis datum. v. g. docendi, vel regendi (vt volunt Aduersarij) sed gratiam gratum facientem; euidenter Apostolus verbis sequentibus declarat. v. 7. sic dicens: *Non enim dedit nobis DEUS Spiritum Timoris, sed Virtutis, Dilectionis, & Sobrietatis.* Ergo gratia Timotheo donata in Ordinatione, quam ab illo suscitari vult Apostolus, est Spiritus Timoris, Virtutis, & Dilectionis. Ita omnes Ecclesiæ primitiui Patres explicant. Ad secundum quod

quod attinet, respondeo: ex eo, quod Ordo in Veteri Testamento non fuerit Sacramentum, non sequi in Nouo etiam non esse. Nullum enim in Veteri Testamento mandatum de Prædicatione, datum legimus. Nullam ullibi concessam, Vinum, & Panem in Sanguinem, & Corpus Christi transmutandi, vel peccatores absoluedi potestatem; neq; certam gratiæ promissionem factam inuenimus. Quæ cum Ordini Noui Testamenti sint concessa, erit ille Sacramentum, non autem Veteris Testamenti.

*Contra Sacramentum Matrimonij* tribus 23.  
 urget Brochmannus argumentis. Primò; si propterea Matrimonium annumeretur Sacramentis, quia est imago quædam conjunctionis Christi cum Ecclesiâ, temeraria est assertio; Primò, quia capitis, & membrorum, Vitis, & Palmitum arctissima conjunctio adumbrat etiam Christi, & Ecclesiæ conjunctionem. Rom: 12. v. 45. 1. Cor: 12. v. 12. Secundò: Conjugium cum ipsâ mundi origine cœpit Gen: 1. & 2. Quæ ergò veri specie Noui Testamenti Sacramentis adnumerari poterit à Christo demùm institutis? Tertiò: Si Matrimonium sit Sacramentum, quo jure Catholici à Matrimonio Sacerdotes arcent?

*Respondeo ad primum*, nihil illud facere 24.  
 ad rem; nam licet Vitis, & Palmities Christi, &



sti, & Ecclesiæ conjunctionem adumbrent; ideo tamen Sacramentum non est. non enim ex quolibet signo Sacramentum colligitur, sed tantum ex eo, quod ad hoc institutum à DEO est, & cui annexa est gratia, quæ omnia inueniuntur in Matrimonio; est enim signum conjunctionis Christi cum Ecclesiâ, ad hoc planè institutum, ut ex ejus insolubilitate patet. & propterea habet annexam gratiam, ut ante docuimus. Quæ omnia, Vitis, & Palmes non habent. Nec sunt propriè à Deo instituta; non enim Deus creauit Vitem, & Palmites, ut conjunctionem Christi, & Ecclesiæ significarent; sed ex naturali eorum proprietate ducitur à Scripturâ, similitudo conjunctionis Christi cum Ecclesiâ.

25.

*Ad secundum respondeo:* Licet Conjugium ab initio mundi fuerit, non tamen fuit propriè Sacramentum; quia nullam habuit gratiæ promissionem; nam benedictio Adamo, & Euzæ in Paradyso data, non fuit de spirituali gratiâ, sed de propagatione corporali; quod patet inde, quod in statu innocentiae nulla necessitas gratiæ Sacramentalis fuerit, quia nulla ibi erat concupiscentia, vel difficultas. In statu autem naturæ jam corruptæ, nulla quoq; legitur facta Matrimonii institutio, sed tantum restrictio quædam, ad certas personas contrahen-

trahentes. Et quia Polygamia, & repudi-  
dum erant permiffa, deerat etiam ratio fi-  
gni, adeò, vt neq; tunc fignum effer Matrimo-  
nium. Matrimonium ergò ab initio  
mundi, ficut & nunc etiam apud infideles,  
tantum fuit ciuilis contractus, & in officium  
Naturæ: Non autem verum Sacramen-  
tum, ficut nunc apud Christianos.

*Ad Tertium refpondeo*, Ecclefiam Matrimo-  
nium vetare Sacerdotibus, non propter  
rationem Sacramenti, quæ bona eft; fed ob  
impedimenta Officij Sacerdotalis, quæ Ma-  
trimonio funt annexa; vnde qui vxores du-  
xerunt, & mutuo confenfu perpetuam con-  
fentientiam funt profeffi, Sacerdotes ordina-  
ri poffunt; manente tamen vinculo infolu-  
bili conjugii. Neq; absurdum eft, eos, qui  
vnum Sacramentum habent, ab alio arceri,  
licet vtrumq; fandum fit, & Deo gratum,  
quando vnius ministerium, alterius fun-  
ctionem impedit. Nam 1. Timoth: 5. re-  
prehenduntur viduæ, quæ ad Ecclefie mi-  
nifteriũ affumptæ, nubere volebant, quia  
nimirum non facile poterant nuptijs fimul  
& Ecclefie ministerio fatisfacere.

26.

His adhuc vnã instantiam à Chemni-  
tio mutuatam, Brochmannus addit; vide-  
licet nullibi inueniri eo fine Conjugium à  
Deo institutum effer, vt per illud peccata re-  
mittantur.

27.



Sed respondeo, Obiectionem illam falso fundamento niti, quod videlicet omnia Sacramenta sint instituta ad Remissionem peccatorum. Quod fundamentum, supra responsione objectionis contra Ordinem evertimus; quam objectionem etiam solide refellit Eucharistiæ Sacramentum. Cum enim Eucharistia propriè sit dictum Sacramentum, ut fatentur omnes, tamen illud non ad peccata remittenda, sed ad vitam spiritualem per Baptismum acquisitam, alendam, & conseruandam institutum esse, ipsæ Sacramenti species testantur; Ideò enim in specie Panis, & Vini Sacramentum istud datur, ut in eo cibum dare, ad vitam spiritualem sustinendam intelligamus.

Atq; ita præcipua argumenta sunt soluta, quibus septenarium Sacramentorum numerum à Christo institutum Adversarij oppugnant.

—S(H)—





DE

CONFESSIO

DEMONSTRATIO II.

Quâ ostenditur, Lu-  
theranam Ecclesiam non esse ve-  
ram Ecclesiam, quia damnat Confes-  
sionem particularem omnium pec-  
catorum Sacerdoti faciendam, quam  
tota primitiua Ecclesia, ex Christi in-  
stitutione, necessariam esse do-  
cuit ad salutem Pecca-  
toribus.

CAPUT I.

*Confessio priuata singulorum pec-  
catorum, in Ecclesiâ primitiuâ fuit  
usitata.*



Ostendunt Aduersarij, I.  
Confessionē particularem sin-  
gulorum peccatorum, recens  
Inuentum, & Commentum es-  
se; ac



se; ac proinde quæstuosam Conscientiarum carnificinam nominant. Sed hæc Calumnias facile confutant, totius Ecclesiæ primitivæ testimonia, quibus probamus euidenter, Confessionem illam singulorum criminum, jam ab Apostolorum temporibus usitatam in Ecclesiâ fuisse, ut ex sequentibus demonstratur.

Anno 80.

Clemens Romanus Epist: 1. *Si forte aliquis Cor, vel Liur, vel Infidelitas, vel ali-quod malum latenter irrepperit, non erubescat, qui animæ suæ curam gerit, confiteri hæc huic, qui præest.*

Ad: 180.

Irenæus lib: 1. c. 9. loquens de Muliere quadam peccatrice conversâ: *Postquam, inquit, magno labore Fratres eam conuertissent, omne tempus in Exomologesi consummauit, plangens, & lamentans, ob hanc, quam à Margoperpessa est corruptelam.*

A. 200.

Tertullianus lib: de Pœnit: c. 10. agens de particulari Confessione: *Plerosq; tamen, inquit, hoc opus, ut publicationem sui, aut suffugere, aut de die in diem differre præsumo, pudoris magis memores, quam salutis. velut illi, qui partibus verecundioribus corporis contractâ vexatione conscientiam medentium vitant, & ita cum erubescentiâ suâ pereunt.*

Ad. 230.

Origenes Homil: 2. in Psal: 37. (quoniam iniquitatem pronuntio) *Pronuntiationem Iniquitatis, id est, Confessionem peccati frequen-*

frequentius diximus. Vide ergò quid edocet nos Scriptura diuina, quia oportet peccatum non celare intrinsecus, fortassis enim ij, qui habent intus inclusam escam indigestam, aut humoris, aut phlegmatis Stomacho grauitè imminetia, si vomuerint, releuantur: ita etiam hi, qui peccauerunt: siquidem occultant, & retinent intra se peccatum, intrinsecus urgentur, & propemodum suffocantur, à phlegmate vel humore peccati: si autem ipse sui Accusator fiat, dum accusat semetipsum, & confitetur, euomit delictum, atq; omnem morbi digerit causam. & alia fusè.

Item Homil. 7. in Leuit: Est adhuc septima, licet dura, & laboriosa, per pœnitentiam remissio peccatorum: cum peccator non erubescit Sacerdoti Domini indicare peccatum, & querere medicinam, secundum eum qui dicit: Dixi pronuntiabo aduersum me in iustitiam meam Domino: & tu remisisti impietatem cordis mei.

Cyprianus lib: de Lapso: Confiteantur. A. 250. singuli delictum suum, dum adhuc qui deliquit in seculo est, dum admitti ejus Confessio potest: dum Satisfactio, & Remissio facta per Sacerdotes apud Dominum grata est.

Et lib: 3. Epist: 14. Cum in minoribus peccatis agant peccatores pœnitentiam justo tempore, & secundum Discipline ordinem ad Exomologesin veniant, inspectâ vitâ ejus, qui agit



git pœnitentiam, nec ad Communicationem venire quis possit, nisi prius illi ab Episcopo, & Clero manus fuerit imposita: quanto magis in his grauissimis, & extremis delictis, cautè omnia, & moderatè secundum Disciplinam Domini obseruari oportet?

A. 320.

Lactantius lib: 4. Instit: 17. Circumcisionis imperata in veteri Testamento, ac docens eam figuram Confessionis esse: Ob hanc, inquit, causam Deus nudari eam iussit, ut hoc Argumento nos admoneret, ne inuiolatum pectus haberemus; id est, ne quod pudendum facinus, intra Conscientia secreta velemus. Volens enim Vita ac Saluti nostræ pro aternâ suâ pietate consulere; pœnitentiam nobis in illâ circumcissione proposuit, ut si cor raundauerimus, id est, peccata nostra confessi fuerimus, satis Deo fecerimus, veniam consequamur &c: Item capi: 30. contra Nouatianos.

A. 330.

Athanasius sermone, in illa verba: Profecti in pagum qui ex aduerso est, inuenietis pullum alligatum: Nos ipsos examinemus, num soluta sint nostra vincula, ut in melius proficiamus. Quod si nondum soluta sunt vincula, tradas te ipsum Discipulis JESU, ad sunt enim, qui te soluant pro potestate eâ, quam à Salvatore acceperunt. Quaecumq; enim ligaueritis, &c.

A. 350.

Hilarius Can: 18. in Matth: Ad leuiorem autem metus maximi, quo in præsens omnes conti-

continentur, immobilè seueritatis Apostolica  
iudiciũ premisit, & quos in terris ligauerunt,  
id est, peccatorũ nodis innexos reliquerint, &  
quos soluerint confessione videlicet, veniæ rece-  
perint in salutem, si Apostolica Conditione sen-  
tentia in Celis quoq; aut soluti sint, aut ligati.

Ambrosius in Psal: 37. Plurimum suffra- A. 370.  
gatur reo verecunda Confessio, & pœnam quam  
euitare non possumus, pudore subleuamus.

Basiliius Reg: 229. Omnino in peccatorum A. 370.  
confessione eadem ratio est, quæ in aperi-  
tione corporis; ut enim vitia corporis ne-  
quaquam quibusuis temerè aperiunt homines,  
sed iis tantummodò, qui rationem, quâ ea cu-  
randa sunt teneant; eodem modo etiam pecca-  
torum Confessio fieri debet, apud eos videlicet,  
qui ea possunt curare.

Et Reg: 288. Necessariò iis peccata aperiri  
debent, quibus credita est Dispensatio Myste-  
riorũ Dei: siquidẽ rationẽ hanc in Pœnitentiã  
etiam Veteres illos cernimus secutos fuisse.

Cyrillus Hierosolymitanus Catech: 1. A. 370.  
Tempus præsens, est tempus Confessionis. Con-  
fiteare quæ perpetrasti, confitearis tempore ac-  
ceptabili, & in die salutis.

Pacianus Paranesi ad Pœnitentiam.  
Rogo vos fratres etiam pro periculo meo, per il-  
lum Dominum, quem occulta non fallunt, desi-  
nite vulneratam regere Conscientiam, Pru-  
dentes agri Medicos non verentur, ne in oc-  
cultis



*cultis quidem corporum partibus etiam secuturos, etiam perusturos. Et multa profert in hunc sensum, quibus omnes ad singulorū Confessionē Sacerdoti faciendā hortatur.*

*A. 380.*

Gregorius Nyssenus in Ecclesiasten homil: 3. *Honestum est existimare esse proprium Ecclesie Documentum, se per Peccatorum Confessionem, & Enuntiationem rectē gerere. Per hoc enim licet suam Animam armare armis Confessionis. Hanc particulam: Confessionem fusiū & clariū inculcat Oratione ad illos, qui seipsos judicant. Audacter, inquit ostende illi (Sacerdoti) quæ sunt recondita animi arcana, tanquam vulnera medico reterege, ipse & honoris, & valetudinis tue curam habebit.*

Hieronymus ad cap: 16. Matthæi, Sacerdos pro officio suo cū peccatorum audiuit varietates, scit quis sit ligandus, quis soluendus.

Item docet ad Ecclesiastis cap: 10. Et Epist: 5. ad Marcellam de Montanis.

*A. 390.*

Ruffinus in Psal: 31. *Licet Deus dimittat peccata, ex quo homo in voluntate pœnitet, tamen confitendū est Ministris Ecclesie, quia nisi confiterentur, ex suā malitiā damnarentur.*

*A. 400.*

Chrysostomus in Genesin homil: 10. *Qui hæc facit, si voluerit ad Confessionem facinororum festinare, & medico ostendere vlcus, quæ curret, & non exprobrer, atq; ab illo remedia accipere, & soli ei loqui nullo alio conscio,*

*& o.*

Et omnia dicere, cum diligentia facile sua peccata emendabit. Confessio enim præteritorum est abolitio delictorum. Item Homil: 30. in Gen: homil: 33. in Ioh: & lib: 2. de Sacerdotio, tam clarè Confessionem singulorum peccatorum Sacerdoti faciendam inculcat, ut hisce temporibus Doctores Catholici clariùs de eâ re loqui non possint.

Augustinus lib: 2. de visitatione infirmorum cap. 4. *Sunt quidam, qui sibi ad salutem sufficere autumant, si soli Deo, cui nihil occultum est, sua confiteantur crimina; nolunt enim, aut erubescunt, siue dedignantur se ostendere Sacerdotibus, quos tamen inter Lepram aut Leporam discernere per Legislatorem Dominus constituit. Sed nolo ut ipsa decipiaris opinione, quatenus confundaris confiteri coram Domini Vicario tabescens præ rubore, vel ceruicosus præ indignatione. Nam ipsius humiliter est subeundum iudicium, quem Dominus sibi non dedignatur Vicarium &c. Et pulcherrimè cap. 5. Ergò, inquit, quæ mentem gravius exacerbant facinora, Sacerdoti manifesta, nihil obscurum dicens, culpam nullis ambagibus inuoluens, nullis circumitionibus, quod verum est operiens. Designanda etiam sunt, in quibus peccasti loca, si recordaris, & tempora, &c. ibi omnes omninò circumstantias in Confessione dicendas describit.*

Nec desunt habita in variis Mundi partibus

F

tibus

A. 400.

2.



tibus Concilia, quæ hanc singulorum Confessionem inculcant, videlicet Laodicenſ, Can: 2. ante annos 1100. Synodus 6. ante annos 900. Can. 102. Chartaginense 3 Can: 31. ante annos 1100. Cabilonenſe 1. Can: 8. ante annos 1000. Cabilonenſe 11. Can: 32. ante annos 800. Turonenſe circa idẽ tempus Can: 22. Moguntinum ſub Rabano, c. 26. V Vormatiienſe ante annos 868. cap. 25. Lateranenſe IV. c. 21. Conſtantiienſe Seſſ: 8 Florentin: in Inſtruct: Armen: Tridentinum Seſſione 19. Can: 6. Et inſtar omnium Nicænum, quod admittunt omnes Lutherani. Nam teſte Socrate lib: 1. c. 7. in Nicæno Concilio Aceſius Nonacianæ Sectæ Epiſcopus, Conſtantino Cæſari dixit, ſe cum Nicæni Concilij Patribus communicare nolle, quod contra eorum ſententiam crederet, eis, qui ſe poſt Baptiſmum *mortale peccato* polluiſſent, *remiſſionis ſpem non à Sacerdotibus, ſed à DEO, qui & poteſt, & auctoritatem habet peccata remittendi, expectandam.* Ideò ergò non communicabat Aceſius cum Patribus primi illius Concilij, quo damnatus eſt Arius, quia negabat poſt Baptiſmum *remiſſionem peccatorum à Sacerdote ſperandam eſſe.* ergò Patres illi crediderunt remiſſionem peccatorum ritè conſeſſis iſta peccatoribus ſperandam eſſe. Ut omittam plurima alia, & innumeros Ec-

clesiæ primitiuz, & omnium Seculorum  
 Patres, qui Particularis hujus Confessionis  
 in Ecclesiâ ab Apostolorum temporibus v-  
 sitatæ, prolixam ubiq; mentionem faciunt.  
 Ut ideò admiranda sit temeritas Aduersa-  
 riorum asserere audentium, recens illud  
 Ecclesiæ jam deprauatæ Commentum esse.

Ex quibus tam luculentis testimoniis, e-  
 tiam si non aperte conuincatur, Confessio-  
 nem particularem esse Iuris diuini; conti-  
 nent tamen antiquam consuetudinem, &  
 indicant necessitatem, Sacerdotibus pecca-  
 ta confitendi. Ex ijs ergò facile erit colli-  
 gere; rem esse à Deo præceptam, tùm quia  
 non inuenitur prima Origo hujus præcepti,  
 tùm etiam, quia non est villo modo proba-  
 bile, Populos fideles præceptum tam ardu-  
 um ab hominibus admissuros fuisse, si per  
 confessionem soli Deo, aut generatim fa-  
 ctam, Remissionem peccatorum obtinere  
 potuissent. Sed de his in sequentibus  
 latius.

## CAPUT 2.

*Doctrina Catholica, de Confessio-  
 ne particulari explicatur, &  
 confirmatur.*



3. **V**T in hac Controuersia clarè procedamus, & status Quæstionis dignoscatur.
1. breuiter quid sentiant Aduersarij exponemus, ac deindè quid Ecclesia Catholica, quibus inter se collatis patebit, in quo differamus; ac tunc demùm Doctrinam Catholicam probabimus, aduersariam reijciemus,

Brochmannus de Pœnit: cap: 2. quæst: 22. De Confessione loquens, tria dicit, in quibus totus quæstionis cardo vertitur.

I. *Confessionem priuatam esse bonam quidem, & laudabilem, sed nullo modo ad salutem necessariam, neq; diuino præcepto institutam.*

II. *Non omnia in illâ annuntianda esse: sed ea tantùm, quæ maximè Conscientiam molestant, idq; potissimùm solatij spiritualis causâ.*

III. *Sacerdotes non habere ullam iudiciariam potestatem, sed eos remissionem peccatorum tantummodo annuntiare per, & propter Dominum Jesum Christum Seruatorem unicum.* Econtra verò Catholicæ Ecclesiæ sensum, & Doctrinam explicat Concilium Tridentinum Sess: 14. c. 5. his verbis: *Vniuersa Ecclesia semper intellexit institutam à Domino integram peccatorum Confessionem, & omnibus post Baptismum lapsis. jure diuino necessariam existere: quia Dominus noster Jesus Christus è terris ascensurus ad Celos, Sacerdotes sui ipsius Vicarios reliquit, tanquam præ-*  
sides

*fides ac Judices, ad quos omnia mortalia crimina deferuntur, in qua Christi fideles ceciderint, quo propotestate clauium remissionis aut retentionis peccatorum sententiam pronuntient, &c.* Quæ verba cum è diametro tribus Aduersariorum punctis aduersentur, propositiones singulas probabimus per Paragraphos sequentes, iusto ordine seruato.

## §. I.

*Probatur jure diuino necessaria Confessio particularis.*

**Q**uia negant Aduersarij Confessionis, de quâ agimus, necessitatem; sed tantum ad solatium, vtilem, & laudabilem eam esse asserunt, nos jure diuino necessariam esse probabimus, ad quod tale Argumentum formo:

Qui post Baptismum mortali peccato illigati sunt, tenentur necessitate mediij, seu jure diuino per pœnitentiam quærere solutionem à peccato, & cum Deo reconciliationem:

Sed hoc aliter fieri non potest, nisi per singularem omnium confessionem, siue in re, siue in voto.

Ergo talis Confessio necessitate mediij, seu jure diuino necessaria est ad salutem, & cum Deo reconciliationem.



Major Propositio certa est ex illis verbis Domini Matth: 3. *Pœnitentiam agite, & Luc: 13. Nisi pœnitentiam habueritis, omnes simul peribitis, & aliis pluribus. Nec ipsimet Aduersarij id diffitentur.*

Alteram ergò Propositionem, seu Assumptionem sic probamus: Solis Apostolis & eorum Successoribus, data est potestas homines post Baptismum à peccatis dissoluendi, & ea remittendi. Illis enim solis dictum est, Ioan: 20. v. 22. 23. *Sicut misit me Pater: ita ego mitto vos: Accipite Spiritum sanctum, quorum remiseritis peccata, remittuntur eis, & quorum retinueritis retenta sunt.* Sed Apostoli, & Successores eorum non possunt peccata remittere, vel retinere, nisi ea per particularem explicationem audiant. Ergò Remissio peccatorum, & cum Deo reconciliatio, non potest aliter acquiri, nisi per singularem omnium Confessionem.

§. Major Propositio asserens solis Apostolis, & eorum Successoribus hæc verba Ioan: 20. dicta, & consequenter illis datam esse potestatem peccata remittendi, & retinendi, certa est ex textu, nec eam negare possunt Aduersarij, quam etiam probabimus §. sequenti, vbi de Iudiciaria Sacerdotum potestate differemus.

Nunc igitur minor Propositio probatur:  
Aposto-

Apostoli, & eorum Successores, per hæc Christi verba Iudices constituti sunt, seu judiciariam in omnes peccatores potestatem acceperunt remittendi, vel eorum peccata retinendi. Sed hanc potestatem non possunt exercere, nisi particulariter illis peccata explicentur. Ergò non possunt peccata retinere, vel remittere, nisi particularem eorum explicationem audiant. Nunc autem in hac primâ Propositione confirmandâ totus cardo vertitur. Nam si probemus Apostolos, & eorum Successores in Ecclesiâ verè iudices esse constitutos, & judiciariam in causis pœnitentium accepisse potestatem, sequitur euidenter peccatorum in specie Confessionem Iure diuino esse necessariam, pro quo probando §. sequentem ponimus.

## §. 2.

*Probatur Apostolorum, & eorum Successorum in Ecclesiâ Iudiciaria potestas.*

Catholici docemus, & indubitatè credimus, Christum peccata omnia Authoritate propriâ semper remisisse: Apostolos verò, & eorum Successores, remittere peccata quidem, non tamen Authoritate, & Potestate propriâ, sed illâ quâ Christus



Itus in Cælos ascensurus, illos tanquam Legatos plenipotentarios in Orbem vniuersum dimittendos amplissimè instruxit. Ioan. 20. v. 22. 23. Afferunt autem è contra Aduersarij, talẽ potestatẽ Apostolos nunquã habuisse, nec habere nunc eorũ Successores, sed tantũ illos annunciare, peccata pœnitentium per Christum iam remissa esse, dicente Chemnitio, quem sequitur Brochmannus : *Ministri tantum Legatione funguntur, & sunt Dispensatores alieni beneficij, quibus non mandatum est, ut corda scrutentur, sed ut ijs, qui significant se pœnitentiam agere, & Euangelio credere, annuntient Remissionem peccatorum.*

Probabimus igitur 1. Iudiciariam hanc Potestatem penes Apostolos, & eorum Successores esse. 2. Annuntiationem illam Lutheranam refellemus.

7. 1. Pater æternus Christum in terras misit cum verã clauẽ, juxta illud Apoc: 1. *Qui habet Clauem Dauid aperit, & nemo claudit; claudit, & nemo aperit.* Quæ clauis fuit vera Potestas, quã Christus Autoritate iudiciariã soluere peccata poterat, & ligare, eaq; de facto soluit, & ligauit. Sed hanc eandem clauem Christus Apostolis in omnẽ terram abituris dedit; Ergo eandem clauem, seu potestatem iudiciariam, Apostoli, & eorum Successores habent.

Major

Major certa est, nec de eâ dubitant Aduersarij. Probatur Minor: Clauem aliquam dedisse Christum Apostolis, est indubitatum. Matth. 16. v. 18. *Tibi dabo Claves*, ibi promittit quidem, quod apud Ioannem 20. v. 22. adimpleuit. Ergo hæc Clavis fuit eadem, quam à Patre Christus accepit; & consequenter Apostolis, & eorum Successoribus per hanc eandem quoq; potestatem dedit, quam ipse Christus habuit, dum illos loco suo misit, eos statuendo Vicarios, & Legatos suos. Quod euidenter confirmatur ex verbis sequentibus, quæ immediatè Dominus subjunxit: *Quorum remiseritis peccata, remittentur eis, & quorum retinueritis, retenta sunt*, quasi diceret: Sicut misit me Pater, & ego mitto vos. Is misit me, vt remitterem peccata, tanquam Iudex, vel ea retinerem; ita vos hac in re Vicarii mei, eadem potestate peccata remittatis, aut ea retineatis. Vtq; ita ostenderet se quantam Autoritatem ipse à Patre accepisset, tantam illis dare. Rectè igitur ex hoc loco demonstratur non solum Doctoris (vt aliqui Aduersariorum putant) sed etiam Sacerdotis, & Iudicis Officium Apostolis, & Successoribus eorum tradidisse, dum Vicarios suos eos statuit: In hac eam ipsâ similitudine potestatis inter Christum, & Apostolos ea dissimilitudo est, quæ



inter Principem, & Legatum; Dominum,  
 & Seruum; Magistratum, & Vicarium e-  
 jus; Christus enim etsi vt homo eam acce-  
 perit à Patre potestatem; tamen etiam à na-  
 turâ illam habuit: Apostoli non habebant,  
 nisi ex solius Christi beneficio: & Christus  
 non vice alterius, sed pro se. Apostoli non  
 pro se, sed vice Christi, vt testatur Paulus  
 2. Cor: 5. v. 10. *Pro Christo ergò Legatione  
 fungimur, tanquam Deo exhortante per nos.*  
 Ex illis igitur conficimus: Apostolos, tan-  
 quam Vicarios, & plenipotentarios Lega-  
 tos Christi, ab eo Clauem, seu Iudiciariam  
 potestatem, quam ipse Christus habuit, in  
 causis peccatorum accepisse. Ergò illam  
 habuerunt.

8. Quod vterius probatur, ex verbis, quibus vsus Christus est. Cum enim certum sit, Christum cum Apostolis communicasse clauem; videndum est, in quem usum eæ aliis tradi soleant: videlicet, ad aperiendum, & claudendum, nunquam autem dantur, vt per eas aliquis significet, qui eas habet, ostium jam clausum, vel apertum esse. Christus ergò, etiam clauem illas dedit, ad significandum, Apostolos quibus eas dedit, habere potestatem aperiendi, & claudendi, nisi dicamus impudèter, Christum improprie, & non ad rem, hac vsum metaphorâ fuisse,

Acce-

Accedit ad hæc alius loquendi modus, quo Christus vsus est in verbis *ligandi*, & *soluendi*, cum etiam in illis: *Quorum remiseritis peccata, remittuntur eis: & quorum retinueritis, retenta sunt.* Ligare etiam, & solvere, non significant declarare, aut annuntiare jam soluta esse; sed re ipsa vincula iniicere, & demere. Si enim significarent annuntiationem solutorum peccatorum, falsum dixisset Christus, *quodcumq; solueritis, erit solutum*: sed potius debuisset dicere: *quodcumq; solueritis, jam fuit solutum.* Sic etiam non potuisset Christus cum veritate dicere: *Quorum remiseritis peccata, remittuntur eis*: sed potius: *Quorum remisistis, jam remissa sunt.* quia verè juxta Aduersarios jam remissa erant, priusquam Apostoli annuntiare possent, ea jam remissa esse. Atq; ita nullam omninò habuissent potestatem remittendi, aut retinendi: hoc est, nolendi remittere: quam tamen ipse Christus, sicut eam ipse habuit, cum Apostolis communicauit, juxta supra dicta.

Deniq; tota primitiua Ecclesia, sic semper locum hunc explicuit; & in Sacerdotibus, tanquam Christi in hoc tribunali Vicariis, talem peccata remittendi, & retinendi potestatem ab Apostolorum temporibus agnouit, quorum testimonia, qui videre volet, legat Bellarmin; de Pœnit l. 1. cap:

9.

10.



cap: 3. Vnum producam Ambrosii, cujus verba quia non minùs contra Lutheranos, quàm Nouatianos, quos tunc oppugnabat, videri possunt, hìc addimus: *Sed ajunt, se Domino deferre reuerentiam, cui soli remittendorum criminum potestatem referuent; imò nulli majorem injuriam faciunt, quàm qui ejus volunt mandata rescindere, commissum munus refundere. Nam cùm ipse in Euangelio suo dixerit Dominus Jesus: Accipite Spiritum sanctum, quorum remiseritis peccata, remittentur eis: & quorum retinueritis, retenta erunt: quis est, qui magis honorat, virum qui mandatis obedit, an qui resistit? Ecclesia in utroq; seruat obedientiam, ut peccatum & aliger, & relaxet. Hæresis in altero immitis, in altero inobediens, vult ligare quod non soluat, non vult soluere, quod ligauit.*

Nunc ad alteram partem procedamus, ut euertamus Annuntiationem illam remissi jam peccati, quam Lutherani per verba ligandi, & soluendi significare volunt.

- II. I. Si ligare, & soluere non sit habere Iudiciale potestatem, sed tantùm annuntiare, & declarare peccatum jam remissum esse, omnis absolutio Sacerdotis, erit omnino superflua, & inanis, ac planè temeraria. Interrogo enim Ministrum Lutheranum, dùm alium absoluit à peccatis, aut certè à peccatis annuncias absolutum; pronunciasne formu-

formulam absolutè, an verò sub conditione; videlicet, si pœnitens verè credat, aut, ut debet, de peccatis doleat? Si absolutè, temeraria est hæc Annuntiatio; cùm ignores, an pœnitens sufficienter sit dispositus, & necessariam ad iustificationem fidem habeat. Et posito, quod ex signis exterioribus, id colligere aliquo modo possis: meliùs tamen id nouit pœnitens; ac proinde nullo modo ministri annuntiatione indiget, quæ nihil certitudinis ei potest superaddere. Si verò Annuntiatio Ministri sit conditionalis; quomodo talis absolutio potest certum, & securũ reddere pœnitentem, cùm dependeat ex conditione penitus incertâ? & nunquid hoc est (quod nobis impingunt Aduersarij) carnificinam animarum instituere, quando pœnitens incertus manet, an vera sit Ministri absolutio; & non sit mentitus annuntiando peccata jam remissa esse, quæ fortè nō remissa sunt.

I I. Si annuntiare peccata jam remissa esse, sit soluere; id est, peccata remittere; non annuntiare erit ligare, id est, peccata retinere; itaq; omnes homines, qui non annuntiant remissionem peccatorum; ligandi, id est, peccata retinendi potestatem habent; quo quid absurdius? 12.

I I I. Si annuntiare diuinas promissiones, seu peccata jam remissa esse, sit absolute; 13.



- uere; profectò poterit absoluerè, & clauem  
cælestem habere, quisquis hoc annuntiare  
potest: sed visis in alio signis pœnitentiæ,  
possunt annuntiare omnes, tam Viri, quàm  
Fœminæ; tam Pueri, quàm Stulti. Ergò il-  
li omnes poterunt absoluerè: atq; ita nihil  
peculiare dictum, aut datum est A postolis  
14. à Christo. Nec dicas: aliquid inesse verbis  
à Ministro prolatis, quod non inest illis,  
quæ ab aliis proferuntur. Quæro enim, an  
illud, quod verbis Ministri inest, faciat a-  
liquid ad remissionem peccatorum in pœ-  
nitente, an non? Primum dicere non pos-  
sunt, quia juxta illos, peccatori jam remis-  
sa sunt peccata, antequam Minister formu-  
lam pronuntiaret. Ergò verba Ministri, ni-  
hil faciunt ad remissionem. Si verò nihil  
faciant ad Iustificationem pœnitentis; er-  
gò à quocunq; pronuntientur, erunt ejusdè  
efficaciæ; & consequenter poterit qui-  
cunq; peccator à quocunq; homine, vel e-  
tiam bestiâ, si loqui posset, imò ab ipso Di-  
abolo absolui.

## §. 3.

15. *Confessionis singulorum usus, ex sacris Li-  
ceris ulterius probatur.*

**P**ROBATA est hætenus Confessionis necessitas, & Apostolorum, ac eorum Successorum in dijudicandis, remittendis, ac retinendis pœnitentium peccatis iudiciaria potestas.

Nunc ne nouum aliquod Ecclesiæ Com-  
mentum id videatur esse; superest, vt ex sa-  
cris Literis probemus, particularem illam  
singulorum criminum Confessionem, i-  
psis Apostolorum temporibus in vsum &  
praxim fuisse communiter redactam.

Quod probatur I. ex Actis Apostolicis,  
vbi cap: 19. v. 8. dicitur: *Multi autem cre-  
dentium veniebant confitentes, & annuntian-  
tes actus suos: multi autem ex eis, qui erant  
curiosa sectati, contulerunt libros, & combus-  
ferunt coram omnibus.* Confitebantur, in-  
quam, & annuntiabant *Actus suos*, non qui-  
dem in genere (vt quidam Aduersarii vo-  
lunt) tùm, quod in Syriaco est *Scagei*, id est,  
*numerantes*, tùm, quod alioquin vnde po-  
tuisset sciri illos fuisse curiosa sectatos? Di-  
ces, inde cognosci potuisse, quod libros su-  
os publicè comburerent. Verùm licet in-  
de potuerit agnosci, quod libros malos  
habuerint, non potuit tamen ex hoc sciri,  
quod ex ijs fuerint curiosa sectati: potue-  
runt enim illos habuisse, & nihil mali se-  
ctari; sicuti modò fieri videmus apud Vi-  
ros doctos, qui multos sæpè perniciosos in  
suis



suis Bibliothecis libros habent, non tamen  
 ex ijs mala sectantur. Ergò debuit aliundè  
 constare eos fuisse curiosa sectatos. Dein-  
 de *annuntiantes Actus suos*, non significat  
 Miracula, vt vult Lutherus; quia Miracula  
 non sunt Actus, seu opera nostra, sed DEI.  
 & Syriaca Versio habet *offensas*, seu *pecca-  
 ta*, non aliqua tantùm, vt Brochmannus se-  
 cutus Kemnitium explicat. Si enim quan-  
 do Scriptura absolutè de peccatis loquitur,  
 liceret explicare *de quibusdam*, sequerentur  
 absurdæ sententiæ, v. g. *Peccata tua Elee-  
 mosynis redime*. Dan: 4. *Ipsè enim saluum fa-  
 ciet populum suum à peccatis eorum*. Matth: 1.  
*Confide Fili, remittuntur tibi peccata tua*.  
 Matth: 9. *Dimitte nobis peccata nostra*. Luc:  
 11. *Ecce qui tollit peccata mundi*, Ioan: 1.  
 Nunquid absurdè hæc explicabit, qui di-  
 xerit ubiq; tantùm intelligi *quedam pecca-  
 ta*, non omnia? pari modo insaniunt, qui  
 per *Actus suos*, quos annuntiabant, ajunt, in-  
 telligi, *quosdam tantùm Actus*, non omnes.  
 Confitebantur ergò omnia sua peccata, non  
 aliqua tantùm, & quoniam constat illo  
 tempore nullam existisse Legem Ecclesia-  
 sticam de Confessione facienda, sequitur  
 illam ante fuisse institutam à Christo.

16.

11. Paulus 2. Corinth: 5. v. 18. 19. sic  
 scribit: *Dedit nobis Ministerium Reconcilia-  
 tionis, & posuit in nobis Verbum Reconcilia-  
 tionis,*

nis, pro Christo ergò Legatione fungimur. Hæc verba ad potestatem Clauium pertinere fateatur Brochmannus. qui autem Legati mittuntur, vt subditos Authoritate regiâ reconcilient Regi; id facere justè non possunt, nisi sciant quantum, & in quibus deliquerint subditi; & quam pœnam sint subire parati. Ergò cùm Sacerdotes Legatione pro Christo fungantur, vt peccatores rebelles reconcilient Christo, debebunt prius etiam scire, quantum, & in quibus deliquerint: quod aliter, quàm per confessionem particularem fieri nequit.

III. Iacobi 5. v. 16. *Confitemini alterutrum peccata vestra, & orate pro inuicem.* v. 17.  
 Ibi non agitur de Confessione, quam proximus proximo facit, vt offensam sibi remittat, vt ajunt Aduersarii. Sed de verâ Sacramentali Confessione Sacerdoti faciendâ, vt explicant Ecclesiæ primitiæ Doctores. Nam ille voces *alterutrum*, & *inuicem*, accipiendæ sunt prout verborum consequentia exigit. Quocirca *confitemini alterutrum*, nihil aliud erit, nisi *confitemini Homines* absolutione indigentes, *Homines* absolutionis potestatem habentibus. Sicut dixit Petrus 1. cap: 4. *Hospitales inuicem sine murmuratione, unusquisq; sicut accepit gratiam in alterutrum, illam administrantes &c.* Nec enim vult ibi omnes hospitio recipiendos  
 G esse,



esse, sed qui indigent tantum : nec eos quidem ab omnibus, sed ab ijs qui possunt. Ita etiam quando jubet Iacobus, vt confiteantur alterutrum, cupit id fieri ab ijs qui indigent: aeq; omnibus sed ijs, qui absolueri possint.

18.

I V. 1. Ioan: 1. v. 9. *Si confiteamur peccata nostra fidelis est, & justus, vt remittat nobis peccata nostra, & emundet nos ab omni iniquitate.* Ex quibus verbis omninò confirmatur Confessio Sacerdoti faciendâ. Nam licet Aduersarij asserant hæc dici de Confessione soli Deo faciendâ; sine fundamento id dicunt. 1. Quia verba illa: *fidelis est & justus, vt remittat nobis peccata nostra,* promissionē continent, at nulla exstat promissio remissionis peccatorū, quorū confessio Deo fit, sed tantū illa: *quorum remiseritis peccata, &c.* quæ ad Confessionem Sacerdotalem pertinent. 2. Si promitteret Apostolus remissionem confitentibus peccata coram Deo, frustra dictum esset Apostolis: *quorum remiseritis peccata,* quia quis ab illis ea cum tantâ verecundiâ, & difficultate peteret remitti, cum longè facilius sit Deum adire? 3. Si quem judicaret Sacerdos absoluendum non esse, frustra retineret peccatum, quia Sacerdote inuito absolueretur peccator ad Deum recurrens. Falsum ergò esset *quorum retinueritis, retenta sunt.*

Es

Ex quibus omnibus hactenus probatis hoc  
Argumentum pro conclusione conficio.

## CONCLUSIO.

**O**Mnis peccator post Baptismum in  
peccata lapsus, jure diuino obligatur  
Sacerdoti, vt vero, & competenti Iu-  
dici Confessionem facere. Sed non potest  
Sacerdoti, vt vero Iudici, debitam facere  
Confessionem, nisi omnia in particulari  
peccata proferendo. Ergo jure diuino te-  
netur omnis peccator Sacerdoti, vt Iudici,  
peccata sua singula explicare. Major Pro-  
positio secundum vtrumq; membrum est  
probata §. 1. & 2. Minor ita clara est, vt pro-  
batione non indigeat. Cum enim Aposto-  
lis, & eorum Successoribus, potestas sit com-  
missa iudicandi peccatores, ipsiq; peccata re-  
mittendi, vel retinendi; quomodo retine-  
re quicquam poterunt, si nesciant quid re-  
tentione dignum sit? quod certe scire ne-  
queunt, nisi in particulari sciant, quibus  
criminibus penitens obstrictus sit; aut cer-  
te penitus injuste iudicabunt. Sicut enim in  
iudicio civili Iudex justus, nunquam se-  
cundum æquitatem iudicare poterit, & re-  
um castigare, nisi sciat in particulari,  
quod, & quantum crimen iudicandum, &  
castigandum sit. Nam quis non Iudicem

19.



Iniquitatis illum esse dicat, qui eâdem pœnâ trium obolorum furem, & centum Homicidiorum reum plecteretur? quod profectò semper in iudicio civili fieret, nisi Iudex reorum peccatis probè cognitis, pro eorum qualitate, & quantitate, supplicium imponeret. Tales Iudices certè in Confessionibus audiendis Ministri Lutherani sunt, qui cum omnibus suis pœnitentibus æqualem confessionis formulam præscribant, ut videlicet se peccatores esse fateantur, & decem Decalogi præcepta infregisse, fit 1. ut sæpius eos mentiri cogant, illa dicendo, quæ nunquam commiserunt (quot enim reperire est bonæ vitæ homines, qui nec actû, neq; voluntate contra præcepta omnia peccarunt?) fit 2. ut idem de se omnibus dicentibus Scortum aliquod, vel Mulier centies adultera, non maiorem pœnitentiam acquirat, quàm pudica, & pia Matrona, nullius, nisi verbi otiosi sibi conscia, quâ Injustitiâ quid iniquius sub sole reperiri potest?

20.

At fortè dices: Ministros Lutheranos Iudices non agere, sed tantùm Nuntios. Si ita est; frustra nea est, & inanis apud eos Confessio, cum peccata omnia supponantur jam remissa, priusquam nuntius annuntiet ea remissa esse. Et profectò Nuntiorum non est pœnas aliis imponere, nisi ex præscripto mittentis Domini. Si ergò Mini-

stri

ftri Lutherani dicant, se pœnas illas imponere ex Præscripto DEI, Deum faciunt tyrannum, & iniustum, utpotè, qui eandem pœnam jubeat imponi pudicæ Matronæ, verbi tantum otiosi conscia, & scorto cuiuspiam mulieris adultero.

Vndè patet quantum miseri Lutherani fallantur, qui à solidâ Ecclesiæ primitivæ Catholicæ, & Apostolicæ Doctrinâ recedentes carnem sectati, superficialem, & mimam illam Confessionem pro legitimâ tenent, à quâ nullam omnino consolationem, ac utilitatem, multò minùs aliquam Animæ medicinam expectare possunt, utpotè quæ planè sit superflua, & inanis, & à Christi institutione, ac Ecclesiæ primitivæ praxi, & usu planè alienâ, juxta ea, quæ supra diximus §. 2. & 3.

### CAPUT 3.

#### *Objectiones Aduersariorum refelluntur.*

**A**Duersarii Apostolicam illam Veritatem euersuri de confessione singulorum criminum Sacerdoti faciendâ, nullum omnino solidum proferre possunt Argumentum, sed simplicem negationem sententiæ Catholicæ pro ratione, & fundamento suo ponunt. G 3 Di-



Dicunt ergò I. Nullis omninò Christi, vel Apostolorum Scriptis, Confessionem, de quâ agimus, probari posse. Ideòq; tanquam nouum Inuentum, & Conscientiarû Carnificinam penitùs reiiciendam esse.

Verùm quantum fallantur Aduersarii superiori toto Capite monstrauius, vbi, & à Christo institutam, & Apostolos, ac eorum Successores in causis peccatorum Iudices ab eo esse designatos; & ejusmodi Confessionem singularem Apostolorum temporibus fuisse vsitatam, luculenter probauimus, & cap: 7. totius Ecclesiæ primitiua ea de Confessione sensum exhibuimus, vt de his nemo non summè cœcus, aut passionibus, ac præjudiciis intransuersum actus, dubitare possit.

22. Nunc autem hujusmodi Confessionem non esse Conscientiarum Tyrannidem, & Carnificinam, vt ipsi ajunt, facile probatur. Nam I. Catholici certi sumus ex commissione Christi, Apostolos, & eorum Successores Sacerdotes, habere judiciariam potestatem remittendi, & retinendi peccata confitentiu: quando ergò per eos illa nobis remittuntur, positis omnib; requisitis, certi etiam sumus ex promissione Christi, nobis peccata omnia remissa, & consequenter nos iustificatos esse. Et licet aliquando certi esse nequeamus, an Confessionem nostram  
cum

cum legitimâ, & debitâ dispositione instituerimus, certi tamē sumus, nunquam deesse Deum hac in re facienti, quod in se est. Ergò quando ea fecimus, quæ facienda nostrarum virium esse judicamus, certi sumus nos legitimè dispositos fuisse. Hac in re si scrupulus subindè aliquis exurgat, qui Conscientiam inquietam reddit, eo quod aliquis dubitare possit, an legitimè fuerit dispositus, & an omnia fecerit, quæ potuit; respondeo non requirere misericordem Deum conatum nostrum summum, sed eum tantum, qui in rebus grauioribus ordinariè adhiberi solet, & morali iudicio sufficere videtur; & idcò nullam esse posse in Conscientiâ carnificinam, aut Tyrānidem. Vtpotè quæ in Confessionibus Lutheranorum magis locum habet. Nam quando Minister suis Pœnitentibus annuntiat remissionem peccatorum, quæro: an verè etiam annuntiet illis, qui fidem tantam non habent, quantam habere possunt? Si ita; ergò asserere coguntur ad remissionem peccatorum non requiri summam dispositionem, siue fidem, quantam aliquis habere potest. Et sic consentiunt nobiscum. Si non; ergò omnium conscientiæ relinquantur inquietæ, & plenæ scrupulis, & semper dubiæ, an peccata sibi sint remissa, cum nemo sit, qui non semper dubitare possit, an



tantam fidem habuerit, quantam habere potest, & consequenter miserabili Carnificinâ Lutheranorum omnium Conscientiæ perpetuò torquebuntur. Si verò dicant, Carnificinam hanc in Conscientiis oriri ex ingenti peccatorum numero, qui recenseri nunquam potest, respondeo; quando Adversarii soli Deo confitendum esse dicunt, etiam affirmant omnia peccata enumeranda esse, quorum recordantur: Sed ibi negant esse Carnificinam animorum; cur ergo sit apud Catholicos, quando eodem modo docent esse dicendum Sacerdoti, quantum est in nobis, & quantum recordamur?

Dicunt II. Impossibilem esse hanc enucleatam, & particularem omnium Confessionem, cum enim *septies cadat in die justus*, quomodo qui semel in anno confitetur, omnium meminisse poterit? ad impossibile autem nemo obligatur.

23. Respondeo; Deum à nobis nullam rem impossibilem exigere, ideoq; quod ad peccata illa minora spectat, in quæ *septies in die cadit justus*, & venialia vocantur; nulla est obligatio confitendi; quia cum illis etiam manemus justis. Ad majora verò, seu mortalia quod attinet, non obligamur, etiâ nisi ea confiteri, quæ post diligentem inquisitionem factam, memoriæ occurrent, ut supra ex Concilio Tridentino, Sess. 14. c. 4. docui-

docuimus. Hoc cum fieri sine difficultate possit, nullo modo potest dici impossibilis Confessio, in qua dici sigillatim crimina iubentur.

Dicunt III. Apostolos, eorumque Successores Sacerdotes alium in peccatis, siue remittendis, siue ligandis, neque posse, nec debere seruare modum, ac processum, quam seruauerit ipse Christus, & Seruator nostrer. Christus autem peccata remissurus, non instituit iudicarium Processum, sed omnibus dolentibus, & ad Christum refugientibus, in eumque verè credentibus peccata remisit. Ergo & hunc procedendi modum Apostoli, & Successores obseruare debent. 24.

Respondeo falsum Antecedens esse, si intelligant, ita in his rebus esse omnia facienda, prout Christus fecit. Sequeretur enim, neque Baptismum esse necessarium, ad remissionem peccatorum, quia Christus sine Baptismo peccata remisit Magdalene, Paralytico, & aliis. Christus enim tanquam Autor Sacramentorum à Sacramentis suis necdum institutis, non depēdebat. Hinc ergo, ut dixi, etiam sine Baptismo interdum peccata remittebat. Et cum Deus esset, ideo peccata contra se, suamque Legem facta simpliciter donare poterat, tanquam summus Princeps: Sacerdotes autem, cum Ministri tantum sint, à Domino ad ligandum, & soluendum



uendum constituti, ne malè remittendo, vel temerè ligando faciant injuriam Domino supremo, modum à Domino præscriptum, obseruare debent.

25. Et hæc ferè sunt quæ obijcit Brochmanus.

Dicunt I V. Nectarium Episcopum Constantinopolitanum Confessionem auricularem abrogasse, quod facere non potuisset, si diuini iuris esset.

Respondeo: Nectarium sustulisse Confessionem publicam, non priuatam; idq; ob casum, qui acciderat, vt refert Sozomenus. Nam cum Mulier quædam imprudenter confessa publicè fuisset peccatum aliquod scandalosum, quod cum alio ex ordine clericali in Ecclesiâ commiserat, magnum dedit Populo fidei scandalum, & ei Ordini notam infamiæ inussit. Nequid simile imposterum contingeret, publicam confessionem sustulit Nectarius; quod autem publicam, non priuatam Confessionem aboleuerit, ex his clarum est 1. Quia Nectarius non sustulit, nisi Appendicem ad veteres Canones, propter Nouatianam Hæresim introductam. Hæc autem Appendix tantum ad Confessionem publicam spectabat.

2. Non sustulit, nisi quod necessarium erat ad sedandum populi tumultum ex flagitij detectione natum; ad hoc autem satis erat

erat tollere Confessionem publicam. 3.  
 Quia post Nectarium semper mansit in Ec-  
 clesiâ priuatæ Cōfessionis vltus; vt ex Chry-  
 sostomo, alijsq; Patribus perspicuum est.  
 4. Quia ipse Sozomenus, qui Confessio-  
 nem fatetur diuini Iuris esse, non arguit  
 Nectarium, vt diuini Iuris Violatorem,  
 quod procul dubio fecisset, si is Confessio-  
 nem omnem abrogasset.


Dicunt V. Lutherani aliqui, & nonnul-  
 li etiam Catholici Disputationis, & Exer-  
 citij gratiâ: Demus penes Apostolos, & eo-  
 rum Successores iudiciariam soluendi & li-  
 gandi potestatem esse, non tamen inde se-  
 quitur Confessionem particularem Sacer-  
 doti factam, homini post Baptismum la-  
 pso necessarium, & vnicum ad salutem ef-  
 fe medium; adeò, vt necesse sit ad eorum  
 Tribunal vnicum accedere: non enim di-  
 xit Dominus: Quæcunq; non solueritis,  
 non erunt soluta, sed tantum: *Quæcunq; sol-  
 ueritis, erunt soluta.* Itaq; poterunt illi qui-  
 dem soluere, quando alicui libuerit eorum  
 Ministerio vti, poterit tamen peccator a-  
 liâ ratione sine ipsorum Ministerio recon-  
 ciliari, ad Deum videlicet confugiendo,  
 & ipsi immediatè confitendo.

Respondeo: Licet illa verba negatiua:  
*Quodcunq; non solueritis, non erunt soluta,* Do-  
 minus Apostolis non dixerit expressè, di-  
 xisse



xiffe tamen implicite censendum est, dum eos solos Vicarios, Legatos, & Iudices constituit, in causis pœnitentium. Quando enim à Principe constituitur Iudex, & Legatus, ut lites inter Principem & Subditos componat, non possunt Subditi ad alium confugere, quàm ad hunc à Principe constitutum. Cum autem peccata lites sint, & causa, quas cum Deo habemus, & Iudicium de ijs solis Sacerdotibus in Ecclesiâ sit commissum, non possunt, qui in Ecclesiâ sunt, si tales causas habeant sine Sacerdotum Iudicio reconciliari DEO. Sicut in Baptismo fit. Licet enim Gentiles immediate recurrerent ad DEVM, non tamen inde peccatorum remissionem acciperent, nisi vel in re, vel in voto prius baptizati; quia nempe Deus solam viam hanc instituit: ita etiam cum Confessione agitur, ut nemo Deo reconciliari possit, nisi per Iudices ad has causas componendas, solos, & immediate constitutos. Ideoque omnibus in peccata post Baptismum lapsis Confessio in re, vel in voto, seu explicitum, siue implicitum illud sit, ad salutem jure divino necessaria est.





DE

DISCRIMINE PECCATI

Mortalis, &amp; Venialis.

DEMONSTRATIO III.

Lutheranam Eccle-

siam non esse veram Ecclesiam,  
quia nullum agnoscit discrimen in-  
ter peccatum Mortale, & Venia-  
le, quod Ecclesia vera primitiua  
semper agnouit.

CAPUT I.

*Exponitur sensus Ecclesie primi-  
tiue, de distinctione Peccati Mor-  
talis, & Venialis.*

**Q**Uod præter mortalia pec-  
cata, quæ mortem Animæ in-  
ducunt, etiam alia quædam  
dicuntur Venialia, ex naturâ suâ  
tâ leuia, vt iustitiam non tollant, tota pri-  
mitiua Ecclesia, & SS. Patres, & Doctores  
semper crediderunt, & docuerunt.

Clemens



*Anno 90.* Clemens Romanus Institut: Apostol: l. 2. c. 48. *Ne de omni peccato idem iudicium pronuntieris, sed de unoquoque suum, de singulis delictis, cum paruis, cum magnis, multa prudentia iudicetis. Aliter, inquam, facto sermone, item aliter proposito, alio modo conuictio, alio suspitione, atque alios etiam solis minis, et terroribus subijcies; alios mulctatione largiendi pauperibus, rursus alios jejunijs comprimere; item alios ex Ecclesia ejicies, pro magnitudine, et grauitate criminis. Siquidem lex non omne delictum eodem supplicio puniebat.*

Origenes Homi: 5. in Luc: *Vnusquisque pro qualitate, et quantitate peccati, diuersae mulctae sententiam expendit. Si parum est quod peccas, ferieris damno minuti. Ut Lucas scripsit, ut verò Matthaeus, Quadrantis, verum necesse est, hoc ipsum, quod exististi debitor soluere; non enim inde exies, nisi et minima quaeque persolueris &c. Si qui parum debet non egreditur, nisi exsoluat minutum quadrantem, utique qui tanto debito fuerit obnoxius, infinita ei ad reddendum debitum secula numerantur.*

*Anno 250.* Cyprianus Epist: 52. *Alia est Philosophorum, et Stoicorum Ratio, qui dicant omnia peccata paria esse, et virum grauem non facile flecti oportere. Inter Christianos autem, et Philosophos plurimum distat.*

*A. 370.* Ambrosius ad c. 4. Epist: ad Roma: *Delictorum*

liſſorum primus gradus, eſt iniquitas, vel impietas dūm non agnoſcitur Creator. Secundus grauium peccatorū opera: tertius verò leuium.

Hieronymus contra Iouin: lib. 2. c. 16. *A. 390.*  
Sunt peccata leuia, ſunt graui. Aliud eſt de-tem millia Talenta debere, aliud quadrantem, & de otioſo quidem verbo, & adulterio rei tenebimur, ſed non eſt idem ſuffundi, & torqueri, erubeſcere, & longo tempore cruciari: & multa alibi fuſè, & diſertè, de hac differentia, præcipuè c. 17. ac deindè ad cap: 7. Matth. & Ep: 14. ad Celantiam.

Ioannes Chryſoſtomus Homil: 24. in *A. 340.*  
Marth: Quid vides feſtucam in oculo fratris tui? ſunt qui cum ſlagitiis abundant innume-riſ, alios de leuibus quibuſq; delictis totā temeritate condemnant. Videtur J E S U S Judæos notare, qui de paruulis quoq; omninò culpæ Accuſatores amariffimi, Proximorum, ipſi nibilò minus ſua, nec maxima quidem crimina cohibebant.

Auguſtinus lib: de Nat: & gratia, c. 38. *A. 340.*  
Quia ſepè in leuiſſimis, & aliquando incautis obrepit peccatum, & juſti fuerunt, & ſine peccato non fuerunt.

Et in Enchirid: c. 71. De quotidianis breuius, leuiuſq; peccatis, ſine quibus hæc vita non ducitur, quotidiana fidelium oratio ſatisfacit. Delet enim oratio minima, & quotidiana peccata. Idem fuſius docet de Spirit: & Literâ,



*Literâ, cap: 36. & Serm: 41. de Sanctis, varijs in locis.*

A. 341. Concilium Milevitanum Can: 6. 7. & 8. docet Sanctos, & justos homines habere peccata quædam, quæ licet sanctitati, & justitiæ non repugnent, tamen verè peccata sint, & remissione indigeant.

2. Patet ergo ex allegatis Testimoniis SS. PATRVM, totam primitivam Ecclesiam, quæ errare non potuit, semper credidisse peccata quædam esse ex naturâ suâ tam leuia, vt cum iustitiâ existere possint, vt nullo modo mortalia sint. Non quia non imputantur, vt talia; sed quia ex naturâ suâ tanta non sint, vt à iustissimo Deo pro mortiferis imputari possint. Quam doctrinam cum neget Ecclesia Lutherana, fallitur, & ab Ecclesiâ verâ primitivâ dissentit.

## CAPUT 2.

*Exponitur utriusq; partis sententia. Catholica probatur, Lutherana refutatur.*

3. VT status quæstionis rectiùs percipiamur, Doctrina partis utriusq; explicanda est. Ac imprimis Catholici sic ajunt: Præter peccata quæ mortalia dicuntur, eò quod animæ mortem adferant, dari alia

alia etiam peccata minutiora, quæ venialia vocantur: adeò ex naturâ suâ leuia, vt nec mortem adferant, nec æternâ pœnâ digna sint. Ideoq; mortalibus peccatis in his duobus opponuntur. E contra Aduersarij, licet illam peccatorum diuisionem non reijciant, docent tamen omnia omninò peccata re ipsâ, & ex naturâ suâ esse mortalia. Quòd autem quædam venialia dicantur, non id fieri, quia tam leuia ex naturâ suâ sint, vt veniam mereantur; *Sed propter meritam Dei misericordiam* (verba sunt Brochmanni, de peccato c. 7.) *qui statuit, non quidem juxta legis rigorem (qui tantus est, vt qui vel tantillum delinquit, omninò ipsi sit moriendum) sed juxta gratiam Euangelij æstimationem, ne quæuis peccata, sine quibus renati propter infirmitatem suam esse nunquam possunt, fideles morti obnoxios faciant.* Vno verbo: esse quædam peccata venialia, non ex materiæ leuitate, & naturâ, sed quia Deus ea homini fideli non imputat ad mortem; cuius doctrinæ fundamentales rationes c. 3. producendas refutabimus. His ita positis, Sententia Catholicorum confirmanda est.

## §. I.

*Confirmatur Sententia Catholicorum.*

H

Pro



4. 1. **P**RO Catholicis stat Scriptura sacra, & consensus Ecclesiæ primitiua vniuersa, quæ capite superiori exposuimus. Scriptura enim peccatorum meminit, quæ etiam in iustis, dum manent iusti, reperiuntur. Prou: 24. v. 16. *Septies in die cadet iustus, & resurget*: Ex quibus verbis tale dilemma formo: vel ea peccata, in quæ septies in die cadit iustus, ex naturâ sua adeo sunt leuia, vt de iusto non possint facere iniustum; vel certè sunt mortalia ex naturâ suâ, & quod non faciant iniustum, id solum misericordiæ DEI attribuendum, qui iusto talia non imputat: si primum; habemus quod intendimus. Si alterum; magna profectò injuria iustis irrogatur, cum asseritur septies eos in die peccata mortalia committere; ideoq; cum dæmonibus supplicia sempiterna promereri. Exemplo injuriam declaro: 1. si honesto viro diceretur, cum aliquoties de die cum furibus suspendium mereri, aut rotam cum latronibus, sed illam solâ iudicis clementiâ eundere, nunquid injuria magna censeretur? 2. Injuria toti Ecclesiæ infertur, quæ non nisi imputatiuè hac ratione *Sancta* dicitur. 3. Blasphemia est in Deum, quasi is iniustos pro iustis habeat, vt mortalia peccata iudicet non esse talia, qualia sunt re ipsa. Nam si verè sint peccata mortalia, quæ venialia

nialia nominamus, & idcirco non impu-  
tentur, quia Deus non iudicat esse talia, De-  
us profectò iudicat nò esse, quod à parte rei  
est. Dicendus est ergò DEVS, in iudicio  
suo errare, quod blasphemum est. Aut si  
iudicet esse talia, & ex solâ misericordiâ  
non punit, non est ratio, cur in illis sit po-  
tius misericors, quàm in aliis omnibus e-  
tiam grauissimis peccatis. Nec vllam ra-  
tionem ex naturâ rei adferre possunt Ad-  
uersarij, nisi quod hæc ex naturâ suâ graua  
sint, illa leuia, & sic cogentur nobiscum  
consentire, vt sequenti §. demonstrabimus.

II. Scriptura iudicat quædam peccata 5.  
esse *magna*, quædam *parua*. Ideò Matth: 7.  
v. 3. Luc: 6. v. 24. comparantur peccata  
*strabi*, & *festuce*. Matth: 23. v. 24. *Camelo*,  
& *Culici*, & Matth: 5. v. 22. distinguitur  
inter iram minorem, quæ *reum facit iudicij*,  
& maiorem, quæ *reum facit gehenna*. Neq;  
vnquam Scriptura indicat, se ideò hoc, vel  
illud peccatum dicere paruum, quod DE-  
VS sit illud condonaturus; illud verò ma-  
gnum, quod non sit condonaturus. Igitur  
de peccato secundum se, & suam naturam,  
illam loqui censendum est. siquidem alia  
quoq; *magna* esse declarat, quæ DEVS re-  
missurus erat; vt constat ex peccato Dau-  
dis 2. Reg: 12. & de peccato Adami, per  
quem peccatum intrauit in mundum, & per  
H 2 pecca-



*peccatum mors.* Rom: 5. v. 12. Et tamen illud remissum est. ideoq; Tacianos negantes Adamum esse sanctum, numerant inter hæreticos S. Augustinus hæresi 25. Irenæus l. 1. c. 13. Tertullianus, Epiphanius, & alij. Atq; ita manifestum est Scripturam pro nobis stare.

O. Ex ratione sic probari potest leuitas peccati venialis ex naturâ suâ. Peccatum veniale ex naturâ suâ, non est perfectè peccatum, Ergò ex naturâ suâ non potest esse mortale. Probarur antecedens, de quo solo quaestio est: Vt aliquid sit perfectè peccatum, debet esse perfectè voluntarium, quod de veniali dici non potest, quia peccata venialia, quæ dicuntur fieri ex surreptione, non sunt plenè deliberata, ergò neq; perfectè voluntaria, & consequenter nec peccata. Et licet peccata venialia quædam, quæ talia sunt ex paruitate materiæ, sint perfectè voluntaria, non dicuntur tamen perfectè contra legem, quia Dei amicitiam non soluunt, quamvis verè, & realiter contra legem sint leuiter illa prohibentem, v. g. furtum vnius oboli; catenus enim peccat aliquis contra legem, quatenus peccat contra charitatem, quia finis præcepti est charitas, teste Apostolo. Sed qui furatur vnū obolū non peccat perfectè, sed tantum leuiter contra charitatem, ergò non peccat etiam

PECCATI MORT: ET VEN: 117

am perfectè contra legem, hoc est contra legem Dei præcipuam, & quæ simpliciter necessaria sit ad salutem. Quod autem talis perfectè contra charitatem non peccet, pater inde, quod nemo injuriam sibi illatam esse dicet, cui solum vnus obolus ablatus est: nec vllus amicus rationabiliter amicitiam dissoluet propter vnum obolum ab amico sibi ablatum. Deinde iudex ciuili, nunquam iudicabit, nec potest iudicare morte dignum, qui vnum tantum obolum furatus est, idq; ob furti paruitatem, injuria enim imperfecta proximo illata est, & iniustitia imperfectè tantum commissa, & consequenter charitas tantum imperfectè læsa. Si hæc in ciuilibus ita iudicentur, cur DEVM homine crudeliorem faciemus?

Confirmantur hæc omnia ex eo, quod Scriptura iustos, sanctos, & diuinæ legis obseruatores vocet, qui peccatis venialibus non carebant, vt constat Luc: 1. *Erant, inquit, iusti ambo coram Deo, incedentes in omnibus mandatis, & Justificationibus sine querela.* Hos autem non caruisse peccatis venialibus, testis est eadem Scriptura, cum Apostolus de se, & sui similibus dicat 1. *Johann: 1. Si dixerimus, quia peccatum non habemus, nos ipsi nos seducimus.* Ergo huiusmodi peccata non sunt propriè, & perfectè.



fectè contra legem, quia qui huiusmodi habebant totius legis præuaricatores dici debuissent, juxta illud Iacob: 2. *Qui offendit in uno, factus est omnium reus.* Et cum Sancti, & Scripturâ teste iusti, semper à Deo petierint sibi peccata sua condonari, intelligendum id est, procul dubio de venialibus (nam si mortalia habuissent, jam non erant iusti) Ergo credebant venialia sibi imputari, & per fidem suam non remitti, & consequenter credebant, licet ea peccata sibi imputarentur ut peccata, tamen per ea non amitti iustitiam, sed tantum minui, seu potius bona opera difficiliora reddi.

## §. 2.

*Doctrina Lutherana  
refutatur.*

8. **Q**Uamuis multis rationibus Doctrina Aduersariorum refutari possit, ab aliis Doctoribus allatis, sufficiens tamen illæ pauculæ euidenter à nobis adducendæ.

1. Si propterea peccata venialia sint in iustis venialia, non quia ex naturâ suâ talia sunt, sed quia propter fidem quam habent, illis non imputantur ut mortalia; duo sequuntur grauissimè absurda: videlicet, quod peccata quæ nulla sunt, aut tantum venia-

venialia in fidelibus, eadem in illis, qui falsam, aut nullam fidem habent (quales sunt hæretici, & infideles) sint mortalia peccata, quod falsum, & absurdum est. Pro claritate pono exemplum. Fidelis aliquis loquitur verbum otiosum, aut furripit vnum obolum. Hoc, juxta Lutheranos est peccatum mortale *ex naturâ rei*, sed non imputatur ei propter fidem, ergò in infideli hæretico, qui fidem non habet, semper deberet esse mortale; quia propter defectum fidei non posset illi non imputari à Deo. Nam si fides sola causa est, cur peccata aliqua sint venialia, sine dubio peccata omnia mortalia erût ijs, qui fide carent. Quod cum clarè sequatur, clarè etiâ falsum, & absurdû est vt probatur 1. Quia dignitas personæ, qualis est fidelis, non minuit, sed auget rationem culpæ, ergò minùs debet esse peccatum in infideli, quàm in fideli. 2. Cum fidelis magis perfectioni studere teneatur, quàm infidelis, vt qui lumine majori præditus, gratias, & remedia contra peccatum maiora habeat, tanquam *seruus qui cognouit voluntatem Domini sui*, Luc: 12, sequitur idem genus peccati grauius in fideli esse, quàm in infideli: fideli enim tanquam scienti, meritò debet magis imputari culpa, quàm infideli, qui ignorat, v. g. verbum otiosum peccatum esse; fidelis autem didicerit ex Scripturâ, de omni verbo otioso reddendam es-



serationem. Ergò quæ tantum sunt peccata venialia in fidei, multò minora debent esse in infidei: quia Deus videretur hoc injustè nescienti imputare. Cum igitur huiusmodi peccata, ex naturâ suâ, in infidei penè nulla, seu tantum venialia sint, sequitur etiam in fidei talia esse, cum propter diuersa subiecta non mutetur ratio, seu natura peccati.

9. Sequitur 2. nullum fidelem vnquam posse mortaliter peccare, quod probatur; nam cum fideles omnes habeant fidem, nullum peccatum poterit illis à DEO imputari vt mortale. Non enim est ratio apud Lutheranos, cur propter fidem, si æqualis sit, vnum peccatum non imputetur, & aliud imputetur eadem permanente fide.

Quo concesso, sequitur homicidium, adulterium, sodomiam, & alia maxime enormia peccata, non esse mortalia in fidelibus; quia propter fidem non possunt illis à DEO imputari. Si autem dicant Aduersarij, posse, & debere illis imputari; tunc manifestè sequitur, vel fidem in talibus non operari, vel certè fidem penitus amitti. Vtrumq; autem est in illorum sententiâ inconueniens. Non possunt enim dare rationem, cur in homicidis, sodomitis, adulteris, latronibus &c. non operetur eodem modo fides, sicut operatur in aliis peccantibus mortaliter, nisi dicant id fieri, quia alia  
lia

lia peccata ex naturâ suâ leuiora sunt. Si autem asserant in homicidis, adulteris, & similibus amitti fidē, necessario sequitur, omnes huiusmodi peccatores, flagitio commissio, statim fieri Hæreticos, vel Gentiles, est enim Gentilis aut Hæreticus, qui veram fidem non habet. Non habent autem veram fidem, qui eam per enorme peccatū amiserunt. Quid vero absurdi⁹ dici potest, & alieni⁹ ab omni ratione, quàm asserere, quoslibet graues peccatores inter fideles, p peccatum fieri Hæreticos, aut Gentiles?

II. Quæro ex Aduersarijs, quare verbum otiosum dicant non imputari à DEO ad reatum mortis; homicidium autem imputari asserant, cū in vtroq; hæc habente peccata, fides sit? sine dubio respondere cogentur (nisi dicant quod superius attulimus) quia vnum DEVS videt esse inuoluntarium, aut planè leue: aliud verò voluntarium, & graue. Rationem enim nullam aliam assignare possunt. Ergò debet esse aliquid in vno. v. gr: veniali, quod facit vt peccatum illud sit venia dignum, & ad reatum mortis à DEO non imputetur. Si dicant esse fidem, cum quâ peccatum illud simul consistit. Quæro vltcrius, cur peccatum aliquod cum fide simul consistat, aliud fidem excludat, & sit mortale? respondent quod supra; videlicet, quia il-

10.



lud inuoluntarium est, hoc autem voluntarium: id enim Philippus Melanchton, & alij Lutherani docent. Verum quid hoc est aliud, quam discrimen venialis, & mortalis, ad ipsam peccati rationem, & naturam referre, & verbo negare, quod re ipsa coguntur affirmare? Voluntarium enim esse, & non voluntarium, ad ipsam peccati naturam pertinet; ideoque, quod Catholici asserimus, si proprie velimus loqui, non ideo peccatum aliquod est veniale, quia DEVS illud ad reatum mortis æternæ non imputat; sed ideo illud DEVS ad reatum mortis æternæ non imputat, quia veniale est.

- II. III. Vel omnia peccata ex naturâ suâ æquè digna sunt poenâ æternâ, & expulsiuâ fidei, vel non sunt: si sunt (vt dicere coguntur Aduersarij) cur ergo per vnum evertitur fides, & iustitia, & non per omnia? Dicent, quia DEVS vnum imputat ad peccatum, & non aliud. sed contra: quare DEVS vnum imputat, & non aliud? hic necessariò confugere coguntur ad naturam peccati, sicut in argumento præcedenti diximus.

Si verò non sunt æquè expulsiua fidei, & digna morte æternâ, manifestè sequitur, quædam ex naturâ suâ consistere cum fide & iustitiâ, quæ proinde naturâ suâ non sunt mortalia, sed venialia.

IV. Si

I V. Si peccatum veniale ex naturâ suâ tantæ sit malitiæ, vt amicitiam DEI meritò dissoluat, deberet etiam dissolvere ubiq; aliam amicitiam: *quod enim ex naturâ suâ rei conuenit, semper, & ubiq; conuenit.* Sed alias amicitias inter homines non dissoluit: Lumen enim naturæ docet, non quamuis offensam minimam tantam esse, vt digna sit amicitia renunciatione, quantumuis magnus sit, qui offenditur. Sicut neq; ob quoduis minutissimum erratum Regius Minister (si fortè minùs commodè calceum porrexit, aut minimam labeculam ex veste non absterfit) confestim reus læsæ Majestatis efficitur, aut ad furcam adjudicari potest. Ergò nec apud Deum adeò benignum, dici potest hoc fieri; nisi blasphemè dicere velimus, nullam amicitiam esse infirmiore, inconstantiore, & periculosiore, quàm cum DEO; quod diuinæ Majestati, & bonitati repugnat. Et quis prudens sibi persuadeat, Deum velle, vt quilibet risus, quem honestè quidem, & ex ratione, sed non nihil immoderatè, & cum modico excessu suscipit, statim æternâ poenâ dignus sit? idem dico, si quis deliberatè vnum cochlear cibi, aut potus, vltra necessitatem sumat: aut scienter proximo rem dimidiati oboli clam auferat; Hæc omnia statim ex naturâ suâ mortalia asseremus?



## CAPUT 3.

*Aduersariorum Objectiones  
diluuntur.*

13.

**D**Vpliciis generis argumenta sunt, quibus doctrinam suam stabiliunt Aduersarij, & oppugnant nostram. Primum desumunt ex Scripturis, in quibus potissimum se fundant. Alterum ex ratione. Ex Scripturis obijcit Brochmannus de peccato c. 2. quæst. 2.

1. *Maledictus omnis, qui non permanserit in omnibus, quæ scripta sunt in libro legis hujus.* Deut: 27. v. 26. Ergò quisquis contra legem quomodocunq; peccauerit, sub maledictum cadit. Nulla igitur peccata non sunt rea maledicti, quare quod aliqua sint venialia, non habent ex naturâ suâ, sed merâ Dei misericordiâ non imputante vt mortalia. Respondeo locum illum contra nos nihil facere.

2. Quia præceptum hoc tantum est particulare, prohibens ea, quæ ibi nominatim exprimuntur, quæ partim sunt mortalia, partim ceremonialia, (vt ab initio capitis vsq; ad v. 9. liquet: ad quæ, si nos obligare velint Aduersarij, ipsi nos ludæos facient, contra Apostolum ad Gal: 2. v. 10. & 13.) partim sunt græua, & mortalia; vt sunt 1. dolo-

dololatria, Homicidium, &c: igitur qui committit huiusmodi mortalia, sub maledicto est. Adde non ex eo quod aliquis sub maledicto est, sequi eum peccasse, quia & Christus factus est pro nobis maledictum. Galat: 3. v. 13. quia scriptum est: Maledictus omnis qui pender in ligno. Deuteronom: 21. vers. 23. quis autem CHRISTVM peccasse dicat? Deniq; licet in c. 27. sæpè maledictio intentetur transgressoribus, non tamen ubiq; agitur de maledictione æternâ, sed de temporali solâ, ut patet ex v. 15. & seq: Ex maledictione autem temporali, non potest colligi peccatum mortale: multæ enim huiusmodi leges temporales non inducunt reatum conscientia, sed tantum pœnam temporale. Ergo ex illo maledicto nullo modo probari potest, peccatu venialitercos nos facere pœnæ, mortisque æternæ.

11. Obijciunt: *Anima que peccavit, morte morietur*, Ezech: 18. v. 4. *Stipendium peccati mors*: Rom: 6. v. vlt: *Qui offendit in vno, factus est omnium reus*, Iacob: 2. v. 10. In quibus locis sermo est de peccatis vniuersè, & in communi, adeo ut quælibet venialia comprehendantur. Ergo omnia peccata ex naturâ suâ sunt æqualia, & ratio datur à Iacobo citato nimirum, quod unus, & idem Deus auctor sit mandatorum omnium. Ergo quomodocunq; quis in eundem peccat, æqualiter peccabit.

14.

Verum



Verum clarè falsum est, tam Ezechielem, quàm Paulum, & Iacobum de omnibus peccatis vniuersim agere. De mortalibus enim, & ijs quidem grauissimis, solummodò loquuntur. De Ezechiele clarè patet, illum de certis tantum peccatis, nempe idololatriâ, adulterio, homicidio, rapinâ, & vsurâ loqui. Neq; aliter candidus Lector judicare poterit, si caput citatum legat. Idem est de Paulo, cui de immunditiâ, & iniquitate sermo est. Iacobum quoq; de grauioribus tantum agere, ipse sibi testis est. Nam cum dixisset: *Quicumq; totam legem seruauerit, offendat autem in vno, factus est omnium reus.* Statim subiungit, & exemplo adducto seipsum explicat: *Qui enim dixit, non mœchaberis, dixit & non occides. Quod si non mœchaberis, occides autem, factus es transgressor legis.* Vnde euidenter patet, eum tantum de grauioribus peccatis loqui, vndè sensus Apostoli est, vt dicat illum, qui vno peccato mortali offendit Deum, perindè excidere gratiâ, ac si pluribus offenderet. Accedit, quod Apostolus hîc contra Phariseos agat, qui volebant nō damnandum illum, qui maiorem partem legis obseruaret, contra quos docet Apostolus, perindè damnandum (etsi minori poenâ) atque si totam legem violâset. Ad rationem ab Adversariis allegatam, respondetur infra.

III. Vrget Brochmannus locum Matt: 5. v. 19. *Qui soluerit unum de mandatis istis minimis, & docuerit sic homines, minimus vocabitur in regno cœlorum*, mandati ergò diuini, iudicio hominum minimi, transgressio excludit homines è regno DEI. Nam minimum esse in regno cœlorum, est planè nullum esse in regno cœlorum, *in cœlo nihil erit nisi magnum*, inquit D. Augustinus. Ita Brochmannus.

Sed respondeo nihil hîc contra nos agi. Nam certum est, ipsis etiam Aduersariis fatentibus, Christum hîc agere contra Scribas, & Phariseos, qui prauè leges interpretabantur, & sic prædicabant dilectionem amicorum, vt tamen inimicos non vererent odio haberi. Sic Adulterium damna-  
bant, vt tamen concupiscentiam solo corde conceptam prohibitam esse negarent, & ita iras, libidinosas cogitationes, & similia in actum non erumpentia, vel nulla peccata, vel minima vocabant. Hos reprehendit Christus, & docet homines huiusmodi, qui talia peccata, quæ Pharisei minima vocabant (& erant minima respectu eorum, quæ in actum prodeunt) soluerint, non cauendo, eos minimos in regno cœlorum appellandos. Hinc Christus dicit: *Non veni legem soluere, sed adimplere*, quasi dicat: Non veni, vt docerem interiora, v.  
gr: con-



gr: concupiscentias, non esse peccata: sed vt inculcem, tam interiora, quam exteriora crimina vetari, illisq; , qui legem adimplere volunt: quod erat legem perfectè explicare, & adimplere. Et hic sensus est planus, & clarissimus ex contextu manifestus, atq; ideo nihil contra nos vrgens.

Nunc examinandæ rationes, quas contra nos adducunt Aduersarij.

16.

I. Omne peccatum est tantum malum, quantus est is, contra quem committitur, vt ait D. Anselmus; sed peccatum veniale committitur contra Deum bonum infinitum, ergo peccatum veniale erit malum infinitum, & consequenter ex naturâ suâ mortale. Ex quo argumento profluunt alia: videlicet quod Deus possit peccatum veniale punire morte æternâ, quia malum culpæ leuissimæ majus est, quam malum quodlibet pœnæ etiam grauissimæ, & alia similia. Respondeo in sano sensu intelligendam esse istam propositionem: *Peccatum tantum malum est, quantus est is, in quem committitur.* Falsum enim est. i. si absolutè intelligi quis velit; sed solum respectiue, & secundum quid, verum esse potest. Nam Deus est essentialiter in se, & sine respectu ad aliud infinitus; non tamē ideo eodem modo peccatum in se essentialiter, & sine respectu ad aliud erit infinitum. Ratio est, quia Deus offensus tantum extrinsecè afficit actum pecca-

peccati, terminando tendentiam ejus, quæ habitudo simpliciter finita est, licet persona terminans sit infinita; ita act<sup>9</sup> spei, fidei &c. licet in Deum infinitum tendant, non tamen ideo concipiunt bonitatem infinitam. Quia tamen ex dignitate personæ offensæ, reuera crescit malitia peccati, hinc tantum secundum quid dicitur à S. Anselmo, & alijs, malitia peccati esse infinita. 2. Supradicta propositio intelligenda est de peccato perfectam injuriam faciente DEO, quale non esse veniale, supra demonstraui. Quare quando sic argumentantur Aduersarij: Peccatum veniale offendit infinitam Majestatem DEI, ergo habet infinitam malitiam. Negatur consequentia: etsi enim infinitus DEVS per veniale offendatur, offenditur tamen finitè: neq; semper offensa tantam habet malitiam, quantam habet dignitatem, is qui offenditur, quando talis offensus tam levis, & imperfecta est, vt per eam Amicitia Dei non euertatur, nec DEVS, vt vltimus finis Creaturis postponatur. Sicut omissione alicujus levis obsequij, Regia dignitas potest offendi, non tamen necesse est, vt quanta dignitas Regis est, tanta sit grauitas offensæ.

Ad argumentum quod addebant Aduersarij, videlicet quamlibet culpam etiam leuissimam à Deo æternâ morte puniri posse, respondeo falsum esse, si DEVM vt Iudi-



tem, non tantum ut Dominum, & Patrem spectemus. Poteſt quidem ſupra condignum aliquid remunerari DEVS, quia miſericors eſt; non poteſt tamen ſupra condignum quenquam punire, quia juſtus eſt.

II. Obijciunt 2. peccare nihil eſt aliud quam Deum offendere, transgrediendo ejus præceptum, perinde ac ſi quis transgreditur terminum aliquem, aut lineam præfixam. Atqui vnus, qui venialiter peccat, non minus transgreditur terminum præfixum, ſeu lineam, quam is, qui mortaliter peccat; & conſequenter non minus transgreditur præceptum quam alter, cum hoc videatur conſiſtere in indiuiſibili. Ergo tam grauiter peccat, qui venialiter, quam qui mortaliter peccat.

17. Reſpondeo 1. ſi hoc argumentum quidquam valeret, probaret etiam omnia peccata mortalia eſſe inter ſe æqualia, quod tamen negat Aduerſarij, qui in peccatis mortalibus intentionem admittunt. 2. Ad Majorẽ reſpõdeo: peccare in particulari, non eſt ſimpliciter transgredi in comuni, ſed hoc vel illud in particulari, grauius, vel leuius obligans. quando igitur aliquis venialiter peccat, nõ transgreditur præceptum grauiter obligans, & conſequenter non transgreditur lineam, quæ diſcrimẽ inter veniale, & mortale conſtituit. Omitto alias objectiones ejuſmodi farina, quarum ipſos etiã pudet Aduerſarios, ideoq; nec à Brochmanno producantur.

DE  
OBSERVATIONE LE-  
GIS.

DEMONSTRATIO IV.

Qua ostenditur Ec-  
clesiam Lutheranam, non esse ve-  
ram Ecclesiam, quia negat præcepta  
adimpleri posse, quæ tota primi-  
tiua Ecclesia semper docuit  
posse perfectè ob-  
seruari.

CAPUT I.

*Primitivæ Ecclesiæ sensus  
exponitur.*



Non quæritur, an homo natura viribus legem Decalogi perfectè observare possit; (hoc enim Catholici negamus) sed an observare possit auxilio divinæ gratiæ adjutus? quod Adversariis



uersariis negantibus affirmamus Catholici;  
& ita nobiscum totam primitiuam Ecclesi-  
am sensisse, sequentia Patrum testimonia  
demonstrant.

Anno 200. Clemens Alexandrinus l. 4. Strom: c. 8.  
*Quin etiam precepta sunt ejusmodi, ut à nobis  
possint fieri, vel non fieri: qua consentaneum  
est, ut consequatur laus, vel vituperatio.*

An. 230. Origenes Homil: 9. in Iosue in eundem  
sensum fusè.

A. 250. Cyprianus de Baptismo Christi, de præ-  
cepto loquens: Nulli, inquit, ad harum re-  
rum persecutionem deest scientia, siue poten-  
tia. Quod si impossibilia essent precepta tua,  
vel tantis difficultatibus onerata, vel voluntas  
tua sic abdita, ut non posset intelligi, quid à  
nobis expeteret tua altitudo, licet inuitus ne-  
mo peccet, posset tamen ex multis excusare de-  
bitum; nisi simul se complecterentur possibili-  
tas, & facilitas, scientia, & potestas. Præci-  
pis Domine Deus, ut diligam te, hoc, & pos-  
sum, & debeo &c. plura in hunc sensum.

A. 340. Athanasius de Virginitate seruandâ: In-  
tende unicujus præcepto, & id quod jubetur  
præsta, ne dixeris in corde tuo, quoniam ista  
modo præstare potero? non concipiat pauorem  
mens tua, sed cum omni alacritate seruabis ea.  
Siquidem timentibus Dominum, præcepta Do-  
mini difficilia non sunt.

A. 350. Hilarius ad Psalm; 118. Lit: Lamed; (La-  
tine)

tum mandatum tuum vehementer) latum  
mandatum Dei est, & in omnia spei nostra  
genera diffunditur, ut non difficile sit, si volun-  
tas adsit præcepto DEI obtemperare.

Basil: in regul: Breuior: respons: 176: A. 370.

Estote imitatores DEI, inquit Paulus, sicuti  
filij charissimi, & ambulate in dilectione &c.  
sine dubio autem non præcepisset hoc, qui bo-  
nus, & iustus est, nisi etiam facultatem, quâ  
id faceremus, fuisset largitus.

Et Homil: in illud Moyſis: Attende tibi  
ipsi: Impium est asserere præcepta Spiritus san-  
cti impossibilia esse obseruatu.

Ephræm sermone ad pietatem, bonaq; A. 380.  
opera Christi athletam exercente: Diuinis  
præceptis nos semper occupare studeamus, ut a-  
nimâ & corpore sanctificati, cunctisq; manda-  
tis Dominicis per Spiritus communicationem  
à nobis impletis, digni efficiamur Christo.

Hieronymus in c. 5. Matth: Multi præce- A. 390.  
pta DEI imbecillitate suâ, non Sanctorum viri-  
bus æstimantes, putant esse impossibilia, que  
præcepta sunt, & diligere plus præcipi, quàm  
humana natura patiatur. Sciendum ergo est,  
Christum non impossibilia præcipere, sed per-  
fecta.

Et lib: aduersus Pelagianos c. 1. Crito:  
Frustra ergo dantur præcepta, si ea implere  
non possumus. Atticus: Deus possibilia man-  
dauit, hoc dubium nulli est: sed quia homines



*possibilia non faciunt, idcirco omnis mundus subditus est Deo, & indiget misericordiâ ejus.*

*Anno 400. Chrysostomus Homil: 11. in Matth: Ne igitur impossibilia putemus esse præcepta, quæ certè & vtilia nobis sunt, & valde facilia, ut multi ejus præcepta superent.*

*Et Homil: 9. Si jussisset quidem graua, & quæ non possent fieri, posset fortasse proferre quispiam Legum difficultatem. si autem admodum sunt facilia, quidnam habemus, quod dicamus? Quod alibi pluribus in locis fusiùs inculcat.*

*A. 400. Augustinus lib: de naturâ, & gratiâ c. 43. Non igitur Deus impossibilia jubet, sed jubendo admonet, & facere quod possis, & petere quod non possis. Et serm: 191. de tempore: Execremur blasphemiam eorum, qui dicunt impossibile aliquid homini à DEO esse præceptum: & mandata DEI non a singulis, sed ab omnibus in communi posse seruari. In eandem sententiam alius in locis plurima, maxime autem lib: de naturâ, & gratiâ c. 69. & 61. de tempore.*

*A. 444. Ut omittam causâ breuitatis innumeros alios primitiuæ Ecclesiæ Doctores ex Concilio secundo Arausicano, vnū pro cōclusionem afferam, vbi sic cap: 25. Hoc etiam secundum fidem Catholicam credimus, quod acceptâ per Baptismum gratiâ, omnes baptizati, Christo auxiliante, & cooperante, quæ ad salutem pertinent,*

*eriment, possint, & debeant, si fideliter laborare voluerint, adimplere.*

Ex quibus patet totius Ecclesiæ primiti-  
uæ sensus, quæ nullum omninò excipit  
præceptum, quod non cum auxilio diuinæ  
gratiæ, perfectè obseruare, & adimplere  
quiuisset Christianus possit. Neq; ante Lu-  
therum vix vllum inuenire est hæreticum,  
qui scriptis contrarium docuerit. Vndè  
clarum est, recens hoc inuentum esse, & à  
verâ doctrinâ Ecclesiæ primitiue alienum:  
& consequenter qui illud sentiunt, aut do-  
cent in verâ Ecclesia non esse, vtpotè, qui  
ab ejus verâ doctrinâ maximè dissentiant.

2.

## CAPUT 2.

*Exponitur vtriusq; partis doctrina. Catholica asseritur, reijcitur  
Lutberana.*

**Q**uia totam hanc quæstionem confu-  
sè tractant & duersarij, nec sibi inui-  
cem consentiunt, sed aliter, atq; ali-  
ter doctrinam suam explicant, & varia Ca-  
tholicis affingunt, quæ ab eorum doctrinâ  
planè aliena sunt, iudicaui in primis expli-  
candum clarè esse, quid doceant Catholi-  
ci; ac deindè quid ij sentiant, qui se Do-  
ctores Lutheranos putant. De plebe nihil  
dicc-



dicemus, eò quod ipsa in hac materiâ ne-  
sciat, quid sentiat.

§. I.

*Sententia Catholicorum explicatur,  
& confirmatur.*

3. **C**atholici fatentur 1. Legem DEI per so-  
las vires liberi arbitrij, homini esse im-  
possibilem, possibilem tamen fieri, per  
auxilium gratiæ DEI, & Spiritum fidei, &  
charitatis, in ipsâ justificatione nobis infu-  
sum.

2. Afferunt Catholici: Opera justorum,  
siue legis observationem, non esse adeò  
perfectam, ut non perfectior esse possit: sed  
tantam tamen habere perfectionem, quan-  
tam in hac vitâ à nobis exigit, qui legem  
constituit benignus Legislatores; quæq; sit  
sufficiens ad satisfaciendum obligationi.

3. Docent Catholici, legem quidem  
non ita perfectè posse observari, quin bo-  
nis operibus mala subindè misceantur, non  
quidem mortalia, sed venialia, quæ non  
impediunt, quo minus justi maneant, qui  
justi erant: atq; adeò perfectionem, & ju-  
sticiam operum non tollant, sed difficilio-  
rem faciant. Quæ omnia docet *Concil: Tri-  
dent: Sess 6. c. 11.*

Ex quibus Catholici rectissimè conclu-  
dunt, totam legem perfectè à justis posse  
observari.

Hæc

Hæc autem possibilitas obseruandi legem probatur tam authoritate Scripturarum, quàm ratione, ut omittam SS. Patrum testimonia superiori capite allata. 4.

Ex Scripturis hæc clara sunt S. Spiritus effata :

I. Matth: 11. v. 29. *Iugum meum suauis est, & onus meum leue.* 1. Ioh: 5. vers 3. *Et mandata ejus graua non sunt.* Philip 4. v. 13. *Omnia possum in eo, qui me confortat.* Item Psal: 118. v. 32. *Et Ezech: 36. v. 27.* Ex quibus locis euidenter asseritur facilitas mandata obseruandi. Quibus Brochmannus frigidè respondet, Non inde sequi mandata DEI per se facilia esse obseruata, sed tantum respectiuè, comparisone factâ ad infinitam illam molem Iræ, & Damnationis Dei, quàm Christus in se transtulit. Miserum effugium! Christus supradictis locis absolutè loquitur; & omnem collationem & respectum Apostolus excludit. *Omnia, inquit, possum in eo, qui me confortat.* In quibus verbis nullus omninò comparationi locus esse potest. Ergò de facilitate præceptorum in se cum diuinâ gratiâ Christus & Apostolus loquuntur.

Secundò: A multis legem de facto perfectè adimpletam esse, & adimpleri potuisse probatur. Gen: 6. v. 9. *Noë vir justus, atq; perfectus fuit in generationibus suis, cum* 5.



DEO ambulauit. Gen: 17. v. 1. Abrahamo dicitur: *Ambula coram me, & esto perfectus.* Matth: 5. v. 44. monet Christus: *Estote ergo vos perfecti.* Matth: 19. v. 19. *Si vis ad vitam ingredi, serua mandata, &c.* Paulus Philipp: 3. vers. 15. de se, & aliis dicit: *Quicumq; perfecti sumus.* 1. Ioannis 2. vers. 5. *Qui seruat verbum ejus, verè in hoc charitas DEI perfecta est.* David mandata Dei seruauit, & secutus est in toto corde, 3. Reg: 14. v. 8. & Act: 13. Idem de Iosia legimus 4. Reg: c. 23. Ac de Asa, & populo, 2. Paral: c. 15. De Zacharia, & vxore: *Emnt iusti ambo ante Deum, incedentes in omnibus mandatis, & justificationibus Domini, sine querela,* Luc: 1. De Apostolis ait Dominus Ioan: 17. *Sermonem tuum seruauerunt.* Ex quibus manifestè conficitur Legem Dei à multis perfectè adimpletam fuisse, & promittente, ac iubente Deo obseruari potuisse. Quod autem opponit Brochmannus nullum Sanctum sine peccato fuisse, atq; ideo non potuisse perfectè obseruasse legem: Nihil est. Vel enim agit de peccatis grauib; & mortiferis, in quæ fuerunt aliquando lapsi, & tunc fatemur tales pro eo tempore legem non seruasse. Potuerunt tamen eam seruare, quia potuerunt non peccare: Non enim peccarunt necessario, ac statim deindè per pœnitentiam ju-

am justificati sunt. Vel agit de minoribus, seu venialibus delictis. Sed per hæc justitiam non tolli alio loco probatum est.

2. Rationes evidentes sententiam Catholicam defendunt. 6.

Primò. Lex nulla obligat, quæ impossibilia præcipit. Ergò si impossibilis sit Legis observatio, lex non obligat, imò nulla Lex est. Neq; enim fingi potest in eo quenuquam peccare, quod evitare nullo modo potest. Sed neq; ad hoc observandum aliquis con- niti debet, quod scit nullo conatu se obser- uare posse. Ergò nullum peccatum poterit committi, quia cùm nullum sit peccatum, nisi transgressio sit legis, si ad legis obser- vationem propter impossibilitatem ejus non obligor, non cense-ri possum transgre- di, & nunquam possum peccatum commit-tere contra legem. Et frustra respondent Aduersarii, id in politicis habere locum, non in diuinis. Verùm cùm rectæ rationi Scripturarum, & Patrum testimonia cor- sentiant, nulla assignari potest ratio, cùr di- cant, Deum aliqua contra rationē rectam præcepisse. Præcepisset autem contra ratio- nem, si ea præcepisset, quæ observari nullo modo possunt, ergò rām in diuinis, quā in politicis ratio ista valet.

Et manifestè sequeretur, crudeliter, & stultè Deum agere, qui ab ipsis amicis suis  
exigit



exigit tributum, quod scit à nemine posse solui: & leges etiam præscribat, quas à nemine scit obseruari posse. Sed replicat Brochmannus c. 2. de lib: arbitr: quæst: 13. Tyrannum quidem Deum fore, si ea præciperet, ad quæ nobis vires non dedisset, sed cum primo homini in statu innocentie vires dederit, ad omnem impletionem legis, & ipse eas per præuaricationem suam jam amiserit, sibi impotentiam suam imputet, & Deum non accuset.

2. Deum, ait, non requirere jam ab homine lapso Legis obseruationem, quæ est impossibilis, eo nomine, vt illam perfectè impleat, sed tantum vt agnitâ suâ impotentia, eò feruidius ad Christum Mediatorem confugiat, perq; ipsum vitæ æternæ obtinendæ rationem consequatur. Sed penitus inanes sunt instantiæ. Nam Deus iis legē tulit, à quibus eam voluit seruari: sed tulit Legē homini jam lapso, ergò eam ab eo voluit seruari; ergò adhuc crudelis, & Tyrannus esset, si tulisset legē seruatu impossibilē.

Ad 2. Deum quidem fatemur ab homine Legis obseruationem viribus naturæ impossibilem non exigere, ideoq; auxilium, & gratiam ad ejus obseruationem donat, per quæ ejus obseruatio fiat absolutè possibilis, ad hanc gratiam vberius acquirendam, ad Mediatorem Christum confugimus,

gimus, & impotentiam nostram, ad eam viribus naturæ adimplendam sic abundè confitemur, & agnoscimus.

Secunda Ratio. Certum est *Christum esse pro nobis passum, ut justificatio legis impleretur in nobis* Rom: 8. v. 4. Deindè certum est, *Christum factum esse omnibus obedientibus sibi, causam salutis æternæ.* Hebr: 5. v. 9. His positis sic vrgeo: Si lex igitur, (vt ajunt Aduersarij) impleri non potest, ergò frustra Christus passus est; quia per passionem suam non obtinuit, quod intendit. Ideò enim passus est pro nobis Christus, vt justificatio legis in nobis impleretur: sed non impleretur, si legem non possimus adimplere. Ergò Christus non obtinuit, quod voluit. 8.

2. Falsum etiam erit, quod asserit Apostolus, factum esse Christum omnibus obedientibus sibi causam salutis æternæ; nam si nullus legem adimplere possit, nullus etiam potest obedire Christo, quod si ita, vt manifestè patet, nulli profectò Christus factus est salutis causa.

Tertia Ratio. Certum est ex variis Scripturæ locis Rom: 5. & 8, 1. Corinth: 3. Gal: 3. Tit: 3 & aliis, omnes justificatos in se spiritum habere sanctum, sed Spiritus sanctus vbi est, ibi fructus suos parit, quos enumerat Apostolus ad Gal: 5. v. 22, Charitatem, gaudium, 9.



gaudium, pacem, patientiam, &c. qui verò fructus illos habent, *aduersus ejusmodi non est lex*, (inquit ibidem Paulus) hoc est, Lex non habet, in quo accuset eos, qui charitate præditi sunt, & virtutibus aliis ante memoratis,. Ergò si lex non habet quidquam contra illos quod accuset, necessariò dicendi sunt adimplere legem, quam si non impleant, nec Spiritum sanctum haberent, nec justificati essent, & lex haberet contra illos, quod argueret.

IO. Quartò: Scripturâ teste justificati omnes, ex DEO nati sunt. *Ioan: 1. & 3. 1. Petr: 2. 1. Ioan: 4. Rom: 8.* Sed qui natus est ex Deo non peccat, nec peccare potest, eo quod ex DEO natus sit, vt habetur 1. Ioan: 3. *Omnis, qui natus est ex Deo, peccatū nō facit*, qui autem non peccat, implet legem (Nam idcò aliquis dicitur non implere legem, quia peccat) ergò omnis, qui verè justificatus est, implet legem, neq; potest fieri, vt verè justificatus maneat, & legem non adimpleat. Vndè manifestè patet, eos qui legem impossibilem dicunt esse, cogi contra Scripturarum clarissima testimonia negare, hominem justificatum ex Deo natum esse.

## §. 2.

*Doctrina Aduersariorum de impossibilitate Legis refutatur.*

Luthe.

**L**utherus, & ejus Discipulus Melanchton, variis in locis clarè & absolutè negant Legem Dei seruatu possibilem esse. Sed quia hanc Assertionem varij variè explicant, vnum præ omnibus accipiam Brochmannum, cujus sententiam in medium adducam, quanquam nec ipse sibi constare videatur.

Is ergo c. 5. de Lege, Sect: 5. sententiam suam sic explicat, & fatetur homini gratiâ S. Spiritûs renato tantum esse virium, ut possit vtcunq; conformari Legi Dei, tum quantum ad opera externa, tum quantum ad interiores motus, & effectus. Addit: hoc propriè quæri, quando de Legis impletione agitur: *An homo in hac mortalitate ita Legi diuine conformari possit, ut nunquam vel dicto, vel facto, vel interiore cordis, aut mentis motu, defleat, vel tantillum ab exactissimâ illâ, quam Lex requirit, obedientiâ.* Negat autem tali modo Legem obseruari posse, quod variis argumentis probat.

Verum si verba illa sano sensu explicentur, etiam Catholici negabunt talem Legis possibilitatem. In explicatione igitur tota difficultas est. Ait enim Aduersarius Legem esse, quæ Deum toto corde, & proximos sicut nosipsum diligere præcipiat, vetetq; non tantum opera externa voluntati diuinæ aduersantia, sed etiam quosvis  
motus



motûs interiores ἀνάγκη, & ἀνάγκη. Ad eò  
 vt Lex, omnes illos adjudicet maledictioni,  
 & morti æternæ, qui in re vel minimâ  
 deliquerint. Iam verò non inueniri talem  
 hominem, qui par sit tantæ obedientiæ  
 præstandæ, probat variis Scripturæ testimo-  
 niis. In quâ explicatione manifestè patet  
 eum asserere. 1. Legem *charitatis* non pos-  
 se adimpleri. 2. Legem quoq; *non concupi-*  
*scens*, impossibilem ad obseruandum esse &  
 supponit primos omnes concupiscentiæ  
 motûs adeò peccaminosos esse, vt homi-  
 nem injustum constituent. Deniq; nulla  
 dari minora seu venialia peccata, quæ ex  
 naturâ suâ hominem Dei amicitiam non pri-  
 uent. Illa enim si non supponeret, in hoc  
 cum Catholicis conueniret. Nam fate-  
 mur moraliter impossibilè esse hominem  
 non aliquando concupiscentiæ motûs, &  
 peccata venialia committere: quæ tamen  
 sunt ejusmodi, vt licet ea committamus, le-  
 gem DEI obseruemus, & ejus amicitiam non  
 excidamus. Probandum ergò 1. Legem  
 charitatis obseruari posse. 2. Concupiscen-  
 tias citra consensum non tollere adimple-  
 tionem Legis. De peccatis venialibus, ali-  
 bi ex professo dicendi locus est.

12.

Ad primum quod attinet, explicandus  
 est præcepti sensus, quo Deum ex toto cor-  
 de diligere jubemur. Tripliciter Deus ex  
 toto

toro corde diligere dici potest. 1. Ut ita cum diligamus, ut totum cor nostrum, quantum est, in eo solo totaliter diligendo occupetur; nec quicquam omnino aliud, præter illud diligamus. De hoc sensu loquitur Augustinus: quando *lib: de spirit: & lit: & lib: de perfect: iustitia* asserit, præceptum hoc non posse adimpleri in hac vitâ, sed in aliâ. Illud enim præceptum tali modo explicatum in hac vitâ non obligat, neq; sic præcipitur. Nam cum in hac vitâ dilectio præcipiatur, & ita diligere nemo possit, frustraneum foret omne præceptum dilectionis. Si autem talem dilectionem aduersarij asserant requiri ad obseruationem legis, nunquam hoc probare poterunt. 2. Alia est dilectio ex toto corde; non quod totum cor nostrum debeat in diligendo occupari: sed quod tanto conatu debeat in dilectum ferri, quanto potest. Et sic quidem non præcipitur, quamuis ita seruari possit. Quis enim dicat à nobis diligere non posse Deum, eo conatu quo possumus? 3. Deniq; sensus est dilectionis, ut Deum ex toto corde diligamus, hoc est, super omnia, ut cum præferamus rebus alijs, ut nullius rei amorem Dei amorì anteponamus, ut nullius creaturæ amore, vel timore, Deum offendere, vel ab illius amore recedere velimus. Hic verus ac genuinus sensus est, quem explicat



plicat Apostolus Rom: 8. v. 19. *Nulla creatura poterit nos separare à charitate DEI.* Et Christus Matth: 10. v. 37. *Qui amat patrem, aut matrem plusquam me, non est me dignus.* Hoc sensu fuisse Deum à plurimis dilectum toto corde, omnes sacrae literae testantur. Ac in primis à Dauide Psal: 119. v. 101. 1. Reg: 14. v. 8. A Iosia 4. Regum 23. v. 25. Ab Asa 2. Paral: 15. v. 15. & aliis innume-  
ris in locis, à Moyse, Samuele, Heliâ, Elifazo, Ieremiâ, Paulo, &c. Fusiora de his vide in Demonstrat: de operibus supererogationis, c. 3.

13. Ad dilectionem proximi quod attinet, hoc certum est illum adimplere legem, qui proximum diligit sicut seipsum, ut habetur Rom: 13. v. 8. Atqui fecit hoc Moyses, Exod: 32. v. 32. dum pro Israelitis è libro vitæ deleri optat, & Paulus Rom: 9. v. 3. dum pro fratribus anathema vult esse, quod fecerunt illi, alij etiam potuerunt facere. Ergo præceptum dilectionis potest in hac vita adimpleri, & reipsa fuit adimpletum. Quibus conuictus rationibus Brochmannus cap: 6. de Lege, quest: 3. resp: 3. cum Hunnio fatetur, illam legem in nouo testamento inchoatè & imperfectè adimpleri posse, propter inchoatum illud obsequium, quod Deus propter Christum acceptat, iuxta illud Apostoli ad Gal: 6. v. 2.

*Alij aliorum onera portata, & sic adimplere legem Christi. Addit etiam, & fateatur, Moysen & Paulum volentes exitio suo damnationem populi auertere, hanc legem adimplere. Sed tamen ex vnius, & alterius aliquo singulari facto non posse colligi plenam legis in omnibus adimplentionem. Quod Catholici etiam non facimus. Nam stupida esset Catholicorum ratio, si dicerent: Moyses & Paulus legem dilectionis impleuerunt, ergo omnes eam adimplent. Absit huiusmodi ratiocinatio. Sed sic inferimus: Moyses & Paulus cum Dei gratia legem dilectionis impleuerunt, Ergo alij homines cum eadem gratia eandem legem etiam adimplere possunt. Quod optime concludit, & manifestè probat legem hanc in vitâ adimpleri posse. Sed defendunt se Aduersarij per illud *inchoatè*, & *imperfectè*, hoc est, quando dicunt, legem dilectionis, & omnem aliam impossibilem seruatu esse, intelligunt à nullo perfectissime, vel perfectè seruari posse, sed tantum *imperfectè*, & propter conatum. quem omnes adhibere debent ad ejus observationem, *inchoatè*.*

Sed contra: si quis diceret, nullus Lutheranorum est vir honestus: nullus non est fur, non latro, non adulter, censereturne is verum dicere? quod si respondeas, solummodo



modò sensum illum esse, nullum ex Lutheranis esse perfectissimè honestum virum; nullum perfectissimè esse non furem, non latronem, non adulterum, siue quod idem est, omnem Lutheranum esse imperfectè, & inchoatè furem, latronem, & adulterum; neminem profectò Lutheranum esse censeo, qui propositiones illas veras esse fateretur, nisi qui se furem, adulterum esse non negaret. Ergò etiam, quando Lutherani explicant illam propositionem: *Lex dilectionis, & alie seruari nequeunt*, scilicet nisi imperfectè, & inchoatè, idem omninò dicunt, ac si restrictiones illas non adderent, & absolutè dicerent: Legis observationem esse impossibilem, ideoq; eodem modo penitus falluntur.

15. 2. Quædò ex Lutheranis, an legem de non occidendis parentibus, de non adulterando, non furando, non exercenda Sodomia &c. ante hac perfectè seruauerit, nec ne? Si affirmat: subuertit distinctionem suam, quæ tantum imperfectam quandam obseruantiam in hac vitâ admittit. Si negat, seipsum aliquo modo parricidij, adulterij, furti, Sodomie reum profiteretur. Si autem non perfectè leges istas obseruauerit, ostendat in quo defecerit à præscripta normâ: contra legem enim dupliciter peccari potest, opere externo, & cogitatione.

Viro modo in his peccauit? Negabit profecto se opere vnquam contra hæc peccasse. Ergo alterum necesse est fateri, videlicet, se cogitasse Principem suum interficere, vxorem proximi violare, furari, Sodomiam exercere, &c. Bone Deus! videant quæ sub Lutherani, quantæ ex his distinctionibus absurda consequantur: adde, quod qui aliquid *imperfectè*, & *inchoatè* faciunt, potius dicuntur non facere. Cum ergo Lutherani dicant *imperfectè* & *inchoatè* se facere præcepta, potius dicendi sunt eadem non facere, quàm facere. Ergo etiam consequenter potius dicendi sunt adulteri, parricida, Sodomitæ, quàm probi, & honesti viri, quia fatentur se leges illas hæc verantes, *imperfectè* tantum obseruare, quod potius dici debet non obseruare, quàm seruare.

Quin imò vnū adhuc addo contra aduersarios, quod ex eorū doctrinā sequitur, & est tale: qui mandata Dei nō seruant, non credunt fide viuā, sed tantum mortuā in Deum. 1. Ioan: 4. sed Lutherani mandata Dei non seruant, utpotè, qui docent, ea esse seruata impossibilia, ergo Lutherani non credunt fide viuā in Deum, sed tantum mortuā; nec est, quod maiorem concedant de obseruatione inchoatā, negent de perfectissimā; quia superius ostendimus, inchoatè

16.



atè obseruare legem, idem esse, ac non obseruare legem. Demus tamen aliquid plus esse legem *inchoatè*, & *imperfectè* obseruare, quàm sit illam non obseruare. Ergò saltem talis erit fides, qualis obseruatio. Sed obseruatio est tantùm *inchoata*, & *imperfecta*. Ergò fides etiam tantùm erit imperfecta. sed huiusmodi fides non est viua fides, sed mortua. Ergò Lutherani non habent fidem viuam: sed mortuam.

174

Alterum de motibus concupiscentiæ clariùs percipiatur, Aduersariorum sententia breuiter explicanda est. Tria in homine consideranda sunt. Primò, Concupiscentia in actu primo, quæ est pronitas quadam ad concupiscendum. Secundò, Concupiscentia in actu secundo, quæ est motus quidam ad concupiscendum, præueniens rationem. Tertio, Consensus in eundem motum ex voluntate liberâ profectus. De his sic docent Aduersarij: hæc tria graua peccata esse. Primum quidem ajunt esse ipsum peccatum originale: alia duo peccata actualia, mortifera contra præceptum: *Non concupisces*. Vnde concludunt, cum non possimus in hac vitâ motus concupiscentiæ vitare, nos etiam in hac vitâ non posse præceptum illud adimplere, & consequenter impossibilem esse præceptorum adimplerionem.

Sed

Sed contra 1. Concupiscentia in actu primo sumpta, seu pronitas ad concupiscendum malum, est effectus, & poena peccati originalis, ergò non potest esse ipsum peccatum originale. Impossibile enim est, ut aliquid sit peccatum, & poena, & effectus ejusdem peccati; quia esset causa, & effectus sui ipsius, ac per hoc prior, ac posterior seipsa. 2. Quicquid est in homine peccatum, tollitur per Baptismum, sed illa pronitas ad concupiscendum nunquam tollitur. Ergò non est peccatum. Frustrà explicant aduersarij per Baptismum tolli dominium peccati, seu concupiscentiæ, ut non possit regnare in corpore nostro, non tamen tolli ipsam concupiscentiam. Sed contra: interrogo Lutheranum: Sublato per Baptismum dominio peccati, manet ne peccatum, vel non manet? Si manet, ergò per Baptismum non tollitur peccatum. Si non manet, ergò concupiscentia, seu pronitas ad concupiscendum, non est peccatum, quia hujusmodi concupiscentia, semper manet, nec per Baptismum tollitur, hoc igitur effugium nullum est.

18.

3. Quòd concupiscentia in actu secundo, siue motus ex concupiscentiâ exsurgentes absq; consensu rationis, peccata non sint, etiam probatur euidenter: Concupiscentiæ in pueris, amentibus & dormientibus

19.



bus peccata non sunt, ut docet D. Augustinus l. 10. Confess. c. 30, & cum illo Patres alij; idq; , quia non est in potestate ipsorum non concupiscere, sed non est etiam in potestate sapientum, & vigilantum virorum, non habere primos illos motus concupiscentiæ, ut experientia docemur, igitur illa peccata non sunt.

20.

Deniq; motus illi concupiscentiæ homini non nato ex Adamo, & in puris naturalibus constituto, essent connaturales, & sine culpa, nisi aliundè fierent culpabiles: Ergo & nunc non possunt esse in nobis culpabiles, nisi aliundè tales fiant. Probatur antecedens, quia si homo crearetur à Deo in puris naturalibus, constaret procul dubio duabus partibus repugnantibus, carne, & spiritu, & haberet duos appetitus contrarios, rationalem, & sensitivum. Ergo naturaliter haberet quosdam motus repugnantes rationi. Si verò non essent peccata in tali homine; Ergo nec in nobis erunt, nisi aliundè fiant tales. At aliundè fieri non possunt, nisi per liberum consensum. Ergo solus consensus est culpabilis, qui prohibetur p̄ mandatum, *Non concupisces*. In solutione objectionum clariùs reliqua patebunt.

CA.

## CAPUT 3.

*Soluantur objectiones Aduersariorum.*

**E**X dictis liquet juxta Aduersarios duo-  
 potissimum mandari, quæ obseruari  
 nequeunt. Affirmant enim non posse  
 satisfieri obedientiæ, quæ dilectionem  
 mandat perfectissimam, Et præcepto ve-  
 tati concupiscentiam, sine quâ nemo esse  
 potest. Contra primum sic obijciunt: Di-  
 lectio quæ præcipitur in hac vitâ, debet es-  
 se tam perfecta, quàm illa quæ præcipitur  
 in alterâ vitâ, vel non debet esse tam perfe-  
 cta. Si debet esse. Ergo qui minus diligit,  
 quàm sicut præcipitur, peccat; & per hoc  
 quatenus peccando deficit à lege, non im-  
 plet legem. Si non præcipitur tam perfe-  
 cta dilectio; sequitur dilectionem aliquam  
 esse perfectiorem eâ, quæ est ex toto corde,  
 & ex totâ animâ, &c. & consequenter o-  
 mnem nostram dilectionem esse imperfe-  
 ctam tantum, atq; inchoatam. Atq; adeò  
 legem non posse nisi imperfectè, & incho-  
 atiuè adimpleri.

21.

Sed respondeo ad primam partem pro-  
 positi dilemmatis: perfectio illa dilectio-  
 nis futuræ in beatorum statu non præcipi-  
 tur per modum *medij præstandi*: sed indi-  
 catur

22.



catur solum per modum finis obtinendi. Quocirca non spectat ad *Obligationem* vitæ præsentis, sed ad felicitatem futuræ: quare etiam si quis careat in hac vitâ illâ perfectâ dilectione Beatorum, non tamen ullius præcepti est transgressor. Ait enim Augustinus de Spiritu & lit: c. 26. *Neque enim jam culpe deputandum est, si esse nequit tanta perfectio* (in hac vitâ) *quanta illi cognitioni plena, perfectaque* (in altera vitâ) *debetur.* Exemplo sit in Medico, cui verbi gratiâ mandatur, ut quantum potest ægrum curet. Is præcepto satisfacere censetur, si medicamenta, quacunq; potest, adhibeat summâ cum diligentia, tametsi re ipsâ in ægro non consequatur sanitas. Hæc enim cum non sit in ejus potestate, non cadit sub obligationem, licet in mandato tanquam finis illius, exprimatur. Similiter si Dux Exercitus militibus præcipiat, ut vincant hostem. Præceptum illi implent, si quàm fortissimè possunt, pugnent. Quia fortiter pugnare est medium necessarium ad victoriam. Hanc intendit ut finem Dux; illud ut medium præcipit.

Fateor tamen à Catholicis Doctoribus subindè dici nos in hac vitâ mandata Dei tantum imperfectè adimplere. Ita enim S. Thomas 2. 2. q. 44. Artic. 6. sed loquuntur hi Authores tantum comparatè, respectu videlicet,

delicet, illius perfectionis, quam habebunt Beati in cœlo, non autem *absolutè*.

Quod attinet ad alterum dilemmatis membrum, videlicet aliquam esse dilectionem Dei perfectiorem illà, quæ est ex toto corde, & ex totà animà, &c. respondet non esse aliam dilectionem perfectiorem illà quoad substantiam, siue rationem *objecti*; esse tamen aliam perfectiorem, ratione *Subjecti*. Hoc est: omnes tenentur ita Deum diligere, ut nihil præferant ejus amicitia, tanquam finis ultimi. Ad alios tamen perfectionis gradus non obligantur. Quos licet aliquis non habeat, potest tamen dei perfectè diligere, sicut perfectè dici potest doctus, & eruditus, qui valdè multum v. g. in Theologià didicit, licet omnia adhuc non didicerit, & alij perfectiores inueniri possint. Sicut enim in doctrina dantur intensiores gradus; ita etiam in dilectione. Ex quibus patet solutio ad omnia argumenta, quæ contra Impletionem præcepti de dilectione adferri possunt, de quibus plura videantur in Demonstratione de Operibus Supererogationis.

23.

Plura sunt, quæ de concupiscentiâ proponunt.

I. Omnis actus diuinæ legi oppositus est verè, & propriè peccatum. Atqui sensus

24.



lus concupiscentiæ est legi diuinæ oppositus. Paulus enim ait *legem in membris, repugnare legi mentis*: hoc est, Decalogo; ad cuius observationem renatos Sanctus Spiritus vi suâ vrget. Ergo sensus Concupiscentiæ est peccatum.

Sed respondeo: Omnis actus diuinæ legi formaliter oppositus, id est, voluntarius & humanus, est peccatum; concedimus. Omnis autem actus *materialiter* oppositus, hoc est, qui non sit voluntarius, qualis est in infantibus, & amentibus, est peccatum: negamus. Sine voluntate enim non fit transgressio legis *formaliter*. Nam leges pro iis saltem conduntur, qui rationis, & arbitrii vsum habent. Quis enim vnquam audiuit, pro brutis & stultis leges constitui, & iisdem seruandas promulgari? ideo Apostolus cum ait, Concupiscentiam repugnare legi mentis, intelligit *materialiter* suggerendo videlicet, & obijciendo materiam; quæ, si voluntas à consensu non abstineat, in formale peccatum abeat.

25. 2. Vrgent: Paul: ad Rom: c. 7. Concupiscentiam sæpissimè vocat peccatum. Ergo est peccatum; Si ita; ergo nullus potest esse sine illo peccato, & consequenter nullus implebit legem, quia qui peccat in vno, factus est omnium reus.

Respondeo: verum quidē Concupiscentiam ab Apostolo sæpè vocari peccatū, non tamen

tamen propriè, sed impropriè. Vox enim ambigua est peccati, in Scripturis. Nunc enim accipitur pro culpâ, nunc pro pœnâ, quæ est culpæ effectus. Aliquando pro causâ peccati. Deniq; nonnunquam etiam pro sacrificio, quod est peccati expiatio. Et ad Rom: 7. *Lex peccatum? absit.* Hic omnium consensu peccatum accipitur pro causâ peccati. Sicut paulo infra lex dicitur mors, id est, causa mortis. 2. *Corinth: 5. Ita Osee 4.* dicuntur Sacerdotes comedere peccata populi, quia comedunt oblationes pro expiatione peccati. Quin imò Apostolus 2. *Corinth: 5.* Christum expressè vocat *peccatum*. Infercatnè Aduersarij: Ergo Christus est propriè *peccatum*? Pueri scient consequentiam negandam. Certum ergo est Concupiscentiam *formaliter*, & *propriè* non esse, nec dici peccatum; sed solum per *tropum*, & impropriè, ad eum modum quo lingua locutio, & manus scriptura vocatur. Est tamen corruptio quædam ad malum incitans, & ideo rectè dicitur non bonum, & malum, nec non malum priuatiuum, & positium, & crucifigendum, & destruendum. Et malè interres si dicas: Quod est causa peccati, hoc ipsum etiam est peccatû, & eadem lege prohibetur causa, & effectus. Respondeo enim, id verum esse, si consensus in vtroq; adsit. Nam tunc vtrumq; prohibetur. Neutrum prohibetur, si consensus



sus absit. Quâ in re habet se concupiscentia sicut pulvis tormentarius, qui non nocet nisi admoto igne. Sic concupiscentia non est peccatum, nisi habito consensu.

26. Sed dices: si in vno loco hujus capituli improprie accipitur, in omnibus eodem modo accipiendum erit. Quod manifestè falsum est, & patet ex sensu Apostoli.

Respondeo non eodem sensu in eodem capite accipiendum esse, cum evidentia recogat nos aliter intelligere.

Nam quando dicit Apostolus verſ. 7. *Lex peccatum est? absit.* Dubitari non potest, quin lex accipiat pro causâ peccati, alias enim ineptè quæreretur, an lex peccatum esset. Dum verò addit: *sed peccatum non cognoui, nisi per legem.* Sumit pro peccato proprie dicto, quod repugnat legi. & paulo post v. 8. *Peccatum per mandatum operatum est omnem concupiscentiam,* accipitur pro fomite qui operatur omnem concupiscentiam.

Et sic intelligendum esse D. Paulum manifestum est. Aliàs enim sibi contradiceret. Nam cum alibi asserat: *Nihil esse damnationis illis qui sunt in Christo JESU.* Hoc est, homines per peccatum regeneratos, ac justificatos, dum tales sunt, carere omni culpâ damnabili. Hoc falsum esset, si alibi diceret: *Motus concupiscentiæ in justis esse verè peccata morte æternâ digna.* Cum enim il-

li mo-

li motus semper maneant in homine, cum veritate dici non potest, in ijs, qui in Christo IESV sunt, nihil damnationis esse. foret enim manifesta contradictio.

Deinde cum tota vera primitiva Ecclesia per omnes SS. Patres vnanimiter sic D. Paulum intellexerit, quæ errare nullo modo potest. Illi potius adhibenda fides est, quam nouitijs quibusdam Sectariis, iudicium suum toti veteri Christianitati opponentibus.

Nunc videamus quid generaliter contra præceptorum obseruationem afferant ex Scripturis.

27.

1. *Quid tentatis imponere iugum super ceruices discipulorum, quod neque patres nostri, neque nos portare potuimus?* Act. 15. v. 10. Quibus verbis testatur Petrus, iugum legis non potuisse ferri, atque adeo ejus obseruationem esse impossibilem.

Respondeo: certum esse Apostolum tantum loqui de lege Ceremoniali, quod probatur 1. ex occasione hujus propositionis. Cum enim à quibusdam moueretur questio, an Gentiles ad fidem conuersi, deberent circumcidi, & alia legis ceremonialia obseruare (nam propter eam questionem Concilium erat congregatum) clarum est Petrum de circumcissione, & alijs similibus fuisse locutum. 2. Patet idem ex Concilij decreto, quo statuitur fidelibus nihil imponere.



ponendū esse *oneris præter hæc necessaria*, ut videlicet abstineant ab immolatis simulachrorum, à sanguine suffocato, & fornicatione. Quæro ergo ex Lutherano, an illa *sola necessaria* intelligenda sint ex sola lege ceremoniali, an ex totâ lege simpliciter? Si primū, habemus quod vrgemus. Si secundum; ergo non erit necessarium Christiano, non colere idola, non furari, non occidere, &c.

At dices malè vocâisset Petrus legem jugum importabile, si solam ceremonialem intellexisset; quia certum est ceremoniam accedente DEI gratiâ non esse jugum importabile, cum vires humanas non excedat.

Respondeo, legem quidem ceremonialem absolutè observari potuisse, & de facto cum DEI gratiâ observatam esse à Zachariâ, Elizabeth, Luc. i. v. 6. & aliis, ideoq; ea lex absolutè non vocatur jugum importabile, quasi penitus non posset portari: sed quod ægrè ac difficulter id fieret, ut passim exponunt SS. Patres; rectè enim dicitur id portari non posse, quod ægrè, ac difficillimè portatur. Hinc sensus est Apostoli, non esse onerandos fideles tam difficilibus istis legibus, præsertim cum sint inutiles ad justificationem, ideoq; addit; neq; enim per illas ceremonias: *sed per DEI gratiam Domini nostri Jesu Christi credimus salvari, quemadmodum & illi.*

2. Quod

2. *Quod impossibile erat legi, in quo infirmabatur, per carnem Deus filium suum misit, &c. Rom: 8. v. 3. Ergo impossibilis erat lex.*

Respondeo, nihil hîc contra nos vrgeri. Sensus enim Apostoli est: per solam naturam & legem sine gratiâ Christi, hominem in hac corruptione non posse totam legem, totumq; Decalogum implere. Quod confirmat illud Act: 13. v. 38. *Per Christum vobis remissio peccatorum annuntiatur, & ab omnibus, quibus non potuistis in lege Moyse justificari, in hoc omnis qui credit justificatur.* Unde dicitur tantum, legem sine gratiâ Christi, naturæ viribus impossibilem, & inutilem esse.

Quo sensu etiam soluitur illud quod 29. obijciunt aliqui Gal: 3. v. 10. *Qui ex operibus legis sunt, sub maledictio sunt. Scriptum est enim: Maledictus omnis, qui non permanserit in omnibus, quæ scriptæ sunt in libro legis, ut faciat ea.* Vbi notandus est Pauli discursus, qui ut probet, quod non ex solâ lege sine fide justificetur homo, sic ait: *qui ex operibus legis sunt, sub maledictio sunt.* Hoc est, illi maledicti sunt, qui suis viribus sine fide, & gratiâ legem implere, & se justificari posse credunt. Non autem significat eos esse maledictos, qui legem implendo per DEI gratiam justificari quærun, cum idem



Apostolus dicat ad Rom. 2. *Factores legis justificabuntur.* Vnde Paulus ut hoc probet, sic argumentatur ex Deut. 27. v. 26: *Maledictus omnis, qui non permanserit in omnibus, quæ scripta sunt in libro legis:* at nemo potest suis viribus sine fide, & gratiâ permanere in omnibus, quæ scripta sunt in libro legis; ergo maledicti omnes illi, qui in operibus legis sunt, id est, qui suis viribus sine fide, & gratiâ totam legem servare, & commodò justificari quærunt. Quòd confirmant verba sequentia: *Christus nos liberauit de maledictò legis, factus pro nobis maledictum.* Hoc est, liberauit nos à maledictò, quia per fidem, & gratiam Christi, legem implere possumus, & implemus; quod quia viribus naturæ facere non poteramus, sub maledictò legis manebamus.

30.

3. Philippus, & Chemnitius sic obijciunt: Christus semper est mediator, non solum in primâ reconciliatione, sed toto tempore, quo vivimus. Ergò semper egemus intercessione Mediatoris Christi; ergò semper peccamus, & legem transgredimur. Nisi enim hoc faceremus semper, non indigeremus semper ipsius Christi mediatione, & post primam reconciliationem Christus otiosus esset.

Respondeo Christum nunquam esse otiosum, quia semper ipsius mediatione indigemus,

digemus, idq; duabus potissimum in rebus.

1. Quia gratiam semper nobis subministrat, quâ adjuti bona opera præstemus, & peccata grauiora euitemus, ideo nos palmites, se vitem esse dixit, vt ostenderet nos ex illâ vite continuum succum trahere debere, & ita in Christo viuere, & bonum fructum ferre.

2. Quia à peccatis nostris quotidianis, quæ venialia vocamus, nec contra legem, nisi tantum imperfectè, aut potius sunt præter legem, ipse nos suo sanguine continuo emundat. Et si fortè legem grauius præuaricando iustitiam amittamus, ipse est propitiatio pro peccatis nostris, & per bona opera, ac pœnitentiam seriò conuersos, non septies, sed etiam septuagesies septies, nos Patri reconciliat. Atq; ita Mediator Christus nunquam otiosus est, sed ejus merita nobis semper applicando, reddimus ea nobis efficacia.

4. Ajunt D. Paulū fateri, legem à se non posse obseruari, dicit enim ad Rom: 7. v. 18. *Velle quidem adjacet mihi, perficere autem bonum non inuenio.* Ergò licet vellet adimplere legem, fatetur tamen se non posse.

Verum clarum est, nullam hîc mentionem fieri ab Apostolo de obseruatione le-




gis, sed tantum de motibus concupiscentiæ, quibus non poterat carere, quasi diceret: vellem quidem carere hisce motibus, quod bonum esset, si fieri posset: sed non possum efficere, ut illis caream. Motus autem huiusmodi non esse contra legem, vel peccatum, superius ostendimus.

Hæc sunt præcipua, quæ contra legis observationem obijciunt Aduersarij, quibus euidenter solutis stat inuicta primitiua Ecclesiæ doctrina.

DS(†)S





DE

OPERIBVS SUPEREROGA-  
TIONIS, SEV CONSILIIS  
EVANGELICIS.

DEMONSTRATIO V.

Lutheranam Eccle-  
siam non esse veram Ecclesiam,  
quia negat dari opera supererogatio-  
nis, seu Consilia Euangelica, quæ ve-  
ra primitiua Ecclesia agnouit,  
& amplexata est.

CAPUT I.

*Ecclesie primitiue sensus de his o-  
peribus exponitur.*

**D**Ocuit tota primitiua Ec- I.  
clesia quædam à fidelibus exer-  
ceri bona opera, quæ à Christo  
non imperata, sed solùm de-  
monstrata sunt; non mandata,  
sed tantùm commendata; ideoq; consi-  
lia



lia Euangelica, seu opera supererogationis appellantur. quod sequentium testimonio Doctorum demonstramus.

An. 230. Origenes ad cap:15. ad Romanos: *Ea, quæ supra debitum facimus, non facimus ex præceptis: verbi causâ: Virginitas non ex debito soluitur: neq; enim per præceptum expetitur; sed supra debitum offertur.*

Anno 250. Cyprianus de habitu virginum in fine. *Nec hoc iubet Dominus, sed hortatur, nec iugum necessitatis imponit, quando manet voluntatis arbitrium liberum. Sed, cum habitationes multas apud Patrem esse dicat; melioris habitaculi hospitia demonstrat. Habitacula ista meliora vos petitis, carnis desideria castigantes, maioris gratiæ præmium in cælestibus obtinentes. Quid clariùs & expressiùs dici potest ad ostendendum castitatem voluntariam opus esse supererogationis? Vide eundem Authorem adhuc fusiùs hoc idem declarantem in tractatu de Natiuitate Christi.*

A. 326. Eusebius Pamphili, Episc: Cæsarien: lib. 1. demon: Euang: cap: 8. *Quocircâ in Ecclesiâ DEI duo modo uiuendi instituti sunt: alter quidem naturam nostram, & communem hominum vitæ rationem excedens: non nuptias, non sobolem, non substantiam, non opum facultatem requirens, & soli diuino cultui ex immenso rerum cælestium amore addictus; & ta-*  
lla

lis quidem existit in Christianismo perfecta vitæ modus. Alter verò remissior, atq; humanior, hic & molesto conjugio, & sobolis procreatione implicatur, & rei familiaris curam assumit, & justè militantibus, quæ sint agenda, præscribit, agros quoq; & mercaturam adjunctâ Religione non negligit; & his quidem secundus pretatis attributus est gradus.

Athanasius de humanitate verbi post medium Saluator noster, & omnium Rex Christus tantum valuit, ut pueri nondum maturi legum, disciplina Virginitatem, quæ supra leges est, profiteantur. Nota hic Virginitatem, non legem, sed supra legem poni.

A. 340.

Basilii lib: de Virginit: ultra medium. Voluit Dominus eximia virtutis meritum non jussionis necessitati obnoxium fieri, sed egregij ac singularis animi specimen, atq; indicium esse, dum sponte suâ, nullâ imperij necessitate cogente, quod mandata omnia excellit, desiderio, affectuq; virtutis efficeret. Conjugium quippe naturale est, ubi etiam lex naturæ convenientia disponit. Virginitas verò supergressa naturam, legis vinculis non tenetur adstricta, quæ incorruptionis excellentem virtutem, Auctori legis, jure pretiosi muneris offert.

A. 370.

Optatus Mileuitanus lib: 6. contra Parmenianum. A Paulo cum quereretur, quid de Virginibus præciperet: respondit sibi de Virginibus nihil esse mandatum &c. nec impedimen.

A. 370.



pedimento est voluntati, nec nolentes cogit,  
qui dederit, inquit, Virginem suam, bene  
facit, & qui non dederit, melius facit. *Hæc  
sunt verba consilij, nec sunt ulla præcepta con-  
iuncta.*

A. 370.

Ambrosius Epist: 82. ad Eccles: Vercel-  
lensem. *Quâ reuerentiâ Virginitatis locutus  
est Sanctus Apostolus? De Virginibus præ-  
ceptum Domini non habeo, consilium au-  
tem do, tanquam misericordiam consecur-  
tus à Domino. Præceptum non habet, consili-  
um habet, non enim precipitur, quod supra le-  
gem est, sed magis dato suadetur consilio: nec  
auctoritas præsumitur, sed demonstratur gra-  
tia. bonum ergo consilium, quia in consilio u-  
tilitas est, in præcepto laqueus. consilium in-  
uitat voluntarios, præceptum astringit inui-  
tos, &c:*

Et lib: de Viduis circa medium: *Qui  
præceptum impleuerint, dicere possunt: Serui  
inutiles sumus, quod debuimus facere, feci-  
mus. Hoc Virgo non dicit, non dicit ille, qui  
bona sua vendidit.*

A. 380.

Gregorius Nazianzenus Orat: 1. in Iu-  
lian: ultra medium. *In legibus nostris alia  
parendi necessitatem imponunt, nec sine peri-  
culo prætermitti possunt alia, non necessitate  
constringunt, sed in arbitrio, & voluntate pos-  
ta sunt, ac proinde hanc rationem habent, ut  
qui ea custodierint, præmijs ac honore affician-*

tur; qui autem minus ea explicauerint, nihil periculi pertimescant.

Hieronymus contra Iovinian: lib: i. cap: A. 390.

7. Proponit Agonothetes premium, inuitat ad cursum, tenet in manu Virginitatis brauium: ostendit purissimum fontem, & clamat: qui sitit, veniat ad me, & bibat; qui potest capere, capiat. Non dicit velitis, nolitis, bibendum est vobis, atq; currendum: sed qui voluerit, qui potuerit currere, atq; potare, ille vincet, ille saturabitur; & ideo plus amat Christus Virgines, quia sponte tribuunt, quod sibi non fuerat imperatum. maiorisq; gratiae est offerre, quod non debeas, quam reddere, quod exigaris.

Ioannes Chrysostomus Homil: 8. de Anno 400.  
poenit: Nequaquam Dominum intus, haud mandat impossibilia, multi ipsa superant mandata. Et infra loquens de paupertate voluntaria, & castitate, ait in personam DEI: Non cogo, non grauo, sed persipientem quidem coronabo: non persipientem, non punio.

Idem fuse Homil: 21. in priorem ad Corinthios.

Augustinus Sermone 16. de Tempore: A. 400.  
Aliud est consilium, aliud praeceptum: consilium datur, ut Virginitas conseruetur, ut vendantur omnia, & pauperibus erogentur. Praeceptum vero datur, ut Iustitia custodiatur, ut omnis homo diuertat a malo, & faciat bonum;



*deniq; de Virginitate dicitur: Qui potest capere, capiat. De Iustitiâ verò non dicitur, qui potest facere, faciat. Sed omnis arbor, quæ non facit fructum bonum, excidetur, & in ignem mittetur. Consilium qui libenter audierit, & fecerit, maiorem habebit gloriam. Præceptum, qui non impleuerit, nisi patientia subueneris, euadere poenam non poterit. In hunc sensum alibi plurima habeto. Vtin Enhiridio ad Laurentium cap. 111.*

*De Adulterinis conjugis lib: 1. cap: 14. lib: de Sancta Virginitate: cap: 14. l. 2. question: Euangelicarum, cap: 19. & cap: 30. Item Sermone 18. de verbis Apostoli cap: 11.*

2. *Omitto hujus, & aliorum sæculorum innumeros Doctores Ecclesiæ primitiua, qui istiusmodi Consilia Euangelica à præceptis disertissimè distinguunt, & opera supererogationis nom inant, quidquid à Christo, vel Apostolis suatum tantum, non præceptum inuenitur.*

*Ex quorum tam loculentis testimoniis conuincitur; Consilia Euangelica, seu supererogationis opera à præceptis distincta, in primitiua Ecclesiâ non solum credita fuisse, posse dari, sed ea quoq; ab omnibus in magno semper pretio esse habita. Quæ, dum Aduersarii contemnunt, aut nulla esse afferunt, manifestè à sensu, & doctrinâ totius primitiua Ecclesiæ recedunt: è contra*

tra hæc amplectentes Catholici, Doctrinæ veteri, & Ecclesiæ veræ salubriter adherent.

## CAPUT 2.

*Explicatur, & confirmatur  
Sententia Catholica.*

**O**pera consilij, quæ à Theologis Catholicis *Supererogationis* nominantur, sunt bona opera non imperata, quibus faciundis nemo, nisi arbitrio suo, adstringitur; quæq; ex maximâ voluntatis libertate, & electione promanant: distinguuntur à præceptis, 1. quod hæc faciliora sint, consilia difficiliora, ideoq; si de eadem sint materiâ, consilium iuccludit præceptum, & ampliùs.

2. Quod præceptum sit omnibus commune, consilium verò *qui potest capere, capiat.* 3. Quod præceptum vi suâ obligat, non consilium. Deniq; 4. quod præceptum habeat pœnam, si non observetur, consilium non item.

Hujusmodi opera autem consilij seu supererogationis quædam dari probatur ex Scripturis.

## §. I.

*De Continentia voluntariâ.*

In pri-



4. **I**N primis de Virginitate ait Christus Mat.  
 19. v. 11. afferentibus discipulis non expedire nubere: *Non omnes capiunt verbum hoc, sed quibus datum est; sunt enim Eunuchi, qui seipfos castrauerunt propter regnum cælorum, &c. qui potest capere, capiat.* in quo loco non præcipi Virginitatem, certum est. non enim nunc liceret nubere. Et Christus ipse initio hujus capituli nuptias approbavit. Consilium ergo est, quod inde patet. nam dicentibus Apostolis: *Si ita est, non expedit nubere.* non respondit Christus, *expedire, sed non omnes capiunt verbum hoc, qui potest capere, capiat.* quasi diceret: reuera non expediunt, sed potius impediunt nuptiæ, tamen non omnes intelligunt, sed, qui potest id assequi, non omitat.

Respondet huic claræ probationi Brochmannus de Ministerio Ecclesiast. c. 2. 4. 14. dub: 2. Christum in hoc loco imperatiuâ loquendi formâ mandare cælibatum, non quidem omnibus, sed ijs tantum, qui dono continentiæ diuinitus sunt præditi, inquiens: *qui potest capere capiat, q. d. mando, vt omnes, qui donum Castitatis acceperunt, sint casti, quod confirmat ex Paulo, 1. Cor. 7. v. 17. Vnicuiq; sicut diuisit Dominus, vnumquemq; sicut vocauit Deus, ita ambulet.* ergo quibus diuisit Dominus donum Castitatis, illis eam, vt seruarent, imperauit.

Respon-

5. Respondeo 1. si per hæc verba Christus imperasset continentiam, sequeretur, plurimos esse, qui in conscientia non possent Matrimonio conjungi, quia, qui obligantur ad seruandam Castitatem, à Matrimonio vetantur. Sed omnes omnino homines (nisi defectus naturalis obstat) possunt Matrimonio conjungi (vt Brochmannus, & omnes Lutherani fatentur) ergò nulli est præceptum, vt ælibem vitam ducat. ergò Christus loco citato Castimoniam non præcipit, sed suadet.

Respondeo 2. si verba hæc mandatiua essent, tunc illis, quibus castimonia præcepta est, liberum esset Matrimonio conjungi, vel non esset liberum. si primum, tunc non esset obligans præceptum; si secundum, ergò dantur inter Lutheranos aliqui, qui sine grauissimo peccato Matrimonio jungi nequeant: nisi dicant, nullum Lutheranum capacem esse, qui diuinitus donum continentiae accipiat.

6. Respondeo 3. falsum esse, quod supponit Brochmannus, videlicet Continentiam tale donum DEI esse, quod omnes acquirere non possint, & aliquibus impossibile sit seruare. Nam licet Castitatem donum Dei esse fateamur, tale tamen donum est, quod nulli volenti, petenti, obtinere conanti denegatur, vt docet Origenes

Tract:



Tract: 7. in Matth: Ambrosius lib: 3. de Virgin: Hieronymus, Beda, Theophylactus, Euthymius, & passim omnes alij primitivæ Ecclesiæ Doctores. & cū Paulus quando 1. Corin: 7. v. 7. dicit: *Vnusquisque proprium donum habet ex DEO, alius quidem sic, alius autem sic:* non solum de Virginitate, sed etiam de Matrimonio locutus est: ut ex contextu certum est, indeq; patet, Matrimonium quoq; donum DEI esse tam benè, quàm Virginitas. Vnde sequitur, quod cū donum Matrimonij omnibus volentibus detur, ut omnes fatentur Aduersarij: donum quoq; Castimonix omnibus volentibus, & à Deo petentibus concedatur: cum eā tantum differentiā, quod hoc difficilius obtineatur, quàm illud, majoremq; conatum requirat. cū igitur omnibus volentibus, & petentibus Castitatis donum concedatur, sequitur prædictis verbis Christi, Matth: 19. v. 11. non mandari Castitatem, sed suaderi. aliās enim omnibus omnino mandaretur Castitas, quia donum ejus acquirere possunt omnes. sed de hoc fusiùs agemus in demonstratione de Continentiā.

7. Ad illud, quod pro confirmatione attulit Brochmannus, ex 1. Cor: 7. v. 17 respondeo: Dictū illud Pauli nihil ad hanc rem facere; non enim quidquam hic de Virgi-

Virginitate tractat, sed de Conjugio fidelis & infidelis. nam cum aliqui fideles cum infidelibus matrimonio conjuncti, dubitent, an non in Christianam libertatem jam asserti per diuortium ab infidelibus conjugibus secedere deberent, ait Paulus: *Vnusquisq<sup>3</sup>, sicut vocauit Deus, in statu suo ambulet.* q. d. edico, vt quisque statum, & conditionem, quam dedit Dominus, quamq<sup>3</sup> habuit antequam esset fidelis, retineat, siue Iudæus sit, siue Gentilis; siue seruus sit, siue liber, quisq<sup>3</sup> in sua sorte ambulet, eâ contentus Christianè viuat, nec ob Christianismum, statum mutet inquietè, & cum scandalo Gentilium. Et hunc sensum Pauli esse, clariùs ex contextu patet, quàm vt ampliùs probari debeat.

8.

Alter locus, qui Continentiam voluntariam consilii, non præcepti esse probat, desumitur ex Apostolo 1. Cor: 7. v. 25. & seq: *De Virginibus autem præceptum Domini non habeo, consilium autem do, &c. Item, bonum est mulierem non tangere, & dico autem in-nuptis, & viduis, bonum est si sic permanserint, sicut & ego, & volo omnes vos, sicut meipsum, id est, continentes, vt omnes veteres exponunt. Item, qui matrimonio jungit Virginem, benè facit, qui non jungit, melius facit, Deniq<sup>3</sup> de viduâ; Cui vult, nubat, tantùm in Domino, beator autem erit, si sic permaneat,*  
secun-



*secundum meum consilium, puto autem, quod  
 & ego Spiritum Dei habeam. ubi vides tri-  
 bui hoc consilium Spiritui sancto.*

9. Qui locus cum adeò clarus pro doctrina  
 nostrâ sit, ut refutari nequeat, effugia varia  
 quærunt Aduersarij.

Brochmannus enim ait, hîc Apostolum  
 mandare continentiam, dono illius prædi-  
 tis. nam vox *ψώνη*, quâ hîc utitur, signi-  
 ficat *sententiam præcisè seruandam*. non autem  
*Consilium*. Sed fallitur, nam licet hæc  
 vox crebrò *Sententiam* significet, norunt tam-  
 en pueri, qui in Scholis Græcum Lexicon  
 cum legerunt, vocem hanc *ψώνη*, sapie-  
 siimè pro opinione, sensu, & consilio ab Au-  
 ctoribus maximè probatis vsurpari. Fru-  
 strâ ergò per hoc conatur effugere Broch-  
 mannus.

10. Astutiùs autem Melanchton in locis  
 cap: de Castitate, & quidam alij ajunt,  
 quòd Paulus siue hîc continentiam suade-  
 at, siue non, solùm illam laudet, quòd vir-  
 litatem temporalem, & aliquam etiam  
 spiritualem adferat; quòd nimirum, qui vi-  
 xore carent, expeditiores sint ad orandum,  
 prædicandum &c. non autem ad placenti-  
 dum Deo, & præmia promerenda, inde in-  
 ferunt, Continentiam non esse opus super-  
 erogationis, Matrimonio perfectiùs, sed ef-  
 se medium ad præceptum perfectiùs im-  
 plendum.

Sed

Sed contra: Continentiam etiam valere ad placendum Deo, & præmia æterna promerenda, clarè docet Paulus 1. Cor: 7. v. 34. *Mulier innupta, & Virgo, cogitat quæ Dei sunt, quomodo placeat Deo, ut sit sancta corpore, & spiritu*, vbi euidenter dicit Paulus, Virginitatem esse sanctitatem corporis, & spiritus, per quam placemus Deo, sic enim discurrit: sicut mulier conjugata cogitat, quomodo se pulchram conseruet, ut placeat viro suo; sic Virgo, & Vidua cogitat, quomodo seruet corporis integritatem, & sanctitatem, ut per eam placeat Deo. Undè patet, Virginitatem Deo maximè placere: & quomodo non placeret, cum donum Dei sit? Sed de hoc pluribus in demonstratione de præstantiâ cælibatûs; sufficit nunc probasse eam opus consilij, non præcepti esse.

§. 2.

*De paupertate voluntariâ.*

Illustris locus pro paupertate voluntariâ non ad salutem, sed supra omniâ præcepta ad summam perfectionem necessariâ, desumitur ex Matth: 19. v. 21. vbi non dicit Christus, volo, jubeo, sed: *Si vis esse perfectus, vade, & vende omnia quæ habes, & da pauperibus, & habebis thesaurum in cælo, &*



*veni, sequere me, & hoc consilium perfectionis esse, non autem præceptum ad salutem, patet ex ipsis verbis Christi. Nam interroganti iuveni, quid faciam, ut salus fiat? respondit Dominus: Si vis ad vitam ingredi, serua mandata. ubi ostendit mandatorum observationem sufficere ad salutem. subjungit dein: Si vis perfectus esse: id est, si non es contentus simpliciter aeterna vita, sed in eâ cupis aliquem præstantiorem gradum, vade, vende omnia. unde apparet, Christum disertis verbis venditionem omnium bonorum, contradistinguere diuinis præceptis.*

13. Duo regerit Brochmannus: vel, adolescentem dicendo se mandata obseruasse, fuisse mentitum, atq; idcirco nullum inde argumentum pro nobis efformari posse, vel verba illa Domini ad iuuenem, ad nullum alium spectasse, sed solum ad illius personam in particulari; ideoq; non posse trahi in exemplum, aut ex illis regulam vniuersalem cudi, sed vtrumq; facile refellitur. Iuuenem non fuisse mentitum, constat ex Marc. o. v. 21. ubi dicitur de Christo, cum audisset iuuenem dicentem se omnia mandata à iuuentute obseruasse; *Iesus autem intuitus eum, dilexit eum.* quod profectò non fecisset, si simulator, & mendax iuuenis fuisset; quod Christum omnia scientem latere

ere non potuisset. Dictum autem illud non personale, sed generale fuisse, probatur ex contextu. quia sicut Christus omnibus edixit, ad salutem esse necessariam, mandatorum observationem, sic etiam dixit omnibus ad perfectionem consequendam, esse necessariam bonorum venditionem. Unde & Apostoli hoc sibi quoque dicei, recte crediderunt, dicentes, se omnia fecisse, quæ præcipiebat a dolescenti Christus; *Ecce, inquit, nos reliquimus omnia, & secuti sumus te, quid ergo erit nobis?* probavit Dominus, & præmium perfectionis huius est pollicitus: ergo non soli adolescenti, sed sibi etiam, & consequenter omnibus hoc dictum esse Apostoli evidenter crediderunt, juxta illud, quod Apostolis est dictum Marc: 13. *Quod vobis dico, omnibus dico.*

2. Argumentum, quo consilium adstruitur, est. Si præceptum esset omnia vendendi, & pauperibus erogandi; præceptum illud esset charitatis, sed non est charitatis, ergo nullum. Minor probatur: quia Charitas erga proximum non requirit aliud, nisi ut diligamus proximum, sicut nosmet ipsos; ergo non requirit, ut demus omnia nostra proximis, & nihil nobismet serueamus; sed præcepto satisfacimus partim dando, partim retinendo. Quod autem



dare omnia, mereatur iusigne præmium, patet ex his verbis Christi: *Sed habebis thesaurum in celo.*

15. 3. Deniq; probamus. Si præceptum diuinum esset, ad salutem, non autem ad maiorem tantum perfectionem, omnes omnino fideles obligati essent, ad omnia sua diuendenda, & inter pauperes distribuenda, sed certum est ad hoc nullum obligari (alias nullus, qui aliquid possidet, saluari posset) ergo certum quoq; est, non esse præceptum ad salutem, sed tantum consilium ad perfectionem.

16. Responder ad hoc Brochmannus, præcepta diuina non obligare quouis tempore, sed tunc demum, ubi implendi oportunitas, & necessitas se offert. ergo, inquit, præceptum hoc non obligat, nisi extrema proximi indigentia, vel publicæ persecutionis æstus requirat.

Sed hæc omnino sunt absurda. sic enim infero: ergo nullus Lutheranus vnquam est saluatus. cum enim vix vllus Lutheranus inueniatur, qui non viderit alios sæpè in summâ necessitate constitutos, nullum tamen vnquam Lutheranus est inuentus, qui omnia sua vendiderit, vt istis erogaret: præceptum igitur necessarium ad salutem non seruauerunt, & consequenter saluari non potuerunt.

Deinde

Deindè quod præcepta quædam positiua non obligent omni tempore, vt ait Aduersarius, verum quidem est, ita tamen, vt verū etiam sit, huiusmodi præcepta aliquando obligare, dùm occasio vel necessitas se offert. nam si nunquam obligent, præcepta dici nequeunt. hoc autem præceptum de vendendis omnibus nunquam obligare potest, ergò manifestum est, præceptum nullum esse. nam si aliquando obligaret, fieret hoc in casibus extremæ necessitatis, aut acris persecutionis, vt asserit Brochmannus. Sed in istis casibus non obligat, ergò nunquam. quòd in his non obliget, probatur. quia in istis casibus non obligamur ad ampliùs, quàm quod ordinata charitas erga proximum requirit, vt supra dictum est; sed illa charitas non requirit ampliùs, quàm, vt proximo subueniamus, aliquid ei ad necessitatem dando, non autem requirit, vt omnia vendamus; ergò in istis casibus præceptum de vendendis omnibus, non obligat; ergò in nullo casu obligabit, & consequenter præceptum nullum erit.

## §. 3.

*De Obedientiâ voluntariâ.*



18. **O**bedientia volūtaria probatur ex eodē loco Mat: 19. vbi Christus dicit adoleſcenti, *ſequere me*; vbi duo ſunt probanda: 1. De obedientiā hīc agi. 2. Conſilium hoc tantū eſſe, non praeceptum. Primum dupliciter probatur. Sequi Chriſtum, idem eſt ac imitari Chriſtum, iſ autem factus eſt obediens uſq; ad mortem, Philip: 2. ergo, quando iuueni praeceptum eſt ſequi Chriſtum, juſſus eſt obedire, ſicut Chriſtus obediuit. deinde quid ſit ſequi Chriſtum, ipſe explicat Math: 16. v. 24. vbi dicit, *Qui vult venire poſt me, abneget ſemetipſum, & collat crucem ſuam, & ſequatur me*. Sequi ergo Chriſtum, eſt abnegare ſeipſum; porro, ſeipſum abnegare, eſt iudicio ſuo, ſuiſq; affectibus valedicere, & alterius iudicio, & voluntati ſe accommo- dare. Fruſtrā obſtabis; licet hīc agatur de obedientiā, non tamen de illa agi, quā homini, ſed de illa, quā ſoli Deo neceſſariō debetur.

Reſpondeo, ſicut duplex in Scripturis inuenitur abnegatio ſui; vna ad neceſſitatem, altera ad perfectionem; ita duplex inuenitur obedientia. Sequela enim Chriſti, ſeu ſui abnegatio, quā praeſcribitur Mat: 16. & Luc: 9 eſt ad neceſſitatem, vt conſtat ex verbis ibidem: *Qui amat animam ſuam, perdet eam*. Illa verō, quā praeſcribitur Mat:

19. & Luc: 18. est tantum ad perfectionem, ut paulò post probabimus. & illa major est, & vniuersalior, quàm prima; consistitq; in obediendo in rebus omnibus, etiam non necessariis, modò peccata non sint. qualis obedientia laudatur in Rechabitis, Hierem: 35. qui obediuerunt patri suo in iis, in quibus non tenebantur. Et hæc obedientia etiam hominibus præstatur, quando illis voluntariè nos subiicimus, juxta illud Luc: 10. *Qui uos audit, me audit.* Et Hebræor: 13. *Obedite prepositis vestris,* & cum per verba supradicta *sequi Christum.* significetur imitari Christum, & Christus obediuerit hominibus, quibus spontè, & voluntariè se subiecit, erat enim *subditus illis,* teste Lucà c. 2. v. 5. possunt, & debent idem præstare alij homines, qui Christum imitari spontè, & voluntariè per votum obedientiæ aliis hominibus, Prepositis suis se subiiciunt.

Quòd autem hoc loco Matth: 19. obedientia consilij tantum sit, non præcepti, patet, quia dictum eidem est, *sequere me,* cui dictum ante fuerat, *si vis perfectus esse.* ergò cum istud prius consilij tantum fuerit, ut §. 2. fuse probabimus, erit & posterius consilij tantum, non præcepti. Et hæc de tribus his consiliis Evangelicis dicta sufficiant.



20.

Sunt & alia quædam in Euangeliiis consilia præceptis excellentiora, quæ breuiter hic enumerare placet.

1. *De inimicis diligendis*, quod quidem eatenus censetur consilij esse, vt ijs benigne faciamus, eosq; iuuemus, quamuis animi propensio, & affectio in præceptum cadat. tantum enim eos teneor diligere ex præcepto, non teneor illis aliquid dare, ergo, si dem aliquid, perfectius diligo, quam præcipitur.

2. *Misericordia, seu beneficentia*. de qua illud est, *Omni petenti te, tribue*. Luc. 6. v. 30. illi tribuere, qui extremâ necessitate premitur, spectat ad præceptum; sed stipem omnibus petentibus erogare, spectat ad consilium, quia plus est, quam præcipitur.

3. *Singularis patientia*, de qua dicitur ei, qui vult tecum in iudicio contendere, & tunicam tuam tollere, dimitte ei & pallium; & quicumq; angariauerit te mille passus, vade cum illo alia duo.

4. Euitare non modò occasiones quæ proximè ad peccatum ducunt, quod est præcepti, sed eas etiam, quæ aliqua ratione eò tendere videntur, est enim in diuinis effatis: *Si oculus tuus dexter scandalizat te, erue eum, & proijce abs te, &c.* Et si manus tua dextera scandalizat te, abscinde eam.

5. *Actionem cum doctrinâ jungere*, quod

oracu-

oraculum veritatis pronunciauit, quicumq;  
fecerit, & docuerit, hic magnus vocabitur in  
regno cælorum. facere est præcepti, sed su-  
pra illud etiam docere, est consilij.

Deniq; , vt aliâ breuitatis causâ non. 21.  
pauca prætermittam, vnicum adhuc ex D.  
Paulo pro consilij Euangelicis, seu operi-  
bus supererogationis locum addidisse pro  
coronide satis erit.

ad Cor: 9, Melius, inquit Apostolus,  
est mihi mori, quàm vt gloriam meam quis e-  
uacuet; nam etsi Euangelizauero, non est mi-  
hi gloria; necessitas enim mihi incumbit: vae  
enim mihi est, si non Euangelizauero. quæ est  
ergo merces mea? vt Euangelium predicans  
sine sumptu ponam Euangelium. Vbi toto hoc  
capite conatur demonstrare, se plus fecisse,  
quàm præceptum sibi fuerit, & idcò singu-  
larem gloriam apud Deum meruisse, nam  
cùm Dominus ordinasset illis, qui Euange-  
lium annuntiant, de Euangelio viuere;  
Paulus maluit gratis Euangelium prædica-  
re, & sic facere opus supererogationis. ita  
enim plus faciebat, dùm suis sumptibus vi-  
uebat, quàm cæteri Apostoli, qui Euangeli-  
zando sumptus à populo accipiebant.



## CAPUT 3.

*Refelluntur objectiones Aduersariorum, quæ generatim omnibus consiliis Evangelicis opponuntur.*

22. **P**rin cipalis omnium obiectio est: legi juberi Deum diligere ex toto corde, ex totâ animâ, ex totâ mente, & omnibus viribus. vndè nihil superest, non debitum, quod erogemus; quidquid enim agimus, corde, animo, mente, ac viribus agimus, quare omnia nostra Deo sunt obstricta. In quâ objectione duo potissimum vrgent. Primò, illam tam accuratam potentiarum enumerationem. 2. Illam particulam *ex toto, ex* quâ colligi affirmant, nihil posse hominem propter Deum facere, siue corde, siue corpore, quod non teneatur. Ostendendum ergò est, neutram partem quicquam ad argumenti conclusionem facere, quod circa.
23. Respondeo ad primum, per illam enumerationem mentis, animæ, cordis, virium, &c. non præcipi, vt Deum secundum omnes gradus possibiles charitatis diligamus, sed tantum, vt in Deum præcipuum amorem conferamus, nec quicquam anteponamus ei, vel æquemus. quod probatur primò auctoritate Patrum, Hilarii.
- Hic-

Hieronymi, Chrysostomi, Ambrosii, & aliorum, qui sic sentiunt.

2. Ex illo, quod Matth: 9. c. 21. Marcus c. 12. & Luc: c. 6. præceptum hoc dilectionis recensentes è cap: 6. Deut: nec in ordine, nec in numero consentiant, quod evidenti argumento est, non latere in istâ variarum potentiarum enumeratione mysterium. In hoc autem amore ex omnibus viribus, potentiis, &c. magis, & minus inveniri potest; qui enim abstinet propter Deum à licitis, magis diligit, quàm qui ab illicitis solum abstinet, & tamen diligit ex totis viribus, & potentiis, ac toto corde. quod probo, respondendo ad secundum, quod exaggerare solent Aduersarij, dùm virgent per illam particulam *ex toto corde*, significari omnes actus cordis, vel omnem intensiorem possibilem, adeò, vt impere-  
 24.  
 tur, ne quiddam aliud corde volutemus, quàm dilectionem Dei, eamq; summam, & vehementissimam: quod omninò falsum esse probant, varia Scripturæ loca, in quibus particula illa *totum*, & *omnis* non significat ita *totum*, & *omne*, vt alia omnia excludant; sed tantum maximam rei partem, de qua sermo est Matth: 2. v. 3. *Turbatus est Herodes, & omnis Hierosolyma cum illo.* id est, magna pars habitantium Ierusalem, 2. Reg: 15. v. 13. *Toto corde uniuersus Is-*



*sus Israël sequitur Absolon, Gen: 31: v. 6. Scitis, quod totis viribus seruierim patri vestro. cum tamen multa alia eodem tempore fecisset Iacob. Deindè Dauid dicitur secutus Dominum in toto corde suo, 3. Reg: 14. v. 8. Iosias autem secutus in toto corde, tota anima, & tota virtute, 4. Reg: 23. v. 15. quis tamen Dauidi preponeret Iosiam, lacer huius dilectionem pluribus verbis proferat Scriptura? sic etiam Moses requirit, ut Deus quærat in toto corde, & tota anima tribulatione, Deut: 4. v. 29. & Samuel, tantum ut quærat in toto corde, 1. Reg: 7. v. 8. patet ergò, sensum verborum horum per particulam *ex toto corde* expressum non esse alium, quàm sincerè pro viribus ac virili, ut dicitur, Deum adamare, in quo amore tali, magis, & minùs, siue gradus intensiōis, ordinariè inueniuntur. Ergò cum hoc dilectionis præceptum impleamus, etiam in gradu minùs intenso, adeò, ut ad plus non obligemur, possumus quædam supra præceptum, ad quæ ex vi præcepti non adstringimur. & hæc vocamus opera supererogationis.*

25.

Obijciunt 2. Consilia Euangelica, quæ Catholici perfectionis nominant, sub præceptum cadunt, & omnes obligant mandante Christo Matth: 5. *Estote perfecti.* Ergò ad omnia perfectionis opera obligamur, & conse-


consequenter nihil agere unquam possumus, quod non sub præceptum cadat, neq; villa opera supererogationis esse poterunt.

¶. negando Antecedens; nam licet Christus omnes jubeat perfectos esse, duplex est tamen perfectio. Vna necessaria ad salutem, quæ consistit in plenâ mandatorum obseruatione, & ad hanc ex præcepto Domini omnes obligamur. Altera est perfectio præstantior, quæ necessaria est non ad salutem simpliciter, sed ad excellentiorem gradum gloriæ, in regno cœlorum consequendam: & hæc consistit in consiliorum obseruatione; quam Dominus non præcipit, hanc enim si præciperet, tenerentur omnes, juxta supradicta, sua omnia diuendere, seruare Castitatem, & statum omnem perfectissimum assumere.

Alia innumera argumenta, quibus hanc doctrinam euertere conantur Aduersarij, nihil probant aliud, quam, cum præcepta nullo modo in hac vitâ nequeant impleri, impossibile quoq; esse perfectiùs quiddam facere, quam præcipiatur, & consequenter nulla dari posse supererogationis opera, ad quæ non obligemur.

Verum cum in Demonstratione de Mandatorum obseruatione fundamentum illud penitus euerterim, & probauerim mandata omnia adimpleri posse, ne actum agam, cōlectorem beneuolum remitto.





DE

CERTITVDINE IUSTI-  
TIÆ, PERSEVERANTIÆ,  
& æternæ Salutis.

DEMONSTRATIO VI.

Qua ostenditur Lu-  
theranam Ecclesiam non esse ve-  
ram Ecclesiam, quia docet vnum-  
quemq; fidelem de suâ iustitiâ cer-  
tum esse posse, & debere, quod  
primitiua Ecclesia ne-  
gauit.

CAPUT I.

I.



V'M omnes Ecclesiæ pri-  
mitiuae Doctores falli nesciam  
Scripturarum Auctoritatē se-  
cuti, Incertitudinem Iustitiæ  
propriæ multis libris, ac voluminibus pas-  
sim testentur; non iudicaui rem omnium  
calamis, & linguâ decantatam, multitudi-  
ne testimoniorum firmare. Atq; ideo sus-  
ficere duxi, si aliquos tantum producerem  
qui

qui facile principem inter Patres obtinent locum, idemq; instar omnium censeri possunt.

Basilii Magni in Constitut: Monast: c. 2. *An: 370.*  
*Multa peccantes, plurima neq; intelligimus, quapropter dicit Apostolus: Nihil mihi conscius sum, sed non in hoc justificatus sum, hoc est multa pecco, & non intelligo.*

Ambrosii Serm: 5. in Psal: 118. super illud: *An: 370.*  
*Amputa opprobrium meum quod suspicatus sum. Sic ait: Sic volebat auferri opprobrium, quod suspicatus est, vel quia cogitauerat in corde, & non fecerat, & penitentia licet abolitum, suspectus tamen erat, ne fortè adhuc maneret ejus opprobrium, & ideo Deum precatur, ut illud auferat, quia solus nouit, quod nescire etiam potest ipse, qui fecit. Quibus addit testimonium Apostoli, nihil mihi conscius sum. &c.*

Hieronymus lib: 2. aduersus Pelagianos: *An: 390.*  
*Sunt iusti, ad quos peruenit quasi opus impiorum, & sunt impij, ad quos peruenit, quasi opus iustorum. Hoc idcirco dicitur, quia certum iudicium solius DEI est.*

Et lib: in Hierem: super c. 13. *Homo videt in facie, DEUS in corde, & quod nobis inter dum mundum videtur, illius oculis sordidum deprehenditur.*

Chrysostomus Hom: 87. in Ioan: vbi S. A. 400.  
 Petrum sic loquentem introducit: *Propterea*



rea contristatus sum, ne forte me amare arbitratus, ut ante eum me fortem, & constantem putarem, imbecillis inuentus sum

Idem Homil: 11. in 1. ad Corinth: Multis de causis incertum est nostrum Iudicium, vnde quod multa opera nostra nos lateant, &c.

A. 490.

Augustin: Serm: 23. de verbis Domini: Fortasse tu nihil inuenis in Conscientia tua, inuenit ille, qui melius videt.

Homil: 35. Quam diu vivimus hic, de nobis ipsis nos judicare non possumus, non dico quid cras erimus, sed quid hodie simus.

In lib: 1. de perfect: Iustitia: Quamlibet Iustitia sit praeclatus homo, cogitare debet, ne aliquid in illo, quod ipse non videt, inveniatur esse culpandum.

A. 450.

Theodoretus ad cap: 4. 1. Cor: ad illud: Nihil mihi conscius sum, non me, inquit, a peccato immunem pronuntiabo, sed Dei sententiam expectabo, saepe enim evenit, ut etiam ignoantes peccent, equum, & justum esse existiment, sed hoc aliter videt universorum Deus.

An: 540.

Gregorius Magnus lib: 6. Epist: 26. ad Gregorium: Quod vero dulcedo tua in suis Epistolis subjunxit, importunam se mihi existere, quoad usque scribam, mihi reuelatum esse, quia peccata tua remissa sunt: rem, & difficilem etiam, & inutilem postulasti. Difficilem quidem, quia ego indignus sum, cui reuelatio fieri debeat, inutilem vero, quia securus de peccatis

caris tuis fieri non debes, nisi cum jam in fine  
vitæ tuæ ultimò plangere eadem peccata mi-  
nimè valebis. Quæ dies quousq; veniat, sem-  
per suspecta, semper irepida, metuere culpas  
debes, atq; eas quotidianis fletibus lauare.

Beda ad cap. 20. Prouerb: Potest hic vir- An: 720.  
tus, & de electis accipi, qui habent aliquando  
latentia in mente mala, quæ ab alijs videri  
non possunt hominibus, quæ tamen ipse Domi-  
nus cernit. Et infra: Sunt multi mundo cor-  
de, & juxta humanæ possibilitatis modum puri  
à peccato, nec tamen se ipse quisquam mundi  
cordem, & immunem à peccato absq; temeri-  
tate pronunciauerit.

Bernardus Serm: 3. de Aduentu: Accedit An: 1130.  
ad sollicitudinis cumulum, & pondus timoris,  
quod cum & meam, & proximi Conscientiam  
seruare necesse sit: neutra mihi satis est nota. v-  
traq; abyssus est imperscrutabilis, utraq; mihi  
nox est, & nihilominus exigitur à me utriusq;  
custodia.

Item Epist: 107. De quâ tamen perceptâ  
sumet ex parte notitiâ interim quidam glo-  
riatur in spe, nondum tamen in securitate.

Et Serm: 2. in Octauâ Paschæ: Nouit Do-  
minus qui sunt ejus, quis verò scit hominum,  
an amore; an odio dignus sit?

Idem Serm: 1. de Septuages: Quis potest  
dicere ego dilectus sum; ego de prædestinatis  
ad vitam; ego de numero filiorum. quis hæc,  
N. inquam



*inquam dicere potest, reclamante Scripturâ? nescit homo si dignus sit an amore, an odio? certitudinem utiq; non habemus, sed spei fiducia consolatur nos, ne dubitationis hujus anxietate penitus cruciemur.*

Quem Authorem ideò addendum putavi, quod Aduersarii nostri Lutherus, & Calvinus, alijq; eorū sequaces magni eum faciunt, & verè doctū, & sanctum appellent.

Ex quorum omnium testimoniis patet Ecclesiæ veræ primitivæ sensum, ac doctrinam fuisse, neminem de suâ justitiâ certum, atq; securum in hoc sæculo esse; & consequenter Lutheranos, qui contrarium docent, ab Ecclesiæ veræ doctrinâ recedere, & grauter errare.

## CAPUT 2.

*Exponitur utriusq; partis Doctrina. Confirmatur Catholica.*

**C**atholicam doctrinam Concilij Tridentini verbis expono, quod Sessione 6. c. 9. sic habet: *Sicut nemo pius de DEI misericordiâ, de Christi merito, deq; Sacramentorum virtute dubitare debet, sic quilibet, dum seipsum, suamq; propriam infirmitatem, & indispositionem respicit, de suâ gratiâ formidare, & timere potest, cum nullus scire valeat*

*valeat certitudine fidei, cui non potest subesse falsum, se gratiam DEI esse consecutum. Et cap: 16. Quia in multis offendimus omnes, unusquisq; sicut misericordiam, & bonitatem, ita severitatem, & iudicium ante oculos habere debet, neq; seipsū aliquis etiā si nihil sibi conscius sit iudicare: quoniam omnis hominum ratio non humano iudicio examinanda, & iudicanda est, sed DEI. Ex quibus verbis ostenditur Catholicam doctrinam esse; nullum omninò hominem fidelem posse, vel debere sine speciali revelatione certum esse certitudine fidei diuinæ, cui subesse falsum non potest; sibi esse remissa peccata, & Dei gratiam esse consecutum.*

*Aduersariorum verò doctrina est, quam Brochmanni verbis Artic: de fide iustificante, cap: 2. quæstio: 1. hinc pono: Nostorum Theologorum, inquit, certa, constansq; assertio est, quod homo verè fidelis, certissimus esse possit, debeatq; de peccatorum suorum remissione, iustitiâ, & salute. Vbi licet non addat fide diuinâ ex Argumentis tamen, quibus suam sententiam probat, & quæ nos cap: sequente producemus, constat eum de infallibili certitudine fidei loqui.*

*Hoc ergò posito quæstionis statu, probabimus primò neminem certitudine fidei certum esse posse, multò minùs debere, de sua iustitiâ. Ex quo facilè sequitur, nec de*



perseuerantiâ finali , neq; de vitâ æternâ  
*quenuquam certum, ac securum esse posse, vel  
 debere.*

Stat pro Doctrinâ Catholicâ tota fa-  
 cra Scriptura.

### §. I.

*Demonstratur Veritas Catholica Auctori-  
 tate Veteris Testamenti.*

4. **I**N veteri Testamento sententiam Catho-  
 licâ probant 1. Iob, & Dauid. Nam Iob c.  
 9. v. 12. ait: *Si iustificare me voluero, os me-  
 um condemnabit me, si innocentem ostendere,  
 prauum comprobabit, etiamsi simplex fuero,  
 hoc ipsum ignorabit anima mea; & v. 28. Ve-  
 rebar omnia opera mea, sciens quod non parce-  
 res delinquenti. Et c. 31. v. 14. Quid faciam  
 cum surrexerit ad iudicandum Dominus, &  
 cum quaesierit, quid respondebo illi?*

Iam verò Dauidis hæ voces sunt. Psalmi  
 18. v. 11. *Delicta quis intelligit? & ab oculis  
 meis munda me Domine, & ab alienis par-  
 ce seruo tuo. Quæ verba viri hi duo Spiritu  
 Dei pleni non dixissent, si non dubitassent  
 de iustitiâ suâ.*

2. Salomon idem apertè fatetur, Ecclesi:  
 9. v. 1. *Nescit homo, vtrum odio, an amore  
 dignus sit, sed omnia in futurum seruantur in-  
 certa.*

*certa. Et Ecclesi: 5. v. 5. De propitiato peccato nol: esse sine metu.* Quæ loca, quia clarissima sunt, conantur Aduersarij claritatem illorum varijs nubibus inanium commentorum inuoluere. Ad primum enim respondet Brochmannus secutus Caluinum; Salomonem non loqui de notitiâ fidei, sed de eâ, quæ haberi potest ex euentu externo, quasi dicat: Ex beneficiis, & flagellis, quæ quotidie homini obueniunt, non posse cognosci, an aliquis sit justus, an impius; quia beneficia, & flagella tam obueniunt huic, quàm illi. Prout ipse testatur Salomon v. 2. ubi dicit, Euentum eundem esse justo, & improbo. Licet igitur ex illis externis de iustitiâ propriâ nemo certus esse possit, potest tamen per internam notitiâ fidei, seu testimonium Spiritus sancti certus esse; juxta illud Rom: 8. v. 16. *Spiritus Dei reddit testimonium nostro spiritui nos esse filios DEI.*

Verùm respondeo 1. Salomon absolute hîc dicit non posse cognosci à justo, an amore, an odio sit dignus. Ideoq; tale argumentum format: Si justus posset cognoscere, odionè, an amore dignus sit, id cognosceret ex flagellis, & beneficijs, quæ Deus immittit. Ex illis autem id cognoscere non potest, quia hæc tam justo, quàm impio adueniunt. Ergo ex nullo. Aduersarij



rii autem in hoc syllogismo conantur negare Majorem, & Salomonem arguere falsitatis, & erroris. Nam si verum est, quod ipsi asserunt, justum certò scire se justum esse, ex internâ fide, seu Spiritus sancti testimonio, falsam propositionem posuisset Salomon, dicendo: Si justus posset cognoscere, odionè, an amore dignus sit, id posset cognoscere ex beneficiis, & flagellis DEI. Nam juxta aduersarios posset cognoscere etiam ex internâ fide. Debuisset ergò Salomon melius distribuisse primum membrum, & dixisse: Si homo posset certò cognoscere, se justum esse; vel id cognoscere deberet per internam fidem, vel per externa signa. At Salomon omisit prius membrum de internâ fide. Ergò ad rem pertinere censuit. Confirmant hoc sequentia Salomonis verba: *Omnia in futurum seruantur incerta.* Quomodo autem hæc omnia in futurum sunt incerta, si omnes per notitiam fidei certi esse possint, odionè, an amore digni sint? 2. Ad locum Pauli quod attinet, respondeo; testimonium S. Spiritus in se quidem infallibile, & omninò certum esse, nobis tamen planè certum non est, quia non sumus certi, omninò illud esse à Spiritu sancto, non autem à Diabolo, vnde 1. Ioannis 4. v. 1. dicitur: *Probate spiritus, si ex DEO sunt, an à Diabolo, an à natura,*

naturâ, an à *Φιλανθία*. Experientia enim quotidiana docet plurimos hîc falli. Nam tam Calvinistæ, quàm Lutherani, tam Anabaptistæ, quàm Zwingliani jactant Spiritum Sanctum, qui tamen contraria docent, & credunt, cùm autem Spiritus ille veritatis contraria docere nequeat, certum est plerosq; , imò omnes falli. Si ergò in fide, & certitudine fidei suæ falli possunt; multò magis in certitudine gratiæ, & charitatis incerti esse poterunt.

Ad alterum locum Salomonis: *De propitiato peccato noli esse sine metu*, &c. Respondet Brochmannus ex Chemnitzio, hæc verba non stabilire dubitationem de remissione peccatorum, sed suadere tantum, ne spe veniæ, & remissionis peccata cumulemus, quod probatur indè, quòd in textu Græco legatur: *De propitiatione ne sis sine timore*, non autem *de propitiato peccato*.

Verùm ipse textus friuolum hoc effugium præcludit. Nam licet de peccatis futuris loquatur Salomon, dùm ait eodem versu: *Neq; adicias peccatum super peccatum, & ne dicas miseratione Domini magna est: multitudinis peccatorum miserebitur*. Certum tamen est: eum etiam loqui de præteritis, quando dicit *de propitiato peccato*, (siue de propitiatione peccati, quod idem est) *noli esse sine metu*. Itaq; carnalem hanc securi-



tatem peccatorum castigat Ecclesiasticus ex duobus capitibus, 1. quòd aliqui spe misericordiæ adijciant peccatum super peccatum: 2. in eo, quòd aliqui non orent pro peccatis præteritis, vt sibi dimittantur, sed certò credunt sibi esse remissa, ob id solùm, quia credunt sibi esse remissa: & cum Luthero Auctore carnalis securitatis affirmant se non posse perdere salutem suam, etiam si velint, modò velint credere. Atq; ita manifestè ex hoc loco Doctrinam nostram stabilimus

6. Accedunt ad hæc proposita testimonia multa Prophetarum dicta, quibus vel requirunt ex parte nostrâ varias condiciones veræ fidei, sanctæ vitæ, seriæ pœnitentiæ, vt iustificemur, veluti Deut: 4. v. 29. 2. Paral: 9. v. 24. Esaia 1. v. 17. Ezech: 18. v. 21. cùm verò nemo certus esse possit, se toto corde credere, & conuersum ad Deum esse, fit vt nemo etiam de iustitiâ suâ certus esse possit.

2. Vel indicant Prophetæ incertum esse an qui agit pœnitentiâ, remissionē consequatur. Vt Daniel: 4. v. 24. Ioel: 2. v. 12.

3. Vel admonent Prophetæ, vt non simus nimium securi, quasi certi simus de Iustitiâ jam adeptâ, maximè commendantes eos, qui maximè timent, vt Prouerb: 28. v. 14. *Bestus homo, qui semper est pauidus.*

Ex

Ex quibus locis omnibus manifestè patet, requiri aliquid in nobis, vt justificemur, siue illud sit fides viuâ, siue pœnitentia seria, vt concedunt Aduersarij, & sine his neminem justificari posse. At nemo certus esse potest, præsertim certitudine fidei, se toto corde ad Deum conuersum esse, & fidem, ac pœnitentiam habere talem, qualis requiritur, cùm in nullâ Scripturâ testimonium ejusmodi inueniatur de fide, & pœnitentiâ nostrâ particulari. Igitur nemo certus esse potest certitudine fidei sibi remissa esse peccata.

§. 2.

*Demonstratur eadem veritas, testimonijs  
ex nouo Testamento adductis, &  
ratione.*

**P**Rimarium testimonium à Diuo Paulo accipimus, 1. Cor: 4. v: 3. & 4. *Mihi autem pro minimo est, vt à uobis iudicer, aut ab humano die, sed neq; me ipsum iudico. Nihil enim mihi conscius sum, sed ob hoc non justificatus sum: qui autem iudicat me, Dominus est, &c.* Sensus verborum clarus est. Paulus enim Corinthios à iudicijs temerarijs, quibus alterum alter temerè iudicabat deterrere cupiens; Humanum, inquit, iudicium non æstimo, ideoq; nec me ipsum

7.

N s

iudico;



judico, nam licet nullius criminis aut negligentiae in ministerio fidelis Dispensatoris commisse, mihi conscius sim, non tamen ideo sum justus; qui cordis intima scrutatur, solus nouit omnia, qui in die suo manifestabit omnia consilia cordium.

Ex quo loco omnes Ecclesiae primitivae Doctores, meritò deducunt incertitudinem gratiae, & remissionis peccatorum. Nam si Paulus fateatur nec se, nec quenquam scire, an sit fidelis Dispensator Mysteriorum Dei, quod in quaestionem veniebat; & nos profectò fateri cogimur, nequē nos, nequē quenquam alium de se ipso scire, an justus sit, & amicus Dei, nisi fortè Lutherani plura noscant de seipsis, quàm novit Apostolus: quod quis credat?

2. Constat ipsum Christum, & Apostolos ab his qui justificabantur, adhuc aliquas condiciones requisivisse. Vt Ioan: 15. v. 14. *Vos amici mei estis, si feceritis, quae ego precipio vobis.* Luc: 13. v. 3. *Nisi poenitentiam egeritis, omnes simul peribitis.* Act: 8. v. 37. *Si credis in toto corde, licet.* Et quis scire potest, an has condiciones rectè adimpleverit?

3. Resipiscenti adhuc dubitandum esse, an peccata remittantur, docet divinus Spiritus, Act: 8. v. 22. *Poenitentiam age ab hac nequitia tua, & roga Deum, si fortè remittatur.*

*sur tibi.* Ergò quisq; etiam dubitare potest, an sit justus.

4. Laudantur in Sacris literis illi, qui 8.  
semper in negotio salutis timent. 2. Corin-  
thio: 10. v. 18. *Non qui seipsum commendat,*  
*probatu est, sed quem Deus commendat.* Ac  
certè si quis certitudine fidei sciret se ju-  
stum esse, posset utiq; se commendare, &  
probatu esset, quia sine dubio minimè fal-  
leretur. Philip: 2. v. 12. *Cum metu, & tremo-*  
*re, salutem vestram operamini* 1. Pet: 1. v. 17. *In*  
*timore incolatus vestri tempore versamini* 2.  
Pet: 1. v. 10. *Satagite, ut per bona opera cer-*  
*tam vestram vocationem, & electionem facia-*  
*ris.* Si igitur certitudo vocationis per bona  
opera querenda est, etiam justificationis  
certitudo, per eam querenda erit, quia quos  
vocavit, & hos justificavit. Rom: 8. Quòd  
si autem ex bonis operibus justificationis  
certitudo penderet, non igitur ex solà fide  
hac certitudo penderet: neq; certa est justifi-  
catio nostra, certitudine fidei, quæ infalli-  
bilis est, sed certitudine operum, quæ con-  
jecturalis, & imperfecta certitudo est.

Deniq; Doctrina Catholica rationibus  
probatu:

1. Planè constat, ipsis etiam Aduersari-  
is fatentibus, nihil esse certum fidei certi-  
tudine, nisi vel immediatè contineatur in  
verbo Dei; aut certè ex verbo DEI per cui-  
dentem



dentem consequentiam deducatur. Sed nullibi in verbo Dei de *te*, vel de *te*, nominatum inuenies te iustum, & tibi remissa peccata tua esse. Ergò non potes de tuâ iustitiâ certitudine fidei certus esse. At replicat Brochmannus: In generalibus conclusiones particulares continentur: Ideoq; hoc argumentum format: Sacrae literæ testantur omnes verè credentes, & pœnitentes peccatorum remissionem, gratiam, & salutem obtinere. Ioan: 3. v. 16. & v. 36. Ego autem certus sum me verè credere, & pœnitere. Ergò certitudine fidei de gratiâ, & remissione peccatorum, certus sum.

Sed concessâ *Majore*, *Minorem* non solum falsam, sed sine reuelatione particulari etiam impossibilem affirmamus: *Inscrutabile enim est cor hominis, & quis cognoscet illud?* Et multi profectò grauissimè falluntur, qui se putant habere quòd non habent. Petrus quidem putabat se paratum esse cum Christo mori, cum dicebat: *Tecum paratus sum in mortem, & in carcerem ire.* Et tamen docuit contrarium Euentus. Et quis certus esse potest, se non laborare ignorantia aliquâ probabili? clario-  
ra certè signa conuersionis nulla sunt, quàm opera intensissima charitatis, seu volendi pro DEO mori. Sed hoc ipsum signum esse potest fallax, Apostolo id testante, I. Co-

te, 1. Corinth: 13. Quod etiam in praxi nonnunquam vidimus in hæreticis pro defensione suæ perfidiæ mortem oppetentibus. Quid enim de Calvinistâ quopiam, Lutheranus in tali casu dicet? Iudicabitne illum in suâ fide morientem, veram fidem habuisse? tunc certè fateri debet suam esse falsam. Vna enim tantum fides vera est. Vel iudicabit Calvinistæ fidem esse falsam? tunc profectò fateri cogitur nos in fide nostrâ, & justitiâ falli posse, & consequenter de ijs neq; certos, neq; securos esse.

Deniq; cum omnes, qui his, & prioribus temporibus ab Ecclesiâ Romanâ secesserunt, vt Anabaptistæ, Lutherani, Sacramentarij, Calviniani, Schusteriani, & innumeri alij, suam illam certitudinem gratiæ jactent, certum est maximam partem eorum ipsis etiam testibus, sine dubio à veritate declinare. Lutherani enim omnes alios censent errare, & è contra omnes alij Lutheranos falli asserunt. Si enim hoc non judicarent, cogerentur fateri omnium fidem, & Religionē esse veram; quod nunquam fatebuntur. Aut certè, vt antea dixi, dicere debent omnes alios præter se falli. Si ergò omnes alios errare credant, qui tamen fidem veram se habere asserunt, cogerentur etiam fateri Lutherani, omnes alios de suâ fide incervos esse posse. Si hoc de alijs

IO.



lijs iudicent Lutherani, & alij de ipsis, idq̃  
 in materiâ fidei, quantò magis incerti om-  
 nes erunt de gratiâ DEI, & salute? Hoc  
 igitur jure merito de omnibus, qui fidem  
 Catholicam deseruerunt, Catholici dicere  
 possumus; eos nimirum omnes falli, nec  
 ullo modo de justitiâ suâ securos esse pos-  
 se. **II.** Cùm ergò clarè demonstrauius Scri-  
 pturis, & ratione nullum de justitiâ suâ cer-  
 tum esse posse, vel debere, manifestè sequi-  
 tur, quod in titulo hujus Controuersię, se-  
 cundo, tertioq; loco susceperamus demon-  
 strandum, videlicet neminem quoq; cer-  
 tum esse, de perseverantiâ finali, & æternâ  
 vitâ. Nam si certi non simus de justitiâ  
 præsentī, quomodo quis certus esse potest  
 de perseverantiâ in eâ? in cujus difficulta-  
 tis probatione non judicavi immorandum  
 esse, quia ipse Brochmannus nobiscum in  
 hoc penitus consentit: & Artic: de peccato,  
 c. 8. quæst: 8. Doctrinam Catholicam, vi-  
 delicet, fideles peccatis suis DEI gratiam,  
 Fidem, & Spiritum sanctum amittere pos-  
 se, ideoq; de perseverantiâ non esse certos,  
 acriter probat, & euincit contra Caluini-  
 stas: His ergò sic probatis;

**12.** Quæret aliquis, an, & quomodo Catho-  
 lici vel speremus, vel credamus Remissio-  
 nem peccatorum, gratiam, & salutem no-  
 stram? Respondeo varias quidem species  
 cer-

certitudinis à Theologis numerari, vt videri potest apud Bellarmin: de Iustific. c. 2. sed ijs omnibus omissis dico: Catholicos de peccatorum indulgentiâ, gratiâ, & salute suâ, solâ certitudine conjecturali certos esse posse, nisi peculiaris reuelatio accesserit. Certitudinem autem conjecturalem illam vocant, quæ tot signis, & conjecturis nititur, vt securum reddat hominem, & anxietatem excludat, non tamen omnem penitus formidinem expellat. Ideoq; ista certitudo potius conjecturalis, & opinionis esse dicitur quàm fidei, nec aliam maiorem certitudinem vllis suis argumentis extorquere possunt Aduersarij, vt sequenti capite probabimus.

### CAPUT 3.

*Aduersariorum fundamenta e-  
uertuntur, & rationes refutantur.*

**B**ROCHMANNUS Catholicæ Doctrinæ hoc opponit fundamentum: *Qui jubent, inquit, ne fideles sint certi de remissione peccatorum, hi jubent, vt fideles in dubium vocent veritatem, in verbo diuino nobis commendatam; Deus enim verbis disertis, & quidem iuramento confirmatis mandat, vt credentes sint certi de remissione peccatorum, iustitiâ,*



*justitiâ, & eternâ vitâ.* In cujus confirmacionem varia Scripturæ testimonia producit; quæ nihil probant aliud, quàm Deum generaliter omnibus velle credentibus in Christum, verè pœnitentibus, diligentibus, &c. Remissionem peccatorum, gratiam, & æternam vitam promississe. Ad quæ breuiter respondeo, Catholicos quidem credere, & docere neminem in hac vitâ absq; speciali reuelatione de iustitiâ certum esse posse; constanter tamen negant, & esse falsum asserunt, quod illis Aduersarius impingit, per hoc se vlllo modo in dubium vocare veritatem in verbo diuino commendatam. Nam licet plurimis in locis Christus remissionem peccatorum, &c. verè credentibus, & pœnitentibus promiserit, age tamen Brochmanne, vbi vllibi vel vno apice demonstrare potes Christum *tibi*, vel cuiuscûq; alteri *tibi simili* in particulari promississe, vel de *te*, dixisse *te* habere veram fidem, pœnitentiam, dilectionē &c? quod sicut nunquam demonstrare poteris, ita nobis etiam nunquam demonstrare poteris, te in vitâ certum, certitudine, quæ fidei est de tuâ iustitiâ fuisse. Vide Lector, quæ in hanc rem diximus supra c. 2. §. 2. n. 9. Ne tamen ab ipso producta testimonia per hanc responsionem eludere velle videamur, singulorum solutionem, quamuis necessaria-

necessarium non sit, hîc breuiter addemus.

1. 1. Ioannis 5. v. 9. & seq: *Scimus quoniam ex DEO sumus, & ibidem: Qui credit in filium DEI, habet testimonium DEI.*

14.

Respondeo 1. vox illa, *scimus*, non necessario fidei diuinæ certitudinem includit. Rectè enim ea *scire* dicimur, quæ ex signis, & conjecturis colligimus. Et Ioannem hîc non agere de notitiâ fidei, sed tantum de conjecturali, patet inde, quod ex signis externis, & effectui, qui est in voluntate, colligi velit, quod simus ex DEO, idèò addit, *quia diligimus fratres*. Ergò dilectio fratrum, est illud signum.

2. Licet in primâ personâ hîc loquatur Apostolus, tamen generales tantum, non particulares ipsius sunt sententiæ. Significant enim eos in Deo manere, qui diligunt fratres, & Deum in ipsis manere, qui manent in DEO, &c. Nec obstat, quod in primâ personâ loquatur, quia bonâ spe confidebat, se vnum ex illis esse, qui diligunt fratres. Sicut etiam S. Paulus sæpè locutus est, quando de prædestinatione scribebat ad alios, sperans & se, & alios, ad quos scribebat, inter electos, & prædestinatos esse.

Ad alia verba quod attinet: *Qui credit in filium Dei, habet testimonium Dei*. nihil faciunt ad propositum nostrum. Non enim



nim loquitur S. Ioannes de testimonio Iustificationis nostræ, sed de testimonio Diuinitatis Christi. Cùm enim paulò ante dixisset: *Hoc est testimonium Dei, quod majus est, quia justificatus est de Filio suo; &c.* & paulò supra, v. 6. *Spiritus est, qui testificatur de Filio suo.* Mox subjungit: *Qui credit in filium Dei, habet testimonium Dei in se.* hoc est, quod Deus testatus est de Filio suo, hoc testimonium, ille qui credit in Filium conseruat, & acceptat in se; non de se, sed de Filio Dei, qui est in se. Qui autem non credit, non recipit hoc testimonium, & idè mendacem facit Deum, qui de Filio suo testificatus est, atq; adeò locus ille nihil facit ad rem contra Catholicos.

15.

2. Adducit ex Paulo ad Hebr: 6. v. 16. 17. 18. & seqq; *Homines per maiorem sui iurant, & omnis controuersie eorum finis, ad confirmationem est iuramentum, in quo abundantius Deus volens ostendere pollicitationis hereditibus, immobilitatem consilij sui interposuit iusiurandum, ut per duas res immobiles, quibus impossibile est mentiri Deum, fortissimum solatium habeamus, qui confugimus ad tenendam propositam spem. &c.* Ex quibus verbis deducit Brochmannus, Deum jurasse se daturum fidelibus hereditatem. Ergò certi sumus de eà acquirendà, & consequenter posteriori ratione de iusticià certi sumus.

Verum

Verum locus ille nihil contra nos facit, libenter enim hoc Dei juramentum admittimus, quod etiam alias multis in locis promissione facta stabilivit. Sed si aliquid probare vellet Aduersarius, deberet ostendere Deum juramento firmasse, hunc, vel illum, in particulari esse fidelem, cui Deus hereditatem suam promittit, quod cum nullibi, de aliquo in particulari iurauerit, certum est neminem scire posse, certitudine fidei se in particulari illum esse, qui iustus sit, & cui Deus hereditatem promittit. Præterea hinc etiam Apostolus addit: Ad tenendam *propositam spem*, ut significet nos hanc promissam hereditatem certò posse sperare, non autem certò scire nostales esse, qui eam sumus acquisituri, spei enim semper incit formido de opposito, quam certa scientia excludit.

3. Ioan: 5. v. 24. *Amen, amen dico vobis, 16.*  
quia qui verbum meum audit, & credit ei, qui misit me, habet vitam æternam, & in iudicium non venit, sed transit à morte ad vitam.

Respondeo nos omnia hæc credere tanquam diuinæ mentis oracula, frustra tamē laborat, qui inde deducere velit, certitudine fidei scire nos iustos esse: quia ex nullâ ratione infallibili hinc potest probari nos, & singulos in particulari tales esse, qui præ verbum Dei audiant, & ita credant in Deum,



Deum, sicut Deus à nobis requirit: Hoc quia certitudine fidei demonstrari non potest, consequenter convinci non potest scire nos certitudine fidei iustitiam nostram.

17. 4. Obijcit illud ad Rom: 8. v. 16. *Ipse enim Spiritus testimonium reddit spiritui nostro, quod simus filij Dei.* Verum ad hunc locum respondimus supra §. 1. num: 4.

§. 2. Corinth: 1. v. 21. 22. *Qui confirmat nos vobiscum in Christo, & qui vnxit nos Deus, qui & signauit nos, & dedit pignus Spiritus in cordibus nostris.* Sigillum illud (ajunt Aduersarij) est fides specialis, quia certi sumus nos esse prædestinatos.

Respondeo, falsum esse de fide hîc agi, sed potius de signaculo Baptismi, in quo vngimur oleo gratiæ, & pignus accipimus bonæ conscientiæ, vel de Sacramento Confirmationis, quod statim à Baptismo omnes fideles olim suscipiebant ad se roborandum contra persecutiones: *Confirmauit nos, dedit pignus Spiritus, vnxit, signauit;* quæ singula distinguit Apostolus: hæc autem alibi, quàm in Sacramento Confirmationis distinguere non possunt.

Deinde demus de fide hîc agi, nimis multum probaret contra Lutheranos, videlicet fidem amitti non posse, quod contra Caluinistas constanter negat Brochmannus. Deniq; nemo potest esse certus talem fidem

fidem se habere, ut ante sæpius ostendimus, & consequenter scire nequit, utrum ipse vnus sit ex illis, quos signauit Dominus, & cui pignus Spiritus diuini dedit.

6. Ad Eph. 1. vers. 13. 14. *In quo & vos 18.*  
*cum audissetis verbum veritatis (Euangelium*  
*saturis vestrae) in quo & credentes signati es-*  
*stis Spiritu promissionis sancto, qui est pignus*  
*hereditatis nostrae, in redemptionem acquisitio-*  
*nis, &c.* Ergo fideles hoc signaculo certi  
 omninò sunt se esse in verâ fide, & gratiâ.

Respondeo negando consequentiam, quia sicut signaculum hoc, siue sigillum, non est eis physicè impressum, ideoq; non omninò certum, ac euident, sed tantum probabile, & subindè quasi moraliter certum, ex signis, & conjecturis; ita pariter non est eis certum, & clarum se esse in verâ fide, & gratiâ Dei, juxta illa, quæ superius diximus.

Deniq; ne diutiùs Lectorem fatigem, ad omnia Scripturæ, & SS. Patrum testimonia, quæ contra nos ab Aduersariis producantur, aliquo ex sequentibus modis responderi facillimè potest.

1. Quòd in eiusmodi locis solum agatur de Remissione peccatorum in genere, non autem singulis applicatâ. 19.


2. Quod sermo sit tantum de certitudine conjecturali, vel de eâ quam certâ moraliter appellamus. O 3. Vel



3. Vel quòd sit sermo , de quibusdam certis personis tantùm , quibus speciali privilegio , peculiaris revelatio eà de re facta est.

4. Quòd sit sermo de certitudine gratiæ , quantum est ex parte DEI, & efficaciam mediorum , quæ à Deo ad conciliandam gratiam præscripta sunt. Vel etiam ex Hypothesi, si quis nimirùm legitimè utatur ejusmodi mediis à Deo præscriptis. Quibus modis, etiam rationibus , quas contra nos adducunt Aduersarij, occurri potest. Atque ita manet inuicta , & omninò certa totius Ecclesiæ Catholicæ Doctrina , neminem videlicet in particulari certitudine fidei, certum, & securum esse posse de propriâ Iustitiâ, perseverantiâ , & æternâ salute consequendâ.

•••(H)•••



DE

SATISFACTIONE.

DEMONSTRATIO VII.

Qua ostenditur Lutheranam Ecclesiam non esse veram Ecclesiam; quia negat per bona opera poenalia posse satisfieri à justis pro reatu temporali: quod posse fieri, tota Ecclesia primitiva credidit, & docuit.

CAPUT I.

*Pro poenis temporarijs justos in hac vitâ satisfacere posse per bona opera docuit Ecclesia primitiva.*



Lemens Romanus Constit.

I.

tut: Apost: 1. 2. c. 16. jubet post poenitentiam, & dolorem adhuc etiam castigari peccatorem; Castiga illum, inquit, je-

An: 80.

niis duarum, aut trium, aut quinqs, aut septem



*ptem hebdomadarum. quod non fecisset, nisi iudicasset per hæc jejunia DEO satisfieri pro pœnâ temporali.*

*An: 180. Iustinus quest: 79. Lucuosum vitæ sinem, propterea Josias retulit, quod iussioni Jeremie non paruerit, qui ei ex mandato Dei dixerat, &c. quod si mortem illam Deus permisit, ut purum Josiam à peccato reciperet, ergo mortis pœna fuit expiatio peccati, & proinde quod est idem, satisfactio pro peccato: ergo sicut talis pœna mortis fuit satisfactio, sic esse possunt omnes ceteræ, quæ vel inferuntur, vel sponte assumuntur.*

*A. 180. Irenæus lib: 4. cap: 26. Docebat, ut facerent præcepta, & ut veterem cupiditatem per opera bona soluerent, & sequerentur Christum, quoniam autem ea, quæ possiderentur, pauperibus diuisa, solutionem faciunt præteritæ cupiditatis, &c.*

*A. 200. Tertullianus lib: de pœnit: cap: 5. Ita, qui per dilectorum pœnitentiam instituerat Domino satisfacere, Diabolo per aliam pœnitentiam pœnitentiam satisfaciet.*

*Et cap: 6. Quam porro ineptum, quàm pœnitentiam non adimplere, & veniam delictorum sustinere: hoc est pretium non exhibere, ad mercedem manum emittere, hæc enim pœnitentia compensatione Dominus redimendam proponit impunitatem.*

*Item cap: 7. 8. 9. 10.*

Callistus Epist: 2. *Animas peccatorum per Anno 218.*  
 pœnitentiam, & satisfactionem sanare cupi-  
 mus.

Origenes in Exod: Homil: 6. *Misericors An: 240.*  
 est, & miserator Dominus, & creatura sua non  
 vult mortem, sed ut conuertatur, & viuat, pœ-  
 nitendo, flendo, satisfaciendo deleat quod ad-  
 missum est.

Item in lib: Iud: Homil: 3. *Quanto tem-*  
 pore errasse te nosti, quanto tempore deliqui-  
 sti, tanto tempore humilia te ipsum Deo, & sa-  
 tisfacito ei in confessione pœnitentie.

Cyprianus hac in re testandâ fufus est, *A: 250.*  
 ac frequens, ac in primis lib: 3. Epist: 141.  
 Hac qui subtrahit fratribus nostris, decipit mi-  
 seros: ut qui possunt agentes pœnitentiam ve-  
 ram, Deo Patri misericordi precibus, & operi-  
 bus suis satisfacere, seducantur ut magis pere-  
 ant.

Lib: 5. Epist: 12. Illi ipsi oculi, qui malè si-  
 mulachra conspexerunt, quæ illicita commise-  
 rant, satisfacientibus Deo fletibus deleant.

Et Epist: 40. Dominus longâ, & continuâ  
 satisfactione placandus est, &c: Et post: Si  
 quis aut pœnitentiam agere, & Deo satisfacere  
 detrectans, sese hæretica factioni conjunxe-  
 rit, sciat se postea ad Ecclesiam redire non pos-  
 se, quod sæpissimè inculcat aliis multis in  
 locis.

Firmilianus Epist: 75. apud Cypran: *La. A. 250.*  
 O 5 psis



psis fratribus, per pœnitentiam medela quaeratur, ut per nos ad intelligentiam delictorum suorum conuertantur, & Domino plenius satisfacere cogantur.

An: 320. Lactantius lib: 4. Inst: cap: 17. Si mundauerimus, id est, peccata nostra confessi, satis Deo fecerimus, veniam consequemur, & lib: 6. cap. 24. Potest homo reduci, ac liberari, si eum pœniteat actorum, & ad meliora conuersus satisfaciat Deo.

An: 350. Hilarius Pictauiensis in Psalm: 128. Hec venia peccati est, fonte fletuum flere, & largo lachrymarum imbri madefieri.

An: 370. Basiliius Homil: 3. in illud: Attende tibi ipsi, sic habet, Attende tibi ipsi, ut pro delicto proportionem hinc quoque mutueris, ex admota tibi medela valetudinis instauranda subsidium magnum est: & graue peccatum? multa opus habes confessione, lachrymis amarulentis, per acri vigiliarum contentione, indiutso, & continenti ieiunio.

An: 370. Lucifer Calaritanus de Regibus Apostolicis: Aperi cordis oculos, ingemisce toto corde, tam te grauiter deliquisse colligens. idcirco Deus est patiens, quia vult te tandem à malis emergere per pœnitentiam, per veniam satisfactionem.

An: 370. Ambrosius Epist: 8. ad Eccles: Vercell: Quæ nobis salus esse potest, nisi ieiunio eluimus peccata nostra? Item; Grandi plage, alia, & pro-

& prolixa est medicina: grande scelus, grande necessariam habet satisfactionem, & alibi sepe.

Gregorius Nazianzenus Oratione in sancta limina. An: 380.

Gregorius Nyssenus Orat: in eos qui a cerbiis alios judicant.

Theophilus Antiochenus, Epist: 1. Pa- schali. An: 390.

Hieronymus multis in locis, ac clarissime Epist: 30, ad Oceanum de morte Fabiola, & ad cap: 1. Joelis. An: 390.

Chrysostomus Sermone de confessione peccati: Curet penitentia, quod delictorum macula sordiderat: Serpentum virus, satisfactionis antidoto recuretur: peccatorum venena, precum instantia depellantur: ut Dominum, quem nobis delicta fecerant incundum, reddant obsequia digna placatum, &c.

Item Homil: 4. in Matth: & 4: ad populum Antiochen: A nobis inquit, ultionem sumamus, ita placabimus Judicem.

Augustinus Homil: ult. in 10. Homil: c. 1. Non enim sufficit mores, in melius commutare, & a factis malis recedere, nisi etiam de his quae facta sunt, satisfiat Deo, per poenitentiae dolorem, per humilitatis gemitum, cooperantibus eleemosynis, &c: & aliis innumeris in locis. An: 400.

Innocentius I. Epist: 1. cap: 7. & Epist: 22. ad Episc: Macedon: cap: 4. An: 406.

Sy.



An: 410. Synesius *Epist.*: 67.

An: 420. Philo Carpathius in *Cantic*: *Tota pulchra es amica mea*.

An: 430. Ioannes Cassianus *Collat.*: 20. cap: 7. & *Collat.*: 23. cap: 15.

An: 410. Senerus Sulpitius de *virtutibus B. Martini*, *Dialogo* 2.

2. Sufficiat hos ex aliis penè innumeris produxisse testes Doctrinæ, quæ in Ecclesiâ primitivâ constanter floruit, de operibus laboriosis Satisfactionis à iustis pro temporali poenâ exercendis. Hos autem testes omni exceptione maiores, in retanti momenti non errasse, patet indè, quod nullus illos vnquam primitivæ Ecclesiæ temporibus, quando ea non potuit errare, redarguerit erroris.

Cum ergo illi Apostolorum Coetanei, & immediati Successores, senserint, & docuerint, per opera poenitentiarum laboriosa, per orationes, jejunia, & eleemosynas, pro poenâ temporali, iustos posse satisfacere: nemo cordatus, & veritatis amans Christianus esse potest, qui non hisce potius testimoniis, quàm novis hominum comentis, nullâ ratione solidâ fundatis fidem tribuat. frustra autem dicunt Aduersarij, sic nonnunquam locutos fuisse Patres, ut significarent publicam aliquam coram hominibus testificationem fuisse necessariam, ut dicerent

dicerentur non Deo, sed Ecclesiæ satisfacere, quo citius in ejus communionem possent recipi; nam huic effugio resistunt clara Patrum verba, quæ nullum dubitationi relinquunt locum, quin fuerint de satisfactione, quæ soli Deo fit, propriè locuti.

## CAPUT 2.

*Justos DEO pro pœnis peccatorum temporarijs, suis operibus posse satisfacere, probatur.* 3.

**N**ON est in hac demonstratione quaestio, an dentur certæ quædam castigationes temporariæ, quas pii nullâ prece, aut pretio auertere possunt: neque disputatur, an Eleemosynis, oratione, jejunijs, &c. possint aliquando pœnæ temporariæ auerti; Sed, neque an justis liceat pro temporarijs pœnis impendentibus auerendis, aut saltem mitigandis Deo supplicare; hæc enim omnia posse fieri Scripturis evidenter conuictus fatetur cum Catholicis Brochmannus de pœnit: c. 2. q. 24.

Genuinus ergò quaestionis status est, an jejunium, oratio, & Eleemosynæ, aliaque opera laboriosa, quæ à justis exercentur, sint veræ pro pœnis temporarijs satisfactiones.

Aduer.



Aduersarij licet omnia ejusmodi opera bona esse, & placere Deo fateantur: pertinaciter tamen negant villo modo satisfactoria dici posse, quorum fundamentales rationes sequenti capite productas, euertemus.

Catholici sacras literas, Primitivæ Ecclesiæ auctoritatem, Patres omnes, & Concilia secuti, affirmamus, & omninò credimus, per opera jejunijs, orationis, Eleemosynæ, & alia pœnalia, verè, ac propriè Deo satisfieri pro reatu pœnæ, qui post culpam dimissam remanet expiandus ita, vt quem admodum per bona opera, quæ à Dei gratiâ dignificata sunt, de condigno promeremur gloriæ augmentum (vt fusè demonstrauimus parte primâ, Controuersia de meritis bonorum operum) sic per pœnalitatem operis, quæ per internam DEI gratiam dignificatur, satisfaciamus pro pœnâ temporali: Deotale pœnale opus in satisfactionem acceptante. Hujusmodi autem pœnæ temporalis reatum in iustis dimissa culpa sæpè remanere, patet ex innumeris Scripturarum testimonijs, & rationibus à nobis fusè adductis, in Demonstratione de Purgatorio, probatur itaque Satisfactio ex Scripturis:

4. 1. Clara sunt Danielis verba, c. 4. v. 24.  
*Peccata tua Eleemosynis redime*, vbi ponderandum

derandum verbum illud est, *redimere*, quod idem, imò plus significat, quàm satisfacere. Si enim per opera laboriosa pœnas temporales redimere possimus, clarum est, pro iisdem pœnis per huiusmodi opera nos etiam posse satisfacere: atque adeo, si redemptores esse possumus, multò magis satisfactores esse poterimus. Opponunt aliqui de peccatis redimendis agi tantùm, non de pœnis temporarijs. Sed hoc falsum est, licet enim peccati vocabulo Daniel hîc vtatur, frequens tamen est Scripturæ phrasis, vt peccatum pro pœnâ ejus ponat, vt 3. Reg: 1. v. 21, *Erimus*, inquit, *ego, & filius meus* (Salomon) *peccatores*. Item Gen: 43. Deut: 5. & alibi, & quamuis de culpâ loqueretur expresse Daniel, à fortiori intelligi deberet de redemptione pœnæ. Si enim Eleemosynis homo mereri potest de congruo remissionē culpæ, & de condigno gloriæ augmentum, & operis pœnalitas tam ordinetur ad satisfactionem pro pœnâ, quam ejus bonitas ad augmentum gloriæ, quantò magis iustificatus merebitur de condigno remissionem pœnæ, cùm hæc remissio longè sit illâ minor? vnde patet, tam de remissione culpæ, quàm pœnæ Daniele loqui. Sed instat Brochmanus: quod alium læserimus, siue in iustitiæ redemptio (de quâ hîc agit Daniel) quæ sit beneficentia erga pauperes, non ad Deum, sed ad homines, quos læsimus, refe-



renda est. Contra: loquitur hîc de omnibus peccatis generaliter Propheta, & cum non per omnia peccata injuriam proximo faciamus, sed plura sint interna, pro quibus non debetur restitutio, & consequenter nulla apud proximos redemptio, necessarium est referri ad Deum, non ad proximum.

5. 2. Luc: 3. v. 8. *Facite fructus dignos pœnitentiae*. facere autē fructus dignos pœnitentiae, est eo modo operari, quo pœnitentem decet: ad id autem non sufficit cadere futura (vt asserit Brochmannus) sed etiam damnum refarciri debet: sicut qui alterum feriendo lædit, non facit satis, si abstineat, nec amplius id in futurum faciat; sed etiam ad refarciendum factum damnum, & injuriam illatā compensandam obligatur, quē locum omnes Ecclesiæ primitivæ Patres in hunc modum explicant: & profecto digni fructus dici non possent, nisi reuera ad injuriam compensandam sufficerent, si non ad æqualitatem quantitatis, saltem ad æqualitatem proportionis, & juxta acceptationem ejus, qui fuerat læsus.

6. 3. Paulus 2. Cor: 7. v. 11. inter fructus sanctæ tristitiæ, quæ pœnitentiam stabilem operatur in salutem, annumerat *vindictam*, seu castigationem sui ipsius, hæc autem vindicta præteritum respicit, non futuram vitæ novitatem; sed ad justitiam pertinet. Ideoque aliud esse nequit, quàm ipsa, quam

quam nos dicimus satisfactionē . nam pro-  
pterea de peccatis suis pro amore DEI, vin-  
dictam vnusquisq; sumit, vel injunctam à  
Sacerdote libenter accipit, vt injuriam à se  
Deo factam hâc ratione compenset.

4. Denique innumera Scripturæ loca re-  
perire est, quibus indicatur bona opera o-  
rationis, Eleemosynæ, aliaq; his similia, à  
Deo in compensationem, seu satisfactionem  
admitti pro peccatis: vt Tob: 4. v. 11. *Ele-  
mosyna ab omni peccato liberat.* Tob: 12. v. 19.  
*Eleemosyna à morte liberat.* Luc: 16. v. 9. *Fa-  
cite vobis amicos de Mammonâ iniquitatis, vt  
cùm defeceritis, recipiant vos in æterna taber-  
nacula.*

5. Denique cùm admittant Aduersarij, 8.  
vt supra diximus, per huiusmodi bona ope-  
ra nonnunquam à DEO calamitates, alias-  
que pœnas temporales mitigari, vel etiam  
omninò tolli in hâc vitâ, quid hoc erit ali-  
ud, quàm DEO pro calamitatibus, & pœ-  
nis temporalibus, per huiusmodi opera pœ-  
nalia satisfacere?

Ex quibus, & similibus locis, patet Elec-  
mosynam, aliaque huiusmodi opera bona,  
à DEO pro compensatione, & satisfactione,  
injuriae ipsi à nobis illatae, cum promissio-  
ne acceptari.



## CAPUT 3.

*Objectiones Aduersariorum  
refelluntur.*

9. **T**Ribus argumentis Sententiam Catholicam oppugnat Aduersarius, quibus se penitus eam euertere confidit.

1. Doctrina hæc è diametro repugnat, gratuita peccatorum, & pœnarum remissioni, quæ in Scripturis innumeris deprædicatur. impossibile enim est, vt debitum aliquod gratis nobis condonetur, & tamen à nobis aliquâ ex parte persoluatur.

Respondeo: falsam esse, Doctrinam hanc repugnare peccatorum, & pœnarum gratuita remissioni in Scripturis decantatæ: cum enim in Scripturis nullibi locum aliquem inueniamus, in quo asseritur expressè remissio *pœnarum* gratis, hoc est nullâ impositâ satisfactione; non potest doctrina nostra dici Scripturis è diametro opponi. Illa autem gratuita remissio peccatorum, cuius mentionem sacræ literæ frequenter faciunt, in nullo nobis aduersatur. Nam sicut vnus Diuinus Spiritus peccati gratuitam remissionem asserit Isa: 43. v. 25. sic idem quoq; Spiritus per bona opera peccatorum fieri redemptionem asserit, Prouerb: 16. vers. 6. Daniel: 4. v. 24. Luc: 7. v. 47. Cum autem vnus, idemq; DEI Spiritus, & auctor ipse

ipse veritatis falli nesciat, aut sibi cōtradicere: videndum est, quid per remissionem peccatorum gratuitam intelligatur. Itaque remissio peccatorum est gratuita, quia omnino gratis Deus nobis fidem, & pœnitentiam inspirat: gratis nos ad amicitiam, gratiamque recipit: gratis culpam, & reatum æternæ mortis condonat: quin imò gratis etiam illam gratiam infundit, per quam pro pœnâ temporali, quæ remanet, dimissa culpâ satisfacimus. vndè patet tantum abesse, vt gratuita remissio peccatorum satisfactio- ni aduersetur, quin potius hæc ab alterâ gi- gnatur. Verum in eo potissimum fallun- tur Aduersarij, quod gratiam, quam Sacrae literæ deprædicant, non animaduertant il- lis tantum operibus opponi, quæ propriis liberi arbitrij, & naturæ viribus efficiun- tur, opera enim quæ ab ipsâ gratiâ proce- dunt, à Deo non opponuntur gratiæ, vt quæ in eâ potius tanquam effectus in causâ con- cludantur.

Secunda objectio. Aduersatur doctrina 10. de satisfactione, sufficientissimo isti pretio, quod pro nobis soluit Christus. Si enim Christus soluit pro nobis, iustum redem- ptionis pretium, & quidem tale, quod omni parte sufficiat hominibus liberandis, & à peccatis, & à peccatorum pœnis: Insimulant sanè Catholici Deum iniustitiæ, qui vr- gent, vt Deo, & à Christo, & à nobis provno, eodemq; debito satisfiat. P 2 Re-



Respondeo, falsum esse Satisfactionem  
 nostram aduersari Satisfactioni sufficientis-  
 simæ Christi Saluatoris. Nam licet omni-  
 nò fateamur, abundantissimè pro nobis sa-  
 tisfecisse Christum, adeoque tam magnum  
 ejus fuisse redemptionis pretium, vt omni  
 parte sufficiat hominibus, tam à peccatis,  
 quàm pœnis liberandis; tamen, non ita vel  
 nos redemit, vel pro nobis satisfecit, vt ipsa  
 satisfactio, siue redemptio, in nobis plenum  
 effectum haberet, sine nobis. ita, vt nobis  
 non agentibus, vel cooperantibus, contin-  
 gat justificatio, vel pro pœnâ temporali sa-  
 tisfactio. alias enim neque fides, neque Ba-  
 ptismus essent necessaria. Sicut igitur fides,  
 & Baptismus nobis sunt ad justificationem  
 necessaria, vt per illa nobis fructus redem-  
 ptionis applicetur; ita ex nostrâ parte eti-  
 am opera pœnalia nobis sunt necessaria, vt  
 infinita illa Christi Satisfactio nobis appli-  
 cari possit, & sicut Christus nos suâ passione  
 liberauit à peccatis omnibus *causaliter*, id est,  
 instituens causam nostræ liberationis, ex quâ  
 possent quæcunque peccata quandoque re-  
 mitti, vel præterita, vel præsentia, vel futu-  
 ra; ita causam instituit nostræ satisfactio-  
 nis, vt pro quâcunq; pœnâ temporali, si sit  
 necessarium, satisfacere possimus. Falsum  
 ergò est, nos vrgeri Deum iniustitiæ, dum  
 vrgeri nos dicunt Aduersarij, vt & à Chri-  
 sto, & à nobis, pro vno, eodémq; debito  
 Deo

Deo satisfiat; neq; enim hoc vrgemus: quia scimus Christi satisfactionem pro pœnis omnibus longè sufficientissimam esse: Sed tantam volumus, vt per opera nostra pœnalia, Christi satisfactio nobis applicetur. Sicut fatentibus & diuersarijs, per fidem, & Baptismum Christi merita nobis ad justificationem nostram applicamus, non igitur & à nobis, & à Christo, pro vno, eodemq; debito satisfiat, sed à nobis per Christum, cuius satisfactionis per opera nostra pœnalia, DEI gratià dignificata, nos ea nobis applicando participes efficimur, tantùm autem abest, vt hâc ratione quidquam de meritorum, & satisfactionum Christi dignitate detrahatur, vt ea potiùs hinc magnoperè extollantur: quando tanta eorum operum vis asseritur, vt non tantùm per ea Christus ipse pro nobis satisfecerit; sed etiam nos fecerit cooperatores suos ad nostrâ salutem; cùm ad illam ipsi disponimur, & pro peccatis nostris satisfacimus, per eiusdem gratiam, vel ad salutem alienam, cùm aliis Sacramenta, vel nostras satisfactiones applicamus. Iuxta illud Apost: 1. Cor: 7. v. 9. *Dei enim sumus adiutores*. Plura hâc de re videri possunt parte primâ, Demonstratione de meritis bonorum operum, cap. vltimo, de Satisfactione Christi.

*Tertia Objectio.* Quidquid bonorum prestat, aut quidquid pro gloria DEI pati possumus,

II.



sumus, id totum, & facere, & pati tenemur, jure creationis, redemptionis, & præcepti diuini: extremè autem temerarium fuerit debitum debito, velle persolvere.

Sed ad hanc objectionē falso fundamento nixam, fusè respondimus in Demonstratione de operibus supererogationis, cap: 3. per totum, & de meritis bonorum cap. 2. 3. vnde absolutè falsum est, nos ad omnia facienda, & patiēda obligari, & debita debitis persolvere. quamuis enim opera nostra omnia quæ facimus, tam DEI dicenda sunt, quàm nostra, tùm propter ordinariū concursum, quo nobiscum ad nostras omnes actiones Deus concurrat; tùm etiam propter gratiam ejus, quæ opera nostra omnia dignificat; tamen, & quia ab arbitrij nostri libertate proueniunt, & quia ex summâ suâ misericordiâ, ea omnia, tanq̃ nostra propria, dignatur acceptare; sit, vt debitum, tanquam penitus ex propriis de condigno satisfaciendo, persoluamus. sicut enim in bono opere pœnali, quod cum DEI gratiâ perficimus, nihil nostrum dici potest, quod non etiam sit Dei: Sic in eodem opere dicimus è contra, nihil esse DEI, quod non etiam sit nostrum. adeò, vt totum opus faciat Deus, & totum liberè operans, faciat homo. juxta quod hoc opus, Deo illud acceptante, satisfactorium, pro pœnâ temporali est. Res exemplo declaratur: Mancipium aliquod,

aliquod, seu seruus sit, qui Domino suo multa debeat; licet tam res ejus omnes, quam opera sint Domini; si pacisci tamen cum eo Dominus dignetur, ut quidquid supra illud, quod ordinariè Domino debetur, sua industriâ, & labore, quamuis etiam per instrumēta Domini fuerit lucratus, hoc Domino pro debito persoluat; poterit profectò ex hac pecuniâ sibi acquisitâ, non minus cum Domino, quam cum quocunq̃ue alio, contractum justitiæ inire, ac pro omni debito, per eam Domino suo satisfacere. Ita quoque licet propter opera nostra, summe laboriosa, & pœnalia, nullam pœnæ remissionem mereamur, quia hæc omnia jam ante Dei sunt; quia tamen ea D E V S tanquam pro pœnâ temporali satisfactionem, dignatur acceptare; tenetur Deus propter hujusmodi opera, remittere temporalem pœnam. Atque ita ad hanc objectionem respondimus abundè.


4. Obijciunt aliqui etiam Catholici, sed 12.  
exercitij tantum gratiâ, dolor, seu pœna quælibet hujus vitæ, quamuis intensissîma, nullam omnino habet cum pœnis purgatorii proportionem, ergò non poterit esse condigna satisfactio pro illis.

Respondeo: Si pœna nostra Physicè consideretur, & secundum se, facile concedimus antecedens; negamus tamen, si spectetur, ut eleuata, & dignificata, tum à gratiâ



subjecti patientis, tùm ab operatione liberâ, & meritoriâ, â quâ dignificatur. Sic Eleemosyna nullam habet proportionem, si secundum se consideretur collata cum præmio gloriæ æternæ: quo sensu dixit Apostolus: *Non sunt condigne passionibus huius temporis ad futuram gloriam, quæ reuelabitur in nobis.* At antecedente dignificatione, â gratiâ proueniente, redditur Eleemosyna ad gloriæ præmium condigna. Sic etiam passio externa, si nudè accipitur, non est condigna: Si verò dignificetur, ita, vt sit opus supernaturale in gratiâ factum; tunc tantam accipit condignitatem, vt cum aliquâ parte pœnarum Purgatorij, imò aliquando etiam cum totâ possit coæquari, & pro illâ de condigno satisfacere. Et hæc de Satisfactione satis dicta sunt.





DE

JEIUNIO ECCLESIASTICO.

DEMONSTRATIO VIII.

Quâ ostenditur, Lutheranam Ecclesiam non esse veram Ecclesiam, quia non obseruat statutos jejuniorum dies, quos Ecclesia vera primitiua semper obseruauit.

## CAPUT I.

*Ostenditur jejunium diebus certis in Ecclesiâ primitiuâ obseruatum esse.*

**N**egant Aduersarij, certa jejuniij tempora, & certos in anno dies, ad jejunium deputari posse, quod asserunt libertati Christianæ repugnare. Catholici autem Ecclesiam secuti primitiuam, certos, & statutos ab Ecclesiâ dies obseruandos asserunt;

P s

I. & ve



& verò etiam diligentissimè obseruant. Quà in re dùm consuetudinem ab Apostolorum temporibus huc vsq; obseruatam retinent, errare nullo modo possunt, nisi dicamus, totam primitiuam Ecclesiam, quæ Aduersariorum etiam assensu Ecclesia vera fuit, in re grauissimâ errasse, quod impossibile est. Probandum ergò est, totam Ecclesiam primitiuam certos, & non tantum pro arbitrio, jejunijs dies obseruasse.

2. *An: 80.* Clemens Romanus Constit: Apost: 1. 8. c. 17. *Jejunare igitur diebus Paschæ, incipientes à secundâ feriâ, usq; ad sextam, & Sabbatum; sex diebus pane tantum, sale, oleribus, & aquâ, mense adhibitis, abstinere his diebus à vino, & carne, dies quippe luctus, & non festi sunt.*

Item Canon: Apost: 60. *Si quis Episcopus, aut Presbyter, aut Diaconus, aut Hypodiaconus, aut Lector, aut Cantor, sanctam Quadragesimam non jejunit, aut quartam feriam, aut sextam, deponatur, nisi imbecillitas corporis obset. Sin verò Laicus sit, excommunicetur.*

Item Constit: Apost: c. 12. enumeratis aliquot diebus festis in Ecclesiâ seruandis ait: *Post quos dies seruandum est jejunium quadragesimæ, quod vitæ Christi, & legis latæ recordationem continet.*

*An: 90.* S. Ignatius Epist: ad Pilip: propè finem: *Festi-*

*Festiuitates ne de honestis: quadragesimam, ne despiciatis: imitationem enim continet conuersationis Domini.*

*Et mox: Ne negligatis jejunare quartâ feriâ, & sextâ, ciborum reliquias pauperibus elargientes.*

*Telephorus Epist: ad omnes vniuersaliter, c. 1. A nobis, & à cunctis Episcopis, in hac sanctâ, & Apostolicâ sede congregatis statutum est, ut septem hebdomadas plenas ante sanctum Pascha, omnes à carne jejurent.* An: 127.

*Clemens Alexandrinus l. 2. pædagog. c. 1. Esi maximè propter homines omnia facta sint, non tamen omnibus uti bonum, sed neq; semper. Nam tempus, occasio, modus, & aliquid relatis, non parum ei, qui constituitur, momenti adferunt, ad id, quod sibi est utile.* An: 200.

*Tertullianus de jeuniis c. 15. Quamula est apud nos interdictio ciborum? duas in anno hebdomadas Xenophagiarum, nec totas, exceptis scilicet Sabbathis, & Dominicis offerimus Deo, abstinentes ab eis, que non rejciimus, sed differimus. Item lib: 2. ad uxorem, c. 4. & alibi sæpè.* An: 200.

*Callist. Epist: ad Benedict: Episcopum, de jejunio Quatuor temporum, sic differit: Jejunium, quod ter in anno apud nos celebrare didicisti, conuenientiùs nunc per quatuor tempora fieri decernimus; ut sicut annus per quatuor voluit tempora, sic & nos quaternum solemna*



*solemne agimus jejunium, per anni quatuor tempora.*

An: 226. Origenes Homil: 10. in Leuit: *Habemus Quadragesima dies jejunijs consecratos. habemus quartam, & sextam septimane dies, quibus solemniter jejunamus.*

An: 250. S. Cyprianus tract: de jejunio Christi, docet, Christum Dominum quadraginta diebus jejunantem, eandem jejunandi formulam nobis proposuisse. *Forma igitur, inquit, jejunijs proposita, fixoq; exemplo postquam quatuor dierum abstinentiam Dominus confirmavit, &c.*

An: 283. Petrus Alexandrinus, Canone ultimo: *Non reprehendet nos quisquam, quartam, & sextam feriam observantes, in quibus nobis jejunare secundum traditionem preceptum est.*

An: 310. Eusebius Papa: *Jejunia in Ecclesiâ à Sacerdotibus constituta, sine necessitate rationabili non solvantur.*

An: 311. Concilium Nicænũ, Can: 5. jejunij mentionem facit, dũ ait: *Habeatur autem semel Concilium ante dies quadragesimæ, ut omnibus, si quæ sunt, simultatibus amputatis mundum, & solemne Deo munus offerri possit.*

An: 336. S. Hilarius Canone 15. in Matth: scribit: *eos qui olim ad S. Baptisma accedebant, fuisse toto in jejunijs Passionis Dominicæ tempore demorantes.*

An: 370. Concilium Laodicenum Can: 50. *Non oportet*

*oportet in quadragesimæ quintâ feriâ ultimæ hebdomadæ jejunium dissolui: & totam Quadragesimam inhonorari, sed per totos hos dies jejunare, & escis aridioribus uti.*

In eundem sensum loquuntur plurimi alij Patres, qui statuti hujus ab Ecclesiâ jejunii testes luculenti sunt: & ipsos in particulari dies jejuniorum clarè nominant.

Nam D. Basilius Homil: de jejunio præsertim secunda, ait: legem, & institutum quadragesimæ, in vniuerso terrarum orbe, & vel media armatorum acie congregatâ obseruari. An: 370.

S. Ioannes Chrysostomus, illis ipsis verni jejunij diebus, doctas pias in Genesin commentationes pro concione explicauit. An: 398.

D. Ambrosius sermone 23. de hac ipsâ materiâ hujus institutionis rationem reddit, & Sermone 36. sic ait: *Non leue peccatum est fidelibus, indictam quadragesimam à Domino, violare; & jejunia conseruata, ventris voracitate dissoluere. Scriptum est, qui dicit se in Christo manere, debet sicut ille ambulauit, & ipse ambulare, si vis ergò Christianus esse, debes quod Christus fecit, facere. Ille qui peccatum non habebat, quadragesimam jejunauit, tu non vis quadragesimam jejunare, qui peccas? Et post aliqua: Non igitur sicut dixi, leue peccatum est, indictum violare jejunium.* An: 347.

S. Hic.



S. Hieronymus Epist: 14. ad Marcellam breuiter: *Nos vnā, inquit, Quadragesimā secundum traditionem Apostolorum, toto anno, tempore nobis congruo, jejunamus.*

Quin imò: *Quadragesima diebus Cod: de ferijs: Valens, & Gratianus Christianis iudicibus prohibent, ne Quadragesimæ tempore reum vllum supplicio afficiant.*

Ex quibus clarè patet, 1. in antiquā primitiua verā Ecclesiā, non tantum in communi, juxta cuiuscunq; arbitrium pro Christianā libertate fuisse jejunatum; sed certos etiam dies deputatos ad jejunandum fuisse, quibus si non jejunassent Christiani, grauiter deliquissent.

Patet 2. cum hæc certorum dierum jejunia communis totius Ecclesiæ primitiua consuetudo seruauerit; tanquam Apostolorum institutum, atq; Traditionem admitti debere, juxta regulam D. Augustini, l. 4. de Bapt: c. 24. *Quod vniuersa tenet Ecclesia non Conciliis institutum, sed semper retentum est, non nisi auctoritate Apostolicā traditum rectissimè creditur.*

Patet 3. quod cum per eandem viam, & eādem auctoritate traditum nobis sit, certos jejuniorum dies obseruandos esse, per quam traditum accepimus Euangelium Matthæi, vel Ioannis esse verè verbum Dei immutatum, atq; genuinum, eodem modo v<sup>o</sup>

do vtrumq; credendum, & seruandum esse. est enim par in vtroq; ratio, ex eodem fonte deriuata.

## CAPUT 2.

*An, & quanam, & qualis sit obligatio, in Ecclesiâ jejunandi.*

**N**ON disputabimus hoc loco an in vera Ecclesiâ sit aliquando jejunandum, aut in nouo Testamento per legem. Gratia jejunium sit abrogatum; fateetur enim Brochmannus de jejunio, c. 1. Sect. 2. *jejunium non esse cultum ab hominibus introductum: sed esse rem diuinæ institutionis, & obseruantie, & disciplina in Ecclesiâ verâ perpetuò mansuræ.* quam doctrinam probat multis tam veteris, quam noui Testamenti dictis: ac in primis, vt omittam vetera, ex nouo hæc adducit: Matth: 6. v. 16. *Cum jejunatis, nolite fieri sicut Hypocritæ tristes & c. amen dico vobis, receperunt mercedem suam: Tu autem cum jejunas, unge caput tuum, & c. Et 9 v. 15. Nunquid possunt filij sponsi lugere, quàm diu cum illis est sponsus, venient autem dies, cum auferetur ab eis sponsus, & tunc jejunabunt.* Quibus addit hæc verba: *Quæ, inquit, & similia satis docent, non esse antiquatum in nouo testamento jejunium, & notum est*



*est Christum.* Matth: 4. v. 2. Apostolos A-  
ctor: 10. v. 30. & 13. v. 2. 3. & 14. v. 23. & 2.  
Cor: 7. v. 3. *jejunasse.*

Hæc Brochmannus. Quæ cum fatean-  
tur Aduersarij, videlicet præceptum de je-  
junando, adhuc in verâ Christi Ecclesiâ de-  
bere observari: Quæstio inter nos, & A-  
duersarios, in hoc potissimum consistit. An  
aliquo certo tempore jejunium observari  
debeat, an verò liberum sit, unicuiq; tem-  
pus aliquod sibi deligere pro arbitrato suo.  
Pro cuius decisione quæstionis probabimus  
primò, penes Ecclesiam, seu summum  
Pontificem, tanquam ejus caput, potesta-  
tem esse jejunia à Deo generatim institutas  
ad certos dies determinandi. Secundò, o-  
stendemus Ecclesiam hæc potestate de fa-  
cto usam esse.

### §. I.

*Jejunium ab Ecclesiâ temporibus statutis  
in conscientia obligat.*

4. PRO fundamento hunc syllogismum  
pono: In verâ Christi Ecclesia fuit sem-  
per, & est potestas præcipiendi aliquid  
quod in conscientia obligat.

Sed eâ potestate jejunium certis tempo-  
ribus est ab Ecclesia præceptum. Ergò jeju-  
nium certis temporibus obligat in con-  
scientia.

In Majori propositione consistit tota difficultas. Licet enim Aduersarij fateantur in Ecclesiâ quandam præcipiendi potestatem esse; negant tamen per hanc fideles obligari in conscientiâ, ad hujusmodi præcepta obseruanda, nisi fortè ratione scandalì, aut contemptûs.

Probaturn ergò major: 1. auctoritate Scripturæ, Deut. 17. *Qui superbierit, nolens obedire Sacerdotis Imperio, qui eo tempore ministrat Domino Deo tuo, ex decreto judicis morietur ille homo, & auferes malum de Israël.* Si ergò in antiquâ lege parere cogebantur imperio summi Sacerdotis, non minus in nouâ lege censendum est, id faciendum esse. Cum non minoris, imò majoris potestatis sit noua, quàm antiqua. Imperium autem illud Sacerdotis in conscientiâ obligasse constat, ex grauitate pœnæ in transgressionem constitutæ: nunquam enim leges pœnales, quæ puræ, hoc est, sine culpâ sunt, ad ablationem vitæ extenduntur.

2. Ex nouo Testamento: *Sicut misit me Pater, & ego mitto vos.* Ioan: 20. v. 22. Sed Christus missus est à Patre, cum potestate non solum prædicandi, & Sacramenta ministrandi, sed etiam præcipiendi. Igitur eandem Apostolis, & inprimis ipsi Petro tribuit. Ergò cum Christi nomine tanquam  
ejus



eius Vicarius præceperit, præcepta ejus in conscientia obligabunt.

3. Rom: 13. v. 2. *Qui resistit potestati, Dei ordinationi resistit, qui autem resistunt, ipsi sibi damnationem acquirunt. Et infra: Ideoq; necessitate subditi estote, non solum propter iram, sed etiam propter conscientiam.* Quem locum non tantum de principibus sæcularibus, sed etiam Ecclesiasticis intelligendum esse patet inde, quod Apostolus dicat: *Non est potestas nisi à Deo, quod æquivaler: Omnis potestas est à Deo, si omnis, ergo etiam Ecclesiastica.* Quia datur aliqua Ecclesiastica potestas, teste Paulo, 2. Cor: 13. *Hec, inquit, absens scripsi, ut non præsens durius agam secundum potestatem, quam dedit mihi Dominus.* Et aliquam præcipiendi potestatem dari, ipsi aduersarij fatentur. Quod autem hæc potestas obliget in conscientia, declarant illa verba: *Qui potestati resistit, Dei ordinationi resistit.* Item illa: *Qui resistunt, ipsi sibi damnationem acquirunt.* Deindè sequentia: *Ideo necessitati subditi estote*, id est, non est liberum, sed necessarium. Ac postremò ista, *non solum propter iram, sed etiam propter conscientiam*, hoc est, non solum propter metum pænæ, sed etiam propter metum culpæ. Cùm ergo fideles non parendo hujusmodi potestati Ecclesiasticæ, & DEI ordinationi resistent, &

damna-

damnationem sibi acquirant, & necessario ad id teneantur, non solum ob iram, sed etiam propter conscientiam. Ergo potestas Ecclesiastica in conscientia potest obligare;

4. *Qui vos audit, me audit.* Luc: 10. quod siue de Apostolis, & eorum Successoribus sigillatim, siue de omnibus simul congregatis intelligatur, ostendit vel toti Ecclesiae, vel ejus praesidibus, obediendum esse, tanquam Christo, & consequenter omnes fideles in conscientia ad hoc praecceptum obligari.

Item: *Qui Ecclesiam non audierit, sit tibi sicut Ethnicus, & Publicanus*, declaratur, omnes in conscientia ad Ecclesiastici praeccepti obedientiam obligari.

Denique, ut multa alia Scripturae loca, clarissima, praetermittamus; etiam praxin hujus obligationis ex Scripturis in primitiva Ecclesia habemus. Nam Actor: 15. Ecclesia in Concilio Apostolico congregata, temporalem legem tulit abstinendi à sanguine, & suffocato, quam adeo religiosè servabant Christiani, ut Tertulliano teste, extremum spiritum satius ducerent effundere, quam, ut ex vetitis tantillum degustarent. Hanc autem legem fuisse in conscientia obligantem, plurima conuincunt. 1. Quia Apostoli vocant illam *onus*. 2. Quia dicunt esse *necessaria*, ergo necessario observanda,



uanda, non liberè; vt Aduersarij afferunt Ecclesiæ constitutiones obseruandas esse. 3. Quia Lucas Act: 16. vocat ea vera præcepta. 4. Quia tota primitiua Ecclesia docuit ea in conscientia obligasse, pro eo tempore, quo lex hæc vigeat.

7.

Sed replicant Aduersarii, legem hanc obligasse propter scandalum, cum enim ad euitandum scandalum lata fuerit, totum præceptum cadebat supra scandalum, quod præcepti finiserat, non supra esum idolorum. Ergo lex illa in se non obligabat.

Respondeo dici hoc nullo modo posse. Nam lex de non comedendis imolatis, &c. omninò noua fuit in nouo Testamento, quia de hac nullum à CHRISTO præceptum datum inuenitur. Præceptum autem de non dando scandalo, non iam nouum, sed antiquissimum, & juris naturalis erat. Ergo nouum hoc præceptum cadere necessario debuit supra esum immolatorum, non supra scandalum, quod vetitum iam antea iure naturali fuit. Et licet finis præcepti huius fuerit euitatio scandali; abstinentia tamen ab illis cibis fuit medium ad euitandum scandalum; adeò, vt qui non seruaret illud medium, etiam præcisè in hoc peccaret. Sicut, licet finis omnium præceptorum sit charitas, præcepta tamen parti-

particularia, de non furando, de non occidendo, &c. non obligant ad diligendum, sed obligant abstinendum à re, & damno alieno. Ita etiam hoc præceptum, de non manducandis immolatis, non obligabat simpliciter, vel tantum ad evitandum scandalum; sed ad hujusmodi ciborum abstinentioniam. Adeò, ut hæc Ecclesiastica lex, de non comedendis immolatis, distincta fuerit à lege naturali; de vitando scandalo, sicut lex de non furando, distincta est à lege charitatis, quæ prioris finis est. Ergo per hanc legem non obligabantur solum in conscientia, ad non dandum scandalum; sed etiam obligabantur in conscientia, ad ciborum vitiorum abstinentioniam.

Ex quibus patet Ecclesiam saluam libertatem Christianam potuisse ferre, & de facto tulisse leges in conscientia obligantes, & consequenter quod initio hujus §, probandum erat; in veram Christi Ecclesiam fuisse semper, & esse præcipiendi potestatem, conscientias fidelium obligantem.

Nunc autem, ut ad minorem superioris syllogismi veniamus, probandum est, jejunium tali potestate in Ecclesia certis temporibus institutum esse, idq; Apostolicam Autoritate. Quod demonstramus argumento ex doctrina D. Augustini desumpto. Quod est tale. Illa omnia censenda sunt



descendere ab Apostolicâ institutione, & autoritate, quæ ab vniuersâ primitiuâ Ecclesiâ, per continuam temporis successionem semper obseruata, & in nullo Ecclesiæ Concilio fuerunt instituta. Sed jejuni-um quadragesimale est tale, patet indè, quòd in nullo Concilio ejus institutio inueniatur, & ejus mentionem faciant Doctores omnes, qui concilia omnia præces-ferunt. Ergò jejuni-um censendum est de-scendere ab Apostolicâ institutione, & au-ctoritate.

Quòd autem hoc jejuni-um semper fue-rit in Ecclesiâ seruatū enumeratione primo-rum temporum, & veræ Ecclesiæ Docto-rum supra demonstraui-mus. 1. Hoc jeju-ni-um ab Apostolis institutum, & toti Ec-clesiæ ab ijsdem traditum fuisse; patet ex Canone Apostolorum 60. & Constitut: A-post: c. 12. vt supra videri potest. Quòd etiam confirmat duorum Patrum insigne testimonium, quorum primus est Hiero-nymus Ep: ad Marcel: vbi sic ait: *Nos vnā quadragesimam secundum traditionem Aposto-licam toto anno, tempore nobis congruo jeju-namus.* Alter est S. Leo, qui serm: 6. de quadragesimâ, sic ait: *Quòd ergò dilectissi-mi, omni tempore vnumquemq; conuenit fa-cere Christianum, id nunc sollicitius est, & deuoti-us exequendum: vt Apostolica traditio*  
*quadra-*

*quadraginta dierum jejuniis impleatur. Et Serm: 9. à Sanctis, inquit Apostolis per doctrinam Spiritus sancti majora sunt instituta jejunia, ut per commune consortium Crucis Christi, etiam nos aliquid in eo, quod propter nos gessit, ageremus.*

Videmus igitur duos illos Ecclesiæ primitivæ Doctores celeberrimos, vnum quidem circa annum 390. alterum circa annum 490. publicis Scriptis affirmasse, quadagesimam ab Apostolis primò institutam, ac Christianis traditam fuisse, quâ in re tanti momenti, & tam difficili si errâssent, & falsa scripssissent, proculdubio ab æquævis Ecclesiæ Doctores, vel certè à totâ Ecclesiâ, aut aliquibus orthodoxis eorum Successoribus, erroris fuissent reprehensi; quod cum nunquam ab ullo factum sit, quin imò ab omnibus idem potius unanimiter assertum, quis non potiore illis fidem habeat, quàm prædeuntibus aliquot post mille & ducentos annos ventris, & Gastrymargiæ mystis? Quibus sic probatis; Syllogismum superiorem repeto: Ecclesia vera potestatem habet præcipiendi aliquid, quod fideles omnes in conscientia obligat. Sed hæc potestate certis temporibus præcepit esse jejunandum. Ergo jejunium certis temporibus in conscientia obligat.



## §. 2.

*De aliis usitatis in Ecclesiâ jejuniis.*

9. **Q**uamuis Brochmannus quæstione sextâ de jejunio candidè fatetur, jejuniis feriæ quartæ, & sextæ, frequentem apud veteres mentionem fieri, citetq; pro eâ re Canon: Apost: 66. & S. Clementē constit: Apost: 7. c. 21. aliósq; Authores veteres plurimos. Horum tamen rejectâ auctoritate, omnia hæc jejunia vnâ liturâ deleti non aliam ob causam, quàm quod de his nihil in sacris literis scriptum inueniatur; nam, inquit, si placuisset DEO, ut hujusmodi jejunia à fidelibus obseruarentur, id diserto verbo, & mandato præcepisset. Quasi verò plurima non essent, quæ tam Aduersarii, quàm nos credere necessario debemus verbo tradito, non scripto, nobis ad credendum commendata. Qualia ex professo plura recensuimus parte prima Demonstrationum, de Traditionibus, quo Lectorem beneuolum remitto. Rejecta igitur hæc futili, & sæpè à nobis refutata ratione, Catholici affirmamus,

10. Jejunia feriæ quartæ, sextæ, & Sabbathi, vtri & quatuor temporum, Vigiliarum, & alia partim ab Apostolis, partim ab Ecclesiâ, & Apostolorum Successoribus instituta, &

ta, & in Ecclesiâ primitiuâ semper obseruata esse. Cujus assertionis certitudo manifestè patet ex Scriptoribus primo capite alatis, & aliis, quos ipse Brochmannus citat. Cùm ergò de verustissimâ horum obseruatione, à temporibus Apostolorû constet, clarum est ab Apostolis fuisse tradita, iuxta dicta §. 1. num: 8. & consequenter in horum obseruatione necessariâ, Ecclesiam non errasse. Cùm ergò viri omnes illi Sancti, & Ecclesia tota primitiua, hanc de jejuniis doctrinam credendo, tradendo, & seruando non errauerint, vt certum est, errant profectò illi, qui ventrem magis, quàm primitiuam Ecclesiam secuti, huiusmodi jejunia reiiciunt.

II.

Talem autem in Ecclesiâ potestatem esse, quâ ad certos dies jejunia determinare possit, § primo est probatum, quibus hæc breuiter adnecto: Tanta nunc est Ecclesiæ in filios potestas, quanta fuit in veteri Testamento Ecclesiæ, ac quorundam priatorum hominum in posteros suos, ac nepotes, sed illi potuerunt certis diebus indicare jejunium, & à quibusdam cibis abstinenciam. Ergò & nunc Ecclesia id poterit. Fecit autem id Ionadab, vt patet ex Ierem: 35. vbi ejus filij laudantur, quod obdierint parenti suo, qui vinum illis vsq; in sempiternum interdixerat. Esther quoq;

Q 5

&amp; Mar-



& Mardochæus, jejunium in memoriam liberari populi Iudaici in perpetuum indixerunt omnibus Iudæis. Item Zachariæ 8. fit mentio quatuor jejuniorum, quæ dicebantur jejunia mensium, quarti, quinti, septimi, & decimi, eaq; nullibi ab ipso Deo præcepta referuntur, sed variis de causis ab ijs introducta sunt, qui Iudaicam rempublicam regebant. Fuerunt ergo jejunia in Testamento veteri, non solum legibus divinis, sed Ecclesiasticis etiam designata. Nihil ergo jam obstat, quo minus Ecclesia novi Testamenti, quæ multo majoris auctoritatis est, etiam hujusmodi jejuniorum dies iustâ de causâ determinare, vel instituire de nouo possit. Nec dicas, Iudæos ad jejuniorum dies non fuisse in conscientia obligatos. Quia in primis certum est, ista jejunia à legitimâ potestate, hoc est, supremis Iudæorum principibus fuisse præcepta, à Deo summè laudata, & à toto populo accuratissimè seruata, ex quo deducimus, actus illos certo die jejunandi, aliàs per se bonos, & liberos, per legitimum præceptum factos fuisse necessarios. Sed hujusmodi actus necessarios, per se bonos, jamq; etiam præceptos intermittere, in conscientia est peccatum. Ergo Iudæi omnes, ad hæc jejunia seruanda, in conscientia obligabantur. Ex quibus infero. Si Ecclesiæ Iudææ

Iudex principes, commissum sibi populum potuerint in conscientia certis diebus ad jejunandum obligare, multò magis id poterit Summus Pontifex, tanquam Christi Vicarius in terris, & in spiritualibus supremus Legislator. Si enī Ecclesia, seu Summus Pontifex, nullas posset leges condere, quæ in conscientia obligarent, nisi ratione scandalī, aut contemptūs, ut volunt Aduersarij, sequeretur Ecclesiam, nullas omninò posse condere. Quia leges, de non scandalizando proximo, & de non contemnendis Superiorum præceptis, jam prius jure naturali, & diuino obligant. Ergò Ecclesia tunc non conderet illas leges, igitur nullas omninò conderet. Sed aliquas ab Ecclesiā posse condi, supra §. primo demonstrauimus, nec negant Aduersarij, ergò Scripturales leges, quas potest condere Ecclesia, per se etiam seposito scandalo, & contemptu obligabunt in consciētia. Sed tali lege constituit jejunia supra memorata, ergò hæc jejunia in consciētiā obligabunt.

§. 3.

*Quomodo jejunandum.*

**D**Vo hīc à Catholicis affirmantur: Pri-  
mò, vnicam in jejunio refectionem,  
eamq; cœnam debere esse, non prandium;  
certum ciborum delectum, & abstinen-  
ciam



tiam à carnibus esse necessariam. De primo nunc agendum, ac demùm de altero.

Primo probamus id testimonio Scripturarum, Patrum, ac consuetudine continuatâ fidelium. Nam Iudic: 10. *Jejunârunt illo die, vsq; ad vesperam.* Idem habetur 2. Regum 4. & alibi. Patres verò talem in Ecclesiâ fuisse consuetudinem, passim testantur, ac in primis.

Tertullianus, lib. contra Psychicos. S. Athanasius lib. de Virginitate. S. Basilus Orat: de Ieiunio. S. Epiphanius, in fine libri aduersus hæreses. S. Ambrosius Serm: 8. Psalm: 118. S. Hieronymus Epist: ad Eustochium, vt omittamus innumeros à Belarmino citatos, c. 2. de ieiunio, quod omnium fidelium perpetua consuetudo confirmat. Sed cum circa horam cœnam sumendi, apud Christianos aliqua fuerit diuersitas. Sciendum est vsum ieiunia soluendi, circa meridiem, & cœnulam sumendi sub noctem, ab Ecclesiâ non imperari, sed tolerari: neq; desunt inter Catholicos, qui vnicâ omninò refectione contenti, nihil penitus cibi degustant, nisi sub vesperam, imò, & alii die ieiunii penitus abstinent, neq; enim ignorant, ieiunium tanto esse perfectius, quanto diutius refectio differatur. Addendum præterea est, rerum ejusmodi determinationes, quæ non habentur  
ex jure

ex jure diuino, posse per Ecclesiasticam legem, vel consuetudinem, pro locorum, & temporum diuersitate ita variari, vt quod vno loco, vel tempore non licet, hoc alio loco, & tempore liceat, vt multa huiusmodi refert S. Augustinus, Epist: 118. atq; ita licet his sæculis nostris, ieiuniorum seueritas aliquantulum relaxata videatur, non ideò tamen sunt damnandi Catholici, qui morem in Ecclesiam introductum, & à pastoribus approbatum, vel certè permis- sum, sequi volunt. Ita tamen, vt omnibus permittatur libertas, ieiunia perfectiùs a- gendi, si volunt, aut ad carnem suam do- mandam necessarium judicant.

Ad Secundum quod attinet, de ciborum 14.  
delectu, & à carnibus abstinentià, hæc ad ieiunium necessaria esse, probant Exempla Scripturæ, & Patrum. Piorum enim con- suetudo optima est interpret Ecclesiastica- rum traditionum, & legum, quam ieiunandi formam videtur præscripsisse Da- niel: c. 10. *In diebus illis, inquit, ego Daniel lugebam trium hebdomadarum diebus, &c. & caro, & vinum non introierunt in os meum.* Deindè cùm Concilium Apostolicum Act: 15. legem tulerit, de abstinentià à sanguine, & suffocato, manifestè sequitur Ecclesiam posse saluâ libertate Christianâ certos ci- bos omnibus Christianis prohibere. & sta- tuere,



tuere, quibus jeuniorum tempore vesci licet, & à quibus abstinendum. Nam sicut primo illi Concilio Apostolico, Scriptura S. Spiritum testatur præfuisse, ita certum est ex promissione Christi, sæpè in Scripturis facta, toti Ecclesiæ, seu omnibus Conciliis legitimè congregatis, S. Spiritum præesse. Alias ex Scripturis autoritates SS. Apostolorum, ac eorundem primorum Discipulorum, nec non innumera SS. Patrum exempla, à carne, & aliis huiusmodi cibis abstinentiam, in testimonium adducit Bellarminus c. 50. de jeiunio, quæ ibidem videri possunt. Quibus etiam ratio suffragatur. Nam docente Augustino libro contra Faustum, c. 5. & ipsis etiam fatentibus Aduersariis; finis jeiunii est, prauas corporis concupiscentias edomare, & carnem in seruitutem redigere. Sed hoc optimè fit, per abstinentiam carniū, & similium ciborum maximè nutrientium. Ergò huiusmodi abstinentia ad jeiunium est necessaria. Ad quod frustrà duo reponunt Aduersarii: Primò, pisces optimè conditos, magis nutrire corpus, quàm carnem aridam, & exsuccam. Secundò, Vino magis irritari concupiscentiam, quàm ouis, aliisq; lacticiis. Ergò si finis jeiunii spectatur, ab hisce duobus potiùs abstinendū esse, quàm à certis carnibus, quod tamen non faciunt Catholici.

Sed

Sed respondeo ad primum, si carniū,  
& piscium collatio iusta fiat, & aridi cum  
aridis, recentes cum recentibus, & hæ, &  
illi æqualiter conditi comparentur, nemo  
dubitatur, quin pisces magis ad finem jejunii  
conducant, quòd autem pisces sæpius lau-  
tius condiantur, quàm carnes, per accidens  
censeri debet, & vsui immoderato tribu-  
endum. Cum verò lex Ecclesiastica ferri  
non potuerit certâ constitutâ regulâ circa  
lautitias, ac ciborū condimenta, siue quan-  
tatem (cibi enim infinitis modis varian-  
tur, & quod vni multum est, alteri est pa-  
rum, quod vni lautum, alteri est insipidū)  
debet constitui regula penes abstinentiam,  
ab aliquo ciborum genere, quod, vt pluri-  
mum ex naturâ suâ magis nutrit, & delectat,  
quod magis carnibus, quàm piscibus  
conuenire, omnes concedunt Neq; cen-  
sendi sunt jejunii leges violare, qui pisci-  
bus lautissimis vescuntur, & ventrem suum  
in die semel implent, quia tales non con-  
traueniunt legibus Ecclesiæ, quæ ad quan-  
tatem, & condimentum neminem obli-  
gavit, sed solū ad carniū abstinentiam.  
Quamuis libenter fateamur, eos perfe-  
ctius, & legibus Ecclesiasticis conformius  
jejunare, qui ab eiusmodi lautitiis sese con-  
tinent. Ideoq; multos in Ecclesiâ reperire  
est, qui perfectionem hanc sectari, solis le-  
gum.



guminibus jejuniorum tempore contenti viuunt.

Ad Secundum quod attinet de vino, facilis est responsio, illud videlicet permitti, quia calore suo corpus solummodò calefacit, materiam autem nullam parit, vti carnes, similesq; cibi. Fatemur tamen abstinētiā à vino, vbi valetudo corporis permittit, jejunio valdè congruentem esse, & ideo Ecclesiam Orientalē jejuniorum tempore non minùs à vino, quàm à carnibus abstinuisse testatur Basilii, aliiq; SS. Patres, in frigidioribus verò Regionibus, noluit à vino abstinētiā Ecclesia imperare, quia sine magno valetudinis periculo non posset à plurimis tolerari. Ecclesia enim cū sit mater, non præcipit, quæ possent filios deijcere. sed ea tantum, quæ valent carnis concupiscentias domare. Vndè fit, vt, si cui elus carniū, jejuniorum tempore ad valetudinem necessarius, à medicis esse iudicetur, non difficulter etiam permittatur. Atq; ita his objectionibus occursum est.

### CAPUT 3.

*Soluuntur objectiones Adversariorum.*

Multis

**M**ultis supradicta conuellere conatur Aduersarij, & potissimum Brochmannus. Nam primo adducit D. Augustinum, qui Epist. 86. ad Casalanum disertè negat, vñpiam inueniri in Codice sacro jejunii tempus præcisè definitum. Quod nos etiã libenter concedimus. Nam si alicubi scriptum esset, nulla eã de re intercederet controuersia, sed affirmamus traditionem esse ab Apostolis profectam, hoc est, Verbum DEI non quidem scriptum, sed traditum, consensu, & praxi totius Ecclesiæ vnanimiter ab Apostolis, huc usq; obseruatum, vti c. 1. probauimus.

Secundò, profert autoritatem Gratiani, quem in iure Canonico, Dist. 4. c. 2. improbare jejuniũ quadragesimale affirmat. Sed planè fallitur, & contra se loquitur Brochmannus. Nam Gratianus citato loco solum adfert verba Telesphori Papæ, superius c. 1. A. 127. à nobis allegata, quibus mandat Pontifex omnibus Clericis, vt jejunium septem septimanis ante Pascha seruent, quod omninò est contra aduersarios.

Tertiò, allegat autoritatem Spiridionis ex Sozomeno, l. 1. c. 11. qui carnes suillas hospiti proposuit tempore jejuniij quadragesimalis. Sed respondeo primò, Sozomenum in pluribus fuisse mentitum, teste

R

D. Gre.



Di Gregorio. Atq; ideo probabilissimū etiā esse, cum hic à veritate aberrasse.

1. Necessitas fuit, vt hoc faceret, cum nihil aliud penitus haberet, quod hospitii proponeret. Ieiunium autem in necessitate non obligat. Multa deinde adducit Scripturæ loca, quibus delectum ciborum euertere conatur.

17. Primò, 1. Timoth. 4. v. 1. 2. 3. 4. *In nouissimis temporibus discedent quidam à fide, ascendentes spiritibus erroris, & doctrinis Demoniorum; in hypocrisi loquentium mendacium, & cauteriatam habentium suam conscientiam, prohibentium nubere, abstinere à cibis, quos DEUS creauit ad percipiendum cum gratiarum actione fidelibus, & ijs, qui cognouerunt veritatem, quia omnis Creatura DEI bona est, & nihil reijciendum, quod cum gratiarum actione percipitur. Sanctificatur enim per verbum DEI, & orationem.* Ex quo loco, tanquam primario, duo vrget Brochmannus, Dub: 3. de jejun: 1. Apostolum damnare omnes absolutè, qui certos cibos prohibebant, nullo nominatim excepto: 1. deoq; Catholicos malè explicare de Marcionistis, Encratitis, & Manichæis esse dicta. 2. Apostolum non attingere verborum causam prohibitionis, sed ipsam tantum prohibitionem exprimere. Ideoq; malè dici à Catholicis, Apostolum contra constantem

tum agere, qui carnes prohibebant, quia immundas eas esse judicabant.

Sed locus ille nihil omninò probat, multo minùs nugaces instantiæ Brochmanni. 18.  
Certum enim est totam hanc Pauli sententiam prolatam esse contra supradictos hæreticos. Marcionistas, Encratitas, Manichæos, & alios horum sequaces.

Quod patet primò ex verbis Apostoli adjunctis: *Prohibentium nubere*. Quis enim Catholicorum vnquam nuptias prohibuit? quin imò Matrimonium, pro re sancta habent. Ideoq; inter Sacramenta à Christo instituta ponunt, & plurimis datâ causâ, Statum matrimonialem suadent. Cùm ergò hæc præcipua pars periodi non conueniat Catholicis, sed solum hæreticis supra nominatis, manifestum est, totum huius Apostoli discursum, non ad Catholicos, sed ad dictos hæreticos, quo nuptias prohibebant pertinere.

2. Ratio quam addit Apostolus, cur non sint prohibendi quidam cibi, etiam Catholicos defendit. Sensus enim Pauli est, ut ex verbis constat, ideo non esse prohibendos cibos aliquos, *quia omnis creatura DE est bona*. At quis vsquam hoc Catholicorum negat? imò id fatentur omnes ideoq; cum gratiarum actione  
R. 2 cibis



19.

cibis omnibꝫ certis temporibus vescuntur. Quod haud dubiè nunquam facerent, si cibos aliquos malos & immundos esse crederent. credebant autem hoc hæretici supradicti, qui nullo tempore carnes edere volebant, eo quod illas immundas & à Diabolo creatas esse dicerent. Quod attinet instantias Brochmanni, ad Primâ sic Respondeo. Sicut à Paulo generaliter damnantur omnes, qui certos cibos prohibent, ita etiam damnat eos, qui certos cibos generaliter pro omni tempore prohibent, quia sicut nullum qui cibos prohibet, nominatim excipit, ita nullum tempus, quo illi cibos istos prohibent, nominatim ponit, ergo si cadat prima propositio, in omnem hominem prohibentem, etiam altera cadet propositio, in omne tempus prohibitum, sed Catholici nō prohibent certos cibos generaliter pro omni tempore, sed tantum pro determinatis diebus, ergo Apostolus non damnat Catholicos, sed illos hæreticos qui certos illos cibos pro omni tempore prohibebant.

Ad Secundam Respondeo: Apostolū quidem non expresse ponere causam prohibitionis, sed tamen ex probatione illius manifestè causam colligi. Dicit enim non prohibendos esse quosdam cibos, rationē assignat. *quia omnis creatura DEI bona est.*  
Vnde

Vnde colligitur asseruisse quosdam, ideo non esse comedendos omnes cibos, eo quod aliqui cibi non essent bonæ creaturæ. Quod cum nunquam dixerint Catholici, sed soli Hæretici supra nominati, contra hos solos non contra Catholicos Apostolus manifestè agit.

Secundò. Opponit Brochmannus illud Matth. 15. vers. 2. *Non quod intrat in os co- inquinat hominem* quod verum est eo sensu quo dixit Christus, nempe cibum corporeum non inquinare animam, quæ Spiritualis est. Sed concupiscentiam & inobedientiã per quam ille comeditur, ut patet in Adamo pomum comedente, aliàs enim asserendum esset, neq; gulã neq; ebrietate hominẽ co inquinari, quæ non minus quam cibus & potus in os intrant. Qui sensus ex verbis Christi est clarissimus. Cum enim ibi dicat cibos, siue lotis, siue illotis manibus sumantur, cum intrant in os animam non co inquinare, manifestum est eum agere de cibis corporalibus secũdum naturam suam consideratis, quos fatemur non inquinare hominem sed hoc inobedientia, aliq; circumstantiæ faciunt, ut ante dictum est. Deniq; certum est ibi locutum fuisse Christum de cibis per legem licitis, cum enim multi in veteri testamento cibi fuerint prohibiti has leges Christus

R 3

non



non oppugnat, ait ergo cibos licitos non  
 coinquinare animam, replicat autē Broch-  
 mannus, hæc omnia fuisse per Christū ab-  
 rogata: quod falsum est, quomodo enim  
 Apostoli sanguinem & suffocatum statim  
 vetuissent, si eam legem Christus paulo  
 ante abrogasset?

21.

Tertio Obijcit idem duo loca Primo  
 Luc. 10. V. 7. *manducate quæ apponuntur  
 vobis.* Verū absolute Secundum corri-  
 cem accepta hæc sententia, penitus appro-  
 banda erit manducatio non sanguinis tan-  
 tum & suffocati, quo tempore illam Apo-  
 stoli inhibuerant, verum etiam veneni,  
 quod quis nobis apponeret. Quocirca  
 audiendi sunt potius Patres Ambrosius,  
 Theophilactus & alij complures, qui illud  
 Christi mandatum Discipulis datum ex-  
 ponunt, non de carnali quidvis quovis  
 tempore manducandi libertate, sed de fru-  
 galitate ac temperantia, erga eos à quibus  
 hospitio suscipiendi erant, exercenda;  
 quasi diceret, non esse petendam lautitiam  
 ciborum, sed appositis cibus Contentos esse  
 debere, quos nemo, alios Christum intel-  
 lexisse, nisi utiles, atq; licitos cen fuerit.

Quod autem ad Confirmationem suam  
 addit Brochmannus illud 1. Cor. 10. V. 28.  
*Omne quod in macellum venit, manducate,  
 nihil interrogantes propter conscientiam, plus  
 ponderis*

ponderis non habet. Id vnum enim Apostolo propositum hic erat, ut fideles anxiam inquirendi sollicitudine liberaret, num caro in macello exposita Idolis fuisset immolata, an non. Nam si Paulus judicare voluisset, omni tempore ea quæ venduntur in macello manducari posse, contradixisset sibi, cum in actis Apost. jubet obseruari concilij Apostolici decreta de abstinentia à sanguine & suffocato. Deinde quâ veritate potuisset dicere: *bonum est non manducare carnem & non bibere vinum neq; in quo frater tuus offenditur &c.* Rom. 14. V. 21. si præcepisset omni tempore manducandum, quod in macello venditur? sed fusio rem hujus rei Explicationem curiosus lector uidere poterit apud Cornelium à Lapide in hunc locum. Deniq; nos arguit Aduersarius ex Col. 2. V. 16 & seqq: nemo ergo nos iudicet in cibo aut potu, aut in parte diei festi, aut Neomenia aut sabbathorum, quæ sunt umbra futurorum &c. &c. V. 10. Si ergo mortui estis cum Christo ab elementis mundi hujus, quid ad huc tanquam viuentes in mundo decernitis? ne tetigeritis, ne gustaueritis, neq; contrectaueritis, quæ sunt omnia in interitum ipso usu, secundum præcepta & doctrinas hominum &c.

Sed locus ille nihil contra nos urget, nam ibidem de Iudaicis jejunijs & festis



agi, non de Christianis patet 1. ex verbis *Neomenia, & sabbathorum*, hæc enim sunt festa Iudaica non Christiana 2. ex eo quod subdit; *quæ sunt umbra futurorum corporis autem, Christi.* q. d. loquor de Veteribus festis, quæ fuerunt umbra festorum Christi. 3. id patet ex scopo totius epist. qui est agere contra Simonianos & Iudaizantes. 4. ita explicant omnes SS. Patres.

23. Sed contra regerunt Aduersarij: non posse valere Solutionem illam, quia dum Apostolus de festis & jejunijs istis loquitur, addit: ea omnia esse secundum *præcepta & traditiones hominum*. Sed leuiticæ illæ ceremoniæ & leges fuerunt diuina, non hominum decreta, ergo non loquitur de jejunijs, & festis legalibus.

Sed Respondeo leges illas ceremoniales à DEO quidem institutas fuisse, sed post Christum exspirasse; nec amplius vllum obligasse. Atq; ideo si postea quisquam ex propria pertinacia seruandas illas censuisset, jam non diuinæ, sed meræ traditiones humanæ dici debebant Ergo dum loco citato festa & jejunia vocat *præcepta & traditiones hominum*, intelligit illos qui post obligationem veterum legalium, adhuc eadem obseruari cupiebant. tales erant Iudaizantes, Simoniani, & Philosophi non nulli de quibus paulò ante dicebatur.

erat. *Videte nequis vos seducat per philosophiam & inanem fallaciam.* Varij enim Philosophi varios cibos, tanquā immundos interdicebant. Certum autē est siue de his siue de alijs locutus fuerit Apostolus eū tantum loqui (teste D. Chrysostomo) de ijs, qui ciborum quorundam esum, tanquam immundorū pro omni tempore vetabant, quos adeo quidem ex natura sua docebant immundos esse, ut ne tangi quidem, multo minus gustari, sine contaminatione possent. Ideoq; Chrysostomus & alij Doctores disertis verbis docent, *ne tetigeritis; neq; contrectaueritis, neq; gustaueritis.* Significare ne tetigeritis cadaver hominis mortui, neq; sedem aut lectum mulieris menstruatae; & ne gustaueritis, nempe Suillā leporinā aut alios in leuitica lege prohibitos cibos.

Concludo deniq; , & addo, per doctrinam & hominū praecepta tam hic quā alibi vt ad Titum: 1. Isa. 29. Matth. 15. Scriptorem Sacrum, non quascunq; constitutiones humanas intelligere, sed eas duntaxat, quę vel diuinis repugnant, aut illis certē non sunt conformes. Nam quę ab hominibus infallibilem Spiritū S. assistentiam habentibus mandantur, à DEO præcipi censentur juxta illud Luc 10. *que vos audit me audit, & Actor. 5. Visum est*

R. s.

Spiritu



*Spiritui S. & nobis & alibi saepe.* Præcepta  
verò, quæ de jejunijis, ac delectu ciborum  
Ecclesia constituit tam exemplis, quàm  
doctrinæ scripturarum, maximè confor-  
mia sunt. Cum Scripturæ passim ad jejunia  
hortentur, & eam in rem exempla plurima  
producant, Virorum Sanctitate maximor-  
um, ut Davidis. Danielis &c. de quibus  
non est dubium, quin pleni Spiritu divi-  
no fuerint. Ergo non possunt vocari con-  
stitutiones hominum, quas circa jejunium  
certo tempore servandum Ecclesia Christi  
Sponsa, plena ejusdem Spiritu determi-  
navit,



DE

CÆLIBATV SACERDOTVM.

DEMONSTRATIO IX.

Qua ostenditur Lu-  
theranam Ecclesiam non esse  
ueram Ecclesiam quia Sacerdotes  
cælibem Vitam agere debere negat,  
quod Ecclesia vera primitiua  
semper asseruit, docuit,  
& seruauit.

## CAPUT I.

*Celibatus Sacerdotum à primi-  
tiua Ecclesia probatur.*



Sacerdotes esse debere  
cælibes Ecclesiæ primi-  
tiuæ doctrina est, non au-  
tem recens quoddam in-  
uentum (ut calumniantur

Aduersarij) probant ea, quæ de illo in  
scripturarum monumentis posteritati reli-  
querunt SS. Patres & Concilia in Ecclesiâ  
primitiua habita

I. Cle



An: 80. 1. Clemens Romanus Can: Apostol: 29.  
*Ex iis qui calibes facti sunt Clerici, jubemus  
 ut solis Lectoribus, & Cantoribus liceat si vo-  
 luerint uxores ducere.*

An: 218. Calixtus apud Gratianum distinct: 27.  
*Presbyteris, Diaconis, & subdiaconis & c. ma-  
 trimonium contrahere penitus interdici-  
 mus, contracta quoque matrimonia ab huiusmodi  
 personis disjungi, & personas ad penitentiam  
 redigi debere juxta sacrorum Canonum de-  
 finitionem judicamus.*

An: 230. Origenes in Leuit: homil. 4. Ante o-  
*mnia Sacerdos qui diuinis insistit Altaribus,  
 castitate debet accingi.*

An: 320. Concilium Nicænū primum Canon. 1.  
*ex Græco translato: Omnibus modis inter-  
 dixit Sancta Synodus neque Presbytero neque Dia-  
 cono licere habere secum Mulierem extraneā  
 nisi forte mater aut soror, aut Auia, Amita, vel  
 Matertera sit. Ibi: cum in hoc Concilio  
 (quod etiam ab Aduersarijs recipitur) non  
 includatur Vxor inter Mulieres quibus li-  
 cet Presbyteris cohabitare, sequitur mani-  
 feste Vxorem excludi, atque adeo Conci-  
 lium supponit Vxorem non esse licitam E-  
 piscopis, Presbyteris &c.*

An: 339. Concilium Arelatense c. 3. Siquis Cle-  
*ricus à gradu Diaconatus secum Vxorem habere  
 præsumpserit, à Communione alienius habeat-  
 ur.*

Eusebius

Eusebius Cæsariensis in Cap. 2. Isaia. An: 330.

Quis quis presidentiâ Cathedre dignus censetur, jamq; adscriptus est ordini Presbyteratus qui talis est Presbyter, aut circumfert Characterē Presbyteri, par est eum expertem Vxorivis esse.

Diuus Ambrosius ad cap: 1. prioris ad Timoth: fusè & copiosè probat Sacerdotes omnes debere cælibes esse. Item l. 1. officiorum c. 50. inquit: Inoffensum exhibendū & immaculatum Ministerium, ne ullo conjugali coitu violandum cognoscitis qui integro corpore, incorrupto pudore, alieni etiam ab ipso consorcio conjugali, Sacri Ministerij gratiam cognouistis &c. An: 370.

Epiphanius hæresi 59 clare & fusè docet Sacerdotem debere castum esse, & sine Vxoris usu. Hoc inquit certò Sancta Ecclesia Dei cum sinceritate obseruat. Et Hæresi 79. Nunquid inquit inhonestæ sunt Nuptiæ? nunquid impurum cubile? at à Prophetis & Pontificibus prohibentur propter majus Ministerium. Nam postquam prophetauit Moyses non amplius conjunctus est Vxori, non amplius liberos genuit. Habet enim uitam Domino vacantem. Vacare autem Domino non potest, qui Mariti officio fungitur. An: 380.

Syricius Epistola ad Himenium Taronensem Episcopum c. 7. seridè & instanter eum monet, multis rationibus adductis, An: 384.



ductis, vt Sacerdotes omnes in sua Diecesi  
castos & sine Vxoribus esse jubeat, & si  
jam vxores habeant, ab illis penitus absti-  
neant. Quod idem Epist: ad Episcopos  
Africae fortissimè inculcat.

An: 390.

Hieronymus aduersus Vigilantium c. 1.  
Orientis Ecclesie, Ægypti & sedis Apostolicæ,  
aut Virgines Clericos accipiunt, aut conti-  
nentes: aut si Vxores habuerint, Mariti esse  
desistunt. Idem libr. 1. contra Iovinianum  
c. 14. & c. 19. Multis & pręnantibus  
Rationibus Cælibatum Clericorum probat,  
& Apologia ad Pammachium c. 3. & c. 8.  
Apostoli inquit, vel virgines vel post nuptias  
continentes. Episcopi, Presbyteri, Diaconi  
aut Virgines eliguntur, aut Vidui aut certe  
post Sacerdotium æternum pudici. Idem cõ-  
firmat ad cap: 1. ad Titum.

An: 396.

Concilium Carthaginense 2. cap. 2.  
Episcopos Presbyteros & Diaconos ita placuit,  
ut condecet Sacrosanctos Antestites & Dei  
Sacerdotes, nec non & leuitas & c. continen-  
tes esse in omnibus ut quod Apostoli docuerunt  
& ipsa seruauit Antiquitas nos quoq; custo-  
diamus. Ab omnibus dictum est, placet, vt  
in omnibus & ab omnibus pudicitia custodi-  
tur qui Altario deseruiunt,

Idem asserunt, jubent, & multis rationi-  
bus confirmant sequentes.

An: 400.

Chrysostomus homil: 3. in Genes: &  
Epist: 125, ad Cyriacum. Augu-

- Augustinus de adulterinis Conjugijs l. 2. c. 10. An: 400.
- Concilium Toletanum primum c. 1. & cap: 4.
- Innocentius. 1. cap. 9. & Epist: 4. clare & protixe. An: 406.
- Synefius Epist: 105. ad Fratrem qua causâ reddit recusari Sacerdotij. An: 410.
- Ioannes Cyprius Vita S. Epiphaniij c. 38. An: 422.
- Honorius & Theodosius A. A. in L. A. 422.
- eum qui c. de Episcopis & Clericis.
- Socrates lib: 1. c. 8 & lib: 5. cap: 12. An: 430.
- Sixtus Tertius de castitate. An: 430.
- Ifidorus Pelusiota l. 2. Epist: 284. Paladio Episcopo. A: 440.
- Concilium Arausiacanum primum c. 22. & 23. A: 441.
- Leo primus epistola 84. ad Anastasium Episcopum Thessalonicensem c. 4. & epistola 92. ad Rusticū Narbonensē Episc: c. 3. A. 450.
- Concilium Andegauense apud Barom: 4. 453. A: 453.
- Concilium primum Turonense. c. 1. 2. & 6. A: 461.
- Deniq; Concilium Agathense, Gerundense, Toletanum 2. Aurelianense 2. 3. 4. 5. Auernense 1. & alia plurima.
- Addo his Iustinianum Imperatorem C. lib: 1. Tit: 3. de Episcopis & Clericis Num: 45. Et in Nomocan: titul: 9. cap: 29 & Authent. Coll: 1.



Col: 1. *Quomodo oportebat Episcopos &c. Tit: 6. c. 1. & 5. Item Nouella 133. de Episcopis & Clericis c. 14 & c. 29.*

2. Omitto innumeros alios posteriorum Seculorum, quos omnes Authores, Sanctæ Ecclesiæ Doctores, & Concilia, vel necessarium est dicere errasse, & contra scripturas docuisse, & fecisse vel certe Veritatem secutos fuisse. Primum necessario dicere coguntur Aduersarij, dum nituntur probare ex scripturis à Sacerdotibus vxores posse duci. Quod si uerum esset, sequeretur omnes illos citatos Patres & concilia scripturis se opposuisse, & consequenter Hæreticos & ab Ecclesia alienos extitisse. Quàm autem hoc absurdum, ipsi prudentes Aduersarij sine passione & pertinaciâ negare nunquam poterunt. Si autem dicti Patres scripturis se non opposuerint, nec hac in re contra illas aliquid docuerint: Ergo *vera* erit illorum sententia, Cælibatum in Sacerdotibus necessarium affirmans: non quidem ex præcepto diuino quale nullum adducunt citati Patres; sed ex Constitutione, & Observatione Apostolicâ & Ecclesiæ Decreto, quæ ob multas causas infra producendas istud statuit: A quo veræ Ecclesiæ præcepto & vnanimi totius Sanctæ Antiquitatis consensu cū recedat Lutherāi, necesse est eos à vera Ecclesia recedere eiq; inobediētes esse.

## CAPUT 2.

*Obligatio Cælibatûs Clericalis  
explicatur & confirmatur.*

Vt clarè procedamus explicanda est  
sententia Catholica.

**A**FFirmamus ergo, cum Altaris sacrû  
Ministerium simpliciter & ex Natu-  
râ rei Vtui conjugali non repugnet  
(quippe per se bono, & honesto) Sacerdo-  
tibus Cælibatum nullâ lege naturali vel  
diuina præcipi. Sed totum hoc Præcep-  
tum ab Ecclesia constitui, quæ mandat, vt o-  
mnes Sacrum ordinem suscepturi, ipsi Deo  
Castitatem voueant. Et quamuis Ecclesia  
neminem absolute possit cogere, ad ser-  
uandam continentiam; tamen in ordine  
Sacro, quæ libere confert, quibus vult, adij-  
cere Legem & Conditionem potest, ut  
qui talem Ordinem suscipiunt, eo ipso  
Continentiam profiteantur, vt tantò fir-  
mius & constantius in officio perseuerent,  
si tamen accideret aliquem Sacros Ordines  
susipientem siue per ignorantiam siue  
per malitiam non vouere; nihilominus  
per Ecclesiasticam Legem ad continentiam  
compellitur, vtpote quæ sacro ordini  
Continentiam adnecti mandat; adeò vtra-  
que ad



lis ad Matrimonium etiam inhabilis factus, non quidem ex proprio Voto; sed immediate ex Lege Ecclesiastica ad seruandam Continentiam obligetur. Vnde patet hic duplicem Ecclesiasticam Legem intercedere. Prima est quâ simpliciter præcipitur, vt omnes Sacerdotes continētes sint, Altera ad hanc magis confirmandam, vt omnes suscepturi sacros ordines Votum Castitatis edant. Quam legem non nouam aut recentem esse, sed etiam primis illis Apostolorum temporibus latam & obseruatam, constat. Primò ex Constitutionib<sup>9</sup> Apostolicis apud Clementem, & ex omnibus S. S. Patrum ac Doctorum Testimonijs capite superiore allegatis a. quod à Christi temporibus nullus assignari possit vel Apostolus, vel Episcopus vel Presbyter, qui in officio suo persecrans Vxorem unquam duxerit, vel prius habitam cognouerit Ecclesia approbante.

4.

De Græcis autem quos obijcere solent Aduersarij, Res sic habet: Nulli Græco vnquam licitum fuit, nec modo est post susceptum semel Sacerdotium Vxorem ducere. Si vero ante susceptum Ordinem, Vxores habuissent, postea promissa mutuo consensu Continentiâ ab Vxoribus se continere debebant. Istud posterius autem non in omnibus Orientalibus Ecclesijs

clesijs semper obseruatum fuit: Sed vbi  
 Canones Ecclesiastici synceri permanse-  
 runt: non māsērūt autem nisi in paucis locis  
 post synodū Trullanam, adeo ut demū etiam  
 Ecclesia Romana in eam Sacerdotum  
 Consuetudinem consenserit, tanquam O-  
 rientalibus licitam & concessam, vt vide-  
 licet Coniugibus ante Sacerdotium ductis  
 in ipso etiam Sacerdotio vterentur: ita ta-  
 men, vt vna mortua aliam ducere non  
 possent, ut videre est in Capite: *Quasitum*  
 de Pœnitentia & Remiss: ac alijs in  
 locis. Indultum autem illud non erat, jux-  
 ta priscos Canones & antiquam Legis  
 Consuetudinem. Neq; tunc Votum Con-  
 tinentiæ Sacro Ordini adnectere præcipie-  
 bantur ab Ecclesiā: Sed tantum simplici  
 lege jubebantur esse Cælibes, in qua tamen  
 lege adhuc Ecclesia eorum infirmitati  
 condescendens *Secundum quid* dispensa-  
 bat, vt nempe ductis ante Ordinem Vxo-  
 ribus cohabitare possent, non autem, vt dix-  
 mus, nouas ordinibus jam susceptis du-  
 cere.

Vnde constat obseruantiam Clericalis  
 Cælibatūs antiquissimam & Apostolicam  
 constitutionem esse, & à verā primitiua Ec-  
 clesiā, quæ farentibus etiam Aduersarijs  
 casta sponsa Christi erat, Sacerdotibus  
 mandatam, cum autem veræ Christi  
 sponse



Sponsæ præceptis omnes Christiani obtemperare teneantur ( nisi velut Ethnici & Publicani haberi & esse velint ) sequitur omnes quibus hoc præceptum latum, hoc est Sacerdotes, ad ei obtemperandum obligatos esse.

Haber hoc Præceptum solidum in scripturis Fundamentum Nam i. ex Apostolo i Timoth 5. colligitur, Viduas quæ ab Ecclesiæ substantia alebantur, non fuisse receptas nisi Continentiam Deo promississet. Quanto magis credibile Altaris Ministros, uidelicet Sacerdotes ac leuitas aliter acceptos & ordinatos non fuisse, nisi promissâ prius continentia. ita enim oportebat pluribus de causis.

6.

1. Propter ingentem Reuerentiam quæ Ministerio Corporis Dominici debetur. Nam si in veteri Testamento, cum Iudæi aliquid sacri tractaturi erant, ab Vxoribus debebant abstinere: comesturi quippe Agnum Paschalem renes accingere præciperantur, id est, edomare Carnis Voluptates. Exodi 12. 11. accepturi legem audiunt à Moyse: *Esote parati in Diem tertium, & ne appropinquetis Vxoribus vestris.* Exod: 29. 15: Abimelech noluit dare panes propositionis comedendos David nisi cum intellexisset ab Vxore aliquamdiu abstinuisset. 1. Reg: 21. vers. 4. 5. Ergo Christiani

stiani Sacerdotes, qui ferè cottidie res sacras tractant & comedunt Panem Angelorum seu Corpus Christi, ab Vxoribus perpetuo abstinere debent.

2. Quia hoc innuit Apostolus ad Titum 1. v. 7. *oportet inquit Episcopum esse hospitalem, benignum* *σώφρονα* (quod prudentem, sobrium vel castum significare potest) iustum, Sanctum, continentem scilicet à Mulierib⁹ vt cū alijs Hieronym⁹ exponit.

3. Idem Apostolus ait. 2. Timoth. 2. v. 4. *Nemo militans Deo implicat se negotijs secularibus.* Ergo nec Sacerdos conjugio: quid enim magis Seculare? quasi dicat: sicut Romanis militibus illicitum erat Vxores ducere, ne ab earum sollicitudine in bellis impedirentur, ita à fortiori ab iisdem abstinere Christi milites debebunt, qui maximè sunt Sacerdotes, ne in officiis suis Vxorū ac liberorum sollicitudine turbentur.

4. Iubet Paulus conjugatos ex consensu abstinere, vt orationi instare possint. 7. Corinth. 7. v. 5. Ergo Sacerdotes qui quotidie Orationi insistere debent & iubentur, etiam perpetuo ab Vxoribus abstinere debent.

5. Deniq; ratio Cælibatū suadet 1. quia Reditus Ecclesiastici, quos fideles ad officium diuinum offerunt, passim ad causas profanas applicarentur. Episcopatus,

7.

8.

9.

10.



Parochiæ & similia quasi jure hæreditario deuoluerentur, ad hæredes Filios Sacerdotum. Quâ Ratione prouentus Ecclesiastici diminuerentur & officium Diuinum paulatim interiret, quia non sufficeret ad alendos successores. 2. Oportet Episcopos, & omnes Sacerdotes liberales, benignos, & hospitales esse, Misericordiam in pauperes exercendo. At quo modo id fieri poterit, si Liberis & Vxori suæ prouidere debeant? oportet enim Parentes filijs The-  
saurizare vt ait Apostolus 1. Corinth; 12.

Ex quibus omnibus jam dictis sic argumentor. Cum Cælibatus inueniatur ab Apostolis post Vocationem obseruatus, ab iisdem etiam Sacerdotibus alijs commendatus. cum exigat rerum tractandarum Reuerentia, & communis Ecclesiæ Necessitas &c. Ergo merito à totâ Primitiua Ecclesiâ fuit obseruatus, & à Pontificibus, & à Concilijs lege Ecclesiastica præceptus. Nunc ab Obiectiones veniamus quibus Cælibatum Aduersarij euertere conantur.

### CAPUT 3.

*Aduersariorum Obiectiones contra Cælibatum refutantur.*

Fufiffimi

II.

**F**Vssissimi sunt Adversarij in hac Catho-  
lica Doctrina refellenda, quod meritò  
mirū videri cuiq; debeat, cum ipsi non  
petantur, dum enim Catholici negant à  
Sacerdotibus vxores posse duci, non com-  
prehendunt eorum Prædicantes quos affir-  
mamus Vxorum & Liberorum esse capa-  
cissimos, ac licitè nuptias posse celebrare.  
Quis enim hoc ipsis prohibeat, cum veri  
Sacerdotes non sint? nec vnquam diuina  
tractent?

Obijciunt ergo cum Brochmanno. 1.  
*Honorabile Connubium in omnibus Et Thorus*  
*immaculatus.* Hebræor: 13. v. 4. 5. in o-  
mnibus Ergo etiam in Sacerdotibus.

12.

R. 1. In omnibus idem esse, quod omni  
ex parte honorabile, siue Rationem Sa-  
cramenti, siue bonum Fidei, siue Prolem  
spectes. R. 2. vel in omnib; significat omnes  
simpliciter, vel omnes legitime conjuctos.  
Si primū, tunc etiam Connubium erit *hono-  
rabile* inter cujusvis gradūs consanguineos,  
quod à nemine admittetur. Si secundum:  
tunc Connubium non erit *honorabile* inter  
Sacerdotes, eò quod non legitime conjun-  
gantur, ut pote contra Ecclesiæ Præceptum,  
& Voto. Continentiæ adstricti: Intelligit  
ergo Apostolus Connubium honorabile  
esse in omnibus illis qui legitime copulan-  
tur, quales non sunt Sacerdotes.



13.

2. Obijciunt: *Oportet Episcopum irreprehensibilem esse, vnius Vxoris virum: 1. Timoth: 3. v. 4. & Tit: 1. v. 6.*

Ex quo multipliciter argumentantur quasi dixerit Paulus Episcopum non oportere Scottatorem esse; sed honestè cum vna Vxore contentum viuere. Ita Lutherus, Brochmanus, & passim Lutherani, 2. Quasi dicat: Episcopus simul non habeat multas Vxores, vt Iudæi permissu Dei habuerunt, sed vnam tantum, ita tamen vt illa mortuâ aliam & aliam & multas habere possit successiuè. Ita Magdeburgenses cum Caluino. Verum Respondeo: Secundum, nullo modo dici potest; quia certum est, Polygamiam ante Christi tempora tam apud Gentiles, quàm Iudæos fuisse abrogatam, adeò vt Polygami jam tunc plane fuerint infames, ut constat ex multis Legibus. Ergo frustra Paulus monuisset, non debere esse Polygamos Episcopos, cū absolutè nullus, ne quidem Laicus Polygamus esse posset. Itaq; cum Paulus exigit, vt Episcopus sit vnius Vxoris vir, proculdubio sermo illi est de vna Vxore, qualiter Laici successiuè solent ducere. Quo pacto Respondeo ad primum: Cum Apostolus loquatur, de vnica Vxore, quæ successiuè duci solit, certum est eum intelligere Episcopum vel in præsentia tantum

tum habere debere vnā Vxorē, vel tantum vnicā habere debuisse, Virumuis dicatur, neutrum est contra nos. Quo ad primum enim fatemur, etiam Antiquissimis Apostolicis temporibus Viros conjugatos sæpius in Episcopos assumptos fuisse, idq; propter cælibum raritatem: Sed tales tunc ab Vxoribus debebant mutuo consensu abstinere, & erant in ipso conjugio continentes. Iuxta illud Pauli ad Tit. 7. *oportet Episcopum esse hospitalem, continentem.* Cum autem illa raritas & consequenter necessitas jam cesset, nō amplius etiam tales assumuntur quamuis assumi possent, si Coniuges Continentiam consensu mutuo vouerent. Verum de talibus Apostolum non loqui certum est. Vt quid enim diceret Episcopum oportere esse Virum vnius Vxoris, si nunquam ea uti posset? Loquitur ergo de secūdo Episcopum videlicet nullum posse eligi, qui plures olim quā vnicā Vxorē habuisset, hoc est, Monogamum, adhuc capacem Episcopatus esse; non Polygamū. qui sensus probatur, 1. quia sic omnes Ecclesiæ primitiue, Patres, hunc locum D. Pauli explcant. 2. quia Ecclesia hoc Diui Pauli dicto mota, nunquam Polygamum ordinauit Episcopum sine particulari dispensatione, nec vllum Exemplum allegare possunt Aduersarij.



sarij. 3. quia eadem formulâ loquendi Paulus vtitur. 1. Timoth: 5. 9. *Vidua eligatur non minus Sexaginta annorum quæ fuerit vnus Vxor &c.* Ergo sicut in hoc loco, excludit ab officio Diuino Viduam, quæ fuerit plurium Maritorum Vxor: sic etiam in nostro Loco de quo modo controuertimus, excludit ab Episcopatu virum, qui fuerit plurium Vxorum Vir.

Certus igitur hic sensus est, & à totâ primitiua Ecclesia scriptis & Exemplis vnanimiter receptus, nec vnum Ecclesiæ Doctorem assignare possunt Aduersarij qui hunc locum intellexerit de præsentî Coniugio Episcoporum.

Obseruandū autem est quando asserit Apostolus Episcopū oportere vnus Vxoris Virū esse, non eum, hanc Episcopi dotem positiuam; sed negatiuam tantū intelligere; nō quod præcipiat, vel laudet, vt Episcopus vnā Vxorem habeat, sed si habuerit, vnā tantum habuerit. quod. si nullā habeat, habueritue non ineptum sed aptiorē Episcopatu censendū, vult Apostolus. Vult enim Episcopū eligi; quam possit fieri, castissimū. Nam alioquin ipse Paulus contra hanc peccasset vt potest qui Timotheum, & Titum creauit Episcopos, qui teste S. Ignatio ad Philadelphios perpetuam coluerūt Virginitatem.

nitatem. Vnde patet non fuisse præceptum habere vnam Vxorem, sed fuisse vetitum habere vel habuisse etiam successiuè plures quam vnam Vxorem.

14.

3. Obijcit Brochmannus: *Nunquid non habemus potestatem Mulierem, Sororem circumducendiscut & ceteri Apostoli & fratres Domini & Cephas?* 1. Corinth: 9 v. 5. Ergo Paulus & ceteri Apostoli fuerunt conjugati. Græcè legitur enim ἀδελφὴν γυναῖκα quod vertunt *Sororem Vxorem*. R. illud Græcū dupliciter legi posse. Nam γυναῖκα tam mulierem quamcunq; significat, quàm Vxorem, vt ipsi etiam fatentur Aduersarij. Nunc autem quomodocunq; legendum consent; nihil probant, imò contra illos est. Nam si legamus *Sororem Mulierem* clarum est significare Mulieres fideles quarum liberalitate vel Ministerio iuuabantur in itineribus Apostoli, juxta morem Iudæorum, vt etiam speciatim de Christo legimus Luc: 8. & ita S. S. Patres communiter interpretantur. si autem dicant legendum esse *Sororem Vxorem* tunc nihil euincunt aliud, quam quod Apostoli Vxores habuerint easq; circumduxerint; ita tamen, vt eas tanquam sorores habuerint, & continentes vixerint, quod non est contra nos. Non tamen hoc modo legendum esse probat Matth: c. 19. v. 27 Vbi asseritur Patrem & Ma-



& Matrem, Fratrem, Vxorem & cætera omnia ab Apostolis relicta esse, jmo de nullo Apostolo (solo Petro excepto) ante Conversionem probari potest, quod habuerit Vxorem. ut expressè Tertulianus lib: de Monogamiâ ante medium ubi ait; *Petrum solum inuenio Maritum.* De Paulo certè videtur esse clarum Cor: 7. 7. *Volo inquit omnes esse sicut me ipsum* id est: vellem seu optare si commodè fieri posset, Vos omnes esse Cælibes & continentes sicut ego sum, ut interpretantur omnes S. S. Patres.

15.

Verum primam Explicationē nostram conatur euertere Brochmannus ex scopo quem in his habuit Apostolus. Nam, inquit causam ob quam non circumferat Apostolus reliquorum Apostolorum Exemplo Sororem Vxorem, Paulus allegat eam, ne videlicet grauet Ecclesiam. Iam verò si Mulieres quæ memoratur fuisse in comitatu Apostolorum tales fuisset, quales comitabantur Christum, scilicet necessaria suppeditantes Luc: 8. c. 12. Hac ratione non grauata sed subleuata Ecclesia fuisset.

Sed Respondeo falsum esse eum fuisse Scopum Pauli, quem allegat Brochmannus. Toto enim capite inculcat, & docet suo Exemplo, quam sint vitanda Scandala, narratq; se stipendium & Alimenta Prædicatoribus debita accipere noluisse, idq; majoris

majoris tum meriti tum ædificationis causa.  
 Quasi dicat. Nunquid ego possum circumducere Mulieres Sorores, quæ me alant, sicut faciunt cæteri Apostoli? possum profecto, sed nolo, ne alios scandalizarem. nec inde tamen sequitur quod cæteri Apostoli alios scandalizauerint, circumducendo fœminas, quia ipsi hoc faciebant apud Iudæos, ubi moris erat, & ideo nemo scandalizabatur, ut patet in Christo Lucæ. 8. At Paulus qui apud Gentiles prædicabat scandalum dedisset, si apud eos hoc fecisset. Et hunc genuinum esse sensum, euidenter ex ipso Textu patet.

4. Obijcit. *propter Fornicationem autem unusquisq; suam Vxorem habeat & unaquæq; suum Virum.* 1. Corin: 7. 2. Si unusquisq;, ergo & Sacerdos.

5. Per vnumquemq; intelligi liberum nec voto, morbo, senio, aliove impedimento adstrictum. Leges enim & documenta accipienda sunt pro subiectâ materiâ, & tantum dantur capacibus non impeditis. Sacerdotes verò cum impediti sint, & Voto alio adstricti, non sunt capaces illius documenti: Eis autem qui habiles & soluti sunt, Apostolus non præcipit, sed consulit & permittit, ut si timeant fornicationem, Vxorem ducant, & ductâ utantur potius, quam in periculum fornicationis



nis incidant. Alioquin enim secum pugnet, qui toto hoc Capite Castitatem suadet.

17.

5. Obijcit. prohibitionem Connubii esse Doctrinam Dæmoniorum 1. Timoth. 4. v. 1. 2. 3. Cum autem Catholici Connubia prohibeant & damnent, Doctrinam Dæmoniacam habent.

¶ Falsum esse, à Catholicis Connubia damnari quinimo ab illis honorantur, in-  
euntur; & Matrimonium inter Sacra men-  
ta ponitur. Apparet autem fraudulentum  
Aduersariorum Sophisma, qui argumen-  
tantur à dicto secundum quid, ad dictum  
simpliciter. Hoc modo. Pontifices Cle-  
ricis prohibent Nuptias, ergo prohibent  
Nuptias, quod carpit hic Apostolus. Pe-  
rinde enim est, ac si dicam. Senatus vetat  
ne Sartores in Ciuitate exercent Artem  
murariam: Ergo Senatus vetat Artem  
murariam. Quæ argumentatio quam sit  
absurda, quis non videt? eodem modo si  
Imperator nolit ad Militiam admitti Cle-  
ricos, Doctores, Medicos, Theologos &c.  
Num ideo prohibet Clericatum, Medici-  
nam, Theologiam &c? Ergo, à simili, licet  
Ecclesia certis personis non permittat Ma-  
trimonium non ideo tamen Matrimonium  
prohibere dicenda est Loquitur autem hic  
Apostolus contra Saturninum, Ebionem,  
Marcionem,

Marcionem, Seuerianum & alios eorum temporum hæreticos, qui nubere & generare à Sathanâ dicebant esse. ideoq; absolute & simpliciter omne Matrimonium damnabant. Catholici econtra, omni homini liberum esse censent, vt rem bonam, Sanctam, & ad Bonum vniuersi necessariam. Quod autem aliquibus V. G. Clericis non permittatur Matrimonium inire, non fit aut ratione personarum, aut ratione Matrimonij istis prohibiti: Sed ratione statûs cui hoc est annexum, vt quicunq; voluntariè se illi applicare volunt, à Matrimonio abstineant. Atq; ita Connubium nulli est prohibitum, sed tantum, si libere status talis est assumptus, qui cum connubio non consistit, jubetur id seruari, quod tali statui annexum est.

6. Obijciunt alij: *Non est bonum esse hominem solum; faciamus ei adiutorium simile sibi.* Gen: 2. v. 19. Quod dictum si non spectet etiam ad Sacerdotes, Sequitur eos non esse homines Respondeo. Si vera hæc sequela esset, etiam eodem modo deduci posset inde, illa 144000. quæ teste Ioan: Apo: c. 14. v. 4. sequebantur Agnû, Virgines enim erant, non fuisse homines. Item Paulum dum. 2. Corinth. 7. v. dixit. *Bonum est homini Mulierem non tangere* non fuisse de homine locutum. Imò omnes qui in



qui in Cælibatu de facto viuunt, homines non esse. Illud igitur pronunciatum Dei, eò tantum tendit, vt per hoc significaretur ad multiplicationem generis humani, tunc temporis Viro fuisse necessariam confor- tem: quæ necessitas cum non vrgeat, hoc tempore quo Apostolus affirmat: *Bonum esse homini Mulierem non tangere*, etiam contra Cælibatum dictum domini illud non vrget, sicut nec aliud quod adducere solent Aduersarij: *Crescite & Multiplicamini* Gen: 9. vers: 1. Quibus verbis nihil homini DEVS præcipit; Sed tantum illi benedicit, & licet hæc verba fateremur esse præceptum: tamen mandatum hoc tantum dirigeretur ad humanum genus in communi, non autem ad singulos in particulari. Nam cum Aduersarij fateantur, etiam suos Prædicantes Cælibem vitam posse ducere eosq; laudent, si qui hoc faciant, ipsi quoq; asserere coguntur nullum in his verbis intercedere præceptum, sed tantum Benedictionem.

Hæc sunt præcipua quæ contra Catholicam Doctrinam de Cælibatu Clericali protendunt Aduersarij, quibus omnibus facile discussis manet intacta Ecclesiæ Romanæ Doctrina, & Castitas Triumphat.

DE

CONTINENTIA ET CASTITATE.

DEMONSTRATIO X.

Quâ ostenditur Lutheranam Ecclesiam non esse veram Ecclesiam, quia docet Statum conjugalem præstantiorem esse castitate, quam tota Primitiva Ecclesia conjugio præstantiorem esse semper credidit & docuit.

## CAPUT I.

*Ecclesia Primitiva Continentiam Conjugio præstantiorem affirmat.*

**N**on est hic nostri instituti in Continentiæ laudes excurrere, aut probare eam in Ecclesia Primitiva laudatam & tanquam magnum bonum  
 T magno



L.

magno in pretio habitam fuisse: nemo enim aduersariorum id negat, & omnium Sanctorum libri atque volumina nec non exempla & ipsa Sacrae litterae id disertissime asserunt, probabimus ergo Continentiam Simpliciter longè praestantiorē & praemio digniorem esse conjugio, quod cum passim Aduersarij negent in carnem & libidinem proni, audiant Ecclesia verae Primitivae ea de re sensum & certissimam doctrinam.

A: 170

Theophilus Antiochenus lib. 2. Alleg. in Marc. *Hi sunt qui super terram bonam seminati sunt, qui audiunt verbum DEI & faciunt fructum tricesimum quod ad Conjuges pertinet: aliud Sexagesimum quod ad vi-  
duas respiciens dicit; aliud centesimum Vir-  
ginibus fructus iste conuenit.*

An: 200.

Clemens Alexandrinus lib. 4. Strom. mysticè nos docet Apostolus, eam quae vera gratia est electionem, non quod alia tanquam mala reprobet, sed quod bonis censeat esse meliorem significauit dicens: qui matrimonio iungit Virginem suam benè facit, & qui non iungit melius facit.

An: 200.

Tertullianus lib. 1. contra Marcion. c. 19. *Sanctitatem sine damnatione nuptiarum nouimus & sectamur & praeferrimus, non ut malo bonum; sed ut bono melius, non enim proiciamus, sed deponimus nuptias, Item lib. 5. Con-*  
*tinentiam*

continentiam & Virginitatem nuptijs antepono  
& alibi sepe.

Ammonius Alexandrinus in Harmoni:  
4. Euang: c. 9. difficultate attentâ quâ in-  
cidit in re uxoriâ, calibaturn prætulit. Eun-  
chos esse nonnullos testatus, qui se castrarent  
regni celestis gratiâ.

An: 230.

Cyprianus de disciplina & habitu Virg:  
Multi Spadonum more viuentes castrantur  
ad regnum, nec hoc iubet Dominus sed hortatur.  
verum cum habitationes multas apud Patrem  
suum dicat, melioris habitaculi hospitium de-  
monstrat; habitacula ista meliora vos petitie  
Virgines.

An: 250

Et Sermone de Natiuitate Christi. Et-  
si bona sunt & à Deo instituta conjugia, melior  
tamen est continentia & Virginitas excellen-  
tior, quam non cogit necessitas, aut manda-  
tum; sed perfectionis suadet consilium.

Zeno Veronensis Serm: de Contin:  
Nuptias non condemno, sed nuptijs meliori  
prepono, & quidem etiam Apostolo sic hortante:  
dico autem innuptis & viduis bonum est  
illis, si sic permanserint sicut ego. Jam  
te hic Christiane cognosce, elige quod velis:  
remedium, an sanitatem.

An: 260

Eusebius Cæsarensis lib. 4. Virz Con-  
stant: ca. 26. Alij sine liberis viuunt; non  
quod sobolis propagationem successionemq; ab-  
horreant, sed quod acerrimum perfectionis

An. 320.



amorem muliebri connubio anteponant.

An: 370.

B filius Magnus lib. de vera Virginitate: Conjugium naturale est, ubi etiam lex convenientia natura disponit. Virginitas vest supergressa naturam, legis vincula non tenetur adstricta, quae incorruptionis excellentem virtutem Creatori & Auctori legis jure pretiosi muneris offert & ubi praeium Caelitatis describit.

An: 370.

Ambrosius Epist. 81. Neque, verò nos negamus Sanctificatum à Christo esse Connubium, divina voce dicente: erunt ambo in carne una, & in uno Spiritu, sed prius est quod nati sumus, quam quod effecti; multoque praestantius divini operis mysterium, quam humana fragilitatis remedium. Et paulo post, bonum Conjugium per quod est inventa humanae successionis posteritas. Sed melior Virginitas, per quam regni Caelestis hereditas acquisita, & caelestium meritorum perpetua successio.

An: 380.

Gregorius Nanzianzenus carmine de Pudicitia.

Bonum ligari nuptiis castè modò

Deo, plus des quam thoro connubij.

At praestat esse liberum vinculis tamen.

Deo, totum, rebus & superis dare.

Item Orat: 1. bonum est matrimonium, sed quod virginitate praestantius sit, dicere non possum: neque enim magnū aliquid esset Virginitas

nisi re aliqua bona melior & praestantior esses.

Cyrillus Hierosolymus: Catechesi 4. An: 380.

Conjugium argento, Virginitatem auro comparat & Catechesi 15. Inscriptum est inq. it. omne conjugium recte custoditum: inscriptum est Continentia propter Deum instituta, praecipuam enim coronam inscripsit habet Virginitas, cujus gratia luccbus sicut Angelus

Syricius Epist: ad Mediolan: Eccl: Ex- An: 385.

tat apud Ambrosi: Epist: 80 Nos sane nuptias aspernantes non accipimus, quibus velamine intersumus, Sed Virginum nuptias DEO devotas majore honorificentia veneramus.

Hieronymus ad Eutroch: de custodia An: 390.

Virginit. c. 8. dicat aliquis, ut audes nuptiis detrabere, quae à DEO benedicta sunt? non est detrabere nuptiis, cum illis Virginitas antefertur, nemo malum bono comparat: gloriarentur & nuptiae cum à Virginitatibus sint secundae, & alibi fusc.

Gaudentius de Lectione Euang tract. 1. An: 390

Benedixit ergo quod constituerat à primordiis legitimum Christus conjugium, dum pergere ad nuptias non renuit invitatus: & tamen Virginitatem docuit esse meliorem, dum magis per eam nasci dignatur.

Ioannes Chrysostomus lib de Virginit: An: 400.

cap. 10. mihi ipse persuadeo Virginitatem conjugio multo praestantiorem esse, neq. tamen propterea conjugium in malis pono et cap. 11.



*Virginitas est bonum, id ego quoque fateor, atqui nuptijs etiam melior, & istud tibi assentior; ac si tibi illud adjungam, tanto nuptijs eam prestare, quanto cælum terræ, quanto hominibus Angeli antecellunt, ac si quid prætereā audendum, est etiam magis &c.*

*An: 400.*

Augustinus de Sancta Virginit. cap. 21. Nos Secundum scripturarum Sanctarum fidem, sanamque doctrinam, nec peccatum esse dicimus nuptias, & earum tamen bonum, non solum infra Virginalem, sed etiam infra virginitatem continentiam constitutum. &c.

2.

Quid enumerem innumeros alios quorum hac de re testimonijs volumina omnia plena sunt? patet ergo Ecclesiam Apostolicam Primitivam quæ 400. primis à Christo annis floruit, semper credidisse Virginitatem, & Continentiam, in se longè præstantiorem & præmio digniorem esse quam sit conjugium; cui cum ex opposito diversum sentiant, ac doceant Aduersarij Lutherani; euidenter sequitur, eos a verâ Primitivâ Apostolicâ Ecclesiâ recedere: & consequenter in verâ Ecclesiâ non esse. Catholicos verò primis hac in re Ecclesiæ Apostolicæ vestigijs inhaerentes etiam num certam indubitatam & omnino veram Apostolicam Ecclesiam habere.

## CAPUT 2.

*Confirmatur Sententia Catholica  
statum Castitatis Conjugali præ-  
ponens.*

Duobus modis hanc veritatem  
stabiliemus 1. Sacrarum litterarum  
testimonijs & argumentis ex illis de-  
ductis, 2. Rationum Efficaci-  
tate & robore.

## §. I.

**P**robatur Auctoritate scripturæ. Ad pri-  
mum quod attinet testem adducimus  
Christum qui Math: 19. v. 10. 11. 12.  
dicentibus Apostolis: (ob multa tam diffici-  
lia, quam periculosa quæ de matrimonio  
audierant) *si ita est causa hominis cum uxore  
non expedit nubere.* respondit. *non omnes  
capiunt verbum hoc, sed quibus datum est &c.  
qui potest capere capiat.* quibus verbis aper-  
te significat, sine uxore vivere, seu Virgi-  
nem manere, longe præstantius & illustri-  
us aliquid esse, quam matrimonio jungi.  
quasi dicat, ita est, O. discipuli, ut di-  
citis, non expedit nubere: sed quia hoc  
admodum difficile est, ideoq; neq; omnes  
intelli-

30



intelligunt, & donum hoc Dei est, qui potest intelligere intelligat ita esse, & consequenter hoc faciat, & à matrimonio abstineat, quem sensum ut genuinum & licetæ planè conformem, nemo non passionatus reijcere potest. præfert ergo Christus Castitatem Conjugio.

4.

2. Illustre autem est testimonium Pauli. Corint: 7. quo nihil potest clarius dici. Ac imprimis cum quæsiuissent Corinthii an illæ Virgines, quæ conuertuntur ad Christum manere debeant Virgines? respondet Apostolus 1. 5. Virginitatem nemini præcipi; sed omnibus consuli quasi matrimonio meliorem, idq; ob Sex causas.

1. Est 1. 6. ob necessitatem instantem seu præsentis temporis, quod breue nobis datum est ad lucra non temporalia sed æterna comparanda: hisce autem comparandis tota insistit Virgo.

2. 1. 27. quia conjugatus conjugio quasi vinculo aligatus est uxori; celebris autem solutus est & liber: hinc dicit si solutus es ab uxore noli querere uxorem, quod non diceret, si matrimonium virginitate præstantius esset, ad deterius enim hoc caderetur.

3. 1. 31. Quia Virgo tantum cogitat quomodo placeat Deo, conjugatus diu-

sum

cum habet cor, & curam in vxorem & Deum.

4. *1. 28.* quia cælebs caret tribulatione carnis, quæ est in conjugio.

5. *1. 34.* quia Virgo Sancta est, & corpore, & Spiritu, conjugatus sæpe nec corpore nec Spiritu.

6. *1. 35.* quia Cælibatus facultatem præbet Virgini sine impedimento Dominum obsecrandi, cum conjugatus mille habeat impedimenta deuotionis, & pietatis.

Deniq; Paulus ejusdem capituli *1. 38.* vt questionem omnem decideret vtitur his verbis: *igitur & qui matrimonio jungit Virginem suam, bene facit, qui non jungit, melius facit.* & quomodo dicere posset euidentius, si exprimere vellet quod asserimus?

Versus autem *39.* dum viduis marito defuncto libertatem pronunciat nubendi, aut certe in viduitate continuandi. statim *1. 40.* subjungit *beatior erit si sic permanserit, hoc est sine viro, Secundum meum consilium;* &c ergo beatior siue præstantior conjugio cælibatus est, vt quid enim beatiorẽ prædicaret Viduam, in viduitate permanentem, nisi existimasset viduitatis statum præstantiorem esse conjugali? nisi fortè dicere præsumant Aduersarij, Apostolum suadendo id quod deterius est malum consilium dedisse Ex quibus patet A-



postolum loqui de Virginitate & continentiâ, vt de re modis omnibus conjugio præferenda non solum ad vitanda, huius vitæ incommoda, verum etiam, vt vite statu magis Deo grato, & accepto.

6.

Tandem Castitatis eminentia demonstratur ex præmio quod eidem sacre litteræ designant 1. Sap: 7. 13. *Felix sterilis & incoquinata, quæ nesciuit torum, in delicto; habebit fructum in respectione animarum. Sanctarum & paulò post de Spadone, dabitur ei fidei donum electum; bonorum enim laborum gloriosus est fructus.*

Sap. 4. 7. 1. *O quàm pulchra est casta generatio, cum claritate! immortalis est enim gloria illius, quoniam & apud Deum nota est & apud homines.*

Eccle: 26. 7. 20 *omnis autem ponderatio non est digna continentis animæ Gal 5. 7. 22. fructus autem Spiritus est continentia, castitas. Apoc: 4. 7. 34. nemo poterat dicere cantum nisi illa centum quadraginta quatuor milia: hi sunt qui cum mulieribus non sunt coquinati. Virgines enim sunt.* In his & alijs pluribus Scripturæ locis licet nulla fiat castitatis cum conjugio comparatio, sufficit tamen ad probationem nostram castitati eas tribui laudes, & ea præmia decerni à Divino spiritu, quæ nullibi conjugio vel attributa, vel decreta leguntur.

Hæc

Hæc igitur & similia plurima castitatis  
supra conjugium eminentiam satis stabi-  
liunt.

## §. 2.

7.

**P**robatur eadem doctrina ratione ad  
hominem. Brochmannus testimonijs  
illis convictus fateri cogitur *Calibatum*  
conjugio preferendum in his, qui dono conti-  
nentia diuinitus præditi sunt, non autem in  
omnibus promiscue, qui vruntur. ex quo con-  
cesso tale argumentum deduco: *Caliba-*  
tus in illis qui castitatis donum habent est  
præstantior matrimonio. vt concedit Ad-  
uersarius. Ergo absolute & in se *Calibatus*  
matrimonio est præstantior. probatur con-  
sequencia, quia in nullo potest esse *Castitas*,  
nisi qui donum ejus habet (in ijs enim,  
juxta ipsum, qui vruntur amplius *castitas*  
non est) Atqui in eo qui donum ejus habet,  
*Castitas* matrimonio præstantior est. Ergo  
*Castitas* in omnibus absolute præstantior  
est matrimonio; & consequenter semper  
est præstantior ubicunq; est, cum nullibi  
esse possit, nisi vbi donum ejus est. Et con-  
firmatur. quia matrimonium tam bene  
Donum Dei est, atq; *Castitas*, vt clarè  
significat Apostolus 1. Corinth: 7. 7. 7.  
*unusquisq; proprium donum habet à Deo aliud*  
*quidem sic, aliud autem sic.* vbi consolatur  
Conju.



gatos quod donum, ac statum conjugalem  
 sint amplexi, cum antea potuerint am-  
 plecti virginalem & 7. 17. allocutus Corin-  
 thios fideles dubitantes an qui infidelem  
 conjugem haberent jam Christiana fidei  
 eam abdicare possint, negans ait, *Unicusque  
 sicut diuisit Dominus, unumquemque, sicut volu-  
 nit Deus, ita ambulet, ubi matrimoniū quod  
 etiam cum infidelibus inierant nominat  
 Diuisionē gratiæ & vocationem Dei; quod  
 idem est ac gratia, & donum Dei. Cum  
 ergo matrimoniū sit donum Dei, & etiam  
 Castitas sit donū Dei, & Aduersarij conce-  
 dant in ijs qui donū Castitatis habent Con-  
 jugio præstare Calibatū, manifeste sequi-  
 tur Castitatis Donū absolute præstantius, et  
 se dono conjugali. Si dicas Castitatē esse  
 majus donū statu conjugali, non quia in se  
 & absolute sit præstantius, sed quia rarius &  
 difficilius. Respondeo hoc frustra dici quia  
 non ideo præstantius est, Castitatis donum  
 quia difficilius & rarius est, sed contra ideo  
 difficilius est rarius est, quia in se & absolute  
 est præstantius, major enim & difficilior re-  
 quiritur conatus, ad donum aliquod præ-  
 stantius acquirendum, quam ad aliud  
 quod minus præstans est; hinc fit ut donū  
 matrimonij plures facilius acquirant,  
 quam castitatis. Denique vna ratio sit instar  
 omnium, quod tota ecclesia Primitiua que  
 doctri-*

doctrinam hanc immediate ab Apostolis  
 hausit, constanter senserit semper & do-  
 cuerit Castitatem conjugio præferendam  
 esse, quâ in re cum errare non potuerit, ne-  
 cesse est errare illos, qui contrarium defen-  
 dunt. Verum ad hæc clarius intelligen-  
 da, magni refert illam inter nos & Aduer-  
 sarios sæpe disceptatam quæstionem in  
 medium producere; an cuius serio vo-  
 lontæ & conanti, donum Castitatis conce-  
 datur? pro quo §. m. sequentem his adda-  
 mus.

## §. 3.

*Qui serio volens & conans Castitatem  
 seruare potest.* Negant hanc assertio-  
 nem Aduersarij pertinaciter, nos scri-  
 pturis & ratione nixi constanter affirmamus:  
 Castitatem à quolibet volente, conante, &  
 serio petente libere seruari posse.

Ad quod observandum primo est, quæ-  
 dam à Deo sine hominis cooperatione do-  
 na dari: qualia sunt, sanitas, robur, Pro-  
 phetia, pulchritudo &c. & hæc in potesta-  
 te nostra non sunt, alia verò cum hominis  
 cooperatione à Deo conceduntur, & con-  
 sistunt in auxilio diuino sine quo non pos-  
 semus facere id quod cum auxilio ejus fa-  
 cimus. Talia sunt; perseverare, patientem  
 esse, vincere tentationes, & ejusmodi, quæ  
 verissima Dei dona sunt; nisi enim Deus  
 nos



nos gratiâ sua præveniret excitando; adiuvaret, dirigendo cooperando, &c. nihil boni faceremus quibus tamen non obstantibus, illa ipsa opera, ab humanâ electione pendent, & in nostra potestate sunt; licet enim Deus juvet, non tamen cogit aut necessitat, sed quisque potest eligere gratiam oblatam si vult: ad quod genus donorum Continentiam spectare dicimus.

10.

Alterum quoque observandum est, circa poenitentiam, perseverantiam, fidem aliosque bonos actus duplex Dei auxilium, seu gratiam à Theologis distingui. una sufficiens vocatur, quæ omnibus pro tempore & loco datur. & illa fit tantum ut possimus operari. Altera est efficax, quâ re ipsâ operamur. hæc posterior, est donum Dei singulare; quæ non datur omnibus solus enim ille fidei, v. g. donum habet qui re ipsa credit, sic quoque solus ille donum habet Castitatis, qui re ipsa Castus est, & tales quidem respectu aliorum raros esse notum est, tantum abest ut sint omnes, de his ergo dictum est à Christo; *non omnes capiunt verbum hoc, sed quibus datum est.*

Nihilominus tamen simul verum est, omnes qui volunt: posse continere, quia sufficiens auxilium ad continendum aut ad gratiam impetrandam nulli denegatur; sicut etiam de fide scriptum est; *non omnium est fides.*

ides. 2. Thes. 3. & tamen omnes credere possunt si volunt, cum prædicatur Euangelium; alioquin non peccarent, qui non crederent. De horum auxiliorum differentiis plura dicere non est hujus loci.

II.

His jam obseruatis probandū est Castitatem domum Dei esse, & tamen in arbitrio nostro positam. Quod sit donum Dei jam supra demonstrauius, nec vllus id Aduersariorum negat. Quod autem sit in potestate nostra præueniente & comitante gratia, vt diximus, probatur 1. quia Scripturæ ad continentiam hortantur Math. 19. *Sunt Eunuchi qui se castraverunt propter regnum celorum*, Si autem hoc donum, ita Dei esset, vt non ab electione hominis penderet, dicendum esset: sunt Eunuchi à Deo facti, non verò qui se ipsos castrauerunt, Deinde verba illa Sacra, *qui potest capere capiat*, ad Continentiam hortationem habent, vti & illa Pauli 1. ad Cor. 7. de *Virginibus præceptum Domini non habeo, consilium autem do*, At vero quis sapiens hortaretur vnquam ad id, quod non est in potestate nostra? aut quis vnquam homines hortatus est, vt Prophetæ fierent, ex debilibus robusti, ex turpibus formosi? nec dicat hortationes istas dirigi ad illos qui hujusmodi donum habent, quia illud falsum est. Nam si juxta Aduersarios qui non habent, donum



donum castitatis nequeunt continere, qui habent non possunt non continere, ad quos hæc hortatio spectabit?

12. 2. Ait Paulus 1. Cor: 7. v. 36 quod vult faciat, non peccat si nubat, quibus verbis ad conjugium aut cælibatum liberam dat eligendi potestatem, quam frustra daret si in hominis arbitrio non esset posita eligendi libera potestas.

3. Laudantur & præmiantur Cælibes in Scriptura ut §. 1. demonstrauiamus; at pro operibus extra nostram potestatem positis, non meremur præmium; neq; enim simpliciter ob prophetiam præmiamur.

4. Hæc doctrinâ à simili declaratur: non minus, imò majus donum Dei est Fides quam sit Continentia: de Fide enim Scriptum est Ioan. 6. v. 66. Nemo potest venire ad me nisi fuerit ei datum à Patre meo Et Act: 13. v. 48. Crediderunt quoque etiam præordinati ad vitam æternam Ad Ephesi: 1. v. 8. gratiâ estis saluati per fidem, & hoc non ex vobis, DEI enim donum est & tamen possunt omnes qui volunt, credere, & rectè ad fidem omnes exhortamur, quamuis credere non possint, nisi præueniente & cooperante DEI gratiâ iuventur. sicut ergo credere, vel non credere, liberum cunctis est (nam frustra hortaremur si credere illis liberum non esset) licet fides maximè DEI donum

donum sit, ita etiam unicuique liberum erit continere, vel matrimonio conjungi quamvis Continentia magnum Dei donum sit.

5. Absurdum quod ex sententia Aduersariorum clare sequitur, deberet ab hac omnes detertere. Nam sit quisquam qui Anno trigesimo ætatis, ut sæpe fit, matrimonio jungatur, quia citius non potuit peto, an toto præcedente tempore donum Castitatis habuerit an non? si habuit, non potuit sine crimine uxorem ducere, neque id illi fuit liberum, nam qui verè donum Castitatis habent, non possunt non casti permanere, ut ipsi fatentur Aduersarij (alias donum castitatis non haberent) Et illud reiicere sine crimine non possunt, Si verò toto illo tempore non habuit donum Castitatis, & grauitè interea carnis stimulis tentatus fuerit; aut si in matrimonio existens stimulos eisdem sentiat, infirma vel absente Coniuge, poterit tunc impunè liciteque fornicari, & machari, quia cum non habeat Castitatis donum, castus permanere nequit, aut si possit hisce stimulis impudicis sæpè, & tanto tempore liberè resistere per preces Deo fusas, ut asserit Brochmannus; Cur hoc non possit liberè tota vitâ facere, toties ad Deum recurrendo, quoties à carne periculum offertur! ita profectò S. Paulus stimulis huiusmodi agitatus cum



DEI gratiâ semper potuit resistere. Respondet Brochmannus in hoc casu mariti, qui absentem vel infirmam habet conjugem, posse eum cum successu confugere ad preces pro dono continentie obtinendo: quod donum tunc est necessarium, & ejusmodi precatio in necessitate divinæ promissioni superstruitur, de exauditione in rebus planè necessarijs Luc: 11. 7. 3. 6. Ioan: 13. 7. 13. 14. cum enim tunc non liceat marito conjugium dissolvere, nec apud alias remedium vitionis querere, tenetur permanere continens, ergo necessaria est illi Castitas quam teneatur petere infallibiliter eam consequuturus.

14.

Sed contra 1. tam forti vinculo ligatur qui votum Castitatis habet, quam qui conjugio ligatus est, ergo qui votum habet non minus tenebitur in casu vitionis per preces confugere ad DEUM, pro dono castitatis retinendo, quàm is qui conjugio ligatur & si maritus absente vel infirmâ conjugem ex vi promissionis DEI, poterit obtinere donum Castitatis pro tempore quo in necessitate est, etiam poterit ex eadem promissione donum istud voto obligatus obtinere, pro eo tempore, quo in pari necessitate est: quod cum sit perpetuum perpetuo obtinere poterit.

15.

Contra 2. falsum est quòd hic supponit Aduersa-

Aduersarius videlicet in rebus necessarijs  
petendis certam aliquam promissionem  
factam esse, neq; enim in illis locis Luc:  
11. v. 9. *petite & accipietis* Et Ioan: 13. v. 13.  
14. *si quid petieritis Patrem in nomine meo*  
*dabit vobis,* vllibi additur *in re necessa-*  
*ria.* hinc nullibi legitur in Scripturis pe-  
tenti fidem, Spem, Charitatem aut conti-  
nentiam conjugalem, promissionem ali-  
quam infallibilem ac particularē factam  
esse. verum quidem est, promissiones istas  
generales, requirere quasdam condiciones  
certas, inter quas tamen non est, ut res quæ  
petitur sit necessaria ad salutem; sicut absq;  
vlla auctoritate supponunt Aduersarij, sed  
requiritur ut id quod petitur, saltem sit vti-  
le ad salutem, & secundum Dei volunta-  
tem teste Ioanne: 1. C. 5. v. 14. 15. *quodcumq;*  
*petierimus secundum voluntatem eius, audit*  
*nos, & scimus quia audit nos quicquid petie-*  
*rimus, scimus quoniam habemus petitiones*  
*quas postulamus ab eo;* quid clarius dici po-  
test? Huiusmodi autem, inter alia quoq;  
donum Castitatis est, quod secundum Dei  
voluntatem & nostram utilitatem esse, pa-  
tet inde quod Christus continentiam lau-  
dauit, suaferit, & maxima ei præmia pro-  
miserit, vt supra demonstrauius. imò &  
post votum nobis eandem esse necessa-  
riam, constat ex obligatione, quā ad votum



tenemur adimplendum, juxta illud Psalmi 75. *¶ 2. vouete & reddite Domino DEO vestro*, ex quibus omnibus euidenter constat, cuilibet volenti, conanti, & per debita media petenti donum Castitatis, liberum esse illud, consequi, non minus quam alia dona omnia supernaturalia, qualia sunt, credere, sperare, diligere. Et sicut illa cum Dei gratia perpetuo retinere possumus, ita & vnumquemque posse cum eadem gratia perpetuam seruare Castitatem, quod ita esse, tota vera Ecclesia Primitiua credidit & innumeris exemplis confirmauit.

## CAPUT 3.

*Refelluntur obiectiones Aduersariorum.*

16.

**C**ONTRA ea quæ § 1. & 2. docuimus, Castitatem videlicet Coniugio præstantiorem esse, varia obijciunt non tam nostri, quam Castitatis Aduersarij.

1. Ille status longè optimus censetur qui diuinitus in Paradyso institutus est, talis est status conjugalis, ergo. Sed contra, admitta maiore, sic subsumo: sed talis est status Virginalis, ergo; Adam enim non jam conjugatus, sed Virgo est Creatus.

2. Vrgent

2. Virgent illud Apostoli Hebr: 13. v. 4.  
*Honorabile est conjugium in omnibus & thorus  
 qui lavatur, seu immaculatus.*

3. Legitimam viri & feminae conjun-  
 ctionem Apostolus appellat *magnum my-  
 sterium* conjunctionis Christi & Ecclesiae  
 Ephes. 5. v. 31. Et prudens vxor à diuino  
 Spiritu vocatur peculiare Dei donum.  
 Prou: 19. v. 4. Et in Conjugio castè viuen-  
 tes vocantur Sancti. 1. Thes: 4. v. 3. 1. Ti-  
 moth: 2. v. 5. Tit. 2. v. 4. 5. adeo vt non  
 minùs mulier, quæ in fide, dilectione, &  
 Sanctificatione permanet, dicatur saluanda  
 per filiorum generationem. 1. Timoth: 2. v.  
 ult: quam Virgo quæ se corpore & animâ  
 impollutam seruat.

Verum respondeo omnia hæc Scripturæ  
 loca nihil omnino contra doctrinam no-  
 stram facere solum enim probant conjugium  
 rem bonam, laudabilem, & Sanctam esse,  
 quod Catholici omnes fatemur, & appro-  
 bamus, & Conjugium vt rem omnino Sanctam,  
 & à Deo institutam commendamus; per hæc  
 autem Scripturæ testimonia ne quidem  
 verosimiliter probatur Conjugium Casti-  
 tati præferendum esse, quod aduersarijs  
 maximè probandum incumbit. Conju-  
 gium ergo donum Dei bonum est, sed  
 longè melius est Castitas, sicut Patrum  
 Auctoritate & totius Ecclesiae Primitiue  
 testimonio



## DE CONTINENTIA

testimonio nec non rationibus superius  
demonstrauimus.

18.

At vero contra illa, quæ §. 3. docuimus  
videlicet vnumquemq; serio volentem &  
conantem, posse consequi Castitatem, plu-  
cula obijciunt.

1. Dictum Christi: *non omnes capiunt  
verbum hoc sed qui potest capere capiat* Math.  
19. 11. dicunt enim hoc loco per *verbum  
capere* non significari *intelligere* vt supra  
explicuimus, sed significari commodè,  
conuenienter capere, seu capacem ad in-  
telligendum esse, vt fit sensus: *non omnes  
sunt capaces verbi huius, qui est capax ille  
capiat.* Huius autem sermonis soli sunt  
taliter capaces Eunuchi, vel qui ab homi-  
nibus facti sunt; vel qui se ipsos castrauer-  
unt propter regnum Dei: Et confirmant  
quia lasciuia multi adolentes satis intel-  
ligunt, quantas secum molestias vita con-  
fugalistrahat, non tamen istum capiunt de  
vita calibe sermonem, eò quod capaces  
non sint, atq; ideo non est liberum illis caste  
viuere, quia non est liberum vnicuiq; capa-  
cem esse, hoc est, verbum hoc conuenien-  
ter capere, Sed Eunuchi quibus peculiariter  
donauit DEUS.

19.

Verum in per verbum illud *Capere* hoc  
loco significari, intelligere vel animo  
comprehendere docent Omnes Ecclesie  
Primitiue

Primitiuz Doctores, quibus potius est standum, quam hominibus aliquot obscuris & per paucis.

2. Verbum illud (*non omnes capiunt*) non significare *non esse capaces omnes*, aperte patet ex eo, quod alias in eadem periodo Christus sibi contradiceret, nam dum paulo post dicit, esse Eunuchos, qui se castraverunt propter regnum Cælorum, clarè dicit vnicuiq; liberū esse, se castrare id est, castè viuere, quod non esset verū, si vnusquisque non esset capax verbū istud capiendi.

20.

3. Demus verba hæc, *non omnes capiunt*, habere sensum quem dicunt Aduersarij, tunc dicim⁹ Christū significare non omnes esse capaces in actu secundo, vt Theologi loquuntur: quia non omnes actualiter castitatem sunt amplexi, sunt tamen capaces in actu primo, hoc est, omnes sunt capaces, vt castè viuant si velint.

2. Obijciunt illud Pauli 1. Cor: 7. 7. *Vnusquisq; proprium donum habet ex DEO, alius quidem sic, alius autem sic.* Ergo in-quiunt, debet vnusquisq; viuere iuxta donum quod accepit, & consequenter qui accipit donum matrimonij, non est in potestate ejus non ducere uxorem, & contra.

21.

Respondeo verum quidem esse, vnumquemq; postquam electionē ex arbitrij sui libertate fecit, debere donū quod accepit viuere.



viuere contentum, quod memoratis verbis  
 indicat Apostolus, non tamen inde sequi-  
 tur. ante electionem non esse cuiq; libe-  
 rum accipere conjugij vel castitatis donū.  
 Deus enim singulis electionem liberam  
 relinquit, vt vel matrimonium, vel Cæliba-  
 tum eligant (ad verumuis enim neminem  
 necessitat) vbi autem alterutrum Dei gra-  
 tia vocatus elegerit, alterum dat donum,  
 vt videlicet in electo statu possit conueni-  
 enter viuere; castis, vt caste: conjugatis, vt  
 castè conjugaliter. de hoc autem dono lo-  
 quitur Apostolus, vt videlicet cum eo quod  
 sic accepit vnusquisq; , post electionem vi-  
 uat contentus, juxta illud ejusdem, *unum-*  
*quemq; sicut vocauit DEUS ita ambulet.*

21.

3. Obijciunt ejusdem cap: *1. 2. propter*  
*fornicationem autem vnusquisq; uxorem suam*  
*habeat.*

R. si hoc quidpiam probaret, probaret  
 nimis multum. Sequeretur enim omnes,  
 etiam illos qui certò donum Castitatis ha-  
 bent, uxorem debere ducere: quod nec  
 Aduersarij admittunt, imò & morbo, se-  
 nio, alioue impedimento adstricti & o-  
 mnes alij simul atq; per ætatem capaces es-  
 sent, debere copulari; quod penitus absur-  
 dum est.

Dicendum ergo, Paulum hic alloqui  
 solos conjugatos, non autem eos, qui sunt  
 Cælibes.

Cælibes, de his enim tantum loqui incipit  
 8. 5. probatur ex eo, quod hic dicit, *habeat*  
 non autem *ducat*, quia scilicet loquebatur  
 illis, qui jam duxerant uxores, q. d. Vnus-  
 quisq; conjugatus uxorem suam habeat,  
 id est, habere pergat, non repudiet, eaq;  
 castè utatur, si enim Cælibes fuisset allocu-  
 tus, ipse sibi contradixisset, ut pote qui toto  
 eodem capite Castitatem suadet, si tamen  
 aliquis contendat, hæc ad Cælibes etiam  
 pertinere: dicendum est, cum non man-  
 dasset, sed permisisset & suasisset, ut si quis-  
 quam habilis & capax, in fornicationem  
 incidere timeret, potius uxorem duceret,  
 quam ut in hoc flagitium labatur, non au-  
 tem hoc fuisse Virginibus omnibus man-  
 datum, patet ex toto Epistolæ decursu, ubi  
 contrarium ubiq; suadet, clarè asserens se  
 nullum habere de Virginibus præceptum.

4. Obijciunt. 8. 9. *Si non se continent,*  
*melius est enim nubere, quam vri*, ergo de-  
 bent omnes nubere quia hoc melius est  
 quam vri.

Respondeo de solutis ac non impeditis  
 hic agere Apostolum, neq; verbum *vri* hic  
 significat tentari libidinis ardoribus aut  
 simpliciter calere, quasi diceret, melius  
 esse nubere quam aliquas tentationes pati:  
 Sed verbum *vri* significat, libidinis flam-  
 mis vinci, cedere, & consentire; nam *vri*  
 dicitur



dicatur ab igne, non qui ejus calorem sentit, sed qui ab eo laeditur, & actualiter aduritur, sic Ecclesiae Primitivae Patres secuti verbi proprietatem explicant: atq; ita melius est uxorem ducere, si continere nequeat, quam fornicari, & machari. quod si tamen absolute velit aliquis, hæc esse dicta non solum liberis, sed etiam voto tunc ligatis;

Respondeo hoc quoq; verum esse posse in hoc sensu, quod minus peccent Virgines voto simplici Castitatis adstrictæ si nubant, quam si continuo in fornicatione vivant, nam si contra votum nubant, validum est matrimonium, & semel tantum peccant non servando votum, si verò permanente voto fornicentur, toties peccant quoties fornicantur. atqui minus malum semel peccare tantum contra votum nubendo, quam sæpe contra votum fornicando. ita S. Aug: l. de Virginitate. c. 34. quem sequitur Cornelius à Lapide hic.

5. Obijciunt illud I. Timoth. 5. 14. *volo ergo juniores nubere, filios procreare, matres familias esse.* &c. de viduis hic Paulo sermo, ut ex toto contextu patet, illis ergo, quia conjugij habitum difficiliorem & periculosiorem habent ad Continentiam, quam Virgines, pro remedio incontinentiæ suadet & offert nuptias, si voto non sint.

sine opſtriſta; quod magis optabat, eò  
 quod multarum inconstantiam expertus  
 eſſet, quod indicatur per particulam illatiuā  
 ergo, cum ait. volo ergo iuniores nubere, quia  
 ſcilicet multe cum luxuriata fuerint in  
 Chriſto nubere volunt, nam illas quæ Con-  
 ſtantiam & continentiam ſatis probaſſent,  
 voluit Apoſtolus continere, & manere  
 Cælibes vt patet verſu. 8. dico inquit

*non nuptiis & viduis bonum eſt illis.*

*ſi ſic permaneant ſicut & ego.*

ET ADDIT, quod ſi ſc-

*non continent, nu-*

*bant.*







DE

CULTV AC VENERATIONE  
SACRARVM IMAGINVM.  
DEMONSTRATIO. XI.

**Lutheranam Eccle-**  
siam non esse veram Ecclesiam,  
quia negat vllum cultum ac Venera-  
tionem Sacris Imaginibus deferen-  
dam esse, quam Ecclesia ve-  
ra primitiua semper de-  
tulit, ac deferri debe-  
re credidit &  
docuit.

## CAPUT I.

*Ecclesia vera primitiua SS. I-  
mages coluit & venerata est.*



Estes hujus Assertionis  
sunt præcipui Ecclesiæ Docto-  
res, qui Cultum Imaginum  
Traditionem Apostolicam vo-  
cant. Ac imprimis,

Achana-

SACRARVM IMAGINVM. 318

I.

An. 340.

Athanasius Alexandrinus Interrogationum & Responsionum ad Antiochum Principem c. 38. Absit, ut quemadmodum Græci faciunt, nos Christiani tanquam Deos Imagines adoremus. Affectionem duntaxat & Charitatis nostræ studium erga figuram personæ per Imaginem expresse declaramus &c. & paulò infra: Nos Christiani non aliâ ratione Imagines colimus, nisi quemadmodum etiam cum Filios nostros & Patres osculamur, Animi nostri desiderium indicamus. Sicut & Iudæus olim Legis Tabulas, & Duo Cherubim aurea, & sculptilia adorabat, non lapidis aurique Naturam colens, sed Dominû qui ea ut fierent, præceperat.

Basilius Magnus contra Iulian: Histórias, inquit, Imaginum illarum honoro & palam adoro, hoc enim nobis traditum à Sanctis Apostolis, non est prohibendum &c.

A: 370.

Helladius Cæsariensis in Vitâ S. Basilij. Pius Vir, Domine nostra adstabat Imagini, in quâ etiam Mercurij celebris Martyris figura descripta erat: adstabat autem supplicans &c.

An: 380.

Hieronymus Epist: 17. ad Eustoch: De Epith: Paulæ: Prostrata ante Crucem, quasi pendentem Dominum cernebat, adomabat.

An. 390.

Ioannes Chrysostomus in Liturgiâ. Ierdos autem egreditur portans Euangelium, præcedente Ministro, cum Lucernâ, & conuersus

A: 400.



uersus ad Christi Imaginem, Caput inclinans  
 &c: & dicit hanc Orationem &c.

An: 400. Augustinus Lib: 3 de Trinit: c. 10. Lo-  
 quens de Imaginibus, & alijs Sacris signis:  
*Sed quia, inquit, hec hominibus nota sunt,  
 quia per homines fiunt, honorem tanquam reli-  
 giosa possunt habere, stuporem tanquam mira  
 non possunt.*

An: 440. Sozomenus l. r. c. 20. Narrat Iulianum  
 Apostatam curasse Casaræ Philippi, de-  
 jici Statuam Christi, & ejus loco erigi  
 suam. Sed illa quantocyus fulmine tacta  
 dissiliit. quo facto in furorem concitati  
 Ethnici, priorem Statuam, Christi traxe-  
 runt, & in partes fregerunt: cujus frag-  
 menta, ait, à Christianis religiosè & cum  
 veneratione collecta in Ecclesiâ posita, ubi  
 viuente adhuc Sozomeno, custodieban-  
 tur.

A. 500. Auctor Librorum de Visitatione Infir-  
 morum, inter opera Augustini lib. 2. c. 3.  
*Habent Christianorum Arcana Dominica  
 Crucis quasi quoddam venerabile Monumen-  
 tum, quod de Crucis ipsius Imaginatione  
 Crucem cognominant: quod & nos omni vene-  
 ratione dignissimum censemus, & ad recorda-  
 tionem Crucifixi nostri veneramur, Adiecit ut  
 etenim super Crucem iniri patientis Imago,  
 per quod Salutaris Iesu Christi nobis remou-  
 eatur Passio: hanc complectere humiliter, ve-  
 nire suppliciter &c.* Greg.

Gregorius Magnus lib: 7. Epist: 5. Lo- An: 59.  
quens de Imagine B. Mariæ & Cruce, quæ  
positæ fuerant, in Synagogâ Iudæorum,  
quas iubet inde auferri, ad Ianuarium Episc-  
op: Caralitani, sic ait: *Hic hortamur*  
*affatibus, ut sublata exinde cum eâ, quâ di-*  
*gnum est veneratione, Imagine atq; Cruce,*  
*debeat quod violenter ablatum est, refor-*  
*mare.*

Omitto innumeros alios subsequendum 2.  
Seculorum Patres, atq; Ecclesiæ Doctores.  
Item Concilia plurima quæ Sacrarum I-  
maginum Cultum, ac Venerationem in  
Sanctâ, & Verâ Ecclesiâ semper viguisse  
testantur. Ex quibus hoc certum deduco.

Cum Ecclesiâ vera primitiua Sacras I-  
magines semper, ac per continuam suc-  
cessionem, docuerit sacro, & religioso cul-  
tu venerandas esse, & verò etiam venerata  
sit; nec Sanctos Patres hunc cultum, ver-  
bis & scriptis inculcantes, vnquam repre-  
henderit; imò e contra leonoclastas semper  
condemnauerit, sequitur Ecclesiam Lu-  
theranam eum cultum sacris Imaginibus  
denegantem cum verâ primitiua Ecclesiâ  
non consentire.

## CAPUT 2.

Cultus



*Cultus ac veneratio Imaginum  
explicatur & confirmatur.*

3.

**S**tatus quaestionis formandus est, qui est huiusmodi: Non quaeritur hic à nobis, an licitum sit Imagines pias, & ex sacris Historijs petitas, in Domibus, Templis, aut Locis publicis sculptas habere, vel exponere depictas. Hoc enim licitum & laudabile esse, ipsi passim Lutherani sentiunt, & docent, ac nominatim Brochmannus de Lege cap: 7. q. 1. ubi fusè contraria Calvinistarum Argumenta rejicit.

Sed quaeritur, an huiusmodi Imagines Cultu aliquo interno vel externo honorare ac venerari liceat. Catholici asserimus juxta Concilium Tridentinum, quod sess: 25. docet hoc, & explicat his verbis: *Doceant Episcopi &c. Imagines Christi, Deiparae Virginis, & aliorum Sanctorum in templis praesertim habendas & retinendas, eiusque debitum honorem & venerationem impertientiam: non quod credatur inesse in ijs diuinitas, vel Virtus propter quam sint colendae: vel quod ab eis aliquid sit petendum; vel quod fiducia in Imaginibus sit figenda, veluti olim fiebat à gentibus, quae in Idolis spem suam collocabant; sed quoniam Honos qui eis exhibetur, refertur ad praeotypa, quae illa representant: ita ut per Imagines*

Imagines quas osculamur, & coram quibus caput aperimus & procumbimus, Christum adoramus & Sanctos, quorum illa similitudinem gerunt, veneremur, id quod Conciliorum præsertim verò secunda Nicæna synodi decretis contra Oppugnatores, est sancitum.

Ex quib⁹ verbis constat 1. Totius Ecclesiæ semper fuisse mentem, & etiamnum esse, Imaginibus cultum ac Venerationem legitimam deberi.

Constat 2. Honorem qui Imaginibus exhibetur referri ad Prototypum, quod illæ representant; ita vt omnis Veneratio ad Christum & Sanctos quorum colimus Imagines, præcipuè terminetur.

Constat 3. nullam diuinitatem, aut Virtutem Imaginibus inesse, & consequenter propter hanc non esse colendas, aut quidquam ab ijs postulandum, quasi illæ nobis aliquid tribuere, aut impetrare possint. Ideoq; venerationem quam eis exhibemus, nullam Idololatriæ Speciem habere, manifestum est.

Gentes enim in Idolis spem suam colloca-  
bant; ab illis quiduis posse se impetrare  
confidebant: ita vt spes eorum omnis, &  
Veneratio, ad hæc opera manuum hominū  
directè semper & immediatè, & vltimatè  
terminaretur.

Nunc autem Sacras Imagines juxta  
hanc



hanc Concilij Tridentini declarationem rectè coli à Catholicis probatur.

Quicquid sacrum ac sanctum est, vt sacrum & sanctum veneratione dignum est, & coli debet. Imagines Christi & Sanctorum sacræ sunt, ac Sanctæ. Ergo veneratione dignæ sunt & coli debent.

*Major Propositio probatur  
ex scripturis:*

6.

1. Certum esse constat ex sacris Literis, idem esse; Sanctum, & veneratione dignum seu venerabile. Nam Exodi 12. 7. 16. dicit Dominus: *Dies prima erit sancta atq; solemnis, & dies septima eadem festiuitate venembitu.* Ergo quod est sanctum, est venerabile, & coli debet.

2. Præcepit Deus quædam adorari, addita causa, quia sancta sunt. 1. Arcam Domini Psal: 98. *Adorate scabellum pedum ejus, quoniam sanctum est.* Per scabellum autem pedum Dei designatam Arcam declaratur Paral: 28. 7. 2. *Cogitui, vt edificarem domum, in quâ requiesceret Arca federis, scabellum pedum Dei nostri.* Itē voluit DEVS honorari locum, in quo per Angelum cum Moyse egerat, addita ratione quia sanctus esset. Exodi. 3. & Act: 7. *Solue calceamenta de pedibus tuis, locus enim in quo stas, terra sancta est.*

3. Constat

3. Constat Deum grauibus intentatis poenis vetuisse ne res quædam Sanctæ, ac sacræ irreuerenter tractarētur; ac inprimis de Arcâ fæderis est clarum, quia morte percussus Oza est, eò quod minus reuerenter Arcam tetigisset. 2. Reg: 6. Item de Vestibus Sacerdotum; de Victimis, & sacrificijs, ac cibis oblati Deo, vt ex pluribus Exodi, Leuitici & Numerorum locis patet. Ex quibus euidenter sequitur veritas maioris Propositionis, videlicet quicquid sacrum & sanctum est, vt tale, dignum est veneratione, & coli debet.

Nunc minor Propositio probatur: quia Sanctum est, quod ex Institutione suâ peculiarem ad Deum, vel Christum relationem habet, & per quod Deus mira dignatur operari: sic peculiarem huiusmodi relationem, habuit Arca; eò quod Scabellum dei esset: sic simbria Christi, quam hæmorrhœissa tetigit, & curata est, maior virtus infuit quam vestium aliarum simbrijs: quia hæc & similia constat ex effectu, Deum magis honorari voluisse, quam res alias. Sed Imagines Dei, Christi & sanctorum peculiarem aliquam relationem ad Deum, Christum & Sanctos ex Institutione suâ habent; cum omnis Imago propria sit, & peculiariter istius cuius est imago. Ita vt quilibet in suâ Imagine erecta vel dejecta

7.



8.

se honorari vel despici intelligat: Ecce mira sæpe per Imagines huiusmodi Deus operatus est, ut constat ex innumeris miraculis, quæ toto Orbe teste, ad Imagines sanctorum facta sunt; ergo Imagines Sanctorum sacre sunt, & sanctæ; & consequenter veneratione dignæ, & coli debent.

2. Cultus Imaginum probatur à cultu Arce, Cherubinis & serpenti æneo exhibito. Constat enim ut supra dixi, Arcam ab israelitis fuisse adoratam. Ios: 7. v. 6. Ante illam cantatum fuisse & saltatum venerationis ergo, 1. Reg: 6. v. 11. 13. 14. 15. 16. 17. 18. 21. 22. quem honorem participabant Imagines duorum Cherubin ex utrâq; parte propitiatorij Arcam regentis constitutæ. *Venerabantur enim* ( ut ait Hieronymus Ep: 17. ad Marcell c. 3. ) *quondam Iudæi sancta Sanctorum, quia ibi erant Cherubin & propitiatorium & Arca Testamenti, Manna & Varga Aaron & Altare aureum.* Unde sic cum promiserit filius Dei homines sanctos futuros, sicut *Angeli dei in Cælo sunt.* Matth. 22. v. 30. Imo æquales Angelis. Luc: 10. v. 26. si fas est venerari Imagines Angelorum, fas quoq; est sanctorum Hominum Imagines venerari. Idem de serpente æneo, qui Christi figura erat, teste ipsomet Christo. Ioan: 3. v. 14. dici potest,

potest, quod honoratus fuerit; erat enim loco sublimi positus ut salutem laevis in se aspicientibus afferret. Si ergo tam Arca, quam Cherubini, & serpens aeneus honorari & coli potuerunt, & de facto culta sunt; cur non idem absq; Idololatriæ notâ dici poterit de Imaginibus Christi Dei & Sanctorum?

*Opponit bis Brochmannus de Lege*

*cap: 7. quest 3.*

1. Arcam negat fuisse honoratam, aut honore villo cultam, sed Deum, qui per Arcam populum admonebat de suâ ibidem præsentia. Verum Respondeo; Brochmannum pro nobis agere. Fatemur enim Deum fuisse adoratum per adorationem Arcæ, siue Arcam fuisse visibile præsentia Dei peculiaris signum, non tamen inde sequitur; ipsam Arcam non fuisse cultam tanquam tale signum, quod scripturæ, locis innumeris testantur; dum asserunt, coram Arcâ omnes Religiosos cultus esse factos, licet illi cultus per Arcam ad Deum referrentur. Ita quoq; affirmamus coram Imaginibus Dei, honoris ac venerationis signa posse & debere fieri quæ primariò ad Deum referantur. Nam (vt ait Agustinus) non hoc veneramur quod videtur & transit, sed illud potius quò talia

9.



*cuncta referenda sunt.* Deinde quia omnem Arcæ venerationem denegat Brochmannus, quæro cur Oza percussus à Deo fuerit, tactâ irreverenter Arcâ? an quia Deum tetigit? an verò quia rem Deo singulariter consecratam? Primum certè non dicet, ergo alterum. Si ergo rem Deo consecratam tangere, punitur morte; manifestè sequitur, oportuisse rei huic aliquid inesse, quod veneratione dignū esset. Hoc autem aliud non fuit, quam quod ad Dei cultum & venerationem singulariter instituta fuerit.

10.

Sed fortè replicabit: de Arcâ constat, à Deo ad hoc institutam esse. Non autem constat de Imaginibus, quas Catholici dignas veneratione censent. Respondeo: Certum esse, Deum, dum præcepit honorari arcam, non præcepisse ullam idololatricam, quam semper detestatus est; ergo præcepit actum aliquem in se licitum & laudabilem, quem omnes imitari possunt. Sed huiusmodi Actus, est etiam Imaginum Sacrarum cultus, ergo cum omnes licitè, & laudabiliter exercere possunt, & debent. Ergo licet in particulari non præceperit coli Imagines; tamen dum præcepit venerari Arcam, præcepit Actum aliquem pium quem in alijs similibus omnes imitari possunt, ac debent. Atq; ita

ita quando Catholici Imagines Sacras venerantur exercent actum Religionis, quem Deus erga Arcam præcepit exerceri.

2. Opponit Aduersarius, Contra serpentem, negando ex scripturis probari posse ullum venerationis signum illi exhibitum fuisse. Imò, ait, ideo ab Ezechia Rege comminutum esse, quia Israëlitarum illum venerati sunt. Sed respondeo licet expresse non reperiatur in scripturis, serpentem fuisse cultum, tamen cum in loco sublimi pro signo positus fuisset, & vera esset figura Christi, Ioan: 3. non poterat tam salutare signum non veneratione colere: ideoq; S. Augustinus, & pleriq; S. S. Patres, quando agunt de religiosis signis, quæ merentur venerationem, semper inter ea serpentem illum numerant. 2. Cum ille serpens postea (vt Calvinus ipse asserit Harmono: in Numeros) *tanquam gratia specialis symbolum, fuit instar pretiosi Thesauri repositus, & multis seculis diligenter seruatus in sanctuario Dei*, euidenter sequitur, eum fuisse ab Hebræis honoratum. Tam sancto enim loco, & honorifico eum reponere ibidemq; multis sæculis seruare, quid aliud est quam veneratione & honore dignum æstimare? Quod autem eum deinde Rex Ezechias comminuerit; non ideo fuit, quia populus eum venerabatur: sed ratio

II.



statim additur. 4. Reg: 18. §. 4. *siquidem usq; ad illud tempus Filij Israël adolebant ei incensum* Cum enim sacrificium sit Latræ & ceteris & quidem, ut consequens est, soli Deo debitus, incensum autem Legis antiquæ sacrificijs, annumeratum esse constet, ex Lib: 3. Reg: c. 12. §. 11. 33. Idq; solis sacerdotibus reservatum, ut ex temerarij Osæ lepra Paral: 26. 17. 18. memoratâ, perspicuû est, ingentis profectò criminis rei fuisse; qui incensum serpenti obtulerunt. Nunc ad alias Rationes Doctrinæ nostræ procedamus.

12<sup>a</sup>

Ratio 3. Certum est ex Epist: Pauli ad Philipp: c. 2. Nomen Iesu venerandum esse. *domante enim, illi Nomen quod est super omne Nomen, ut in nomine Iesu omne genua flectatur, & quotidiana Experientiâ videmus etiam Lutheranos hoc Nomine audito caput detegere, vel illud inclinare. quæ omnia venerationis signa sunt, huic Nomini merito delata.* Ex quo hoc Argumentum formo: Nomen quodlibet (teste Aristotele lib: Periherm: c. 1.) est Imago, seu representatio Rei nominatæ, siue personæ, quæ per hoc significatur; ergo venerari alicujus nomen, nihil aliud censetur esse, quam imaginem alicujus venerari. Quando igitur docet Apostolus venerandum esse Nomen Iesu simul etiam docet Imagi-

nem

nem ejus venerandam esse. Præterea cum aliæ omnes sacræ Imagines ex quacunq; materia confectæ, non minus sint Imagines, quam vocales istæ siue nominales (quin etiam hæ illas superant, quod sculptæ v. g. permanentes sint, Vocales verò fluxæ ac fugaces) sequitur non posse sculptis denegari eum honorem, qui vocalibus debetur.

4. Ad Hominem. Brochmannus de Cænâ Domini asserit Eucharistiam sumpturos genua flectere debere & Hostiam ostensam adorare. Imo V Vratislaviæ praxis est communis vt Prædicante sacra verba pronunciante, & Hostiam vnâ manu exhibente omnes Mulieres in genua procidere & Hostiæ honorem facere consueverint. Nunc ex his aliquem interrogo: Cur hæc signa venerationis exhibes? an quia ibi Christus præsens est? sed hoc in eorum principiis est falsum, cum negent ibi Christum esse ante sumptionem. Ergo dicere coguntur ad Hostiam tanquam ad sacram rem, Christum representantem, hæc signa Reuerentiæ spectare. Alias enim id Idololatriæ reos facient.

5. Deniq; certum est, non dissimilibus ipsis Lutheranis Imaginem Regis esse venerabilem ciuili quodam cultu & honore, & è contrario hujusmodi Imaginem capam



cem esse injuriæ & contumeliæ, adeo vt graui pœna ciuilitè digni censeantur, qui Regis aut Cæsaris Imaginem contumeliâ afficiunt vt patet ex *L. famosi* ad Legem juliam Majesta: & ex Iuris consulto, Scæuolâ Leg: senatus consulto *D. de injurijs* & Callistratò *L. 28. §. ad statuas D. de panis.* Cur ergo Imagines Christi & sanctorum non licebit venerari? & si contumelijs affectæ fuerint, cur non iniuria ijs quorum sunt Imagines censebitur illata? At dices: cum quibusdam Lutheranis his sacris Imaginibus licitum quoq; esse Honorem ciuilem, & politicum deferre, non autem sacrum, ac Religiosum.

14.

Verum respondeo disparitatem esse. Ideo enim Principum Imagines, honore ciuili & politico coluntur, quia Principes quorû sunt Imagines illo tantum & non alio honore coli possunt. Cum autem Deus, Christus, & sancti longè alio atq; eminentiore honore & reuerentiâ colantur; æquum est eorum Imagines non aliquo ciuili aut politico, sed cultu multò nobiliore & altiore coli. Quicquid enim sanctum est, altiori cultu venerandum est, quam prophanum & Ciuile, juxta illud *Leuitici 10. Habeatis scientiam discernendi inter sacrum & prophanum.* His itaq; satis est probatus sacrarum cultus, & religiosa veneratio.

Veneratio. Nunc ad Obiectiones Aduersariorum procedamus.

CAPUT 3.

*Refelluntur Obiectiones  
Aduersariorum.*

15.

**O**bjiciunt 1. Exodi 20. 4. 5. & Deut: 5. 7. 6. *Non facies tibi sculptile, neq; omnem similitudinem, quæ est in Cælo desuper, & quæ in Terrâ decorum, nec eorum quæ sunt in aquis sub terrâ, non adorabis ea neq; coles.*

*Respondeo. 1. Hoc Argumentum ad hominem nimium probare; si enim purè ad literam accipiat, verbis his vetatur, non solum colere Imagines: sed etiam eas facere. Cum autem Aduersarij Imagines admittant, asserantq; eas laudabiliter in Templis poni, asseruari posse, impugnat illos Deus, dum his verbis prohibet Imaginem omnem aut similitudinem ejus fieri. Ergo Locum illum non minus contra se, quam contra nos allegant.*

*Respondeo 2. Finem hujus prohibitionis spectandum esse qui fuit ne hujusmodi imagines in populo adorarentur. Sed opponens: Ita sit; nihilominus ad hunc obtinendum finem, Deus omne sculptile prohibuit*



hibuit, ut ex verbis clarè patet, & euiden-  
tius ex Deut. 4. 7. 15. vbi expressè Moyles  
ait: *Non vidistis aliquā similitudinem in die,  
quā locutus est vobis Dominus in Horeb: nè forè  
decepti faciatis vobis omnem similitudinem  
Ec: & errore deceptus adores ea. & colas quæ  
creauit Dominus Deus Ec:* quibus verbis a-  
deo clarè & vniuersaliter prohibetur o-  
mnis sculptile, vt si Lex omnem profus I-  
maginem vetare voluisset, non potuisset id  
efficacius, quam his verbis fieri. Fateor  
id quidem, ita tamen vt ea prohibitio tan-  
tum aduersarij, qui Imagines admittunt,  
quantum nobis Catholicis repugnet. Quo-  
circa.

15.

Respondeo 1. Legem illam in veteri  
Testamento omnem imaginem vetantem  
non fuisse naturalem, sed merè ceremoni-  
alem, qualis fuit de Sabbatho colendo, &  
plures alie. Legem autem istam tunc  
necessariam fuisse, in causâ fuit summa  
Hebræi populi procluitas, quâ in Idolol-  
atriæ vitium ruebat, Voluit ergo Deus o-  
mnem Idololatræ occasionem possibili-  
lem auferre, omnem omnino imaginem  
vetando.

Cum autem Lex hæc tantum, vt dixi,  
Ceremonialis fuerit, non minus quam cæ-  
tera Ceremonialia, cum Synagogâ est se-  
pulta, statim ab Apostolorum tempore &  
subse-

subsequenti Apostolis vicino; constat enim ab initio Ecclesie & omnibus retro seculis à Viris sanctissimis & vniuersa Christianitate sacras Imagines cultas & honoratas esse, vt luculenter cap: i. hujus Controuersie demonstrauiamus. Quod autem merito vetus & vniuersalis illa Lex, de non faciendis Imaginibus in nouo Testamento abrogata fuerit, ex hac ratione patet; quia quando Lex aliquid propter solum abutū prohibet, quod per se decens est & bonum; vbi cessauerit abusus, cessat Lex, & quod per se decens est & bonum vim suam habet. Sed facere Imagines, Christi, Dei, & Sanctorum, vt easdem honoremus, non minus est decens & bonum, quam facere Imagines Principum à nobis ciuilitur honorandas vt Capite superiori probauiamus. (cedit enim in honorem ipsorum tam Principum quam Sanctorum) ergo Lex illa prohibens Imagines solum fuit per accidens, propter periculum videlicet abusus vniuersalis, quod periculum fuit in Hebræo populo assiduū, ob summam ejus & continuam in Idololatriam procliuatatem. Hæc autem Procliuatitas, cum jam sit in Christiano Populo sublata, & idololatrias ille tenebrarum Spiritus, per Lumen Christianæ Gratiæ ejectus euauerit, quem Prophete per Christum



Christum eijciendum prædixerunt. Zach: 13. Sophon: 2. Nahum. 1. Isa: 30. & jam eijectū experiētiā docemur: nullā amplius in Christiano populo in Idololatriam procliuitate apparente quippe cum nullus tam abjectæ & obæcæatæ mentis sit, vt picta seu sculptilia, tanquam ipsa Deus sint, in quæ fiduciam reponant, jam adoret, aut honoret) sequitur sublato omni periculo, quod per accidens tunc erat, nunc meritò Legem illam Ceremonialem cum Legibus alijs & totā Synagogā pariter cessare.

17.

*Obijciunt* 2. Iudæi & prisci Idololatræ eo modo sua Idola coluerunt, sicut nunc Imagines Catholici, nam sicut nunc Catholici in Imaginibus dicunt se venerari Christum aut sanctos quos illæ referunt; sic Iudæi in Idolis venerabantur vnū verum DEVM Ergo sicut hi Idololatriæ condemnantur; sic ejusdem reos esse Catholicos necesse est. Quod autem Iudæi & Idololatriæ eo modo Idola sua coluerint quo Catholici, varijs exemplis scripturarum probant, & præcipuè Brochmannus de Lege cap: 7. quæst. 3.

1. Sculptile quod formauit Michas, vt ex verbis ejus patet; dum de facto suo latus ait: *Nunc scio quod benefaciet mihi Deus* Iud: 17. v. 3.

2. Danitæ simulacrum illud per Leuitam

tam consulentes, hoc responsum retulêrunt  
 à Leuità: Dominus respicit Viam vestram  
 Iud: 8. v. 4.

3. Manifestius Intentum suum ostendere conantur in fabricatione Vituli Exodi 32. quem non vt Vitulum sed visibile veri Dei signum adorarunt, vt pater ex illis verbis atclamantium: *Hi sunt Dij tui Israël qui duxerunt te de Terrâ Egypti v. 4.* & clarius probatur ex verbis Aaronis: *Cras inquit solemnitas Domini est v. 5.* Ergo Deum verum Vitulus ille referebat, non enim adeo dementes erant, vt Apin aliquem, aduersæ partis Deum in illo adorarent. Cum itaq; cultus ille vituli in scripturis vocetur cultus *Iehouæ* quod veri Dei nomen est, sequitur illos non vitulum, sed coram vitulo respectiue verum Deum coluisse. Cum autem etiam Catholici doceant, non Imagines, sed respectiue Christum, vel sanctos se per Imagines venerari, sequitur illos hoc eodem modo quo Idololatraz Iudæi facientes, reos ejusdem criminis Idololatrici teneri. Verum hæc omnia scripturis repugnare manifeste patet. Nam quod dicat Aduersarius Iudæos & Gentiles non Idola sed verum Deum coluisse, adeo falsum est, vt nihil falsius ex scripturis probari possit. Veniant quæso in mentem Aduersarijs illa expressa  
 spiritus



Spiritus sancti effata imprimis de Iudæis  
 Deut. 32. *Immolantur Demonibus & non Deo*  
 Eccl. de Gentibus Psal: 95. *Dijs Gentium da-*  
*monia &c.* 1. Cor: 10. *Qua immolant Gen-*  
*tes, demonibus immolant & non Deo.* deinde  
 eum Prophetæ omnes maximè autem Isa:  
 46. David Psal: 115. & 134, Habacuc 2. Ba-  
 ruch. 6. alij conati fuerint docere popu-  
 lum; Idola aurea & argentea, non esse  
 Deos, quia non audiunt non loquuntur, sed  
 opera manuum hominum &c: manifestè  
 sequitur populum putasse huiusmodi Idola  
 Deos esse, ideoq; vt Dijs sacrificia ipsa  
 immolasse. Stulti enim fuissent Prophetæ  
 si id quod nemo assererat tanto cōnato re-  
 fellere adlaborassent. Nunc Exempla  
 particularia refellenda sunt.

19.

1. Quod de Michâ asserit Brochmann<sup>us</sup>  
 eum latum de Idolis suis fabricatis dix-  
 isse: *Nunc scio qui benefaciet mihi Deus.*  
 planè falsum est. Non enim hoc dixit  
 quia Idola habuit, sed quia in domo sua  
 secum habuit personam sacram seu Leui-  
 tam, propter cuius sanctitatem sperabat se  
 benedictionem à Deo habiturum. Ver-  
 ba Textus clara sunt: *Nunc scio inquit qui*  
*benefaciet mihi Deus habenti Leuitici generis*  
*Sacerdotem.* Iudic: 17. & 13.

20.

2. Simulacrū Michæ tam à Michâ quam  
 Leuitis ac Danitis pro Deo habitum fuisse  
 patet

patet euidenter. ex verbis ita positis Iudicum 18. 7. 10. vbi Michas questus est, de injuriâ cum Danitis *Deos meos inquit quos mihi fecistis, tulistis &c.* Ergo illud quod fecerat simulacrum, DEVM existimabat esse, cui etiam vt tali Leuita semper immolauerat. Cum igitur Leuita retulit Danitis *Dominum respicere illorum Viam; per Dominum intelligit simulacrum Michæ, in quo Dæmon verbis aut alio quopiam signo responsa Leuitæ dabat.*

21.

3. Quod autem ante Vitulum, non Vitulum sed verum Deum adorauerint Iudæi, vt ait Aduersarius, scripturæ manifestæ falsitatis conuincunt. Vt enim multas rationes omittam, quibus clarissimè contrarium monstratur, debuisset Aduersari⁹ hæc scripturarum loca in mentem reuocare. Deut. 32. *Deum qui te genuit dereliquisti & oblitus es Domini Creatoris tui* Et Psal. 105. *fecerunt Vitulum in Horeb & adorauerunt sculptile, & obliti sunt Deum, qui saluauit eos, qui fecit Magnalia in Aegypto mirabilia in terrâ Cham, terribilia in Mare rubro* Hierem 2. *Ambulauerunt post vanitatem, id est post Idola: & non dixerunt: vbi est Dominus, qui ascendere nos fecit de Terrâ Aegypti.* Quid clarius dici potuisset ad ostendendū quod Hebræi tunc non Deū verum in Vitulo, sed relicto Deo, ipsi Vitulo

Y

honores




honores obtulerint, eumq; pro Deo habuerint?

Pater ergo longè alium cultum fuisse, quem Idolis suis Iudæi deferrebant, quam ille sit, quem modo Imaginibus exhibent Catholici; qui sacras Imagines non ut Deum venerantur, sed respectiuè Deum, quem illæ referunt, agnoscunt & adorant.

Solutæ sunt ergo Rationes fundamentales Brochmanni, quas contra Imaginum sacrarum Cultum magno conamine producit. Atq; ita demonstrationem hanc rectè stabilitam finimus.





DE

CVLTV ET VENERATIONE  
SACRARVM RELIQVIARVM.

DEMONSTRATIO XII.

Lutheranam Eccle.

siam non esse veram Ecclesiam,  
quia negat Reliquijs Sanctorum, Ve-  
nerationem, quam ijsdem dese-  
rendam esse Ecclesia pri-  
mitiua semper docuit,  
& credidit.

CAPUT I.

*Sacræ Reliquiæ ab Ecclesia vera  
primitiua cultæ & honoratæ fuerunt.*

**D**emonstrat hanc Verita-  
tem Ecclesiæ primitiuarum con-  
suetudo, & auctoritas S. S. Pa-  
trum clarissimis testimonijs  
declarata; quos hic solito no-  
bis more recensere libet.

L

Clemens Romanus Constit: Apost: lib: An: 80.

Y 2

6. 6. 19.



6. c. 29. Eorum qui apud Deum viuunt, ne reliquæ quidem corporum sunt inhonoratæ: siquidem Eliseus propheta postquam defunctus est, mortuum suscitauit, attigit enim corpus ejus, corpus Elisei; & excitatus reuixit. quod quidem nunquam accidisset, nisi corpus Elisei Sanctum esset.

An: 150. Iustinus Martyr Quæst: 28. Sanctorum corpora, & sepulchra Martyrum; & Daemonum amoliuntur insidias & morborum ab arte medica comploratorum conferunt sanationes.

An: 176. Ecclesia Smyrnenfis Epist: ad Ponti Ecclesias. Nos Diui Potycarpi ossa, potiora lapillis pretiosis è cineribus sublata eo loco reperiuius, qui erat decorus, consentaneusq;.

An: 320. Eusebius Cæsariensis lib: 2. c. 14. Astyrus cum Martyri Marino in mortis articulo præsto adesset, simulatq; è vita migrarat, cadauer tollit, splendida & pretiosa obtegit veste, atq; humeris impositum inde deportat, quod cum magnifico & sumptuoso linteo involuisset, desenti sepulchro condidit &c: & paulò post D. Iacobi Cathedram, ait, totius antiquitatis veneratione cultam & mirificè coonestatam non propter materiam, ex qua erat confecta, sed ob virtutes Apostoli, & mirabilem Sanctitatem.

Item de præparatione Euangelicâ lib: 13. c. 7. Similiter etiam omnes, qui præclare vixerunt, quoquo modo mortui sunt venerabimur

*bimur Hac nos quotidie facitamus. qui verapietatis milites, ut Dei amicos venerantes, ad monumenta quoque illorum accedimus, notaque eis facimus tanquam veris Sanctis, quorum intercessione, ad Deum non parum adjuuari profitemur.*

Athanasius in vitâ Antonij Legatarius *An. 340.*  
*Antonij benedicti, qui tritumpalliū cum melore imperio ejus meruerat accipere, Antonium in Antonij muneribus amplectitur, & tanquam magnâ hereditate ditatus, latenter per vestimentum recordatur imaginem sanctitatis.*

Hermes contra Theostenem lib. 4 lucu- *An. 350.*  
*lenter probat à miraculis, & signis ad reliquias & potissimum ossa sanctorum factis, eadem honoranda, & colenda esse. manifestum enim, inquit, est, quod ossa Sanctorum non sunt mortua, sed plena virtute.*

Dorotheus Tyrius in Synopsi varia *An. 350.*  
*commemorat Sanctorum corpora, quæ tempore Constantij filij Constantini Magni eleuata sunt, & translata, ut pote S. Lucæ. S. Andreæ Apostoli & Thimothei. Titi, & aliorum ad eaq; honorata, soleminiterq; culta, morbos esse pulsos, & alia miracula sanationum plurima perfecta.*

Basilius Magnus Hom: in psalm: 135. *An. 370.*  
*Mors si cuiquam irrogatur pro Christi nomine, pretiosa censentur reliquie Sanctorum ejus &c: Et nunc Martyris ossa quisquis arigerit,*



### 343 DE CVLTV ET VENERATIONE

*ob gratiam corpori insidentem fit quadantenus  
sanctificationis particeps. Idem Orat: in  
Martyrem Iulittam, fuse describit hono-  
res, ac venerationem ejusdem Martyris  
corpori exhibitam, nec non miracula ad  
reliquias illius facta.*

*An: 370.*

Cyrillus Hierosolymitanus Catechesi  
18. fuse probat virtutem aliquam, & poten-  
tiam Sanctorum corporibus inesse, pro  
quo adducit exemplum Elysi, cujus ossa  
mortuum suscitavit, ac tandem rationem  
hujus miraculi addens; vt demonstretur  
inquit quod absente etiam anima inest vir-  
tus quadam ejusmodi corporibus Sanctorum,  
propter tot annis inhabitantes in illis animas  
justas, quarum ministerio usa sunt.

*A: 370.*

S. Ambrosius lib: 9. Epist: 85. Eruuntur  
mobiles reliquie sepulchro ignobili, ostendun-  
tur Cælo trophæa &c. Exhortatione ad Virgi-  
nes, Condant alij aurum atq; argentum, ac  
de latentibus eruant venis &c: temporalis ille  
thesaurus est &c: nos legimus Martyris clauos  
&c: munera itaq; salutis ( corpora videlicet  
S.S. Martyrum Vitalis & Agricolæ ) acci-  
pite quæ nunc sub sacris altaribus recondun-  
tur.

Item lib: 10. Epist: de Inuentione S.S.  
Geruasij & Protasij ac deinde Serm: 91. de  
eprundem inuentione, fusissimâ quâ pol-  
lebat Eloquentiâ, commemorat incredi-  
bilis

biles honores, his S. Corporibus à populo exhibitos, & innummera deinde secuta miracula.

Præterea de Nazario & Celso sic loquitur: *cur non honorent corpus illud fideles, quod venerantur & Demones? Honoro itaq; corpus, quod Christum honoravit in gloria, quod cum Christo regnabit in Cælo.*

Gregorius Nazianzenus Orat: 3. seu An: 380.  
priori in Iulianum inuectivâ & Orat: 4.  
quæ est in eundem posterior Item Orat:  
18. quæ est in Cyprianum, fusissime docet  
Sanctorum reliquias religioso cultu venerandas esse, sicut &c.

Gregorius Nyssenus Orat: in S. Theodororum Martyr: An: 380.

Epiphanius in vitâ Ezechielis. An: 380.

Prudentius Hymno. 3. de S. Eulaliâ & An: 380.  
& de S. Laurentio, de S. Fructuoso hymno 6.

Syricius Epist: 4. An: 390.

Hieronymus Epist: 53. ad Riparium &  
libr: aduersus Vigilantium cap: 2. 3. &c. 4.  
Item in vitâ Hilarionis. Et Epist: 17. ad  
Marcellam c. 5. & in Epitaphio Paulæ  
cap: 6.

Ruffinus Eccles: Hist: lib, 2. c. 18. An: 390

Chrysostomus Hom: 32. in Epist: ad An: 400.  
Roman: in morali Item libr: contra Gentes.  
Laudatione in Martyr: m Ignatium  
Hom: 66. ad pop: Antioch: & alibi.



An: 400. Augustin<sup>9</sup> decurâ pro mortuis agenda  
cap: 17. de ciuitate Dei lib: 1 c. 1; & lib: 22. c.  
8. lib: 9. Confess: c. 7. Item Epist: 137. &  
alibi.

2. Alios omitto innumeros subsequen-  
tium omnium sæculorum Patres, & Do-  
ctores, qui reliquias Sanctorum magnâ  
semper veneratione cultas, & ab omnibus  
religioso cultu honorandas esse tradi-  
derunt: nec defuerunt in omnibus orbis Chri-  
stiani partibus omni tempore. habita Con-  
cilia quæ illud ipsum docuerunt, vt videre  
est, apud Bellram: lib: 2. de reliq: c. 3.

Itaq; qui non planè peruiçaces sunt, aut  
præiudicio malè excæcati, ipsâ luce clarius  
videre possunt, doctrinæ de reliquiarum  
& Sanctorum corporum ac monumentor-  
um veneratione tantam conformitatem  
esse inter hodiernam Romanam, & veram  
illam primitiuam, veterem Ecclesiam, vt  
gutta guttæ similior esse nequeat.

Patet ergo Lutheranos hac in re cum  
Eunomio, Vigilantio & alijs quibusdam  
hæsiarchis a S.S. Patribus & totâ primi-  
tiuâ Ecclesiâ hæreseos damnatis consenti-  
re; ideoq; & illos etiâ ejusdem reos cri-  
minis teneri, cæcos igitur eos oportet esse,  
vel omnino pertinaces, qui non videant,  
aut videre nolint, se toti Ecclesiæ primiti-  
uæ repugnare, quæ Reliquijs Sanctorum  
religijs

religiosam semper venerationem detulit, quam cum eis denegent Lutherani, videant quantum fallantur, & a doctrinâ primitivæ Ecclesiæ recedant.

## CAPUT 2.

*Religiosus S.S. Reliquiarum cultus asseritur & probatur.*

Explicandum est primò, quid per Reliquias intelligamus.

**R**eliquiæ Sanctorum quando nominantur, intelliguntur sanctorum corpora, quælibet itidem corporum particula, ossa, capilli, dentes, cineres, vestes etiam, & alia quibus vsti sunt. Hæc omnia contemnenda & abiicienda esse cum suis sequacibus Lutherus docet. quibus tamen non nihil religiosior videri voluit.

Brochmannus de lege c. 7. q. 4. cujus hæc verba sunt: non certè adeo ab omni humanitate alieni sumus, ut reliquias Sanctorum, imprimis ipsorum corpora nullo plane honore dignas censeamus, tanquam habitacula Spiritus Sancti, & organa per quæ Deus res optimas, & maximas operatus est, quæ etiam à DEO curantur, & quæ de sepulchris vocemur.



*sanctorum expectant. & hæc omnia S. scripturæ testimonijs confirmat. Verum vel de honore & cultu ciuili hic loquitur, vel de religioso. Si primum non minorem huiusmodi corporibus censet exhibendum esse cultum, quam olim Gentiles corporibus Æneæ, Achillis, Hæctoris, & Cæsaris suorum tribuerint Romani, quod omnino falsum, & absurdum censent Catholici, si secundum, sentit nobiscum. Sed primum, cum docere, ex ijs, quæ dicitur postea, conspicuum est:*

4.

*At verò quid de Reliquiarum honore & cultu Ecclesia Catholica sentiat, docet Concilium Trid. sess: 24. his verbis: Sanctorum Martyrum, & aliorum cum Christo uiuentium Sancta corpora, quæ uiua membra fuerunt Christi, & templum Spiritus Sancti, ab ipso ad æternam vitam suscitanda, & glorificanda, à fidelibus veneranda sunt: per quæ multa beneficia à DEO hominibus præstantur: ita ut affirmantes, Sanctorum reliquijs uenerationem, atq; honorem non deberi, vel eas, aliq; sacra monumenta à fidelibus inutiliter honorari, atq; eorum opis impetranda causâ, Sanctorum memorias frustra frequentari; omnino damnandi sunt. prout jam pridem eos damnauit, & nunc etiam damnat Ecclesia. Ex quib; verbis patet huiusmodi reliquias, & corpora meritò thecis pretiosis includi sub*

sub altaribus asservari; religiosi cultus signis, processionibus, & solemnibus translationibus honorari posse prout hæc omnia reliquijs hisce Sanctis, exhibuisse veterem Ecclesiam primitivam capite superiore demonstravimus.

*Illis autem cultum hujusmodi deberi  
nunc probemus.*

S.

Fundamentum religiosi Reliquiarum cultus est scriptura sacra, in qua legimus sacras reliquias honorifice translatas, & ad attactum illarum mirabilia patrata. Nam,

1. Moses discessurus ex Ægypto honorificè transtulit patriarchæ Joseph ossa. Exodi 12. v. 19 cur ergo superstitio appelletur ossa Sanctorum in locum honorificum transferre?

2. Ossa Elisæi cum mortuum hominē attigissent, illico revixit mortuus. cum autem similia miracula innumera ad sacras novi Testamenti reliquias, esse facta constet; cur non honore censeantur dignæ, per quas tam mira Deus operatur? Sed miraculosi hujus effectus in ossibus Elisæi, causam assignat aliam Brochmannus. non, inquit, ex hoc miraculo corpori Elisæi, aut similibus, deduci debet, illa veneranda esse; Sed miraculum istud factum est, vt certi redderentur Iudæi de terrenâ, illâ



illâ victoriâ, quam moriturus Elias prædixerat reportaturos Israelitas contra Syros. Verum quæ connexio prædictionis Eliæ cum ossibus Elisæi: & cum omnia ex scripturis probari velint Aduersarij, vbi vel apice vno, hæc ratio miraculi hujus as- signatur?

3. Isaias c. 55. §. 10. de Christi monumento asserit. *Et erit sepulchrum ejus gloriosum.* videlicet quia gentes omnes illud visitaturæ, & cultu religioso veneraturæ erant, plurimis ad illud miraculis patratæ, non quia id magnis sumptibus erat ex saxo excindendum, (vt ridiculè asserit Brochmannus) cum innumeri alij Principes & diuites longe pretiosius, & elaboratius habuerint sepulchrum de quo tamen nunquam dicitur, futurum gloriosum.

6. 4. Nouum quoq; testamentum luculenta testimonia suppediat nam. 1. mulier hamorrhoißa cum fide reuerenter tangens Christi simbriam, curatur. Math 9 §. 21. 22. 2. per vmbra Petri ab infirmitate multi liberantur Act: 5. §. 15. 3. per semicinctia, sudaria Pauli ab infirmitate, plurimi curantur. Ergo hæc ejusmodi. per quæ tanta dignatus fuit Deus operari merito religiosâ veneratione coli debent. His replicat, Brochmannus; non ea fuisse mortuorum, sed viuorum opera, quasi ve- ro minus

to minus essent potentes apud Deum, ad impetrandum aliquid immortales, quam mortales? Arca certe inanima fuit, ad quam tam admiranda patrauit Deus. & ossa Elisæi sine vitâ fuerunt. Ergo nihil refert reliquiæ ne mortuorum sint, an vi- uorum: cum tam in his, quam in istis suam possit Deus potentiam ostendere.

Deniq; cum certum sit, res multas quamuis inanimas (Arcam videlicet, & quæ in ea continebantur, Virgam Moysis, Manna) diuino jussu, religioso cultu fuisse affectas, (vt demonstratione de S.S. Imaginibus fufius probaui) hoc inde argu- mentum formo: ratio ob quam Deus, Arcam & alia religiosè voluerit honorari duplex tantum assignari potest 1. vel quia rationem habuerunt rei ad Deum peculiari- ter spectantis; nempe sedis, seu scabelli Dei. 2. quia per illa Deus tanquam per ali- quid, quod voluit agnosci peculiare suum, & per quod, vt tale voluit honorari, mira dignatus operari est. Sed vtraq; hæc ratio in Reliquijs clarissime elucet. Ergo eo- dem cultu honorandæ sunt.

Major certa est, aut aliam rationem assignent Aduersarij.

Minor probatur quoad primum: quia longè potiore rationem rei peculiariter ad Deum



ad Deum spectantis habet quam Arca, v. g.  
 Sacrosanctæ signum Crucis, in quo non  
 Angelus quisquam, (velut in Arcâ) perso-  
 nam Christi repræsentans, sed ipse Deus in  
 propriâ personâ nostræ salutis opus con-  
 summauit. Nunquid etiam SS. Corpora  
 Sancti Spiritus habitaculum fuisse constat,  
 & vasa seu instrumenta electa, per quæ  
 Deus locutus, & miranda patrare digna-  
 tus est?

Quoad alterum, certum est, per Sancto-  
 rum corpora & alias reliquias, Deum, tan-  
 quam per res, quas vt suas, & amicorum  
 suorum agnosci & honorari voluit; non  
 pauciora, nec minora miracula fecisse,  
 quam per ipsam Arcam. nisi ream menda-  
 cij arguamus Ecclesiam totam primiti-  
 uam, & omnes SS. Patres c. i. memoratos;  
 & omnium testimonia sæculorum, quæ in-  
 numera ad SS. Reliquias miracula patrata  
 profitentur, quibus refragari non sine in-  
 faniâ manifestâ licet. Certum autem est,  
 duabus potissimum de causis ad Reliquias  
 Sanctorum hæc à DEO miracula patrari. 1.  
 vt ostendat, & confirmet Sanctos illos ad  
 quorum reliquias tam miranda fiunt, verè  
 Sanctos fuisse, veram Christi fidem habu-  
 isse & etiamnum cum Christo gloriosos  
 esse; vt demonstratione de Noris Ecclesiæ  
 docuimus. 2. vt ostendat Deus se illos ho-  
 norari

honorari vt amicos suos velle, per quorum intercessionem, & ad quorum ossa, & alias Reliquias, hominibus beneficia tanta confert. Videmus enim nullá re fortius ad Reliquias aliquas colendas homines moueri, & vrgeri, quam cum vident tantam exire de huiusmodi virtutem, tanta ad illas miracula patrari,

Quamobrem has ob causas modo allegatas facile concedent Aduersarij, nisi penitus pertinaces sint, Reliquias Sanctorum religioso cultu honorari posse, & debere. facilius autem si considerare non fastidiant, quæ his adjungimus.

1. Catholicos Sanctorum Reliquias honorare vt eum præcipuè venerentur, cuius illi gloriæ velificati sunt testimonio fidei clari, & illustres qui dixit: *qui vos recipit, me recipit.*

2. Quod ea dignâ veneratione colant, quæ Deus illustria prodigiorum admirabilitate reddidit.

3. Quod id colant & obseruent, quod organum diuini Spiritus, & gratia in maximis rebus consequendis, & virtutibus, instrumentum fuit.

4. Quod ijs corporibus jam desponsa, destinataq; sit resurrectionis gloria; quodq; eorum corruptionem beatæ immortalitatis germen comitetur.

5. Vt Sanctorum Martyrumq; ex hau-

stos la-



stos labores, obita summâ constantiâ certamina, lætissimos triûphos in memoriâ reuocent.

6. Vt ad eorum imitationem incitentur, cum similia nostris corpora habuerint, Deum eundem, fidem, atq; legem, easdem deniq; pollicitationes perennium bonorum.

7. Vt eorum pignorum præsidio & gestatione dæmonibus fiant formidabiles quod exemplis innumeris probari potest, dæmonum, Reliquias Sanctorum metuentium, fugentium.

Deniq; considerent, Aduersarij cautelam quam in Reliquijs colendis earumq; delectu adhibet Ecclesia Romana, dum Antistitibus præcipitur vt invigilent, & animo excubent, ne ficta temerè & inaniter miracula, ne incertæ & nouæ reliquæ omnino admittantur. Hæc inquam si perpendant Aduersarij, rem piam ac Sanctam esse Reliquias sacras religioso cultu venerariis asserere cogentur.

### CAPUT 3.

#### *Obiectiones Aduersariorum diluuntur.*

9.

**P**recipua aduersariorum argumenta in compendium redacta, sunt ista: primū  
ex

ex Scripturis; Math: 23. v. 29. reprehendit Phariseos Christus *ve vobis inquit, qui edificatis sepulchra prophetarum, & ornatis monumenta justorum.* Ergo non sunt hæc ornanda, multo minus religioso cultu veneranda.

Respondeo cum Chrysostomo Homil: 75. in Math: negando Christum reprehendisse Phariseos propter ornatum quem adhibebant sepulchris prophetarum.

Ratio enim & verba Chrysostomi sunt hæc: *non quia edificant, nec quia patres suos accusant, ve illis dixit, sed quoniam ita facientes, & ita dicentes, patres suos condemnare audebāt, cum ipsi peiora committerent nec obstat his quæ dicit Lucas cap: 11. testificamini quia consentitis operibus patrum vestrorum, quia illi prophetas occiderunt, vos autem edificatis eorum sepulchra, nam ex his verbis colligitur significasse Christū, hanc actionem Phariseorum duplicem finem habuisse. i. vt prophetas honorarent, & arguerent majores, à quibus occisi erant. propter quod non reprehendit eos Dominus.*

2. *Vt ostenderent se tegere velle illos, quos occiderant, majores, & ita consentirent in necem prophetarum. Sicut qui aliquem occidit, non semper eum sepelit, vt honoret eum, sed vt compleat actum homicidæ.*



homicidæ. quia ergo Iudæi secundum faciiebant, & ab hominibus videri volebant facere primum; ideo illos de hypocrisis arguebat. quod autem secundum intenderint, inde patet; quod quærerent occidere Dominum prophetarum, tantum abest, ut dolerent occisos à suis Majoribus alios prophetas. juxta quem sensum concedi potest eos reprehensos à Domino fuisse quia ornabant monumenta prophetarum, videlicet non ex bono fine, sed ex hypocrisi, & intentione malâ.

10.

2. Obijciunt omnem cultum arbitrarium, seu voluntarium damnari à Paulo Coloss: 2. ̄. 23. at cultus Reliquiarum cum à Deo non sit institutus, est hujusmodi, ergo ab Apostolo damnatur.

R: respondeo negando minorem, cultus enim reliquiarum non est cultus voluntarius, seu tantum ab hominibus excogitatus, sed à Deo inspiratus. approbat enim scriptura cultum sepulchri, fimbriæ Christi, umbræ Petri, sudariorum, & semicinctiorum Pauli, & alios ex sacris literis supra enumeratos.

3. Obijciunt, abscondum esse Moysi corpus, ne Iudæi illud colerent; ergo similiter Reliquiæ abscondendæ sunt.

R: non ideo Moysis corpus absconditum esse, ne illud simpliciter Iudæi colerent,

rent, sed cum essent in Idolatriam propensissimi, ne illud pro Deo haberent; & tanquam Deum adorarent. quod periculum cum non sit apud Christianos, sit, vt Reliquiæ securè coli possint.

4. Brochmannus vnico tantum fundamento posito omnem Reliquiarum cultum euertere conatur, ait enim, ideo non esse reliquias honorandas, quia id nullibi in totâ sacrâ scripturâ præcipitur.

Verum respondeo 1. si hoc quidquam concluderet, non minus contra ipsum, quam contra Catholicos pugnaret, cum enim ipse asserat reliquias quoq; certo modo honorandas esse, quomodo hoc affirmare audeat, cum id nullibi in totâ scripturâ præceptum legerit?

2. Licet nullibi de Reliquijs sacris honorandis præceptum sit, nullibi etiam vetitum inuenitur, atq; adeo hoc argumentum nihil probat: sufficit nos habere exempla. nam res aliquas inanimas iussas esse coli & honorari, vt Sanctas, & honore tali dignas, certum est ex Arcâ fæderis, & alijs non paucis, vnde præceptum hoc deduci potest: videlicet etiam voluisse Deum, vt rebus eandem cultus, & honoris rationem habentibus, honor & cultus idem deferretur. in Reliquijs autem Sanctorum eandem & maiorem rationem esse



cultus & venerationis, quam in Arcâ, capite 2. clarè probauimus. ergo præcipitur vt idem cultus illis deferatur.

3. Cum etiam exemplis. Scripturæ constet quædam corpora, & ab hominibus, & à Deo fuisse honorata, manifestè sequitur etiam hoc nunc posse fieri ab hominibus.

Nam in primis fuit honoratum corpus Ioseph Exod. 13. dum illud Moyses cum toto populo Hebræo honorificè transtulit in terram Sanctam. Item honorauit Iosias ossa prophetæ, dum alijs omnibus ossibus è templo ejectis, Sancti prophetæ ossa ibidem reperta, reseruari voluit Deus autem honorauit corpus Moysis, proprijs manibus id sepeliendo. Deut: ult: Item corpus Elisæi, virtute miraculorum illud decorando. Cum ergo & Deus & homines in sacris litteris Reliquias & ossa Sanctorū legantur honorasse, summæ impudentiæ censerì debet, negare licitum esse, Reliquiarum & ossium Sanctorum cultum. blasphemè enim Deum, & Scripturam Sacram tales reprehendunt.

5. Deniq; ajunt cultu reliquiarum, cultum Deo debitum imminui.


Respondeo falsum istud esse, sed contra potius augeri assero. quia cum Reliquiæ Christi peculiari modo Christi sint; &  
Reli-

Reliquiæ Sanctorum res sint amicorum Dei, seu Christi, sit ut quò quis plus defert honoris non solum Christo sed & rebus etiam minimis, quæ peculiariter sunt Christi, eo maiorem reuerentiam & amorem erga Deum habere se demonstret. Et sicut honor personis Principis delatus & rebus quæ sunt peculiariter principis in principem redundat; Princepsq; non sibi solum, sed etiam talibus personis, & rebus, vult honorem peculiariter deferri. sic & DEUS; ut in Arcâ, alijsq; rebus patet. Ergo honor & cultus reliquiis delatus, quæ singulariter sunt Dei, & amicorum ejus, in Deum totus & finaliter redundat. non igitur per reliquiarum cultum honor DEO debitus minuitur, sed augetur quod clari⁹ patet ex rationibus pro reliquiarum cultu superiori capite num: 56. adductis.

Stat ergo inuicta Catholicorum  
erga Reliquias Sancto-  
rum pietas.







## DEMONSTRATIO. XIII.

Quâ ostenditur Lutheranam Ecclesiam non esse veram Ecclesiam, quia negat celebrandos esse Sanctorum festos Dies, quos Ecclesia vera Primitiua coluit & celebrauit.

## CAPUT I.

*Ecclesia primitiua Sanctorum festa seruauit.*

I.

An: 80.



*Onstitut: Apost: l. 8. c. 33. quibus diebus sit feriandum famulis.*

*In diebus SS. Apost: vacent &c. in die Stephani protomartyris item vacent, ac reliquis diebus Sanctorum Martyrum, qui Christum vite sua anteposuerunt.*

An: 170.

*Ecclesia Smyrnensis Epist: ad Ponti Ecclesias, de S. Polycarpo Martyre: Celebremus ejus Martyrij diem instar natalis festi, cumq; exulta-*

exultatione & gaudio quantum fieri potest, maximè recolamus: idq; cum ad Martyren memoriam qui antea tale certamen confecerunt: tumq; ad eorum exercitationem, mensq; ad talem constantiam præparationem, qui postea Christum in eo genere mortis confessuri sunt.

Origines lib: 30. in Iob. Mortis diem An: 230.  
celebramus, utpote omnium dolorum depositionem, diem mortis celebramus quia non moriuntur hi, qui mori videntur. Propterea & memorias Sanctorum facimus.

Cyprianus Epist: 34. de Celerino & ceteris Martyribus. 4. 250.  
Sacrificia pro eis semper, ut meministi offerimus, quoties Martyrum passiones & dies anniuersaria commemoratione celebramus.

Eusebius Alexandrinus Æmil: de SSis An: 260.  
colendis. Ob hanc causam præcepit nobis memorias Sanctorum celebrare, ut acceptis hymnis & auditis laudibus benignum DEVM exorent ut preces nostras caducas admittat. Oportet ergo ut qui memorias Sanctorum celebramus, multâ religione celebremus.

Felix Primus Epist: 2. Tales perturbatores Ecclesie non solum prædicta agunt mala, An: 270.  
sed & memorias Martyrum execrantur. Quapropter & in presenti constituimus Synodo, vobisq; & omnibus Ecclesiis tenendum & agendum mandamus, ut super Memorias Marty-



rum Missæ celebrentur ne memoria eorum exstingui à talibus aut veneratio eorum possit prohiberi.

An: 320. Eusebius Cæsariensis Vitæ Constantini lib: 4. cap: 23. Etiam ad ipsos gentium præfectos Imperatoris nutu & voluntate edictum perlatum est, ut illi perinde Dominicum diem venerarentur, iidem consecratos Martyribus dies honore prosequerentur, & festorum solemnitates in Ecclesijs celebrarent: quæ omnia secundum Imperatoris voluntatem gerebantur.

An: 350. Synodus Gangrensis canone 10. si quis arrogantiam utens & Martyrum congregationes abhorrens, & sacra quæ in ijs celebrantur & eorum memorias recuset, anathema sit.

An: 370. Ephræm Syrus lib: 2. de Pœnitentia: Cum Sanctorum memorias celebramus, memores simus omnium debiliũ, viduarum pupillorum peregrinorum & pauperum.

An: 370. Basilius Magnus in 40. Martyres. Quis modus aut quæ satietas Martyrum memoriam prosequendi erit, Illi præsertim, qui eorum amore ac charitate magnopere tenetur? Nam honor in bonos à conseruis collatus beneuolentie significationem habet apud communem Dominum.

An: 370. Ambrosius multis in locis ac præcipue lib: 1. de Virginibus & lib: 3. item sermone 63. 67. & sermone 7. qui est de S. Laurentio & 72. de S. Cypriano. Grego-

Gregori<sup>o</sup> Nanzianzenus Orat: 3. quæ est  
in Iulianum *Nec magnos pugiles eximuiſti*  
*Ioannem illum, Petrum & Paulum, Iacobum,*  
*Stephanum Lucam &c: quib<sup>us</sup> præclari honores*  
*& feſta ſunt conſtituta, in quib<sup>us</sup> Demones pro-*  
*pelluntur & morbi curantur. & alijs multis in locis.*

Gregorius Nyſſenus Oratione in Theo-  
dorum Martyr. & oratione in Gregorium  
Miraculorum Opificem. *Apud omnes v-*  
*biq<sup>ue</sup> populos ſanciebat, ut nomine eorum, qui*  
*pro fide decertaſſent, dies feſti atq<sup>ue</sup> ſolemnes*  
*conuentus celebrarentur; ideog<sup>ue</sup> letabantur*  
*in honorem Martyrum ferias agentes.*

An: 380.

2.

Omitto innumeros ejuſdem & ſequen-  
tium ſæculorum Patres atq<sup>ue</sup> Concilia quæ  
vbiq<sup>ue</sup> reſtantur in primitiua Eccleſia dies  
feſtos Sanctorum celebrandos fuiſſe, i-  
deog<sup>ue</sup> jam etiam illos celebrandos eſſe.

Ex quibus luce meridianâ

clarius patet.

1. Celebrationem ſolemennem dierum  
feſtorum non recens inuentam, ſed in  
ipſa primitiua & Apoſtoliſ viciniſſima Ec-  
cleſia inſtitutam & magna cum pietate  
ſeruata fuiſſe. patet. 2. Lutherum  
dum ait in libello de formula Miſſæ *O-*  
*mnium Sanctorum feſta prorsus abroganda*  
*putamus.* Item de Cæremonijs Eccleſiæ  
ſeruandis *Feſta Sanctorum in vniuerſum abo-*  
*leantur,* ab hoc tam vetuſto inſtituto re-

Z 5

ceſſiſſe.



cessisse, cum sequacibus suis, & consequenter dissentire à Primitiuâ Ecclesiâ; Festa verò ab Ecclesiâ instituta cum Catholici piè & religiosè obseruent, hac in re, vt in alijs omnibus cum *Ecclesia primitiua* consentire.

## CAPUT 2.

*Festos dies celebrandos  
esse probatur.*

3. **L**utherus locis paulò ante memoratis omnia festa quidem absolutè tollenda esse censuit; non ita tamen nunc ejus affectu.

Nam VVratisslauienses & pleraq; Lutherana per Germaniam Respublica non nihil hac in re Magistro suo religiosiores videri volunt, ideoq; festos quosdam dies celebrant, Pascha videlicet, Pentecostes Natiuitatis & Ascensionis Domini Apostolorum omnium S. Ioannes Bapista, S. Stephani, Conuersionis D. Pauli, Qui sic coluntur vt diem medium templorum frequentationi, alteram verò partem seruilibus operibus tribuant, quo in cultu licet propius ad Catholicos accedant, quam Lutherus & omnes Calvinistæ; in tribus tamen à nobis potissimum dissentiant.

1. Quòd

1. Quòd dies festos alijs non festis esse Sanctiores negent, sed constantù asserant determinatos certi ordinis ac politix causâ, neq; aliam habere sanctitatē, quam quod ab Ecclesiâ ab alijs diebus in publicum Dei cultum, separati sint.

2. Quòd præter hæc memorata festa, Sanctorum aliorum nullum sacrum diem celebrandum censeant.

3. Quòd negent ullum ad hos dies festos celebrandos in conscientia obligari, sed à libertate Christianâ suum cuilibet arbitrium permitti.

Quæ tria cum Doctrinæ Catholicæ repugnent. Ostendam primò non solùm ordinis ac politix gratiâ, sed propter Mysterium etiam potissimum dies festos celebrari; ideoq; alijs diebus eos sanctiores ac sacratiores esse.

1. Festi Dies ex institutione suâ ordinati sunt ad cultum Dei ( spectant enim ad præceptum primæ tabulæ, & legem naturalem ) sed quod ex institutione suâ ordinatum est ad cultum Dei Sanctum est & venerabile; neq; ad ordinem & politiam primariò & per se institutum est; ergo dies festi Sancti sunt & venerabiles, neq; ad ordinem aut politiam primariò instituti, & consequenter alijs diebus ad hunc finem non peculiariter ordinatis, Sanctiores ac sacratiores sunt habendi.

2. Si



2. Si festa tantū forent politiæ & ordinis causā solum instituta sequeretur tam contra Luheranos quàm Catholicos omnia omninò festa, præter Dominicas & quæ semper in eas incidunt, tollenda esse. Cum enim sæpe vel in diem sabbathinū vel aliū Dominicæ vicinū aut in forenses negotiationes destinatum incidant, ordinē politicū longè magis turbant, quam constituunt.

3. Certum est Dominicum diem collatum in memoriam resurrectionis Domini, ut farentur omnes, ergo non solum ratione ordinis ac politiæ, sed potissimum ratione mysticæ significationis celebratur. Quod cum de Dominicā die certum sit, id etiam eadem ratione de alijs dicendum erit.

4. Si tantum ratione ordinis ac politiæ festi dies essent, sequeretur omnes festos dies in se æquales esse. Quod esse falsum ipsi Lutherani fateri coguntur; dum Dominicas, & quædam festa, ut Natiuitatis Domini & alia nonnulla toto die celebrant, alia vero medio tantum die, ut innuant quædam alijs esse digniora. Quod si non in se (cum omnes dies in se pares sint) ergo ratione Mysterij, quod vnum diem alio digniorem & sanctiorem facit.

5. Deniq; his accedit quod passim SS. Patres & Ecclesia Primitiua, ut cap: 1. demonstrauiamus, Dominicas & quosdam

dam dies festos, sacros, Sanctos Mysticos, religiosè colendos nominent. Ergo significant & asserunt, maiorem aliquam ijs inesse Sanctitatem quam diebus alijs. Non igitur; tantū politiæ causâ sed propter Sanctitatem celebrandi sunt.

Si autem aduersarij contendant, dies omnes æquales esse ratione Ordinis, faciles illud damus. Ita tamen, vt concedant etiam inæquales esse ratione Mysterij, quod illo die celebratur, cum enim in die Paschatis honoremus Christi resurrectionem, negari non potest, quin Paschatis dies sit solemnior quàm dies alijs.

Secundum in quo ab aduersarijs dissentimus de festis etiam plurium Sanctorum aliorum, quæ ab Ecclesia proponuntur celebrandis facilè probatur, Cum enim in sacris literis Veteris testamenti festa celebrantur ad recolenda diuina beneficia (vt ex sabbatho & sortium festo patet) etiam Sanctorum aliorum festa in hunc finem celebranda sunt.

Magnum enim beneficium censendum est alicujus sancti beata consummatio: Inde enim toti Ecclesiæ militanti fortitudinis exemplum & novus apud Deum patronus & de diabolo novus & perfectus triumphus agitur. Quas ob causas cū Apostolorum festa Lutherani celebrent,

etiam



etiam Sanctorum aliorum quos Ecclesia proponit eadem ratione celebranda erunt.

Potissimum cum tota Primitiua Ecclesia hoc seruauerit & porro etiam seruandum in posteros decreuerit. vt cap: 1. per inductionem demonstrauimus.

6.

Tertium negant Aduersarij vllam, vti diximus in conscientia obligationem esse, ad dies festos celebrandos, verum contrarium probatur. Cerrum est dies festos vt festos iure diuino celebrandos esse, ergo omnes dies, qui festi sunt etiam obligant in conscientia; quia omnia, quæ in iure diuino præcipiuntur ita, obligant. Nec refert quod ab hominibus festa sint determinata. nam cum ius diuinum nullos dies determinet, debuit in Ecclesia potestas esse eos determinandi, si enim talis potestas in Ecclesia non esset, neq; dies Dominicus, neq; festum Paschatis neq; aliud vllum festum obligaret. Ergo cum omnia alia festa ab eadem potestate in iure diuino fundata, sint statuta; eodem modo omnia sicut dies Dominicus in Conscientia obligabunt. Diem autem Dominicum in conscientia obligare fatentur aduersarij.

### CAPUT 3.

*Refelluntur*

*Refelluntur Obiectiones  
Aduersariorum.*

7.

**C**ontra Primum obijciunt Aduersarij  
asserentes dies omnes æquales; &  
festos, Ordinis ac Politicæ causâ tan-  
tum venerandos esse. 1. Rom: 14. v. 5.  
*Alius iudicat inter diem & diem alius omnem  
diem.* Ergo Omnes dies sunt æquales.

R. 1. Apostolum nihil hic agere de  
festis, nullamenim de his in præcedenti-  
bus mentionem fecit, Ergo nihil est con-  
tra nos. 2. agit ergò de Ieiunijs, vt sensus  
sit, alius iudicat diem inter diem, alius  
omnem diem. Id est, aliqui Ieiunant  
certis diebus, vt feriâ 4. 5. 6. vel sabbatho:  
alii Ieiunant omni die, & vtriq; rectè a-  
gunt. Nihil ergo est contra dierum festo-  
rum Sanctitatem.

8.

2. Obijcit Brochmannus, Omnis dies  
in nouo Testamento ad precandum æque  
aptus est Ioh: v. 4. 13. Timoth: 2. v. 8 &  
quouis dies celebrandis sacris naturâ suâ  
æquè accommodus est. Luc: 18. v. 1. 2. 3. 14.  
Thessa: 2. v. 13. Et Apostoli, vt hoc ex-  
emplo declararent, quouis die ad sacra ce-  
lebranda cum suis Auditoribus conuenie-  
bant. Act: 1. v. 14. & 2. v. 42. Ergo  
dies vnus altero non est sanctior.

Respondco 1. Argumentum hoc tam  
bene



bene festis Lutheranorum repugnare, quàm nostris.

Respondeo 2. per hanc obiectionem nihil aliud probari, quàm omnem diem aptum esse, vt laudetur Deus, & honor ejus promoueatur; quod omninò certum est. Atq; ideo in Ecclesia etiamnum omni die oratur, & sacrificia offeruntur. Stat tamen quod asserimus dies aliquos ad similia aptiores esse alijs, propter Sanctitatem, & mysterium, quod recolimus in illis. Experientia enim constat tam apud Catholicos quàm Lutheranos, longè solemnius & feruentius, coli diem Paschatis quàm alios; idq; propter maximū Mysterium cui rememorando dies ille consecratus est. Ergo constat diem vnum altero solemniore esse.

Contra alterum, hoc est, Festorum multiplicitem in Ecclesià Romanà determinatam, varia quidem sed exigui momenti obijciunt ē quibus hæc præcipua.

9.

Obijciunt plurima noua festa, quorum nulla in primitiua Ecclesià sit mentio.

Respondeo. Id absurdum nullo modo posse dici, cum etiam semper recentia Dei beneficia recipiamus, & occasiones celebrandorum festorum, quando enim eadem sæpe ratio ponitur ob quam antiqua festa

festi celebrata sunt in Ecclesiâ Primitiva; sequitur etiam eundem effectum seu solemnitatem posse statui. Quod à iudæis in sacris literis obseruatum legimus, nam successiuo tempore varia sunt ab ijs instituta festi, præter illa quæ Deus ipse per Moysen instituerat, vt patet de festo sortium, propter liberationem tempore Hester, & de festo ob victoriam Iudith, deq; festis dedicationum tempore Salomonis, & alijs ab Esdra & Machabæis institutis.

Obijciunt 2. ab Imperatoribus prophetis festi quædam promulgata esse, vt Assumptionis à Mauritio, Purificationis à Iuliano, quibus cum non esset potestas hæc instituendi, sequitur ab alijs non debere celebrari.

Respondeo. Fallum esse Antecedens. nullus enim hæc instituit Imperator, sed à dictis Principibus aliquid solum fuit additum ad ciuilem festorum horum celebritatem. Constat enim multis centenariis ante dictos Cæsares duo hæc festi, ab Ecclesiâ primitiua fuisse instituta, & seruata.

Deniq; obijciunt 3. Quod hic festorum cultus videatur Idololatriam sapere, cum enim in lege veteri sanctificare festi, sit præceptum primæ tabulæ, & ideo ad solius Dei cultum spectet, dum festi Sanctorum



coluntur, creaturis tribuitur, quod soli Deo conuenit.

Respondeo 1. Si hoc quicquam probaret etiam contra Lutheranos militaret, qui festa Apostolorum celebrant.

Respondeo 2. Festa Sanctorum Deo dicari, sed in Sanctorum memoriam quorum festa celebrantur, atque ita licet honor ille seu cultus etiam terminetur immediatè ad sanctos, non est tamen cultus ille latriæ, qui soli Deo debetur, sed Dulxiæ qui etiam creaturis deferitur; procul ideo abest idololatriæ suspicio.

13.

Contra 3. de festorum obligatione, sic arguunt:

Si festorum observatio obligationem inducit, erit intolerabilius jugum Christianorum, quàm fuerit Iudæorum de quo Petrus ait Act: 15. *Nec nos nec Patres nostri portare potuimus* quia longè plura festa Catholici celebrant, quàm in ueteri lege Iudæi. Accedit quod Socrates lib: 5. c. 20. Dies festos liberos esse scripserit, & impositam necessitatem reprehenderit.

Respondeo. Licet plura Christiani celebrent festa, quàm olim Iudæi, non tamen inde sequi jugum illorum grauius esse, quam horum: festa enim Iudæorum in se grauiora verè fuerunt, quod inde constat, quia singulis Sabbathis utebantur ac-

cendere ignem, cibum coquere, facere  
 iter nisi ad modicum spatium, oportebat  
 præterea ter, in anno ad quædam festa, pro-  
 ficisci Hierusalem, etiamsi longissimè ab-  
 essent. Item in Paschate per dies septem  
 comedere cogebantur insipida azyma, quæ  
 Deut. 16. ideo vocatur panis afflictionis;  
 & lactucas agrestes amaritudine plenas, &  
 alia multa, quibus onerosa festa reddebantur.  
 At nostra festa nihil habent laboris  
 ideoq; vocari jugum intolerabile neque-  
 unt. Quod autem Petrus veterem legem  
 vocet intolerabile jugum, non illud ob  
 festa, sed propter innumeras alias minu-  
 tissimas cæremonias, dixit. Socratis testi-  
 monium nullius momenti est, cum enim  
 ipse Nouatianus hæreticus fuerit,  
 contra nos ejus auctori-  
 tas ruit.

**Et hæc de Festis dicta sufficiant.**



**Aa ii**

**Ept.**



# EPILOGVS

Siue

## ANACEPHALEOSIS

Omnium quæ, in utraq; parte  
dicta sunt.



Abes, Amice Lector,  
in duobus his Opusculis,  
sex supra viginti præcipua Re-  
ligionis Capita, de quibus hoc  
tempore, Catholicos inter & Lutheranos,  
concertatur. Ostendimus Doctrinam,  
quam de illis Ecclesia Romana tradit, par-  
tim in Sacris literis clarissime fundari,  
partim etiam ex ijs infallibiliter deduci.  
Cum autem inter nos & Adversarios, de  
Sacra Scriptura sensu, & intelligentia  
præcipuum certamen sit, & utraq; pars  
dissidentium, verum ac genuinum, le-  
bere sensum asserat; necessario Iudicem  
appellandum esse, ratio persuadet; qui  
tantam inter Partes emergentem Contro-  
versiam componat, judicetq; utra Doctri-  
nam suam è sacris literis rectè intellectis,  
certius & manifestus confirmet; ac con-  
sequenter demum etiam declare. Catho-  
lica ne an Lutherana vera Apostolica Ec-  
clesia, & immaculata Christi Sponsa sit,  
adversus quam portæ Inferi nihil  
prevaleant.

At

## EPILOGVS

At vero cum in hoc Iudice deligendo  
 nova denuo & potissima difficultas sit, &  
 ipsam pro Iudice scripturam, de qua liti-  
 gatur, Adversarij obtrudant, clarè de-  
 monstravimus ipsam Legem (qualis est  
 Scriptura,) non posse esse sui ipsius Iudi-  
 cem. Res Exemplo declaretur: Christus  
 in ultimâ Cœnâ Sacrosanctum Eucharistiæ  
 Sacramentum in Apostolorum omnium  
 confessu instituturus, hæc verba protulisse  
 legitur: Matth. 26, & 26. Luc. 22. & 19.  
*Hoc est Corpus meum*, quæ verba cum sim-  
 pliciter, & uno modo omnes intelligant,  
 & semper intellexerint Catholici, Luthe-  
 rani vero plurimos, imò aliquot supra vi-  
 ginti, non minus inter se: quàm à Catholi-  
 cis diversas, de illis explicationes adferant  
 necessario Iudex est quærendus, qui infal-  
 libiliter demonstret, quæ tandem ex om-  
 nibus genuina sit & vera, cui Christianos  
 omnes acquiescere necesse sit. Frustra ve-  
 rò litis hujus Iudicem constituunt Scriptu-  
 ram ipsam Lutherani. Nam vel hujusmo-  
 di producent, quæ nullibi in Sacris Literis  
 reperire est; Vbi enim scriptum legitur, *In*,  
*Cum*, *Sub*, per quas propositiones, verum  
 sensum in verbis Christi supra dictis con-  
 stitui volunt Adversarij? aut certè ad ho-  
 rum explicationem alia iterum loca, ex  
 Sacris Literis conquirent, quæ cum non-



## EPILOGVS

minus dubia, futura sint, quam prima, pro illis iterum alia quæri oportebit; & ita in infinitum procedetur, & causa nunquam judicabitur, nec ullus Controversiæ exitus reperietur. Quæ cum certa sint, & luce meridiana clariora, nemo non evidenter videt, quanta sit, necessitas alium extra Scripturas investigandi Iudicem. Illud ipsum etiam ingenuè fatente celebri quodam inter Lutheranos Theologo D. Henrico Hôpfnero Sax: Evang: fol: 185, ubi ait. *Hæc ipsa duo instrumenta judicandi & decidendi hanc questionem (videlicet quæ Religio sit vera) monstrat Chrysostomus T. 33. in Acta, ex professo tractans hanc Questionem: quo pacto Ecclesia inter plures Societates, quæ hoc sibi Nomen vendicant, possit discerni. Præmo nominat verbum DEI, tum Doctrinæ, non ab aliquo recentiore excogitata, sed ab ipso Ecclesiæ nascentis principio semper cognita qualitatem. Ex quibus verbis patet, quanta sit efficacia Veritatis, quæ ex ipsis etiam Adversariis sui Confessionem exprimat. Fatetur enim ille Lutheranus Chrysostomum secutus; ab exordio nascentis Ecclesiæ, non à novitiis quibusdam opinionibus veræ Doctrinæ certitudinem quæri oportere. Quæ cum sine genuina Scripturarum explicatione nequeat reperiri, necessario fateri cogitur, veram ac certam Scripturæ*

## EPILOGVS

rum interpretationem, non ex Scripturis tantum, sed ab alio etiam Iudice petendam esse.

Iudicem ergo illum cum Doctoribus Orthodoxis omnibus, asserimus esse veram Catholicam & Apostolicam Ecclesiam, cuius est dubia Scripturarum loca & Controversos sensus explicare. Et quia hinc nova lis exoritur, in hac verâ scilicet Ecclesia Apostolicâ cognoscenda, cum omnes talem Ecclesiam suam esse asserant, & in hoc probando Scripturas pro se proferant, ne circulus probationum oriatur, utroq; hoc Opusculo Ecclesiam quandam Iudicem constituo, quæ omnium partium, hoc est, consensu Adversariorum omnium, Ecclesia vera, Apostolica & pura Christi Sponsa fuit.

Ea est Ecclesia, quam Christus ipse tanquam ejus Author & vnicus Fundator in terris instituit, & post suum ad Cœlos abitum Apostolis tanquam Successoribus Vicariisq; suis gubernandam tradidit. Illam autem Ecclesiam cum in ipsis suis incunabulis, hoc est, primis Apostolorum temporibus, & tribus quatuorve sæculis proximè sequentibus immaculatam Sponsam Christi, verè Catholicam, & Apostolicam fuisse, & in nullo substantiali Fidei articulo errasse, ultro libentes fatentur Adversarij, necesse



## EPILOGVS.

neceſſe eſt quoq; illos fateri, illam Eccleſiam veram & infallibilem Doctrinam habuiſſe, ut ea omnia Scripturarum loca, quibus Subſtantialia vera Fidei fundamenta inniuntur, juxta verum & genuinum ſenſum intellexerit, & interpretata ſit.

Quæ cum certa ſint, & irrefragabilia, certum quoq; & irrefragabile cenſeri debet, hanc Eccleſiam primitivam Catholicam, aliarum Eccleſiarum unicam & perfectiſſimam Idæam, & omnium de Fide & Scripturarum ſenſu Controverſiarum infallibilem Iudicem cenſendam & habendam eſſe. Si perfecta & ſola ſit Idæa, ut re vera eſt, evidenter ſequitur, eam quoq; tot inter diverſas horum temporum Eccleſias, veram & Apoſtolicam Eccleſiam habendam eſſe illam, quæ huic perfectiſſimæ, & unicæ Idææ quàm maxime conformis eſt. Omnes verò cæteras Eccleſias, tantum ab Eccleſiæ Veritate aberrare, quantum à propoſita Idæa & Prototypo diſformes ſunt. Et porro cum ſententias omnes Scripturarum, quibus fundamenta Fidei nituntur, in vero ac genuino ſenſu explicaverit, (ſi enim in ijs erraſſet, vera Eccleſia non fuiſſet,) ſequitur eam certum ac infallibile iudicium, de omnibus jam Controverſiis & dubiis, Scripturæ locis protuliſſe. Cui certo & infallibili Iudicio

qui

## EPILOGVS

qui stare nolunt, clarum est, eos Ecclesiæ  
veræ & infallibili rebelles; è contra verò  
Ecclesiæ veræ Christi Sponsæ filios certos  
& solos esse. qui huic iudicio, & infalli-  
bili explicationi Ecclesiæ Apostolicæ ac-  
quiescunt.

Nunc ergò cum Articulos illos omnes  
Religionis controversos, utroq; hoc Opus-  
culo comprehensos, sic intellexerit, senserit  
& docuerit Ecclesia Apostolica primiti-  
ua, prout eos ab illa doctos, & intellectos  
fuisse diximus; ac in specie quidem Tra-  
ditiones observandas; Sub una specie, li-  
citur SS Eucharistiam sumere, & in ea  
nullam post consecrationem, Panis & Vi-  
ni, substantiam inveniri; dari incruentum  
ac verum Missæ Sacrificium; Sanctos in-  
vocari, & eorum Reliquias & Imagines,  
Religioso cultu honorari posse; Dari Pur-  
gatorium; & merita bonorum Operum;  
neq; sola fide justificari Peccatorem; Sep-  
tem esse vera Sacramenta, & Confessio-  
nem particularem omnium noxarum ho-  
mini post lapsum esse necessariam; Opera  
supererogationis. & satisfactionis dari; je-  
junia & dies Festos, juxta Ecclesiæ præscri-  
ptum, observandos, & totius Legis possibi-  
lem esse adimplerionem, aliq; plura.  
Hæc, inquam, cum ita crediderit Ecclesia  
primitiva Apostolica; sequitur primò eam



## EPILOGVS

hæc omnia credendo, & docendo conformem Sacris litteris, doctrinam tradidisse recto ac genuino Scripturarum sensui firmiter inhaesisse; nec in ullo substantiali ab ijs recessisse. Alias enim vera Ecclesia esse desisset.

Sequitur Secundò, modernam Ecclesiam Romanam, quæ in omnibus allegatis demonstrationibus totius primitivæ, & Apostolicæ Ecclesiæ doctrinam sequitur, & eidem firmissimè adhæret, tam veram, certam & infallibilem Ecclesiam censendam esse, quam fuit illa primitiva; Imò cum in nullo essentiali differat, eandem esse in hæc usque tempora continuatam & productam, ac nunquam interruptam, asserere debemus.

Sequitur Tertiò, Omnes alias Ecclesias quæ à Doctrinâ, quam de prædictis Controversiis Ecclesiam primitivam, Apostolicam tradidisse diximus, vel minimum dissentiant, à vera Ecclesia & Doctrina vera dissentire, eosque si pertinaces manerant, pro Hæreticis habendos esse.

At verò, quod potissimum superest proponendum, videlicet primitivam Apostolicam Ecclesiam, omnia eo modo docuisse in Articulis suprædictis; & S. Scripturam eo sensu interpretatam esse, sicut ibi affirmamus eam docuisse, & interpretatam fuisse

## EPILOGVS.

fuisse; Et sicut Ecclesia Catholica Romana, etiamnum eam docet, credit & intelligit, hoc, inquam, clarissima Testimonio-  
rum luce demonstramus. Patres enim omnes, quorum his de rebus extant scripta, & qui primitivæ illius Apostolicæ Ecclesiæ pars, & membra potissima fuerunt, in medium produximus, qui eadem omnia, quæ & ipsi ab Apostolis, eorumq; immediatis Successoribus credenda acceperunt, per continuam, & infallibilem successionem nobis tradiderunt: quibus si fides sit habenda, quando testati sunt Evangelium, *verbi gratia*, Matthæi verè Canonicum librum, ac Dei verbum esse, par etiam illis habenda Fides erit, quando asserunt, & testantur Apostolicam Ecclesiam docuisse, *verbi grat*: Sanctos invocari posse &c. neque enim ulla ratio excogitari potest, cur in primo, & non in altero Fides eis adhibenda sit. Atq; adeò, si credamus Evangelia quæ habemus, esse Verbum Dei, & eorum auctorum, quibus adscribuntur, idq; non alia de causa credere possimus, quam quia hoc ab Ecclesiâ primitivâ, per omnes Sanctos Patres, & totum Christianismum per Successionem, continuam accepimus; Ergo etiam, quæ per eosdem testes, & eandem planè viam credenda, nobis sunt proposita, eadem Fide credere debemus. Sed  
eandem



## EPILOGVS.

eandem Scripturarum interpretationem & eandem penitus doctrinam, quam nunc tenet, & docet Ecclesia Romana, per eodem testes ac viam accepimus, per quam nobis tradita sunt Evangelia. Ergo eadem Fide doctrina Ecclesiæ Romanæ, nunc tenenda est, quæ credimus & tenemus Evangelia, quæ habemus, esse genuina, & Canonica.

Sed dicet fortasse aliquis: Ecclesiam primitivam Apostolicam, in tantum fuisse veram, & infallibilem, in quantum sacris litteris adhæsit, & sensum earum verum, genuinum ac infallibilem secuta est; unde fit, quod genuinus sensus Scripturarum, non sit petendus ab Ecclesiâ, sed potius contra, Veritas Ecclesiæ investiganda, & cognoscenda sit ex eo, si verum & genuinum sensum scripturarum, teneat & sequatur.

Respondeo 1. Si non ab Ecclesiâ sensus, dubiarum Scripturarum sit petendus, sed ex Scripturis agnoscenda sit Ecclesia, in æternum non poterit agnosci, quamnam modo sit, vel antiquius vera fuerit Ecclesia. Cum enim sicut modo: ita & antiquitus diversi fuerint cæti, qui se rectè intelligere, Scripturas asserabant, nunquam aliquis scire potuisset, nec etiamnum possit, quinam ex omnibus rectè Scripturas

## EPILOGVS.

sunt secuti, nisi aliquid habeatur infallibile, cui omnes possint, & teneantur acquiescere. Illud autem *Infallibile* non potest esse Scriptura, de qua disputatur, ob rationes sæpe dictas. Ergo debet esse aliquid aliud. Nihil verò aliud *infallibile* reperi potest, nisi illa vera Ecclesia, cui infallibilitatem Dominus promisit. Ergo hæc sola genuinum Scripturæ sensum est secuta. Sed omnium confessione certum est Ecclesiam Romanam, quæ Apostolorum, & paulò post sequenti tempore floruit, veram in terris visibilem Ecclesiam fuisse; cui illam infallibilitatem Christus est pollicitus. Ergo illa sola, non autem dissentientes aliæ, verum Scripturarum sensum habuit, & consequenter, non ex dubiis Scripturis cognoscenda est Ecclesia, quod factum impossibile est, sed ex vera Ecclesia, dubius Scripturarum sensus est petendus.

Respondeo 1. Vel omnes illi S.S. Patres, a nobis in omnibus demonstrationibus citati, in vera & infallibili, ac visibili Ecclesia fuerunt, vel certè non fuerunt. Si fuerunt, certum est, eos Doctrinam habuisse Sacris literis, in omnibus essentialibus conformem, & consequenter rectè Scripturas interpretatos esse; nemo enim in vera Ecclesia esse potest, nisi qui rectum ac genuinum Scripturarum sensum



## EPILOGVS.

in rebus Fidei substantialibus teneat, & sequatur. Si igitur Scripturas rectè & verè intellexerunt, necessarium est, ut omnes qui in verâ Ecclesiâ esse volunt, etiam in eodem sensu Scripturas intelligant & explicent, in quo eas illi Patres intellexerunt. Unicus enim tantum esse potest verus scripturarum sensus.

Si verò dicant Adversarij, citatos illos Patres in verâ Ecclesiâ non fuisse, eò quod Scripturas non intellexerint in eo sensu, in quo nunc intelligunt Adversarij. Tunc necessario sequitur.

1. Patres illos omnes, quos Sanctos & plenos divino Spiritu fuisse, & nunc in cœlis cum Christo gloriosos regnare credunt Adversarij, & quorum Scripta, ubi posita sunt, ad confirmationem sui Dogmatis attrahere conantur, non tales; Sed Viros impios & impostores, Spiritu Diabolico repletos, & Hæreticos fuisse, utpote qui scripturam in recto sensu, non sunt interpretati, neq; in verâ Christi Ecclesiâ, extra quam nulla salus est, unquam fuerint.

2. Si omnes illi in Ecclesiâ verâ non fuerunt, Ergo tenentur Adversarij quempiam alium assignare, ex toto illo numero Virorum, ac Doctorum, immediate post Apostolos viventium, qui in Ecclesiâ verâ Christi fuerit; Si nullum talem possint demonstrare, Ergo etiam non poterunt demon-

## EPILOGVS.

demonstrare, ullam unquam in Mundo post Apostolorum obitum, veram Ecclesiam visibilem, & Scripturarum rectam ac genuinam intelligentiam fuisse. Et consequenter omnes Christi promissiones, de Ecclesia constantia, ac perpetuitate factas, esse falsas ac mendaces.

Ex quibus omnibus jam dictis Responsum, ad Objectionem manifestum patet; videlicet certum quidem esse Ecclesiam, in tantum esse veram, in quantum Sacris litteris conformis est: Ita tamen, ut quando Sacra Littera dubium sensum habent, vel habere possunt, sensus genuinus non sit petendus à Scripturis æquè dubiis, ac obscuris, de quibus litigatur: Sed ab Ecclesia, cui Christus infallibilem, ejus explicandi potestatem dedit. Atq; ideò, quando Ecclesia vera inventa est, simul etiam vera Scripturarum, interpretatio inventa est. Cum ergo extra omnem Controversiam, veram Ecclesiam credamus omnes, etiam Adversarij, fuisse eam, quæ ipso Apostolorum tempore, & immediate subsequente floruit. Ergò necesse est, in illa veram etiam Scripturarum intelligentiam fuisse. Cum autem nunc Ecclesia Romana, eodem modo Scripturas intelligat, & eandem, in Articulis substantialibus doctrinam habeat, quam habuit illa primitiva Apostolica



## EPILOGVS.

Apostolica, (quod in singulis Controversiis, clarè demonstravimus,) sequitur meridiana luce clarius, modernam Ecclesiam Romanam, veram, visibilem, infallibilem & immaculatam Christi Sponsam esse: Cæteras verò omnes, ab ejus doctrina recedentes, pro falsis, mendacibus, ad Hæreticis censendas.

Quare, Amice Lector, quisquis extra Romanam Ecclesiam versaris, si Animæ salutem amas, & ad illam consequendam, infallibilem & veram unicam Religionem quæris, hæc tecum seriò perpende. Invenies profectò Ecclesiam Catholicam Romanam, esse veram illam & antiquam Apostolicam Ecclesiam, adversus quam promissit Dominus, Portas Inferi non prævalituras, & extra quam salvari nemo potest; utpote quæ sola Christum Auctorem suum habeat. Alias vero reperies ab Apostolicâ Doctrina, longè aberrare, utpote novitias, & ab Apostolica primitiva, in plerisque gravissimè dissentientes. Audi, de hujus Ecclesiæ doctrinâ loquentem Paulum ad Galat: 1. *Licet nos & Angelus de Cælo Evangelizet vobis, præter quam quod Evangelizavimus, Anathema sit.* In quæ verba pulchrè Augustinus de Unitate Ecclesiæ Cap. 11. *Evangelizata est nobis Ecclesia per totum Orbem Terrarum*

## EPILOGVS.

*Terrarum futura: Hoc in Lege & Prophetis, & Psalmis esse pronuntiatur, ipse Dominus testificatus, qui eam capturam ab Hierusalem, & per omnes Gentes, permanfuram esse prædixit. Testes sibi futuros in Hierusalem, & in tota Iudea & Samaria & usq; in totam Terram: Cum jam in Cælum ascenderet, pronuntiavit. Hac verba, facta sunt secuta. Quomodo captum sit ab Hierusalem, et deinde processum in Iudeam & Samariam, & in totam Terram, ubi adhuc crescit Ecclesia, donec usq; in finem etiam reliquas Gentes, ubi adhuc non est, obtineat Scripturis Sanctis testibus congruenter ostenditur. Quisquis aliud Evangelizaverit, Anathema sit. Aliud autem Evangelizat, qui perisse dicit, de cætero Mundo Ecclesiam, & in parte Donati, in sola Africa permanisse dicit: Ergo Anathema sit, Hæc de Ecclesia Romana, sui temporis contra Donatianos Sanctissimus ille Doctor. Annon, si Deus illum modo terris redderet, illud ultimum, merito reperere, contra Lutheranos posset? Videlicet: Aliud autem Evangelizat, qui perisse dicit, de cætero Mundo Ecclesiam, & in parte Lutheri in sola Germania permanisse dicit. Dicunt hoc profectè Lutherani, dum Ecclesiam suam solam, quæ in aliqua tantum Germaniæ parte nota est, veram & Apostolicam, omnes autem alias*

Bb
falsas



## EPILOGVS.

falsas & erroneas esse contendunt.

Redi igitur, ô Lector, unde abiisti; vestigia majorum tuorum inspice, & videbis illos aliam instituisse Viam, hoc est in verâ & Apostolicâ Ecclesiâ fuisse. Videbis illos idem credidisse, quod nunc Ecclesia Romana credit. Te verò credere, quod omnes veteres Hæretici, Rebelles, & ab Ecclesia Apostolica damnati, crediderunt. Cum ergò Sanctorum Patrum, unanimem consensum de Doctrinâ nostrâ, tibi exposuerim, & ostenderim idem nunc Catholicos credere & sentire, quòd docuerunt, & crediderunt tot Viri Apostolici, & Spiritu divino pleni, quos nunc in Cælis gloriosos triumphare credis. Quid eam Fidem & Doctrinam dubitas amplecti, per quam solam ipsi Salutem suam consecuti sunt? Cogita ergo, per salutem Animæ tuæ, Te rogo, cogita tibi sociisque tuis Deum: per Prophetam suum Ieremiam loqui, cap. 6. § 6. *Hæc dicit Dominus*

*State super Vias, & videte, & interrogate de semitis antiquis, quæ sit  
Via bona, & ambulate in ea,  
& inuenietis refrigeri-  
um animabus*

*vestris-*

§.



CATA

# CATALOGVS.

*Quorundam SS. Patrum & Conciliorum, à quibus Ecclesia primitiva, Scriptis & Sanguine defensa. & illustrata fuit, & in his Controversiis citati sunt.*

## SÆCVLVM PRIMVM.

Patres.

Concilia.

ANNO CHRISTI

ANNO CHRISTI

70. Linus Romanus  
Pontifex.

71. Hierotheus Pauli  
Discipulus.

51. Hierosolymitanū

80. Clemens Romanus  
Pontifex.

84. Anacletus Romanus  
Pontifex.

92. Ignatius Antioche-  
nus.

96. Martialis Lemovi-  
censis.

96. Evaristus Romanus  
Pontifex.

100. Dionysius Arcopa-  
gita.

## SÆCVLVM II.

109. Prochorus.

120. Papias.

Bb ij

127. Telasphorus.



## CATALOGVS.

Parres. ANNO Christi.	Concilia. ANNO Christi.
127. Telsphorus	198. Romanum sub Vi- ctore 1. in quo Decre- tum ut Pascha celebre- tur Die Dominico pro- ximè sequēte decimam quartam Lunam & æ- quinoctium Vernum.
130. Hermas.	
150. Iustinus Martyr.	
150. Egesippus.	
150. Melito Sardenfis.	
160. Tatianus.	
160. Dionysius Corinthiacus.	
163. Soter.	
170. Theophilus Antiochenus.	
170. Athenagoras.	
180. Irenæus.	
198. Policrates.	

## SÆCVLVM III.

200. Clemens Alexandrinus.	
200. Tertullianus.	
206. Minutius Eelix.	
218. Calistus Roman; Pont.	
	220. Hippo.

# CATALOGVS.

Patres. ANNO Christi.	Concilia. ANNO Christi,
210. Hippolytus Martyr Ep. Portuensis.	
221. Theon.	
222. Iulius Africanus.	
226. Ammonius Alexan- drinus.	
230. Origenes Adamanti9	266. Antiochenum 70 Episcoporum sub Dio- nysio Papâ, contra er- rores & impietatem Pauli Samosatani An- tiochia Episcopi.
237. Fabianus Romanus Pontifex.	
237. Gregorius Neocæ- sarensis.	
250. Cyprianus.	
250. Firmilianus.	
250. Proclus.	
250. Pontius Diaconus.	
251. Eusebius Alexandr.	
254. Cornelius Roman9 Pontifex.	272. Antiochenum 2. contra eundem.
260. Dionysius Alexandr.	
260. Zeno Veronensis.	



# CATALOGVS.

Patres.

ANNO Christi-

Concilia.

ANNO Christi

270. Victorinus Pictaborensis.

285. Methodius Tyrius.

385. Arnobius Rhetor.

299. Lactantius Firmianus

## SÆCVLVM IV.

300 Petrus Alexandrinus 303. Sinuessanum.

311. Constantinus Imper. 305. Eliberinum.

320 Eusebius Cæsariensis. 313. Romanum

330. Antonius Abbas. 314. Ancyranum 1.

330. Iuencus. 314. Neocæsariense.

336. Iulius Papa. 314. Arelatense 1.

340. Athanasius Alex- 324. Romanum in quo  
andrinus; expressa fit mentio de  
Cardinalibus, Episco-  
pis, & omnibus Ordini-  
bus Ecclesiæ.

350. Iulius Firmicus 325. 1. NICÆNVN  
Maternus Generale.

350. Hilarius Pictaviensis 335. Arelatense 2.

350. Magnes

355 Petrus

# CATALOGVS.

Patres.

ANNO Christi,

Concilia.

ANNO Christi,

355. Petrus Diaconus.

337. Romanum contra  
Arrianos sub Iulio I.

355. Sebalus Agennensis

348. Chartaginense I.

357. Cajus Marius Victor

357. Smyrnenſe

358. Eusebius Vercellensis

359. Ariminense.

360. Q. Iulius Hilarion.

361. Didymus Alexan-  
drinus.

361. Gangrenſe aduer-  
ſus Eufſtathium qui Ma-  
trimonium damnabat.

365. Titus Boſtrenſis

363. Antiochenum.

366. Theodorus Antiochenus.

370. Lucifer Calaritanus

374. Valentinum.

370. Pacianus.

381. 2. CONSTANTINO-  
POLITANUM, à Damaso  
indictum contra Mace-  
donium, pro Spiritus  
Sancti divinitate.

370. Cyrillus Hieroso-  
lymitanus.

370. Ephræm Syrus.

370. Basilius Magnus.

381. Aquileienſe adver-  
ſus Arrianorum Reli-  
quias.

370. Apollinarius Laodi-  
censis.

370. Ambrosius

381. Cæſar auguſtanum  
contra



# C A T A L O G V S.

Patres ANNO Christi.	Concilia. ANNO Christi.
370. Optatus Milevitanus	contra Priscillianistas.
370. Gregorius Broctiensis	382. Romanum
370. Valentinus, Valens & Gratianus Imperatores.	395. Tauritanense.
374. Philo Carpathius	396. Charthaginense 1.
380. Prudentius.	397. 3.
380. Macarius Ægyptio	398. 4.
380. Damasus Romanus Pontifex.	398. 5.
380. Amphilocheus.	
380. Epiphanius.	
380. Gregorius Nazianzenus.	
380. Gregorius Nyssenus.	
380. Philactrius Brixienfis.	
380. Oriciensis.	
380. Nectarius Constantinopolitanus.	
380. Faustinus.	
387. Syricius Romanus Pontifex.	
386. Timotheus Alexandrinus.	
390. Hieronymus.	

Ruffinus

# CATALOGVS.

Patres.

ANNO Christi.

Concilia.

ANNO Christi.

390. Ruffinus.

390. Theophilus Alexandrinus.

390. Theophilus Antiochenus.

390. Ioannes Episc: Hierosolymitanus.

396. Tichonius.

398. Helladius.

398. Euagrius.

398. Merobaudis.

## SÆCVLVM V.

400. Chromatius

408. Tolctanum 2. sub  
Innocentio 1.

400. Gaudentius Brixien-  
sis.

416. Chartaginense 6  
à 70 Episcopis habitum  
contra Pelagium &  
Cœlestium.

400. Augustinus.

416. Milevitanum à  
61 Episcopis contra  
Pelagium.

400. Honorius & Theo-  
dosius Imp.

400. Ioannes Chrysostomus.

400. Paulinus Presbyter.

408. Innocentius I.

Bb v

Petrus



# CATALOGVS.

Patres.	Concilia.
ANNO Christi.	ANNO Christi.
403. Petrus Chrysologus.	
410. Paulinus Nolanus.	
410. Palladius.	
410. Synesius.	
417. Zosimus.	418. Carthaginense 7. à 114 Episcopis sub Zo-
420. Ioannes Cassianus	zimo Papa.
420. Idacius.	
420. Severus Sulpitius.	
420. Severus Minoricēsis	420. Africanum.
225. Paulus Orosius.	
430. Proclus Constantinopolitanus	
430. Nilus Monachus.	
430. Cyrillus Alexandrinus.	
400. Possidius.	
400. Vranus Presbyter.	
430. Maximus Taurinensis.	
430. Sozomenus.	
430. Socrates.	
	433. Sixtus

# CATALOGVS.

**Patres**  
**Anno Christi**

**Concilia.**  
**Anno Christi.**

- |                                    |  |
|------------------------------------|--|
| 433. Sixtus Tertius.               | 431. 3. EPHESINVM<br>Generale contra Nesto-<br>rium pro unitate Perso-<br>næ in Christo.   |
| 440. Isidorus Pelusiota            | 439. Regiense.   |
| 440 Arnobius Iunior.               |  |
| 440. Vincentius Lirinensis         |  |
| 440. Euodius.                      | 441. Arausicanum 1 sub<br>Leone 1.   |
| 450, Theodoretus.                  | 442. Vascense in Aqui-<br>tania sub Leone 1.   |
| 450. Leo magnus.                   |  |
| 450. Eucharis Lugdunensis.         |  |
| 450. Prosper Aquita-<br>nicus,     | 451. 4. CHALCEDO-<br>NENSE Generale sub Le-<br>one 1. pro duabus Natu-<br>ris Iesu Christi, contra<br>Eutycheten & Diosco-<br>rum. |
| 450, Basilius Seleucius            |  |
| 460. Claudius Marius<br>Victor.    |  |
| 460. Victor Antiochenus            | 453. Arelatense 3.   |
| 460. Sedulius.                     | 453. Venericum in Bri-<br>tanniâ minori.   |
| 461. Hilarius Romanus<br>Pontifex. | 463. Arausicanum 2.  |
|                                    | 469. Claudius  |



# CATALOGVS.

Patres. Anno Christi.	Concilia. Anno Christi.
469. Claudianus Mamertus	464. Carpenſtoratenſe
470. Eſaias Abbas.	465. Romanum ſub Hilario Papa.
470. Caſarius Arelatenſis.	
470. Iſaac Presbyter.	
470. Gennadius Maſſilienſis.	
477. Salonius Vienneniſis	
480. Victor Vricenſis.	481. Turonenſe x. ſub Sylucrio Papa,
480. Salvianus Maſſilienſis.	
480. Vigilius Tridentinus.	
480. Conſtantius Presbyter	Romana Concilia VI. Annis 465. 481. 484.
480. Sidonius Apollinaris	494. 495. 499.
480. Diadochus.	
490. Gelafius.	
490. Ferrandus Diaconus.	
495. Nemefius.	



# INDEX

# Index rerum Notabili- um, quæ in 2- parte conti- nentur.

A.

Assistentia S. Spiritus

pag. 70.

C.

Cælibatus Sacerdotum.

pag. 267.

Cælibatus Ecclesiastico præcepto est inductus p. 274

Cælibatus instituti causa-

p. 277.

Objectiones solvuntur.

p. 280.

Certus de sua Iustitia nemo est.

p. 191.

Objectiones solvuntur.

p. 195.

Castitas ab omnibus servari potest.

p. 302.

Objectiones solvuntur.

p. 309.

Confessio particularis non est inventum hu-  
manum.

pag. 76.

Sententia de hac Bröckmanni.

p.

Confessio hac est ex jure divino.

p. 99.

Clavis data est Apostolis.

pag. 89.

Confessio particularis ex S. Scriptura probatur ibid

Confessio non est carnificina conscientiarum. 103.

Non est impossibilis.

p. 104.

Eam Neclarius non sustulit.

p. 106.

Concupiscentia in actu primo non est pecca-  
tum.

p. 151.

Eadem in actu 2. sine libero consensu, non est

peccatum.

pa 152



# INDEX

<i>Confirmatio est Sacramentum.</i>	pag. 46.
<i>Probatur.</i>	pag. 54.
<i>Consilia Evangelica</i>	pag. 166. 184.
<i>Consilij à precepto differentia.</i>	pag. 171.
<i>Continentia voluntaria</i>	pag. 172.
<i>Objectiones solvuntur.</i>	pag. 173.
<i>Continentia prestat Conjugio.</i>	pag. 291.
<i>Probatur.</i>	pag. 296. & seq.

## E.

<i>Ecclesia moderna non deflexit ab antiqua in illo essentiali puncto.</i>	pag. 23.
<i>Ecclesia vera cognitio necessaria est.</i>	pag. 37.
<i>Ecclesia potest obligare Conscientias.</i>	pag. 240.

## I.

<i>Idea fidei.</i>	pag. 8
<i>Iejunia primitivæ Ecclesie.</i>	pag. 234.
<i>Iejunia certis temporibus ab Ecclesia affiguntur.</i>	p. 291.
<i>Iejunia fere 4 &amp; 6.</i>	pag. 248.
<i>Iejunia precepta Vet: Test:</i>	pag. 250.
<i>Iejuniorum modus seu ratio</i>	pag. 251.
<i>Iejunij tempus certum ex verbo Tradito constat</i>	p. 257.
<i>Iejunij oppugnationes</i>	pag. 257.
<i>Imaginum cultus.</i>	pag. 317.
<i>Probatur.</i>	pag. 321 & seq.

<i>Objectiones solvuntur.</i>	pag. 326.
-------------------------------	-----------

<i>Iudex Controversiarum non est scriptura nec esse potest</i>	p. 34
<i>Iudex litium in fide est Ecclesia.</i>	pag. 35.
<i>Iudicaria potestas dignoscendi &amp; remittendi peccata est in Ecclesia.</i>	pag. 87.

## M.

<i>Matrimonium est Sacramentum</i>	pag. 48.
------------------------------------	----------

# INDEX

*Probatur esse* pag. 58.

*Objectiones solvuntur.* pag. 71.

*Mediatore Christo semper egemus in duabus rebus* p. 163

## O.

*Obedientia voluntaria.* pag. 182.

*Opera supererogationis.* pag. 165.

*Opera quomodo nostra propria, & non Deo debita  
sint.* pag. 230.

*Opusculi huius methodus.* pag. 12.

*Ordo Sacramentum.* pag. 46.

*Probatur esse.* pag. 59.

*Ordo est Sacramentum, licet non possit ex scripturis  
clare ostendi.* pag. 69.

## P.

*Patres in essentialibus fidei misteriis non dissen-  
serunt* pag. 19.

*Patres & Ecclesia gubernatores simul sumpti, non  
possunt errare.* pag. 21.

*Patrum autoritas non faveat Hereticis* pag. 25.

*Patres à Catholicis preponi Scripturis falso nobis  
imponitur.* pag. 28.

*Patrum autoritate duas ob causas Catholicæ tri-  
umphant,*

*Pauperes voluntaria* pag. 177.

*Objectiones solvuntur,* pag. 179.

*Perfectio Christiana duplex* pag. 189.

*Peccatorum discrimen* pag. 109.

*Peccatum Veniale & Mortale dari probatur.* pag. 114.

*Peccati imputatio.* pag. 119.

*Peccatorum discrimen oppugnatur & defenditur* p. 124.

*Peccati malitia infinita est tantum secundum quid* p. 129



# INDEX.

*Peccata Decalogi observari possunt cum DEI*  
*gratia* pag. 132. 136.  
*Probatnr idem* 137.  
*Objectiones solvuntur. ibid. & seqv.*

## R.


*Reliquia sacra sunt colenda* pag. 340.  
*Reliquis sacris debetur honor.* pag. 348.  
*Objectiones solvuntur.* pag. 353.

## Errata graviora.

Potestatem pro posteritatem pag: 10. in dedic: l. 10.  
**V**Triusq; pro, utrisq; pag. lin: 12. Christum pro Chri-  
 sti, p. 19. l. 11. *propugarunt*, pro propugnatum,  
 p. 10. l. 1. *Peccata*, pro, peccata p. 110 l. 1. *Deben* p.  
 debent, p. 120 2. *Nun* pro, nunc, p. 177 l. 17. *Voluit* pro  
 voluitur, p. 235. l. ult. *Aranfiacatum*, pro Arausica-  
 num, p. 271. l. 12. *unnam*, pro unam p. 284. l. 4.  
*yunia* pro *yuidia*, pag. 248. l. 10. *Sc.* pro & p. 29. l.  
 3. a fine. *Creator*, pro Creator, p. 293 *coniugium* pro  
 Conjugium p. 294. l. ult. *Aligatus*, pro alligatus p.  
 297. l. 7. a fin. *est* pro & pag. 301 l. 8. a fin. *Domnum*,  
 pro Donum, p. 304 l. 7. *opstricla* pro *obstricla* pag.  
 316. l. r. *Acerdos* pro Sacerdos, pag. 318. l. 4. a fine.  
*Leniti*, pro leuitici, pag. 321 l. 3. a fine. *Imaginum*,  
*deest* pag. 331. l. ult. *Decorsum*, pro Deorsum, pag.  
 331. l. 9. *Fore*, pro fortè, p. 333. l. 18. *Fu-*  
*gentium*, pro fugientiũ, pag.  
 353 lin: 13.



9436





3354

Libris Joannis Kleyns  
Pirathi Librarij  
1740

9436.



